






12-19. a.







TRIENNIVM² PHILOSOPHICVM

quod

P. ANDREAS SEMERY REMVS
E Societate IESV.

In Collegio Romano

*Philosophiæ iterum Professor
dictabat*

IO: BAPTISTA PASSERVS
eiusdem Discipulus

Eminentissimo, ac Reuerendissimo


PRINCIPI
CAROLO CARD.
BARBERINO
D. D. D.

Annus Primus

*Conuentus S. Mariæ de Victoria Romæ
fratres*

ROMÆ, Typis Tinaffij.

Superiorum Permissu



12. 2. 8. 24

Eminentissimo , & Reuerendissimo

PRINCIPI

3.

CAROLO CARD.
BARBERINO

IO: BAPTISTA PASSERVS
Felicitatem.



Omum suam ingreditur Philosophia nostra, dum in Conclauue tuum admittitur Emin. Princeps. Neque enim peregrinatur apud te vlla pars Sapientiæ, nec in ædibus Barberinis hospes est amor & studium Veritatis. Inueniet apud te, quas vnice amat, virtutes reliquas, tuoque in sinu, quasi suo in domicilio, simul cum cæteris conquiescet: mitto igitur & grandia illa nomina quibus & VRBANI OCTAVI & Barberinorum Principum inter belli pacisque artes, virtutes eximie sui admi-

ratione terrarum orbem imple-
uerunt, & pronum eorundem
in addictissimam sibi familiam
nostram fauorem, & animum, in
huiusce Philosophiæ nostræ pa-
trocinium aduocare. In te vno
quamuis gentilitia hæc decora
hæreditario iure non modo vi-
geant, sed incrementum acci-
pian; vnum sui amorem amat
Sapientia; tuisque non vt Pur-
purati & Principis, sed vt sui
amantis oculis obuersari se ges-
tit. Præfert illa splendidiorē
noua semper tuæ lucis accessio-
ne Barberinū Solē, qui dū OB-
SCVRA illa mellificantis natu-
ræ mysteria suauissimo tuarum
apū RECLVDIT in opere; quā
apte, & hæc & ipse in tuæ gentis
& Emblema & Stemma coale-
scant, ostendit. Neque enim
quam suauiter, non sibi, sed
toti generi humano adlaborent
apes, vnquam patuit illustrius;
quam

quam cum in Propatruī tui Vrbani Octauī splendidissima beneficentia patuit orbi terrarum, id vnum Barberinos amare, vt amentur ab omnibus, omnesque in amorem sui pertrahant blandissima vi beneficiorum. Huius tu dum fortunam mereris, ænularis virtutes: quas inter singularis tua humanitas monimentum suū apud me ponet æternū; si me meumq; hoc quaecumq; munusculum amico vultu, amico animo non dedigneris excipere.

LECTORI BENEVOLO.

IO: BAPTISTA PASSERVS.



Riennalem Philosophiæ cursum quem à Magistro meo diligenter excepi, habes hic amice lector, suos ita distributum in annos; vt nulla ex tribus Scientijs quæ toti cursui nomen imponunt, sine aliarum consortio prodeat; sed Metaphysica physicis, vtrisque Logica, ex more iam in hac Vniuersitate recepto, promiscua videantur. Atque hoc, puto, æqui boniq; consules, cum ad id maxime impulerit commodum tuum, & meum: tuum quidem, cui quæ singulis annis agitari solent in Scholis, singulos diuisa dantur in tomos, meum vero cui seruatum in scribendo ordinem, nec fas nec animus fuerit in rescribendo inuertere. Res autem hic ita explicatas inuenies, vt similitudines & exempla e numero discipulorum, e cathedra, e scamnis ex ipso Gymnasio alijsque id genus petantur, quæ & dictanti & scribentibus maxime obuiaerant & familiaria. Quæ facile omnia condonabis, si non cogitantem de publica luce, cui tamen non omnino inuitus annuit vt darentur, sed dictantem discipulis suis, ac ijsdem familiariter doctrinam suam insinuantem Magistrum meum, tibi, dum ipse hæc lectitas, repræsentes. vale.

I N D E X ⁵

DISPVT. ET CAPIT.

Pro Summulis .

DISPV TATIO PRIMA

De ijs quæ spectant ad simplicem
apprehensionem .

Cap. 1. **O** *Videtur quod duplex sit terminus .* pag. 3.

Cap. 2. **O** *De suppositione terminorum*
16.

Cap. 3. *Aliæ terminorum proprietates .* 21.

Cap. 4. *De ascensu & descensu terminorum .* 23.

Cap. 5. *De Definitione .* 25.

Cap. ult. *De Diuisione .* 27.

DISPV T. II.

De ijs quæ spectant ad secundam operationem intellectus .

Cap. 1. **D** *De Nomine Verbo &c.* 30.

Cap. 3. **D** *De enunciatione .* 37.

Cap. 4. *De materia & forma propositionis.*
45.

Cap. 5. *De quantitate propositionis .* 48.

Cap. 6. *De qualitate propositionis .* 50.

Cap. 7. *De oppositione propositionum .* 52.

Cap. 8. *De equipollentia propositionum .* 56.

Cap. 9.

Cap. 9.	<i>De conuersione .</i>	58.
Cap. 10.	<i>De oppositione propositionum compositarum .</i>	60.
Cap. 11.	<i>De equipollentia, & conuersione predictarum propositionum.</i>	62.

DISPUT. III.

De pertinentibus ad tertiam operationem intellectus .

Cap. 1.	Q uid sit syllogismus .	66.
Cap. 2.	Q uid, & quotuplex sit figura syllogismi .	69.
Cap. 3.	Quid, & quotuplex sit modus syllogismorum .	71.
Cap. 4.	Regule pro prima figura .	72.
Cap. 5.	Regule pro secunda figura .	75.
Cap. 6.	Regule pro tertia figura .	76.
Cap. 7.	Regule communes pro omnibus figuris .	77.
Cap. 8.	An, & quomodo reduci possint syllogismi imperfecti ad perfectos.	79.
Cap. 9.	In alijs modis fit eadem reductio .	83.
Cap. 10.	Quibus principijs innitatur vis syllogistica .	86.
Cap. 11.	Alię species argumentationis .	87.
Cap. ult.	De syllogismo sophistico .	89.

I N D E X. 6

DISPUTATIONVM

Et Quæstionum anni primi.

DISPUT. PRIMA

Præmialis.

- Qu. 1. **D**E necessitate Logicæ. pag. 96.
Qu. 2. **D**E obiecto Logicæ. 111.
Qu. 3. *An Logica sit virtus.* 167.
Qu. 4. *An Logica sit speculatiua an practica.* 202.

DISPUT. II.

De vniuersalibus in communi.

- Qu. 1. **D**E unitate identitate & distinctione. 227.
Qu. 2. *De distinctione inter gradus metaphysicos.* 239.
Qu. 3. *An inter gradus genericos & differentiales eiusdem indiuidui detur distinctio virtualis intrinseca.* 256
Qu. 4. *De unitate nature vniuersalis.* 273.
Qu. 5. *An præter intellectum aliqua potentia faciat vniuersale.* 317.
Qu. 6. *Per quos actus potentie intellectiue fiat vniuersale.* 326.

DISPUT. III.

De vniuersalibus in particulari.

- Qu. 1. **D**E genere. 338.
Qu. 2. **D**E specie. 347.
Qu. 3.

Qu. 3.	<i>Sitne possibilis species immultiplicabilis .</i>	354.
Qu. 4.	<i>De differentia .</i>	365.
Qu. 5.	<i>De differentia specifica .</i>	371.
Qu. 6.	<i>De proprio & accidente .</i>	400.
Qu. 7.	<i>De indiuiduo .</i>	420.
Qu. 8.	<i>An vniuersale dictum de indiuiduo maneat vniuersale .</i>	435.

DISPUT. I V.

In Aristotelis prædicamenta .

Qu. 1.	D E vniuocis, equiuocis & analogis .	460.
Qu. 2.	<i>De vniuocatione entis respectu substantia & accidentis .</i>	471.
Qu. 3.	<i>An differentia entis præscindant ab ente .</i>	492.
Qu. 4.	<i>Virum ens respectu substantia & accidentis , respectu Dei & creatura sit genus .</i>	503.
Qu. 5.	<i>De Possibili .</i>	513.
Qu. 6.	<i>De Impossibili .</i>	528.
Qu. 7.	<i>De Substantia .</i>	554.
Qu. 8.	<i>De Relatione .</i>	564.

DISPUT. V.

In libros perihermenias , seu de interpretatione .

Qu. 1.	D E significatione vocum .	617.
Qu. 2.	<i>De veritate .</i>	625.
Qu. 3.	<i>De veritate circa futurum .</i>	640.
Qu. 4.	<i>De veritate propositionis de futuro</i>	con-

*conditionato in materia contin-
genti.* 663.

Qu. 5. *De transitu propositionis verae in
falsam.* 677.

Qu. ult. *De reliquis ad veritatem spectanti-
bus.* 685.

DISPUT. VI.

In libros priorum Analyticorum.

Qu. 1. **D**E necessitate conclusionis post
premissas. 695.

Qu. 2. *De praequisitis ad conclusionem.*
701.

DISPUT. VII.

In libros poster. Analyt.

Qu. 1. **D**E scientia. 709.

Qu. 2. **D**E praecognitis ad demonstra-
tionem. 715.

Qu. 3. *De regressu demonstratiuo.* 719.

Qu. 4. *An detur scientia de nouo.* 722.

Qu. 5. *De similitudine scientiae & opinionis.*
733.

Qu. 6. *An etiam fides stet cum opinione &
scientia.* 749.

DISPUT. VLT.

De diuisione & specificatiuo scientiarum.

Qu. 1. **Q**uomodo diuidantur scientiae. 757

Qu. 2. **D**e specificatiuo scientiarum. 761

Qu. 3. *De obiecto Metaphysica.* 773.

Imo.

Imprimatur,

Si videbitur Reuerendissimo
P. Magistro Sacri Palatij
Apostolici.

*I. de Angelis Archiep. Urbini
Vicesgerens.*

Imprimatur,

Fr. Raimundus Capisuc-
chus Ord. Prædic. Sa-
cri Palatij Apostolici
Magister.

ORGANVM ARISTOTELIS,

S I V E

IN PHILOSOPHIAM PERIPATETICAM

BREVIS INTRODVCTIO.



PHILOSOPHIAE Peripateticę, quam hoc anno tradere aggredimur, organum Aristotelis produdere oportet, cui curandum erit, vt cętera consonent, quę dicturi sumus. Hoc leui tactu, & veluti primoribus digitis percurremus in pręsentia, grauiori post manu pulsaturi. Vno verbo logicę, quam explicaturi sumus hoc anno, breue quoddam logicę compendium pręmittimus: SVMMVLAS vocant, quę sũnt veluti tyrocinium, & prima vniuersę philosophię rudimenta. Quia vero totus logicę labor in id vnum incumbit, vt opera intellectus humani se ipso incerti, ac inter verum, & falsum fluctuantis, per certas leges ad rectum dirigat: ideo in primis, & ante omnia scire necesse est, quot sint operationes intellectus quarum hęc directioni studemus.

Sunt autem operationes intellectus omnino tres. Prima omnium dicitur *simplex*, seu prima apprehensio. Per hanc, obiectum, seu rem quamcumque ita intellectu concipimus vt de ipsa nihil omnino, aut affirmemus, aut negemus: vt cum dicis: *Deus; homo; Angelus &c.* Dicitur, & apud Philosophum: *simplicium* apprehensio, non quod res dumtaxat simplices per eam attingamus, sed quia rem quamlibet, quam per ipsam attingimus, pure, & simpliciter attingimus, represen-

A

tando

tando videlicet ipsam præcisè mentibus nostris, de ipsa vero nihil penitus iudicando.

Secunda dicitur propositio, siue enunciatio, siue iudicium. Per hanc de re concepta aliquid vel affirmamus, vel negamus: Propterea dicitur comparatio, ut cum dico *Deus est bonus*, Deum comparo cum bono, & sic de cæteris, & iudico, quod sit bonus. Iudicium affirmans dicitur coniunctiuum, seu compositiuum, ut in exemplo adducto, in quo per copulam *est* coniungo bonum cum Deo: iudicium negans dicitur diuisiuum, ut cum dicis *homo non est quadrupes*, in quo quadrupedem separas ab homine. In secunda operatione tria sunt consideranda. Id de quo aliquid affirmas aut negas, & dicitur subiectum. Id quod de altero affirmas vel negas, & dicitur prædicatum: & ipsa particula *est* quæ dicitur copula, & nexus, per quem prædicatum subiecto appingitur. Si particulæ *est* particulam *non* præfixeris, iudicium feceris ex affirmatiuo negatiuum, ex coniunctiuo diuisiuum, ut satis patet in allatis exemplis.

Tertia intellectus operatio est Discursus. Per hanc intellectus ab aliquibus sibi notis ad alia cognoscenda progreditur: ut cum ex eo quod videam discipulos esse modestos, arguo eosdem esse studiosos, hoc pacto: *omnes modesti adolescentes sunt studiosi: sed isti mei discipuli sunt modesti adolescentes: ergo sunt studiosi*. In hac operatione quæ pro exemplo adduximus prima propositio dicitur maior, secunda minor, tertia vero consequentia. Rationem appellationum huiusmodi alibi afferemus. Iuxta triplicem

cem hanc intellectus operationem, Logicam nostram cum Philosopho trifariam diuidimus. De his, quæ pertinent ad primam egit philosophus in libris prædicamentorum: de ijs quæ ad secundam in libris Periermenias: de ijs quæ ad tertiam in libris priorum, & posteriorum. Hunc eundem ordinem nos philosopho duce, Deo aspirante sequemur.

DISPUTATIO PRIMA.

De ijs, quæ spectant ad simplicem apprehensionem.

CAPVT I.

Quid, & quotuplex sit terminus.

ARTICVLVS I.

Definiuntur aliqui Termini.

Agimus hic de terminis secundum eam rationem secundum quam pertinent ad propositiones. Definitur autem à Philosopho primo prior, cap. 1. terminus propositionis: id in quod resoluitur propositio tanquam in subiectum, & prædicatum appposito, vel separato esse aut non esse. Cape hanc propositionem *homo est animal*: Aufer nexum, seu copulam *est*, remanebunt solum *homo*, & *animal*, quæ sunt duo extrema, quorum alterum in propositione erat subiectum, alterum prædicatum: *homo* igitur, & *animal* sunt termini, in propositione prædicta, Idem dic proportionaliter in hac pro-

positione *homo non est lapis*, in qua si destruxeris *li non est* habebis duos hos terminos: *homo : lapis*.

Obijces Terminus est id, in quod resolvitur propositio: Sed propositio resolvitur in syllabas; ergo syllabæ sunt termini propositionis.

Respondeo negando maiorem, in qua non integra, sed dimidiata termini definitio affertur. Non enim omne id, in quod resolvitur propositio est terminus, sed id, in quod resolvitur tanquam in subiectum, & prædicatum appposito, vel separato *esse* aut *non esse*. Resolutio propositionis in syllabas dicitur resolutio physica, videlicet in partes componentes, sicut domus resolvitur in cementa, & lapides: resolutio autem in subiectum, & prædicatum dicitur resolutio logica: de qua dumtaxat hic agimus.

Vt autem facilius intelligas, quæ dicenda sunt circa terminos; supponere hic debes, quod alibi ex professo tractabitur, voces articulatas significare res non ex natura sua, sed ad placitum (sermo est de vocibus significatiuis) v. g. hæc vox *lapis* non habet ex se magis significare id, quod re vera lapis est, quam id quod est lactuca, vel cucurbita: sed institutores linguæ, penes quos fuit hanc vel illam huic voci significationem indere, maluerunt vt hæc vox *lapis* significaret in quod lapis est, quam id quod cucurbita. Propterea voces dicuntur signa ad placitum; non quod iam vnicuique liceat qualibet voce ad quodlibet vti; sed quia hoc licuit institutoribus humani sermonis. Hæc ad libitum significatio facile explicatur per similitudinem

nem lauri , aut hederæ appensæ pro foribus in signum vini vendibilis, cum id quidlibet aliud æquè potuerit indicare ; si inter homines ita conuenisset . Idem dic de pileo croceo , quo vtuntur Iudæi , qui si hominibus placuisset , æquè potuit significare principes ciuitatis , ac significat nunc humani generis mancipia . His positis .

Diuiditur primo terminus in significatiuū & non significatiuum . Significatiuus est, qui ex hominū voluntate , & placito aliquid repræsentat à se distinctum v. g. hæc vox *panis* prolata non solum manifestat seipsā , sed præterea facit audientem venire in cognitionem illius rei, qua sustentamur, & vescimur &c. Non significatiuus est , qui non habet ab hominum placito aliud à se repræsentare . Huiusmodi est celeberrima vox in scholis . *Blitiri* , & aliæ voces huiusmodi , quas quilibet sibi fingere potest , quibus auditis nihil intelligis, quod ex hominum placitoq; repræsentent .

Dices cum audio hanc vocem *Blitiri* cognosco aliquid ab hac voce distinctum, ergo hæc vox inducit in cognitionem rei à se distinctæ: ergo est terminus significatiuus. Probatur ant. quia audita voce *Blitiri* cognosco proferentem esse viuum , esse præsentem, esse loquentem , & volentem loqui : sed hæc omnia sunt aliquid distinctum a voce *Blitiri*, g. vox *blitiri* inducit in cognitionem non solum sui, sed etiam alterius .

Resp. dist. ant. cognosco aliquid significatum ex hominum placito neg. antec. significatum aliunde concedo antecedens , & neg. consequentiam . Quælibet vox siue in-

stituta, siue non instituta in signum, si proferatur manifestat proferentem esse vinum, esse præsentem &c. Hoc autem significare non habet ex hominum placito, quasi vero ex hominum voluntate institutum sit, vt mortui non loquantur. Sermo autem hic est de vocibus significatiuis secundum placitum.

Quæres quod nam sit discrimen inter hanc vocem *blitiri*, & hanc aliam *nihil*.

Resp. discrimen esse quod hæc vox *blitiri* caret omni significatione, quæ illi insit ex hominum placito. Hæc autem alia *nihil* habet suam veram, & propriam significationem ex hominum placito. Homines enim instituerunt hanc vocem *nihil* ad significandam carentiam rerum omnium.

Dices tam hæc vox *nihil* nihil significat, quàm hæc vox *blitiri* g. par vtriusque vocis conditio.

Resp. neg. ant. Nam nihil significare idem est, ac non significare: eo ipso autem quod *nihil* institutum sit ad significandam carentiam rerum omnium falsum est quod nihil significet. Cum vero *blitiri* careat huiusmodi institutione verum est quod non significat, adeoque quod nihil significat.

A R T I C U L U S II.

Alia diuisiones Terminorum.

Terminus significatiuus alius est singularis, alius communis. Singularis est, qui vni determinatè competit, vt *Petrus*, *Paulus* &c. Communis est qui de pluribus

dicitur, vt *homo*, qui de Petro, & Paulo.
Equus de Bucephalo, & Brunello.

Communis alius est transcendens, alius non transcendens. Transcendens dicitur de omni re tam existente, quàm possibili. Appellatur autem transcendens, propter hoc ipsum, quia transcendit omnia genera rerum. Sex termini transcendentes comprehenduntur hac voce summulistica *Reubau* hoc est *res*, *ens*, *unum*, *bonum*, *aliquid*, *verum*. Non transcendens dicitur solum de rebus vnius ordinis, seu classis, vt *substantia*, *animal*, & alij huiusmodi, qui de pluribus, non vero de omnibus dicuntur. Porro per li: omnia genera rerum: intelligimus præcisè res tam possibiles quàm existentes, ad quas omnes extenduntur termini transcendentes in *Reubau* expressi. Sunt autem alij termini, qui supertranscendentes dicuntur, eo quod non solum ad possibilia, sed etiam ad impossibilia extendantur. Huiusmodi sunt *intelligibile*, *cognoscibile*, *cogitabile* &c.

Rursus terminus communis alius est Vniuocus, alius Aequiuocus, alius Analogus. Vniuocus est, qui de pluribus dicitur inter se similibus in ratione significata. Huiusmodi est hic terminus *homo* respectu Petri, Francisci, Antonij &c. omnes enim isti sunt similes in ratione significata per hanc vocem *homo*.

Aequiuocus est, qui de pluribus dicitur inter se dissimilibus in ratione significata. Huiusmodi est hoc nomen *canis* respectu animalis latrantis, & constellationis cœlestis, & hoc aliud: *Gallus* respectu hominis Franci, &

pulli gallinacei : Analogus est, qui de pluribus, dissimilibus quidem in ratione significata, cum aliqua tamen connexion inter se in hac eadem ratione . Huiusmodi est hoc nomen *sanum* respectu animalis, & medicinæ : nam & animal dicitur sanum, & medicina sana; dissimiliter tamen; animal enim dicitur sanum, quatenus habet perfectam humorum temperiem, quæ est ipsamet sanitas; medicina autem quatenus ad hanc eandem temperiem conducit. Vnde apparet in ipsa met sanitate aliquam dari connexionem animal inter, & medicinam : quatenus sanitas, quæ est in animali, à medicina efficitur .

Præterea terminus alius est finitus alius in finitus. Finitus est, qui prædicatus de subiecto determinat quid ipsum sit, ut cū dico *Petrus est homo* . Per li *homo* intelligis quid sit Petrus. Infinitus est, qui determinat de subiecto quid ipsum non sit, non autem quid sit, ut cum dico *Petrus est non lapis* . Aduerte obiter, quod particula *non* terminum infinitans non efficit propositionem negatiuam, sicut illam efficeret, si afficeret copulam . Hæc enim propositio *Petrus est non lapis* est propositio affirmatiua . Hæc alia : *Petrus non est lapis* est negatiua . In prima propositione particula *non* sumitur infinitanter, in secunda neganter . Quod dicimus de particula *non* infinitante prædicatū, intellige de eadem infinitante subiectum v. g. Hæc propositio *non homo est irrationalis* : si li *non* efficiat vnā dictionem cum li *homo* : est propositio affirmatiua, si vero non efficiat vnā dictionem, sed afficiat totam propositionem.

De Terminis.

onem est propositio negatiua.
Diuiditur insuper terminus in absolutum, connotatiuū. Circa definitionem vtriusq; pra meritum rei litigant summulistæ. Nos terminum absolutum vocamus, qui se solo perfectam, & completam habet significationem, connotatiuum verò qui se solo illam non habet, sed alterum respicit, à quo illam acquirit. Exemplum primi sit hæc vox *homo* secundi hæc alia: *Albus*, si quis enim dixerit: *homo est in area* aliquid perfecte, & terminatè cognoscis, si alius dixerit: *albus in area*: non perfecte intelligis, sed didiciſſi dū erat *homo vel canis albus est in area*. Hæc habes nomina substantiua esse absoluta, obiectiua vero esse connotatiua.

Est prætereā genus aliud quoddam connotationis, quæ consistit in hoc, quod res significata per nomen cognosci nequeat, nisi per comparisonem, seu relationem ad aliam. Huiusmodi connotatio conuenire potest etiam substantiuis. Puta hic terminus *Dominus* connotatiuus, non quod se solo non significat perfecte, sed quia id ipsum quod significat, cognoscitur dumtaxat per comparisonem ad aliud: Dominus enim per relationem ad Seruos cognoscitur. Et dicitur connotatiua obiectiua, quia res ipsa, quæ vel sola, principaliter significatur, cognosci nequit per ordinem ad aliud.

Hoc eodem modo connotatiuus dicitur terminus *cæna*, quia comestio, quæ principaliter significatur per hanc vocem, ipsa nequit, nisi per comparisonem ad tempore vespertino, quod est aliud à comestione.

Diuiditur insuper Terminus in abstractum, & concretum. Abstractus est, qui significat formam vt præcisam à subiecto. Huiusmodi sunt hæ voces; *albedo, animalitas* &c. Concretus est, qui significat compositum ex subiecto, & forma, vt *album, animal* &c. Quando forma distinguitur à subiecto, cui dicitur inesse est concretum physicum: vt *album, dulce* &c. Albedo enim & dulce & distinguitur à subiecto, cui insunt, puta à lacte à saccharo &c. Quando vero forma non distinguitur realiter à subiecto cui dicitur in esse: dicitur concretum metaphysicum, vt *animal*; animalitas enim quæ est veluti forma animalis est realiter idem, ac animal. In primis cōcretis forma dicitur forma physica, in secundis forma metaphysica.

Sunt præterea quedam quæ dicuntur concreta logica: in his forma, quæ distinguitur realiter à subiectis, non inhæret ipsis; sed est ipsis extrinseca. Huiusmodi est hæc vox: *cognitum, amatum, visum*, & alia huiusmodi, res enim quæ cognoscitur, per cognitionem sibi extrinsecam, intrinsecam autem cognoscenti cognoscitur, idem dic de alijs.

Rursus termini concreti alij sunt quidditati alij denominatiui. Quidditatiui sunt qui significant subiectum, & formam vtrumque in recto. Denominatiui qui subiectum in recto, formam in obliquo. Exemplum primi habes in hac voce *homo*, Exemplum secundi in hac voce *album*. Recte dixeris *homo est materia forma*, & *unus*; male: *homo est materia informata per animam*, rectè *album est subiectum informatum albedine* male est sub-

iectum albedo, & unio. Item rectè dixeris: *album est subiectum albedinis, seu subiectum albedinis est album, male homo est subiectum anime, seu subiectum anime est homo.* Ad rationem termini denominatiui requiritur quod concretum significetur nomine grammaticaliter deriuato ab illo, quo forma significatur in abstracto, vt ab albedine album: ex defectu huius conditionis hic terminus *sapiens* non est denominatiuus respectu doctrinæ, quia hæc vox *sapiens* non deriuatur grammaticaliter ab hac voce *doctrina* sed ab hac alia: *sapientia*.

Diuiditur vltcrius Terminus in Categorematicum, & Syncategorematicum. Categorematicus est, qui se solo significat: Syncategorematicus, qui cum substantiuo, cui adiacet habet cõsignificare, illumque determinare ad hanc vel illam suppositionem. Exemplum primi habes in hac voce *homo*, alijsque similibus. Exemplum secundi in his vocibus: *omnis: aliquis: nullus*; quæ determinant acceptionem substantiuu, cui apponuntur. Omnis, & nullus sint syncategoremata vniuersalitatis. *Aliquis* est syncategorema particularitatis. *Hic* est in syncategorema singularitatis.

Dices nomina adiectiua, qualia sunt *iustus, sapiens, bonus* &c. se solis nihil significant, sed solum quando adiacent substantiuu puta *homo iustus: homo sapiens* &c. g. nomina adiectiua sunt tantum syncategoremata.

Resp. neg. ant. Nomina adiectiua significant aliquam formam, quam superaddunt subiecto, quod afficiunt: puta hoc adiectiuu

iustus additum huic substantiuo *homo* superaddit illi *iustitiam*. At vero hic terminus *aliquis* superadditus huic alteri *homo* nihil superaddit, sed solum denotat, quod per li *homo* non debent accipi omnes homines, ut de ipsis verum sit quod dicitur, puta cum dicis: *aliquis homo est in foro*: per li *aliquis* denotas ad veritatem propositionis non requiri, ut omnes homines sint in foro, sed sufficere quemlibet, quicumque ille sit, ad hoc ut verum dixeris. In hac alia: *omnis homo est animal*: per li *omnis* denotas requiri ad veritatem ut nullus homo sit, qui non sit animal.

Diuiditur etiam terminus in complexum, & incomplexum. Complexus est qui ex pluribus constat eandem significationem habentibus seorsim, quam habent simul: ita: *homo iustus* dicitur terminus complexus. Incomplexus est, cuius partes seorsim sumptæ vel nihil significant, vel si aliquid, non idem seorsim, quod simul v. g. *dominus*. Licet enim in hac voce sint *do*, & *minus*, quorum utrumque aliquid significat non est terminus complexus, non enim idem significant, seorsim, quod coniunctim. Item neque hæc vox *Respublica* est terminus complexus, quia partes diuisæ aliud significant, quam coniunctæ. Coniunctæ enim constituunt vocem, qua significatur quædam hominum communitas, & quoddam genus gubernij. Diuisæ vero quamlibet rem omnium vsui expositam,

ARTICVLVS III.

Expediuntur alij termini.

Quid dicitur præterea terminus in primo intentionalem, & secundo intentionalem. Primo intentionalis est, per quem significas rem prout se habet à parte rei, & independentem à quolibet actu intellectus v. g. *homo*. Etiam si enim nemo cogitet, tamen significata per hoc nomen est homo. Secundo intentionalis est, per quem significas rem prout se habet dependentem ab aliquo actu potentie tendentis in ipsam v. g. hi termini: *cognitum; prædicatum; subiectum*: sunt secundo intentionales: si enim nullus cogitet, res non est cognita, si nullus iudicet, non est neque prædicatum, neque subiectum. Insuper terminus alius est diuisiuus, alius collectiuus. Diuisiuus est qui plura significat, de quorum singulis prædicari potest in recto: vt hic terminus *homo* qui de pluribus humana natura contentis prædicari potest. Recte enim dixeris *Petrus est homo, Paulus est homo*, & sic de cæteris. Collectiuus est qui plura in recto significat, sed nequit de singulis prædicari. Huiusmodi est hoc nomen *Exercitus*, & alia huiusmodi: nam exercitus est hic & ille, & ille alius miles simul accepti. Sed nequit de singulis dici. Male enim dixeris *Alexander est exercitus. Ephesio est exercitus*. Hinc habes hanc vocem *dulce*, & alias similes non esse neque terminum diuisiuum, neque collectiuum: quamuis enim plura significet; subiectura videlicet *dulcedinis*,

dinis, & ipsam dulcedinē non tamen vtrumq;
importat in recto.

Collectiuus alius est primæ intentionis, alius secundæ. Primæ intentionis est, qui significat plura in recto prout se habent à parte rei, & independenter ab operatione intellectus. Vt *ciuitas, exercitus, populus* &c. quibus significantur plures homines independenter ab omni operatione nostri intellectus constituentes communitatem quamdā. Collectiuus secundæ intentionis est qui significat plura in recto, prout se habent dependent ab operatione nostri intellectus. Huiusmodi sunt hæ voces: *Species, Genus*. Nam per voces huiusmodi significatur collectio plurium prout substantiarum cognitioni illa representanti per modum vnius. *Species humana* v.g. est tota collectio hominum prout representata intellectui per modū vnius; hoc est ita representata, vt neq; discernas esse vñū hominē, neque esse plures. Hoc in tractatu de vniuersalibus patebit. Interim supponatur.

Differunt Collectiuum primæ intentionis, & Collectiuum secundæ, quod primum non afferat ex parte obiecti vllum actū intellectus, secundum vero afferat, nam *ciuitas* non constituitur in esse ciuitatis per actū intellectus: *species* autem per actum intellectus constituitur in esse speciei, & *genus* in esse generis: vt explicabitur in loco.

Vltima diuisio terminorum sit in pertinentes, & impertinentes. Impertinentes sunt, qui neque se inferunt, neque excludunt: Huiusmodi sunt *Logicus, & Musicus, niger & architectus* &c. Nā male inferes *hic homo est Logicus, g. est Musicus*. Male etiā,

ergo

ergo non est *Musicus* aut e conuerso: hic homo est *Musicus*, ergo *Logicus*. Item male: hic homo est *niger*, ergo est *Architectus*, aut *g.* non est *Architectus*. Pertinentes sunt, qui se aut inferunt, aut excludunt. Huiusmodi sunt: *logicum*, & *rationale*. *Album*, & *Nigrum*. Recte enim dices: hic homo est *Logius*, ergo est *rationalis*. Rectè hoc *pallium* est *nigrum*, *g.* non est *album*.

Pertinentes, qui se inferunt, dicuntur pertinentes sequela, seu consequentes. Ex ijs alij sunt conuertibiles, hoc est se mutuo inferentes, vt *risibile* & *flebile*: valet enim est *risibilis*, ergo *flebilis*, & e conuerso. Alij superiores, alij inferiores. Animal respectu hominis est terminus superior, quia spectat & ad omnes homines, & ad alia plura: non enim solum de homine, sed & de Equo, & de Leone dices: est *animal*. Homo autem respectu animalis est inferior, quia cum de omnibus, de quibus prædicatur homo, dicatur animal; homo non de omnibus, sed tantum de aliquibus dicitur, de quibus animal prædicatur.

Inter pertinentes reponuntur etiam termini oppositi. Alij scilicet, qui propter specialem aliquam repugnantiam nequeunt conuenire eidem. Opponuntur autem termini multipliciter primo contradictoriè quando nimirum per vnum tollitur illud idem, quod per alterum ponitur, vt *album*, & *non album*. Secundo contrariè quando vterque significat aliquid positium, sed expellunt se mutuo ab eodem subiecto, vt *calidum*, & *frigidum*. Tertio priuatiuè, quando per vnum significatur forma, & per alterum ca-

rentia formæ in subiecto apto vt cæcus, & videns. Cæcus enim seu subiectum quod dicitur cæcum habet natura sua aptitudinem ad visum; ideoque non dicitur, nisi de animali. Quarto relatiuè, quando scilicet vnus dicit ordinem, seu habitudinem ad alterum; vt *Pater, & filius: Dominus & Seruus*: Denique pertinentes qui se excludunt dicuntur pertinentes repugnantia. Atque hæc de diuisionibus terminorum sufficiant.

C A P V T II.

De suppositione Terminorum.

A R T I C V L V S I.

Explicantur aliqua suppositiones.

INter alias proprietates terminorum examinamus hic suppositionem quæ est potissima: est autem Suppositio, positio vnus rei loco alterius. Ita in ludio, calculi, vel fabæ supponunt pro nummis; hoc est ponuntur loco nummorum. Loquendo autem de suppositione terminorum: Definitur hæc à Tolero lib. 2. cap. 1. vsus siue acceptio terminis pro se, vel pro suo significato: Vsus termini pro se dicitur suppositio materialis: vt cum dico. *Homo est vox dissyllaba*, li homo supponitur materialiter.

Vsus autem termini pro re significata dicitur suppositio formalis: vt cum dico: *homo est animal rationale*. Circa hanc, & illam suppositionem equiuocatur hoc sophisma. *Homo est vox dissyllaba, sed tu es homo, ergo*

ergo tu es vox dissyllaba; quia tamen non nisi valde improprie idem dicitur supponere, seu supponi pro se ipso, ideo fortasse melius definieris suppositionem terminorum sic; *est acceptio termini pro re distincta a termino*.

Dupliciter autem supponi possunt termini pro rebus, quas significant, active scilicet, & passive. Active quatenus præstant id quod præstarent res si adessent, excitando nimirum cognitionem earum, passive quatenus sustinent prædicata, quæ conueniunt rebus. Vtrumque apparet in hac voce *homo*: Nam sicut viso hominē excitatur in mente cognitio hominis, ita etiam excitatur audita hac voce *homo*: & sicut illi rei, quæ homo est conuenit esse animal; ita & vox *homo* in propositione sustinet hoc prædicatū *animal* dicis enim *homo est animal*, nā vt ait philosophus, primo elench. cap. I. *nominibus tanquam symbolis rerum utimur, & quidquid accidit nominibus id rebus euenire putamus*. Idest proprietates illæ, quæ à nobis vel affirmantur, vel negantur de subiecto; non de voce, qua utimur; sed de re significata per vocem intelligere oportet.

Loquendo igitur de suppositione proprie dicta. Terminus communis supponere potest vel vniuersaliter, vel particulariter, vel singulariter, prout afficitur syncategoremate vel vniuersali, vel particulari, vel singulari. *Omnis homo; aliquis homo; hic homo*.

Secunda diuisio suppositionis sit in simplicem, & personalem. Circa hanc non est vna omnium mens, & definitio. Nos definitionem Hurtadi pro legitima admittimus. *Suppositio simplex est acceptio termini pro*

re significata, prout substante secundis intentionibus. In hac suppositione est terminus communis quotiescumque subiicitur termino collectiuo secundæ intentionis, vt cum dico: *homo est species: animal est genus*. Tunc enim si homo accipitur pro tota collectione hominum prout hæc substat cognitioni cuidam confusæ per quam constituitur in ratione speciei. Et si *animal* accipitur pro tota collectione animalium prout substante cognitioni itidem confusæ per quam constituitur in esse generis. Quod autem dicitur de termino accepto in hac suppositione simplici, non potest dici de inferioribus comprehensis sub ipso. Nō enim dices *Petrus est species. Paulus est species. Homo est genus. Equus est genus*: quamuis homo & equus comprehendantur sub animali, Petrus, & Paulus sub homine.

Suppositio personalis est usus termini pro re significata prout se habet secundum se, & independēter ab actu intellectus v.g. *homo est animal*. Quod dicitur de termino communi ita supposito dicitur de omnibus inferioribus. Dicitur enim *Petrus est animal, Paulus est animal &c.* Dicuntur autē inferiora alicuius termini singularia, vel minus vniuersalia, quæ sub tali termino continentur. Ita quia hæc vox *homo* significat Petrum, Paulum, & Franciscum. Petrus Paulus, & Franciscus dicuntur inferiora hominis quia hæc vox *animal* significat hominem, leonem, & canem. Homo, leo, & canis dicuntur inferiora animalis. Suppositio simplex dicitur etiam secundo intentionalis. Personalis vero primo intentionalis.

ARTICVLVS II.

Explicuntur alie suppositiones.

Praterea suppositio alia est collectiua, alia distributiua. Distributiua est, quando accipitur terminus communis itaut quod de ipso dicitur, dici possit de singulis ipsius inferioribus: vt cum dico; *Omnes Apostoli sunt sancti*, valet enim & *Petrus est sanctus*, & *Andreas est sanctus*, & sic de reliquis. Collectiua vero est, quando accipitur terminus itaut quod de ipso dicitur dici possit dūtaxat de omnib' inferioribus simul sumptis: vt cum dico: *omnes Apostoli sunt duodecim*. Non enim dices, & *Petrus est duodecim*, & *Andreas est duodecim*, & sic de cœteris.

Rursus distributiua alia est accomode cōpleta, alia completa. Completa est acceptio termini communis pro omnibus inferioribus siue mediātē, siue immediātē subiectis, vt *omne animal est viuens*, accomodē completa, quæ etiam dicitur incompleta est acceptio termini communis pro aliquo, vel aliquibus, ex quolibet genere seu ex qualibet specie inferiorum; non tamen pro omnibus, vt cum dicis: *omne animal fuit in arca Noë*; vnde non valet: *omne animal fuit in arca Noë*, sed *meus Equus est animal*, ergo *meus Equus fuit in arca Noë*: in prima propositio-
ne li omne supponit pro singulis generum; in secunda pro generibus singulorum.

Insuper suppositio alia est disiunctiua, & determinata, alia indeteterminata, & confusa. Disiunctiua, & determinata est acceptio ter-
mini

mini non pro omni suo significato, sed pro aliquo, ita ut descendendo ad singula per aliquod determinatè debeat verificari propositio v. g. si dixeris *aliqua navis nauigat*, ut vera sit propositio requiritur, ut descendendo ad singulas naues, deuenias ad aliquam determinatè de qua verū sit, *hec nauigat*. Indeterminata vero, & confusa est acceptio termini pro aliquo particulari in confuso, ita ut de quolibet determinatè assignato falsificari possit propositio, quæ vera est, dum terminus particularis confusè accipitur v. g. cum dices: *Aliqua navis est necessaria ad nauigandum*. Vera est propositio, quamuis excurrendo per singulas naues de qualibet determinatè accepta falsum sit: hæc navis est necessaria ad nauigandum: Quæcumq; enim detur, verum est: *non est necessaria*, quandoquidem loco ipsius posset alia adhiberi: cum tamen necessarium sit per aliquam nauem fieri nauigationem.

Ex dictis collige terminum indifferentem ad hanc vel illam suppositionem determinari ad hanc potius, quam ad illam ab alijs quibus coniungitur. Ita hæc vox *homo* si coniungatur cum hoc prædicato *animal* erit in suppositione personali. Si cum hoc prædicato: *species* dicendo *homo est species* erit in suppositione simplici.

Quæres discrimen inter significationem, & suppositionem:

Resp. discrimen constare ex definitione vtriusque. Significatio est vis inducendi in notitiam rei significatæ. Suppositio vero est positio vnius rei loco alterius. Potest igitur stare suppositio sine significatione rei, pro

re quā supponitur: non potest stare significatio sine aliqua suppositione pro re quam significat. Vtramque partem sic explico. Da inopolam auferre laurum appensam pro tribus, & pro lauro lagenam apponere in ignū vini vendibilis. Ecce loco lauri lagenā penditur, vt idem significet, quod significabatur per laurum, scilicet vinum vendibile, adeoque supponit pro lauro, & tamen nullatenus significat laurum, g. vna res potest supponere pro alia, quam nullo modo significet.


Quod autē non possit stare significatio rei sine omni suppositione pro re significata, probatur, quia eo ipso quod significat rem incidit in cognitionem rei, adeoque agit quod pererit res, si adesset. Hoc autem est supponere actiue. Potest tamen non supponere passiuē, quatenus nullum prædicatum sustinet, vt contingit vocibus extra propositionem, quæ actiue supponunt pro rebus quas significant, quatenus ipsarum notitiam extant: non tamen passiuē, quia cum de ipsis nihil prædicetur, consequenter nullum sunt prædicatum, quod esset passiuē supponere, vt explicatum est satis.

C A P V T III.

Alie terminorum proprietates.

POST suppositionem ad alias terminorum proprietates progredimur, quæ sunt Status, Distractio, Ampliatio, Restrictio, Diminutio, Alienatio, Appellatio. Autem status cum accipitur terminus pro

tem-



tempore importato per copulā, vt *Petrus est in foro*. Vt vera sit propositio requiritur vt *Petrus* de præsenti, quod importatur per *est*, in foro sit &c. Statui opponitur distractio, in qua propter repugnantiam prædicati cum subiecto, debet accipi terminus pro alia differentia temporis, quam pro importata per copulam, vt cum dico: *Iustus peccat: cæci vident*; debet enim intelligi non de eo, qui est, sed fuit iustus; non de eo qui est, sed fuit cæcus.

Ampliatio extendit terminum communem ad omnem omnino differentiam temporis, siue importatam, siue non importatam per copulam: vt *omnis homo est animal*: nam omne significatum per *li homo* in quacunque differentia temporis sit, est animal.

Restrictio est cum contrahitur terminus communis à maiori ad minorem extensionem, vt cum dico: *homo sapiens docet* *li homo* restringitur ad eum, qui habet sapientiam, de quo prædicatur, & verificatur quod doceat. Obseruandum est hic quod valet consequentia a restricto ad non restrictum v. g. *est homo sapiens ergo est homo*. Non autem e conuerso à non restricto ad restrictum: *Est homo ergo est homo sapiens*. Item à negato prædicato de termino restricto ad negandum illud idem, de non restricto, sed non è conuerso. Valet enim *non omnis homo sapiens docet ergo non omnis homo docet*; non valet: *non omnis homo docet ergo non omnis homo sapiens docet*.

Diminutio est, qua terminus rem absolute significans per aliquod additū limitatur ad illam eandam importandam solum secundum.

um quid vt cum dicis. *Aetiops est al-*
cundum dentes: differt Diminutio à Re-
 one, quia hæc requirit terminum com-
 m; non illa.

ienatio est translatio termini à propria
 propriam significationem: vt cum dico
pictus, li *pictus* dum additur huic voci
 : transfert illam à significatione ani-
 ad significationem imaginis.

pellatio est applicatio alicuius termini
 um potius, quam alterum ex ijs, qu-
 am ponitur, vt cum dicis. *Alexan-*
st magnus logicus, li *magnus*, qui di-
 terminus appellans, applicatur huic al-
ogicus, qui dicitur appellatus: est enim
 is Alexandrum esse insignem in logica.
 ra vero cum dicis. *Alexander magnus*
gicus, li *magnas* non commendat ex-
 titiam logicæ, sed aliam magnitudinem
 andri: & li Alexander est terminus ap-
 tus.

C A P V T V.

ascensu, & descensu terminorum.

Liquando ab vniuersali progredimur
 ad singularia: aliquando à singularibus
 ad vniuersale. Dicimus enim *omnis*
o est animal, & Petrus, & Paulus, &
ibet alius est animal. Dicimus etiam e-
 terfo: & *Petrus est animal, & Paulus, & c.*
omnis homo est animal. Arguere ab
 vniuersali ad singularia dicitur descensus à
 ilaribus ad vniuersale dicitur ascensus.
 otandum est autem, quod ad hoc vt va-
 leat

leat à singularibus ad vniuersale, debent singularia sufficienter enumerari, vnde non valet, & *Petrus est Fidelis*, & *Andreas est fidelis*, & *Bartolomeus est fidelis*; g. *omnes Apostoli sunt fideles*: Hoc enim consequens falsificatur per Iudam, qui est proditor. Hinc est, quod philosophi post enumerationem aliquorum addere solent, & sic de reliquis v. g. *hec nix frigescit*, & *hec alia*, & sic reliquis, g. *omnis nix frigescit*

Porro iuxta quadruplicem propositionem, quadruplex est ascensus ab inferioribus ad superiora: quadruplex descensus a superiori ad inferiora. Primus descensus fit copulatiuus, qui fit à termino communi supponente distributiue ad singula inferiora per particulam copulatiuam, & v. g. *omnis homo est animal* g. & *Petrus, est animal*, & *paulus est animal*, & sic de singulis: prædicando terminum illum communem à quo descenditur.

Secundus est copulatus, qui fit à termino communi supponente collectiue v. g. *omnes Apostoli sunt duodecim*; g. *Petrus, Andreas Ioannes &c. sunt duodecim*, vbi vides hoc prædicatum *duodecim* non affirmari de singulis, de sed omnibus simul.

Tertius est disiunctus, qui fit à termino supponente indeterminatè, & confusè v. g. *aliqua naus est necessaria ad nauigandum*, g. *vel hac vel illa est necessaria ad nauigandum*; enumerando singulas naues ita tamen vt de nulla determinatè accepta verum sit *hec est necessaria*, quamuis verum sit ex omnibus nauibz aliquam esse necessariam ad nauigandum.

Quartus est disiunctiuus, qui fit à termino supponente disiunctiuè, & determinatè v. g. *aliquis discipulus studet*, rectè inferes, ergo *vel hic studet, vel ille: vel ille*: ita vt de aliquo determinatè sumpto verum sit: *hic studet*, aliter propositio esset falsa.

Quam multipliciter fit descensus, tam multipliciter fit ascensus regrediendo per eandem scalam à singularibus ad uniuersale, qua descensu est ab vniuersali ad singularia. Quamuis autem exempla allata sint dumtaxat in affirmatiuis, æque tamen fieri possunt in negatiuis. v. g. *nullus homo est lapis*, ergo *nec Petrus est lapis, nec Paulus est lapis, &c. & sic de singulis*.

CAP V T V.

De definitione.

Definitio ab Aristotele 1. Topicorum, cap. 4. definitur: *Oratio explicans ipsum quod quid erat esse rei, siue: Oratio explicans naturā rei*. Quia autē multipliciter explicari potest natura rei, ideo multipliciter fieri potest definitio. 1. explicando vni nominis per etimologiam. Ita lætitia definitur à Gandauensi: *læritia*, seu, latitudo cordis.

2. Explicando naturam ipsam, siue essentialiam, per prædicata intrinseca rei, quæ definitur: Et hæc dicitur essentialis, est quæ illa, de qua præcipuè agimus in præsentia. Et autem essentia rei collectio illorum prædicatorum, quibus præcisè positis, & si nihil aliud ponas, dabitur res.

Hæc vero duplex, est alia physica, expli-

cando videlicet rem per partes phyficas, quibus constat. v. g. *homo est compositum substantiale ex corpore & anima rationali*: Et hæc dicitur phyfica. Alia explicando rem per genus & differentiam, quæ sunt partes, seu, gradus metaphysici, v. g. *Homo est animale rationale*: & hæc dicitur metaphysica.

Debet autem constare definitio ex aliquo, quod sit cõmune rei definitæ cum alijs rebus, & vocatur *genus*: & ex aliquo, per quod res definita discrepet ab alijs rebus, & vocatur *differentia*, vt patet in definitione hominis; *Homo est animal rationale*; Nam per hoc quod homo sit animal conuenit cum equo & cane; per hoc autem quod sit rationale discrepat ab equo & cane.

Porro genus ponitur primo loco, 2. differentia; quia genus habet quamdam rationem materiæ, differentia vero formæ. Vnde genus materia metaphysica: differentia autem forma metaphysica nuncupatur. Materia autem, vt patet in artificialibus præsupponitur formæ, vt determinabile determinanti. Atque hoc intelligi debet ex suppositione, quod prædicata, per quæ res definitur diuiniue sumpta sint alterum genus, & alterum differentia. Si enim vtrumlibet seorsim sumptum esset genus; ita vt differentia haberetur per complexionem vtriusque, manifestum est, quod tunc non poneretur primo loco genus, 2. differentia.

3. Definitio aliquando fit per causas rei, quæ definitur; vt cum dicitur; *Febris est accensio sanguinis circa cor*. Vbi pro febri ponitur causa febris. Aliquando etiam fit per enumerationem partium, proprietatum, acciden-

dentium rei definitæ: vt homo est animal
plume; bipes, rectum, mobile, musica ca-
x, &c. hæc dicitur potius descriptio, per-
netq; ad Rhetores, magis quàm ad Philo-
sophos:

Denique bonæ definitionis suæ sunt leges
ima est, vt sit clarior definito: Ita non es-
t bona hæc: *homo est arbor inuersa*. 2.
vt definitum, & definitio conuertatur; id
vt possint de se inuicem dici v. g. *homo*
est animal rationale: & animal rationale
est homo. Vnde habes, quod de quacum-
que re negaueris definitionem, negare pote-
ris & definitum, & è conuerso. Puta de
quocumque negaueris, quod sit animal ra-
tionale, negabis, quod sit homo, & è con-
uerso. Idem dic de affirmatione. 3. est
vt nihil habeat superfluum, & redundans,
sed sit breuis quantum fieri potest, & dilu-
da.

CAPVT VLTIMUM.

De Diuisione.

Diuisio vt sumitur apud Dialecticos: est
oratio totum in suas partes distri-
buens. Totum quod diuiditur, dicitur diui-
sum; partes vero in quas distribuitur, di-
cuntur membra diuidentia. Totum autem
aliud est physicum, constans scilicet parti-
bus physicis, aliud metaphysicum constans
partibus metaphysicis.

Rursus partes physicae aliæ sunt essentia-
les, aliæ integrantes. Diuisio totius physi-
ci in partes essentielles dicitur diuisio phy-

ſeca eſſentialis v. g. in homine aliud eſt corpus, aliud anima. Diſtributio totius phyſici in partes integrantes, dicitur diuiſio integralis v. g. *in homine aliud eſt manus, aliud caput, aliud pes, &c.* Diuiſio vero totius in ſuas partes metaphyſicas eſt diuiſio metaphyſica eſſentialis v. g. *in homine aliud eſt animal, aliud rationale.*

Præterea Totum aliud eſt actuale, aliud potentiale, ſeu poteſtatiuum. Potentiale, ſeu poteſtatiuum dicitur quodlibet vniuerſale, quod in ſua interiora diſtribuitur, v. g. *animal, aliud eſt homo, aliud brutum*, diciturque diuiſio generis in ſpecies; ad quam diuiſionem reducitur etiam diuiſio ſpeciei in indiuidua, v. g. *homo alius eſt Petrus, alius Paulus, &c.* Dicuntur autem huiusmodi tota, *potentialia* ſeu *poteſtatiua*, vel quia nunquam habent actu omnes partes, in quas diſtribuuntur; vel quia ſemper ſub ſe continent infinita, de quibus prædicari poſſunt. Vtraque ratio explicatur in hoc toto *animal*: nam nec actu exiſtunt ea omnia, in quæ diſtribui oportet li *animal*, cum ſint innumera animalia purè poſſibilia: & ſunt infinita inferiora, de quibus dici poteſt: *animal*. Totum actuale, eſt quod habet actu partes, ex quibus conſtat, vt homo; corpus, & animam. Totum potentiale includitur in qualibet ex ſuis partibus, ſecus totum actuale. Dices enim: *homo eſt animal. Equus eſt animal*, non vero: *anima eſt homo, corpus eſt homo, &c.*

Aliquando diuiditur ſubiectum in accidentia vel potius per accidentia; v. g. *homo alius albus, alius niger*. Aliquando

acci-

accidens per subiecta vt dulce aliud mel;
aliud lac.

Leges bonæ diuisionis sunt. 1. Vt omnia membra diuidentia contineantur in diuiso, psumque præcise adæquent, vnde non esset bona diuisio. *Animal aliud homo, aliud brutum, aliud lapis*, nam lapis non comprehenditur sub hoc diuiso *animal*, & sic membra diuidentia excedunt diuisum. Item mala esset hæc: *animal aliud terrestre, aliud aquatile*, quia membra diuidentia non adæquant diuisum, sub quo etiam æreum comprehenditur.

2. Est vt inter membra diuidentia vnum, alterum non includat. Ita mala esset hæc diuisio: *animal aliud bipes, aliud irrationale*, quia irrationale etiam in bipede reperitur 3. Est vt ad pauca, quantum fieri potest membra, diuisio reducatur.

Quæres an definitio & diuisio pertineant ad primam operationem Intellectus?

Resp. definitionem acceptam pro tota oratione in qua prædicatur definitio de definito, procul dubio pertinere ad 2. Est enim propositio, in qua vnum de altero affirmatur, v. g. *homo est animal rationale*. Quod si accipiat pro sola definitione, quæ ponitur pro prædicato: pertinet ad primam, & est pura complexio terminorum: puta: *animal rationale*. Idem dic de diuisione. Atque hæc quoad primam operationem sufficiant.

DISPUTATIO II.

*De spectantibus ad 2. operationem
intellectus*

CAPVT I.

De Nomine, Verbo, &c.

ARistoteles 1. Periermenias cap. 2. nomen sic definit. *Nomen est vox significatiua ad placitum sine tempore, cuius nulla pars significatiua est separata.* Atque ex ijs, quæ eodem capite, Philosophus complectitur, addendum est: *Finita & recta faciens cum verbo orationem veram, vel falsam.* Dicitur *vox significatiua ad placitum*: ad differentiam aliarum vocum, quales sunt gemitus, & suspiria, quæ significant; non tamen ad placitum, & ex hominū institutione, sed naturaliter; unde etiā inter bruta, quæ secundū naturā dumtaxat operantur, aliquid significant.

Dicitur: *sine tempore*: nomen enim non coniugatur per tempora, nec importat in sua significatione exercitium aliquod factum pro aliqua differentia temporis. Hinc habes, quod istæ voces: *hora, dies, mensis, annus, sæculum*, & aliæ huiusmodi non significant cum tempore, quamuis significant aliquam mensuram temporis.

Dicitur: *cuius nulla pars significatiua est separata* ad differentiam orationis, cuius partes extra significant. Hoc autem ita debet

bet intelligi, sicut explicatum est, ubi de termino incomplexo.

Obserua hic obiter quod apud Philosophum syllaba auulsa à reliquis, quibuscum vnā aliquam integram vocem constat, etiāsi videatur aliquid significare, quia tamen huiusmodi significatio impertinenter se habet ad vocem, quam componit cum alijs; ideo dicitur simpliciter nihil significare. Duo exēpla adducit Philos. primū est in hac voce *equiferus*, in qua *ferus*, inquit ille, nihil significat, significaret autem in oratione, in qua diceret: *equus ferus*. 2. Est in hac alia voce: *forex*, in qua *li rex* nihil significat, sed est mera syllaba constituens hanc vocem *forex*.

Dicitur: *finita* ad excludenda nomina infinita, v. g. *non homo*, quod propriē loquendo, non est nomen, sed vt ait ibidem Philosophus: nomen infinitum. Additur: *recta* ad excludendum casus obliquos, qui non sunt nomina in rigore, sed casus nominum.

Denique dicitur: *faciens cum verbo veram, vel falsam orationem*. Per quas particulas affert Philosophus rationem, cur casus obliqui non sint nomina, dicens: *Philonis* non est nomen, quia si dicatur *Philonis est*, vel *non est*: *nondum verum dicitur, neque falsum*. Ab aduerbiis autem sufficienter nomen scernitur per hoc, quod dicatur vox recta; quia aduerbia, non declinantur per rectum & obliquum.

Ob: *Prandium*, *Cæna*, *ientaculum* sunt nomina, & tamen significant cū tēpore, ergo falso dicitur quod nomen sit vox significativa sine tempore. Probant. Quia *Cæna* signi-

nificat comestionem in tempore nocturno, &c.

Resp. neg. ant. Nam aliud est connotare, seu consignificare tempus, quod vltro concedimus prædictis vocibus, aliud significare cum tempore determinando aliquam ex tribus differentijs temporis, vt contingit in verbo: puta: *dico, dixi, dicam*: hoc modo consignificare tempus non conuenit nomini.

Intabis: hoc nomen *Cæna* significat comestionem exercitam tempore nocturno. *Prandium*: exercitam tempore meridiano, ergo prædictæ voces significant actionem aliquam exercitā in aliqua differentia tēporis.

Resp. concesso ant. distinguendo consequens. Significant actionem exercitam in aliqua differentia temporis faciente ad rem, nego consequentiam: non faciente ad rem omitto consequentiam. Differentiæ temporis, quas oportet consignificari per verbum sunt *præsens, præteritum, & futurum*, non vero nocturnum, & meridianum.

Replicabis ergo saltē hæ voces. *Præteritū, futurum*; non sunt nomina, nam significant ipsas met differentias temporis.

Resp. neg. conf. Nam aliud est significare ipsas differentias temporis, aliud significare aliquam actionem exercitam, consignificando in qua differentia temporis.

Dices Participia futuri temporis v. g. *lecturus, amaturus, &c.* significant actionem aliquam exercendam in illa differentia temporis, quam exprimunt, scilicet in tempore futuro, ergo non ab omnibus nominibus excluditur significare cum tempore etiam modo explicato.

Resp.

Resp. concessio ant. neg. conseq. nam participia futuri temporis propriè loquendo non sunt nomina, sed modi verborum cum relativo *qui, quæ, quod*, subintellecto coniuncti. Idem enim est apud grammaticos *homo amaturus*, ac *homo, qui amabit*, &c. Hac autem vel simili ratione resolui prædicta participia constat ex usu loquendi.

ARTICVLVS II.

De Verbo.

Verbum ab Aristotele definitur: *Id quod consignificat tempus, cuius pars nihil significat seorsim, & est semper eorum, quæ de altero prædicantur, nota*. Differt à nomine per hoc quod significat cum tempore, & sit eorum, quæ de altero prædicantur nota. Dicitur significare cum tempore, quia verbum per tempora coniugatur, vt *amo, amaui, amabo*. Dicitur eorum, quæ de altero dicuntur nota: vel quia per ipsum met verbum aliquid de altero dicitur: v. g. *Petrus legit*; vel quia ipsum est copula, & nexus prædicati cum subiecto vt cum dico *Petrus est homo*.

Notandum, est autem etiam verbo convenire, vt ait Philosophus, quod sit: *vox finita, & recta*: nam: *non valet: non laborat: non est verbum, sed verbum infinitum*; sicut dictum est supra *non homo non esse nomen, sed nomen infinitum*. Item: *valebit, valebat, laboravit* non sunt verba, sed casus verborum vt ait idem Philosophus.

Atque hic vt vides, indicat Philosophus ra-

tionem propriissimam verbi non conuenire nisi indicatiuo, & in tempore præsentis, vel ex eo quod omnes affirmationes quæ fiunt, aliquo modo reduci debeant ad præsens, vt habeant veritatem v. g. si dixeris *Petrus legit*: vt sit vera hæc propositio debet in aliqua temporis differentia esse verum: *Petrus legit*; vel quia alia tempora, & alij modi verborum à præsentis dependent, vt existimant Conimbricenses, & bene.

Denique modi infiniti verborum vt *legere, docere, &c.* ex placito, & vsu grammaticorum habentur pro nominibus substantiuis, adeoque circa ipsa, fiunt prædicationes, v. g. *scire tuum nihil est*: vel *scire tuum est mirabile*.

ARTICVLVS III.

De Oratione.

O Ratio ab eodem Aristotele cap. 4. sic definitur. *Vox significatiua, cuius partium aliqua, significatiua est separata vt dictio, non autem vt affirmatio, vel negatio.* Aristotelica hæc orationis definitio si præcisè accipiatur vt sonat, videtur nec omni definito conuenire, nec soli; adeoque peccare ex duplici capite. Non omni, quia datur aliqua oratio, cuius partes significant non solum vt dictio, sed vt affirmatio, vel negatio. Exemplum afferri potest in hac. *Si Sol lucet, dies est.* In qua istæ duæ partes *Sol lucet, & dies est*, sunt duæ affirmationes. Idem vberius patet in omnibus orationibus

Cicero.

Ciceronis, & aliorum; in quibus innumerabiles affirmationes, & negationes reperias.

Videtur præterea, quod prædicta definitio non conveniat soli orationi, quia convenit etiam termino complexo, qualis est v. g. *homo iustus*, cuius partes seorsim significant ut dictio, non autem, ut affirmatio, vel negatio.

Dicendum est definitionem prædictam esse bonam, sed bene intelligendam. Sensus autem ipsius est, ad rationem orationis requiri quidem ut partium aliqua significet separata, ut dictio; non autem requiri ut significet per modum affirmationis, vel negationis. Et sic li: *non ut affirmatio*, &c. non est exclusivum affirmationis ab omni parte cuiuscumque orationis, sed exclusivum necessitatis affirmandi aut negandi; etiam si enim nulla pars affirmet, aut neget est propriissima oratio, ut constat in hac. *Petrus est homo*. Imo etiam si tota oratio nihil affirmet, aut neget, retinet rationem propriam orationis ut constat in hac. *O utinam Discipuli studerent*. Vnde habes quod etiam oratio continetur intra primam operationem intellectus.

Rursus per hoc ipsum, quod non excludat affirmationem vel negationem, sed solum necessitatem affirmandi, vel negandi, modo explicato; differt oratio à termino complexo; qui non solum excludit necessitatem affirmandi, vel negandi, sed etiam ipsammet affirmationem, & negationem; nam eo ipso, quod aliquid vel affirmes, vel neges, est propositio non autem terminus complexus. Vnde rectè dicis orationem à termino com-

CAPVT III.

De Enunciatione.

ARTICVLVS I.

Aliqua species Enunciationis.

Philosophus 1. prior cap. 1. sic habet :
 Propositio igitur est oratio affirmatiua,
 vel negatiua alicuius de aliquo, v.g. *Petrus*
est homo, homo non est lapis.

Diuiditur autē propositio in simplicem,
 & compositam, simplex, seu categorica est,
 in qua determinatē, absolutē, & indepen-
 denter à quacumque alia prædicatione vnum
 de altero prædicatur, v. g. *homo est animal.*
 Composita est quæ ex pluribus simplicibus
 constat, vel perfectis, vel imperfectis. Per-
 fecta dicitur, quæ perfectum generat sen-
 sum, vt : *Petrus currit.* Imperfecta, quæ
 imperfectum : vt, *si Petrus curreret.* Ita hæc
 propositio : *Petrus currit, & Paulus sedet,*
 est propositio composita, sicut & hæc alia :
Si Petrus curreret, Paulus sederet. Prima est
 copulatiua, & ad sui veritatem requirit, vt
 vtraque pars ipsam componens contineat
 veritatem. De secunda alibi.

Propositio disiunctiua est illa, in qua
 plures propositiones simplices coniungun-
 tur per particulam *vel*, vt cum dico : *Petrus*
vel mouetur, vel quiescit. Disiunctiua au-
 tem alia est propria, alia impropria. Pro-
 pria affirmat vnā partem esse verā, alte-
 ram

ram vero esse falsam. Huiusmodi, est principium illud metaphysicum: *quodlibet est, vel non est*. Impropria affirmat vnam partem esse veram, de altera non curat, vt: *vel Petrus currit, vel Paulus sedet*, in disiunctiua propria nequit vtraque pars esse simul vera, vel simul falsa. In impropria potest.

Conditionalis, siue hypothetica, est illa in qua plures propositiones coniunguntur per particulam, *si*. v. g. *si Petrus est ingeniosus est aptus logica*, in qua, vt vides, non affirmo absolutè Petrum esse aptum Logicæ, sed solum conditionatè, videlicet si sit ingeniosus. De conditionali dicetur iterum, vbi de materia propositionum.

Causalis est illa, in qua coniunguntur plures propositiones exprimendo vnum esse causam alterius per particulam *quia*: v. g. *Petrus, quia est studiosus, est idoneus virtuti*: ad veritatem huius requiritur non solum quod vtraque pars sit vera, sed vt per vnam importetur vera causa alterius. Ita esset falsa hæc propositio: *homo quia est albus est aptus philosophiæ*, quamuis re ipsa contingat hominem & esse album, & esse aptum Philosophiæ.

ARTICVLVS II.

De propositione modali.

Propositionem modalem vt probè intelligas scire oportet propositiones illas vocari de *in esse*, in quibus affirmatur vel negatur prædicatum aliquod de subiecto non explicando modum, quo tale prædicatum
vel

vel conuenit, vel disconuenit tali subiecto
v. g. *homo est animal*. Modalis autem pro-
positio est illa, in qua non solum affirmatur
vel negatur prædic. de subiecto sed insuper
exprimitur modus, quo tale prædicatum vel
conuenit, vel disconuenit subiecto.

Quatuor autem sunt modi propositionū.
Necessariū, impossibile, possibile, contingens.
Iuxta quatuor istos modos accipe hic qua-
tuor propositiones. *Hominem esse animal*,
est necesse. *Hominem esse lapidem est im-*
possibile. *Hominem currere est possibile*. *Ho-*
minem esse album est contingens. In quibus
vides non solum affirmari, vel negari prædi-
catum de subiecto, sed etiam exprimi mo-
dum, quo subiecto conuenit, vel disconue-
nit prædicatum. Nam in prima non solum
affirmo hominem esse animal, sed etiam ex-
plico modum, quo conuenit illi esse animal
dicendo *est necesse*: idem patet in cæteris.

Necessarium significat ita prædicatum
conuenire subiecto vt non possit non conue-
nire. *Impossibile*: prædicatum ita discon-
uenire subiecto vt nequeat illi conuenire.
Possibile significat potentiam ad hoc vt præ-
dicatum subiecto conueniat. *Contingens* si-
gnificat ita prædicatum conuenire subiecto
vt eidem possit non conuenire. Proposition-
nis pars, quæ modificatur vocatur *dictum*, v.
g. in hac propositione *hominem esse lapi-*
dem, est impossibile. *Li hominem esse lapi-*
dem vocatur *dictum*. *Li impossibile* dicitur
modus, & sic de cæteris.

Aduertendum est autem modos prædictos
afferri vel explicitè, vel implicitè. Expli-
citè afferuntur in propositionibus supra fa-
ctis.

Etis. Implicitè in sequentibus. *Homo necessario est animal. Petrus contingenter est albus; Quæ æquivalent istis. Hominem esse animal est necesse. Petrum esse album est contingens.* Ad veritatem harum propositionum non sufficit, quod prædicatum conveniat subiecto, sed requiritur quod eo modo conveniat quo in propositione affirmatur eidem convenire: Ita falsa est hæc propositio: *homo contingenter est animal.*

Præter propositiones modales dantur propositiones exponibiles, quæ ita appellantur à summulistis, eo quod ob sui obscuritatem indigeant per alias explicari, siue exponi, quæ aliæ dicuntur exponentes. Propositionum autem exponibilium tres sunt species: Aliæ enim sunt Exclusivæ, aliæ Exceptivæ, aliæ Reduplicativæ. Exclusivæ sunt, quæ constant aliquo signo excludente, cuiusmodi est. *Tantum, solum, dumtaxat, &c.* v. g. *Petrus est tantum logicus.* Exceptivæ dicuntur, in quibus excipitur à termino communi aliquis, qui in illo necessario includebatur v. g. *Omnes Apostoli præter Iudam sunt Sancti.* Hinc habes insufficiens definiiri à nonnullis propositionem exceptivam esse illam, in qua ponitur particula exceptiva, *nisi, præter, &c.* nam hæc propositio: *aliquis præter magistrum loquitur* non est exceptiva, & tamen habet particulam *præter.*

Reduplicativæ sunt, in quibus ponuntur istæ particule *propterea, in quantum, quatenus,* & aliæ similes, v. g. *Petrus in quantum musicus cantat. Paulus quatenus Architectus ædificat.*

ARTICVLVS IIII.

Declarantur magisque pertinent ad propositiones exponibiles.

PROPOSITIONES exponibiles ob sui obscuritatem, vt dictum est, exponi debent per alias clariores, quæ exponentes dicuntur, quia nimirum per ipsas clarè redditur, & exponitur sensus qui in exponibilibus per signa exclusiua, exceptiua, & reduplicatiua obscurius importatur. Res patebit in exemplis. 1. Sit pro exclusiuis. *Petrus est tantum logicus, & tantum Petrus est logicus.* In 1. signum exclusiuum afficit prædicatum, in 2. subiectum. 1. exponitur per hanc: *Petrus est logicus, & nullam aliam scientiam habet.* 2. per hanc: *Petrus est logicus, & nullus alius est logicus.* In 1. excluditur à Petro omnis scientia distincta à logica: in 2. excluditur omnis distinctus à Petro, à logica. Vtraq; est exclusiua de dicto singulari.

Sunt præterea exclusiue de dicto communi, qualis est v. g. hæc. *Tantum omnis homo est musicus,* & in his excluditur prædicatum ab omni eo, quod non includitur in subiecto communi. Rem explico. Vt exponas propositionem supradictam: *tantum omnis homo est musicus,* non debes dicere: *omnis homo est musicus, & omne id quod non est omnis homo, non est musicum.* Sicut exponebas exclusiuam de dicto singulari: *Petrus est logicus, & omne id quod non est Petrus, non est logicum.* Si enim ita exponeres nullus omnino homo esset musicus, quia nullus homo est omnis homo: debes
autem

autem exponere sic: *Omnis homo est musicus, & omne quod non est homo non est musicum.* Pro exceptiuis sufficiat exemplum superius datum.

Pro Reduplicatiuis. Sciendum est quod particula reduplicatiua in quantum, quatenus, &c. multipliciter accipi potest. 1. denotare potest, extremum reduplicatum esse rationem formalem, cur prædicatum conveniat subiecto. Ita accipitur in hac propositione. *Musicus in quantum musicus cantat.* 2. Denotat, extremum reduplicatum esse radicem, vnde pullulat prædicatum, v. g. *Musicus in quantum musicus delectat.* 3. reduplicat conditionem v. g. *Ignis quatenus approximatus calefacit.* 4. denotat in subiecto illam partem, quæ formaliter recipit prædicatum. v. g. *homo pro ut corporeus est coloratus.* Aliæ præterea reduplicationes fiunt, quæ alibi opportunius inferentur.

Porro in reduplicatiuis, & exclusiuis prædicatum debet absolutè verificari de subiecto: hoc est remoto signo tam reduplicatiuo quàm exclusiuo: propositio absoluta, quæ dicitur præiacens, debet esse vera, v. g. ad hoc ut sit vera hæc propositio: *Musicus in quantum musicus cantat*, debet esse vera hæc absoluta *musicus cantat.* Ad hoc ut sit vera: *Tantum Petrus est logicus*, debet esse vera hæc: *Petrus est logicus.*

In exceptiuis non ita contingit. Nam ut vera sit hæc propositio. *Omnes Discipuli præter Petrum student*, non debet esse vera hæc: *Omnes Discipuli student.* Aliter ad veritatem exceptiue requireretur veritas duarum contradictoriarum, nam ut verum

sit; *Omnes Discipuli student præter Petrum* debet esse verum, *Petrus non studet*, & consequenter. *Aliquis Discipulus non studet*: Si igitur verum est: *Omnes Discipuli student*: erunt veræ simul istæ duæ. *Omnes Discipuli student*, & *Aliquis Discipulus non studet*, quæ sunt contradictoriæ.

Debet igitur in exponendis exceptiuis primo loco poni pars in termino cõmuni inclusa, quæ ab ipso excipitur & hæc erit præiacēs v. g. *Omnes Discipuli præter Petrum student*, sic exponatur: *Petrus non studet*, & *omnes alij Discipuli student*. Idem proportionaliter dic si propositio esset negatiua. v. g. *Nullus Discipulus præter Petrum studet*: exponatur: *Petrus studet*, & *nullus alius Discipulus studet*.

Contra id quod diximus de reduplicatiuis. Obijcitur: hæc propositio: *Aethiops est albus*: est falsa: & tamen hæc alia, *Aethiops quatenus dentatus est albus*, est vera: Ergo ad veritatem propositionis reduplicatiuæ non requiritur veritas præiacentis.

Resp. nego antecedens & dico hanc propositionem *Aethiops quatenus dentatus est albus* esse falsam: sensus enim est Actiopein esse album, & esse album quia habet dentes. Habere autem dentes huius vel illius coloris non facit quod totus Aethiops possit simpliciter & absolute denominari huius vel illius coloris.

Dices *Aethiops est albus* secundum dentes: g. *Aethiops quatenus dentatus est albus*.

Resp. conc. ant. ant. neg. conseq. Hæc propositio *Aethiops quatenus dentatus est albus* affirmat esse album, & propterea est falsa:

falsa: Illa alia, *est albus secundum dentes* non affirmat esse album, sed album secundum quid, & propterea est vera. Ab albo secundum quid non arguitur ad album simpliciter, & sine addito.

Inflabis. Ad veritatem reduplicatiuæ sufficit quod signum reduplicans denotet partem subiecti, quæ formaliter recipit prædicatū, sed in hac propositione. *Aethiops quantum dentatus est albus*, signum reduplicans denotat partem subiecti, quæ formaliter recipit prædicatum, g. hæc propositio reduplicatiua est vera. Maior patet ex dictis, quia hæc propositio; *homo prout corporeus est coloratus*: est vera, & tamen in hac signum reduplicans denotat solum in subiecto partem, quæ formaliter recipit prædicatum colorati. Minor autem probatur, quia *li dentatus* denotat dentes, qui sunt pars in qua recipitur prædicatum albi in Aethiope.

Resp. Disting. mai. sufficit quod signum reduplicans denotet partem subiecti absolute & simpliciter denominati conc. mai. non denominati absolute & simpliciter neg. mai. & eodem modo distincta min. nego consequ. ad prob. mai. dic totum hominem denominari simpliciter, & absolute coloratum: Aethiopem autem non denominari simpliciter & absolute album. Propterea vera est hæc propositio *homo prout corporeus est coloratus*; falsa hæc alia *Aethiops prout dentatus est albus*.

Illud igitur tenendum est pro reduplicatiuis, quod scilicet propositio reduplicatiua præsupponit prædicatum conuenire subiecto superaddens aliquam rationem, ob quam
subiecto

subiecto conueniat & hæc est ratio à priori, cur vera esse nequeat reduplicatiua, nisi præiacens sit vera. Repugnat. euim veram esse propositionem per quam assertur ratio, propter quam res ita sit, quæ re ipsa non ita est: Vnde in huiusmodi propositionibus reduplicatiuis quando præiacentes sunt falsæ, responderi potest: nego suppositum, v.g. si quis diceret: *homo quatenus alatus est volatilis*. Bene responderes: nego suppositum: quia huiusmodi reduplicatiua supponit hominem esse volatilem & assert rationem per quam est volatilis: stultè autem assertur ratio per quam aliquid sit id quod re ipsa non est.

CAPVT IV.

De materia, & forma propositionis.

Materiam & formam propositionis per analogiam ad artefacta sic explicauerunt nonnulli, vt pro materia ipsos terminos assignarent, quibus propositio constat, pro forma vero ipsam terminorum dispositionem. Sic materia ædificij dicuntur lapides, ex quibus consurgit: forma vero dispositio lapidum. Sic tamen explicata propositionis materia non facit ad rem præsentem, in qua triplicem materiam assignant summulistæ; necessariam, impossibilem, & contingentem. Necessaria dicitur quando prædicatum necessario conuenit subiecto, vt in hac: *homo est animal*. Impossibilis quando prædicatum nequit conuenire subiecto, vt: *homo est lapis*. Contingens, quando prædicatum potest adesse, vel abesse à subiecto sine
 ipsius

ipsius destructione, ut: *Petrus est albus.*

Ex hac diuisione, & explicatione materie colligimus, materiam propositionis esse habitudinem realem prædicati obiectiui, cum subiecto obiectiuo: Ita ut quando res per prædicatum repræsentata necessario conuenit rei repræsentatæ per subiectum: propositio dicatur esse in materia necessaria. Quando ratio per prædicatum expressa conuenire nequit rei expressæ per subiectum, dicatur esse in materia impossibili. Quando conuenire, vel non conuenire dicatur esse in materia contingenti. Habes explicationem in exemplis allatis.

Ut igitur cognoscas, in quamam materia sit propositio attende quomodo realiter, & obiectiuè se habeant, prædicatum & subiectum propositionis v. g. vis scire in quamam materia sit hæc propositio *Petrus est homo*: attende quomodo realiter se habeat hoc prædicatum *homo* cum hoc subiecto *Petrus*. Si necessario prædicatum conuenit subiecto, dic propositionem esse in materia necessaria: Si nequeat conuenire: dic esse in materia impossibili, &c.

Ex his habes, hanc propositionem: *Petrus non est equus* tam esse in materia impossibili, quàm hanc aliam: *Petrus est equus*. Item hanc *homo non est animal* tam esse in materia necessaria, quàm hanc aliam, *homo est animal*: nam utrobique Petrus comparatur cum equo, qui nequit ipsi conuenire: utrobique homo comparatur cum animali quod necessario conuenit illi. Vnde inferes aliud esse propositionem impossibilem, aliud in materia impossibili, aliud necessariam, aliud
in ma-

in materia necessaria, quod tamen multi promiscuè confundunt. Nam aliqua propositio in materia necessaria est impossibilis: vt hæc: *homo non est animal*, & aliqua in materia impossibili est necessaria, vt hæc: *Petrus non est equus*. Materia propositionis sic accepta habet pro forma ipsammet propositionem formalem, siue intentionalem coniunctionem subiecti cum prædicato.

Quæres quomodo intelligendum sit illud summulistarum proloquium: *Omnis conditionalis est in materia necessaria, vel impossibili, seu in materia naturali, vel remota. nulla autem in materia contingenti*. Videtur enim esse falsum. Nam hæc propositio: *Si petam à diuite pecuniam, dabit*: est propositio conditionalis, & tamen est in materia cōtingenti; nec enim est necessaria connectio inter meam petitionem, & dationem pecuniæ faciendam à diuite.

Resp. proloquiū illud intelligendū esse de conditionali in sensu rigorosissimo; quæ nimirum importat connexionem metaphysicā antecedentis, cum consequenti qualis est hæc: *si est rationalis, est risibilis*; in qua nimirum nihil affirmatur, nisi quod nequeat esse antecedens sine consequenti. Vnde etiam dicitur quod *conditionalis nihil ponit in esse*; quia non affirmat, neque quod existat consequens, neque quod existat antecedens; sed solum quod si existit antecedens, existit & consequens: v. g. *Si equus est rationalis, est risibilis*.

CAPVT V.

De quantitate propositionis.

Quantitas propositionis est extensio vel coarctatio, per quam propositio ad plura vel pauciora pertinet. Est autem quadruplex 1. est vniuersalis, quando subiectum commune afficitur syncategoremate vniuersali, vt: *Omnis homo est animal*: 2. Est particularis, quando subiectum commune afficitur syncategoremate particulari, v. g. *Aliquis homo est albus*. 3. Indefinita quando subiectum commune nullo syncategoremate afficitur, vt: *homo est animal*. 4. singularis, quando vel subiectum est terminus singularis, vt *Petrus est homo*, vel terminus communis affectus syncategoremate singulari, vt: *hic homo est albus*. Atque hic obiter obserua ad quantitatem propositionis non attendi quantitatem prædicati, sed subiecti: vnde hæc propositio *Omnis persona diuina est Deus*, est vniuersalis, etiamsi prædicatum *Deus* dicatur esse terminus singularis.

Propositiones indefinitæ in materia necessaria prædicationis directæ æquivalent vniuersalibus v. g. hæc: *homo est animal*, æquiualeat huic: *Omnis homo est animal*. In materia contingenti æquivalent particulari: v. g. *homo currit*: æquiualeat huic: *aliquis homo currit*. Dicuntur autem prædicationis directæ, in quibus ratio superior prædicatur de inferiori, vt in hac: *homo est animal*: Dicuntur autem prædicationis indirectæ in quibus ratio inferior prædicatur de superiori, v. g. *animal est homo* i

Quæres inqua materia sint huiusmodi propositiones prædicationis indirectæ.

Resp. esse in materia necessaria, seu naturali, & æquivalere particularibus. v. g. hæc propositio: *animal est homo*: æquivalet huic; *aliquod animal est homo*; & est in materia necessaria, quia necessarium est quod ex omnibus animalibus possibilibus aliquod sit homo. Hinc habes posse simul veras esse istas duas propositiones: *animal est homo*; *animal non est homo*, adeoque non esse contradictorias, sed vt suo loco explicabitur, subcontrarias; æquivalent enim illis: *aliquod animal est homo*: & : *aliquod animal non est homo*.

Quæres secundo quid intelligatur per rationem superiorem, quid per inferiorem? Respondent aliqui rationem superiorem esse illam, quæ ad plura; inferiorem, quæ ad pauciora extenditur. Ita animal, inquiunt, est superius homine, quia animal ad plura, homo ad pauciora extenditur: sed male, nam etiamsi essent plures homines possibiles, quam equi, adhuc homo non esset ratio superior, seu predicatum superius equo, & tamen ad plura extenderetur, quam equus.

Dicendum est igitur rationem superiorem respectu alterius esse illam, quæ de omnibus dicitur de quibus alia, & præterea de alijs. v. g. animal est superius homine, quia de omnibus dicitur, de quibus homo, & præterea dicitur de alijs, puta de leone, equo cane &c.

CAPVT VI.

De Qualitatē propositionis.

Qualitas propositionis iuxta nonnullos est eiusdem veritas, vel falsitas: iuxta alios est affirmatio vel negatio. Quærenti, aiunt illi qualis, sit propositio, respondemus, est vera vel est falsa. Illi autem, respondemus, aiunt, est affirmatiua, vel est negatiua. In hac secunda sententiâ videntur esse veteres Summnlisæ, qui tradentes regulas conuersionis, per qualitatem intelligunt affirmationem vel negationem.

Controuerfia videtur in eo sita, quod veritatem, & falsitatem nolint esse intrinsecam propositionibus, secus affirmationem & negationem. Nos hanc litem, deo dante, agitabimus in libris perier. Interim pro secunda sententiâ stamus: & pro qualitate propositionis intelligimus rationem affirmatiuæ, vel negatiuæ.

Propositio fit affirmatiua per copulam est vnientem extrema, vt: *homo est animal*: fit negatiua per *non est* eadem separantem, vt: *homo non est lapis*. Aduertendum est autem, quod ad faciendam propositionem negatiuam particula *non*, quæ dicitur malignantis naturæ, debet cadere supra verbum, vel supra copulam, non autem supra alterum ex extremis v. g. hæc propositio: *Homo est non leo* non est propositio negatiua: quia particula *non* accipitur infinitanter, non vero neganter. Fiet autem negatiua, si dicas: *homo non est leo*.

Item

Item in propositionibus complexis vt sint negatiuæ ; particula *non* debet afficere verbum seu copulam principalem: nam etiamsi afficiat copulam, quam vocant implicationis, propositio manet affirmatiua v. g. hæc propositio *Omnis homo, qui non peccat, est bonus*, est propositio affirmatiua: secus hæc alia: *Omnis homo qui peccat non est bonus*: In prima propositione particula *non* afficit copulam implicationis in secunda copulam propositionis. Dicitur autem copula implicationis qua nihil affirmatur, aut negatur, sed tantum vel aliquod supponitur, vel limitatur subiectum, aut prædicatum.

Quantitas propositionis modalis desumitur ex modo. *Neceffe* respondet vniuersali affirmatiuæ. *Impossibile* vniuersali negatiuæ. *Possibile* particulari affirmatiuæ, *possibile non* particulari negatiuæ. Possibile autem confunditur hic cum contingenti. Hæc omnia duobus versiculis continentur.

Omnis necesse valet, impossibile nullus.

Possibile quidam. Quidā non: possibile non.

Exēplū habes in sequentibus propositionibus. *Hominem esse animal est necesse. Hominem esse lapideū est impossibile. Hominem currere est possibile. Hominem non currere est possibile. Seu possibile est non currere hominem*, Quæ æquivalent quatuor sequentibus. *Omnis homo est animal: nullus homo est lapis: aliquis homo currit; aliquis homo non currit.*

Aliquando autem contingit, vt sint particulares de dicto, vniuersales de modo. Aliquando contra, vt sint vniuersales de dicto particulares de modo. v. g. *Aliquem homi-*

52 *De quantitat. & qual. proposit.*
nem currere est necesse. Omnem hominem
currere est possibile.

Idem dic de qualitate. Contingit et im aliquando propositionem esse affirmatiuam de dicto, negatiuam de modo. Aliquando esse negatiuam de dicto, affirmatiuam de modo. v. g. *Hominem latrare non est possibile. Hominem non latrare, est necesse.*

Præterea prædicti modi modis temporaneis correspondent. *Necesse* correspondet huic modo temporaneo *semper*. Impossibile huic alteri: *nunquam*. Possibile huic aliquando Possibile non, huic alteri aliquando non v. g. *Hominem currere est possibile. Homo aliquando currit. Possibile est hominem non currere. Homo aliquando non currit. Et sic de coeteris.*

C A P V T VII:

De oppositione Propositionum.

Oppositio definitur à summulistis: Propositionum habentium idem subiectū, & prædicatum secundum qualitatem, vel quantitatem repugnantia. Ita hæ duæ propositiones *Petrus currit, & Petrus non currit* sunt inter se oppositæ. Altera enim est affirmatiua, altera negatiua, quod est differre secundum qualitatem. Item istæ duæ. *Omnis homo est albus, & aliquis homo non est albus* sunt oppositæ, tum quia altera est vniuersalis, & altera particularis, quod est differre secundum quantitatem, tum quia altera est affirmatiua, & altera negatiua, quod est differre secundum qualitatem.

Quadruplex est propositio: *Contradictoria:*

ria : contraria . Subcontraria , subalterna .
 Oppositio contradictoria, est duarum propositionum secundum qualitatem, & quantitatem repugnantia v. g. *Istæ duæ: Omne animal est rationale, & aliquod animal non est rationale*, opponuntur contradictoriè, quia altera est affirmatiua vniuersalis, altera est particularis negatiua habentes idem prædicatum, & subiectum . Propositiones autem contradictorias impossibile est simul esse veras, vel simul falsas: sed veritas vnius est falsitas alterius, & è conuerso .

Oppositio contraria est duarum propositionum vniuersalium habentium idem subiectum, & prædicatum secundum qualitatem repugnantia. v. g. *Omne animal est rationale, & nullum animal est rationale*, conueniunt in quantitate, cum vtraque sit vniuersalis, differunt in qualitate cum vna sit affirmatiua, altera negatiua . Has propositiones Impossibile est simul esse veras: Possunt tamen simul esse falsæ, vt patet in exemplo adducto, in quo vtraque est necessario falsa: & in hoc alio . *Omnis homo est albus, nullus homo est albus*, in quo vtraque est contingenter falsa .

Oppositio subcontraria est duarum propositionum particularium, &c. Secundum qualitatem repugnantia, vt: *aliquod animal est rationale, & aliquod animal non est rationale*. Possunt simul esse veræ vt patet in exemplo .


Oppositio subalterna, quæ impropriissime dicitur oppositio, est duarum propositionum, &c. secundum quantitatem repugnantia v. g. *Omne animal est rationale, aliquod animal*

est rationale. Item *nullum animal est rationale*, & *aliquod animal non est rationale*. Vniuersalis dicitur subalternans, particularis vero subalternata. Veritas subalternantis continet veritatem subalternatæ, non è conuerso. Valet enim: *Omnis homo est albus*, ergo *aliquis homo est albus*, non autem: *aliquis homo est albus*, ergo *omnis homo est albus*. Falsitas vero subalternantis non infert falsitatem subalternatæ; non enim valet ex eo quòd falsum sit omnem hominem esse album, falsum etiam esse, quod aliquis homo sit albus.

Habes igitur oppositionem contradictoriã esse repugnantiam in veritate & falsitate: contrariam esse repugnantiam in veritate: subcontrariam in falsitate, nam si falsa est ista propositio: *Aliquod animal est rationale* vera est hæc, *nullum animal est rationale*, sunt enim contradictoriæ: si autem vera est hæc: *Nullum animal est rationale* etiam hæc subalterna est vera *aliquod animal non est rationale*. Ergo si falsa est hæc: *Aliquod animal est rationale*, vera est hæc alia: *Aliquod animal non est rationale*, quæ est ipsius subcontraria, adeoque verum est subcontrarias in falsitate opponi, hoc est non posse esse simul falsas.

Habes etiam quod in consideratione logica maxima omnium oppositionum est contradictoria. Nam ex duabus contradictorijs, nec vtraque concedi potest, nec vtraque negari, sed negando alteram, necesse est alteram concedere, & è conuerso. Quæ hætenus dicta sunt clariora fient si in sequenti tabella pingantur.

Omne



Oppositio definita hic, & exemplificata est oppositio ex modo enunciandi. Datur præterea alia oppositio, quæ quia prædictas leges non servat; dicitur à summulistis de lege, seu verius exlex, qualis est ea, quæ reperitur inter has propositiones *Omnis homo currit, & Petrus non currit*. In qua vides in propositionibus non esse idem subiectum. Hæc tamen est vera oppositio, cum nomine oppositionis nihil aliud intelligat philosophus primo Peri. cap. 5. quam repugnantiam propositionum secundum affirmationem, & negationem.

Vt autem inter contrarias, & contradictorias recte dijudices, scias oportet contradictorias esse illas, quarum vna sufficit ad falsitatem alterius; contrarias autem, quarum altera plus affirmat aut negat, quam requiratur ad

salstatem alterius. Itaque huic propositioni *Omnis homo est albus* opponitur contradictoriè hæc: *aliquis homo non est albus*: contrariè autem, hæc alia: *Petrus non est albus*. sicut & hæc: *aliqui homines non sunt albi*. Ad hoc enim ut falsa sit hæc enunciatio. *Omnis homo est albus* nõ requiritur determinate, ut Petrus nõ sit albus, nec quod aliqui homines non sint albi, quorũ primũ per primã propositionem dicitur, secundum per secundã. Hinc est quod propositiones huiusmodi: *Omnis homo est albus*; *Petrus non est albus*, & *aliqui homines non sunt albi*, quamvis esse nequeant simul veræ, possunt tamen esse simul falsæ, quod non contingeret si haberent oppositionem contradictoriam ut dictum est supra.

Verum quidem est, quod quamvis hæc propositio: *Petrus non est albus* non sit formaliter contradictoria huius: *Omnis homo est albus*, infert tamen necessario contradictoriam: valet enim *Petrus non est albus*, ergo *aliquis homo non est albus*: Hæc autem ultima est formalis contradictoria huius: *Omnis homo est albus*. Idem dic de hac alia *aliqui homines non sunt albi*, ex qua necessario inferis, ergo *aliquis homo non est albus*. Hæc omnia se ipsis patent.

CAPVT VIII.

De Aequipollentia propositionum.

Æquipollentia est propositionum oppositarum æquivalentia. Fit autem talis æquivalentia ministerio particule *non*,
quam

quam addis vel detrahis. Cum enim hæc sit malignantis naturæ, destruit & mutat omne id quod afficit, facitq; ex affirmatiua negatiuam, ex vniuersali particularem. Summulistæ modum, quo propositiones sibi æquipollean, comprehenderunt breui carmine, quo situs, seu positio particulæ non indicatur.

Præ contradic. Post contra. Præ postque subalter.

Præ contradic. significat propositionem contradictoriam æquipollere alteri contradictoriæ, si huic præponatur particula *non* v.g. hæc propositio: *Nullus homo est albus* æquiualebit huic: *aliquis homo est albus*, si præponas particulam *non* dicens: *Nonnullus homo est albus*: idem enim est *nonnullus*, ac: *aliquis*. Hinc est illud Summulistarum proloquium. *Non est melius contradicere, quam toti propositioni negationem præfigere*. Propterea cuiuscumque propositionis contradictoria petatur: repete eandem propositionem præfigendo illi particulam *non*, & assignaueris contradictoriam.

Post contra. Significat quod propositionis contrariæ, & sub contrariæ sibi mutuo æquiualeant si post subiectum propositionis ponas particulam *non* v.g. *Omnis homo est albus* æquiualebit huic: *nullus homo est albus*, si post *li* *omnis homo* ponas particulam *non*: erit enim: *omnis homo non est albus*: Quod idem est, ac *nullus homo est albus*. Idem dic de ista *nullus homo* &c. respectu alterius: *omnis homo est albus*. Si enim dicas *nullus homo non est albus*, idem dicis ac si diceres. *Omnis homo est albus*. Idem in sub contrarijs: *aliquis homo est albus*: &

aliquis homo non est albus, in prima post *hi*
aliquis homo pone particulam *non* & habes
 secundā. In secunda pone particulam *non* &
 erit *aliquis homo non non est albus*; Et habes
 æquiualentem primæ. Idem enim est: *ali-*
quis homo non non est albus, ac *aliquis homo*
est albus, cum duæ negationes affirmant.

Præ postque subalter. Significat quod in
 subalternis si duæ negationes addantur vna
 ante, & altera post subiectum, redduntur
 æquiualentes: v. g. *omnis homo est albus*,
aliquis homo est albus: sibi æquiualent, si
 alterutri ante, & post subiectum addas par-
 ticulam *non* nam: *non omnis homo*, *non est*
albus, æquiualeat huic: *aliquis homo est al-*
bus, & vicissim: *non aliquis homo non est*
albus æquiualeat huic: *omnis homo est albus*.

CAPVT IX.

De conuersione.

Conuersio propositionum est vnius ad
 alteram propositionem necessaria con-
 sequentia orta ex transpositione terminorū.
 Est autem transpositio terminorum mutatio
 subiecti in prædicatum & prædicati in-sub-
 iectum. Prima propositio, quæ conuersti de-
 bet dicitur conuersa, altera, quæ ex hac in-
 fertur, dicitur conuertens v. g. *nullum ani-*
mal est planta, ergo *nulla planta est ani-*
mal.

Tripliciter autem fieri solet conuersio.
 Primo simpliciter, quando scilicet retenta
 eadem quantitate, & qualitate propositionis
 subiectum mutatur in prædicatum, & præ-
 dica-

dicatum in subiectum v. g. *nullum animal est planta*, ergo *nulla planta est animal*. Item *aliquis homo est albus*, ergo *aliquod album est homo*. Hæc conuersio valet in vniuersali negatiua, & particulari affirmatiua, vt patet in exemplis allatis. Quod si in aliqua propositione exercetur distractio, conuersio non fit secundum leges prædictas, vt videbimus.

Secundo fit conuersio per accidens, cum scilicet retenta eadem qualitate, non autem quantitate mutantur extrema, hoc est subiectum in prædicatum, & prædicatum in subiectum v. g. *nullus homo est lapis*, ergo *aliquis lapis non est homo*. Item: *omnis homo est animal*, ergo *aliquod animal est homo*. Hæc conuersio valet in vniuersali negatiua, & vniuersali affirmatiua. Non tamen valet. *Omnis mortuus fuit viuus*, ergo *aliquis viuus fuit mortuus*, quia hic exercetur distractio: valet autem sic. *Omnis mortuus fuit viuus*, ergo *aliquis, qui fuit viuus nunc est mortuus*.

Tertio fit conuersio per contrapositionem quando scilicet retenta eadem qualitate, & quantitate infinitantur transposita extrema v. g. *omnis homo est animal*, ergo *omne non animal est non homo*. Item: *aliquis homo non est musicus*, ergo *aliquod non musicum, non est non homo*.

Vt autem bonæ conuersionis leges pro quacumque propositione, facilius retineres eas duplici carmine comprehensas habe.

Simpliciter fEcI conuertitur EuA per acci.
AstO per contra sic fit conuersio tota.

In his autem carminibus notanda sunt

istæ quatuor litteræ A, E, I, O. in tribus istis vocibus scilicet EuA AstO comprehensæ, quibus integræ propositione designantur per A propositio vniuersalis affirmatiua. Per E vniuersalis negatiua. Per I particularis affirmatiua, per O particularis negatiua, iuxta illud

Afferit A, negat E sed vniuersaliter amba.

Afferit I, negat O, sed particulariter ambo.

Hæc omnia satis hæcenus exemplificata sunt in triplici conuersione superius explicata.

C A P V T X.

De oppositione propositionum compositarum.

PROPOSITIONES cōplexæ ob multiplicitatē terminorum habent nescio quid difficultatis; propterea quamuis iisdem legibus opponantur, quibus simplices, placet tamen in aliquibus earum prædictas leges ad praxim reducere: vt per aliquas viam ostendamus ad omnes.

Prima sit propositio copulatiua. *Et Petrus & Paulus est doctus*: cui contraria est: *nec Petrus, nec Paulus est doctus*. Contradictoria: *vel Petrus, vel Paulus non est doctus*. Subalterna: *vel Petrus, vel Paulus est doctus*. Hæc, vt vides, est copulatiua de eodem prædicato. Accipe aliā copulatiuam de prædicato diuerso: *Petrus currit & Paulus sedet*, cuius contraria est: *nec Petrus currit, nec Paulus sedet*. Contradictoria: *vel Petrus non currit, vel Paulus non*

*non sedet . Subalterna , vel Petrus currit ;
vel Paulus sedet .*

Secundum exemplum sit in propositione causali : *homo quia est animal est sensitiuus .* Cuius contraria est : *homo quia est animal non est sensitiuus .* Contradictoria : *non homo quia est animal est sensitiuus .* Subalterna : *homo non quia est animal non est sensitiuus .* In qua propositione aduerte seruari ad amussim regulas superius traditas pro discernenda contraria à contradictoria . Nam hæc propositio . *Homo quia est animal non est sensitiuus ,* quam pro contraria ponimus , non negat præcisè quod requiritur ad falsitatem istius : *Homo quia est animal est sensitiuus .* Nam ad falsitatem sufficit , quod vel homo non sit sensitiuus , vel si sit sensitiuus , ratio sensitiui non fundetur in ratione animalis . Contraria autem negat esse sensitiuum , & insuper rationem cur non sit sensitiuus affert : *quia est animal .* Contradictoria vero per præfixionem particulæ *non* toti propositioni id præcisè negat , quod ad falsitatem alterius negari debet , scilicet vel hominem esse sensitiuum , vel etiam si sit sensitiuus , rationem sensitiui fundari in ratione animalis . Atque hic vltèrius confirmatur illud proloquium : *Non est melius contradicere , quam toti propositioni negationem præfigere , iuxta quod copulatiuæ suprapositæ . Et Petrus & Paulus est doctus ,* assignabis etiam pro formalissima contradictoria . *Non & Petrus & Paulus est doctus ,* & sic de cæteris .

Tertium exemplum sit in propositione modali . *Hominem currere est necesse : cuius*
con-

62 *De equip. & conuers. prop comp.*
contraria est hæc: *hominem currere est im-*
possibile. Contradictoria: *Hominem non*
currere est possibile. Subalterna: *Hominem*
currere est possibile. In quibus vides seruari
leges contentas his versibus:

Omnis necesse valet: impossibile nullus.

Possibile quidam: quidam non possibile non.

Si enim ad propositiones simplices quibus
correspondent prædictæ propositiones reducā-
tur. Prima erit hæc: *omnis homo currit*: con-
traria erit: *nullus homo currit*. Contradi-
ctoria: *aliquis homo non currit*. Subalter-
na: *aliquis homo currit*. Prima est necesse.
Contraria impossibile. Contradictoria possi-
bile non. Subalterna possibile.

C A P V T XI.

De Aequipollentia, & conuersione *Prædictarum propositionum.*

AD æquipollentiam propositionum quas
supra descripsimus tenendum est id
quod pro simplicibus dictatum est.

Præ contradic: post contra. *Præ postque*
subalter.

Exemplum sit in propositionibus supra
relatis. *Præ contradic: hoc est: propone*
particulam non huic toti propositioni: &
Petrus & Paulus est doctus dicendo: *non &*
Petrus & Paulus est doctus, & æquiualebit
sux contradictoriæ *vel Petrus, vel Paulus*
non est doctus. Rursus huic præpone parti-
culam *non* dicendo: *non vel Petrus, vel*
Paulus non est doctus, & æquiualebit suæ
contradictoriæ: *& Petrus & Paulus est doctus*.

Post

Post contra hoc est post subiectum huius propositionis; & *Petrus, & Paulus est doctus* pone particulam *non* dicendo; & *Petrus & Paulus non est doctus*, & æquiualebit suæ contrariæ *nec Petrus, nec Paulus est doctus*. Quæ uicissim suæ contrariæ æquiualebit, si post subiectum posueris particulam *non* dicendo: *nec Petrus, nec Paulus non est doctus*. Eandem omnino legem si in subcontrarijs serues; reddes illas æquiuales.

Denique *prepostque subalter*. Hoc est ut subalternas reddas æquiuales, ante & post subiectum utriuslibet pone particulam *non* v. g. hæc: *vel Petrus, vel Paulus est doctus*, reddetur æquiualens suæ subalternanti; & *Petrus, & Paulus est doctus*: si ante, & post subiectum addatur particula *non* dicendo *non vel Petrus, vel Paulus non est doctus*. Idem enim est dicere: *non vel Petrus, vel Paulus non est doctus*, ac dicere, & *Petrus, & Paulus est doctus*. Idem serua in subalternis negatiuis. Quemadmodum autem regulæ in recitatis carminibus cõprehensæ seruandæ sunt inæquipollentiæ propositionum complexarum: sic etiam in earum conuersione seruari debent leges, quas alijs uerbis comprehensas, pro conuersione simplicium tradebamus.

Simpliciter *fEcI*, conuertitur *EuA* per acci.
AsiO per contra: sic fit conuersio tota.

Pro quo tenendum est propositionem copulatiuam per particulam & respondere uniuersali affirmatiuæ v. g. hanc: & *Petrus, & Paulus est doctus*: huic alteri *omnis homo, est doctus*. Copulatiuam per *nec* uni-

64 *De equip. & conuers. prop. comp.*
 uersali negatiuæ v. g. hanc *nec Petrus, nec
 Paulus est doctus* huic: *nullus homo est do-*
ctus. Item affirmatiuam disiunctiuam re-
 spondere particulari affirmatiuæ; negatiuam
 disiunctiuam particulari negatiuæ v. g. *vel*
Petrus, vel Paulus est doctus, respondet
 huic: *aliquis homo est doctus*, hæc alia; *vel*
Petrus, vel Paulus non est doctus; huic, al-
 teri: *aliquis homo non est doctus*.

His suppositis facili labore rem expedies
 seruando videlicet leges vniuersalis affirma-
 tiuæ in copulatiua affirmante: & *Petrus &
 Paulus est doctus*, vniuersalis negatiuæ in
 copulatiua negante: *nec Petrus, nec Pau-*
lus est doctus. Particularis affirmatiuæ in di-
 siunctiua affirmante: *vel Petrus, vel Pau-*
lus est doctus. Particularis negatiuæ in di-
 siunctiua negante: *vel Petrus, vel Paulus*
non est doctus. Accipe enim hanc *nec Pe-*
trus, nec Paulus est doctus: & retenta ea-
 dem quantitate, & qualitate transpone ex-
 trema: & per conuersionem simplicem ha-
 bebis: *Doctus neque est Petrus, neque est*
Paulus. Quod si eandem conuvertere velis
 per accidens: retine qualitatem; muta
 quantitatem, extrema transpone, & habebis:
aliquod doctum neque est Petrus, neque
Paulus. Sicut autem leges simplicium in
 hac negatiua seruauimus, sic etiam in alijs
 seruandæ erunt.

Rursus pro æquipollentia earundem se-
 quere versum iam toties repetitum. *Præ-*
contradic &c. v. g. Hæc propositio: *homi-*
nem currere est necesse æquiualeat suæ con-
 tradictoriæ: *hominem non currere est possi-*
bile, si ante totam propositionem ponas par-
 ticu-

ticulam non dicendo: non hominem currere est necesse: & vicissim: non hominem non currere est possibile: æquiualeat huic hominem currere est necesse. Similiter istæ duæ. Hominem currere est necesse & hominem currere est impossibile, quæ sunt contrariæ, altera scilicet vniuersalis affirmatiua, altera vniuersalis negatiua sibi inuicem æquiualebunt, si alterutri post subiectum ponas particulam non v. g. hominem non currere est necesse idem est ac: hominem currere est impossibile: & hominem non currere est impossibile. Idem est ac: hominem currere est necesse. In quibus vides me particulam non collocasse post subiectum dicti. Dicti autem dicitur quod in præfatis propositionibus ponitur ante copulam totius propositionis modalis.

Denique pro conuersione ijsdem legibus vtuntur, quibus aliæ. En tibi exemplum in vna vel altera: Hominem currere est necesse: vniuersalis affirmatiua conuertitur tum per accidens: sic: ergo aliquod currens esse hominem est necesse: tum per contrapositionem infinitando extrema transposita sic. Non currens esse non hominem est necesse. Item vniuersalis negatiua: Hominem currere est impossibile: conuertitur tum simpliciter sic: vllum currens esse hominem est impossibile: tum per accidens: aliquod currens esse hominem est impossibile.

DISPUTATIO III.

De pertinentibus ad tertiam Operationem intellectus.

CAPUT I.

Quid sit syllogismus.

Iuxta definitionem ab Arist. traditam 1. Prior Cap. 1. *Syllogismus est oratio in qua quibusdam positis, aliud quid à positis necesse est contingere, eo quod hæc sint:* dicitur quibusdam positis hoc est præmissis rectè dispositis. Vocantur autem præmissæ duæ illæ propositiones, quæ conclusionem præcedunt, dicitur *aliud quid necesse est contingere, eo quod hæc sint.* Necesse est scilicet ex præmissis rectè dispositis conclusionem sequi, quæ aliud quid à præmissis dicitur, non quod non contineatur ipsa in præmissis, sed quod non eodem modo cognoscitur in præmissis sicut in se ipsa. Exemplum sit. *Omne rationale est risibile, sed omnis homo est rationalis. ergo omnis homo est risibilis.* Hanc ultimam propositionem necesse est sequi ex eo quod admissæ sint, siue concessæ duæ illæ præmissæ; idque ex vi formæ hoc est talis dispositionis terminorum, & propositionum, vnde ad rationem rectæ illationis nihil facit veritas, vel falsitas, cum solum attendatur an ex præmissis talis conclusio inferatur, quæ concessis præmissis est innegabilis v.g. in hoc syllogismo.

Omne

Omne A est B sed omne C est A ergo omne C est B vel si velis in hoc alio. *Omnis equus est homo, sed omnis lapis est equus, ergo omnis lapis est homo.* Etiam si omnes propositiones sint falsæ, tamen est optima illatio, & concessa utraque præmissa, consequentia nequit negari: necesse est enim omnem lapidem esse hominem, si ponatur quod & omnis equus sit homo, & omnis lapis sit equus. Unde habes quod li: *necesse est aliud quid contingere* non appellat necessitatem veritatis in propositione quæ inferitur, sed necessitatem consequentiæ, & illationis seu non appellat necessitatem consequentis, sed consequentiæ.

Ad intelligendam autem constitutionem syllogismi oportet scire quid sit eius materia quid forma. Materia vero alia est remota, alia proxima. Remota sunt termini, quibus constant propositiones quæ syllogismum constituunt. Hi autem sunt omnino tres: nimirum Subiectum & prædicatum conclusionis, & medium siue medius terminus: ita dictus, quia assumitur ad probandam unionem extremorum in conclusione per hoc, quod utrumque extremum sibi uniuerit in præmissis v. g. in hoc syllogismo. *Omne rationale est risibile; sed omnis homo est rationalis; ergo omnis homo est risibilis.* Medium, seu medius terminus est li *rationalis*. Quod quia in maiori sibi uniuit risibile, & in minori *homo* unit in Conclusionem *homo est risibilis*: inferendo; ergo *homo est risibilis*. Est autem hic sermo de syllogismis constantibus terminis finitis. Nam fortasse constantes terminis infinitis possunt constare terminis plus

plusquam tribus. Sed de hoc alibi. Materia proxima sunt propositiones ex quibus syllogismus constat; quarum prima dicitur maior, eo quod in ipsa contineatur maius extremum: secunda minor, eo quod in ipsa contineatur minus extremum. Tertia vocatur consequentia quia ex utraque præmissa consequitur & inferitur: ut patet in allatis exemplis.

Quid autem sit maius, quid minus extremum habes ex Philosopho, primo Prior. cap. 5. 6. & 7. ubi docet maius extremum in prima figura esse id, quod prædicatur de medio. Minus vero extremum esse id, quod subiicitur medio v. g. in hoc syllogismo. *Omne rationale est risibile; sed omnis homo est rationalis; ergo omnis homo est risibilis.* Maius extremum est *risibile*, quod prædicatur de *rationali*. Homo vero est minus extremum, quia subiicitur eidem *rationali*. In secunda vero, & tertia figura maius extremum est quod, prædicatur in conclusione; Minus vero, quod subiicitur. Exemplum in secunda figura sit. *Nullus Homo est lapis, sed omne marmor est lapis, ergo nullum marmor est homo.* In hoc Syllogismo Homo est maius extremum, marmor vero minus. Homo est in prima præmissa; marmor in secunda exemplum in tertia figura sit. *Omnis homo est substantia; sed omnis homo est animal; ergo aliquod animal est substantia.* Substantia est maius extremum: animal minus. Substantia est in prima præmissa, animal in secunda. Quomodo autem ex adductis Syllogismis alius sit in prima, alius in secunda, & alius in tertia: & discrimen inter primam secundam & tertiam figuram post pauca intelliges. Denique

que particula *ergo* denotat conclusionem deduci ex præmissis. Vnde si aliquis post duas præmissas veras aliam propositionem utique veram adnecteret, sed quæ non præcontinetur illi illis v. g. *Omnis homo est animal, sed omne rationale est homo, ergo omnis equus est animal.* Negare debes consequentiã, neque enim hæc vltima propositio: quamuis vera sit, deduci valet ex præmissis, cum tamen deduci significetur per particulam *ergo*. Hinc est quod quando ambigua est conclusio, ideoque distinguenda dicitur, *distinguo consequens*: non autem *distinguo consequentiam*: & prout conceditur vel negatur dicitur, *concedo vel nego consequentiam*. Ratio est quia in eo sensu, in quo sequitur ex præmissis, est consequentia, non autem in alio, ideoque in vno conceditur, negatur in alio v. g. ad hunc syllogismum. *Omnis virtuosus est bonus; sed omnis logicus est virtuosus, ergo omnis logicus est bonus.* Resp. posses distinguendo mai: omnis virtuosus est bonus simpliciter & absolute nego mai: est bonus simpliciter vel, secundum quid concedo maiore, & transmissa minori *distinguo consequens*. Omnis logicus est bonus simpliciter & absolute nego consequentiam est bonus vel simpliciter vel secundum quid concedo consequentiam.

CAPV T. II.

Quid, & quotuplex sit figura Syllogismi.

Forma syllogismi, quæ comprehendit figuram & modum est debita dispositio
ter.

terminorum, & propositionum vt conclusio sequatur ex præmissis. Hoc capite de figura; sequenti, de modo dicturi sumus. Figura igitur syllogismi est apta dispositio terminorum secundum subiectionem & prædicationem ad conclusionem inferendam. Triplex autem est figura syllogistica, secundum Aristotelē & Peripateticos communiter pro triplici dispositione mediij termini cum extremis. Hæc mediij termini triplex dispositio hoc versiculo continetur.

Sub: præ: prima. bis præ: secūda. tertia. bis sub:

Sub: præ: prima. Hoc est in prima figura medius terminus in maiori subiicitur, & prædicatur in minori v. g. *Omne rationale est risibile. sed omnis homo est rationalis ergo omnis homo est risibilis.* In quo Syllogismo *rationale* quod est mediū, est in maiori subiectum & in minori prædicatum.

Bis præ: secunda. Hoc est in secunda figura medium tam in maiori, quam in minori prædicatur v. g. *Nullus lapis est homo, sed omne rationale est homo, ergo nullum rationale est lapis.* In quo medius terminus *homo* est in vtraque præmissa prædicatum.

Tertia bis sub. Hoc est in tertia figura medius terminus subiicitur & in maiori, & in minori v. g. *Omnis homo est rationalis, sed omnis homo est viuens, ergo aliquod viuens est rationale.* In quo medius terminus *homo* in vtraque præmissa subiicitur. Præter has tres figuras Aristotelicas Galenus existimauit quartam se inuenisse, quam acriter propugnant Medici; reiiciunt Peripatetici. In hac autem medius terminus prædicatur in maiori, & subiicitur in minori v. g. *Om-*
nis

nis homo est rationalis, sed omne rationale est risibile, ergo omnis homo est risibilis. Verum hæc figura Galenica non differt à prima Aristotelica nisi purè materialiter, & per meram translationem præmissarum. si enim ponatur minor loco maioris habes syllogismum Aristotelicū. Adde quod minor ipsa in hac figura Galenica immerito dicitur minor cum in ipsa contineatur maius extremum. In hoc igitur solū differt ab Aristotelica, quod innaturalis sit ponendo propositionem vere maiorem secundo loco, quæ poni deberet in primo.

CAPVT III.

Quid, & Quotuplex, sit modus Syllogismorum.

Modus Syllogismi est recta dispositio propositionum secundum quantitatem, & qualitatem in ordine ad conclusionem. Modi autem syllogismorum vtilēs, & qui tradi solent à logicis sunt omnino nouendecim quatuor carminibus comprehensi.

Barbara. Celarent. Darj. Ferio. Baralipon. Celantes. Dabitis. Fapesmo. Frisesomorum. Cesare. Camestres. Festino. Barocco. Darapti. Felapton. Disami. Datifi. Broccardo. Ferison.

Supradicta vocabula, quæ ad inuandam Tyrorum memoriam carminum in morem concinnauerunt veteres summilistæ sunt nouendecim, & singula singulos syllogismorum modos significant. In His autem tenendum est quod iam semel iterumque diximus per istas vocales *A. E. I. O.* integras

pro-

propositiones designari, quæ in syllogismo eundem ordinem habere debent, quem in supradictis vocabulis habent v. g. in *Barbara* est triplex *A.* tres igitur propositiones debent esse vniuersales affirmatiuæ: nam *A.* designat propositionem vniuersalem affirmatiuam. In *Celarent* prima est *E.* hoc est vniuersalis negatiua, secunda *A.* hoc est vniuersalis affirmatiua, tertia *E.* vniuersalis negatiua, & sic de singulis.

Primi nouem modi pertinent ad primam figuram, quorum primi quatuor sunt directi, & naturales: alij autem quinque indirecti, & innaturales. Quatuor sequentes spectant ad secundam figuram. Sex vltimi: ad tertiam. Vocantur autem modi directi in quibus minus extremum subiicitur maiori v. g. *Omne rationale est risibile, sed omnis homo est rationalis, ergo omnis homo est risibilis.* In quo *homo*, quod est minus extremum subiicitur *risibili* quod est maius. Indirecti vero sunt, in quibus maius extremum subiicitur minori v. g. *Omne rationale est risibile, sed omnis homo est rationalis, ergo aliquod risibile est homo.* In quo *risibile* maius extremum subiicitur huic termino *homo* qui est minus extremum.

C A P V T IV.

Regulæ pro prima figura.

PRiusquàm regulas pro prima figura tradamus: operæ pretium erit singulis primæ figuræ modis sua exempla adnectere; vt reductæ ad proximam regulam melius innotescant.

cāt. Et primo loco quatuor modi directi exemplificandi sunt .

Bar *Omne rationale est risibile,*
 ba *Omnis homo est rationalis,*
 ra. *Ergo omnis homo est risibilis .*

Ce *Nullus equus est risibilis*
 la *Omne hinnibile est equus ,*
 rent. *Ergo nullum hinnibile est risibile.*

Da *Omnis homo est rationalis,*
 ri *Aliquod animal est homo,*
 j. *Ergo aliquod animal est rationale :*

Fe *Nullum risibile est Leo,*
 ri *Aliquod animal est risibile ,*
 o. *Ergo aliquod animal non est leo .*

Præter istos quatuor modos directos sunt in prima figura quinque alij indirecti quorum exempla subtèxinus .

Ba *Omne risibile est animal ,*
 ra *Omnis homo est risibilis,*
 lip. *Ergo aliquod animal est homo .*

Ce *Nullum materiale est Angelus*
 lan *Omnis homo est materialis ,*
 tes. *Ergo nullus angelus est homo .*

Da *Omne animal est viuens ,*
 bi *Aliqua substantia est animal ,*
 ris. *Ergo aliquod viuens est substantia.*

Fa *Omne rugibile est leo ,*
 pes *Nullus equus est rugibilis,*
 mo. *Ergo aliquis leo non est equus.*

Fri *Aliquod animal est homo ,*
 se *Nulla planta est animal ,*
 so. *Ergo aliquis homo non est planta.*

Post exempla tradendæ sunt regula. Prima est, quod ex maiori particulari in modis directis nihil concluditur. v. g. *Aliqua substantia est spiritualis. Omnis lapis est substantia , ergo aliquis lapis est spiritualis.* Secunda est in iisdem modis directis ex minori negativa nihil concludi. v. g. *Omne animal est substantia. Nullus lapis est animal, ergo nullus lapis est substantia.* Hæ tamen regula in modis indirectis non valent; bene enim concluditur in Frisefomorum sic. *Aliquod animal est rationale , nullus lapis est animal , ergo aliquod rationale non est lapis.* Obijces hoc argum. *Aliquod risibile ludit ; omnis homo est risibilis , ergo aliquis homo ludit,* bene concludit in modo directo : nam minus extremum subiicitur maiori vt patet , & tamen habet maiorem particularem , ergo prima regula assignata est falsa ,

Resp. neg. ant. nam argumentum prædictum nihil valet. Conclusio ipsius vera est , si verum sit quod aliquod risibile ludat , non quia omnis homo est risibilis , sed quia omne risibile est homo. Prauitas autem illius consequentiæ manifestè apparet ex eo quod si eadem omnino forma applicetur alteri materiæ inferet falsum v. g. *Aliquod animal*
est

est equus Omnis homo est animal, ergo aliquis homo est equus. Qui potest concedere hanc consequentiã concedet & argumentum esse in forma.

CAPVT V.

Regule pro secunda Figura .

IN secunda Figura medius terminus præditur tam in maiori quam in minori. Modi autem sunt quatuor .

Cc Nullus homo est lapis,
 fa Omne marmor est lapis,
 re. Ergo nullum marmor est homo.

Ca Omnis homo est risibilis
 mes Nullus equus est risibilis,
 res. Ergo nullus equus est homo .

Fes Nullus equus est risibilis,
 ti Aliquod animal est risibile,
 no. Ergo aliquod animal non est equus.

Ba Omnis leo est rugibilis
 roc Aliquod animal non est rugibile
 choi Ergo aliquod animal non est leo.

Prima regula pro secunda figura est ex maiori particulari nihil sequi. v. g. *Aliqua substantia est colorata, nullus angelus est coloratus, ergo aliquis angelus uon est substantia* . Secunda regula est ex duabus præmissis affirmatiuis nihil sequi. v. g. *Omnis arbor est viuens omnis homo est viuens, ergo omnis homo est arbor.*

CAPVT VI.

Regule pro tertia figura.

Modi tertię Figurę in qua [medius terminus in vtraque subiicitur sunt sex.

Da *Omnis homo est substantia;*
 rap *Omnis homo est animal,*
 ti. *Ergo aliquod animal est substantia.*

Fe *Nullus lapis est risibilis,*
 lap *Omnis lapis est durus,*
 ton. *Ergo aliquod durū non est risibile.*

Di *Aliquod animal est homo,*
 fa *Omne animal est viuens,*
 mi. *Ergo aliquod viuens est homo.*

Da *Omne hinnibile est equus,*
 ti *Aliquod hinnibile est album,*
 fi. *Ergo aliquod album est equus.*

Bro *Aliquod animal non est vulpes,*
 car *Omne animal est viuens,*
 do. *Ergo aliquod viuēs non est vulpes.*

Fe *Nulla quercus est animal,*
 ri *Aliqua quercus est viuens,*
 son. *Ergo aliquod viuēs non est animal.*

Pro tertia Figura prima regula est ex minori negatiua directē nihil sequi. v.g. *Omnis Angelus est substantia, nullus angelus est lapis, ergo aliquis lapis non est substantia.*

Dixi nihil sequi directe, quia indirecte pos-
 ses inferre, ergo aliqua substantia non est la-
 pis, quæ esset conclusio syllogismi in *Fe-
 lapton* per meram translationem præmissarum
 hoc pacto. *Nullus angelus est lapis, omnis
 angelus est substantia, ergo aliqua substan-
 tia non est lapis.* Secunda regula est conclu-
 sionem semper esse particularem, ut constat
 ex omnibus quæ pro exemplis adduximus.
 Sit enim syllogismus in *Darapti*, cuius
 ambæ præmissæ sunt vniuersales. *Omne
 fidus est incorruptibile, omne fidus est lucidum,
 ergo aliquod lucidum est incorruptibile.*
 Male inferres. *Ergo omne lucidum est in-
 corruptibile.*

CAPVT VII.

Regule communes pro omnibus figuris.

PRæter regulas peculiare, quas pro vna
 quaque figura tradidimus, sunt aliæ
 quædam communes pro omni figura, quas
 hoc capite breuiter comprehendimus.

Prima est quod medius terminus saltem
 in altera ex præmissis distribuatur. Distribui
 autem est accipi pro singulis inferioribus, ut
 diximus agentes de suppositione distribu-
 tiua. Hoc autem fit cum vel est subiectum
 propositionis vniuersalis affirmatiuæ, vel
 prædicatū negatiuæ. Ex defectu talis distribu-
 tionis hic syllogismus est fallax. *Omne ani-
 mal fuit in arca Noe, sed meus Brunellus est
 animal, ergo meus Brunellus fuit in arca
 Noe.* Nusquam enim medius terminus ani-
 mal distribuitur. Non in minori ubi dicitur

de vno, non in maiori quia non est in suppositione distributiva completa, sed in distributiva accomodè completa, hoc est incompleta. Non enim supponit pro singulis generum hoc est pro singulis contentis in qualibet animalium specie, sed pro generibus singulorū, hoc est pro aliquo ex vna quaque specie. In hac lege fundatur regula prima prima figuræ, & secunda secundæ, vt constat in exemplis ibidem adductis. Pro prima. *Aliqua substantia est spiritualis &c.* Pro secunda *omnis arbor est viuens &c.* Secunda regula est terminus non distributus in præmissis non potest distribui in conclusionē: contra hanc regulam peccat hic syllogismus. *Omnis Angelus est substantia, nullus lapis est angelus, ergo nullus lapis est substantia.* Substantia enim maius extremū conclusionis negatiuæ distribuitur cum non distribuatur in maiori; vt pote prædicatum propositionis affirmatiuæ. In hac lege, fundatur secunda regula primæ figuræ: prima secundæ, prima & secunda tertiæ vt constat in examples quæ habes. Pro prima *omne animal est substantia &c.* Pro secunda *aliqua substantia est colorata &c.* Pro tertia *omnis angelus est subst. &c. omnes sidus est in corruptibile.*

Tertia regula est, conclusio sequitur debiliorem partem. Hoc est si in præmissis aliqua est particularis, conclusio sit particularis, si aliqua negatiua, conclusio sit negatiua. Quarto in Syllogismis categoricis de quibus hactenus egimus ex duabus præmissis particularibus nihil sequitur v. g. aliquod *Animal est homo,*
aliquis

aliquis Leo est animal , ergo aliquis leu est homo. Patet enim in neutra medium terminum esse distributum , imo diuersimodè in vtraque participari ab extremis.

Quinta est ex puris negatiuis nihil sequitur. v.g. *Nullus homo est lapis, nullum marmor est homo, ergo nullum marmor est lapis.* Ratio est quia ex eo quod marmor & lapis distinguantur ab homine non bene inferitur quod marmor & lapis distinguantur inter se. sicut ex eo quod, & animal , & homo distinguantur à lapide , non bene inferitur quod homo non sit animal .

Contra vltimam regulam obijcies . Hic Syllogismus . *Stelle que non scintillant sunt prope nos , sed Planete non scintillant, ergo Planete sunt prope nos* , habet vtramque præmissam negatiuam , & tamen bene concludit, ergo regula adducta est falsa.

Resp. neg. ant. quod scilicet prædictus syllogismus habeat vtramque præmissam negatiuam. Imo vtraque præmissa est affirmatiua ; cum particula *non* in neutra copulam afficiat. Hic enim syllogismus , si bene intelligatur , sic sonat. *Stelle non scintillantes sunt prope nos , sed Planete sunt stelle non scintillantes , ergo Planete sunt prope nos.*

C A P V T V I I I .

An , & quomodo reduci possint syllogismi imperfecti , ad perfectos.

PRimi quatuor modi syllogistici adeo directè, & euidenter concludunt, vt con-

cella semel vtraque præmissa, consequentia sit omnino inegabilis. In alijs autem quavis conclusio sit æquæ certa, & infallibilis. quia tamen non est æquæ directæ: posset aliquis Dialecticæ minus peritus illam negare, ideo inuenta est ratio omnes syllogismos ad quatuor primos reducendi: vt illa veritas, quæ per indirectos elicitur per directos ad euidentiā reducatur.

Duplex autem est Syllogismorum reductio, ostensua altera seu conuersua; altera per impossibile. Ostensua, seu conuersua est illa, in qua per conuersionem propositionum, & in aliquibus præmissarum transpositionem, syllogismi ex imperfectis sunt perfecti. Ad hoc autem vniuersaliter loquendo aduertendum est ad litteras initiales modorum, quæ sunt quatuor. B. C. D. F. Et vnusquisque imperfectus ad eum ex perfectis reducitur, qui eandem cum ipso litteram initialem habet v. g. *Baralipion* ad *Barbara*, *Darapti* ad *Darij* &c. Aliquando autem non sufficit propositiones conuvertere sed necesse est præterea præmissas loco transferre, vt fiat ex maiori minor ex minori maior. Harum autem conuersionum, & transpositionem leges duplici carmine comprehensas habes.

S. vult simpliciter verti. P. vero per acci. M. vult transponi: C. per impossibile duci.

His versiculis non littera initialis modorum, sed littera posita post vocalem, quæ propositionem denotat, designatur.

S. vult simpliciter verti. Sensus est, quod illa propositio quæ designatur per vocalem, quæ præcedit litteram S. in modis imperfectis,

Etis, conuerti debet simpliciter v. g. *Datifi*, fit *Darij*, & *Ferison* fit *Ferio*, per conuersionem simplicem minoris. *Datifi*. *Omne risibile est homo, aliquod risibile est album, ergo aliquod album est homo.* Conuerte simpliciter minorem & habes *aliquod album est risibile*; quæ si fiat minor positi syllogismi, ex *Datifi* fit *Darij*, est que in prima figura directus, vt patet. Aduerte autem in *Datifi* post illud *I* quod denotat minorem; esse litteram *S*, quæ denotat esse conuertendum simpliciter.

P, vero per acci. Sensus est quod propositio designata per vocalem, quam sequitur littera *P* est conuertenda per acc. dens v. g. *Darapti* fiet *Darij* si minor, que per *A* designatur conuertatur per acc. dens, quod denotat littera: *P* posita post *A*. *Darapti*. *Omnis homo est risibilis, omnis homo est animal, ergo aliquod animal est risibile.* Conuerte minorem per acc. dens, & habebis: *Aliquod animal est homo.* Quæ si sit minor prædicti syllogismi fit syllogismus in *Darij*, primæ figuræ & directus.

M. vult transponi: significat in modis, in quibus reperitur littera *M* esse mutandum ordinem, præmissarum, ita vt maior ponatur loco minoris minor loco maioris, quo facto, & seruatis legibus conuersionis, syllogismus ad perfectum reducitur exemplū sit in *Fapesmo*. *Omne risibile est homo, nullus equus est risibilis, ergo aliquis homo non est equus.* Ex minori fac maiorem, conuertendo illam simpliciter vt denotat littera *S* dicendo *nullum risibile est equus*; ex maiori fac minorem conuertendo illam per acc. dens

vt denotat littera P dicendo *aliquis homo est risibilis*, & cum consequentia, ergo *aliquis homo non est equus*, habes Syllogismum in Ferio. *Nullum risibile est equus, aliquis homo est risibilis, ergo aliquis homo non est equus*. Non vacat exemplificare per singulos. Moneo tamen conuersionem in aliquibus esse scilicet consequentis ita *Celantes* fit *Celarent* & *Dabitis* fit *Darij* per hoc præcisè quod conclusio conuertatur simpliciter: vltimum enim E in *Celantes*, & vltimum I in *dabitis*, quod denotat conclusionem, habet post se litteram S quæ vult simpliciter verti. In *Baralipton* autem conclusio ex particulari fit vniuersalis, & euadit *Barbara* ponendo scilicet pro conclusione illam propositionem quæ per conuersionem per accidens in particularem euadit. *Baralipton*: *Omne risibile est homo, omne rationale est risibile, ergo aliquis homo est rationalis*. Muta conclusionem ergo *omne rationale est homo*, & habes syllogismum in *Barbara*. Hæc autem est conuersa huius: *aliquis homo est rationalis*, vt diximus in loco.

Quia tamen duo modi *Baroccho* scilicet, & *Brocardo* alter secundæ, alter tertiæ signæ nequeunt ostensiuè, seu conuersiuè ad perfectos reduci: ideo alia reductio inventa est, quam dicunt per impossibile, & indicatur per has particulas *C per impossibile duci*. Fit autem hæc reductio hoc pacto. Accipitur contradictoria conclusionis negatæ ab aduersario; coniungitur cum altera propositione ab eodem concessa, & elicitur consequentia contradictoria alteri propositioni ab eodem concessæ: & sic aduersarius cogitur ad duo

contradictoria, quod est reduci ad impossibile res clarius patebit in exemplo. Sit syllogismus in Baroccho. *Omnis homo est risibilis, aliquod animal non est risibile, ergo aliquod animal non est homo.* Concessa utraque præmissa neget aduersarius consequentiam: tunc accipe contradictoriam negatæ, quæ est, *omne animal est homo*, & forma syllogismum sic. *Omnis homo est risibilis, omne animal est homo, ergo omne animal est risibile.* Quæ est contradictoria minoris concessæ in altero syllogismo, & tamen tenetur illam concedere concessa utraque præmissa, & sic reducitur ad impossibile. Item in Brocardo. *Aliquod animal non est homo, omne animal est sensitium, ergo aliquod sensitium non est homo.* Si negatur consequentia accipe contradictoriam *omne sensitium, est homo.* Forma syllogismum. *Omne sensitium est homo, omne animal est sensitium, ergo omne animal est homo.* Quæ consequentia negari nequit, & tamen est contradictoria maioris concessæ in antecedenti syllogismo.

CAPV T IX.

In alijs modis fit eadem reductio.

QUamuis reductio ad impossibile præcipue pro Baroccho, Brocardo inuenta sit; tamen etiam erga alios modos adhiberi potest. Et quidem pro modis primæ figuræ indirectis regulæ sunt.

Maiorem oppositū pellit, maiorque minorē. Excipe Celantes in quo contraria res est.

Sensus est. Accipe contradictoriam con-

sequentis negati. Fiat maior noui syllogismi, in quo maior accipiat locum minoris & deducetur conclusio repugnans minori concessæ in priori syllogismo v. g. in *Baralip. Omne risibile est animal, omnis homo est risibilis ergo aliquod animal est homo.* Si negetur consequentia, sume contradictoriam & sic syllogiza. *Nullum animal est homo, omne risibile est animal, ergo nullum risibile est homo.* Hæc consequentia, quæ negari nequit, repugnat minori syllogismi antecedentis *omnis homo est risibilis.* nam si *nullum risibile est homo,* valet per conuersionem simplicem; *nullus homo est risibilis.* Si autem verum est *nullus homo est risibilis:* falsum est *omnis homo est risibilis.* Repugnat enim duas contrarias esse simul veras: vt dictum est suo loco.

Excipitur auté *Celantes*, in quo contraria res est. Hoc est in quo accipitur minor concessa in priori syllogismo, & fit maior. Tunc accipitur contradictoria consequentis negati, & fit minor, & ex vtraque inferitur consequentia repugnans maiori concessæ in priori syllogismo v. g. *Celantes. Nullum materiale est angelus, omnis homo est materialis, ergo nullus angelus est homo.* Si negetur consequentia: accipe minorem concessam in primo syllogismo & dic. *Omnis homo est materialis,* postea cape contradictoriam consequentis negati, & dic. *Aliquis angelus est homo:* & habes consequentiam, *ergo aliquis angelus est materialis,* quæ repugnat maiori concessæ in antecedenti syllogismo. *Nullum materiale est Angelus.* Ex hac enim per conuersionem simplicem
valet:

valet: ergo nullus angelus est materialis, cuius contradictoria est: aliquis angelus est materialis.

Pro secunda figura regulæ sunt.

Stat maior: trahit oppositum de sede minoræ.

Hoc est maior prioris syllogismi maneat. Sed loco minoris ponatur contradictoria consequentis negati, & pro consequentia inferretur contradictoria minoris concessæ in anteriori syllogismo v.g. *Festino. Nullus equus est risibilis, aliquod animal est risibile, ergo aliquod animal non est equus.* Si negetur consequentia retine maiorem prioris syllogismi, *nullus equus est risibilis.* Pro minore pone contradictoriam consequentis negati. Scilicet omne animal est equus, & habes pro consequentia *ergo nullum animal est risibile*, quæ est contradictoria minoris in superiori syllogismo concessæ, *aliquod animal est risibile.*

Pro tertia figura regulæ sunt.

Stat minor; oppositum transit maioris in eadē.

Hoc est minor prioris syllogismi retinet suum locum: contradictoria consequentis negati ponitur loco maioris. Exemplum sit in *Darapti. Omnis homo est risibilis, omnis homo est animal ergo aliquod animal est risibile.* Si negetur consequentia accipe contradictoriam eiusdem, & dic: *Nullum animal est risibile*, sume minorem prioris syllogismi: *Omnis homo est animal*, & inferes *ergo nullus homo est risibilis.* Quæ opponitur contrariè maiori concessæ in priori syllogismo, *omnis homo est risibilis*: ideoque huius veritas nequit cum alterius veritate subsistere.

CAPV T X.

Quibus principijs innitatur syllogistica.

INtet principia quæ dicuntur nota ex terminis, hoc est indubitata ijs qui significationem vocum intelligunt, primo loco ponitur hoc : *Quodlibet est vel non est. Non potest idem simul esse & non esse.* Huic principio innititur hoc aliud. *Quæ sunt eadem uni tertio sunt eadem inter se*, puta si Petrus, & animal rationale sunt idem cum homine, necessarium est, quod etiam inter se sint idem. Et : *quorum unum distinguitur a tertio, a quo alterum non distinguitur ea inter se distingui oportet.* Puta si homo distinguitur ab hinnibili, à quo non distinguitur equus; hominem & equum inter se distingui necesse est. His principijs respondent alia duo Logicæ propriâ quibus vim syllogisticam immediatè fundari docet Philosophus primo prior cap. I. in fine.

Primū est, *in toto esse* quod vulgo dicitur *Dictum de omni*, significat autem, quod quicquid dicitur de aliquo termino communi supponente distributivè, etiam de quolibet contento sub tali termino dici debet v. g. quia dicitur *omnis homo est animal* si simul concedatur quod Petrus sit homo, hoc est cōtineatur sub hoc termino communi *homo* necessarium est concedere quod Petrus sit animal, si enim negaretur, negaretur, & concederetur idem de eodem, & falsificaretur, primum principium. *Non potest idem simul esse, & non esse.* Hoc axioma dictum de

de omni fundat consequentiam argumento-
rum in *Barbara*, & in *Darij*, in quibus
conclusio est affirmatiua.

Secundū est: dictū de nullo, & significat,
vniuersaliter quod prædicatum illud, quod
negatur de aliquo termino cōmuni perfectē
distributo, negari debet de quolibet contento
sub illo v. g. quia de equo vniuersaliter
negatur quod sit rationalis, & sub hoc ter-
mino communi *equus* continetur *Bucepha-*
lus, etiam de *Bucephalo* negari debet quod
sit rationalis & sic de quolibet alio. Hoc
axioma fundat syllogismos in *Celarent*, &
Ferio, in quibus conclusio est negatiua.

CAPVT II.

Aliæ species argumentationis.

INter alias species prima sit Enthymema,
quod est Syllogismus incompletus, in
quo nimirum ex vnica præmissa, quæ dicitur
antecedens infertur conclusio, altera præ-
missa subintellecta: v. g. *Petrus est homo, ergo*
est animal. Subintelligitur enim altera
præmissa *omnis homo est animal*.

Secunda sit Exemplum. Est oratio in qua
ex eo quod *aliquid* vni conueniat, infertur
etiam alteri conuenire. v. g. *Viile est fratri*
tuo studere logicæ, ergo etiam tibi.

Tertia Inductio. Et est oratio per quam à
multis enumeratis arguitur ad vniuersale:
de hac actum est alibi.

Quarta sit Syllogismus conditionatus, qui
dupliciter fit: *aliquando* enim ex eo quod
in min. affirmetur conditio, quæ erat pars

ma. altera pars ma. pro conclusione infertur.
 v. g. *Si Petrus studuit logica est sapiens; sed studuit logica ergo est sapiens.* Aliquando ex eo quod in minori negetur pars conditionata maioris, infertur pro consequentia negatio conditionis positæ in eadem mai. v. g. *Si Petrus studuit logica est sapiens, sed non est sapiens, ergo non studuit logica.* De Syllogismis constantibus ex propositionibus complexis, eodem modo, quod de alijs, Philosophandum est.

Sunt autem præter Syllogismos categoricos, de quibus diximus, Syllogismi expositorii, ita dicti, quod quasi ob oculos ponant necessitatem illationis. Habet hoc genus Syllogismorum in prima figura duos modos. primus est cum vtraque præmissa affirmatiua v. g. *hic homo ludit, sed Petrus est hic homo, ergo Petrus ludit.* Secundus est cum maiori negatiua & min. affirmatiua v. g. *Petrus non est logicus, sed hic homo est Petrus, ergo hic homo non est logicus.*

In secunda figura tres habet modos. Primus est cum vtraque præmissa affirmatiua, v. g. *hic homo est Petrus, sed Princeps ciuitatis est Petrus, ergo Princeps ciuitatis est hic homo.* Secundus est cum ma. affirmatiua, & mi. negatiua v. g. *Princeps Philosophorum est Aristoteles, sed Alexander non est Aristoteles, ergo Alexander non est Princeps Philosophorum.* Tertius est cum ma. negatiua, & mi. affirmatiua v. g. *Aristoteles non est Tullius, sed Princeps eloquentie est Tullius, ergo Princeps eloquentie non est Aristoteles.*

In Tertia figura duos habet modos. Primus est ex vtraque affirmatiua v. g. *Petrus est*

est doctus ; sed Petrus est hic homo , ergo hic homo est doctus .

Secundus est cum ma. negatiua & mi. affirmatiua v. g. *Brunellus non est homo : sed Brunellus est hic equus , ergo hic equus non est homo .* Porro Syllogismus expositorius definitur à Conimbricensibus primo prior. cap. 6. quest. vnica, art. primo : qui constat medio termino singulari . Vtitur autem hoc Philosophus præcipuè ad probandam bonitatem Syllogismorum tertiæ figuræ .

Innituntur autem Syllogismi expositorii principijs superius explicatis : si enim quod dicitur de omni debet etiam dici de quolibet contento in omni, & similiter quod negatur de omni, negari debet de quolibet contento in omni, ne de eodem idem affirmetur & negetur ; manifestum est quod de eodem singulari idem dicere & negare est impossibile . Et ad hoc reducetur contradictio inter vniuersalem, & particularem, sicut & aliæ oppositiones vt consideranti parebit .

C A P V T V L T I M V M.

De Syllogismo sophistico .

Syllogismus sophisticus, seu captiosus definitur ab Aristotele prim. Elench. cap. 1. *Oratio , quæ propter similitudinem quam habet cum Syllogismo , Syllogismus videtur cum tamen non sit .* Ex eo quod non fit Syllogismus nihil concludit . Ex eo quod videatur esse, videtur concludere, & capit incautos, qui similitudinem rei pro re admittunt

tunt iuxta illud. *Tanti vitrum, quanti Margaritum.*

Decipi autem per huiusmodi Syllogismos dupliciter contingit. Vel per hoc quod voces vnum significare videantur cum multa significant, vel per hoc quod res ipsæ propter similitudinem vnum videantur, cum sint multa. Propterea fallaciæ aliæ sunt dictionis; aliæ extra dictionem. Inter fallacias dictionis prima sit fallacia æquiuocationis. Fit autem hæc per hoc quod eadem vox plura, & inter se diuersa significans modò pro vno, modò pro alio accipiat. v. g. *Omnis canis est latrabilis, sed aliquod fidus est canis. ergo aliquod fidus est latrabile.* Secundo fit eadem fallacia per hoc quod vox aliud propriè, aliud metaphoricè significet. v. g. *Omne quod ridet est homo, sed Pratum Titiri ridet, ergo Pratum Titiri est homo.* Secunda est *amphibologia*, quæ est æquiuocatio quædam totius orationis. Contingit autem vel ex eo quod varietur casus, v. g. *Omnes Episcopi sunt Sacerdotes, sed isti boues sunt Episcopi, ergo isti boues sunt Sacerdotes.* In maiori *Episcopi* est in nominatiuo, in minori est in genitiuo; vel ex eo quod varietur sensus v. g. *Ista capra est mater, sed ista capra est tua; ergo ista capra est mater tua.* Tertia & celeberrima omnium, quæ ex parte dictionis accidunt, & quæ in vniuersa Philosophia, & Theologia grauissimas affert difficultates est fallacia *sensus compositi*, & *sensus diuisi*. Potest autem dupliciter contingere: primo si res diuissim significatæ siue importatæ, compositæ, & copulatiuè sumantur. v. g. *Duo & tria sunt par & impar, sed quinque sunt*

sunt duo & tria, ergo quinque sunt par & impar: Binarius & ternarius, sunt par & impar. Sed quinarium, est binarius & ternarius, ergo quinarium est par & impar. Ad huiusmodi Syllogismos distinguendum est. Duo & tria diuim sumpta sunt par & impar conc. simul sumpta nego. Vel si maius sunt par & impar in sensu diuiso concedo in sensu composito nego.

Secundo committitur hæc fallacia si ex eo quod datur potentia ad duo opposita disjunctiue, inferatur dari potentiam ad duo illa simul ponenda v. g. *Petrus habet potentiam sedendi & standi, ergo potest sedere, & stare sed sedere & stare est impossibile, ergo potest impossibile.* Vides quod ex eo quod Petrus possit vtrilibet diuim, male inferat aduersarius, quod possit vtrumque coniunctim.

Ad dissoluendas autem omnes fallacias, quæ hac ratione fieri possunt, sciendum est quid sit *potentia simultatis*, quid *simultas potentia*. Si enim bene adhibeantur hi termini, dissoluunt omnia omnino sophismata, quæ secundum hanc fallaciam fiunt. Dari potentiam simultatis est posse simul esse plura v. g. datur in me potentia simultatis ad ambulandum, loquendum, cogitandum, ridendum, &c. quia hæc omnia possum ponere simul: non autem datur potentia simultatis ad loquendum, & tacendum quia non possum loqui simul & tacere. Dari autem simultatem potentia est esse simul in eodem subiecto potentiam ad plura, quamuis ea plura simul esse non possint. v. g. in me est potentia sedendi simul cum potentia standi: imo fortasse eadem est potentia standi, & sedendi:

dendi: non tamen est potentia standi, & sedendi simul: ideoque si quis mihi diceret: datur in te potentia ad sedendum & standum ergo potes sedere & stare: responderem cum distinct: possum sedere, & stare simultate potentia concedo, potentia simultatis nego. Vel possum stare & sedere in sensu composito, nego, in sensu diuiso concedo.

Quinta est fallacia figurae dictionis, quæ accidit, & ex eo quod vox significans rem in vno statu, sumatur ad eandem significandam in alio. v. g. *Quod emisisti comedisti, sed emisisti bouem crudum, ergo comedisti bouem crudum.* Et ex eo quod terminus ex suppositione simplici transeat ad suppositionem personalem v. g. *Homo est species, sed Petrus est homo, ergo Petrus est species.*

Fallaciæ extra dictionem recensentur omnino septem. Prima est secundum accidens: Etque cum aliquid tribuitur subiecto ratione sui, quod illi conuenit ratione accidentis. v. g. *Musicus non est ens naturale, sed arte factum, sed Petrus est musicus, ergo Petrus non est ens naturale, sed arte factum.* Vides hic tribui Petro ratione sui id quod conuenit illi ratione alicuius accidentis, nimirum, ratione musicæ, quæ est quid superueniēs Petro. Respondetur autem ad huiusmodi sophismata cum distinct. v. g. *Musicus reduplicatiuè sumptus non est ens naturale, sed arte factum* conc. *Musicus specificatiuè sumptus.* nego. Rem autem accipi specificatiuè est accipi purè materialiter, hoc est pro mero subiecto totius denominationis. Ita in casu præsentis Musicus specificatiuè acceptus est purus ille & merus homo, qui est subiectum
artis

artis musicæ . Aliter etiam fieri potest fallacia accidentis sed satis est pro præsentî .

Secunda est: à secundum quid ad simpliciter v. g. *Aethiops est albus secundum dentes*, ergo *Aethiops est albus*. In quo ex eo quod *Aethiops* sit albus secundum quid, inferitur esse album sine ullo addito, quod conuenit solum albo simpliciter, & absolutè. Fit etiam hæc fallacia, cum terminus ab ampliori suppositione ad minus amplam restringitur. v. g. *Qui dicit Petrum esse animal, dicit verum; sed qui dicit Petrum esse equum dicit Petrum esse animal, ergo qui dicit Petrum esse equum dicit verum*. Animal in maiori accipitur secundum totam suam extensionem, in minori restringitur ad speciem equinam, & propterea fit mala conclusio .

Tertio est ignorationis Elenchi: & est illa perquam excomparatione vnius rei cum pluribus diuersimodè se habentibus ad ipsam inferuntur apparenter duo contradictoria. v. g. *Petrus est maior Francisco, sed non est maior Antonio* ergo *Petrus est maior, & non maior*. Respondetur cum distinct. *maior, & non maior* respectu diuersorum conceditur, respectu eiusdem negatur .

Quarta est fallacia consequentis, cum videlicet non seruantur leges bonæ consequentiæ. v. g. *Petrus est animal, ergo est homo*. Consequentia non valet, quamuis consequens sit verum. Nam ex animali non licet inferre hominem, quod est inferre speciem ex genere. Si enim liceret, recte argueres: *Bucephalus est animal, ergo est homo*. Ratio cur non valeat huiusmodi consequentia est, quia idē genus contrahitur per oppositas differentias, qui-

quibuscum constituit diuersas species; cum igitur sit ex se ad hanc vel illam indifferens, neque hanc neque illam ex ipso licet inferre.

Quinta est fallacia *petitionis principij*, est que eiusdem per idem probatio v. g. Si quis probaret lunam moueri, quia mutat situm, & mutare situm, quia mouetur; à primo ad vltimum probaret lunam moueri, quia mouetur, quod est petere principium.

Sexta est secundū non causā pro causa, sitq; quando pro causa alicuius rei assignatur id, quod verè nō est causa. v. g. *Musicus est causa cantus sed homo niger est musicus, ergo homo niger est causa cantus.* Hoc consequēs non est falsum si homo niger specificatiuè sumatur. Falsum est tamen, si reduplicatiuè, & in sensu formali: & quia hunc sensum præferunt consequentia, ideo est fallax afferendo nigredinem pro ratione influente in cantum, cum tamen hæc impertinenter se habeat ad cantū.

Denique vltima est secundum plures interrogationes vt vnā v. g. *homo & equus est ne animal bipes?* hac interrogatione valde pusillus est qui capitur. Statim enim vnicuique subuenit responsio cum distinct. de Homine dicit quod sit bipes, de equo negat.

Vniuersaliter autem loquendo ad omnem Syllogismum sophisticum responderi potest negando consequ; & ostendendo fallaciam, ratione cuius vitiosa est forma argumenti: solet etiam claritatis ergo responderi cum distinct. concedendo, vel negando, pro diuersitate sensuum, quos afferunt propositiones. Atque hæc de summulis satis ad honorem & gloriam omnipotentis Dei & Beatissimæ Virginiæ MARIÆ.



DISPUTATIONES

LOGICÆ.

LOGICIS Disputationibus, quas tractaturi sumus hoc anno non licet otiosa oratione proludere. Libet tamen in ipso Logicarum disputationum exordio illud primum examinare; an ita necesse sit cæteris Logicam præire scientijs, ut sine ipsius ope operam ludat Intellectus humanus, dum easdem adipisci conatur. Primum igitur, quæremus an sit ad alias scientias perfecte acquirendas, non solum utilis, sed necessaria: quæsituri postmodum quod nam sit ipsius obiectum: & ex obiecto Naturam, & quidditatem ipsius inuestigaturi.



DISPV-

DISPUTATIO I.
 PRO O E M I A L I S.
 Q V E S T I O I.

De Necessitate Logicæ.

ARTICVLVS I.

Quo genere necessitatis sit Necessaria.



LOGICA naturalis unicuique nostrū innascitur, quæ est vis quædam humani Intellectus, qua de rebus omnibus ratiocinari apti sumus. Logicam artificialem studio, & labore aquirimus. De prima non agimus hic. Certum est enim eos scientijs ineptos esse, qui facti sunt sicut equus, & mulus, quibus non est intellectus.

De secunda, quæ est facultas quædam directiua operationum mentis humanæ, quæritur hic an sit necessaria, & quo genere necessitatis necessaria sit ad cæteras scientias puta ad Physicam, Metaphysicam aliasque huiusmodi acquirendas.

Pro quo sciendum est ad obtinendum aliquem finem aliquid necessarium multipliciter dici. Quædam enim adeo necessaria sunt, ut sine ipsis res obtineri non possit. Quædam ita ut possit quidem, sed non nisi raro, & cum ingenti

ingenti difficultate, quadam ita vt non raro, nec difficillimè, facilius tamen cum ipsis, & melius. Rursus rem vnā obtineri non posse sine alia dupliciter contingit, vel enim simpliciter & absolutè non potest, & tunc dicitur necessitas metaphysica: hoc modo necessarium est, vt Deus te conseruet, vt viuas: Est enim omnino impossibile, quod stes nisi Deo tenente. Vel res vna quamuis absolutè sine altera obtineri possit: nequit tamen naturaliter: & huiusmodi necessitas dicitur naturalis, seu physica. Hoc genere necessitatis necessarius est Cibus animali vt viuat, quamuis enim etiam per multos annos impransus, & incoenatus per diuinam Omnipotentiam viuere possis: non tamen naturaliter, hoc est viribus naturæ id facies.

Necessitas, qua vna res ad aliam requiritur, quia non nisi raro & cum ingenti difficultate, sine illa acquiritur: vocari solet necessitas moralis. Necessitas vero, qua vnum ad aliud requiritur, vt hoc facilius, & commodius adipiscamur, dicitur necessitas ad melius esse.

Denique quando quærimus an ad alias scientias perfectè acquirendas logica sit necessaria: nomine scientiarum non intelligimus quemlibet actum; sed quemlibet habitum scientificum: non enim ab actu, sed ab habitu datur vnicuique nomen scientis: pura qui vnā cantilenam nouit, eamque suauissime cantat; non illico dicitur musicus, sed qui habitum musicæ habet, nec dicitur Astrologus qui vnā Astrologicā demonstrationem intelligit: Nec Medicus, qui semel vnum morbum curauit. His positis sit.

Prima conclusio . Logica nec absolute, nec physicè necessaria est ad alias scientias perfectè acquirendas .

Hæc conclusio continet duas partes. Prima est Logicam non esse absolute necessariam ad alias scientias . Probatur autem : quia sine præiudicio logica potest de potentia absoluta intellectus humanus acquirere quālibet scientiam , ergo logica non est absolute necessaria ad alias scientias . Antecedens est certum, non enim diuinæ Omnipotentiae impossibile est, ita tractare humanum ingenium ut etiam non præcedente logica euadat Physicæ, & Metaphysicæ sciens .

Secunda pars est: neque naturaliter necessariam esse logicam ad alias scientias . Probatur hæc etiam pars : quia sine logica artificiali possunt etiam naturaliter aliæ scientiæ in statu perfectio acquiri ; ergo logica non est naturaliter necessaria ad alias scientias. antecedens probatur, quia non excedit vim naturalem humani ingenij adipisci Physicam vel Medicinam , vel quamlibet aliam scientiam huiusmodi sine antecedenti studio Logicæ, ergo logica non est necessaria necessitate physica ad alias scientias. Secundum antecedens probatur: quia Plato, Aristoteles, & alij alij, ante quam inuenta esset Logica alias sciētias ita adepti sunt, ut sapientes essent. Id tamen ingenti studio, & labore ij paucissimi obrinuerunt . Propterea fit :

Secunda Conclusio. Logica est moraliter necessaria ad alias scientias si statu perfecto acquirendas .

Probatur Conclusio quia illud est moraliter necessarium ad aliud sine quo non potest
illud

illud aliud nisi rarissime, & cum summa difficultate acquiri; sed aliæ scientiæ in statu perfectō nequeunt sine Logica, nisi rarissime, & cum grauissima difficultate acquiri; ergo Logica est moraliter necessaria ad alias scientias in statu perfectō acquirendas. Hinc Philosophus tertio Metaphysicæ docet quod priusquā intellectus humanus in alias scientias incumbat debet addiscere modū sciendi; hoc est in serie scientiarum acquirendarum debet primo loco conari vt Logicam acquirat, Maior Syllogismi propositi est clara, continetque ipsammet definitionem necessitatis moralis. Minor autem probatur, experientia quam habemus circa imbecillitatem humani Intellectus, qui etiam promisso studio Logicæ tam difficile alias scientias adipiscitur. quid faceret si sine logica?

Est igitur fundamentum nostræ conclusionis imbecillitas humani ingenij, ex quo facile argues hanc logicæ necessitatem non esse æqualem in omnibus: cum non omnium sit vnum ingenium. Alij igitur plus; alij minus logica indigēt, omnes tamen indigēt, & ij ipsi, qui ante logicam aliquas scientias adepti sunt, non nisi labore improbo adepti sunt; easdem non modo facilius, sed etiam perfectius adepturi si logica instructi fuissent.

ARTICVLVS II.

Respondetur nonnullis Obiectionibus.

Obieitur primo. Si Logica non est physice necessaria ad alias scientias, superfluum est studere logicæ: sed ex dictis non

est physice necessaria, ergo &c. Probatum maior: quia superfluum est adhibere medium plenum incommodi ad obtinendum aliquid, quod sine ipso potest naturaliter obtineri ergo si sine logica possunt alia scientia obtineri etiam naturaliter superfluum est logicæ incumbere.

Resp. negando maiorem, quæ falsa est ob multa. Primo quia non est superfluum adhiberi medium, etiam ob solam facilitatem maiorem obtinendi finis propter quem adhibetur: aliter superfluum esset equum adhiberi ad iter agendum: præcipue ab ijs, qui etiam sine graui incommodo pedibus possunt iter agere. Secundo quia non modo non est superfluum, sed est necessarium adhibere illud medium ad rem obtinendam, sine quo non nisi rarissime, & cum ingenti difficultate obtinetur: aliter superfluum esset arma induere ad resistendum homini armato, cum aliquando contigerit hominem inermem plures armatos exarmasse. Ad videndum igitur utrū aliquid sit necessarium ad aliud oportet videre, an & quomodo illud aliud sine ipso obtineri possit. Si nullo modo: illud aliud est omnino necessarium; si aliquo quidem modo, sed non naturaliter, illud aliud est physice necessarium: Si naturaliter quidem, sed non nisi raro & cum difficultate pene insuperabili: est necessarium moraliter; si sine graui difficultate, erit necessarium ad melius esse.

Obicies secundo, Si Logica est necessaria ad alias scientias vel est necessaria omnibus hominibus, vel solum aliquibus: neutrum dici potest, ergo non est necessaria, maior est euidens, minor probatur. Et primo quod

non

non sit necessaria omnibus quia saltem aliquis sine logica potest adipisci alias scientias, ergo non est necessaria omnibus Ex hoc autem quod non sit necessaria omnibus, probatur quod nec aliquibus, seu quod nulli; Quia quidquid potest facere vnus homo, potest & alius: Ergo si aliquis sine logica potest euadere Physicus, aut Medicus; possunt omnes. Antecedens probatur quia omnes homines sunt eiusdem perfectionis.

Resp. concessa mai. negando min. & dico logicam esse necessariam omnibus, quia omnium intellectus directione indiget ne fallatur, dixi necessaria omnibus vnicuique autem magis vel minus pro maiori, vel minori imbecillitate intellectus. Ad probationem min. quo ad primam partem distinguo antecedens: saltem aliquis potest adipisci sine logica alias scientias cum ingenti difficultate, concedo ant. sine ingenti difficultate nego ant. & consequ;

Ad probat. secundę partis nego ant. quod videlicet quidquid potest vnus homo, possit & quilibet alius homo. Hoc enim tam in viribus animi, quam in viribus corporis manifestè falsum apparet. In viribus corporis, quia vnus est alio longe rebusior: in viribus animi, quia vnus est alio longe ingeniosior. ad probationem dic omnes homines esse eiusdem perfectionis essentialis non autem accidentalis.

Obicies tertio, Si Logica est necessaria ad alias scientias est necessaria ad seipsam. Consequens est impossibile, ergo & antecedens. Probatur mai. quia ideo est necessaria ad alias, quia alię sunt difficiles aquisi-

tu: sed etiam ipsamet Logica est acquisitu difficilis, ergo logica erit necessaria ad logicam. Consequens autem esse impossibile probatur quia impossibile est logicam ante logicam addiscere.

Resp. distinguendo mai. est necessaria ad se ipsam necessitate partis ad partem conc. mai. necessitate totius ad totum, nego maiorem; & eodem modo distincta min. nego consequentiam. Logica est necessaria ad logicam necessitate partium ad partes, quia necesse est ante addiscere unam partem logicæ quam aliam. Non est necessaria necessitate totius ad totum; quia non est necesse imò est impossibile ante totam logicam, totam logicam addiscere. Ante ea quæ pertinent ad secundam operationem intellectus, necesse fuit intelligere, quæ spectant ad primam & ante ea quæ spectant ad tertiã, ea que pertinent ad secundã. Toti autem logicæ ea dumtaxat logica prærequiritur quam logicam naturalem appellamus, quamque supponimus in omnibus dum artificialem paulatim à facilioribus iuxta præceptum Philosophi ad difficiliora progredientes explicamus.

ARTICVLVS III.

Soluuntur aliæ Obiectiones.

Objicitur præterea. Potentia necessaria non indiget directione; sed intellectus est potentia necessaria; ergo intellectus non indiget directione: Si autem intellectus directione non indiget; frustra est logica. Maior probatur quia potentia necessaria non potest aliter,

aliter, & aliter agere, sed quod non potest aliter, & aliter agere non indiget directione; ergo potentia necessaria, non indiget directione. Explicatur hoc idem exemplo aliarum potentiarum necessariarum. Oculus v. g. quia est potentia necessaria non indiget directione, ut recte videat; sed quodlibet obiectum sibi propositum videt quantum potest. Idem dicitur de potentia auditiva, de odorativa, & sic de ceteris. Quod autem intellectus sit potentia necessaria est certum.

Respondeo negando mai. ad cuius probationem nego potentiam necessariam non posse aliter & aliter agere. Quamvis autem aliqua potentia necessaria non indigeat, imo sit incapax directionis non tamen omnis est huiusmodi. Et consequenter ex eo quod intellectus sit potentia necessaria non inferitur quod dirigi nequeat. Potest igitur potentia necessaria determinari ad operandum hoc potius quam illo modo cum ab alio; tum à seipsa: ab alio: si non sit reflexiva supra se, & supra suos actus; à se ipsa, si supra se & suos actus reflectat; Potentia loco motiva, quæ est potentia necessaria, & non reflexiva supra suos actus, determinatur ab appetitu, aut voluntate ad movendum corpus hoc potius quam illo modo; puta saltando potius, quam ambulando & saltando ad hunc potius, quam ad alium numerum: Pirrichiam potius, quam Medeam; Voluntas autem ad imperandum hunc potius quam alium motum dirigitur à potentia cognoscente, hunc potius quam illum motum efficere saltationem intentam.

Intellectus autem non minus cognoscit se,

suosque actus per cognitionem reflexam, quā per cognitionem directam alias potentias, & actus aliarum potentiarum; adeoque non minus potest dirigere se ipsum, quam alias potentias ad operandum. Hinc habes discrimen inter intellectum qui est potentia necessaria, & voluntatem, quæ est potentia libera non consistere in hoc quod voluntas possit aliter & aliter operari; Intellectus autem non. sed inter cetera, quæ alibi afferuntur inter utramque potentiam discrimina, sufficiat hoc pro præsentī quod etiam si intellectus repræsentet voluntati, aliquid ut euidenter bonum, potest voluntas non amare; quia est potentia libera; si sibi ipsi repræsentet aliquid ut euidenter verum, non potest non assentiri, quia est potentia necessaria.

Obicies insuper. Nulla operatio intellectus est indifferens ut sit bona, vel prava: Ergo nulla operatio, est dirigibilis: sed si nulla operatio est dirigibilis nō requiritur logica. ergo simpliciter & absolute non requiritur logica. Ant. probatur. Quia omnis operatio intellectus est vel bona, vel prava; quæ bona est non indiget directione; quæ prava, nequit fieri bona: nam operationem iam elicitam reuocare ut illam emendes tam est impossibile, quam reuocare tempus elapsum. Nostræ enim mentis operationes sunt de natura temporis: hoc est essentialiter fluentes. Puta si quis elicuerit hunc actum: *Omnis homo est animal; ergo omne animal est homo*, & deinde reflectens ad prauitatem ipsius ut potè peccantis contra leges conuersionum velit hunc reformare dicens: *Omnis homo est animal ergo aliquod animal est homo*, non refor-

De necessit. log. ad alias scient. 105
reformat actum, qui fluxit sed alium elicit
meliozem . Idem dic de singulis .

Respondeo duplicem indifferentiam hic
considerandam esse ; aliam physicam, aliam
logicam : indifferentia physica est illa quæ
præsupponit realem existentiam rei quæ dicitur
indifferens v. g. lignum est indiffe-
rens physicè ad hanc vel illam figuram, quia
ad vtrâlibet realiter & physicè præsupponi-
tur cum aptitudine ad vtramque. Lignum
enim neque rotundum, neque quadratum
quadrabis vel rotundabis ad libitum, & il-
lud idem ex quadrato rotundum, ex rotundo
quadratum efficies . Indifferentia autem pu-
rè logica est illa quæ non supponit existen-
tiam rei, quæ denominatur indifferens sed
solum capacitatem in esse obiectiuo, vt ad
hanc, vel illam rationem contrahatur: rem
intelliges hoc exemplo . Operatio recta pu-
ta iudicium rectum dicitur iudicium: etiam
iudicium prauum dicitur iudicium, tam igitur
in Iudicio prauo, quam in Iudicio recto
reperitur ratio Iudicij, in recto dicitur con-
trahi ad rectitudinem, in prauo ad prauita-
tem: & quia tam cum prauitate, quam cum
rectitudine dicitur iudicium, Ideo iudicium
dicitur indifferens ad rectitudinem, & prauita-
tem: vbi aduerte quod non prius existit
aliquod Iudicium neque rectum neque pra-
uū; quod deinde ad rectitudinem, vel prauita-
tem flectas, sicut dicebamus de ligno: sed
quia qui iudicat potest vel rectum vel pra-
uum iudicium elicere, ideo ratio iudicij
dicitur indifferens ad hoc vel illud .

Hoc genere indifferentiæ dicuntur indiffe-
rentes rationes superiores respectu harum

vel illarum inferiorum v. g. Animal dicitur indifferens ad hominem, & brutum; non quod detur animal aliquod, quod non sit, neque homo, neque brutum, aut quod illud animal quod est homo possit euadere brutum, aut è conuerso; sed quia tam de homine, quam de Bruto dicitur *animal*. Hoc idem dic de ratione specifica respectu indiuiduorum; puta de ratione hominis respectu Petri, Pauli, & aliorum. Non enim ideò dicitur homo indifferens ad Petrum, vel Paulum, vel quemlibet alium, quod detur aliquis homo, qui non sit neque Petrus, neque Paulus, neque ullus alius homo: aut quod ex Petro possis euadere Paulus, aut quilibet alius homo: sed quia & de Petro, & de Paulo, & de quolibet alio dicitur *homo*. Hæc indifferentia reperitur in operatione intellectus. Primo quidem in operatione vt sic ad primam, secundam & tertiam; non quod detur aliqua operatio, quæ neque sit prima, neque secunda, neque tertia. Sed quia & prima & secunda & tertia, est operatio. Secundo in quolibet genere operationum datur hæc indifferentia respectu inferiorum, nam & prima operatio potest esse praua vel recta, & sic de ceteris: ita vt in qualibet retineatur ratio operationis. Ex his.

Respondetur ad argumentum propositum distinguendo antecedens. Operatio non est indifferens indifferentia physica: concedo antecedens, indifferentia logica: nego antecedens & consequentiam. Omnis operatio intellectus est indifferens accipiendo ly *Omnis* non pro singulis generum, sed pro generibus singulorum. Dixi non pro singulis
gene-

generum quia si singulas operationes examines nulla est indifferens . v. g. hæc *Petrus est animal*; ergo est homo non est indifferens, sed essentialitur mala . Hæc alia *Petrus est homo*; ergo est animal, non est indifferens, sed essentialitur bona, & sic de reliquis. Sed *pro generibus singulorum* quia quodlibet genus potest vel ad prauitatem, vel ad rectitudinem contrahi: nam & ratio primæ operationis reperitur in bona & praua apprehensione & ratio Iudicij, in prauo & recto Iudicio, & ratio discursus in prauo, & recto discursu, vt autem non prauè sed rectè tuus intellectus operetur indiges logica directrice.

Habes ex hac eadē doctrina: quod quamuis in quolibet genere operationis possit aliqua elici, & quidem recta sine ope logicæ artificialis; puta, aliqua prima apprehensio, aliquod iudicium, & aliquis discursus, non propterea dicendum est logicam non esse necessariam pro dirigendis omnibus operationibus intellectus, quia etiam in quolibet genere sunt aliquæ operationes adeò difficiles vt sine adminiculo logicæ non fiât. erit igitur necessaria pro omnibus intelligendo ly *omnibus* modo supradicto .

Obicitur tertio . Si Logica artificialis est necessaria ad alias scientias, non est æque bene consultum intellectui humano ac consultum est brutis; consequens est iniquum; ergo & antecedens. Min. est clara: nam intellectus humanus est nobilior Pecude, si igitur melius consultum est Pecudi quam ipsi, est quædam Naturæ iniquitas . Maior autem probatur quia Pecus non indiget vlla arte acquisita, vt assequatur suum finem, sed in-

Intellectus humanus indiget aliqua arte, vt assequatur suum, videlicet vt assequatur scientias ergo Pecudi melius consultum est quam Intellectui humano. Probatur hæc vltima consequentia, quia melius est per naturam, & sine indigentia habitus supperadditi posse assequi suum finem, quam non posse per naturam, sed indigere adiutorio habitus acquisiti.

Respondeo negando mai: ad probationem concessis mai: & min: nego consequentiam. Ad probationem distingue: melius est non indigere habitu ad assequendum finem, quam indigere: cæteris paribus, concedo, cæteris imparibus, nego; qui minimum bonum sine ope alterius assequitur non est melioris conditionis, quam qui maximum, ope alterius. Qui minimum sine ope alterius, est melioris conditionis, quam qui pro illo eodem minimo indiget alterius ope. Brutum assequitur suum finem per ea, quæ ipsi innascuntur, nec indiget artes addiscere, vt per illas suum finem adipiscatur; immo illarum est incapax.

Intellectus non assequitur suum finem nisi per artes, quas addiscit & quarum est natura capax; sed finis intellectus humani est maximum bonum, finis bruti est minimum: adde quod non propterea intellectus non assequitur per naturam: cum per naturam suas sibi artes excogitet.

Obicitur vltimo: aliæ scientiæ sunt faciliores quam logica; ergo logica non debet præmitti alijs scientijs. Cōsequentia est euidens; nam præmittere difficiliora faciliioribus est inuertere modum disciplinæ. Antecedens autem probatur. Mathematica v. g. est

est facilior quam logica adeò vt etiam Pueri sint mathematicis disciplinis maximè apti. Physicà etiam videtur facilior, quia cum habeat pro obiecto ens sensibile, ad illud intelligendum maximo pere adiuuatur à sensibus: Logica autem cum versetur vel circa res omnes, vel circa intellectum, vel circa operationes intellectus: habet procul dubio obiectum cognitu difficilius; scientia autem quæ habet obiectum cognitu difficilius est difficilior; ergo logica est difficilior alijs scientijs.

Respondetur negando antecedens, loquendo de alijs scientijs in statu perfecto. Ad probationem antecedentis. Quoad Mathematicam artinet dicendum est eam logica minus indigere, quam indigeant aliæ scientiæ: non tamen non indigere: Ratio cur minus indigeat est quia saltem in multis magis nititur Imaginatione, quam Intellectu, quæ imaginatio cum sit etiam in pueris viuidissima, ideo etià pueri sunt nonnullis rebus mathematicis apprimè idonei: ratio cur tamen indigeat, est, quia non solum imaginatione sed etiam intellectu utitur Mathematicus, si in hac facultate velit aliquam excellentiam adipisci. Cum autem in rebus mathematicis sit infinita demonstrationum multitudo; periculum est ne sophismate, seu paralogismo pro demonstratione utatur, nisi logicam habeat adiutricem. Neque igitur Mathematica ipsa in statu perfecto sine ope logicæ acquireretur; quauis etiam pueri nbi aliquid scire videantur in mathematicis.

Quoad Physicam autem est maxime necessaria logica, quia quauis Physicus in speculan-

culando ens sensibile, quod habet pro obiecto adiuvetur à sensibus : tamen nisi à logica dirigatur vix vnquam procedet sine terrore, atque formidine in inuestigandis rerum causis vt experientia constat. Logica vero quamuis versetur vel circa res omnes, vel circa intellectum, vel circa operationes mentis non est adeo difficilis, quia circa obiecta prædicta versatur secundum aliquem modum sibi proprium non valde difficilem : puta si habet pro obiecto res omnes: non ita versatur circa ipsas vt illarum quidditatem proprietates, & causas consideret. Hoc enim ad alias scientias spectat: sed solum illas considerat in esse secundo intentionali, hoc est prout cognitas: considerando processionem vnius cognitionis ab alia, puta conclusionis à præmissis & alia huiusmodi. Si habet pro obiecto intellectum: non considerat naturam, & proprietates intellectus, quod spectat ad Animaticam, sed solum considerat illum vt perfectibilem per hanc, & illam cognitionem elicitam secundum has, vel illas leges, quas tradit. Denique si pro obiecto habet operationes mentis non considerat illas secundum omnes rationes, sed secundum quasdam easque faciles, puta secundum modum, quo conuertuntur, quo sibi æquipollent, quo disponuntur in forma syllogistica, quæ omnia sunt facillima habentibus tantillum Logicæ naturalis, hoc est pauculum rationis.

QVESTIO II.

De obiecto Logica.

ARTICVLVS I.

*Diuiditur obiectum in materiale, &
formale.*

Res quam cognoscis est obiectum tuæ cognitionis, quam vides tuæ visionis, quam amas tui amoris, quam desideras tui desiderij, & sic de cæteris. Illud igitur circa quod actus, vel habitus, vel potentia versatur; obiectum actus, vel habitus, vel potentię nuncupatur. Ita sonorum dicitur obiectum potentię auditivæ: coloratum visivæ; quia visus percipit colorta, & auditus sonora. Ens sensibile dicitur obiectum Physicæ, quia Physica ens sensibile speculatur. Ens, sine vlla restrictione assignatur pro obiecto Metaphysicæ, quia circa ens, secundum totam suam amplitudinem Metaphysica occupatur.

Diuiditur autem multipliciter obiectum. Prima diuisio sit in materiale & formale. Materiale in scientijs dicitur, res, quæ à quolibet scientia consideratur; formale vero ratio illa secundum quam, vel propter quam à scientia cōsideratur. Sciendum est enim eandem rem esse indifferentem ad diuersas scientias, prout eadem res secundum diuersas rationes est contemplabilis. v. g. Quantitas vt ens consideratur à Metaphysica, quæ pro motu formali suarum contemplationum habet rationem entis. Spectat enim ad Metaphysicam passiones entis speculatiuæ; passio autem

tem

tem entis vt entis cuilibet rei conuenire debet; quia quælibet res est ens, vt diximus, & consequentur posio entis pro vt entis demonstrata à metaphysica tam conuenit quantitati quam cuilibet alteri rei adeoque, & quantitas, & quælibet alia res rectè dicitur considerari à Metaphysica sub ratione entis.

Rursus eadem quantitas vt affectio corporis sensibilis consideratur à Physica, quæ pro motiuo formali suarum speculationum habet rationem sensibilis. Eadem vt extensio seu dimensio quædam consideratur à Mathematica, cuius est numeros, & magnitudines contemplari; itavt ratio extensi in quantitate, seu potius in Ente, sit ratio secundum quam consideratur à Mathematica. Sensibilitas ratio secundum quam consideratur à Physica, ipsamet vero ratio entis sit ratio secundum quam consideratur à Metaphysica. Ex quibus habes quod ens, vt ens erit obiectum Metaphysicæ? vt sensibile, obiectum Physicæ; vt extensum Mathematicæ reduplicando semper per particulam vt obiectum formale scientiarum, quæ eandem rem sed diuersimode speculantur. Hanc Doctrinā hausimus ex Philosopho secundo Physicorum textu 17. & seqq;

Sic etiam eadem res potest esse materia siue obiectum materiale diuersarum artium, quæ ratione vel diuersi obiecti formalis, vel diuersæ rationis formalis *sub qua* diuersificabuntur. Ita lignum quod est obiectum materiale artis scissoriæ est etiam obiectum materiale Nauifaciue, & Statuariæ. Nam & Scissor, & Nauium faber, & Statuarius circa lignum versantur.

Dixi

Dixi, *vel diuersi obiecti formalis, vel diuersæ rationis formalis sub qua*; quia posset aliquis opinari ad diuersificandos habitus speculatiuos requiri quidem diuersitatem obiecti formalis, non verò ad diuersificandos habitus practicos. Ratio esse posset quia in habitibus speculatiuis ratio formalis sub qua res consideratur est obiectum formale non autem in practicis. Nam in habitibus practicis nomine obiecti formalis intelligitur ipsa forma, quæ in materiã est introducenda, & propter quam introducendam habitus circa talem materiam occupatur. v.g. talis dispositio localis introducenda in colores per quæ Cæsarem repræsentent, est obiectum formale Pictoriæ. Talis figura inducenda in marmor per quam repræsentet leonem dicitur obiectum formale Statuariæ, & sic de cæteris.

Contingit autem, aiunt, artes esse diuersas cum identitate, & obiecti materialis, & obiecti formalis, per solam diuersitatem rationis formalis sub quas puta ars fusoria, & ars malleatoria in idem aurum inducunt formã Pontificis; adeoque vtraque circa eandem materiam occupata eandem insuper formam intendit. Sed malleatoria versatur circa aurum, quatenus malleabile, seu tufile; fusoria circa idem quatenus fusile; hæc enim liquando, illa tundendo ex auro Pontificem facit. Hanc autem diuersam rationem sub qua circa eandem materiam Malleatoria, & Fusoria occupantur sufficere volunt ad diuersificandas secundum speciem duas hæc artes.

Verum hæc Doctrina quamuis in assignando obiecto formali habitibus practicis dicendo illud esse formam ipsam, quæ in mate-

materiam ab habitu, & ex intentione habitus introducitur quamuis inquam in hoc puncto placeat, non tamen in cæteris omnino aridet, quia diuersa sensibilitas obiectorum sensibilibum non diuersificat habitus speculatiuos, ergo nec diuersa figurabilitas, hoc est diuersa ratio sub qua res est figurabilis diuersificabit habitus practicos. Explicatur antecedens omne sensibile pertinet per modum obiecti ad Physicam: at inter sensibilia alia sentiuntur per visum, alia per auditum, alia per tactum &c. Nec tamen totidem ponuntur scientiæ, quot sunt huiusmodi sensibilitates. Eodem modo licet inter figurabilia alia figurentur, per fusionem, alia per malleationem, item licet idem sit & per fusionem, & per malleationem figurabile non propterea erit, vel erunt diuersorum habituum. Et quemadmodum in sensibilibus non attenditur ad hanc vel illam sensibilitatem, sed ad rationem sensibilis, quæ dicitur simpliciter, & absolutè *ratio formalis sub qua*. Ita in figurabilibus non attenditur ad hanc, vel illam rationem sub qua res est figurabilis, sed ad rationem figurabilis, quæ dicitur simpliciter: *ratio formalis sub qua*.

ARTICVLVS II.

Colliguntur aliqua ex dictis.

Collige primo obiectum materiale, non differre à formali per hoc, quod materiale consideretur à scientia, non vero formale, sed per hoc quod ad rationem obiecti materialis sufficit quod consideretur: ad formale vero, requiritur insuper quod sit ratio secundum-

cundum quam, vel propter quam materiale respicitur.

Collige secundo non necessario obiectum formale a materiali distingui. Nā si res aliqua secundū se ipsā, vel propter se ipsā consideretur: adeoq; sit simul res considerata, & ratio secundū quā vel per propter quam consideratur, erit respectu talis cōsiderationis obiectū materiale simul & formale. Hoc modo diuina essentia est obiectum materiale simul, & formale visionis beatæ: materiale, quia est res visa, seu terminans visionem; formale quia per se ipsam, & propter se ipsā videtur, & ad sui visionē mouet. Eodē modo diuina bonitas est obiectum, tam materiale, quam formale Charitatis: materiale quia illā amamus, formale, quia propter illā, seu propter se ipsam.

Collige tertio, rationem formalem sub qua, tam in habitibus speculatiuis, quam in practicis præsupponi ad actus, qui per eosdem eliciuntur: nam, & Physica præsupponit sensibilitatem in corpore, & Statuaria figurabilitatem in marmore circa quod occupatur. In practicis tamen non præsupponitur obiectum formale: quia obiectum formale est forma inducenda per habitum: voco autem habitum speculatiuum cuius finis est cognoscere, practiuum vero cuius finis est operari.

Quæres cur ratio formalis sub qua respectu habitus speculatiui sit obiectum formale, non autem respectu habitus practici.

Respondeo disparitatem petendam esse à priori ex natura vtriusque habitus. Habitus speculatiuus est pure cognoscitiuus, siue quod idem est sistit in contemplatione sui obiecti.

obiei. Practicus autem est operatiuus, seu progreditur ad operationem sui obieci. Ratio autem propter quam cognoscimus, seu motiuium cognoscendi præexistit cognitioni ad quam mouet. Ratio vero propter quam operamur non præexistit cognitioni dirigenri ad opus, sed illam consequitur. Hinc recte dixeris Physicus cognoscit hoc corpus quia est sentibile; Statuarius confiderat hoc marmor vt illud artificiose figuret. In prima propositione assertur motiuium scientiæ speculatiuæ: scilicet Physicæ. In secunda motiuium scientiæ practicæ, scilicet Statuariæ. Motiuium autem, & obiectum formale, tam respectu potentiarum, quam respectu habituum sunt vnum, & idem.

A R T I C V L V S III.

Aliæ diuisiones obieci.

Secunda diuisionis sit in obiectum attributionis, & obiectum attributum, seu communitalis. Obiectum attributionis, est illud quod primo, & per se consideratur à scientia & per ordinem ad quod cætera omnia considerantur. Obiectum attributum, seu communitalis, est illud, quod a scientia consideratur non primo, & per se, sed per ordinem ad illud quod dicitur attributionis. Exemplum sit in Physica, & Statuaria: si verum est Physicam considerare solum per se, & propter se substantiam sensibilem, substantia sensibilis, erit obiectum attributionis. Obiectum verò attributum, seu communitalis erunt & accidentia, & quacumque alia per ordinem

ordinem ad substantiâ sensibilem speculatur si autem considerat per se, & propter se non solum substantiam; sed omne ens sensibile: ens sensibile erit obiectum attributionis. Attributum verò erit quicquid aliud per ordinem ad ens sensibile considerabit.

Item obiectum attributionis Statuariæ est statua, quia hæc primario, & per se intenditur à Statuaria, malleus vero sera, & haseia, & alia id genus pertinent ad obiectum communitatis; quia non propter se, sed propter statuam faciendam considerantur à Statuaria.

Ex his facile intelliges, tam in speculativis quam in practicis Obiectum attributionis esse complexum ex obiecto materiali, & formali. Averte autem obiter quod finis, opus, & obiectum attributionis in habitibus practicis sunt unum & idem. Ita in statuaria obiectum attributionis est statua, quæ simul est opus, & finis statuariæ.

Denique dividitur obiectum in totale, & parziale. Totale est quod adæquat totam tendentiam habitus, vel Potentiæ. Parziale vero quod est solum pars eorum, quæ à tali habitu, vel potentia considerantur. Ita ens sensibile est obiectum totale, seu adæquatum Physicæ, quia sub ente sensibili continetur quicquid à Physica consideratur: aqua vero, vel ignis, est parziale quia est solum pars eorum quæ ab eadē scientia considerantur. Sic etiam coloratum, est obiectum adæquatum potentiæ visuæ, quia quicquid terminat tendentiam potentiæ visuæ, sub colorato continetur. Cæruleum autem, vel viride est solum obiectum parziale, quia est
solum

solum pars eorum, quæ à Potentia visiva respiciuntur.

ARTICVLVS IV.

*Voces non sunt Obiectum materiale
Logicæ.*

PRæmissa notitia obiecti eiusdemque divisionibus, quantum sufficit pro præsentii. Quærendum est quodnam sit obiectum attributionis Logicæ: & quia obiectum attributionis ex materiali, & formali conflatur. Quærendum est primo, quodnam sit obiectum materiale. In hac controuersia, Prima sententia est eorum, qui Logicæ pro obiecto materiali voces assignant. Primum fundamentum huius sententiæ est ipsamet nominis etimologia: Logica enim dicitur à voce Græca *Logos*, quæ sermonem significat.

Secundum sumitur ex eo quod Isagoge Porphyrij in qua de quinque prædicabilibus agitur: scilicet de Genere, Specie, Differentia; Proprio, & Accidente inscribitur *De quinque vocibus*: Ergo, aiunt, Logica cuius est hic tractatus considerat voces; sed obiectum materiale habitus est id quod consideratur ab habitu, Ergo obiectum materiale Logicæ sunt voces.

Tertium fundamentum petitur ex Logica Aristotelis in qua passim agit de vocibus, puta de Terminis, de Acquiuocis, Vniuocis, & Analogis. De nomine, & Verbo, De Oratione. Quæ omnia sunt Voces. Hæc sententia, Occam, & Nominalibus imputatur.

Quos

Quos tamen ab hac veluti calumnia magno conatu vindicat Hurtadus, quasi indignum fuerit Viris sapientibus ita sentire. Dicendum sit.

Voces non sunt obiectum materiale Logicæ.

Probatur conclusio, quia ad hoc ut voces sint obiectum materiale Logicæ debent directe, & per se secundum aliquam rationem considerari à Logica: sed voces nec directe nec per se secundum ullam rationem considerantur à Logica; ergo voces non sunt obiectum materiale Logicæ. Maior patet ex definitione, & diuisione obiecti superioris tradita. Minor probatur quia vel voces considerantur, quatenus sunt sonus quidam, & hæc consideratio non spectat ad Logicam, sed ad Physicam, quæ & sonum, & colorem, & alia obiecta potentiarum sentitiuarum considerat. Vel considerantur quatenus sunt significantes, & significatio vocum pertinet ad Grammaticos; ad videndum enim quid hæc vel illa vox significet, non consultis Aristotelem sed Calepinum. Vel considerantur quatenus sibi congruunt, & hoc pertinet ad eosdem Grammaticos qui præcepta tradunt ut voces concordent cum vocibus puta adiectiuum cum substantiuo genere numero, & casu &c. Vel considerantur quatenus habent ornatus per tropos, & figuras quibus fiunt ad persuadendum idoneæ, & hoc pertinet ad Rethoricam; vel quatenus habent inter se Harmonicam quamdam consonantiam, & pertinet ad Musicam ergo sub nulla ratione directe, & per se considerantur à Logica.

Fundamenta sententiæ initio propositæ facile

facile diruuntur. Ad primum dic Logicam dici à ſermone, ſed interno. Ad ſecundum dic Iſagogem, ſeu introductionem Porphyrij inſcribi *de quinque vocibus*, ſed internis, vel potius de rebus prout ſubſtantibus noſtris conceptibus. Genus enim v. g. eſt collectio plurium habentium in eſſentia aliquam ſimilitudinem, & aliquam diſſimilitudinem, prout ſubſtans cognitioni confuſæ. Vt videbitur ſuo loco, vbi & de genere, & de ſpecie tractabitur. Addè quod Iſagoge Porphyrij non eſt Logica, ſed introductio ad Logicam Ariſtotelis, vnde etiam ſi haberet pro ſine explicationem iſtarum vocum *Genus Species &c.* Hoc ſolum intenderet, vt redderet facilius intelligibilem doctrinam Philoſophi per huiusmodi voces ſuos conceptus explicantis.

Ad tertium dic Philoſophum agere de vocibus non per ſe, & propter ſe, ſed reduciue ad actus internos, quorum expreſſiue ſunt voces nec enim aliter comunicamus noſtros conceptus quam per voces.

A R T I C V L V S V.

Reſpondetur Obiectionibus.

O Bijeies, voces ita diſpoſitæ vt recto definiant diuidant, & concludant, debent ſpecialiter conſiderari ab aliqua facultate: non ab alia quam à Logica, ergo à Logica. Maior probatur quia predicta diſpoſitio eſt aliqua ſpecialis bonitas ſeu rectitudo, ergo eſt aliqua ſpecialis ratio propter quam debeat ſpecialiter conſiderari, & conſequen-

sequenter si Logica est practica voces considerat, vt illas disponat in definitionem Syllogismum &c. Si Speculatiua hanc ipsam dispositionem per quam definiunt, & syllogizant propter se contemplatur.

Resp. negando ma, ad cuius probationem respondeo primo negando antec. nam dispositio per quam voces recte definiunt, diuidunt, & syllogizant, est rectitudo seu bonitas per quam nostris conceptibus correspondet. Disponere autem voces ita vt nostris conceptibus corresponsdeant, & res eo modo alijs repræsentent, quo concipiuntur a nobis, est commune omni dispositioni vocum intentæ à Grāmatica per quam docemur sic loqui vt intelligamur. Quod si pro qualibet diuersitate conceptuū multiplicentur in vocibus rectitudines, & pro qualibet speciali rectitudine, specialis instituaturs facultas: tot erunt instituendæ facultates circa vocum dispositionem, quot sunt nostri conceptus inter se diuersi: puta: bonitas affirmationis est diuersa à bonitate negationis: detur igitur alia facultas quæ dirigat affirmationes, alia quæ dirigat negationes. Hoc tamen hactenus nemo somniauit.

Respondeo secundo omisso antecedenti negando consequentiam: nam multæ rationes secundum speciem diuersæ ab eodem habitu considerantur, & intenduntur. Figura Leonis, & figura Pecudis sunt secundum speciem diuersæ, & tamen pertinent ad eandem Statuariam. Quadratum, & circulus sunt figuræ speciei diuersæ, & tamen ad eandem Mathematicam spectant, & sic de alijs.

Dic igitur considerari à Logica per se, &

propter se definitionem, diuisionem, syllogismum mentalem; non autem vocalem; talis autem dispositio vocum externarum vt internas, hoc est vt conceptus mentis exprimant, siue illi sint definiētes, siue diuidentes, siue syllogizantes, est opus Grammaticæ, non Logicæ: quæ cum sit instrumentum scientiarum consistentium in conceptibus, non in vocibus: non voces dirigit, sed conceptus. Quia tamen homines vt suos conceptus exprimant, vtuntur vocibus, ideo præcepta, & exempla per voces fiunt, quæ conceptibus substituuntur.

Obicies secundo: actus externus misericordiæ, quo quis subleuet Pauperes tribuitur habitui misericordiæ, per se & directe, ergo etiam actus externus Logicæ; puta syllogismus vocalis tribui debet Logicæ per se & directe. Consequentia probatur; quia tam misericordia dirigit actus internos, quam Logica.

Resp. omisso antec. negando consequentiam. disparitas est quia actus externus misericordiæ est secundum regulam misericordiæ ipsum imperantis. At syllogismus, definitio, diuisio vocales, non sunt secundum regulas Logicæ imperantis aut dirigentis tales actus internos: sed secundum regulas Grammaticæ, ad quam pertinet ita voces disponere, vt exprimant conceptus, quicumque illi sint. Conceptus autem ipsi qui per definitionem, diuisionem, aut syllogismum vocalem exprimantur, à Logica diriguntur. ad probationem consequentiæ patet ex dictis: tam misericordia, quam Logica dirigunt & imperant actus internos: sed mi-
seri-

ſericordia inſuper imperat actum externum non autem Logica, quæ de externo non curat niſi per acciðens, & reductiuè ad internum.

ARTICVLVS VI.

Neque res omnes ſunt obiectum materiale Logicæ.

VT intelligas ſententiam quam pro titulo ponimus ſuppone conuenire Logicæ rationem habitus practici, hoc eſt non pure contemplantis ſuum obiectum materiale, ſed inſuper aliquid circa ipſum operantis. Quamuis enim ex ijs qui pro obiecto Logicæ materiali res omnes conſtituunt, aliqui Logicam diuidant in duos habitus, alterum ſpeculatiuum, & alterum practicum, vtrique res omnes pro obiecto materiali tribuentes; tamen hoc articulo, res omnes à Logica practica remouere aggredimur ſtatuentes obiectum materiale ipſius non eſſe res omnes.

Probatuꝛ autem noſtra Concluſio ex definitione obiecti materialis; quia, illud ſolum eſt obiectum materiale habitus practici circa quod habitus occupatur vt in illud formam à ſe intentam inducat, ſed hoc non conuenit rebus omnibus reſpectu Logicæ, ergo res omnes non ſunt obiectum materiale Logicæ. Maior probatur inductione per omnes habitus practicos: ſtatuarie obiectum materiale eſt marmor, quia in marmor inducitur forma intentà à ſtatuaria. Obiectum materiale pictorice ſunt colores, quia in colo-

res inducitur forma intenta à Pictoria. Obiectum materiale Sutorie est corium quia in corium inducitur forma intenta à futoria, puta forma ocreæ vel calcei, & sic de alijs minor autem videtur manifesta: nam etiam si daremus Aduersarijs quod recta operatio sit forma intenta à Logica certè recta operatio non inducitur in res tanquam in subiectum sicut forma artificialis in marmor sed, est circa res, tanquam circa obiectum repræsentatum per ipsam.

Hoc idem argumentum sic proponitur à nonnullis. Obiectum materiale habitus practici est id, quod perficitur per habitum seu per formam intentam ab habitu: sed res omnes non perficiuntur à Logica seu per formam intentam à Logica, ergo res omnes non sunt obiectum materiale Logicæ.

Sed Siluester Maurus questione 9. de obiecto Logicæ practicæ lōga inductione probat, aut probare conatur ad rationem obiecti materialis habitus practici nullo modo requiri vt perficiatur, imo, ait ille, sæpe contingit vt materia, circa quam artes occupantur, per artis opera deterioretur: sic cum lignarius arborē cædit, quæ vivebat in syluis vt ex ca scamnum efficiat; materia illa amittit formam viuentis quæ est nobilior, & acquirit formam scamni ignobiliorem, transire autem à nobiliori ad ignobiliorem formā non est perfici sed deteriorari.

Quis non dicat, hæc esse euidentissima? verum hæc oppositio laborat in æquiuoco. Authores quando dicunt obiectum materiale perfici ab habitu practico inducente formam; nihil aliud intelligunt nisi per talem

lem habitum induci in materiam , formam aliquam , quæ antea non erat in dicta materia præsciendo ab hoc, an hæc sit nobilior an ignobilior , ea quæ per introductionem ipsius excluditur : ad hoc enim vt materia perfici dicatur ab habitu , sufficit quod ab habitu recipiat aliquam formam adeoque aliquam perfectionem , quam ex se præcisè considerata non habet. Hoc etiam modo agens naturale dicitur perficere materiam primâ quancunque tandem formam in ipsâ inducat , quamuis sæpe contingat vt introducendo vnâ, alteram nobiliorem expellat ita accidit quando inducendo formam cadaueris expellit formam viuentis cum ea incompossibilem. Cum igitur constet res omnes ita se habere post operationes Logicas sicut se habebant antea , quia vt aiunt nostrum cogitare nihil ponit in re: constat res omnes non esse obiectum materiale Logicæ.

Dices etiam si res non immutentur intrinsece per operationes intellectus tamen immutantur extrinsecè, & acquirunt aliquam formam saltem extrinsecam de nouo. Fiunt enim ex non cognitis cognitæ , per denominationem saltem extrinsecam à cognitione ipsas respiciente .

Resp. quod etiam per Pictoriam, & Statuariam res immutantur extrinsece , & acquirunt aliquam formam saltem extrinsecam de nouo. Fiunt enim ex non repræsentatis repræsentatæ , & tamen non sunt obiectum materiale Pictoriæ, aut statuariæ. ideoque .

Probatur secundo nostra conclusio. Obiectum materiale Pictoriæ, vel statuariæ nō

sunt res , quæ per Pictoriam aut Statuarianam repræsentantur v. g. Cæsar, Alexander &c. Sed sunt ipsi colores, & marmor, quæ ab ipsa intrinsecè immutantur per artem, accipièdo ab ipsa formâ aliquam, quâ non habet ex se, ergo neque obiectum materiale Logicæ erunt res, quæ per opus Logicæ hoc est per operationes mentis repræsentantur, sed aliquid aliud quod à Logica recipiat aliquam formam, quam ex se non habeat.

Dices Pictoria ita versatur circa colores ut in ipsis ponat imaginem Cæsaris ipsos intrinsecè immutando, & perficiendo, ita vero circa Cæsarem ut illum solum extrinsecè respiciat, & denominet effigiatum. Quotiescumque autem habitus talis est, ut formam à se intentam intrinsecè ponat in aliqua materia etiam si aliud obiectum extrinsecè respiciat, materia illa quæ per habitum intrinsecè immutatur dici debet obiectum materiale non autem id quod extrinsecè. solum ab ipso respicitur, & denominatur.

Verum hæc responsio fauet sententiæ quâ Aduersarij impugnat. Fauet enim, & ponentibus intellectum, & ponentibus operationem mentis dirigibilem pro obiecto materiali Logicæ, nam qui intellectum assignat pro obiecto materiali; statim dicet per formam intentam à Logica, nimirum per operationem rectam perfici intrinsecè ipsummet intellectum in quo recipitur cum extrinsecè solum denominet res recte cognitæ, adeoque si subsistet doctrina adducta: intellectus humanus, non autem res omnes, assignari debet pro obiecto materiali Logicæ.

Qui vero operationem mentis existimant
eile

esse obiectum materiale Logicæ dicent rectitudinem, hoc est formam intentam à Logica recipi in ipsamet operatione, denominari autem tantum extrinsecè res recte cognitæ, & consequenter ex hac ipsa aduersariorum responsione, habes unde impugnentur, & sententiæ ipsis contrariæ sustineantur.

ARTICVLVS VII.

Satisfit nonnullis obiectionibus.

O Bjicies primò. Philosoph. in ipso Logicæ initio, agit de rebus omnibus scilicet in libris prædicamentorum: & postea in alijs libris de operationibus intellectus: ergo res omnes secundum Philosophum sunt obiectum materiale Logicæ, operationes recte formale: solet enim in habitibus practicis cognitio materiæ præmitti cognitioni formæ.

Resp. concesso antecedenti negando consequentiam: ratio cur Philosophus egerit primo loco de prædicamētis, est quia traditurus præcepta rectè operandi voluit prius rudem quandam rerum omnium cognitionem præmittere, vt subministraret materiam circa quam præcepta Logicæ exercerentur. Cæterum, ex hoc ipso constat res omnes non esse obiectum logicæ, non enim ruditer, & in ordine ad aliud, sed accuratè, & propter se considerari debet à qualibet facultate quidquid ipsi pro obiecto tribuitur. Certè non potuit intendere Aristoteles vt ea omnia de quibus agit in libris predicamento

rum per Logicam perfectè cognoscantur nam frustra præter Logicam alias scientias quærimus si per Logicam omnia scimus. Hoc igitur solum potuit intendere, vt intellectus Logica bene institutus rerum omnium cognitionem securius inuestiget.

Obicies secundo si res rectè cognitæ sunt obiectum attributionis; res omnes sunt obiectum materiale Logicæ, sed res rectè cognitæ sunt obiectum attributionis; ergo res omnes sunt obiectum materiale. Maior est certa nam obiectum attributionis continet, & obiectum materiale, & obiectum formale adeoque, si obiectum attributionis Logicæ sunt res rectè cognitæ res ipsæ erunt obiectum materiale, recta cognitio formale; minor vero de qua solum potest esse controversia probatur. Illud est obiectum attributionis cuiuslibet habitus practici quo obtento talis habitus quiescit, & est contentus: Quo non habito non est contentus, sed habitis rebus bene cognitis Logica est contenta, non habitis non est contenta, ergo res bene cognitæ sunt obiectum attributionis Logicæ.

Maior probatur primo inductione. Obiectum attributionis statuariæ est statua, quia habita statua, statuaria est contenta, non habita non est contenta. Obiectum attributionis futoriæ est calceus, quo habito futoria est contenta, non habito non est contenta, & sic de cæteris. Probatur secundo ratione; quia vt diximus, supra obiectum attributionis, & finis respectu habitus practici sunt omnino idem: vnum quodque autem obtento fine quiescit, & est contentum, non obtento.

tento non est contentum, sed vltcrius mouetur ad ipsum. Minor etiam probatur, quia habitis rebus benecognitis non habet vltcrius Logica quod quærat, non habitis vero, debet vltcrius tendere cum ideo tantum inuenta sit vt res bene, & perfectè cognoscantur.

Resp. concessa ma. negando ini. ad probationem minoris respondeo primo retorquendo argumentum: illud est obiectum attributionis habitus practici, quo obtento talis habitus quiescit, quo non obtento non quiescit: sed obtento intellectu bene operante Logica quiescit, non obtento non quiescit ergo intellectus bene operans est obiectum attributionis Logicae. Idem plane de operatione recta illud est obiectum attributionis habitus practici, quo habito habitus quiescit sed habita operatione recta, Logica quiescit; ergo obiectum attributionis Logicae est operatio recta, & pro hoc argumento valent ea omnia, quæ ab Aduersarijs dicta sūt supra, videlicet & inductio per Statuariam, Sutoriam, & alios habitus practicos & ratio petita ex identitate inter obiectum attributionis, & finem.

Resp. secundo distinguendo maiorem: illud est obiectum attributionis quo obtento quiescit formaliter habitus con. ma. quo obtento consequenter quiescit habitus nego ma., & eodem modo distincta minori, nega consequentiam. siue obiectum attributionis Logicae, sic intellectus rectè operans, siue ipsa met recta operatio, est impossibile, quod res rectè cognoscantur quin eo ipso habeatur vtrumque. Et consequenter quin eo ipso habeatur id in quo formaliter quiescit.

gica. Si vero intellectus rectè operans sit obiectum attributionis ipsius, quiescit formaliter in intellectu bene operante: si recta operatio in recta operatione.

Quamvis autem ista sint inseparabilia potest vnum ex his esse ratio in qua formaliter quiescat Logica, eo quod sit finis ipsius, absque eo quod etiam alterum habeat rationem finis, etiam si quolibet ex his habito habeatur per necessariam consequentiam idin quo per se, & propter se quiescit Logica. Porro sicut & recta operatio inferi necessario intellectum rectè operantem, & e conuerso, ita etiam res rectè cognita necessario inferi vtramque, adeoque non est mirum si habitare recte cognita Logica quiescat quando quidem re bene cognita necessario datur, & recta cognitio, & intellectus rectè cognoscens.

Obijcies tertio, Logica est Instrumentum scientiarum, sed scientiæ sunt vt res euidenter, & certo, & per suas causas sint cognitæ: ergo etiam Logica est vt res bene euidenter, & certo per suas causas cognoscantur: Ergo finis Logicæ sunt res bene cognitæ.

Resp. dupliciter intelligi posse quod Logica sit instrumentum scientiarum primo, ita vt Logica sit habitus quidam, quo instituitur seu præmunitur intellectus vt facilius acquirat habitus scientificos: & in hoc sensu melius diceretur instrumentum intellectus ad scientias acquirendas quam instrumentum scientiarum, sicut malleus melius dicitur instrumentum. Fabri, quam scanni quamvis Faber ad fabricam scanni, utatur malleo. Secunda ita vt Logica sit habitus

bitus quidam, ex cuius directione habitus scientifici suos actus eliciunt circa propria obiecta. Et in hoc sensu magis proprie dici potest instrumentum scientiarum: Nam ex directione Logicæ scientiæ definiunt, diuidunt, & syllogizant.

In neutro autem ex his sensibus habet pro obiecto res recte cognitæ: non in primo quia tunc finis illius erunt habitus scientifici, qui non sunt res recte cognitæ, sed virtutes quædam intellectuales, quibus anima certo, & infallibiliter & per causas, & euidenter cognoscit hæc, & illa obiecta. Non in secundo: quia tunc finis Logicæ erunt actus ipsi qui eliciuntur à scientijs: actus autem qui eliciuntur à scientijs, non sunt res recte cognitæ, sed rectæ cognitiones rerum. Vnde apparet cōfundi hic ab Aduersarijs obiectum Logicæ, cum obiectis actuum elicitorum ex directione Logicæ; concedimus autem res omnes esse obiecta actuum, qui, Logica dirigente, eliciuntur à scientijs, non autem esse obiectum materiale Logicæ, nisi remotum.

Ad argumentum in forma: concessa mai. nega mi. si pro fine habituum scientificorum petat res recte cognitæ, non autem solos actus elicitos ab ipsis, qui sunt rectæ cognitiones rerum ubi aduerte duas istas propositiones. *Finis Physicæ est ens sensibile recte cognitum, & finis Physicæ est recta cognitio entis sensibilis;* esse inter se diuersas: quamuis & recta cognitio entis sensibilis necessario inferat ens sensibile recte cognitum; & ens sensibile recte cognitum necessario inferat rectam cognitionem entis sensibilis.

Obicitur quarto Philosophus quarto Me-

thaph. tex. quinto dicit quod Dialectica, sicut & Philosophia, hoc est Methaphisica de omnibus rebus disputat ergo res omnes sunt obiectum tam Dialecticæ, quam Philosophiæ.

Resp. quod Aristo. non loquitur ibi de Logica docente de qua hic agimus, sed de vtète: imo nec de vtente secundum se totam, sed de parte vtentis: scilicet de Topica quæ, vt ibidem ait Philosophus disputat tentatiue de omnibus, adeoq; hæc autoritas Philosophi non facit ad rem. Quod si quis vellet Philosophum ibi loqui de Logica docente, dicendum esset assignari quidem à Philosopho dialecticæ res omnes pro obiecto, sed remoto. In forma ad argumentum potes cōcedere totum, intelligendo nomine Dialecticæ id quod intelligit Philosophus, habitum videlicet de rebus omnibus tentatiue, & probabiliter differentem.

Obicies quinto. Omnia præcepta logicæ extendunt, vt operationes conformentur rebus: ergo Logica habet pro obiecto res ipsas. Antecedens probatur. Hæc præcepta: *definitio constare debet ex genere, & differentia. Conuerti debet definito. Diuisio debet adæquare diuisum*. Nequeunt explicari nisi attingendo res ipsas; ergo Logica per sua præcepta versatur circa res ipsas.

Confirmatur quia conflatum ex cognitione, & obiecto dicitur ens logicum.

R. spondeo distinguendo antecedens, vt operationes conformentur rebus tãquam obiectis operis logici concedo antecedens, tanquam parti operis logici nego antecedens, & consequentiam. Ad probationem antecedentis,

dentis, respondeo cum distinctione: præcepta illa non possunt explicari nisi attingendo res, ut terminum, & obiectum operis: concedo antecedens, ut partem, & materiam operis nego antecedens, & consequentiã. Quando logica dicit: definitio cõuenire debet cum definito, docet quamlibet scientiam cuius rationis cognitionem habere debeat circa suum obiectum, ut habeat cognitionem definitiuam eiusdem, talem scilicet ut quidquid dicitur de significato, per definitionem dici possit de significato per definitum. Idem proportionaliter dic de alijs præceptis. Ad confirmationem dic *quod totum logicum* dicitur non solum de ente cognito, adeoque non solum de conflatò ex obiecto, & cognitione, sed etiam de multis alijs, in quibus importatur forma extrinseca rei denominatæ: & consequenter ab hac denominatione entis logici, quæ conuenit cognito male infertur ens cognitum recte adscribi logicæ pro obiecto. Amaturn, desideratum, visum, & alia huiusmodi innumerabilia dicuntur tota logica, & tamen ista non assignantur Logicæ pro obiecto.

ARTICVLVS VI.

Soluuuntur alie obiectiones.

Objicitur præterea. Obiectum materiale habitus practici est id, cui prædictus habitus adaptat formam, quam intendit, sed id cui Logica adaptat formam quam intendit sunt res omnes, ergo res omnes sunt obiectum materiale logicæ. Maior probatur inductione.

ne facta per omnes facultates practicas. Marmor est obiectum materiale Statuariæ, quia Statuaria formam à se intentam; puta similitudinem Cæsaris adaptat marmori. Ferrum est obiectum materiale Fræni factoriæ, quia formam fræni à se intentam adaptat ferro. Cæmenta, & lapides sunt obiectum materiale Domifactoriæ, quia Domifactoria formam domus à se intentam cæmentis & lapidibus adaptat, &c. Minor autem probatur quia forma intentam à Logica, est operatio intellectus recta, nimirum definitio, diuifio, & argumentatio: sed totus labor, & artificium logicæ eo tendit vt prædictæ operationes rebus omnibus adaptentur; ergo id cui Logica adaptat formam, quam intendit sunt res omnes.

Respondeo distinguendo maiorem, illud est obiectum materiale, &c. cui adaptat formam tanquam subiecto; concedo maiorem: tanquam obiecto extrinseco; nego maiorem; & eodem modo distincta minori nego consequentiam. Ad probationem maioris retorquetur tota inductio nam & Statuaria adaptat formam Cæsaris marmori, & Fræni factoria formam fræni ferro tanquam subiecto: hæc autem totum frænum adaptat ori equino; illa totam statuam Cæsari. Quemadmodum igitur, totum artificium Logicæ est in adaptanda cognitione rebus, hoc est in recte cognoscendo: ita totum artificium Pictoriæ est in adaptanda figura rebus, hoc est in recte pingendo: hæc adaptat imaginem realem, illa intentionalem rei representatæ. Et quia hac paritate inter Pictoriam, & Logicam, vtpotè fundata in idenitate rationis pro utraque facultate, præmittitur Aduersarij: ideo:

Dicunt esse disparitatem manifestam inter hanc, & illam, in ordine ad rem intentant. Præcipua inquit difficultas Logicæ, seu in quam incurrit Logica est superanda circa res ipsas: At vero præcipua imo tota difficultas quam habet Pictoria non est superanda circa res ipsas quæ repræsentantur; sed circa colores hoc vel illo modo disponendos inter se, vt Casarem potius, quam Lactucam, repræsentent, vel è conuerso. Item præcipua difficultas Statuaria non consistit in cognoscendo qua ratione statua conformanda sit obiecto, quod repræsentat, sed in vincenda resistentia marmoris difficulter hanc vel illam figuram recipientis.

Respondeo disparitatem allatam non facere ad rem, magis quam si diceres in hoc disparem esse operationem intellectus à marmore, & colore, quod hic liquidus sit, illud durum, cum operatio intellectus nec liquida sit, neque dura. Certum est difficile esse res cognoscere: Vnde autem hoc oriatur nūquam ineptius dicitur quam cum dicitur oriri ex resistentia rerum obstantium cognitioni sui. Difficultas res cognoscendi sapienter refunditur à Philosopho secundo Metaphysicæ in imbecillitatem intellectus humani, se habentis ad manifestissima naturæ sicut se habet oculus noctuæ ad lumen solis. Quemadmodum igitur male philosopharetur qui diceret ideo lumen solis non percipi à noctua, quia resistit visioni circa se exercendæ: Ita etiam male philosophantur qui dicunt res ab intellectu humano non nisi difficulter percipi quia resistunt cognitioni circa se exercendæ. Imo quemadmodum lumen
solis

Solis etiam in oculos nocturnarum sese liberaliter effundit; ita etiam res omnes sese intellectui humano sponte obijciunt, ut huius, non illarum infirmitas sit non videre.

Preterea vix unquam Pictorem audies dicentem, colores resistere huic, vel illi dispositioni, & ideo difficilem esse artem pingendi, nihil est obedientius coloribus, quae facilius cadauere tractari se sinunt, & ibi coquiescunt ubi à pennicillo collocantur: marmor autem quamuis scalpro resistat, non magis tamen bonae, quam pravae figurae resistit; cum longe difficilius sit bonam, quam pravam figuram inducere. Idque adeo manifestum sit, quam manifestum est plures esse Statuarios malos, quam bonos.

Insuper pro obiecto materiali saltatoriae recte assignatur ratio saltus, rectitudo autem seu bonitas saltus, pro formali; saltus vero rectus seu bona saltatio, & numerosa pro obiecto attributionis: & tamen ratio saltus non resistit bonitati, seu numerositati intentionis per artem: certe saltui ut sic magister saltus numquam irascitur si Novitius prave saltet; sed modo duritiem auris, modo crassitiam tibiaram inculcat.

Denique scito, modo recte cognoscendi difficultas circa res cognoscendas superatur per scientias; non autem per logicam. Scire autem quomodo res debeant cognosci non est artificium, aut opus logicae, sed ipsa met logica: sciut scire quomodo res debeant depingi non est artificium Pictoriae, sed ipsa met Pictoria.

ARTICVLVS IX.

Vtrum ens rationis sit obiectum Logicæ.

ENS rationis multipliciter accipitur primo pro ente chimerico hoc est pro aliquo impossibili non habente, nec habere potente vllum esse nisi mere obiectiue in intellectu: Huiusmodi est *Hircocerus*; *homo, non homo*, & quodlibet constans prædicatis inter se repugnantibus. Secundo accipitur pro ipsamet operatione intellectus, quæ vere est ens rationis, cum tota sit, & in intellectu, & ab intellectu, qui est ipsamet ratio. Tercio. Pro denominationibus seu concretis secundo intentionalibus. Hoc est pro quolibet composito ex re & cognitione: vno verbo pro rebus cognitis, vt cognitis: & in hoc sensu accipitur ens rationis ab ijs, qui res pro obiecto materiali rectam cognitionem, pro formali Logicæ assignarunt. Quod etiam appellatur ens rationis logicum.

Rursus concretum hoc secundo intentionale: puta *cognitum, prædicatum, subiectum*, & alia huiusmodi, qua ratione constituatur in esse cogniti, seu in esse secundæ intentionis, non est vna omnium sententia. Scotistæ existimant cognitum constitui formaliter in esse cogniti per entitatum quamdam quam vocant ens diminutum, resultantem ex illis actibus quibus tendimus in obiecta. Huiusmodi autem ens diminutum est purè ens rationis, tam in esse, quam in conservari pendens à sola ratione, nec requirens vllum subiectum, in quo sit. Hinc est quod potest
con-

constituere formaliter cognitæ res etiam non existentes. v. g. beneficio talis entitatu-
læ nunc est cognitus Antichristus licet non-
dum existat, imo sunt cognita etiam obiecta
nunquam exitura, vt alter mundus, & for-
tasse impossibilia: vt alter Deus.

Thomistæ vero existimant cognitum in
ratione cogniti constitui formaliter non per
ens diminutum resultans circa obiectū, quod
dicitur cognitum; sed per quamdam relationē
quam concipit intellectus, dum comparat ob-
iectum cognitum prout cognitum cum po-
tentia cognoscitiua. Doctrinam hanc Tho-
misticam hoc exemplo intelliges; intellectus
cognoscit arborem, deindē alia cognitione
cognoscit arborem esse à se cognitam. Per
hanc secundam cognitionem aiunt illi, fingit
circa arborem relationem quandā, per quam
comparata cum ipsomet intellectu, habet
respectū ipsius rationem cognite ad cogno-
scentem. His positis.

Nos tam contra Scotistas, quam contra
Thomistas cum alijs innumeris sentimus: di-
cimus enim res esse, & constitui formaliter
cognitas per ipsummet actum intellectus,
tanquam per formam extrinsecē denominan-
tem obiectū quod respicit, & hanc sententiā
dum probamus, vtramque ex relatis superius
efficaciter reprobamus.

Probatur autem sic. Per hoc præcise quod
intellectus tendat in aliquam rem, res illa
est & denominatur cognita: Item per hoc
præcise quod intelligā meum intellectū ten-
dere in illam rem, cognosco illam rem esse à
me cognitā: Ergo sine vlla resultantia vl-
lius entis diminuti in obiecto, seu circa ob-
iectum

iectum, obiectum est & denominatur cognitum. Et simul ad hoc ut cognoscam illam rem esse à me cognitam, non est necesse me fingere ullam relationem inter rem cognitā, & potentiam cognoscentem. Vtraque consequentia est manifesta: si enim per meam cognitionem præcise res vere, & proprie est cognita, Denominatio cogniti non indiget vilo alio ad sui constitutionem; & consequenter frustra est resultantia entis diminuti. Item si per hoc præcise quod cognoscam meā cognitionem tēdere in illam rem; cognosco illam rem esse à me cognitam: ad hoc cognoscendum non requiritur vlla fictio; & consequenter inter rem cognitā, & potentiam cognoscentem non est necesse ullam relationem fingere, ut intelligam hanc circā illam versari.

Dicunt per actum intellectus obiectū esse quidem fundamentaliter cognitum, constitui autem cognitum formaliter per ens diminutum necessario resultans ex mea cognitione circa obiectum. Hoc fere modo aer est fundamentaliter lucidus per præsentiam solis, formaliter autem per lucem necessario resultantem in ipso ad præsentiam solis.

Respondeo non solum fundamentaliter sed formalissime per meam cognitionem obiectum constitui, & denominari à me cognitum, quia posita mea cognitione circa parietem, & præcisa qualibet alia entitate: est in omni rigore verum *paries est à me cognitus*. Hoc autem dici nequit de aere, posita præcise præsentia solis; quod scilicet aer sit lucidus: Qui enim solum concipit præsentiam solis, & nihil aliud non concipit lucidum

aerem, sed oportet insuper quod concipiat lucem ipsam receptam in aere.

Rursus cognoscendo hoc præcisè: nimirum quod meus intellectus tendat per actum suum in lapidem, & nulla alia ratione concepta, cognosco lapidem esse à me intellectum: & quemadmodum requiritur in aere lux per quam formaliter, & intrinsece denominetur lucidus, & preterea nullum aliud fingentium, aut ens diminutum; Ita etiam ad hoc ut lapis sit & denominetur cognitus requiritur cognitio, quæ versetur circa lapidem, adeoque forma cogniti poterit esse extrinseca obiectis ita denominatis. Quod dico de forma cogniti intellige de forma subiecti, predicati, aliorumque similium: subiectum enim prædicatum, & alia huiusmodi per cognitionem in esse talium constituuntur. Nam esse subiectum est esse hoc modo cognitum ut de ipso aliquid affirmes aut neges, esse prædicatum est de alio negari, vel affirmari, & sic de ceteris, quæ omnia per actus nostri intellectus formaliter habentur: frustra est igitur & fingentium Thomisticum, & ens diminutum Scotistarum.

Observa tamen obiter, quod res cognita potest, quatenus talis, dici habere aliquod esse diminutum; eo quod esse simpliciter constitui nequeat per esse pure intentionale, quale est illud, quod habent res per actum intellectus. Puta esse cogniti quod habet nunc in anima mea Antichristus, aut alter mundus non est esse simpliciter Antichristi, aut alterius mundi. Imo huiusmodi esse intentionale componitur cum non esse simpliciter rei, quæ intentionaliter existit: Hunc enim

verè

verè & proprie stant simul & non esse, seu negatio Antichristi, & esse intentionale eiusdem: quod tam facilè percipies, quam percipies, te cogitare de re quæ non est.

Iam igitur vt dubitationem propositam resoluamus. Dico primo ens rationis primo modo acceptum, videlicet pro ente chimerico, non esse obiectum Logicæ. Hæc conclusio & nobis, & ijs, qui ponunt res omnes pro obiecto Logicæ communis est: non tamen illos, æquè ac nos decet. Nam si res omnes sunt obiectum Logicæ; etiam impossibile habebit rationem obiecti: cum definitiones, & syllogismi æque circà impossibile fiant, ac circa quodlibet aliud obiectum: si verum est vt hic supponimus impossibile contineri in obiecto adæquato intellectus humani: Quæcumque autem disparitas assignetur inter possibile & impossibile quoad punctum præsens nulla erit.

Vbi aduerte diuersitatem inter istas duas propositiones; *Logica habet pro obiecto etiam ipsum impossibile. Et: impossibile est obiectum Logicæ.* Sensus primæ est logicam versari etiam circa impossibile illud definiendo & circa illud speculando. Secundæ: impossibile esse quod logica versetur circa vllum obiectum. Primæ, in sententia à nobis impugnata superius deberet admitti pro vera: secunda in omnium sententia est falsa.

De ente rationis in secunda acceptione, videlicet pro actu intellectus dicemus postea: De ente rationis Logico.

Dico secundo. Ens rationis Logicum non esse obiectum Logicæ. Hæc conclusio probatur

tur ex dictis . Nam si res non sunt obiectum materiale ; res cognitæ , quæ sunt ens rationis logicum , non sunt obiectum attributionis sed res ipsæ non sunt obiectum materiale , ergo , &c. minor probata est supra .

ARTICVLVS X.

Obiectum materiale Logicæ, est operatio; formale, reſtitudo : attributionis , operatio recta .

ENs rationis tam Scotisticū conſiſtens in ente diminuto quam Thomiſticū in relatione rationis ſeu ficta, eo ipſo quod remouimus a ſecundis intentionibus remouimus ab obiecto Logicæ , quando quidem id vnum tam Scotiſtæ , quam Thomiſtæ intendunt per ens diminutum , & relationem fictam, vt habeant ſecundas intentiones hoc eſt denominationes *cogniti, generis, ſpeciei*, & reliquas . Superceſſet autem alia ſententia circa obiectum Logicæ impugnanda , quæ pro intellectu humano ſtat; hanc tamen dum noſtrā adducimus, & contra Aduerſarios propugnauimus, impugnabimus quantum ſatis erit ,

Noſtra igitur conſuſio tres continet partes prima eſt: operatio vt ſic eſt obiectum materiale Logicæ . Probatur hæc prima pars: quia illud eſt obiectum materiale Logicæ, quod per ſe conſideratur à Logicæ vt in ipſū formam à ſe intentam inducat , ſed operatio mentis eſt huiusmodi: ergo eſt obiectum materiale Logicæ . Maior conſtat ex ijs quæ diximus diuidentes obiectum, minor probatur, quia omnia præcepta logicæ eo ſpectant , vt
opera-

operationes intellectus, definitiones, diuisiones, ratiocinationes sint rectæ: ergo rationem operationis Logicæ considerat, vt id in quod inducat formam à se intentam.

Secunda pars est. Obiectum formale est reſtitutio. Probatur autem ſic. Obiectum formale in habitibus practicis eſt illa forma quæ per habitum inducitur in materiale: ſed reſtitutio eſt illa forma, quæ per logicam inducitur in operationem, quæ eſt obiectum materiale; ergo reſtitutio eſt obiectum formale. Tertia pars eſt. Obiectum attributionis eſt operatio recta. Probatur hæc tum ex dictis alibi; tum ex probatione primæ & ſecundæ partis huius noſtræ conſuſionis. Nam obiectum attributionis eſt conſtitutum ex obiecto materiali, & formali: ſed obiectum materiale Logicæ eſt operatio, formale reſtitutio; ergo conſtitutum ex vtroq; videlicet operatio recta, erit obiectum attributionis.

Dices: Obiectum materiale præſupponi debet formali: ſed operatio non præſupponitur ſuæ reſtitutioni, ergo operatio non eſt obiectum materiale, nec reſtitutio formale.

Reſp. Diſting. mai; Obiectum materiale præſupponitur logicè obiecto formali conc. mai: præſupponitur phyſicè: nego mai: & eodem modo diſtincta minori, nego conſequentiam. Præſuppoſitionem logicam & phyſicam facile intelliges ex dictis quæſtione prima de indifferentia logicæ & phyſicæ. Præſuppoſitio phyſica ponit vnā rem, puta materiam phyſicè ante aliam, puta ante formam. Hoc modo lignum, ex quo compacta eſt hæc cathedra, præextitit ſeu præſuppoſitum fuit huic figuræ, per quam ex rudi ligno euasit ic Cathedra.

thedram Magistralem. Præsuppositio logica consistit in hoc, quod vna ratio ex alia legitime inferatur, vt superior ex inferiori. Hoc modo animal est prius, seu præsuppositum homini: recte enim dixeris: *Est homo, ergo est animal*. Hæc præsuppositio, quæ etiâ dicitur prioritas logica, solet etiam vocari prioritas à subsistendi consequentia. Hanc habet operatio respectu cuiuscunque determinatæ operationis siue bonæ siue prauæ. Valet enim: *Est recta operatio, ergo est operatio*. Et sic de alijs.

Prioritatem huiusmodi sufficere ad rationem obiecti materialis est indubitatum; nam & in Saltatoria assignatur pro obiecto materiali saltus vt sic, & pro formali speciositas saltus: cum tamen certum sit non prius in natura existere saltum, quàm saltum speciosum. Item in Musica pro obiecto materiali assignatur sonus, pro formali speciositas soni, cum tamen musicus non prius emitat sonum, quàm sonum speciosum: sed quia tam in sono specioso, quàm in sono deformi reperitur ratio soni, ideo ratio soni dicitur prior sono specioso, aut deformi, prioritate iam explicata. Hanc præsuppositionem tam logicam quàm physicam habebas iam explicatam vbi de indifferentia.

Scio non defuturos qui in Saltatoria humanas tibias, in quibus recipitur saltus numerosus, & in Musica aerem in quo recipitur sonus harmonicus, seu catus, pro obiecto materiali assignent: Sed hæc sunt adeo absona vt alia impugnatione non egeant. Eodem iure pro obiecto materiali Pictoriæ telam seu tabulam super qua disponuntur colores;

& in Statuaria basim super quam statua collocatur, vel nidulum in qua reponitur pro obiecto materiali assignabunt. Quæ cuncta videntur aliena conceptui obiecti materialis.

Veritas conclusionis clarius patebit ex responsione ad obiectiones.

ARTICVLVS XI.

Satisfit nonnullis obiectionibus.

O Bijcies primo. Operatio recta perficit intrinsece intellectum, ergo intellectus est obiectum materiale Logicæ. Antecedens probatur, quia operatio recta recipitur intrinsece in intellectu. Consequentia etiam probatur, quia illud est obiectum materiale artis, quod perficitur per opus artis, ergo si per operationem rectam, quæ est opus Logicæ perficitur intellectus, intellectus erit obiectum materiale Logicæ.

Resp. concessio antecedenti & eius probatione negando consequentiam; ad cuius probationem nego antecedens. Obiectum materiale artis, seu scientiæ practicæ, non est id quod perficitur per opus eiusdem, sed id quod in opere ipso perficitur per alteram partem operis, videlicet per formam intentam ab arte. Subiectum operis est subiectum obiecti attributionis, quod est constans ex obiecto materiali & formali. Operatio recta est totum opus Logicæ, hæc recipitur in intellectu; adeoque intellectus est subiectum obiecti attributionis logicæ: queritur autem quid in ipsomet obiecto attributionis habeat rationem materiæ quid rationem formæ. Pro

-materia assignamus operationem, pro forma rectitudinem, ex utraque obiectum attributionis; hoc est opus, & finem Logicæ constitui-
mus.

Instabis. Operatio recta habet solum rationem formæ, ergo non habet rationem totius operis. Antecedens probatur, quia in artibus id quod fit, habet solum rationem formæ; sed tota operatio recta fit à Logica, ergo tota operatio recta habet solum rationem formæ. Maior probatur inductione per artes, in Statuaria v. g. figura fit, & habet rationem formæ: non autem tota statua dici potest fieri, quia in statua est aliquid quod non fit: puta in statua, marmor, aut lignum non fit ab artifice. Item in Pictoria sola dispositio colorum, non autem colores ipsi ab artifice fiunt, dispositio autem est obiectum formale, seu forma intenta per artem. Idem dic de alijs innumeris. In operatione vero recta non fieri solam rectitudinem, sed etiam ipsam operationem est evidens.

Resp. Negando antecedens. Ad probationem, sciendum est, quod docet Philosophus in quinto Metaphysicæ: Quasdam videlicet artes esse factiuas, & quasdam actiuas. Factiuæ præsupponunt physicè materiam circa quam versantur & quam perficiunt: secus actiuæ; propterea harum finis, ut ait ibidem Philosophus, est ipsummet exercitium; finis autem & opus in omnibus artibus, sunt vnum & idem. Exempla Philosophi sunt in ædificatore & Citharædo; finis Aedificatiuæ nō est ipsamet ædificatio, sed Domus: finis citharisticæ est ipsamet citharizatio; hoc est ipsummet exercitium citharizandi. Propterea
hæc

hæc dicitur non relinquere opus post se, illa dicitur relinquere. Aliæ disparitates inter artem factiuam & actiuam alibi afferentur. Interim ad argumentum propositum responde cum distinctione: Id quod fit ab arte, est solum formæ; si ars sit factiua: omitte, si actiua nega.

Dixi *omitte* quia qui bene loquuntur dicunt fieri statuam; & toti Alexandro non autem soli figuræ inscribunt: *Opus Phidia*: quamuis reipsa aliquid sit in illo opere quod non sit à Phidia: Quia tamen id quod non fit à Phidia tamē immutatur & figuratur à Phidia & perfigurationem à Phidia & maiore re informi euadit in Alexandream; ideo totum dicitur opus ipsius.

Præterea si quis rem accurate & metaphysice consideret, etiam in recta operatione inueniet id quod materiam appellamus non fieri ab arte, fieri autem solum id quod dicimus formam. Oportet enim in operatione recta distinguere formaliter rationem operationis à rectitudine: & considerando non dāri præcepta, ut operemur, sed ut recte operemur; rectitudo ipsa, non autem operatio tribuenda est arti.

Obicies 2. Nisi daretur intellectus, non daretur operatio recta: vel potius ideo præcise intenditur operatio recta, ut perficiat intellectum; ergo operatio recta intenditur per modum formæ, intellectus vero consideratur per modum materiæ.

Resp. Quod si non daretur pes neque daretur calceus: unde qui pedibus carent Sutores contemnunt, sicut qui intellectu contemnunt Logicos. Præterea ideo præcise in-

tenditur calceus vt vestiatur pedem ergo calceus erit forma intenta à Sutoria eiusdemque obiectum formale: obiectum vero materiale eiusdem erit pes humanus. Eodem modo nisi essent pedes & tibiæ non daretur speciosa saltatio: Imo ideo precise intenditur speciosa saltatio, vt faciat homines speciose saltantes; ergo tibiæ & pedes erunt obiectum materiale Saltatoricæ, recta autem saltatio erit obiectum formale.

Vides igitur æquiocationem qua laborant huiusmodi argumenta; ad quam detegendam; sciendum est, aliud esse finem proximum artis, aliud finem vltimum ad quem vltcrius dirigitur à Prudentia finis proximus artis. Finis proximus artis est ipsummet opus quod ab arte fit v. g. finis Sutoricæ est calceus qui fit à Putoria. Contingit autem opus artis non esse quid propter se expetibile, sed solum gratia alterius: hinc prudentia, quæ omnibus artibus præest, hunc eundem finem vltcrius ordinat. v. g. Calceum ad tutamen, vel ornatum pedis: Deficiente autem fine ad quem vltcrius ordinatur, ars prædicta esset imprudenter instituta. v. g. Si noua lex fieret in natura, vt omnes homines sine pedibus nascerentur; prudentia diceret tunc abolendam fore artem sutoriam, & Sutores omnes, si in cæteris inutiles forent Reip: è Republica abigendos. Quod dico de Sutoribus intellige de infinitis alijs.

Aduersarij autem à fine quem proximè intendit ars animum transferunt ad vltcriorē finem ad quem & ars ipsa, & opera artis à prudentia ordinantur; & quod peius est finē prudentiæ ordinantis artem & opera artis

cum

cum fine artis confundunt. Igitur ad argumentum in forma dic verum esse quod nisi daretur intellectus, non daretur operatio recta, imo nec daretur potentia elicitive operationis rectæ. Ad id aliud quod dicunt: Ideo præcise intenditur operatio recta ut perficiat intellectum: dist. li. *ideo* appellante fine proximum. nega, appellante finem ultimum & extrinsecum artis: omitte antecedens & nega consequentiam. Finis proximus, immediatus & intrinsecus Logicæ est operatio recta, & in hac, Logica conquiescit: hæc autem operatio recta quæ consideratur à Logica ut opus suum, potest expeti à prudentia sub alia ratione: puta ut perficiens & aliquo modo felicitans intellectum humanum; sicut & infinita alia aliarum artium opera ab eadem prudentia ad alios fines amantur quam ad eos in quibus artes conquiescunt.

Aduerte autem hic aliam equiuocationem, in quam incidunt qui ponunt intellectum pro obiecto materiali Logicæ; hac ratione moti quia opus elicited per Logicam perficit intellectum. Logica intellectum instruit, seu dirigit non tamquam subiectum receptiuum bonæ definitionis, diuisionis aut argumentationis; de hoc enim nihil scit, aut scire curat logica: sed ut potentiam elicitiuam siue effectiuam definitionis, diuisionis & argumentationis; Idem factura siue operatio ad quam dirigit recipiatur in quocunque alio subiecto, siue nullibi: quod nullo modo spectat ad considerationem Logicæ; sed Animasticæ est speculari exprofectio, quod nam sit subiectum actuum vitalium; an videlicet recipiantur in potentia à qua egred-

diuntur, an in alia, an in tota homine, an in anima à qua talis potentia distinguatur, & & alia huius modi, quæ suo loco tradentur. Quia tamen communiter supponitur actus vitales recipi in eodem principio à quo eliciuntur, adeoque perficere principium sui effectivum; ideo hoc ipsum principium Aduersarius considerat, ut consideratum à Logica per modum subiecti perfectibilis per opus quod dirigit.

Dices Idem est realiter in operatione recta esse operationem rectam, & esse perfectionem intellectus: sed Logica intendit operationem rectam, ut rectam; ergo logica intendit operationem rectam, ut perfectionem intellectus.

Resp. Omissa maiori & concessa minori negando consequentiam, Omissa maiorem non quod dubitè de veritate ipsius, sed quia de eius veritate decernere non spectat ad Logicum: Duo enim examinanda haberet hic Animasticus. Primum esset an operatio recta intellectus recipiatur in ipsomet intellectu, an solum ab ipso procedat & in anima distincta ab intellectu, vel in aliquo alio subiecto recipiatur. Secundum esset an procedens duntaxat ab intellectu, non autem in intellectu recepta, adhuc sit perfectio intellectus. Neutrum ex istis spectat ad Logicum; & utrumlibet verum sit, Logica dirigit intellectum ad recte operandum, & pro fine habet operationem rectam. Negavi, data utraque præmissa, consequentiam: quia syllogismus nihil valet dum facit transitum à sensu materiali ad formalem. Etiam si enim duæ rationes in vna eademque re realiter identificentur, non tamen sequitur vnam non posse

intend-

Intendi præscindendo ab alia. Puta in homine ratio entis & ratio animalis sunt realiter eadem & tamen male argueres sic: In homine eadem est realiter esse animal & esse ens, sed Metaphysica considerat hominem ut ens, ergo considerat ut animal: Imo per hanc ipsam reduplicationem supra vnam rationem, alia non attracta, formaliter præscindis ab alia. Hoc idem satis indicatum est vbi diximus circa vnam eandemque rem, sub diuersis rationibus posse diuersas scientias occupari.

Obijcies tertio. Ideo marmor est obiectum materiale Statuariæ, quia in ipsum inducitur forma intenta à Statuaria: sed etiam in intellectum humanum inducitur forma intenta à logica; ergo intellectus humanus est obiectum materiale Logicæ. Minor probatur nam vel forma intenta à logica est tota recta operatio, vel sola rectitudo; tam autem rectitudo operationis, quam recta operatio inducitur in intellectum, ergo forma intenta à logica inducitur in intellectum.

Resp. Negando maiorem. Non ideo marmor est obiectum materiale Statuariæ quia in marmor inducitur forma per quam fit Statua, sed quia Statuaria considerat marmor, ut in ipsum inducat formam statuæ: Sed Logica non considerat intellectum ut in ipsum inducat operationem rectam aut rectitudinem; ergo siue forma intenta à logica sit tota recta operatio, siue sit sola rectitudo; intellectus non se habet respectu Logicæ sicut marmor respectu Statuariæ.

Hoc eodem argumento, si quid valeret, probares aerem esse obiectum materiale Musicæ, quia: Ideo marmor est obiectum mate-

riale Statuariæ quia in ipsum inducitur forma intenta à Statuaria: sed in aerem inducitur forma à Musica intenta; ergo aer est obiectum materiale Musicæ. Minor probatur, quia forma intenta à Musica, vel est sonus speciosus, seu cantus, vel sola speciositas soni, tam autem sonus speciosus, quam speciositas ipsa recipitur in aere. Quod si quis, ut liceatur intellectum esse obiectum materiale Logicæ, concedat aerem esse obiectum materiale Musicæ, vix merebitur Musica delectari.

ARTICVLVS XII.

Respondetur alijs obiectiõibus.

Objicitur præterea. Si operatio ut sic est obiectum materiale Logicæ, rectitudo formale, operatio recta obiectum attributionis; etiam dici poterit quod obiectum materiale Statuariæ est figura ut sic, formale rectitudo figuræ, obiectum attributionis recta figura. Item quod obiectum materiale Pictoriæ est imago, ut sic, formale rectitudo, obiectum attributionis recta imago: Consequens est contra Statuarios & Pictores, ergo & antecedens. Minor est evidens nam Statuarij circa marior, Pictores circa colores tamquam circa propriam materiã occupantur: Probatur autem sequela maioris, quia tam ratio figuræ secundum se est indifferens ad rectitudinẽ, & prauitatẽ quam ratio operationis. Nam & recta figura est figura, & praua figura est figura sicut & recta operatio est operatio, & praua operatio est operatio: ergo in ratione figuræ inueniatur ratio sufficiens

ciens ad obiectum materiale Statuarie intendentis non figuram quomodocunque, sed rectam figuram. Artes enim sunt non ut fiat opus, sed ut fiat bonum opus.

Resp. Negando sequelam maioris. Ad cuius probationem concessio antecedenti nego consequentiam. Indifferentia ad rectitudinem & prauitatem est quidem ratio requisita in operatione, ad hoc ut sit obiectum materiale Logicæ, non tamen est ratio adæquata propterquam est obiectum materiale eiusdem. Sicut ad hoc, ut sis homo requiritur quidem, ut sis animal: non tamen ratio adæquata per quam constitueris homo est ratio animalis. Ratio cur operatio sit obiectum materiale, est quia consideratur à logica, ut in ipsam rectitudo inducatur, siue ut recta fiat, sicut considerantur colores à Pictoria, ut in ipsos inducatur talis dispositio, siue ut taliter disponantur. Hinc habes indifferentiam ad rectitudinem, & prauitatem tolli per rectitudinem inductam non quomodocunque sed ex intentione Logicæ.

Dices figuravit sic, in Pictoria posset assignari pro obiecto materiali logico, seu metaphysico Pictoriæ, colores autem pro obiecto materiali physico eiusdem: ergo operatio ut sic posset assignari pro obiecto materiali logico, seu metaphysico logicæ, & pro obiecto materiali physico eiusdem, intellectus humanus. Probatur consequentia, quia non est potior ratio de vna quam de alia.

Resp. Omissio antecedenti negando consequentiam. Ratio cur Pictoriæ assignentur pro obiecto materiali physico colores, est, quia Pictoria considera: colores physice præ-

suppositos dispositioni quam intendit, vt hos hoc vel illo modo disponat. At logica non considerat intellectum, vt in ipsum hanc vel illam operationem inducat: Imo in tota sua Logica, Philosophus, vt notat Siluester Maurus vix vnquam nominat intellectum: supponit autem Logica intellectum quem dirigat in operando, seu in cognoscendo sicut Sutoria manum Sutoris quam dirigat in lesinando, seu suendo. Dicitur autem figura vt sic obiectum materiale logicum seu metaphysicum Pictoriæ, quia tam à figura praua quam à recta abstrahitur per intellectum ratio figuræ; rationes autem hoc modo abstractæ dicuntur rationes logicæ vel metaphysicæ.

Ratio igitur considerata à logica est operatio. Constat hoc cum ex diuo Thoma questione prima in libris poster. vbi sic habet: *Ars quedam necessaria est que sit directiua ipsius actus rationis, per quam scilicet homo in ipso actu rationis ordinate & facilliter, & sine errore procedat: Et hæc ars est Logica: idest rationalis scientia; que non solum rationalis est ex hoc quod est secundum rationem, quod est omnibus artibus commune, sed etiam ex hoc quod est circa ipsum actum rationis sicut circa propriam materiam; & ideo videtur esse ars artium: quia in actum rationis nos dirigit, a quo omnes artes procedunt.* Hæc Diuus Thomas. Tum etiam ex tota tractatione Logica, quæ tota occupatur circa operationem mentis: puta circa rationem subiecti & predicati, circa dispositionem mediij termini, ordinationem propositionum, vniuersalis cum parti-

culari;

culari, affirmatiuæ cum negatiua: eo scere modo, quo ars pingendi dicat dispositionem colorum, nimirum cæruleum cum viridi, nigrum cum albo, sic & sic debere disponi.

Vbi aduerte Logicam melius comparari cum ijs artibus quæ per additionem partis ad partem operantur; qualis est Pictoria & Architectura, quam cum ijs quæ per detractionem, qualis est Statuaria, quæ statuam marmoream efficit per hoc quod à marmore abas & illas partes ordinate decidat.

Obicies iterum. Non est explicabile quid sit illa rectitudo quam in operationem inducit Logica, ergo huiusmodi rectitudo male assignatur pro obiecto formali. Probatur antecedens. Nam talis rectitudo non est dispositio operationum secundum locum: non enim disponuntur operationes in intellectu, sicut colores in tela; non secundum tempus, sicut contingit in vocibus, quæ disponuntur a musica secundum prius & posterius: nam in definitione simul tempore cognoscitur subiectum & predicatum, genus & differentia: ita cum dicis: *Homo est animal rationale* non prius cognoscis hominem quam animal rationale, nec prius animal quam rationale; namuis ore vnum alio prius proferas: item in syllogismo simul tempore sunt in intellectu præmissæ & conclusio. Patet igitur dispositionem, quæ inducitur in operationes entis, non esse neque secundum locum, neque secundum tempus.

Hoc argumentum assertur & promouetur P. Mauro quæstione nona Logicæ ad octauam; qui tandem concludit dispositionem qua consistit artificio logicum esse illam

per quam obiecta certo modo disponuntur; ita videlicet, ut in propositione hoc obiectum prædicetur; illud subiciatur; in prima figura medius terminus subiciatur, &c. Quæ vere est dispositio Logica. Cum igitur dispositio consistat in adaptatione cum rebus, quia per illam subiectio, & predicatio fit, ut postulat obiectorum natura: totum artificium consistet in adaptatione cognitionis cum obiecto; ex quo infert obiectum attributionis in Logica esse ens recte cognitum, formale operationem rectam materiale res ipsas.

Resp. quod siue operatio recta sit obiectum formale, siue obiectum attributionis, eadem est difficultas in explicando quid sit rectitudo illa intenta à Logica: Insufficienter autem explicatur rectitudo prædicta dicendo artificium logicum in eo consistere, ut obiecta certo modo disponantur, puta ita ut in propositione hoc obiectum prædicetur, illud subiciatur. Nam, ut cetera omittam, sæpe contingit in propositione illud idem obiectum subici, quod prædicatur, ut patet in hac propositione: *Homo est animal rationale*. Non enim alia res est homo, alia animal rationale: quomodo igitur aliud subicitur, & aliud prædicatur? Igitur ad argumentum in forma.

Resp. Negando antecedens ad cuius probationem transeat quod dispositio intenta à Logica in actibus rationis non sit. neque secundum locum, neque secundum tempus; sed quid inde? Certe dispositio illa per quam aiunt obiecta certo modo disponi non est dispositio in ipsis obiectis. Est enim ridiculum dicere, quod sit in potestate nostri
intel-

intellectus inducere an res ipsas hanc vel illam dispositionem. Roga igitur, quid sit illa dispositio, an sit in rebus an in conceptibus? Dic autem obiecta ita disponi quoad subiectionem, & predicationem nihil aliud esse, quam cognitionem nostram ita tendere in obiecta, ut subijciat, & predicet hoc vel illo modo, ut inferat unum ex alio, ut definiat & diuidat; & quia operatio, ut sic seu actus rationis potest deficere à tali modo tendendi, in quo consistit rectitudo Logicæ, propterea datur ars tendendi hoc, & illo modo, hoc est, hoc vel illo modo cognoscendi; & hæc ars est Logica.

ARTICVLVS XIII.

An omnis operatio rectam pertineat ad obiectum Attributionis Logicæ.

Inter Philosophos qui operationem rectam statuunt obiectum attributionis, seu finem Logicæ superest alia controuersia: an videlicet omnis operatio recta pertineat ad prædictum obiectum intelligendo *li: omnis*: pro generibus singulorum. Alij enim ponunt argumentationem solam; imo quia argumentatio est ratio communis ad syllogismum probabilem, & ad demonstratiuum, sunt qui velint solam demonstrationem esse obiectum adæquatum Logicæ. Alij pro obiecto Logicæ secundam, & tertiam operationem admittunt, reiecta simplici apprehensione: alij denique cum secunda, & tertia etiam primam recipiunt aiuntq; sub obiecto adæquato tres operationes intellectus comprehendendi.

His ultimis assentimur. Habemus autem pro nobis Diuum Thomam, qui lectione prima in librum Perihier. Logicam Aristotelis diuidens in tres partes, singulas singulis operationibus assignauit. *De his inquit quæ pertinent ad primam operationem intellectus, determinauit Aristoteles in libro prædicamentorum. De his quæ ad secundam, in libris perihierm. De his quæ ad tertiam determinauit in libris prior. & consequentibus.* Quia vero circa primam operationem potissimum est controuersia, ideo de ipsa præcipue & breuiter agimus hoc art.

Dicunt igitur, qui nobis aduersantur. Prima operatio intellectus non est dirigibilis; ergo non spectat ad obiectum Logicæ. Consequentia patet, quia Logica non considerat operationem nisi ut illam dirigat, ergo operatio non dirigibilis non consideratur à Logica. Antecedens probatur. Quia operatio incapax veritatis, & falsitatis non est dirigibilis, sed prima operatio est huiusmodi, ergo non est dirigibilis. Maior probatur quia ideo solum dirigitur operatio, ut vera sit, & subtrahatur falsitati; in quam ex defectu directionis incurreret. Minor autem est euidentis, quia, ut ait Philos. donec aliquid affirmetur, aut negetur, nondum est verum vel falsum.

Resp. neg. ant. Ad cuius probationem nego mai. Nam nec omnis rectitudo operationis est veritas, nec omnis irrectitudo est falsitas: & consequenter potest aliqua operatio deficere à rectitudine absq; eo quod incidat in falsitatem. Dari rectitudinem aliquam distinctam à veritate imo cum falsitate

iunctam patet ex ijs syllogismis, quos
 sophus pro syllogismorum ideis pā-
 ducit. *Omne A est B, sed omne C est A*
ergo C est B.

mitto hic examinare an verum sit, quod
 apprehensio sit incapax, tam veritatis,
 falsitatis, quia Philos. in Metaph.
 quod intelligere simplicia continet
 , quamvis non intelligere non sit de-
 fed ignorare, hoc est imperfectionem
 sitam veritati, quæ est in intelligentia
 icium, non esse falsitatem sed ignoran-
 . Interca dico plures defectus repetiti
 in prima apprehensione, ad quos vi-
 os est necessaria Logica. Primus defe-
 it obscuritas, orta ex confusione præ-
 orum, eandem rem constituentium, in-
 ate repræsentatorum v. g. in Petro
 untur multa prædicata: Nam Petrus
 substantia, corpus, viuens, animal,
 o, Petrus. Hæc prædicata si hoc ordine
 piantur apprehenditur clarè, & sin-
 asione quidditas Petri: hæc autem or-
 tio prædicatorum superiorum, & infe-
 m sit per Logicam; ergo Logica ad
 smodi apprehensiones est utilis. Hinc
 rima parte Logicæ diximus rationem
 s vniuersalem in definitione præponi
 s vniuersali, dicendo potius: *Animal*
rationale quam *rationale animal* in defini-
 e hominis; hoc est habendo conceptum,
 potius quam illo modo tendentem in
 ctum, quod definitur.

præter obscuritatem quam tollit Logica
 apprehensione rerum, tollit etiam diffi-
 atem. Hoc autem explicatur à Caetano,
 in

in præfatione ad antepredicamenta Arist. sic. *Ens incomplexum, quod est obiectum primæ operationis erat confuse dispersum, & obscurum in vniuerso; ita ut si simplex albedo præsentata esset quidditatem eius inueniri difficillimum foret, quoniam confusione quadã albedinis natura cum figuris, cum quantitate cum substantia, ù relatione mixta est. Modo autem distinctis rerũ ordinibus, & adunatis cuiusq; ordinis rebus ad decem incomplexa, insignita suis proprietatibus, velut quibusdam figuris, facile ac prompte circa quodcunq; incomplexum audemus intellectus aciem figere: tollitur siquidem ex adunatione omnium incomplexorum ad decem capita vagatio intellectus ad incomplexorum notitiam habendam. Hæc, & alia in hanc sententiam Caietanus.*

Quæ ut recte intelligas, scire oportet Philosophum, res omnes, quæ sunt, quæq; esse possunt, ad decem capita reuocasse, quæ prædicamenta seu Cathegoriæ appellantur: sunt autem hæc. Substantia. Quantitas. Qualitas. Relatio. Vbi. Quando. Situs. Habere. Actio. Passio. Nam quidquid est, est vel substantia, vel accidens; si substantia est aliquo modo continetur sub hoc capite, seu sub hoc genere Substantia si autem accidens, necesse est reduci ad vnum aliquod ex nouem alijs capitibus, seu generibus. Hæc autem capita vocantur à Caietano rationes simplices, seu incomplexæ, dicunturq; obiecta primæ operationis.

Contingit autem ut in vno eodemq; obiecto pluram ex prædictis generibus simul reperiuntur. Puta in lacte reperitur simul ra-

Essentie, extensio, albedo, similitudo, aliquid alia re, esse in loco, esse in ore, & alia, quæ facile esset sub vna ratione confundere, nisi distincta camentorum notitia haberetur: adeoque esset ob oculos lacte, & lactis albedine solum esset ne intellectus conceptum alius quidditatum inquirens; vel substantiam, vel dispositionem secundum locum, vel figuram conciperet, in quo erraret, non per deceptionem, quasi affirmans negans id quod non debuit affirmati, aut veri; sed per non attingentiam quidditatis effecti, quam tamen conabatur attingere. Ex hac non attingentia quidditatis rei datur alius defectus; quod scilicet intellectus considerans obiecta, & reflectens supra præhensionem, quam de obiecto formavit, timet propositionem falsam, & de ratione falsa, puta de albedine, prædicet figuram, aut iam rationem cum albedine in obiecto permixtam. Propter hoc dici potest, quod simplex operatio contineat veritatem, & falsitatem, non formalem, sicut affirmatio & negatio, sed causalem, seu occasionalem; quatenus nimirum facile est intellectum à præcedenti apprehensione determinari ad iudicium verum, vel falsum, prout per illam attingit, vel non attingit quidditatem rei quæ inquirebat.

Hoc fere modo Philos. licet passim affirmet verum & falsum non esse in rebus, sed in anima, hoc est in cognitionibus; tamen 3. Metaph. tex. 24. docet res ipsas dici posse falsas, eo quod sint apæ videri, quod non sunt, & aliter quam sunt. Hoc est eo quod

quod determinent intellectum ad iudicium falsum. Assert pro exemplo Philos. umbras, figuras, & somnia, quæ ab hominibus pro eo quod non sunt sæpe habentur, sunt enim multi similes cani Aesopico, qui umbram ossæ, quam præ dentibus habebat, grandiore ossam existimans, ossam veram in flumen deiecit ut in fictam, & apparentem irrueret.

ARTICVLVS VLTIMVS.

Satisfit Obiectionibus.

Objec. primo, sola demonstratio est syllogismus faciens sic; ergo sola demonstratio est obiectum Logicæ. Conseq. probatur, quia Logica est instrumentum scientiarum, ergo solum operationem scientificam habet pro obiecto.

Resp. con. antec. neg. consequentiam. Ad cuius probationem conc. ant. nego iterum conseq. Logica dicitur instrumentum scientiarum quia scientiæ ex directione Logicæ speculantur sua obiecta; non solum autem speculantur syllogizando, sed etiam definiendo, & diuidendo. Præterea quando dicitur Logica instrumentum scientiarum, non debet intelligi nomen scientiæ adeo strictè, ut non comprehendat nisi habitus cognoscentes rem certo, & euidenter per causas: nam etiam Topica, quæ probabiliter de rebus disputat, utitur directione Logicæ.

Obic. secundo obiectum attributionis habitus practici intenditur propter se ab habitu, sed nec prima operatio, nec secunda intendi

tur & propter se à Logica; ergo nec prima
tio, nec secunda sunt obiectum attri-
buis. Minor probatur, quia prima ope-
intenditur solum propter secundam,
da solum propter tertiam ergo neutra
ter se.

Ref. conc. mai. neg. min. Ad cuius pro-
onem nego ante. In quo aduerte ad hanc
iculam *solum*. Non enim nego primam
rehensionem intendi propter iudicium
icium autem propter discursum; sed ne-
solum intendi hoc propter discursum, il-
a propter iudicium. Prima apprehensio
amuis habeat hanc bonitatem, quod sci-
et inducat quodammodo in iudicium re-
m, si clara sit, & distincta, adeoq; sit
petibilis relate ad iudicium rectum; tamē
propter se expetibilis, quatenus est dilu-
da intelligentia obiecti: si enim ipsam
dere quod per oculos fit, vt docet Philos.
imo Metaph., propter se ipsum appetimus,
propterea inter omnes sensus maxime di-
gimus visum: vnde de amicissimis dicere
olemus esse nobis chariores oculis ipsis; quā-
o magis expetibile est propter se ipsum in-
telligere, seu apprehendere, quod est per
ntellectum videre.

Obijc. tertio. Prima operatio est pars se-
cundæ; secunda, pars tertiæ: pars non ex-
petitur propter se, sed propter totum; ergo
prima operatio solum expetitur propter se-
cundam, secunda solum propter tertiam.
Maior probatur, quia iudicium continet pri-
mā apprehensionem; discursus apprehensio-
nem & iudicium.

Ref. Distin. ma. Prima operatio est pars
secun-

secundę, secunda tertię per se: nego mai. per accidens: omitto mai., & eodem modo distincta minori: nego consequ. Dicitur pars per se respectu alterius, quod ex natura sua exigat esse constitutum alterius, nec est modo sibi debito, nisi constituat, & componat aliam rem. Ita brachium est pars per se corporis humani; exigat enim constituere corpus humanum, nec est modo sibi debito nisi simul cum alijs partibus constituat, & componat corpus humanum. Materia prima per se, & natura sua, est pars substantię physice, quia ex natura sua exigat esse constitutum corporis physici, & simul cum forma componere vnā substantiam completam. Illud autem est pars per accidens, quod ita ingreditur constitutionem alterius, vt tamen aptum sit propter se expeti, & modo sibi debito existat, etiam sine consortio alterius, cum quo constituat vnum: & hoc modo do aduersarijs apprehensionem esse partem iudicij, iudicium esse partem discursus.

Dixi: do aduersarijs; non autem concedo; quia probabile est quamlibet operationem intellectus humani non constare partibus, sed indiuisibiliter attingere omne id, quod attingit: iuxta id, quod nuper dicebatur loquendo de dispositione illa, in qua consistit rectitudo intenta in actu rationis.

Obic. quarto si prima operatio pertinet ad obiectum attributionis Logice, nihil remanet pro obiecto attributo, seu communitatis eiusdem: consequ. est absurdum, ergo & antec. Probatur sequela maioris, quia Logica nihil considerat nisi operationes intellect-

us, ergo si intra rationem operationis est, quod non sit obiectum attributionis nihil remanet quod sit obiectum attributionis, seu communis. Conseq. probatur obiectum communis debet ipse etiam considerari ab habitu.

¶ primo transmissa ma. negando minorem. enim absurdi est, quod hæc scientia extra suum obiectum attributionis nihil consideret? diximus olim, quod id quod consideratur à scientia non propter se, sed propter aliud, non est obiectum attributionis sed attributum, seu communis: sed diximus ad rationem scientiæ requiri, præter obiectum attributionis habeat in se obiectum attributum, seu communis. Quæ duo sunt valde diuersa.

¶ secundo negando sequelam maiorem. Ad probationem nego ante. Logica præter operationem intellectus considerat voces ordine ad operationem intellectus, quæ circa dicitur materia propria Logicæ. supra non esse absurdum, quod scientia præter suum obiectum proprium nihil consideret; potest enim dari & datur de facto hæc scientia, quæ res omnes considerat, & obiecto habet omnia; assigna, si potes, id extra omnia, quod sit obiectum communis: scientiam huiusmodi dupliciter assignauit Philosophus: Dialecticam, Mathematicam, & Philosophiam, hoc est Theologicam, & Metaphysicam.

¶ nunc res pro appendice ad ea quæ dicta sunt, an operatio recta quam assignamus obiecto Logicæ, sit operatio recta, ut sit, an recta quateus directiua. Explicatur.

tur. Hoc argumentum: *Omne alterabile est corruptibile: Sed omne elementum est alterabile; ergo omne elementum est corruptibile*: habet duplicem bonitatem; prima est rectitudo illa, qua conformatur præceptis recte argumentationis; in hoc enim medius terminus est recte distributus, & omnia consonant regulis primæ figuræ; secunda est aptitudo quam habet; ut sit idea quædam, & exemplar, cui quæcumq; argumenta conformia erunt, optima erunt: quæritur autem an secundum primam, an secundum secundam bonitatem intendatur à Logica per modum obiecti.

Dico obiectum Logicæ, esse operationem rectam quatenus rectam, non autem quatenus directivam. Probatur hoc quia finis intrinsecus habitus practici non ordinatur ab eodem habitu ad alium finem; sed operatio, prout directiva, ordinatur à Logica ad alium finem; ergo operatio, prout directiva, non est obiectum, seu finis intrinsecus ultimus Logicæ. Minor probatur, quia operatio, prout directiva, est propter aliam operationem, adhibeturq; à Logica ut explicatio quædam eorum præceptorum, quæ tradit ad recte operandum. Hoc eodem modo aliæ artes solent contrahere sua præcepta ad quamdam materiam, ut ita eorundem bonitas magis appareat. Puta Statuaria etiam, quæ circa aurum versatur, præcepta sic, vel sic efformandi aurum contrahit ad cretam, vel ad plumbum, & eadem sic contracta ostendit Tyronibus, quibus statuam plumbæam proponit pro modulo, siue idea statuæ auræ faciendæ.

Dices:

Dices: Logica facit innumeros syllogismos ideales, ergo habet pro obiecto syllogismos huiusmodi. Probatur antecedens, quia omnes fere syllogismi qui ab Aristotele sunt tradente Logicam, sunt huiusmodi: *Omne A est B, sed omne C est A &c.* Hi autem syllogismi non habent aliam bonitatem quam ideæ.

Res. Conc. ante. neg. consequ; Syllogismi prædicti fiunt à Logica, ut per illos doceat, quomodo in quacunq; materia sit syllogizandum; & consequenter non sistit Logica in illis, tamquam in fine; in illis inquam materialiter consideratis.

QVESTIO III:

An Logica sit Virtus:

ARTICVL I.

Quid sit Logica docens, quid vtens.

Logicam in docentem & vtentem diuidunt omnes, sed non omnes nomine docentis aut vtentis idem intelligunt.

Conimbricenses aiunt Logicam docentem esse Logicam vniuersam, hoc est, tam secundum partem Analiticam, quam secundum Topicam atq; Sophisticam, quia vbique docet, & tradit præcepta definiendi; diuidendi, & syllogizandi: vtentem vero esse solam Topicam, quia vsus præceptorum Logicæ in alijs materijs non spectat ad Logicam, sed ad alias scientias, quarum est huiusmo-

inmodi obiecta contemplari. Puta ad Physicam pertinet usus præceptorum Logicæ circa ens mobile, ad Mathematicam circa ens quantum & sic de alijs.

At vero, aiunt, materia pure probabilis, cum non sit ullius scientiæ, quia scientiæ exigunt obiectum certum, & infallibile, habet quæ circa se versetur Logicam ipsam; adeoque Logica, non solum tradit præcepta syllogizandi, sed etiam syllogizat circa materiam probabilem.

Hæc Conimbricensium doctrina non placet; primò quia dum reiecinus res a ratione obiecti, non reliquimus res, quæ solum probabiliter cognoscuntur pro obiecto Logicæ. Nam vel de omni, vel quasi de omni re, possunt haberi cognitiones probabiles: adeoque si ea quæ probabiliter cognosci possunt, sunt materia propria Logicæ; Logica habet pro materia res, vel omnes, vel quasi omnes.

Præterea falsum est 1. Logicæ uti suis præceptis, solum circa materiam probabilem: nam iuxta sua præcepta de definitione de enunciatione, de argumentatione, vno verbo de operatione intellectus philosophatur non probabiliter, sed euidenter.

Placet autem in hac controuersia P. Gabriel Vasquez in prima parte disp. octaua num. 19. ubi docet Logicam docentem esse ipsamet præcepta Logicæ, quibus definire, diuidere, & syllogizare docemur: utentem vero esse omnem & quamlibet scientiam, prout iuxta eadem præcepta circa sua obiecta definiunt, diuidunt, & syllogizant. Hoc modo Logica utens dicitur praxis ipsa, siue
opus

opus ex Logicæ directione factum. Hæc sententia est satis communis, adeoq, habet pro se maximum argumentum, quod haberi possit in decidenda controuersia, quæ magna ex parte est de nomine. Hanc amplectuntur Ouedus & Hurtadus, qui dicit hanc fuisse mentem D. Aug. qui D. Paulum, aliosque Theologos vocat dialecticos, quia Dialectica seu Logica circa res, de quibus agūt vtuntur.

Est præterea pro hac sententia autoritas antiquorum, & præcipue Græcorum, qui Logicam diuiserunt in Logicam à rebus auulsam, & logicam rebus, concretam. Logica à rebus auulsa dicitur: quæ definitionem, diuisionem, argumentationem dirigit præscindendo à qualibet materia, circa quam tales operationes fiant. Dicitur concreta rebus, quatenus est definitio, diuisio, aut argumentatio talis obiecti. Prima est Logica docens, secunda est Logica vtens.

A R T I C V L V S II.

Respondetur obiectionibus.

O Bije. primo Totum potestatiuum non bene diuiditur nisi de membris diuidentibus prædicari possit ipsum diuisum: sed de alijs scientijs, etiam prout vtuntur præceptis Logicæ, non potest prædicari Logica, ergo si nomine vtentis intelligantur aliæ scientiæ, Logica male diuiditur in docentem & vtentem. Maior explicatur, & probatur. Animal non bene diuideretur in rationale, & irrationale, seu in hominem & Brutum, nisi tam de Bruto, quam de homine

H prædi-

predicari posset Animal. Minor autem probatur Physica etiam syllogizans ex arte non est Logica .

Hoc idem argumentum valet , si nomine Logicæ utentis intelligas praxim ipsam, seu speculationem, elicitam à quacunq. scientia ex directione Logicæ. Quis enim dicat hanc definitionem : *Homo est animal rationale* appellandam esse Logicam.

Resp. Logicam diuidi in docentem , & utentem non per modum totius potestatiui in partes , hoc est generis in species, sicut diuiditur Animal in Hominem & Brutum : sed sicut virtutem in habitum , & actus directos per ipsam. Contingit enim ex modo loquendi tam habitum , quam actum imperatum ab ipso , nomen eiusdem virtutis sortiri. Puta , non solum habitum inclinantem ad operandum prudenter , sed etiam actum ipsum , qui ex directione talis habitus sit, prudentiæ nomine insignimus. Ad argumentum in forma concessa maiori , & transmissa minori disting. consequ. Non bene diuiditur Logica &c. Diuisione generis in species , seu totius potestatiui in partes : concede consequ. , diuisione virtutis in habitum , & actus directos , siue imperatos per ipsum : nega consequ.

Obic. secundo D. Thomas quarto Metaph. lec. quarta dicit vsum definiendi , diuidendi , & syllogizandi in alijs scientijs non tam Logicam appellandam esse , quam Philosophiam. Ergo aliæ scientiæ nequē appellari Logica .

Resp. primo nos non dixisse , quod aliæ scientiæ sint Logica ; sed quod sint Logica vtens ;

utens ; li autem *utens* non est ratio contrahens genus ad speciem , vt dictum est supra , sed potius distrahens à propria significatione Logicæ .

Ref. secundo conc. ante. neg. conseq. si per li *Logica* veniat Logica utens. Imo ex antecedenti sequitur vsum syllogizandi, &c. esse aliququaliter appellandum Logicam , vt patet ex his verbis : non tam Logica appellandus est quam Philosophia ; ex hoc autem, quod magis proprie sit Philosophia quam Logica , male inferes quod nullo modo sit Logica. Sensus igitur D. Thomæ est , quod speculationes magis sortiuntur nomen à scientia , circa cuius obiectum fiunt , quam ab illa ex cuius directione fiunt .

Obicitur tertio Logica est instrumentum scientiarum : sed male dicitur de habitu utente instrumento , quod sit tale instrumentum utens , ergo male dicitur de qualibet alia scientia quod sit Logica , etiam addendo li *utens*. Minor probatur , quia nemo dicet de arte fabrilis quod sit malleus utens : aut de milite , quod sit gladius utens .

Ref. Conc. mai. disti. mi. Male dicitur de omni habitu utente quolibet instrumento conc. min. de omni habitu respectu cuiuslibet instrumenti nego min. & conseq. Quamuis Logica sit instrumentum scientiarum, & malleus instrumentum artis fabrilis , non tamen est , & in Logica , & in malleo eadem ratio instrumenti. Logica est instrumentum , scientiarum quia ex ipsius directione aliæ scientiæ speculantur ; malleus non est instrumentum artis fabrilis , eo quod Faber ex directione mallei lignum elaboret. Hinc

alia scientia recte dicitur Logica vtens ; ars
fabrilis male mallens vtens .

A R T I C V L V S III.

Definitur Virtus.

PRæcipuæ hominis potentia, & per
quas cæteris animantibus præstat sunt
intellectus, & voluntas: Ideo istæ duæ po-
tissimum perfici debuerunt, vt operationes
sibi proprias non solum facere, sed facile
facere possent. Id autem, per quod intrin-
sece perficiuntur prædictæ potentia, in am-
pliori acceptione virtutis, virtus dicitur,
quæ si perficit voluntarem, dicitur moralis,
si intellectum, inintellectualis.

Virtus autem in strictiori, & magis pro-
pria significatione definitur ab Aristotele se-
cundo Ethic. cap. 6. his verbis: *Dicendum
est igitur omnem virtutem, & ipsum id
cuius est virtus bene affectum reddere, &
opus eius bene efficere.* Quæ definitio sic cir-
cumfertur: *Virtus est habitus qui bonum
facit habentem, & opus eius reddit bonum.*
Definitionem suam exemplificat Philos. &
in oculo, & in equo. *Oculi virtus, inquit,
& oculum ipsum, & opus ipsius bonum fa-
cit; quippe cum oculi virtute fiat, vt bene
inspiciamus. Simili modo equi virtus & ip-
sum equum promptum facit, & ad cursum
gestandumq; sessorem, & ad sustinendos
hostes idoneum.* Quæ verba Philos. adeo
clara sunt, vt commentatore non egeant.

Obseruandum est autem obiter unum-
quodq; bonum dici, secundum quod est be-
ne

ne dispositum ad suum finem: sic oculus bonus est, qui bene dispositus est ad videndum; videre autem est finis oculi. Et equus est bonus, si sit bene dispositus ad currendum, gestandum sessorem, & sustinendum hostem in quibus equi finis est. Et Homo ille bonus est, qui est bene dispositus ad felicitatem, quæ finis est hominis. Hinc sola culpa facit Hominem malum: nec enim Homo malus est, eo quod sit aut brevis pede, aut lumine læsus quidquid dicat Martialis, cum huiusmodi defectus non auertant à regno cælorum, in quod melius est ingredi cæcum, & claudum, quam duos pedes, & duos oculos habentem mitti in gehennam ignis.

Habetur ex eodem Arist. septimo Phisic. cap. 17. alia virtutis definitio; quod scilicet sit. *Dispositio perfectissimi ad optimum*: Hoc est habitus quidam disponens potentiā, in sua natura perfectam, ad optimum opus talis potentiæ. Ex hac utraq; definitione, quæ omni virtuti, siue morali, siue intellectuali conuenit, constat Virtutem intellectualem esse habitum, qui bonum faciat intellectum, & opus eius bonum reddat. Item esse habitum quendam, per quem intellectus, secundum naturam suam perfectus, ad optimum suum opus disponitur. Nomine autem operis, de quo hic est sermo, intelligere debes actum ipsum, qui à Virtute elicitur, siue qui est actus talis Virtutis, hoc est talis Virtus in actu. Nam (ut in Virtute intellectus rem exemplificemus) considerari potest Virtus vel prout est in habitu, siue habitualiter inhærens intellectui, vel prout est in actu, hoc est prout de facto

exercetur. Secundum primam acceptionem sopiti etiam, incogitantes, & dormientes sunt virtuosus: nec enim Physicus dormiens desinit esse Physicus. Iuxta secundam autem acceptionem non est virtuosus, nisi qui actu operatur.

Sensus igitur definitionum, quas attulimus, est Virtutem esse habitum, quo potentia perficitur, & actus ab eadem elicitus bonus est. Cum autem idem Philosoph. 6. Ethic. cap. 2. in fine, & cap. 3. in principio dicat, Virtutem intellectus esse habitum, per quem Anima verum dicit, manifestum est, ex mente Philosophi, requiri ad rationem Virtutis intellectualis, ut actus per ipsam elicitus sit verus, quem actum antea nuncupauimus opus.

Aduertendum est igitur aliud esse dictamen ipsum, seu directionem actiuam Virtutis, aliud actum elicitum ex tali dictamine seu directione. Per dictamen Virtutis Anima semper dicit absolute, & simpliciter verum: per actum vero elicitum ex dictamine Virtutis contingere potest, ut Anima dicat absolute, & simpliciter falsum. Dictamen, seu directionem actiuam Virtutis vocamus actum imperantem; actum elicitum ex tali dictamine, seu directione vocamus actum imperatum. Primus etiam dicitur actus dirigens, secundus actus directus. Primus est elicitus a virtute dirigente, secundus a potentia vel habitu sequente directionem Virtutis.

Explicatur prædicta doctrina exemplo satis familiari. Si quis debeat ferre iudicium de Petro, videatque illum visu, verbo & opere

opere compositum ad modestiam; Prudentia dicitur Petrum esse iudicandum bonum; & per hoc dictamen Prudentiæ Anima dicit verum. qui enim aliter iudicaret de Petro, damneretur ut temerarius: & tamen contingere potest, ut totus ille externus apparatus sit mera hypocrisis; adeoque iudicium de bonitate illius sit falsum. In tali casu habes hunc actum: *Petrus iudicandus est bonus: verum*; hunc alium: *Petrus est bonus*; falsum. Primus est actus imperans, & dirigens; secundus imperatus, & directus.

Dices dictamen bonum non potest esse ad opus malum: sed tale iudicium est malum, ergo dictamen ad tale opus non potest esse bonum. Minor probatur. Tale iudicium est falsum, ergo est malum.

Resp. transmissa maiori neg. min. ad cuius probationem conc. antec. dist. conf. est malum malitia opposita bonitati, intentæ per dictamen Prudentiæ: nego consequ. est malum alio genere malitiæ: om. itto consequ. Dictamē nequit esse bonum de opere malo, si tale opus contineat malitiam oppositam bonitati intentæ per tale dictamen. Bonitas autem intentæ à Prudentiâ in actibus imperatis, est bonitas opposita præcipitationi, inconsiderationi, temeritati; quam bonitatem semper obtinet in actibus ex sua directione elicitis. Cum tali autem bonitate coniungitur aliquando per accidens malitia quædam, quæ est difformitas actus, seu iudicii cum obiecto.

Explicatur hoc idē à contrario; sæpe enim cum alia bonitate, quæ consistit in veritate seu conformitate iudicii cum obiecto, con-

iungitur malitia inconsiderationis, & temeritatis. Contingit enim non semel, vt iudicium prudens sit falsum, temerarium vero sit verum: cum tamen temerarium sit semper vituperabile, adeoque malum; prudens vero semper laudabile, adeoque bonum.

Ratio cur aliquando iudicium prudens sit falsum, temerarium vero sit verum, est: quia, vt ait Philosophus, multa falsa sunt probabiliora veris. qui autē prudēter iudicat, iudicat, illud esse verum, quod probabilius est esse verum. Quamuis enim sæpe accadat, vt falsa sint probabiliora veris, tamen plerumque, quæ probabiliora sunt, vera sunt; ideoque Prudentia bene dictat, quando dictat, illud pro vero habendum esse, quod probabilius est esse verum.

Hinc habes iudicium imperatum à Prudentia non esse iudicium euidens: nam circa ea, quæ euidenter apparent, non indigemus dictamine, vel imperio Prudentiæ: adeoque si quis affirmaret iudicium elicited ex imperio Prudentiæ à se consultæ esse euident, & infallibile; ille imprudenter de Prudentia sentiret, vel potius ignoranter.

ARTICVLVS IV.

Logica tam secundum Topicam, & Sophisticam; quam secundum Analyticam est virtus.

Conclusio, quæ pro titulo ponitur supponit diuisionem Logicæ communiter admissam in tres partes, Analyticā, Topicā, & Sophisticam. In Analytica agitur de syllogis-

logismo demonstratiuo : in Topica de probabili, in Sophistica de fallaci. Probatur autem veritas conclusionis secundum omnes partes ex definitione Virtutis. Nam & Topica, & Sophistica, & Analytica faciunt bonum habentem, videlicet intellectum, & opus eius reddunt bonum : ergo & Topica, & Sophistica, & Analytica est Virtus. Item habitus, per quem Anima dicit verum est Virtus, sed tam per Topicam & Sophisticam, quam per Analiticam Anima dicit verum, ergo &c. minor probatur, quia dictamen conficiendi syllogismi probabilis, aut Sophistici, eiusdemue dissoluendi, tam est verum; quam verum est dictamen construendi syllogismi demonstratiui.

Probatur secundo quia tam Topica quam Sophistica est ars : sed omnis ars est virtus, ergo vtraq; est Virtus. Maior probabitur, vbi probabimus Logicam esse artem. Minor constat ex *Philos. 6. Ethic. cap. 3.* vbi virtutem intellectus in suas species distribuens, primo loco ponit artem.

Confirmatur eadem conclusio euertendo præcipuas rationes, propter quas posset aliquis opinari, tam Topicam, quam Sophisticam deficere à vera, & propria ratione Virtutis. Nam si qua est ratio, cur Topica & Sophistica non sit Virtus, maxime est, quia neque per actus directos à Topica, neque per directos à Sophist. Anima semper dicit verum: sed hæc ratio nulla est, ergo neq; Topica neq. Sophist. remouenda est à ratione Virtutis. Maior cōtinet potissimam rationem Aduersariorum. Minor probatur, quia si hæc ratio valeret, neque Prudentia esset Virtus.

cum sæpe contingat, Animam per actum directum à Prudentia dicere falsum.

Ratio à priori cur nō omnis actus elicitus ex dictamine cuiuscunq; Virtutis sit bonus; adeoq; non dicatur simpliciter, & absolute actus Virtutis, est, quia non omne principium, operas ex dictamine Virtutis, est vel alia virtus, vel potentia infallibilis, incapaxue peccandi: hinc contingere potest, vt huiusmodi principium, etiam sequendo dictamē Virtutis circa suum obiectum, decipiatur vel peccet. Imo contingere potest vt Virtus ipsa ad ita imperandum moueatur ab aliqua potentia, non solum fallibili, sed de facto in sua operatione decepta. Explicatur hoc. Prudentia dictat, Petrum esse iudicandum bonum in his circumstantijs; quia intellectus repræsentat probabilius esse Petrum esse bonum, quam malum: hæc autem repræsentatio intellectus fortasse est falsa, dum dicit: *Potiora sunt motiua dicendi Petrum esse bonum, quam dicendi eundem esse malum*: Contingere enim potest, vt potiora sint motiua in oppositum.

Præterea explicatur quod dictum est supra; videlicet non omnem actum, elicitem ex dictamine cuiusq; virtutis, continuo esse bonum &c. Intellectus humanus non est potentia incapax erroris, adeoque iudicium elicitem ab intellectu humano aliquando est falsum; & consequenter Prudentia dirigens intellectum humanum in iudicando, dirigit potentiam simpliciter fallibilem, adeoque contingit ut intellectus, iudicans secundum dictamen Prudentiæ; circa suum obiectum decipiatur. Insuper non qualibet

Virtus

Virtus habet pro fine quālibet bonitatem in opere à se imperato, sed hæc Virtus illā, illa illā aliā bonitatem intendit : quamvis igitur in opere deficiat genus aliquod bonitatis, æterroquin requisitæ in opere; adeoq; nequeat illud opus dici simpliciter bonum; non propterea non erit ex dictamine huius, vel illius Virtutis, cum in eodem opere inveniatur coniuncta bonitas, intenta à tali virtute, cum malitia opposita bonitati intentæ per alias Virtutes. Bonitas autem intenta in opere directo à Topica est bonitas syllogismi probabilis; hæc autem bonitas reperitur in syllogismo Topico, etiam quando est falsus.

Ex hac eadem Doctrina inferes, quod Analytica non solum docens, sed etiam vtens, ideo communiter pro Virtute admittitur, quia etiam vtens dicit verum: vel etiam quia Analytica docens in actibus à se directis non intendit solum apparentiam veritatis sicut aiunt de Sophistica, aut probabilitatem, & non repugnantiam inter ea quæ dicuntur; sed certitudinem, & evidentiam; cum de Topica & Sophistica aliter dicendum sit.

Topicam enim institutam esse ad differendum probabiliter de rebus; sine vlla inter ea, quæ dicuntur, repugnantia, testatur Philos. Topicæ vel Institutor vel Instaurator: adeoq; finis Topicæ non est syllogismus simpliciter, & absolute verus. De Sophistica autem, siue dicas finem ipsius esse dissolutionem syllogismi fallacis, siue constructionem eiusdem; semper in Sophistica docente salvas rationem Virtutis. *St pri-*

mum dicas saluas etiam in vteute; detegere enim, & soluere fallacias est virtus, & quidem magno in pretio habenda.

De Topica vteute dicendum est, quod si nomen Virtutis accipiatur minus rigorose pro quolibet habitu, perficiente intellectum etiam ipsa est Virtus. Est enim euidens, habitum, quo intellectus de rebus omnibus probabiliter disputat, esse perfectionem intellectus; imo secundum Philos. & D. Thomam melius est, probabiliter saltem, disputare de rebus altissimis, puta de Deo & Intelligentijs; quam demonstratiue hæc infima cognoscere; puta elementa; & alia corpora eiusdem ordinis: & consequenter Habitus tentatiue disputatiuus de rebus altissimis est expetibilior habitu demonstrante passiones rerum infimarum.

Quod si nomine Virtutis intelligas solum habitum per quem Anima semper, & infallibiliter dicat verum; certum est Topicam vteutem non esse Virtutem.

A R T I C V L V S V.

Respondetur obiectionibus.

O Bije. primo. Ex D. Aug. secundo de lib. arb. cap. 18. & 19. Virtute nemo male vtitur: sed multi male vtuntur Logica: ergo Logica non est Virtus. Minor probatur præcipue quoad Sophisticam: multi enim vtuntur Sophistica ad alios decipiendos.

Res: primo quod alijs etiam bonis artib. multi male vtuntur, & contra finem talium artium. puta Rhetorica vtuntur multi ad
suaden-

suadendos errores, & ad mouendos affectus ad malum: cum tamen finis Rhetoricæ sit suadere verum, & mouere ad bonum.

Resp. secūdo quod vti Sophistica ad decipiendos alios non est malum intellectus, sed voluntatis, ad quam non pertinet Logica: quamuis enim bona, & pia voluntas magis amet decipi, quam dicipere in multis: tamen intellectus habet pro vitio facile decipi, pro virtute facile decipere.

Resp. tertio distin. mai. virtute morali nemo male vitur omitto mai., virtute intellectuali nego mai., & transmissa min. disting. conf.: Logica non est Virtus moralis conc. conf., non est virtus intellectualis nego conseq; Omissi mai., quia non est nostri fori. Cæterū textus Augustini non facit ad rem, quia ibi Virtus accipitur non pro habitu, sed pro ipsomet vsu bono. Dicit enī: *Ideo virtute nemo male vitur, quia opus virtutis est bonus vsus istorum quibus etiam non bene vti possumus.* puta bonus vsus diuitiarum est opus virtutis, cum etiam diuitijs male vti possimus, & de facto multi male vtantur.

Obijc. secundo Virtus est, quæ facit bonum habentē &c. sed Logica nō facit bonum habentem, ergo Logica non est Virtus. Minor probatur, quia sæpe bonus logicus est pessimus Homo; ergo Logica non facit bonum.

Resp. Distin. mai. facit bonum simpliciter, & in omni genere boni: nego maiorem, facit bonum secundum, quid & in aliquo genere boni: conc. mai., & eodem modo distincta minori; nego conseq; Ad probationem

nem minoris patet ex dictis, Logica facit bonum habentem, non accipiendo nomine habentis totum Hominem, sed intellectum, in quo recipitur Logica: imo nec intellectum facit simpliciter bonum: potest enim cum Logica esse multiplex ignorantia in intellectu, sed secundum quid & in aliquo genere boni.

Obijc. tertio. Opus Virtutis debet esse bonum, sed neque opus Topicæ neque Sophisticæ est bonum, ergo neque opus Topicæ, neque Sophisticæ est opus Virtutis. Minor probatur, quia opus Topicæ est syllogismus probabilis; Sophisticæ vero syllogismus fallax neuter est bonus ergo nec opus Topicæ, nec opus Sophisticæ est bonum. Minor secundæ syllogismi probatur, quia syllogismus Topicus aliquando; Sophisticus semper est falsus.

Res. primo neg. min.; ad cuius probationem nego mai. Dictum est supra, opus virtutis esse ipsummet actum elicited a Virtute; sed nec syllogismus Sophisticus a Sophistica, nec probabilis a Topica docente elicited; ergo neuter est opus Virtutis. Est autem opus Topicæ actus ille, quo Topica dictat constructionem syllogismi probabilis; Sophisticæ vero actus, quo dictat constructionem syllogismi fallacis; uterque autem actus est verus, ut dictum est supra. Syllogismus autem topicus a Topica utente, Sophisticus a Sophistica utente elicited. Neutram diximus esse Virtutem. Quod si opus Sophisticæ utentis est dissolutio Sophismatis ipsa etiam est Virtus. Si constructio, potest omitti quod non sit Virtus. Dixi *omitti*, quod

quod est non curantis ; potest enim facile sustineri esse virtutem. Qui enim sciens facit syllogismum Sophisticum non deficit à virtute sicut nec qui sciens facit Sollacismum .

Atq; hic nota obiter cum Philos. , quod qui ex arte facit contra artem , ex virtute contra virtutem facit ; vnde qui ex arte, & de industria faciunt errores quosdam contra regulas Grammaticæ vel Poeticæ , puta qui de industria componunt carmina vt vocant Maccaronica , virtuosì dicuntur : imo vt notat idem Philos. , peccata , quæ ad mores pertinent , excusare solemus dicendo : *Nesciebam* , quæ ad intellectum , dicendo : *Sciebam malum esse , sed de industria feci* ; adeoq; quæ est nostra miseria ! magis pudet esse imperfectos quam malos.

Ref. secundo etiam accipiendo nomine operis tam syllogismū Topicum quam Sophisticum dist. mai. , opus Virtutis debet esse bonum omni genere boni: nego mai. aliquo genere boni: conc. mai. & eodem modo distincta minori, nego consequ. Distinctio patet ex dictis. In syllogismo probabili est bonitas intenta à Topica, in Sophistico bonitas intenta à Sophistica. Prima consistit in tali probabilitate, secunda in tali Virtute Proxima deceptiva .

Obije. quarto. Habitus inclinans ad assentiendum falso , non est Virtus ; sed Sophistica inclinatur ad assentiendum falso ; ergo Sophistica non est Virtus. Maior probatur, quia habitus inclinans potentiam ad malum eiusdem potentiae non est Virtus ; imo potius dicendus est vitium : sed habitus incli-

nans

inans intellectum ad assentiendum falso, inclinatur intellectum ad malum suum: malum enim intellectus est falsum; sicut bonum eiusdem est verum; ergo &c. minor autem probatur, quia Sophistæ non solum alios, sed seipsos non semel decipiunt.

Ref. Sophistam, si bonus Sophista sit, non decipi Sophismate, nec inclinari intellectum à Sophistica ad assentiendum conclusioni syllogismi Sophistici: adeoque, in forma: Omnis mai. nega min. &c. Hoc idem argumentum maiorem apparentiam habet contra Topicam. Ideoque alij sic obijciunt. Topica inclinatur intellectum ad assentiendum falso; ergo Topica non est Virtus intellectus. Antec. probatur, quia Topica inclinatur ad assentiendum conclusioni syllogismi probabilis; sed conclusio syllogismi probabilis sepe continet falsum, ergo inclinatur Topica ad assentiendum falso.

Huic argumento Ref. primo neg. antec. Ad probationem nega mai. Topica docens, quam diximus esse Virtutem non inclinatur ad assensum; sed dictat modum eliciendæ conclusionis probabilis. Ref. secundo negato eodem antecedenti distinguendo maiorem probationis eiusdem: inclinatur ad assentiendum conclusioni syllogismi probabilis, ut veræ. nego mai. ut probabilis: omitto mai. Ref. tertio distinguendo primum ant.: inclinatur per se: nega ant. per accidens: omitte ant., & nega consequ. Ad probationem eiusdem antecedentis utere eadem distinctione.

Obijc. Ultimo. Philos. sexto Ethic. cap. tertio dicit, quod existimatio, seu opinio, & suspicio non est Virtus, quia fieri

potest, ut per ea Anima dicat falsum: sed etiam fieri potest, & frequenter fit, ut per Topicam Anima dicat falsum; ergo neque Topica est Virtus.

Ref. Conc. mai. neg. min. Sermo enim est de Topica docente. De vrente enim vltro conceditur, quod stricte loquendo, non sit virtus. De Sophistica etiam vrente, si huus opus sit solutio Sophismatis, dic; dicere verum; si constructio, dic Sophisticam dicere falsum, non intellectui Sophistæ, sed illius, quem Sophista vult dicipere.

Collige ex dictis, quod quando duo habitus concurrunt ad aliquem actum, alter per modum elicientis, alter per modum dirigentis; si vterq; est Virtus, actus ex vtroq; capite est actus Virtutis: si tantum alter, puta tantum habitus dirigens sit Virtus, non autem eliciens; cum denominatio sumenda sit potius ab eliciente, quam a dirigente, actus non dicitur virtutis simpliciter, sed cum addito: *directiue*.

QUESTIO IV.

An Logica sit Scientia

ARTICVLVS I.

Virtus intellectus in suas species distribuitur.

Logicam secundum omnes sui partes esse Virtutem, probatum est superiori quaestione. Quæ nam Virtus illa sit, quæ

querendum est questione præsentis. Diuiditur autem Virtus intellectus a Philos. sexto Ethic. cap. tertio in quinque species. *Sunt autem*; ait ille, *ea quibus Anima affirmando, aut negando verum dicit, numero quinque; hæc vero sunt: Ars, Scientia, Prudentia, Sapientia, Intellectus.*

Ut ab ultimo incipiamus: nomine Intellectus non intelligit hic Arist. ipsammet potentiam intellectiuam; sed habitum ipsi superadditum, per quem primis principiis assentimur: ideoq; cap. sexto eiusdem libri dicitur intellectus: *esse principiorum.* Nam quia in discursu non debet dari processus in infinitum, ne inanis sit curiositas Philosophantis; necesse est ad aliqua principia deuenire, quibus sine ulteriori probatione assentiamur. Dispositio autem, quæ habet potentia intellectiua huiusmodi principiis assentendi, est ille Intellectus, quem in enumeratione Virtutum intellectualium ultimo loco ponit Philosophus. Huiusmodi habitu qui priuatur, non est capax disputationis: nam contra negantes primæ principia frustra contenditur.

Sapientia ut haberetur in eodem libro est scientiarum exactissima, quæ non solum ea, quæ ex principiis sunt, cognoscit, sed etiam circa principia ipsa verum dicit. Et ibidem Philosophus ait sapientiam, quam absolutissimis quibusq; in artibus, hoc est perfectissimis, cum addito attribucere consueuimus, dicendo: & Phidiam sapientem Marmorarium; & Polictetum Statuarium Sapientem, dici de quibusdam omnino, & non ex parte, hoc est sine ullo addito. Sicut enim

enim quosdam dicimus sapientes Statuarios, quosdam autem sapientes Pictores, sic etiam quosdam dicimus simpliciter Sapientes.

Constat igitur ex ijs, quæ dicta sunt, ait ibidem Philosophus Sapientiam esse rerum præstantissimarum naturam, Scientiam & Intellectum. Vnde Sapientia est, & præstantissimarum causarum, & per easdem rerum præstantissimarum certa, & evidens cognitio. Per Sapientiam enim, & humana, & diuina certissime contemplamur, & ea, quæ per humana & diuina fiunt; ut dicitur de Anaxagora & Thalete, qui difficilia, & diuina, & inutilia cognoscebant, & propterea erant Sapientes.

Scientia, ut ex cap. tertio eiusdem libri colligitur, est *cognitio certa, & evidens rei per causas, propter quas res est, & non potest aliter & aliter se habere.* Hoc est: *habitus demonstratiuus rei per causas infallibilis, certus, & evidens.* Hoc etiam dicitur primo postea. cap. secundo *Scire arbitramur unumquodq. cum causam existimamus cognoscere, propter quam res est, & quod illius causa est; & non contingit hoc aliter se habere.*

Ex definitione tum sapientiæ tum scientiæ vides utramq; conuenire, non solum in ratione virtutis, sed etiam in aliquo alio magis speciali prædicato: utraque enim rem cognoscit per causas: differunt tamen in hoc, Quod scientia de principiis suis non iudicat; sed illis suppositis, elicit conclusionem ex ipsis: sapientia autem de principiis ipsis iudicat: unde dicitur à Philosopho sapient-

scientiam esse intellectum, & scientiam. Differunt præterea in hoc, quod scientiæ singulæ: de suis obiectis, Sapientia de omnibus, omnia reducendo ad suas causas philosophatur, & quia vna est omnium vniuersalissima, omnia ad eam vniuersalissimam reducendo, scilicet ad causam primam quæ est Deus, tam in ratione efficientis, quam in ratione finalis: Deus enim est primum principium, à quo omnia, & vltimus finis, ad quem omnia ordinantur iuxta illud: *Ego sum Alpha, & Omega; principium, & finis.* Denique differt Sapientia ab alijs scientijs per hoc, quod circa principia iudicet, cognoscendo hoc ad illā, illud aliud ad illā aliam pertinere! & sic singulis scientijs sua propria principia attribuendo.

Prædictæ tres virtutes intellectus ad partem Animæ speculatiuæ, vt vocat Philosophus, spectant: per eas enim sistimus in contemplatione obiecti, nec ad operationem progredimur. Alię vero duæ Prudentia scilicet, & Ars ad partem Animæ practicam pertinebunt.

Prudentiam autem prius quam definiat Arist., quid viri prudentis proprium sit ipse considerat, dicens: *Videtur igitur viri prudentis esse propriū posse recte consultare de ijs, quæ sibi ipsi bona sunt, atq; vtilia, non ex parte, vt quanam ad sanitatem, & robur conferant, sed quæ ad bene viuendum in vniuersum.* Et postquam ibidem statuit, ea solum in consultationem venire posse, quæ in nostra potestate sita sunt, concludit: *Restat igitur vt Prudentia habitus sit vera cum ratione adhibus, circa ea, quæ & bona,*

na, & mala hominis sunt.

Ex hac definitione, & alijs quæ definitio-
nem præcedunt, manifestum est Philoso-
phum nomine actionis, quam Prudentiæ
tribuit per li *actiuus* intelligere operatio-
nem moralem. hoc est actum voluntatis:
nam per actus voluntatis solum est bonus,
vel malus Homo, seu bene vel male viuit
in vniuersum; quia per solos actus volun-
tatis, vel promouetur ad felicitatem vel ab
eadem remouetur. Hæc omnia satis expli-
cat Philosophus, dum dicit Prudentiam
esse habitum vera cum ratione actiuum cir-
ca ea, quæ humana bona sunt:

Denique cap. 4. Ars defini tur: *habitus*
quidam, cum ratione vera effectiuus. Ob-
seruat autem Philosophus, quod quamuis
& Prudentia, & Ars in hoc conueniant,
quod vtraq; versetur circa ea, quæ aliter
se possunt; & quorum principium in no-
is est: discriminantur tamen in hoc, quod
Prudentia sit habitus actiuus; Ars vero ha-
bitus effectiuus: quod discrimen in eo consi-
st, quod actio proprie loquendo accipiat
pro operatione humana, seu pro actu huma-
no, pertinente videlicet ad bene viuere Ho-
minis; effectio autem pro operatione, non
pertinente ad bene viuere, sed ad aliquem
finem, cum quo vel bene, vel male viuus:
ita ad aliquod artefactum v. g. Domum
Syllogismum, per quod neque bonus
neque malus euadis.

ARTICVLVS. II.

*Obseruantur aliqua circa actionem
& effectiorem.*

Obseruandum est, quod Philosophus qui Prudentiā ab arte discriminat per hoc, quod hæc sit habitus effectiuus, illa vero actiuus: varias deinde artium species inter se discriminans, ait alias esse effectiuas, alias vero actiuas. Vnde apparet quod quando Ars discriminatur ab Arte per hoc, quod vna sit actiua, altera effectiua seu factiua; actio non est eodem modo accipienda, quo accepta est art. superiori, quando Prudentiam discriminabat ab Arte. Sciendum est autē, quod nomine actionis, quando Artem ab Arte discriminat, venit operatio non relinquēs opus post se: nam *facilium*, inquit Philosophus lib. 1. magnorum moral. cap. vltimo *preter facturam finis superest alius, sicut Domus factiua preter adificationem, cum sit domus effectrix, ipsius finis preter facturam domus est.*

Paulo post sic ait: *At in eis, quæ sub actionem cadunt, preter actionem nullus est alius finis, ut preter citharæ modulatum finis non est alius; sed idem est finis, exercitium, & actio.* Ex quibus habes satis euidenter duo: primum est, quod esse actiuam etiam conuenit Arti, & non solum Prudentiæ: nam Citharistica, quam Philosophus in exemplum assumit, sine dubio est Ars, non vero Prudentia: & consequenter recte monuimus actionem in aliquo speciali sensu accipien-

piendam esse, quando Prudentiam ab Arte
 discriminat. Secundum est, Artem factiuam,
 seu effectiuam, dici illam, quæ non habet
 pro fine ipsummet exercitium: sed præterea
 relinquit opus, vt accidit in Domifactiua,
 quæ relinquit domum: Artem vero actiuam
 dici illam cuius totum opus, & finis est ip-
 summet exercitium, post quod non remanet
 opus: ita Citharisticæ finem esse ipsammet
 modulationem, ait Philosophus.

Quemadmodum autem actio aliter acci-
 pitur, quando discriminat Prudentiam ab
 Arte, & aliter quando discriminat Artem
 ab Arte; ita etiam factio, siue effectio aliter
 accipienda est, quando discriminat Artem à
 Prudentia, aliter quando discriminat vnā
 Artem ab alia Arte: in prima acceptione
 proponit pro operatione non respiciente finem
 moralem; in secunda pro operatione
 relinquente opus post se. In prima accep-
 tione conuenit citharizationi, in secunda
 non conuenit citharizationi, sed ædificationi,
 et cuilibet alteri operationi huiusmodi.
 Hanc diuersam actionis, & effectiois accep-
 tionem habes passim apud Philosophum tum
 Metaphysicis tum in Ethicis.

Ex his habes rationem huius dicti, quod
 supra attigimus ex Philos. sexto Ethic. cap.
 primo ubi sic habet. *Atq. in arte quidem
 si sponte peccat magis eligendus est, minus
 si in prudentia idem facit; sicut etiam cir-
 ca virtutes.* Cum enim Ars non respiciat
 que finem vltimum simpliciter, qui re-
 citur à Prudentia, neque finem aliquem
 constantem ad mores; per hoc quod quis
 sponte peccet in arte, non sit malus Homo;

imo

Quo

Quo

Quo

imo si sponte, & de industria peccet, nec vitatur secundum intellectum, cum non peccet ex errore aut ignorantia. At vero cum Prudentia respiciat finem ultimum, & virtutes morales respiciant bonum morale; per quod dicitur homo simpliciter bonus; per hoc quod quis sponte peccet vel in Prudentia recedendo ab ultimo fine, vel in alijs virtutibus, contemnendo honestum; sit malus.

ARTICVLVS III.

Logica est Scientia.

PRius quam probetur conclusio quæ tam à Thomistis quam à Scotistis pro vera admittitur habetq; pro se Conimb; Hurtadum. Arriagam, & innumerabiles alios ex recentioribus. Supponendum est non vno modo accipi scientiam ab Arist. Primo accipitur strictissime pro habitu, non solum demonstratiuo sed etiam ita considerante obiectum, vt in eius contemplatione quiescat: secundo ita late, vt pro omni cognitione supponat, idemq. sit scire quod cognoscere. In hoc sensu dixit Aristot. *Omnis homo natura scire desiderat*, vt constat ex toto illo Metaphysicæ proœmio, quo nihil aliud intenditur, nisi Hominem esse naturā suā appetituum cognoscendi.

Tertio accipitur nec ita strictè, vt solum pro habitu sistente in contemplatione obiecti. nec ita late, vt pro omni genere cognitionis supponat; sed pro habitu cognoscente rem per causam, propter quam res
est,

est, & quod illius causa est, & non potest
aliter & aliter se habere: quæ est vera, &
propria definitio scientiæ allata ab Aristot.
exto Ethic. cap. tertio & primo poster cap.
secundo. His positis.

Dico. Logicam esse vere & proprie scien-
tiam. Probatur conclusio; quia habitus ex
certis, & eidentibus principiis demon-
strans passiones, seu proprietates sui obiecti
est vera, & propria scientia: sed Logica est
huiusmodi; ergo Logica est vera & pro-
pria scientia. Maior continet definitionem
scientiæ. Minor probatur, tum ex ijs, quæ
indicata sunt in summulis; tum ex ijs, quæ
asseruntur in libris prior. & post., in qui-
bus Philosophus facit innumeras demon-
strationes circa operationes mentis, secun-
dum rationem consideratam à Logica: puta
secundum quod hic vel ille modus syllogi-
zandi est certus, & sic de cæteris.

Quod autem dicimus de Logica hic, eque
intelligendum est de Topica & Sophistica,
ac de Analitica. Imo de Topica & Sophi-
stica D. Thomas quarto Metaph. lect. quar-
to hæc habet: *Licet autem dicatur quod
Philosophia est scientia, non autem Diale-
ctica & Sophistica: non tamen per hoc re-
mouetur quin Dialectica, & Sophistica
sint scientia, Dialectica enim potest conside-
rari secundum quod est docens, & secun-
dum quod est utens: secundum quod est do-
cens, habet considerationem de istis inten-
tionibus, instituens modum, quo per eas
procedi possit ad conclusiones, in singulis
scientiis probabiliter ostendens: & hoc de-
monstratiue facit, & secundum hoc est sci-
entia*

tia &c. Et similiter dicendum est de Sophistica, quia prout est docens, tradit per necessarias & demonstratiuas rationes modum arguendi apparenter. Hæc D. Thomas.

A R T I C V L V S I V.

Satisfit Obiectionibus.

O Bijcies primo. Logica est ars, ergo non est scientia. Probatur ant. quia omnis habitus, vera cum ratione effectiuus, est ars: sed Logica est huiusmodi, ergo Logica est ars. Minor probatur, quia Logica est habitus tradens veram, & certam rationem efficiendi definitiones, diuisiones, & Syllogismos; ergo est habitus vera cum ratione effectiuus. Probatur iam prima consequentia, quia Philosophus 6. Ethicorum cap. 3. scientiã con- diuidit arti, hoc est diuidendo virtutem intellectus, ponit pro vna parte artem, & pro alia scientiam; ergo idem habitus non est simul scientia, & ars. Probatur hæc conseq; quia male diuideretur Animal in hominem & brutum, si idem indiuiduum Animal esset homo & brutum; ergo male diuiditur virtus in scientiam & artem, si eadem indiuidua virtus est scientia & ars.

Resp. conc. ant. & eius probatione, neg. conseq. ad cuius probationem, dic Philosophum ibi accepisse scientiam, non secundum quod omnem scientiam, etiam proprie talẽ, comprehendit; sed in strictissima acceptio- ne: nimirum pro ea, quæ sistit in contem- platione obiecti, hoc est pro scientia purẽ speculatiua, quã dicit esse nobilissimam, &
præstan-

stantissimam. Itaque in forma ad probationem consequentiæ resp. cum distinctio-
ne: scientiam strictissimæ acceptam condi-
dit arti concedere; scientiam non strictissi-
mæ, sed tamen strictè acceptam negare. &
conseq. Ad probationem ultimæ consequen-
tiæ; dic, quod Animal male diuideretur,
quia & homo & brutum debent esse duæ spe-
cies intra idem genus; sicut sunt scientia
strictissime accepta, & ars; si autem scientia
non accipitur strictissime, potest esse idem
cum arte; cum eidem individuo habitui
conueniat definitio, & scientiæ & artis: nulli
autem bruto aut homini conuenit definitio
bruti & hominis.

Obijecitur secundo. Vnius scientiæ debet
esse vna determinata materia, & vnum de-
terminatum obiectum: sed Logicæ non est
vna materia, & vnum obiectum, ergo Logi-
ca non est vna scientia. Maior est Aristote-
lis 11. Metaphy. sum. 3. cap. 1. Minor pro-
batur, cum autoritate eiusdem, qui dicit
Dialecticam de rebus omnibus differere, cum
ratione; quia definitiones, diuisiones, &
syllogismi, quæ sunt finis Logicæ, rebus
omnibus applicantur.

Resp. conc. mai. neg. min. Nam obie-
ctum & materia Logicæ est operatio intelle-
ctus, quæ est aliquod vnum, & aliqua deter-
minata materia, sufficienter ad rationem ob-
iecti scientiæ; sicut ens sensibile est aliquod
vnum, sufficienter ad rationem obiecti Phy-
sicæ. Ad probationem minoris, iam dictum
est obiectum Logicæ non esse res omnes, nisi
remotum. Adde quod hæc probatio nihil
valet; nam etiam dato quod res omnes sint

obiectum Logicæ, adhuc habent vnitatem sufficientem ad rationem obiecti; cum eadē ab eodem Philosopho dicantur obiectum Philosophiæ seu Metaphysicæ. Quemadmodum enim Metaphysica considerat res omnes sub ratione entis; & hæc ratio est sufficienter vna ad Metaphysicam; ita Logica consideraret res omnes in ratione cogniti, quæ esset sufficienter vna ad Logicam.

Obicies tertio. Philosophus 2. Metaph. cap. 3. text. 15. ait: *Absurdum est simul scientiam, & modum sciendi querere*; ergo modus sciendi non est scientia. Probatur consequentia, quia si modus sciendi esset scientia, impossibile esset querere modum sciendi, quin eo ipso quæreretur scientia, ergo si nequit modus sciendi & scientia simul quæri, modus sciendi non est scientia: sed Logica est modus sciendi, ergo Logica non est scientia.

Resp. Quod ex Aristot. loco citato nihil aliud habes, nisi: absurdum esse, simul aliquod obiectum speculari, & modum addiscere ipsum speculari, qui prius addisci debuerat: vnde Auerroes explicando hunc Philosophi locum, comparat eum, qui simul speculatur aliquod obiectum, & simul modum addiscit illud speculari, homini Medicinæ studioso, qui infirmum, ait ipse, intendit medicinari, & addiscit Medicinam, quam debuerat antea didicisse; ideoque iuxta commentatorem; qui volunt aliquam scientiam adipisci, quæ versetur circa res, debent prius addiscere Logicam, quæ non circa res ipsas, sed circa modum res ipsas speculari versatur; idem dicit D. Thomas

n hunc eundem Philosophi textum .

Ad argumentum in forma dist. ant. Ab-
urdum est quærere scientiam, & modum
sciendi distinctum à tali scientia : conc. ant.
indistinctum à tali scientia : nega antec. &
conseq. Absurde studeret quis Physicæ simul
& Logicæ; quia simul quæreret modum scien-
tiæ, & scientiam modo prohibito .

Obijcies quarto. Instrumentum scientiarum
non est scientia : sed Logica est instrumen-
tum scientiarum, ergo Logica non est scien-
tia . Minor concessa est hætenus septuagies
septies . Maior probatur, quia instrumen-
tum non conuenit genere cum eo, cuius est
instrumentum; v. g. malleus non conuenit
genere fabro, aut arte fabrili; ita vt quod præ-
dicatur de fabro, aut arte fabrili, prædicetur
de malleo; ergo de instrumento scientiarum
non potest prædicari scientia .

Resp. neg. mai. ad cuius probationem ne-
go antec. Nam ars respectu alterius artis
habet rationem instrumenti, vt Nauifactiua
respectu Nauticæ, & de vtraque prædicatur
ars . Logica igitur poterit esse instrumentum
scientiarum, & simul scientia. Ad
probationem seu paritatem petitam ex malleo
dicitur, Logicam non esse instrumentum scien-
tiarum, sicut malleus artis fabrilis . Porro
quemadmodum iuxta directionem Logicæ
philosophi habitus puta Metaphysica de ente; Phy-
sica de ente sensibili passiones demonstrat; ita
Logica ipsa, iuxta suam ipsius directionem,
circum propriam materiam, nempe circa ope-
rationem intellectus, demonstrat . Est enim
superiora suis actibus reflexiua, nec minus scip-
sam, quam alias scientias apta dirigere .

ARTICVLVS V.

Respondetur alijs obiectionibus.

Objicitur insuper: Omnis scientia habet sua propria principia, Logica non habet sua; ergo Logica non est scientia. Minor probatur, quia principia, quibus innititur Logica sunt: *Non potest idem simul esse & non esse. Quæ sunt eadem uni tertio sunt eadem inter se*: sed hæc principia non sunt propria Logicæ; ergo Logica non habet sua propria principia. Minor probatur quia huiusmodi principia sunt. Metaphysica; & à Metaphysica alijs etiam scientijs communicantur.

Resp. Omissa mai. neg. min. ad cuius probationem nego mai. vidimus in summulis principia propria Logicæ esse: *Dictum de omni*: & *dictum de nullo*; quæ nulli alteri scientiæ communia sunt. Addo tamen, quod etiam si prædictis principijs: *non potest idem, &c.* & *quæ sunt eadem uni tertio, &c.* inniteretur, non esset propterea remouenda à ratione scientiæ. Quamuis enim prædicta principia essent ipsi, alijsque scientijs communia, adhuc tamen ex diuerso modo procedendi ex talibus principijs, ex diuersitate obiecti formalis, & ex alijs, si quæ sunt, scientiarum specificatiuis, sufficienter esset vna specialis scientia.

Obijcies vltimo. De ratione scientiæ est, vt sit de ijs, quorum principium est in natura, & non in nobis: sed operationum intellectus principium est in nobis, & non in natura,

ra, ergo operationum intellectus non est scientia. Maior probatur tum authoritate philosophi 6. Ethic. tum etiam inductione. Physica est de corpore sensibili, cuius principium non est in nobis, sed in natura; Metaphysica de ente. Minor autem probatur, quia definitio, diuisionis & argumentationis principium est in nobis: pendet enim in nobis quod sit definitio, &c.

Resp. Negando mai. ad probationem dicentis authoritatem Philosophi, & inductionem datam, & quancunque aliam, esse de scientiis purè speculatiuis, quæ non requirunt obiectum agibile, vel factibile, sicut requiritur à Prudentia, & arte, quibuscum ibi à philosopho comparantur: quicquid sit, an etiam circa huiusmodi obiecta scientiæ speculatiuæ versari possint. A speculatiuis autem differunt practicæ, quæ tamen sunt verè, propriè scientiæ: cum Philosophus 11. Metaph. diuidat scientiam in speculatiuam, & operatiuam, quæ dicit esse optimum genus scientiæ, & operatiuam, seu practicam. Hoc idem facit S. Thomas Philosophi interpres in eundem librum lect. 7. Est autem extra dubium non pendere à nobis positionem obiecti, quod à scientia pure speculatiua consideretur, cum tamen positio obiecti, per scientiam operatiuam considerati, sit in nostra potestate; quandoquidem ad ipsum ponendum ab eadem scientia operatiua dirigimur.

Instabis: obiectum scientiæ debet esse necessarium; sed quod pendet à nobis non est necessarium, ergo non est obiectum scientiæ. Maior constat ex definitione scientiæ, quæ requirit obiectum immobile, hoc est non po-

tens aliter, & aliter se habere. Minor probatur, quia quod pendet a nobis potest esse, vel non esse, prout volumus, & aliquando non est; ergo non est necessarium sed contingens.

Resp. dist. mai. Debet esse necessarium secundum existentiam: nego mai. necessarium secundum connexionem prædicatorum: conc. mai. & eodem modo dist. min. nego consequentiam. Necessarium secundum existentiam est solus Deus; quem nimirum impossibile est non existere: cætera omnia, cum creata sint, & per totam æternitatem non fuerint, secundum existentiam sunt contingenta; ideoque si talis necessitas ad obiectum scientiæ requireretur, nulla de rebus creatis daretur scientia.

Esse autem necessarium secundum connexionem prædicatorum est, quod detur necessitas, ut talia prædicata tali subiecto conueniant; ideoque impossibile sit tale subiectum existere, quin talia prædicata existant. v. g. hæc cognitio: *Homo est animal rationale* dicitur esse de obiecto necessario, immutabili, æterno; ideoque dicitur æternæ veritatis, quia datur necessitas, ut hoc prædicatum: *animal rationale* conueniat huic subiecto: *Homo*: & impossibile est vnquam Hominem existere, quin eo ipso existat Animal rationale. Contra vero hæc cognitio: *Homo est albus* dicitur esse de obiecto contingenti, quia contingens est prædicatum conuenire subiecto, ut patet.

Dicitur etiam obiectum scientiæ esse vniuersale, quia prædicata, & passionis, quæ de obiecto demonstrantur a scientia, non conueniunt

ueniunt vni singulari subiecto, quatenus hoc
 singulare subiectum est. v. g. passiones quæ
 demonstrantur de Homine non conueniunt
 Petro, quia Petrus est, sed quia Homo est;
 adeoque omni rationi contentæ, seu potius
 omni indiuiduo contento sub hac ratione
 communi *Homo*. Propterea dicit Phyloso-
 phus scientiam non curare, nec inuestigare
 quid conueniat soerati, aut Bucephalo; sed
 quid Homini & Equo.

Prædictam autem necessitatem, æternita-
 tem, immurabilitatem, & vniuersalitatem
 obiecto Logicæ conuenire, manifestum est.
 Est enim impossibile dari definitionem rectā,
 rectum Syllogismum, quin dentur passiones
 & prædicata, quæ de ipsis per Logicam de-
 monstrantur, & tam datur necessitas Meta-
 physica, vt Syllogismus in *barbara* conclu-
 dat vniuersaliter affirmatiuè; quam vt Ho-
 mo sit Animal rationale. Idem dic de æter-
 nitate, immurabilitate, & vniuersalitate.
 Quandocunque enim ponetur Syllogismus
 in *Barbara* ponetur syllogismus vniuersali-
 ter, & affirmatiue concludens: vnde hæc pro-
 positio: *Syllogismus in Barbara habet con-*
clusionem uniuersalem affirmatiuam: æquè
 est propositio æternæ veritatis, & de obiecto
 necessario, ac ista: *Homo est animal ratio-*
nale. Item Syllogismus in *Barbara*, non
 quia est hic, vel ille, in hac, vel illa mate-
 ria; sed quia est Syllogismus in *Barbara*
 concludit vniuersaliter; adeoque omnis Syl-
 logismus in *Barbara* est vniuersaliter affir-
 matiue concludens.

Dices: Operatio intellectus potest aliter,
 & aliter se habere; ergo non potest esse obie-

atum scientiæ. Antecedens probatur ex alibi dictis, quia operatio intellectus est indifferens ut sit bona, vel mala, ideoque est dirigibilis, ergo potest aliter, & aliter se habere.

Resp. dist. ant. Operatio intellectus quoad rationem demonstratam à Logica potest aliter, & aliter se habere, nego ant. quoad aliud conc. ant. & nego consequ. Vel sermo est de operatione recta, quæ est obiectum attributionis Logicæ, puta de Syllogismo, definitione, &c. & hæc non potest aliter se habere, quam demonstretur à Logica: puta: Syllogismus in *Barbara* non potest aliter, quam vniuersaliter, & affirmatiue concludere. Vel sermo est de operatione ut sic, hoc est de obiecto materiali: & circa id, quod vel demonstratur, vel supponitur à Logica, non potest aliter, & aliter se habere: Supponitur enim indifferens ad apprehensiones iudicium & syllogismum, ad rectitudinem, & prauitatem, & hæc sunt prædicata necessaria, & immobilia operationis ut sic.

Q V A E S T I O V.

An Logica sit speculatiua an practica.

Diximus iam non semel scientiam aliam esse speculatiuam, aliam practicam. Hoc iterum confirmamus tum autoritate Philosophi qui 2. Metaph. cap. 1. text. 3. Philosophiam vocat scientiã contemplatricem, ad differentiam scientiæ
pra-

practicæ, cui illam comparat, & præponit; tum etiam autoritate Auerrois Philosophi commentantis hoc pacto: *Quia ueritas dupliciter inuenitur, in opere, & in speculatione; ideo dixit Philosophus, quod habitus Animæ, qui scientiæ attribuitur est duplex; unus, cuius finis est scire tantum; & alius cuius finis est operari.*

Cum igitur iam statuerimus Logicam esse scientiam, superest examinandum an inter speculatiuas, an inter practicas censenda sit. Et quia ad resolutionem aliquid facit scire quid sit cognitio practica, quid speculatiua; ideo operæ pretiū erit indagare prius quidditatem cognitionis practicæ, & speculatiuæ.

ARTICVLVS. I.

Aliquæ sententiæ circa cognitionem practicam.

Quid intelligatur nomine praxis non omnes conueniunt, cum tamen cognitionem practicam fere omnes definiant: *Cuius obiectum est praxis.* Iuxta Scotum quæst. 4. prologi in primū: *Praxis est actus alterius potentiæ quam Intellectus, naturaliter posterior intellectiōne, natus elici conformiter rationi recte; ad hoc ut sit rectus.* Ex hac sua definitione Scotus infert rationem praxis non conuenire, nisi actibus voluntatis; quia autem cognitio practica habet pro obiecto praxim, dicit illam solam cognitionem esse practicam, quæ respicit actum aliquem voluntatis, illum uidelicet dirigendo.

Hanc sententiam fundat doctor subtilis hoc principio. *Intellectus extensione fit practicus*: sed intellectus non extenditur, nisi procedat ad actum alterius potentiae; ergo non est practicus, nisi dirigat actum alterius potentiae. Minor probatur, quia, nisi procedat ad actum alterius potentiae, manet intra se, & consequenter non extenditur. Porro si alterius potentiae actum dirigit, ut sit conformis rectæ rationi; certè non nisi voluntatis, cum hæc sola sit capax talis directionis; sola enim voluntas libere agit, & conformiter ad rectam rationem: cum sola sit potentia rationalis.

Hæc sententia infinitos habet aduersarios, ut constat ex ijs, quæ refert Gabriel Vasquez in prima parte disput. 8. Inter infinitos nos etiam sumus; quemadmodum enim actus voluntatis ab intellectu dirigi potest; ita vnus actus intellectus potest per alium dirigi, ut experientia constat. Nam quemadmodum intellectus dicit: *danda est elemosina pauperi*, ita dicit: *definitio fieri debet per genus & differentiam*: & quemadmodum per primum dictamen dirigetur voluntas ad eleemosinam largiendam; ita per secundum, dirigetur intellectus ad faciendam definitionem: adeoque tam primum, quam secundum dictamen, est gratia operis: sed iuxta Philosophum, D. Thomam, & alios cognitio illa, quæ est gratia operis, est practica; ergo tam secunda cognitio, quam prima est practica. Philosophus enim assignans differentiam inter scientiam speculatiuam, & practicam dicit: *speculatiue finis est veritas, practica vero opus*. Quod, & de toto habitu

habitu scientifico, & de qualibet cognitione proportionaliter dicendum est.

Ad fundamentum sententiæ Scoticæ respondetur principium illud: *Intellectus extensione fit practicus*, si usquam reperitur, facere hunc sensum. Intellectus fit practicus per hoc quod per vnum actum aliquem aliam actum dirigat, non sistendo in primo, per modum finis; idque siue ille alius actus sit voluntatis, siue intellectus. Talis igitur extensio non est necessario extensio potentia: ad aliam potentiam, sed extensio actus in alium actum.

2. Dicunt alij cognitionem speculatiuam esse illam, quæ est de obiecto non factibili, practicam vero illam, quæ est de obiecto factibili. Pro speculatiua afferri posset id, quod dicitur à D. Thoma opus 7. super Boet. de Trinitate: *Speculatiuarum scientiarum materiam oportet esse res, quæ à nostro opere non fiunt; unde earum consideratio in operationem ordinari non potest sicut in finem.* Pro practica id, quod ab eodem ibidem dicitur: *Oportet practicarum scientiarum materiam esse res illas, quæ a nostro opere fieri possunt, ut earum cognitio in operationem, quasi in finem ordinari possit.*

Verum: quidquid sit an de obiecto non factibili dari possit cognitio practica, vel potius circa obiectum non factibile; quatenus nimirum, si non proxime, saltem remote dirigat ad operationem; ut est v. g. cognitio, quam habet Medicus quod virtutes sunt tres, & quod genera febrium sunt tot: qua cognitione ait S. Doctor Medicum dirigere, sed non proxime ad operationem: Videtur certum, quod

quod etiam de obiecto factibili possit haberi cognitio speculatiua ; cum etiam in obiecto factibili detur aliquod prædicatum , cuius cognitio secundum se, & propter se sit expectabilis : ideoque ad rationem cognitionis practicæ insufficiens est, quod sit de obiecto factibili præcise .

Multo minus admittenda est eorū definitio , qui dicunt illum actum intellectus esse practicum , ad quem sequi potest alia operario ; nam etiam ad actum speculatiuum v. g. ad speculationē Physicæ aut Metaphysicæ circa suum obiectum, sequi potest amor eiusdem obiecti qui est operatio voluntatis. Ex eo enim, quod quis attente consideret vel Angelum, vel Cælum, vel aliquid aliud huiusmodi, sepius oritur in voluntate pium desiderium, illa propius intuendi ; & tamē considerationes huiusmodi sunt actus simpliciter , & pure speculatiui. Necesse est igitur ad hoc , vt cognitio dicatur practica, vt versetur ita circa factibile vt ad ipsum faciendum aliquo modo dirigat. Aduerte autem hic actiuum, & factiuum nomine practici comprehendendi : vt aduertunt Vasquez , Gregorius , & alij. Ratio est , quia vtrumque speculatiuo opponitur , cum quo practicum comparamus. Varias autē acceptiones actiui & factiui , actionis , & factionis iam supra retulimus .

ARTICVLVS II.

Definitur cognitio practica.

Dicendum est cognitionem practicam esse illam , perquam cognoscens dirigatur

gitur ad effectiōnem obiecti cogniti: speculatiuam vero esse illam per quam cognoscēs sūlit in contemplatione obiecti: Fundatur hęc nostra definitio tum autoritate Philosoph. D. Thomæ, aliorumq; passim dicentium: *Speculatiua finis est veritas, practica autem opus*: tum etiam ratione; quia cognitio practica debet differe à speculatiua; nō autem sufficienter differt per hoc, quod sit quomodocumque de obiecto factibili; neque per hoc, quod ad ipsam sequi possit operatio, vel eiusdem, vel alterius potentia; neque ullo alio modo ex superius relatis, ergo debet differre per hoc, quod sit directiua cognoscentis ad effectiōnem obiecti cogniti. Confirmatur ex cōmuni sensu Philosophorum dicentium: *Cognitionem practicam esse ordinatam ad opus.*

Difficultas est à quo, & vnde haberi debeat hęc ordinatio. An videlicet sufficiat ordinatio ab extrinseco, ita vt cognitio sit practica per hoc, quod cognoscens ordinet illam ad effectiōnem rei representatæ per ipsam; an huiusmodi ordinatio non sufficiat, sed requiratur vt ex se ipsa tendat ad effectiōnem rei, quam representat; vel an sufficiat, quod habitus ille, cuius est talis cognitio, sit ordinatus ad opus.

Et primo quidem, cognitiones illas, quæ ex se, & ratione modi tendendi in obiectum, dirigunt ad illud faciendum, practicas esse, extra controuersiam est v. g. Certū est hanc cognitionem: *Definitio facienda est per genus & differentiam*: esse practicam; cum non solum ex obiecto, quod est facibile, sed ex modo, quo circa ipsum versatur, appareat

reat ordinata ad effectiōem ipsius. Verum;
an hæc etiam: *Omnis definitio constat ex ge-
nere & differentia*, practica sit, dubitari
potest. Quamvis enim sit de objecto facibili
scilicet de definitione: potest tamen aliquis
hanc veritatem contemplari, quod scilicet
constare ex genere, & differentia, sit essen-
tia definitionis; & in tali contemplatione
sistere atque quiescere. Probatur hoc: nam
intellectus humanus potest sistere in cogni-
tione repræsentante quod albedo sit quali-
tas disgregatiua visus; dulcedo sit qualitas
delectatiua palati; & in alijs huiusmodi,
tanquam in fine: hoc est non ordinando
cognitiones huiusmodi ad aliud; ergo etiam
poterit sistere in hac: *Definitio constat ex ge-
nere & differentia*.

Rursus quemadmodum prædicta cognitio
potest habere rationem finis, in eo videli-
cet, qui naturam definitionis consideret,
purè vt illam cognoscat; ita etiam ordinari
potest ad opus ab eo, qui talem cognitionē
acquirat, vt iuxta illam conficiat definitio-
nem. Quicumque enim hanc definitionis
cognitionem habet, quocunque tandem fine
illam habeat; habet cognitionem, aptam di-
rigere intellectum ad effectiōem rectæ defi-
nitionis.

Ad difficultatis propositæ resolutionem.
Sciendum est in hac cognitione: *Definitio
constat ex genere & differentia*: duplicem
rationem considerari posse. Primo enim hæc
cognitio est definitiua objecti, quod per ip-
sam attingitur, nimirum definitionis se-
cundo est de objecto, factibili per ipsum met
cognoscentem, & ad eiusdem effectiōem

conducens. Cum autem considerare obiecta definiendo, & diuidendo sit, vt ait D. Thomas, modus proprius scientiarum speculatiuarum, habet huiusmodi cognitio aliquid de speculatiuo.

Dicendum est cognitionem prædictam esse simpliciter practicam; secundum quid speculatiuam. Et simpliciter practica; quia est directiua ad effectiorem rei repræsentatæ per ipsam: est secundum quid speculatiua; quia habet modum tendendi proprium speculatiuarum. Quod autem attinet ad intentionem habentis prædictam cognitionem, & sistentis in ipsa, cum tamen eadem vti possit ad opus; hoc non facit quin sit idonea dirigere intellectum ad effectiorem obiecti quod repræsentat; adeoque, & ex obiecto, quod est factibile, & ex se ipsa, quæ continet modum eiusdem faciendi, habet esse practicam.

Consonat hæc doctrina doctrinæ Doctoris Angelici, qui in prima parte questione 14. art. 19. dicit, quod si Aedificator consideret Domum definiendo, & diuidendo; & considerando vniversalia prædicata ipsius; imo si consideret qualiter fieri posset aliqua domus non ordinans ad finem operationis, sed ad cognoscendum: tantum erit quoad finem, & quoad modum speculatiua consideratio: *Quæ vero*, ait ipse, *speculatiua est secundum modum, vel finem: est tantum secundum quid speculatiua.*

ARTICVLVS III.

*Alia dubitatio circa cognitionem
practicam.*

Dubitatur præterea an intentio, seu finis facultatis, cognitionem continentis, possit illam reddere vel speculatiuam, vel practicam; etiam si in cognitione, secundum se considerata, non appareat vlla sufficiens ratio, cur practica potius, quam speculatiua dicatur, aut e conuerso.

Ad hanc dubitationem dico primo, quod intentio, seu finis habitus, aut facultatis constituit habitum ipsum in ratione practici, vel speculatiui. Ita ex Philosopho D. Thomas. *Intellectus practicus, & speculatiuus, ait ille, differunt sine: speculatiuus enim habet pro fine veritatem, quam considerat; practicus autem veritatem consideratam ordinat in operationem tanquam in finem.* Item lib. secundo Metaph. cap. primo Philosophus hæc habet. *Speculatiue etenim scientiæ finis veritas, practica autem opus.* Illa igitur scientiâ erit speculatiua, quæ pro fine habebit ipsam cognitionem veritatis, practica vero, quæ pro fine habebit aliquod opus, quod considerabit, & cuius gratia cætera considerabit.

Dico secundo cognitionem hanc & illam, nisi aliunde sit practica, non esse talem per hoc, quod habitus practicus illa vtatur. Probatnr hoc ex dictis, quia cognitio practica sortitur denominationem practicæ, tum à factibilitate obiecti, quod considerat, tum à
ratione

ratione directiuæ, quæ in ipsa est ad effecti-
onem obiecti; quod autem aliquis habitus,
intendens opus vsurpet hanc vel illam cog-
nitionem; non continuo facit, vt sit de ob-
iecto factibili, aut doceat modum obiecti
faciendi; ergo per hoc, quod habitus
practicus aliquam cognitionem adhi-
beat, non continuo constituet illam pra-
cticam.

Verum quidem est, quod si cognitio ali-
qua sit de obiecto factibili, & ad illius effe-
ctionem dirigat, quamuis modus tendendi
in obiectum, non præferat rationem di-
rectiuæ, non propterea talis cognitio non
erit practica. v. g. hæc cognitio: *Syllogis-
mus in barbara constat tribus vniuersalibus
affirmatiuis, & medio termino sic distribu-
to non præferat modum tendendi directiuum;*
non enim dicit: *Syllogismus in barbara
construendus est per talem distributionem
medij termini, & per tres propositiones,
vniuersaliter affirmatiuas.* Quia tamen est
de obiecto factibili, & dirigit ad effecti-
onem eiusdem, est simpliciter practica.

Quod si aliquis dicat cognitionem præ-
dictam non esse præceptiuam, & conse-
quenter non esse practicam; ad hoc au-
tem vt sit præceptiua, & consequenter
practica, requiri vt tendat hoc modo
in obiectum: *definitio fiat, vel facien-
da est & per genus & differentiam: syllo-
gismus in barbara fiat per tria A &c.* Inter-
roga an magis dirigatur intellectus ad effe-
ctionem definitionis, & Syllogismi per hæ-
iusmodi cognitiones, quam per adductas
a nobis? quod si æque dirigeris per hanc:

Defi-

Definitio constiat : ac per istam : *Definitio constet ex genere & differentia* ; dic æque vnam , ac aliam esse practicam ; vtramque esse præceptiuam : quamuis in vtraque nõ sit idem modus præcipiendi .

Dices : nequit explicari in quo consistat ratio directiui , ergo cognito practica male definitur per rationem directiui .

Resp. negando antecedens : & dico rationem directiui consistere in hoc , quod talis cognitio , vel doceat modum , quo fieri debet tale obiectum , vel iudicet bonum esse facere rem repræsentatam , cuius faciendæ modus scitur à cognoscente . Vtrumque ut vides est dictamen rei faciendæ . Primum specialiter pertinens ad artem ; secundum ad Prudentiam : qui sunt duo habitus pertinentes , ut ait Philosophus , ad partem Animæ practicam , seu ad intellectum practicum .

Quod autem ad rationem cognitionis practicæ non requiratur , ut per illam doceamur modum faciendi rem repræsentatam , probatur , quia ex communi sensu Theologorum dictamen conscientia , quo iudico hic & nunc mihi licitum esse irasci , est dictamen practicum ; & tamen per tale iudicium non doceor modum irascendi , ut patet .

ARTICVLVS IV.

Logica est simpliciter practica.

Probatur conclusio ex dictis . Secundum Philosophum , Auerroem D. Thomam & alios , scientia illa est practica , quæ habet

bet pro fine opus : Sed Logica habet pro fine opus ; ergo Logica est scientia practica. Maior probatur, quia scientiæ speculatiuæ & practica differunt fine, eo quod vnius finis sit veritas, alterius vero opus. Minor autem probatur, quia, vt dictum est, Logicæ finis est operatio recta.

Dices: Logica procedit circa suum obiectum demonstratiue; ergo Logica non est practica, sed speculatiua. Antecedens probatum est, vbi diximus Logicam esse scientiã. Consequentia probatur: quia procedere demonstratiue est procedere modo resolutorio, hoc est resoluendo obiectum, quod consideratur, in suas causas, & sua principia: sed talis modus est proprius scientiæ speculatiuæ; ergo procedere demonstratiue est proprium scientiæ speculatiuæ. Hinc est, quod communiter dicitur, modum procedendi habitus practici esse compositorium, vt pote tendentem ad coniunctionem formæ cum materia; vt habeatur opus intentum. Ita præcepta Statuariæ eo tendunt, vt figura Cæsaris componatur cum marmore; & præcepta Logicæ eo conspirant, vt rectitudo inducatur in operationem, vt forma in materiam. Cum igitur modus procedendi resolutorius, & modus procedendi compositorius sint habituum oppositorum; nequeunt vni eidemque Logicæ conuenire; nisi eadem Logica habitibus constet inter se oppositis.

Resp. Concesso antecedenti, negando conf. Ad cuius probationem transmissa mai. dist. minorem: talis modus est proprius scientiæ speculatiuæ, si sit gratia operis, nego minorem, si sit gratia sui, concedo minorem,

& nego consequentiam. Hæc distinctio est Aristotelis secundo Metaph. cap. primo text. tertio; ubi dicit quod, si scientiæ practicæ obiectum suum, quo modo se habeat considerent, non causam per se, sed ad aliquid, eo in tempore practici speculantur. Hoc est, ut ait D. Thomas: non considerant veritatē propter se, sed ordinando ad finem operationis. Clarius Auerroes in eundem Philosophi textum: *Scientia operatiua quamuis utatur ratiocinatione, & speculetur causas eius, quod considerat, tamen non est digna vocari scientia speculatiua; quia non perscrutatur de causis rerum, & de definitionibus earum, nisi ut scientes agant, & non ut sciant, sicut in scientiis speculatiuis; quantum finis est tantum scire. Quare actiue scientia, & ueritatem, & causas considerant, non ut sciant, sed ut recte agant.* Hæc in terminis est nostra sententia.

Ad illud de oppositione inter modos resolutorium, & compositorium: dic resolutorium gratia veritatis, & compositorium, opponi; non autem resolutorium gratia operis. Quidquid sit an vnus idemque habitus possit, secundum diuersas sui partes, esse & speculatiuus & practicus.

Instabis: hæc cognitio: *Syllogismus in Barbara* ideo concludit *uniuersaliter affirmatiue*, quia habet *medium terminum sic distributum* &c. Digna est haberi propter se, ergo habitus cuius est talis cognitio est speculatiuus: sed talis habitus est Logica; ergo Logica est speculatiua. Probatur primum antecedens, quia cognitio ista; *Albedo est accidens*, quia potest adesse, & abesse præ-

An Logica sit specul. an pract. 215
ter subiecti corruptionem, est expetibilis
propter se; sed cognitio de syllogismo in
Barbara est & nobilior, & iucundior; ergo
etiam cognitio de syllogismo in *Barbara*
erit expetibilis propter se.

Resp. Totum hunc discursum fundari in
praua intelligentia nobilitatis, qua & cog-
nitio, & scientia speculatiua præminent
cognitioni, & scientiæ practicæ. Patebit
hoc ex sequentibus. Interim ad argumentum
in forma respondeo concessio antecedente
negando consequentiam. Ad probationem
antecedentis omitto totum; & nihil do cō-
tra conclusionem: quia totum hoc argumen-
tum nihil concludit ad rem præsentem.
Aliud est, quod cognitio *A* digna sit expeti
propter se; & tantam nobilitatem, & iu-
cunditatem contineat, vt sit amabilis gratia
sui: aliud est, quod non sit gratia alterius.
Eo ipso, quod hæc cognitio nobilis, & iu-
cunda, ordinatur ad opus, & est habitus
ordinantis illam ad effectiōē obiecti, quod
repræsentat; cognitio, gratia sui cætero-
quin expetibilis, expetitur gratia operis;
& tantum abest, vt mutet naturam habitus,
ad quem pertinet, faciendo illum e practico
speculatiuum; vt contra ipsa, quamuis
ex modo tendendi sit speculatiua, dicenda
sit simpliciter practica: propter rationes ali-
bi dictas, quia videlicet & est de obiecto
factibili, & modum continet obiecti fa-
ciendi.

ARTICVLVS V.

Respondetur Obiectionibus.

Objicies primò. Dantur in Logica multe cognitiones speculatiuæ; ergo Logica est saltem partialiter speculatiua. Consequentia probatur, quia scientiæ specificantur à cognitionibus, quæ spectant ad ipsas; ergo si in Logica sunt multe cognitiones speculatiuæ, Logica dicenda est saltem partialiter speculatiua. Probatur iam antecedens; quia cognitiones, quæ demonstrant bonitatem præceptorum Logicæ sunt speculatiuæ; sed huiusmodi cognitiones spectant ad Logicam; ergo aliquæ cognitiones speculatiuæ spectant ad Logicam. Præterea Logica speculatur vniuersalia, & alia objecta huiusmodi.

Respon. Omissio anteced. neg. consequ. ad probationem consequentiæ neg. ant. scientiæ specificantur à fine, vel potius à fine contrahuntur ad rationem practici, & speculatiui; si finis sit ipsamet veritas, sunt speculatiuæ; si opus; sunt practicæ. Ad probationem antecedētis, quod omisimus; scire oportet considerationē multarū rerū, quæ à nobis distabuntur in Logica non pertinere ad Logicam adeoq; ex ijs, quæ tractantur, neq; quidditas, neque finis Logicæ innotescere potest, puta tractatus de Vniuersalibus, de ente, & alijs huiusmodi; non spectant ad Logicam.

Dices: Consideratio syllogismi iam facti spectat ad Logicam: huiusmodi consideratione nequit esse practica; ergo aliqua considera-

deratio, quæ nequit esse practica, spectat ad Logicam. Maior probatur, quia consideratio syllogismi iam facti spectat ad aliquam scientiam, ergo Logicam. Ad quam enim aliam? Minor etiam probatur, quia consideratio syllogismi iam facti est consideratio obiecti non factibilis, factum enim non fit.

Respond. trans. mai. eiusdemq; probatione neg. min. Ad probationem dic syllogismum factum esse infectibilem secundum indiuiduū, non autē secundū speciē: Logica cōsiderat hūc syllogismū: *Omne animal est viuens: omnis homo est animal; ergo omnis homo est viuens*: vt faciat hunc aliū. *Omnis planta est vegetabilis; omnis cucurbita est planta, ergo omnis cucurbita est negetabilis*. Hic syllogismus est idem, ac primus, non numero, sed specie quantum ad Logicam. Vterq; enim est eiusdem figuræ, & modi: Primus inspicitur per modum ideæ, vt fiat secundus: inspectio autem ideæ est consideratio practica.

Obijc. secundo. Idem est finis instrumenti, & habitus cuius est instrumentum: sed Logica est instrumentum scientiarum; ergo idem est finis Logicæ, & scientiarum: sed finis scientiarum est veritas; ergo finis Logicæ est veritas. Maior probatur tum à priori, ex natura instrumenti, quod non agit in gratiam sui, sed in gratiam causæ principalis, cuius est instrumentum, putà pennicillus agit in gratiam Pictoris, a quo mouetur, & sic de cæteris: tum etiam à posteriori, quia inductione facta per omnia instrumenta, apparet eundem esse finem eorum, & ha-

bitum, quibus deferuiunt, putà idem est finis mallei, ferræ, & limæ, qui habitus fabrilis.

Resp. Aequiuocationē cōmitti circa rationē veritatis, int̄ et̄æ per modū finis, tum à Logica, tū ab alijs sciētijs. Scientiæ habēt pro fine veritatē, quam dicunt, Logica habet pro fine non veritatem quam dicit, sed quam dicere alias scientias docet. Tam igitur Logica, quàm Physica intendunt veritatē, sed non eodē modo. Physica intendit veritatem actus eliciti, & in ea sistit tanquā in fine. Logica habet veritatem actus eliciti, sed non sistit in ea, sed per illam quærit veritatem in actu directo, quem non ipsa, sed aliæ scientiæ circa sua objecta eliciunt. V.G. hæc definitio: *Homo est animal rationale*, est finis, & Logicæ, & Animasticæ: sed hic actus est elicitus ab Animastica, nec est finis alterius actus, per quem Animastica seipsam dirigat ad hunc actum. Est etiam finis Logicæ, non quia sit actus elicitus à Logica, sed quia factus ex directione Logicæ, per suum actum elicitem, Animasticæ intimantis: *Debes definire per genus, & differentiam, quodcunq; tandem obiectum definias.* Ex his patet ad argumentum in forma. Est idem finis, & eodem modo intentus: nego maiorem, sed diuerso modo intentus: omitto mai. & concessa min. dist. eodē modo conf.

Dices: scientia, cuius finis est veritas, est speculatiua; sed ex concessis, finis Logicæ est veritas: ergo Logica est speculatiua, maior patet ex dictis.

Resp. Dist. maior, cuius finis est veritas actus eliciti: conc. mai. est veritas actus directi

recti: nego mai. & eodem modo distin. min. nego, &c. Imò eo ipso, quod scientia dirigit aliam scientiam, vt rectè operetur, hoc est vt assequatur verum, conuincitur esse practica; & non sistere. tanquam in fine, in ijs actibus quos elicit.

ARTICVLVS VLTIMVS.

Satis sit nonnullis Dubitationibus :

D Vbitabis 1. an Logica, quam dicimus simpliciter practicam, habeat aliquas cognitiones verè, & propriè speculatiuas. Ratio dubitandi est, quia scientia practica omnes suas cognitiones ordinat ad opus: sed cognitiones speculatiuæ nequeunt ordinari ad opus: ergo nequeunt pertinere ad scientiam practicam. Minor probatur, quia cognitio, eo ipso quod ordinatur ad opus, est practica; ergo implicat in terminis cognitionem speculatiuam ordinari ad opus.

Rispon. Scientiam practicam habere posse aliquas cognitiones speculatiuas. Ad rationem in contrarium conc. mai. nego min. Diximus iam supra, quancunq; ordinatio- nem non sufficere ad rationem cognitionis practicae: puta coguitio, quam habet Mediceus, quod virtutes sunt tres, & quod genera febrium sint tot; propriè loquendo nequit dici practica, quamuis hanc ipsam cognitionem habeat Medicus gratia operis. Ordinatio autem ad opus, per quam cognitio constituitur practica, consistit in hoc, quod ipsa sit de obiecto factibili, & vel modum doceat ipsum faciendi, vel dicet ipsum facien-

ciendum. Possunt autem dari in Logica, & in qualibet scientia practica, quædam cognitiones, quæ nec doceant modum faciendi, nec dicent faciendum esse obiectum, quod per ipsas attingitur. Ad probationem minoris dist. ant. Cognitio, eo ipso quod ordinatur ad opus quocunq; genere ordinationis est practica, nego antec. speciali aliquo genere ordinationis conc. antec. & nego conseq. Quo genere ordinationis ordinari debeat ad opus, ut sit practica, iam dictum est.

Dubitabis secundo. An denominatio practica sit intrinseca, an extrinseca, an partim intrinseca, & partim extrinseca cognitioni. Ratio dubitandi est, quia modus tendendi in obiectum constituit cognitionem practica; sed modus tendendi est intrinsecus cognitioni, ergo denominatio practica est intrinseca cognitioni. Præterea continere modum, quo res fiat, est intrinsecum cognitioni, continere modum quo res fiat constituit cognitionem practica; ergo per aliquid sibi intrinsecum cognitio constituitur practica. Ex alio capite, quod cognitio sit practica habetur per hoc, quod obiectum sit factibile: sed quod obiectum sit factibile est extrinsecum cognitioni; ergo denominatio practica est extrinseca cognitioni. Maior patet ex dictis. Min. prob. quia cognitio circa obiectum A ea. dē erit, siue obiectum A sit factibile, siue non.

Respon. Denominationem practica esse cognitioni partim intrinsecam, & partim extrinsecam. Est partim extrinseca, quia est partim à factibilitate obiecti, quæ est extra cognitionem ipsam. Est partim intrinseca; quia

quia illi inest ex eo, quod vel dicter obiectum esse faciendum, vel doceat modum eiusdem faciendi; dictare autem, & docere est intrinsecum cognitioni: & consequenter denominatio practica est partim intrinseca, & partium extrinseca cognitioni.

Ad argumenta patet ex dictis. Esse de obiecto factibili non sufficit ad rationem practica: & consequenter denominatio practica non est adæquatè extrinseca. Item dictare rem faciendam; vel docere modum rei faciendæ non sufficeret, nisi res ipsa esset factibilis: & consequenter non sufficeret ad rationem practica, ideoq; denominatio practica non est adæquatè intrinseca. Quod autem & sit de re factibili, & vel dicter faciendam; vel modum doceat faciendi, complectitur aliquid, quod est intra, & aliquid quod est extra cognitionem; videlicet obiectum factibile, quod est extra, dictamen, vel modum faciendi, quæ sunt intra: & consequenter esse practica cognitioni convenit partim ab intrinseco, & partim ab extrinseco.

Ex hac resolutione; dubitare non licet. an dari possit cognitio practica de obiecto impossibili. Nam: nulla cognitio rei impossibilis est directiva ad affectionem obiecti cogniti: Omnis cognitio practica est directiva ad affectionem obiecti cogniti; ergo nulla cognitio practica est obiecti impossibilis.

Quæres, an si tale obiectum putetur possibile, cognitio sit practica?

Resp. negatiuè. Quia, quod tale obiectum putetur possibile, non facit quod co-

gnitio sit de obiecto factibili; adeoque non facit quod sit directiua ad effectiorem obiecti representati: sicut autem obiectum in tali casu est solum putatiue possibile, sic etiam cognitio ad summum erit putatiue practica. Et sicut obiectum est simpliciter non factibile, sic cognitio est simpliciter non practica.

Dices: putet aliquis capi posse Hircoceruum, hoc posito ibit venatum; feret secum retia, ducet canes, & adhibebit media ad capiendum Hircoceruum; ergo habebit cognitionem dirigentem ad capturam Hircocerui: captura Hircocerui est aliquid impossibile: ergo habebit cognitionem dirigentem ad impossibile.

Resp. admissa hypothese, negando, quod hic homo habeat cognitionem dirigentem ad capturam Hircocerui. Cognitio, quam habet, dirigit ad dispositionem retium, circumductionem canum, & ad alia huiusmodi, quæ sunt possible. Quemadmodum autem hæc non sunt media ad capiendum Hircoceruum, quia non datur medium ad impossibile, ita etiam cognitio; quæ est in venatore, nec ipsa est medium ad capiendum Hircoceruum.

Dices: est directiua quantum est ex se ad capturam Hircocerui; ergo est practica.

Respond. Omissio antec. neg. consequ. quæ ad summum deberet esse hæc: ergo est practica quantum est ex se: & tunc posset omitti: sed non facit ad rem, nec enim quarimus, an ad rationem practici, quantum est ex se: actus requirat, vel contentus sit hoc, aut illo obiecto; sed utrum ad rationem pra-

practici simpliciter. Etiam hæc propositio : *Hic paries est niger*, quæ est simpliciter falsa, est vera quantum est ex se. Ea enim eadem manens, si parietem denigraueris, est vera : non tamen dixeris simpliciter hanc propositionem esse veram.

Instabis si obiectum esset possibile, cognitio, tali modo tendens in ipsum, esset practica; ergo est practica, etiam si obiectum sit impossibile. Conseq. probatur, quia possibilitas, aut impossibilitas sunt aliquid adæquatè extra cognitionem, ergo quod obiectum sit possibile, aut impossibile non immutat naturam cognitionis; Ergo quod sit possibile, vel impossibile non facit ad rationem practicæ, vel non practicæ.

Resp. conc. ant. neg. conf. ad cuius probationem concedo totum, præter ultimam conf. Diximus supra rationem practicæ conuenire cognitioni per denominationem, partim extrinsecam, & consequenter quamuis possibilitas, aut impossibilitas obiecti sint aliquid extra cognitionem; possunt tamen aliquid facere, & faciunt ad rationem practicæ, vel non practicæ. Ratio igitur practici neque est adæquate in natura cognitionis, neque adæquate in natura obiecti, sed partim in hoc, & partim in illa: adæquate in utroque.

Replicabis : quod hoc obiectum fieri nequeat non habetur ex defectu cognitionis dirigentis, sed vel ex defectu potentiae, vel ex repugnantia inter prædicatâ eiusdem obiecti; ergo adhuc talis cognitio dici poterit directiua.

Resp. trans. ant. negando conseq. Ex quo

cunq; capite deficiat possibilitas obiecti: verum est obiectum esse impossibile: cognitio autem directiua ad effectiorem impossibilis, est cognitio repugnans. Aduerte me non dicere cognitionem de obiecto impossibili, esse cognitionem repugnantem; sunt qui hoc dicant; & simul cognitionem de impossibili esse practicam: quam cohærenter viderint ipsi: sed dicimus cognitionem de obiecto impossibili, quæ sit practica, esse cognitionem repugnantem: quia repugnat dirigere ad faciendum; seu continere modum faciendi id, quod nullo modo fieri potest.

Dubitabis vltimo, an præter Logicam, quam diximus esse simpliciter practicam ponenda sit alia, quæ sit speculatiua? Ratio dubitandi est, quia obiectum Logicæ habet multas proprietates, dignas cognosci propter se, & consequenter quarum cognitio debeat ad aliquam scientiam pertinere; non nisi ad Logicam; ergo dabitur aliqua Logica speculatiua, puta operatio intellectus, quæ dicitur obiectum materiale Logicæ est essentialiter dirigibilis, capax bonitatis, & prauitatis. Vna propositio est in aliam conuertibilis; Vna est alterius illatiua per modum antecedentis: quæ omnia insunt obiecto considerato à Logica, non autem sunt in ipso à Logica. Logica enim non dat propositioni esse conuertibilem, sed illam conuertit; non dat operationi vt sic, esse dirigibilem, sed illam dirigit, & sic de cæteris.

Resp. secundum hunc discursum etiam præter Coquinariam practicam, & Sutoriam practicam dari debere, tam Coquinariam, quam

quàm Sutoriam speculatiuam. Coquus enim non dat carni esse coctilem, sed illam coquit. Sutor non dat corio esse futile, sed illud fuit, & sic de omnibus alijs artibus. Quod tamen caro, puta Phasianus, sic coctilis est dignum sciri: Et quod corium sit futile, & formabile in ocream est dignum sciri. Huiusmodi autem cognitiones, cuius scientiæ erunt, nisi Coquinariæ, & Sutoriæ, & speculatiuarum? Igitur ad dubitationem Resp. negatiuè. Ratio est, quia vel prædictæ cognitiones non pertinent ad Logicam, sed ad Animasticam, cuius est speculatiua naturam actuum intellectus, cæterorumq; actuum vitalium, quæ natura non examinatur, sed supponitur à Logica, vel si pertinent ad Logicam, iam dictum est posse scientiam simpliciter practicam continere aliquas cognitiones speculatiuas; quibus si non proximè saltem remote dirigitur ad opus, à se intentum. Hoc eodem modo dicit Aduersarius duritiem in marmore, futilitatem in corio, coctilitatem in Phasiano supponi, non examinari ab artibus, quæ suunt, coquunt, & ædificant; considerari autem tales proprietates à Physica.

Denique dandum est hic, quod supra promissum est, explicando cur cognitiones, & scientiæ speculatiuæ dicantur nobiliores, quam practicæ. Non dicuntur nobiliores, eo quod cæteris paribus melius sit habere cognitionem pure speculatiuam, quam practicam. Pater hoc, quia circa infinita obiecta non datur in intellectu creato, nec dari potest alia cognitio, quam pure speculatiua cum in intellectu diuino, utpotè rerum om-

nium sapientissimo artifice circa illa eadem detur cognitio & scientia practica. Dicitur autem ex genere suo cognitio, & scientia speculatiua nobilior, quam practica, quia scientiæ speculatiuæ, eo quod sint circa obiecta, quorum principia non sunt in nobis; hoc est non operabilia à nobis; practica autem cum versetur circa res à nobis operabiles: illæ nobilius obiectum considerant, quam istæ. Vnde si supponeres duas cognitiones ambas circa quidditatem, & proprietates calcei: illa præstaret alteri, quæ non esset otiosa consideratio calcei; sed insuper ad eiusdem constructionem dirigeret.



DISPUTATIO II.

De Vniuersalibus in communi.

Scientias esse de Vniuersalibus dictum est alibi: nec tacitum est Logicam esse instrumentum scientiarum. Non immitte igitur falcem in messem omnino alienam dum de Vniuersalibus tractare aggreditur. In hac tractatione refellendæ erunt tum veterum, tum etiam quorundam neotericorum sententiæ, prius quam nostra & vera stabilietur. Quia vero præcipua in tractatu de Vniuersalibus difficultas pender à notitia unitatis, identitatis, & distinctionis; ideo de his primo loco agendum erit, quibus

Disp. 2. quæst. 1. de unit. Idem. & dist. 227
us aliququaliter explanatis, faciliior erit ad
perfectam Vniuersalium intelligentiam via.
a enim quæ scientijs obijciuntur plura es-
e, & inter se distincta, facile omnes intelli-
unt; quomodo autem in vnitatem, & in
uod genus vnitatis coalescant haud ita fa-
ile percipitur. Percipietur tamen Deo dan-
e, si debitus labor accedat.

QVESTIO I.

*De Vnitate, identitate & distin-
ctione.*

ARTICVLVS I.

De Vnitate.

PHILOSOPHVS 5. Meta-
physicæ capite 6. sic habet:
*Quotcunque diuisionem non
habent; quatenus non habent;
eatenus unum dicuntur: ut
puta si prout homo non habet diuisionem,
unus est homo, quod si prout animal; unum
animal: si prout magnitudo; una magnitu-
do.* Requirit igitur Phylosophus ad ratio-
nem vnius carentiam diuisionis, seu, quod
idem est, indiuisiōem; indiuisiōem autem
non quamlibet sed talem vt in ea ratione,
in qua res dicitur vna, non diuidatur in plu-
res. Exemplum habes in exercitu qui quam-
vis decies mille militibus constet, adeoque
diuisus sit in milites decies mille; est tamen

indiuifus in plura, quorum fingula fint exercitus, in qua ratione eft vnus .

Vnum igitur fecundum Phylofophum recte definitur ; *indiuifum in plura quorum fingula adequate fint ipfum*. Hoc modo Petrus eft vnus homo, quia quamuis fit diuifibilis in plures partes fiue effentiales ; puta in Corpus & Animal ; fiue integrantes ; puta in caput , brachia & pedes , &c. tamen de fingulis illis, in quæ diuiditur dici nequit : *eft homo*, nec per huiufmodi diuifionem diuiditur in plures homines . Item hæc ciuitas eft vna : quia quamuis diuifibilis fit in plures domos , non eft tamen diuifibilis in plures Romas . Magnitudo bipalmaris eft vna magnitudo , quia eft indiuifibilis in plures magnitudines quarum quælibet fit magnitudo bipalmaris .

Qui huic definitioni non acquiefcunt, dicent ad rationem vnus non fufficere indiuifionem in plura modo iam explicato ; fed requiri præterea diuifionem à quocunque alio, cum quo res faciat vnum in illa eadem ratione, in qua ipfa eft vna. Puta : vt magnitudo bipalmaris , fit vna magnitudo ; non fufficit quod diuifionem in fe non habeat ; per quam palmus diuidatur à palmo ; fed requiritur præterea, vt illa eadem magnitudo bipalmaris diuifa fit ab omni alia magnitudine . Si enim cum alia magnitudine bipalmari vniretur , eo ipfo non remaneret vna magnitudo , fed vnus magnitudinis pars . Propterea, inquiunt, vnum definitur : *Indiuifum in fe & diuifum à quocunque alio*.

Aduerte autem hic non requiri ab aduerfarijs in eo quod dicitur vnum diuifionem

ab omni alio, simpliciter & absolute: Nam Petrus vnitus albedini, calori, frigori, &c. remanet vnus homo. Anima vnita corpori remanet vere & proprie vna; materia vnita formæ est vna. Nec diuisionem ab omni alio cum quo faciat vnum; nam & anima vnita corpori cum quo facit vnum hominẽ, est vna & sic de cæteris: sed diuisionem ab omni alio, cum quo faciat vnum in eadem ratione in qua ipsum est vnum. Huiusmodi diuisio conuenit & formæ & materiæ etiã in statu vnionis; nam nec anima cum materia facit vnã animam, nec materia cum animã vnã materiam.

Verũ diuisionis ab omni alio nulla mētio fit à Philosopho in definitione Vnius. Propterea quamuis magnitudo bipalmaris vnita alteri magnitudini euadat pars; non propterea non remanet vna magnitudo. Non enim repugnat vnã magnitudinẽ esse partem alterius maioris magnitudinis; sicut non repugnat vnã collectionem esse partem alterius maioris collectionis. v. g. numerus denarius in centenariõ, quamuis sit pars vnus numeri maioris, adhuc tamen & ipse est vnus numerus. An autem & quomodo vna magnitudo vnita alteri magnitudini, maneat vna magnitudo; adeoque an, & quomodo rectineat suam vnitatem; an actu, an potentia, an completam, an incompletam? est aliquod pertinens ad tractatum de continuo.

Ex dictis apparet quod si tota collectio hominum est vna species, non propterea *Homo* non poterit prædicari de singulis in tali collectione contentis: & quod si tota colle
ctio

Etio animalium est vnum genus; non propterea animal non poterit prædicari & de singulis speciebus contentis in tali genere, & de singulis indiuiduis contentis in talibus speciebus. Ratio est quia etiamsi tota collectio hominum sit vna species, non tamen est vnus homo: & etiamsi tota collectio animalium sit vnum genus; non tamen est vnum animal. Non autem poterit de singulis indiuiduis prædicari species dicendo: *Petrus est species. Paulus est species*: aut de singulis speciebus prædicari genus: dicendo: *Homo est genus, Equus est genus*.

ARTICVLVS II.

De Identitate.

Identitas, vt ait Philos. 5. Metaph. cap. 9. vnitas quædam essentia est: & tamen explicari non potest, nisi accipiendo id quod re ipsa vnum est per modum plurium. Cum enim dicimus ipsum sibi ipsi idem esse, vt duobus ipso vtimur: v. g. cum dicis: Socrates est idem, siue identificatur cum hoc homine: Socrate & hoc homine ceu duobus vteris, cum tamen vnum & idem sint. Hoc fitmiter tenendum pro sequentibus.

Identitatem autem aliqui definiunt consensum in omni omnino perfectione. v. g. homo, & animal rationale sunt idem; quia nulla perfectio conuenit animali rationali, quæ non conueniat homini, nec è conuerso; Adeoque duo hæc extrema recte dicuntur in omni omnino perfectione conuenire. Non dicant identitatem esse consensum in omnibus

s omnino prædicatis : Quia, aiunt, etiam aliter identificata dissentire possunt in aliquo prædicato. v. g. in Mysterio Sanctissime Trinitatis Natura diuina & Paternitas identificantur realiter, & tamen in aliquo prædicato dissentiunt; affirmatur enim de natura diuina filiatio, quæ de Paternitate negatur : est enim verum : *Natura diuina est filiatio* : falsum est, *Paternitas est filiatio*. Non tamen propterea natura diuina & Paternitas dissentiunt in perfectione ; quia filiatio secundum se, hoc est secundum quid superaddit naturæ diuinæ, non est perfectio ; sicut nec paternitas, nec spiratio.

Ratio est quia ipsa met diuina essentia est secundum se omnis perfectio seu plenitudo totius perfectionis ; adeoque repugnat illi perfectionis aliquid superaddi per quamlibet personalitatem. Adde quod si paternitas esset aliqua perfectio, cum filius non sit Pater eo ipso filius non esset omnis perfectio. Ex hoc autem quod aiunt personalitates diuinas non esse secundum se perfectiones, vide ne inferas : ergo sunt imperfectiones. Quantum enim repugnat diuinæ essentiæ aliquam perfectionem accedere per personalitatem, tantum repugnat eidem superaddi ex quocunque capite imperfectionem. Dictæ autem personalitates seu relationes, à perfectione, & imperfectione præscindunt.

Porro in definitione qua dicitur identitas esse consensus in omni perfectione non fuit necesse superaddere : *& imperfectione* ut quia aliqua identificantur quæ non consentiunt in vlla imperfectione, cum nullius imperfectionis sint capacia ; puta natura diuina & Pater.

Pater. Tum etiam quia quæcunque dissentiant in aliqua imperfectione, per hoc ipsum dissentiunt in perfectione. Nam dissentire in aliqua imperfectione est quod vnum careat aliqua imperfectione quam habet alterum; sed carere aliqua imperfectione, est perfectio, ergo carens tali imperfectione habet aliquam perfectionem, quam non habet alterum; & consequenter dissentiunt ista duo in aliqua perfectione.

Definitur etiam identitas vera extremorum de se inuicem affirmabilitas in recto. Puta identitas inter hominem & animal rationale est mutua hominis de animali rationali, & animalis rationalis de homine affirmabilitas, per quam videlicet dicitur cum veritate: *Homo est animal rationale, & animal rationale est homo.*

Denique definitur identitas: ratio qua res est id quod est: puta identitas hominis cum animali rationali est ratio qua homo est animal rationale, ideo homo ipse sibi est identitas sui cum animali rationali.

Ex tribus hisce definitionibus duæ vltimæ magis placent quam prima. Ratio est quia consentire in omni omnino perfectione recte dicitur etiam de distinctis: duo enim perfecte similia consentiunt in omni omnino perfectione; & tamen sunt distincta: nam consentire in omni omnino perfectione est quod nulla perfectio in vno sit, quin alia omnino similis sit in alio: si enim per li consentire in omni omnino perfectione, intelligas illam perfectionem quæ est in vno extremo debere esse eandem numero in alio extremo, vt inter hæc duo extrema detur identitas:

titas : verum dicis : & in hoc sensu vera erit definitio : sed hic ipse sensus supponit iuxta clariorem conceptum de idéritate quam qui in prædicta definitione assertur . Adde quod familiarius est consensum in omni omnino perfectione accipere pro perfectissima similitudine, & convenientia ; quam pro indiuiduali idéritate inter ea quæ realiter vnum, veniunt vt plura .

ARTICVLVS III.

Respondetur Obiectionibus.

OBicies primò. Vtraque definitio idéritatis destruit conceptum idéritatis, ergo neutra est bona . Antecedens probatur quia vtraque exprimit pluralitatem, ergo distinctionem: sed distinctio opponitur idéritati ; ergo vtraque destruit conceptum idéritatis .

Resp. neg. ant. Ad probationem dictum est supra in explicabilem esse idéritatem nisi vno utamur vt pluribus . Non utimur autem vno vt pluribus quasi affirmantes vnũ esse plura : sed potius affirmantes de vno, quod apparet plura ob pluralitatem conceptuum quibus substat, quod vere sit vnum. v. g. idem Petrus substat huic conceptui : *Petrus*, & huic alteri : *hic homo* : hoc est a-liquialiter plurificari : affirmamus autẽ quod hoc obiectum ita plurificatum non sit duo obiecta, sed realiter & simpliciter vnũ, dum dicimus : *Petrus & hic homo sunt idem*. Ad probationem in forma distingue : Exprimit pluralitatẽ rationis & quidem solum exer-
cite ;

cite; concedo: pluralitatem rerum; nego antecedens, & eadem distinctione vtor ad reliqua.

Obicies secundo. Definitio debet esse clarior definito; neutra ex prædictis est huiusmodi, ergo neutra ex prædictis est bona. Minor patet experientia. Quia clarius patet se ipsa identitas quam ex definitione. Probatur hoc exemplo facili. Sit Rusticus habens filium, qui vocetur duplici nomine: puta: Fanellus & Franciscus. Si quis dicat illi voca Franciscum: vocabit. Si addas voca etiam Fanellum: ridebit Rusticus & dicet: Omi bone: Fanellus & Franciscus sunt vnus & idem: vide quam bene intelligat quid sit esse idem. Propone iam Rustico tuas definitiones identitatis, & vide an intelligat, an potius rideat te obscurantem definitionibus tuis re se ipsa manifestam.

Resp. Verum esse nostras definitiones homini rustico placere non posse: non propterea placere non posse sapientibus. In forma conc. mai. nega min. Definitio vtraque continet conceptum explicatiuum identitatis: facitque vt quotiescunque rem sub conceptu *A* venientem affirmare potes de re veniente sub conceptu *B* & è conuerso statim intelligas non esse duas res sed vnam. Hoc autem est rem explicare ita consulendo intellectui humano vt per pluralitatem imaginum, se u conceptuum non putet repræsentari sibi plura obiecta. Ad illud de rustico magis intelligente identitatem inter Fanellum & Franciscum quam eiusdem explicationem; dic etiam Rusticum magis intelligere se esse hominem, quàm se esse animal rationale. Imo
non

non deerit Rusticus qui contumeliam putet
vocari se animal.

Obicies tertio. Affirmabilitas est potius
quid consequens ad identitatem quam ipsa-
met identitas: ergo definitio nihil valet.

Resp. neg. ant. Affirmabilitas est ipsa ra-
tio intrinseca per quam res meretur de se ip-
sa affirmari: adeoque est ipsamet identitas.

Obicies quarto. Personæ diuinæ habent
veram identitatem inter se & tamē non sunt
de se mutuo affirmabiles in recto. Non enim
recte dixeris Pater est Filius aut è conuerso,
ergo identitas male definitur mutua affirma-
bilitas extremorum in recto.

Resp. dist. ant. Habent veram identitatem
personæ ad personam nego ant. rei ad rem:
conea. ant. & nego conseq. Quia Pater non
habet identitatem personæ cum filio; dici ne-
quit Pater est Filius. Quia Pater habet iden-
tatem rei cum filio dici potest Pater est res
quæ est filius: & è conuerso. Hoc in creatis
non inuenies quia in creatis non inuenies
mysterium Trinitatis.

Ad complementum doctrinæ sciendum est
quod quemadmodum ex ijs quæ sunt reali-
ter plura fit quoddam vnum; puta ex omni-
bus hominibus fit vna species, & ex omnibus
animalibus, vnum genus: sic etiam ex ijs
quæ sunt realiter distincta, fit quoddā idem:
puta ex distinctis hominibus eadem species,
ex distinctis animalibus idem genus. Et
quemadmodum ex his pluribus ex quibus fit
vna species, quodlibet dicitur vnum specie
cum altero; & ex ijs ex quibus fit vnum ge-
nus, quodlibet dicitur vnum genere cum al-
tero: puta Petrus vnus specie cum Paulo.

Homo vnus genere cum equo. Ita etiam ex ijs distinctis ex quibus fit eadem species, quodlibet dicitur idem specie; & ex ijs distinctis, ex quibus fit idem genus; quodlibet dicitur idem genere cum altero. Sic homo est idem genere cum equo; Petrus idem specie cum Paulo.

ARTICVLVS IV.

De Distinctione.

Sicut unitati pluralitas, ita identitati distinctio directè opponitur. Quemadmodum igitur identitas definitur vera extremorum de se inuicem affirmabilitas in recto: sic etiam rectè definietur distinctio: vera extremorum de se inuicem negabilitas in recto. Nam quotcumque sunt de se inuicem negabilia, sunt distincta, & quotcumque distincta, sunt de se inuicem negabilia. Rursus quemadmodum ex ijs extremis quæ sunt realiter distincta, contingit, vt dictum est, fieri quodammodo idem; ita ex ijs extremis quæ sunt realiter idem, contingit fieri quodammodo distincta. Doctrina hæc in exemplo clarissima erit. Sint duo homines puta Petrus & Paulus inter se omnino similes: hoc posito quicumque faciet picturam similem Petro, eo ipso faciet picturam similem Paulo: & consequenter licet Petrus & Paulus sint reipsa duo, sunt tamen quodammodo, videlicet imagine, & repræsentatione vnum. Rursus sicut plurium potest esse eadem repræsentatio, ita etiam vnius potest esse repræsentatio multiplex. Quis enim probet

bet eiusdem Cæsaris fieri mille imagines; & consequenter Cæsarem reipsa & in se vnum, esse quodammodo, hoc est repræsentatione multiplicem.

Distinctio autem alia est realis, alia rationis. Per distinctionem realem habes quod de duobus extremis dicas simpliciter & absolute: *hoc non est illud*: Hac distinctione distinguitur Petrus à Paulo; homo ab equo. Distinctio rationis est eiusdem rei diuersa in intellectu apparentia; seu, eiusdem rei diuersa ratio siue cognitio. Exemplum huius distinctionis nusquam melius apparet, quam in re rerum omnium simplicissima: videlicet in Deo. Debes enim supponere hic diuinam essentiam esse vnica & simplicissimam perfectionem, quæ est simpliciter & absolute omnis omnino perfectio. Diuina enim essentia est diuina bonitas, est diuina sapientia, est diuina potentia, &c. & hæc omnia sunt vna & indiuisibilis perfectio in Deo; seu potius sunt vnica illa & simplicissima perfectio, quæ Deus est.

Hæc tamen vna & indiuisa perfectio plures sui repræsentationes siue imagines sortitur in anima, diuersas inter se, non solum secundum quod vna est magis vel minus clara, quam alia; sed etiam secundum quod vna repræsentat perfectionem diuinam per ordinem ad hos, alia per ordinem ad illos effectus. v. g. vna cognitio repræsentat diuinam perfectionem per ordinem ad vindictam quam exercet erga superbos; alia repræsentat eandem per ordinem ad veniam qua vritur erga humiles & poenitentes. Est autem vna & eadem indiuisibilis perfectio in Deo per-

per quam alios punir, & aliorum miseretur; sed tamen propter diuersam istam repræsentationem, seu rationem, diuina Iustitia, & diuina misericordia dicuntur distingui ratione: non quod in se ipsis fortiantur vllam distinctionem; sed quod diuersa sit in nostro intellectu eiusdem indiuisibilis perfectionis imago seu ratio.

Quia vero cognitio est forma extrinseca obiecti; hinc est quod illud idem obiectum quod per plures cognitiones attingitur, quauis in se maneat indistinctum; recipit tamen distinctionem quamdam extrinsecam: vnde extrema formaliter plura, siue distincta, dicuntur realiter vnum & idem. Siue, manet vnum & idem in se, quod per formas huiusmodi extrinsecas dicitur formaliter distinctum in plura. Diuina Iustitia & diuina Misericordia dicuntur perfectiones formaliter plures, sed realiter vna: vna realiter: quia non est in se alia, & alia perfectio: plures formaliter: quia illa vna perfectio subsistat pluribus formis, seu pluribus cognitionibus; quæ cognitiones quia sunt formæ extrinsecæ rei cognitæ, multiplicant solum formaliter extrinsece obiectum: adeoque dum dicis realiter idem esse formaliter plura, dicis formaliter extrinsece.

Denique distinctio rationis alia dicitur rationis ratiocinatæ, alia rationis ratiocinantis. Est ratiocinatæ quando diuersitas cognitionis consistit in expressione eiusdem obiecti per ordinem ad diuersa connotata. Pura diuina Iustitia & diuina Misericordia distinguuntur ratione ratiocinata quia per hunc conceptum *Iustitia* diuina perfe-

De distincti. inter grad. Metaph. 239
perfectio exprimitur per ordinem ad pænam
nam infligit obstinatis : & per hunc alium :
Miser cordia exprimitur per ordinem ad
penam qua donantur pæniteres .

Distinctio rationis ratiocinantis est quan-
do diuersitas cognitionis tota est in diuerso
modo tendendi circa idem , & per ordinem
ad eadem conotata . Huiusmodi distinctio
intercedit inter definitum & definitionem :
puta inter hæc duo extrema : *Homo* & *ani-
mal rationale* , quorum alterum subiicitur ,
& alterum prædicatur , dicendo : *Homo est
animal rationale* . Nam homo concipitur
per ordinem ad sensationem & discursum ;
& per ordinem ad eadem concipitur animal
rationale : sed hoc clarius & conceptu expli-
catiuo subiecti , illud obscurius & conceptu
explicabili per prædicatum propositionis .

QUESTIO II.

De Distinctione inter gradus Metaphysicos .

ARTICVLVS I.

*An in eodem individuo gradus Metaphysi-
ci distinguantur formaliter ex
natura rei .*

PEr gradus metaphysicos intellige præ-
dicata quædam essentialia eidem in-
diuiduo conuenientia , & inter se or-
dinem quendam superiorum & inferiorum
habentia . Exemplum sit in Alexandro ; de
quo

quo recte dixeris quod sit substantia; quod sit materialis, quod sit viuens, quod sit animal, quod sit rationalis, quod sit hic. Prædicata huiusmodi dicuntur gradus, quia per ipsa gradatim itur in consideratione obiecti; dicuntur gradus metaphysici quia constituent compositionem quamdam reperibilem etiam in ijs, in quibus nulla datur compositio physica, puta in substantijs pure intelligibilibus. In Angelo enim considerari possunt plures rationes, v. g. quod sit substantia, quod sit intellectiuus, quod sit Michael. Status autem quæstionis est an inter prædicata huiusmodi constituentia vnum indiuiduum: puta inter animal & rationale quibus constituitur Alexander, detur distinctio formalis ex natura rei, quam etiam mediam vocant Scotista; eo quod sit minor distinctione reali simpliciter, & maior distinctione pure extrinseca rationis, adeoque mediet inter utramque.

Duplicem igitur distinctionem ex parte obiecti hoc est præcedentem omnem actum intellectus agnouit Scotus in primum distinctione secunda questione 7. & alibi. Cū autem omnis distinctio opponatur identitati, suam distinctionem explicat doctor subtilis per identitatem cui opponitur, & qua formaliter priuat. Est autem ex parte obiecti, ait ille, duplex identitas. Prima est per quam verificatur: hoc extremum est illud. Secunda est per quam verificatur: hoc extremum in sua ratione formali quidditatiua & definitiua constituitur per illud. Tam prima quam secunda identitas reperitur inter hominem, & animal rationale. Nam &

verum

De distinct. intergrad. Metaph. 241
Primum est: *Homo est animal rationale*: &
reterea: *Homo in sua ratione formali* &
quidditatiua constituitur per animal ratio-
ale. Recte enim definis hominem: animal
rationale.

Prima, non autem secunda identitas repe-
ritur, ait Scotista, inter animal, & ratio-
nale eiusdem individui: Reperitur prima:
quia verum est de hoc animali, quod sit ra-
tionale, & è conuerso. Non reperitur se-
cunda, quia animal quod est in hoc indivi-
duo non constituitur in sua ratione formali
& quidditatiua per rationale; nec è conuer-
so. Animal enim definis principium sentien-
di; rationale vero: principium discurren-
di: adeoque neutrum in alterius quidditate
seu definitione includitur.

Hanc eandem sententiam alijs terminis
alibi sic explicat Scotus: Possunt duo extre-
ma ita identificari inter se vt præcise verum
sit hoc est illud: & hæc est identitas realis:
vel ita vt verum sit: hoc quia est hoc, est
illud: & hæc est insuper identitas formalis
ex natura rei. v. g. *Animal est rationale*: en
identitatem realem: *Homo quia est homo, est*
animal rationale, en identitatem formalem
ex natura rei: Distinctio opposita primæ
identitati est distinctio realis. distinctio op-
posita secundæ est distinctio formalis ex na-
tura rei. Prima distinctio non conuenit ani-
mali & rationali eiusdem individui: non
enim recte dixeris animal non est rationale,
nec è conuerso. Secunda conuenit, ait Sco-
tus, quia non recte dixeris: animal quia
est animal, est rationale. Igitur, inferunt
Scotiste, dari debet aliqua distinctio obie-

ctiua, hoc est non pure formalis extrinseca inter animal & rationale; quæ non datur inter hominem & animal rationale. Primam distinctionem vocant distinctionem rerum, seu realitum; secundam vocant formalitatum. Inuenies tamen vtramque aliquando vocari realem, ampliando li *realem* ad omnem distinctionem, quæ sit ex parte obiecti, & independenter ab omni actu rationis.

ARTICVLVS II.

Resoluitur dubium propositum.

PŌſita explicatione distinctionis Scotistica dicendum est inter gradus metaphysicos eiusdem indiuidui non dari distinctionem formalem ex natura rei. Probatur conclusio primò: quia huiusmodi distinctio nō debet admitti nisi sufficienter probetur; non probatur sufficienter; ergo non debet admitti. Maior probatur quia quemadmodum ad multiplicandas entitates requiritur positiua & sufficiens ratio; iuxta illud: *non sunt multiplicanda entia sine necessitate*: ita etiā ad multiplicandas formalitates: iuxta hoc aliud: *non sunt multiplicandæ formalitates sine necessitate*. Minor autem probabitur solutione argumentorum quæ à Scotistis afferrentur. Vbi aduerte concedi à Scoto animal & rationale in Socrate esse vnā realitatem, vnā rem, vnā entitatem. Contendit autem esse duas formalitates obiectiuas. Primum admittitur à nobis; secundum debet efficaciter probari; non probari autem efficaciter patebit ex nostris responsionibus.

Pro-

De distinct. inter grad. Metaph. 243
Probatur secundo conclusio: quia si præ-
ti gradus distinguerentur formaliter ex
ura rei, distinguerentur realiter, non
inguntur realiter, ergo nec formaliter
natura rei. Sequela maioris probatur:
ia illa extrema distinguntur realiter, quo-
n vnum potest simpliciter, & absolute
ari de altero: sed per distinctionē Scotisti-
n vnum potest absolute negari de altere,
mal de rationali, & è conuerso; ergo
e distinctionem scotisticam duo illa extre-
, animal & rationale distinguntur rea-
er. Maior constat ex dictis. Minor proba-
quia de quo est negabilis definitio, est
am negabile definitum: sed de animali
negabilis definitio rationalis & è conuer-
de rationali est negabilis definitio anima-
, ergo & de animali est negabile rationa-
& de rationali animal. Maior est euidēs
regulis sumulisticis. Minor probatur
ia de animali dici nequit, iuxta Scotum,
od sit principium ratiocinandi: nec de
ionali quod sit principium sentiendi: cō-
natur hoc quia si de animali dicere potes
initionem rationalis, & è conuerso, co-
o & animal constituitur in sua ratione
idditativa per rationale, & rationale per
imal.

Probatur tertio nostra conclusio: quia co-
o quod hoc est adæquate extra essentiam
ius, hoc est simpliciter distinctum ab illo:
o si rationale est adæquate extrā essentiam
imalis, & è conuerso; animal & ratio-
le simpliciter & absolute distinguntur
er se. Essē autem vnum adæquate extra
entiam alterius dicit Scotista; quia nec

rationalis ingreditur quidditatem animalis, nec animal quidditatem rationalis.

Dices etiam si & animal sit extra essentiam rationalis, & rationale extra essentiam animalis: tamen nec animal, nec rationale sunt extra essentiam hominis; qui est vna res, & vna essentia: ideoque animal & rationale sunt quidem duę essentię partiales, sed vna simpliciter & absolute essentia.

Sed contra est primò quia de duabus essentijs partialibus dici nequit: hæc est illa: sed animal & rationale in eodem indiuiduo sũt duę essentię partiales, hoc est duę partes eiusdem essentię, ergo de animali dici nequit: est rationale, nec è conuerso. Secundò etiam anima & corpus Petri sunt duę essentię partiales, & vnus Petrus: quamuis autem de vtraque simul accepta dici possit est Petrus: tamen neutra seorsim accepta est de altera prædicabilis dicendo: corpus est anima, vel è conuerso: anima est corpus.

Dices disparitatem esse manifestam. Alia enim est compositio ex anima & corpore ex qua resultat Petrus; alia compositio ex animali & rationali, per quam idem Petrus habetur. Prima dicitur compositio physica, estque ex duobus extremis physice separabilibus. Secunda dicitur compositio metaphysica, estque ex duobus extremis omnino inseparabilibus, hoc est ex duabus formalitatibus.

Resp. Disparitatem allatam esse manifestissimam, sed non facere ad rem. Mutua essentialis inseparabilitas est insufficiens ad probandam identitatem realem eorum quę inseparabilia dicuntur. Quamuis enim recte
arguas.

De distinct. inter grad. Metaph. 245
nas : hæc extrema sunt separabilia ergo
t distincta , non tamen recte argues : hæc
rema sunt inseparabilia , ergo sunt idem.
es personæ Sanctissimæ Trinitatis sunt
ntialiter inseparabiles ; & tamen non sunt
i. Impossibile est separari Patrem à Filio
Spiritu Sancto , & tamen Pater nec est
ius, nec Spiritus Sanctus. Item in senten-
tatis communi Intellectus & Voluntas
eadem anima ita distinguuntur vt dici
queat Intellectus est Voluntas, aut è con-
so, & tamē habēt mutuā inseparabilitatē.
P ræterea hæc ipsa essentialis inseparabili-
animalis, quod est in homine, à rationali,
monstrat animal quod est in homine non
ficiēter definiiri ; principium sentiendi ;
o etiam ipsi aduersarij fateri debent defi-
onem animalis à se allatam esse inadæ-
tam. Ex hoc autem quod in definitione
dæquata vnius extremi non conuincatur
erum, male inferunt hoc non pertinere ad
dditatem illius : sicut ex eo quod manus
pertinet ad integritatē capitis, male infer-
non pertinere ad integritatem corporis
mani. Quod autem insufficienter defini-
prædictum animal : probatur ; quia ani-
quod est in equo æque bene definitur
ncipium sentiendi ; & tamen animal
od est in equo ab animali quod est in
hine , est essentialiter intrinsece disti-
e : implicat autem duo essentialiter
intrinsece dissimilia habere vnam ean-
que definitionem adæquatam. Probatur
em hæc essentialis & intrinseca dissimili-
o : quia cum animali, quod est in homine
ntificatur essentialis inseparabilitas à ra-
tionali ;

tionali; siue essentialis exigentia iunctionis, seu vnionis, cum rationali; cum animali autem quod est in equo identificatur essentialis repugnantia, & inconiungibilitas cum rationali. Hæc autem prædicata quam dissimilent, est per se notum. In hoc igitur sententia aduersariorum patitur æquiuocationem, quod definitionem inadæquatam vsurpet pro adæquata. Nam cum definitio adæquata debeat explicare totam essentiam rei & essentia animalis quod est in homine sit indispensabilis exigentia vnionis cum rationalitate; saltem dicere deberent definiendū sic Animal, quod est in homine: Principium sentiendi essentialiter exigens vnionem, seu identitatem realem cum principio discurrendi.

Dices recte definitur homo animal rationale sine vlllo addito; & tamen rationale est exigentia risibilitatis, ita vt risibile dicatur profluere à rationali vt prima passio eiusdē essentialiter inseparabilis ab ipso; ergo etiam si ab animali quod est in homine sit essentialiter inseparabile rationale; tamen recte definitur principium sentiendi nulla facta mentione talis inseparabilitatis.

Resp. Concessio antecedenti negando consequentiam. Disparitas manifesta, & ad rem; est quia non datur multiplex rationale quorum vnum sit essentialiter inseparabile à risibili; alterum essentialiter repugnans cum risibili. Si enim res ita esset neutrum adæquate definiretur per conceptum comunē vtrique. At datur duplex animal alterum essentialiter inseparabile, alterum essentialiter separatum à rationali; & tamen vtriq;

con-

De distinct. inter grad. Metaph. 247
nuenit esse principium sentiendi: ergo
utrum adæquate definitur per principium
ntiendi. Aliæ probationes nostræ conclu-
nis in responsione ad argumēta magis ma-
isque patebunt.

ARRICVLVS III.

Respondetur obiectionibus.

Objicies primò. Datur aliqua identitas
intrinsicca & obiectiua inter hominem
animal rationale, quæ non datur inter
animal, & rationale eiusdem hominis; ergo
inter animal & rationale datur aliqua di-
stinctio intrinsicca & obiectiua, quæ non da-
tur inter hominem & animal rationale. Cõ-
uenientia est euident, nam carere hac iden-
tate, & habere distinctionem oppositam
e identitati sunt vnum & idem. Probatur
autem antecedens: quia homo in sua ratio-
ne formali quidditatiua includit animal ra-
tionale, vel potius constituitur per animal
rationale: animal in ratione formali quid-
datiua non includit rationale. Item homo,
quia est homo, est animal rationale: animal,
quia est animal, est rationale vel potius
homo quia est animal rationale, est homo
autem animal quia est rationale est ani-
mal: ergo datur aliqua identitas intrinsicca
& obiectiua inter hominem & animal rationa-
lem quæ non datur inter animal & rationale
eiusdem homine.

Resp. primò quod eo ipso quod conuenit
quod prædicatum animali quod idem nõ
conuenit rationali; animal & rationale su-

finēt prædicata contradictoria: est autem longe validius fundamentum distinguendi realiter illa extrema quibus conveniunt prædicata contradictoria; quam identificandi illa quæ meram habent inseparabilitatem: & consequenter si valet argumentum propositum; probabilius est distinguere realiter in eodem homine animal & rationale; quam realiter identificari.

Resp. secundo neg. ant. Ad probationem dist. ante. animal præcisive acceptum in sua ratione formali quidditatiua non includit rationale conc. ant. animal quod est in homine in sua ratione quidditatiua non includit rationale: neg. ant. vel subdist. in sua ratione formali quidditatiua inadæquata: conc. ant. adæquata: nego ante. Item animal non quia est rationale est animal: dist. ant. non quia est rationale, est animal præcisive: conc. ant. est animal quod est in homine neg. ant. est consequentiam.

Vt distinctionem intelligas; scire oportet per rationem formalem quidditatiuam intelligi aliquando ipsam merè essentiam, seu quidditatem rei, aliquando definitionem ipsam; seu conceptum formalem quo explicatur quidditas siue essentia rei. Suppone præterea non dari à parte rei animal ut sic hoc est animal quod sit pure & præcise animal, & consequenter quærere essentiam animalis quod pure sit animal, cum exclusionem cuiuslibet differentie, est quærere chimeram.

Superest igitur ut res significata per hunc conceptum *Animal* sit tota collectio animalium. Cum autem collectio animalium nihil aliud sit quam & hæc & illud aliud animal;

De distinct. inter grad. Metaph. 249
quærendum essentiam animalis quod signi-
tur per li *Animal* est quærendum essentiam
us & illius & illius alterius animalis.
m vero & hoc & illud & illud aliud ani-
l non habeant vnam essentiam, hinc est
od essentia animalis nequeat vno concep-
explicari. Voco: *unum*: conceptum qui
discriminatum omnium animalium essen-
tiâ repræsentet.

Explicatur hoc accipiendo duo animalia;
scilicet hominem & equum. Si quis petat vnica
definitione definiri hominem & equum, ab-
surdum petit: quia homo & equus sunt dissim-
iles in quidditate: dissimilia autem in
quidditate vna definitione non definiuntur:
homo definitur animal rationale, equus ani-
mal inanimabile.

Quamuis autem homo & equus sint dissim-
iles in quidditate, non habent tamen omni-
modam dissimilitudinem, ideoque dicun-
tur partim similes, & partim dissimiles. Hoc
facile intelliges si attendas ad operationes
quæ procedunt ab homine. Homo mouetur,
non videt, homo audit; huiusmodi ope-
rationes etiam equo conueniunt, nam equus
non mouetur, equus videt, & audit; ergo
in equo, quam in homine datur princi-
pium motus, visionis, auditionis. At illud
principium quod in homine est prædi-
ctum operationum, est etiam aliarum; ratio-
nationis videlicet intellectus & aliarum.
Principium autem quod in equo est, non est
intellectus, rationis & exte-
riorum. Duo igitur illa principia motus &
visionis quorum alterum est in homine,
alterum in equo, aliquantulum conueniunt in-

ter se, & aliququaliter inter se discrepant, Cōueniunt aliququaliter; quia ¶ trunque est principium sentiendi : discrepant aliququaliter quia alterum est principium discurrendi, alterum hianniendi.

Quod si ob discrimen, seu diuersitatem istarum operationum sentiendi, scilicet, & discurrendi, aduersarius exigit duo principia. in homine : alterum sentiendi, & alterum discurrendi: sine fundamento id exigit. Si enim multiplicanda sunt principia, seu causę pro multiplicitate operationum, seu effectuum, oportebit, non duo; sed innumera principia ponere in homine, cum ab eodem innumera operationes procedant inter se diuersę, puta aliud est assentiri, aliud dissentiri; aliud velle, aliud nolle; aliud desideraret, aliud frui; & consequenter oportebit pro istis multiplicare potentias, assignando vnā, quę sit volitiua, aliam quę sit nolitiua, vnā quę sit affirmatiua, aliam quę sit negatiua, & sic de cæteris.

Porro hoc idem principium diuersarum operationum, quarum alię sunt communes homini, & equo; alię proprię hominis, considerari potest, vel per ordinem ad omnes, vel per ordinem ad aliquas. Si consideretur per ordinem ad omnes; & per ordinem ad omnes definiatur; definitur definitione adæquata, si per ordinem solum ad aliquas; definitione inadæquata: non quod aliquid in ipso definiatur, & aliquid non definiatur. sed quod illud idem indiuisibile principium definiatur per ordinem ad aliqua, non autem per ordinem ad omnia connotata adeoq; inadæquatio non est ex parte obiec-

i, sed ex parte cognitionis non attingens obiectum quantum meretur attingi.

Rursus & principium illud, quod re ipsa sensatio est, inadæquate definiatur per ordinem sensationes; talis definitio dicitur conuenire hominem cum equo, & quolibet animalis; quia sensatio est genus operationis ab omni animali procedens. Si per ordinem ad ratiocinationem; talis cognitio dicitur discernere hominem ab equo, & à quocunq; alio animali quia inter omnia animalia soli homini conuenit ratiocinari. Per primam definitionem, in qua dicitur: *principium sentiendi*, dicitur definiri fortiter animalis; per secundam, quæ est: *principium discurrendi*: dicitur definiri fortiter rationale. Quod nihil aliud significat, nisi vnum illud, & idem principium quod est & animal, & rationale, subiacendo formæ extrinsecæ, seu cognitioni comparanti ipsum cum his; modo alteri formæ extrinsecæ, seu cognitioni comparanti ipsum cum illis alijs connotatis.

Ex his omnibus habes quid intelligendum quando dicitur in definitione animalis sensatio non attingi rationale, nec per definitionem rationalis præcise, attingi animalis. Neque enim sensus est, id, quod definitur esse solum animal, aut solum rationale; sed sensus est, id, quod definitur, quamessentialiter sit & animal, & rationale, quicquid; principium, & sensationis; & dictum, attingi solum, vel per ordinem ad ratiocinationem, vel per ordinem solum ad dictum: cum per definitionem adæquatam intelligendum foret per ordinem ad vtrumq;

genus operationum. Hæc qui rectè intelliget, habet vnde soluat omnia argumenta, quæ excogitari possunt contra sententiam, quam sustinemus.

Obicies secundo. Homo per animalitatem est à parte rei, & intrinsecè similis equo; per rationalitatem à parte rei, & intrinsecè non est similis equo: ergo animalitas, & rationalitas in eodem homine distinguuntur intrinsecè. Item homo per rationalitatem est dissimilis equo: per animalitatem non est dissimilis equo; ergo animalitas, & rationalitas non sunt realiter idem. Probatur vtrumq; antecedens, quia homo per animalitatem est viuens, sentiens; & hoc conuenit equo: per rationalitatem est discurrens, & hoc non conuenit equo.

Resp. negando vtrumq; antecedens. Eamdem omninò similitudinem quam habet homo cum equo per animalitatem, habet realiter, & intrinsecè per rationalitatem; & eamdem dissimilitudinem quam habet cum equo per rationalitatem, habet etiam realiter, & intrinsecè per animalitatem. Ad probationem antecedentis: dic hominem per rationalitatem realiter, & intrinsecè esse principium sentiendi, & per animalitatem esse realiter, & intrinsecè principium discurrendi; quandoquidem, vt dictum est supra, idem indiuisibile principium in homine est, & sentiendi, & discurrendi; & consequenter quicquid de hoc verificatur, verificatur & de illo: cum vni eisdemq; indiuisibili principio contradictoria conuenire non possint,

Dicitur tamen communiter homo discurrere per rationalitatem, non verò per ani-

malitatem ; esse dissimilis equo per rationale, non verò per animal : quæ propositiones veræ sunt, si intelligantur, vt debent. Faciunt enim apud recte intelligentes sensum formalem ; significantq; hominem cognitum sub conceptu rationalis, concipi per ordinem ad discursum, non autem per ordinem ad sensationem ; & sub conceptu animalis concipi non per ordinem ad discursum, sed per ordinem ad sensationem. Item : hominem sub conceptu animalis non discerni ab equo, aut quolibet alio animali ; discerni autem sub conceptu rationalis : quæ omnia vera sunt.

Obicies tertio. Animal in homine perficitur per rationale ; ergo non est idem cum rationali. Item rationale in homine determinat animal ad hanc potius, quam ad illam speciem animalis ; ergo rationale in homine distinguitur ab animali. Denique rationale in homine superuenit animali, ergo rationale distinguitur ab animali, &c.

Ad hæc & alia eiusdem farinae argumenta respondet breuiter D. Thomas prima parte quæst. 15. art. 2. ad 1. quòd in rebus immaterialibus id quod determinatur, & determinatum non est aliud, & aliud, sed vnum & idem; aliud tamen, & aliud ratione nostra: *In rebus, inquit, materialibus aliud est, quod determinat ad specialem gradum, scilicet forma, & aliud quod determinatur, scilicet materia. Vnde ab aliis sumitur genus, & ab alio differentia, sed in immaterialibus non est aliud determinans, & determinatum, sed unaquæq; earum secundum seipsam tenet determinatum gradum*

dum in entibus; & ideo genus, & differentia in ijs non accipitur secundum aliud, & aliud, sed secundum unum & idem, quæ tamen differunt secundum considerationem nostram. In quantum enim intellectus noster considerat illam rem, ut indeterminatè, accipitur in eis ratio generis; in quantum considerat, ut determinatè; accipitur ratio differentie. Hæc D. Thomas. Ad argumentum in forma. Animal perficitur per rationale: ratione nostra concedo; reipsa: nego. Idem dic ad cætera. Siue: perficitur logice, concedo: physice: nego.

Obicies quarto. Si animal in homine non distingueretur intrinsece à rationali; sequeretur, quod tunc imperfectius cognoscere-mus hominem quādo perfectius illum cognoscimus: consequens repugnat in terminis; ergo & accedens. Sequela maioris probatur, quia perfectius cognoscimus hominē, quādo cognoscimus illū cōceptu definitiuo, quā quando cognoscimus illū conceptu definito: hoc est perfectius cognoscitur homo hoc conceptu: *Animal rationale*, quā hoc alio: *Homo*: sed sequeretur conceptu definitiuo cognosci perfectius, ergo sequeretur cognosci imperfectius, quando perfectius cognoscitur. Probatur hæc vltima minor: quia per conceptum definitum cognoscitur non distinguendo in eo plures perfectiones; per definitiuum autem cognoscitur distinguendo in ipso plures perfectiones; scilicet animal & rationale; sed melius cognoscitur non distinguendo, quā distinguendo plures perfectiones in eo; ergo melius cognoscitur non definiendo, quā definiendo. Explica-

tur hoc idem : quia homo (nisi detur distinctio inter gradus) non est duæ perfectiones, sed vnica; ergo melius cognoscitur non duplicando, quàm duplicando in ipso perfectionem : vnumquodq; enim melius cognoscitur, si cognoscatur vt est, quam si cognoscatur vt non est.

Resp. neg. sequelam mai. Ad cuius probationem conc. maio, nego min. Ad probationem minoris nego maior. in qua dicitur per conceptum definitiuum hominis cognosci hominem, distinguendo in illo plures perfectiones, quarum altera sit animal, & altera rationale. Quamuis enim dicatur homo animal rationale, adeoq; duplicetur quodammodo essentialium constitutiuum hominis, saltem voce tenus; quia duplici voce exprimitur; non propterea hæc eadem essentia exprimitur, vt duplex perfectio; sed vt perfectio à qua & sensationes, & ratiocinationes profluere possint; præscindendo, an huiusmodi perfectio sit vna, an duplex: esse duplicem debet probare aduersarius. esse vnã hoc ipso argumento probamus, quod non sit vlla necessitas illam duplicandi; cum manifestum sit operationes inter se diuersas posse ab vno eodemq; principio profluere.

Obicies quinto. Ad veritatem huius propositionis: *Homo est animal*, non requiritur rationalitas, requiritur animalitas: ergo animalitas, & rationalitas sustinet prædicta contradictoria. Antecedens probatur, quia etiam si homo esset equus adhuc hæc propositio: *Homo est animal* esset vera, ergo ad veritatem huius propositionis non
requi.

requiritur rationalitas. Item etiam si homo non esset rationalis; dummodo esset animal, adhuc vera esset hæc propositio: *Homo est animal*, ergo ad veritatem huius propositionis non requiritur rationalitas.

Resp. distinguendo ant. requiritur animalitas, quæ est in homine nego antec. requiritur hæc, vel illa animalitas conc. ant. & distingo consequens: animalitas quæ est in homine, & rationalitas sustinent prædicata contradictoria, nego consequentiam: animalitas vt sic, seu præcisive accepta, & rationalitas sustinent prædicata contradictoria, concedo consequentiam. Animalitas præcisive accepta supponit pro omni omnino animalitate; animalitas quæ est in homine non est omnis omnino animalitas: certum est autem verificari de tota collectione animalium aliquod, quod non verificatur de parte talis collectionis.

QVAESTIO III.

An inter gradus genericos, & differentiales eiusdem indiuidui detur distinctio virtualis intrinseca.

ARTICVLVS I.

Respondetur negatiue.

Dissentunt à Scotistis more suo Thomistæ, & distinctionem illam formalem

leni ex natura rei a nobis impugnata ipsi etiam impugnant. Aliam autem inter gradum genericum, & differentialem admittunt in eodem individuo; puta inter animal, & rationale in eodem Socrate, quam virtutalem intrinsecam vocant. Rursus in hac ipsa distinctione virtuali intrinseca explicanda non est vnus omnium sensus. Alij enim ex vi talis distinctionis existimant conuenire eidem indiuisibili entitati prædicata intrinsece contradictoria; qualia conueniunt, si verum est, Naturæ diuinæ, & Paternitati. Nā de natura diuina prædicatur, quod sit cōmunis filio, de Paternitate negatur: natura diuina, & Paternitas sunt vna indiuisibilis entitas: ergo in diuinis vna indiuisibilis entitas sustinet prædicata intrinsece contradictoria. Sic Philosophatur in diuinis, & à diuinis adhumana descēdunt, hanc eandem potestatem, seu virtutem verificandi contradictoria admittentes: in animalitate, & rationalitate, quæ sunt vna indiuisibilis entitas Petri, puta de animali quod est in Petro verificatur, quod sit radix omnis sensationis; quod non verificatur de rationali, quod est in eodem.

Alij distinctionem hanc virtutalem intrinsecam aiunt consistere in hoc; quod prædicata contradictoria verificentur, sed extrinseca de duabus illis rationibus constituentibus vnā simplicem, & indiuisibilem entitatem, puta verificatur de animali, quod sit cognitum, & hoc idem negatur de rationali: esse autem cognitum, & non esse cognitum, sunt prædicata quidem contradictoria, sed extrinseca. Virtute huiusmodi

di prædicata verificandi vocant distinctionem virtuales intrinsecam inter gradus genericum; & differentialem eiusdem Socratis. Hanc distinctionem virtuales utrique definiunt: *Dissentium in aliquo prædicato cum identitate reali*. Puta animal & rationale, quæ sunt idem realiter, dissentiunt, vel in hoc prædicato: *Radix sensationum*: quod est intrinsecum: vel in hoc alio: *Cognitum*: quod est extrinsecum.

Dico primò distinctionem virtuales secundo modo acceptam inferre distinctionem virtuales primo modo. Hoc est ex hoc ipso quod gradus genericus & differentialis verificent contradictoria extrinseca, recte inferes verificare contradictoria intrinseca. Probatur hæc conclusio. Quia ex hoc ipso quod cognoscatur animal non cognito rationali; aut è conuerso: potest cognosci animal non cognito rationali, & è conuerso, sed posse cognosci est prædicatum intrinsecum, ergo à prædicatis extrinsecis recte inters prædicata intrinseca. Explicatur hoc idem. In animali datur capacitas terminandi cognitionem qua dico: *Animal*, in rationali non datur capacitas terminandi cognitionem hanc qua dico: *Animal*: ergo animal & rationale verificant contradictoria intrinseca. Consequentia patet quia huiusmodi capacitas est quid intrinsecum, quamuis sit ad aliquid extrinsecum.

Dico secundo. Non datur inter gradus prædictos distinctio virtualis intrinseca, etiamsi per talem distinctionem nihil aliud intelligas quam capacitatem dissentendi in prædicato extrinseco. Probatur conclusio

quia

quia idem de eodem nequit affirmari & negari, ergo si cognosci affirmetur & negetur de animali & rationali: hoc est affirmetur de animali & negetur de rationali, aut è conuerso; animal & rationale non sunt idem. Antecedens est primum principium quod inaniter limitatur ab aduersarijs. Quod autem tam de prædicatis extrinsecis intelligi debeat quam de intrinsecis probatur: quia intantum contradictoria intrinseca nequeunt vni eidemque rei conuenire quia quod intrinsece ponitur per vnum, intrinsece tollitur per alterum contradictorium: tam autem implicat ex duobus prædicatis extrinsecis vnum per aliud tolli, quam hoc præstari in prædicatis intrinsecis: sed manifestum est quod etiam ex contradictorijs extrinsecis vnum per alterum tollitur: ergo tam repugnant eidem entitati contradictoria extrinseca quam intrinseca. Explicatur hoc. Esse principium sentiendi cōuenit animali quod est in homine: hoc idem predicatum negari nequit de rationali, quia nequit tolli simul & poni idem prædicatum intrinsecum in eadem indiuisibili entitate. Considera iam prædicatum *cogniti*: ait aduersarius hoc prædicatum conuenire posse animali, quin conueniat rationali: tu autem dicis à rationali non tolli prædicatum *cogniti* quod conuenit animali, ne vni eidemque entitati conueniat & non conueniat idem prædicatum extrinsecum; cum æque absurdum sit idem prædicatum extrinsecum esse & non esse, ac esse & non esse idem prædicatum intrinsecum. Implicat enim quodlibet esse simul & non esse.

Præterea sicut cognosci & non cognosci
sunt

sunt quid extrinsecum obiectio: ita cognoscere & non cognoscere est quid intrinsecum potentia cognoscenti: ergo sicut eadem indiuisibilis entitas denominatur cognita, & non cognita vna eademque cognitione; ita idem indiuisibilis intellectus, erit vna eademque cognitione cognoscens & non cognoscens respectu eiusdem indiuisibilis entitatis. Valet enim: intellectus cognoscit animal, non cognoscit rationale: animal & rationale sunt idem, ergo intellectus cognoscit & non cognoscit idem.

Dico tertio. Non datur vlla distinctio virtualis intrinseca, Probatur Conclusio eodem argumento, quod probata est conclusio posita contra Scotistas. Animal & rationale sunt vna entitas secundum aduersarios: in illa vna entitate non requiritur vlla distinctio ad sustinenda quæcunque de illa cum veritate dicuntur; ergo in tali entitate non datur vlla distinctio. Minor probatur in responsionibus ad argumenta. Vbi per puram distinctionem extrinsecam rationis ratiocinata omnia clare diluuntur.

ARTICVLVS II.

Respondetur Obiectionibus.

Objicies primò. Non repugnat ex genere distinctio virtualis intrinseca; ergo debet admitti inter gradus metaphysicos. Consequentia probatur quia per illam recte omnia explicantur, & melius quam sine illa; & consequenter nisi probetur repugnantia eiusdem, debet admitti. Antecedens probatur

tur ex mysterio Sanctissime Trinitatis: nam inter Paternitatem & Naturam diuinam admittenda est distinctio virtualis intrinseca; ergo talis distinctio ex genere suo non repugnat. Probatur hoc secundum antecedens quia natura diuina, & paternitas sustinent prædicata contradictoria: natura diuina communicatur filio, Paternitas non communicatur filio; idque independenter ab omni operatione intellectus; ergo inter naturam diuinam, & Paternitatem datur aliqua distinctio obiectiua siue intrinseca.

Resp. aliqui concessio antecedenti, eiusque probatione, negando consequentiam. Rationem distinctionis intrinsecæ inter naturam diuinam & Paternitatem petunt ex incompræhensibili mysterio Trinitatis, quod sine tali distinctione saluari non posse existimât: male autem à diuinis argui ad humana. Nam pro creatis non militat eadem ratio: cum omnia per puram distinctionem rationis extrinsecam recte explicentur: quod si fieri posset etiam in diuinis; neque in diuinis prædicta distinctio admittenda foret. Placet hic indicare rationem cur in diuinis aiant admitti posse distinctionem prædictam. Natura diuina est omnis omnino perfectio: hinc etiam si aliquod prædicatum illi superaddas, non addis perfectionem: & consequenter dissensus in tali prædicato non erit dissensus in perfectione: ex alio capite dissensus naturæ diuinæ & Paternitatis in tali prædicato erit aliqua distinctio: distinctio aut fundata in dissensu circa prædicatum non dicens perfectionem non est distinctio realis; ergo talis distinctio non erit realis: erit autem intrinseca & obiectiua

ignita; igitur inter naturam diuinam & Paternitatem dabitur distinctio non realis quamuis intrinseca: hæc autem est virtualis. Quod distinctio fundata in prædicto dissentio non sit realis, patet, quia cum tali dissensu stat consensus in omni omnino perfectione: hæc enim duo non pugnant: consentire in omni omnino perfectione, & dissentire in prædicato quod neque sit perfectio, neque imperfectio.

Hæc ratio inquit non militat in rebus creatis: nam nulla ratio creata est omnis perfectio; nec ullum prædicatum creatum præscindit à perfectione & imperfectione: hinc est quod quotiescunque duæ rationes creatæ dissentiant in aliquo prædicato, eo ipso dissentiant in aliqua perfectione: quæcunque autem dissentiant in perfectione distinguuntur realiter; ergo quæcunque rationes creatæ dissentiant in aliquo prædicato distinguuntur realiter, hæc ratio valeat quantum valere potest. Alij non aliam rationem reddunt; nisi quod distinctio intrinseca inter prædicata quæ sint realiter idem non debet admitti nisi probetur: probatur in diuinis, non autem in creatis, ergo ex hoc quod admittenda sit in diuinis male inferitur admittendam etiam in creatis. Ad probationem consequentiæ nega melius explicari constitutionem metaphysicam rerum creatarum per distinctionem virtualem quam sine illa.

Respondent alij negando antecedens. Ad probationem negant etiam in diuinis distinctionem virtualem intrinsecam. Ad argumentum, quod affertur pro ipsa sic respondent: Communicatur natura & non communica-

tur Paternitas; eadem communicatione: negant: communicatur natura & non communicatur Paternitas, diuersa communicatione: concedunt: communicari autem naturam vna communicatione & Paternitatem non communicari alia cõmunicatione, etiã si natura diuina & Paternitas sint vna entitas; non est naturam diuinam & Paternitatem sustinere prædicata contradictoria. Nam communicatio *A* & negatio communicationis *B* non opponuntur. Communicatur, aiūt natura diuina filio communicatione essentiali; hac eadem cõmunicatione communicatur Paternitas: Paternitas non cõmunicatur cõmunicatione personalī; neque natura diuina tali cõmunicatione cõmunicatur. Quando igitur Patres dicunt communicari naturam Diuinam, absque eo quod cõmunicetur Paternitas: hoc ita intelligendum est vt communicatio qua natura diuina est vna trium Personarum, non sit communicatio, qua vna persona sit alia Persona; aut tres Personæ vna Persona.

Dices communicatur natura communicatione reali, non communicatur Paternitas communicatione reali; ergo ea communicatione qua communicatur Natura, non communicatur Paternitas; ergo Natura diuina & Paternitas sustinent prædicata contradictoria. Consequentia probatur quia communicari & non communicari eadem communicatione sunt contradictoria.

Resp. distinguendo antecedens: communicatur natura communicatione reali essentiali: concedo; communicatione reali personalī: nego, Paternitas non communicatur

communicatione reali personali : concedo :
 communicatione reali essentiali : nego. Ex
 his pater ad reliqua. Vel igitur neganda est
 etiam in diuinis distinctio virtualis intrin-
 seca : vel etiamsi admittatur, datur sufficiens
 ratio cur in creatis negetur. Au autem in
 diuinis admittenda sit an neganda , non est
 presentis indaginis.

Obiicies secundo. Inter rationes realiter
 identificatas debet admitti aliqua distinctio
 obiectiua ; ergo non repugnat inter gradus
 metaphysicos cum identitate reali aliqua
 distinctio intrinseca. Antecedens probatur ;
 quia omnis creatura identificat in se perfec-
 tionem cum imperfectione : in terperfectione-
 nem , & imperfectionem eiusdem creaturae,
 datur aliqua distinctio obiectiua ; ergo inter
 identificata realiter datur aliqua distinctio
 obiectiua. Minor probatur ; quia perfectio
 est ex Deo , imperfectio non est ex Deo. esse
 ex Deo & non esse ex Deo sunt contradi-
 ctoria ; ergo perfectioni & imperfectioni
 conueniunt prædicata contradictoria .

Resp. negando antecedens ad probationem
 concessa mai : nego min : ad probationem
 minoris nego maiorem, Illa eadem imper-
 fectio quæ est perfectio, est à Deo. Illud idè
 quod perfectio & imperfectio est , dicitur
 perfectio inquantum est aliqua participatio
 diuini esse ; dicitur imperfectio propter hoc
 ipsum, quia est participatio, & consequenter
 aliquod esse limitatum ; hoc est tanta & non
 maior communicatio illius esse, quod est
 plenitudo totius esse. Esse autem participa-
 tionem diuini esse tantam, & non maiorem,
 est identificatum cum ipsa re creatæ quæ tota
 quanta

quanta est, ex Deo est. Vbi aduerte obiter, quod aliud est esse malum, aliud esse imperfectum. Quælibet creatura est bona: & quælibet creatura est essentialiter imperfecta: Esse malum est carere bono sibi debito: esse imperfectum est non esse omne bonum: carere bono sibi debito non necessario conuenit creaturæ: non esse omne bonum necessario conuenit.

Dicuntur tamen duæ istæ rationes: *perfectio*, scilicet, & *imperfectio* in eadem entitate distinguui formaliter ratione nostra, quia illa entitas per hunc conceptum: *perfectio*: exprimitur per ordinem ad Deum, seu ad esse simpliciter, quod est omnis perfectio: per hunc alium conceptum: *imperfectio* exprimitur per ordinem ad nihilum, quod est negatio omnis perfectionis: diximus autem diuersas expressiones eiusdem obiecti esse eiusdem diuersas formas extrinsecas: vnde sequitur idem à se ipso distinguui formaliter extrinsece; cum distinguui hoc modo nihil aliud sit quam habere diuersas sui cognitiones, siue imagines.

Obijcis tertio. Quando video Petrum à longe cognosco animal, & non cognosco rationale: ergo vel animal distinguitur realiter à rationali, vel cum identitate reali datur capacitas verificandi duo contradictoria: videlicet cognosci, & non cognosci. Antec. probatur, quia per prædictam cognitionem illud solum cognosco, quod possum affirmare ex vi talis cognitionis: sed ex vi talis cognitionis solum affirmare possum animal: ergo per prædictam cognitionem cognosco solum animal: confirmatur, quia illud non

cognosco, de quo nihil possum affirmare: sed in casu posito nihil possum affirmare de rationali; ergo in casu posito non cognosco rationale.

Resp. Istas duas propositiones: *non affirmo rationale, & : nihil affirmo de rationali.* Esse inter se valde diuersas. In casu posito non affirmas rationale; quia de obiecto, quod aspicias, non dicis: *est rationale.* Affirmas tamen aliquid de rationali; quia de obiecto, quod aspicias, dicis: *est animal*: sed obiectum, quod aspicias, est rationale: ergo de rationali affirmas quod sit animal: falsum est igitur, quod in casu posito nihil affirmes de rationali. In forma ad argumentum nega antecedens; ad cuius probationem nega mai. Male metitur Aduersarius obiectum, quod cognoscit, à cognitione affirmante hoc, vel illud de obiecto. Nam determinatio ad hanc, vel illam affirmationem non habetur ab obiecto terminante cognitionem, sed ab obiecto mouente; aut ex modo, quo cognitio ipsa circa obiectum versatur. Cognitio perfectior circa idem obiectum determinat ad affirmandum aliquid, ad quod non determinat cognitio imperfectior: quia cognitio perfectior est vel potest esse comparatiua obiecti cum pluribus obliquis, quam imperfectior.

Dices: affirmo de animali quod sit cognitum: nego de rationali quod sit cognitum: animal & rationale sunt idem: ergo idem de eodem affirmo & nego.

Resp. concedendo totum: quod videlicet Aduersarius de eodem idem affirmet & neget: sed quid ad nos? Nos dicimus tam ratio-

nale

nale cogniturum esse, quam animal; adeoque quidquid de animali concedimus, illud idē concedimus de rationali.

In casu posito hominis, quem vides à longe, formati solent hæ propositiones. *Cognoscitur clare animal non cognoscitur clare rationale. Cognoscitur distincte animal, non cognoscitur distincte rationale. Cognoscitur formaliter animal, non cognoscitur formaliter rationale.* Non quod eadem claritate, distinctione formalitate, qua cognoscitur animal, non cognoscatur & rationale: sed quia hæc aduerbia: *clare, distincte, formaliter*, & similia prout coniunguntur cum his terminis: *animal & rationale* determinantur ad importandam diuersam claritatem, distinctionem, & formalitatem. Cognoscere clare animal in casu posito, est ita cognoscere id, quod est realiter & animal, & rationale; vt illud discernas ab omni non animali. Cognoscere clare rationale est ita cognoscere illud idem obiectum, vt illud discernas ab omni non rationali: quia autem cognitio, qua discernis hominem ab omni non homine, perfectior est cognitione, qua discernis solum ab omni non animali; ideo cognitio excercite significata per hanc vocē: *rationale* dicitur perfectior cognitione importata per hanc aliam: *animal*.

Dices: cognosci clare, & non cognosci clare sunt contradictoria: cognoscitur clare animal, & non cognoscitur clare rationale: ergo de animali & rationali verificantur contradictoria.

Resp. dist. mai. cognosci, & non cognosci clare eadem claritate sunt prædicata contra-

dictoria : conc. mai. diuersa claritate nego mai. & eodem modo dist. min. nego conf. Eadem claritate, qua cognoscis animal, cognoscis rationale : eo enim ipso, quod animal discernis ab omni non animali : etiam rationale discernis ab omni non animali : si- cut autem rationale non discernis ab omni non rationali ; ita nec animal quod nihil aliud significat, nisi te illam entitatem, quæ est & animal, & rationale, alia claritate cognoscere, dum cognoscis cognitione expressa per hanc vocem : *rationale* quam expressa per hanc aliam : *animal*.

Obijcies quarto. Oculus videt albedinem & non videt relationem transcendentalem ad Deum cum albedine realiter identificatâ : ergo ex duabus rationibus realiter identificatis idem oculus alteram videt, & alteram non videt.

— Resp. Negando antec. Relatio transcendentalis ad Deum nihil est aliud, quam respectus, siue ordo cuiuslibet creaturæ ad Deum, tanquam ad causam primam, à qua dependet : enim huiusmodi ordo non sit huius aut illius dumtaxat, sed omnis omnino creaturæ ; dicitur transcendentalis : supponitur autem hic identificatus creaturæ : quia quælibet creatura per se ipsam, non autem per aliud sibi superadditum, est essentialiter pēdens à Deo : cum igitur quælibet creatura sit realiter ordo sui ad Deum ; consequens est ut quilibet actus, attingens quamlibet creaturam, attingat etiam realiter ordinem ad Deum. Oculus igitur videns albedinem videt realiter relationem transcendentalem ad Deum ; non autem formaliter videt, nec videre

viderē potest: quia oculus nequit exprimere suum obiectum comparatiuē ad Deum.

Porro ex hoc, quod oculus nequeat attingere formaliter relationē ad Deum; possit tamen attingere formaliter albedinem: non sequitur inter albedinem & relationem ad Deum vlla obiectiua distinctio; sed solum sequitur, quod circa suum obiectum potest exercere actum huius, non autem illius alterius rationis. Intellectus autem tam relationem transcendentalem, quam albedinem ipsam potest attingere formaliter, quia est capax vtriusque actus.

Obijcies quinto. Eadem medicina identificat in se principium sanitatis, & principium amaritiei: amatur principium sanitatis, non amatur principium amaritiei: ergo ex duabus rationibus identificatis altera amatur, & altera non amatur. Minor probatur, quia medicina quatenus sana amatur ab infirmo, non amatur quatenus amara: ergo principium sanitatis amatur; non amatur, imo idēo habetur principium amaritiei.

Resp. concessa maiori, negando minorem vel si mauis vtēre distinctione: amatur formaliter principium sanitatis, & non amatur formaliter principium amaritiei: concedo; & non amatur realiter principium amaritiei: nego. Voluntati, seu appetitui præsēntatur ab intellectu medicina, quæ simul est equatiua sanitatis, & gustationis iniucundæ, imo & displicentis. Ab illa sanitate quam promittit, mouetur Infirmus ad amandam medicinam; ab illa amaritie, quam minatur, non mouetur Infirmus ad amandam, imo mouetur ad odio habendam medicinam. Sed

M 3

quia

quia amor sanitatis praeualet odio amaritici dicitur talis amor efficax : vt pote determinans ad haustum medicinæ; odium illud dicitur inefficax : vt pote non remouens efficaciter à predicto haustu.

Atque hic aduerte , quod quando dicimus non amari formaliter principium amaritici non est sensus medicinam non apparere nobis sub hoc conceptu : *res amara* : sed sensus est appetitum non allici ab amaritie ad prosequendum principium , quod est indiuisibiliter idem amaritiei , & sanitatis. Medicina enim dup̃s effectus causat in Infirmo, sanitatem videlicet, & sensationem molestam. A primo effectu mouetur appetitus: & hoc est amare medicinam vt sanam , seu amare formaliter principium sanitatis: à secundo non mouetur , & hoc est non amare medicinam vt amarā , seu non amare formaliter principium amaritiei. Moueri autem à sanitate , non moueri ab amaritie ad amorem principij , quod indiuisibiliter est ad utrunque, non inuoluit contradictoria.

ARTICVLVS III.

Satisfit alijs obiectionibus.

DISTINCTUM est animal à rationali, sanum ab amaro distingui ratione nostra. Hinc sic arguit Aduersarius. Sanum ab amaro in eadem medicina, animal à rationali in eodem homine, humanitas à Petreitate in Petro distinguntur ratione nostra : ergo distinguntur ante rationem nostram. Consequentia probatur, quia ante rationem nostrā
datur

datur in sano capacitas vt ratione distinguatur ab amaro : in animali capacitas, vt ratione distinguatur à ratiouali : in humanitate capacitas, vt distinguatur ratione à Petreitate : sed neque in amaro datur capacitas, vt ratione distinguatur ab amaro: nec in rationali capacitas, vt ratione distinguatur à rationali : nec in Petreitate capacitas, vt ratione distinguatur à Petreitate : ergo sano & amaro &c. conueniunt contradictoria, & quidem intrinseca.

Resp. conc. ant. negando cons. ad cuius probationem conc. mai. nego min. Illa eadem capacitas, quæ in est sano, vt ratione distinguatur ab amaro : inest amaro, vt ratione distinguatur ab amaro. Quod nihil aliud est nisi illud idem, quod & sanum est, & amarum fortiri diuersos sui conceptus. Sanum distinguitur ratione ab amaro : quia entitas illa sub hoc conceptu : *sanum* concipitur per ordinem ad sanitatem ; & illa eadem sub hoc conceptu : *amarum* concipitur per ordinem ad sensationem molestantem ; rursus illa eadem entitas repræsentata sub vno conceptu, attingente vtrumque obliquè, mouet per vnum, non autem per alterum : adeoque eandem entitatem, etiam sub eodem conceptu, mouere formaliter vt sanam, non vt amaram ; nihil aliud est, quam illam amari vno amore, non autem alio : amore qui sit sanitatis ; non autem sensationis molestæ : eandem autem entitatē & mouere ad amorem *A*, & terminare amorem *A* : neque mouere ad amorem *B* ; neque terminare amorem *B* non sunt contradictoria.

Hoc idem quod dixi de sano, & amaro

in eadem medicina; proportionaliter dices de animali, & rationali de humanitate, & Petreitate.

Dices: diuersæ cognitionis debet esse diuersum obiectum: animalis & rationalis est diuersa cognitio: ergo animal & rationale sunt diuersa obiecta.

Resp. negando maiorem: cum eiusdem obiecti dari possit diuersa representatio. Roga Aduersarium an hæc cognitio: *Homo* differat ex obiecto ab hac alia: *Animal rationale*. Negabit opinor: & tamen duæ istæ cognitiones sunt inter se diuersæ: nam illa propositio: *Homo est animal rationale*, non est identica: hoc est quamuis representet idē, tam ex parte subiecti, quam ex parte prædicati: non tamen representat eodem modo sicut representaret hæc alia: *Homo est homo*.

Facile est æquiocari inter obiectum terminatiuum, & obiectum motiuum. In casu supraposito tam de Petro viso à longe, quam de medicina amata vt sana est, non amata vt amara est: habes idem obiectum terminatiuum, non tamen idem obiectum motiuum. De medicina iam dictum est te moueri à sanitate, non autem à sensatione iniucunda, quam efficit. De Petro viso à longe aliud est, quod te mouet ad dicendum: *est animal* aliud quod te mouet ad dicendum: *est homo*, seu est *rationale*. Motus progressiuus, quem procul deprehendis, determinat te ad affirmandum: *est animal*: Moueri enim progressiue est proprium animalium, seu potius est quid commune homini ceterisque animantibus. Figura, quam in eodem tibi propius adnoto deprehendis determinat te

Disp. 2 quæst. 4. de unit. nat. uniu. 2.
ad dicendum : *est homo* : talis enim figura
foli homini conuenit : deinde dum tibi pro-
pior est, à lineamentis, & ijs quæ sunt sin-
gulariter in Petro determinatis ad dicen-
dum : *est Petrus* : Petro deinde dicis : *vidi*
te à longe : & verum dieis : ergo à longe nō
solum videbas animal, aut solum hominē,
sed Petrum ; quamuis non posses dicere : *est*
Petrus.

QVAESTIO IV.

De Unitate nature Vniuersalis.

ARTICVLVS I.

Reijcitur unitas Scotistica.

DISTINCTUM est supra, quod quemadmo-
dum vnum & idem fit quodammo-
do plura ; ita etiam plura sunt
quodammodo vnum : ita diximus Petrum,
Paulum, & Franciscum, cæteraque indiui-
dua naturæ humanæ ; quamuis sint plures ho-
mines esse tamen vnā speciem, seu vnum
quid specie : hominem, leonem, & equum
cæteraque huiusmodi : quamuis sint plura
animalia, esso tamen vnum genus, seu esse
quid vnum genere : rursus vniuersale, seu
natura vniuersalis, vt talis, multiplicitem
quandam dicit, & vnitatem : puta natura
humana, vt vniuersalis, dicit multiplicita-
tem hominum ; & eorundem hominum vni-
tatem quandam. Controuersia inter Phylo-
sophos est non de multiplicitate : hanc eni-

omnes admittunt intrinsecam, & ex parte obiecti in illa natura, quæ est vniuersalis: sed de vnitate, an videlicet illa sit intrinseca, an extrinseca eidem naturæ vniuersali. Definitur vero vniuersale: *unum aptum esse in pluribus*; vel: *unum aptum prædicari de pluribus*: in qua definitione per *ly unum* significatur vnitas, per *ly aptum esse in pluribus* significatur pluralitas, seu multiplicitas: vnde recte dicitur vniuersale esse vnum & multiplex; seu naturam illam, quæ vniuersalis est, esse simul vnâ & simul multiplicem.

Præterea: quæ diximus hætenus circa gradus genericos, & differentiales eiusdem indiuidui negantes omnem distinctionem intrinsecam; proportionaliter intelligenda sunt cum de gradibus specificis, & indiuiduantibus; tum de quibuscunque rationibus inter se realiter identificatis. Dicitur gradus specificus ratio illa, quæ ex genere & differentia constat: indiuidualis autem, qua ratio specifica ad hoc numero indiuiduum contrahitur: puta in Petro ratio specifica est ratio hominis; ratio indiuiduans, seu indiuidualis est ratio Petri, seu Petreitas: vnde rationes indiuiduales passim vocantur hæc ceteræ, quia; per illas natura specifica contrahitur ad hoc, & illud indiuiduum intra eandem speciem: sicut v. g. natura generica per rationem differentialem contrahitur ad hanc, & illam speciem; puta ratio animalis per rationale ad hominem, per irrationale ad brutum.

Est autem quorundam Scotistarum sententia naturam, quæ vniuersalis est, seu quæ
est

est vna species: puta naturam humanam: multiplicari quidem numerice in Petro, Paulo, & alijs indiuiduis per suas hæccitates in singulis; hoc est per rationes, per quas in singulis dicitur hæc, & non illa; at vero cum tota hæc multiplicitate indiuiduorum habere vnitatem in ratione naturæ humanæ, perquam independenter ab omni actu intellectus sit vna natura in infinitis indiuiduis. Hanc sententiam tueri conantur beneficio distinctionis formalis ex natura rei, quam inter gradus metaphysicos excogitarunt: putant enim non solum differentialem à generico; sed indiuidualem à specifico in vno eodemque indiuiduo distingui intrinsece modo superius explicato; ita vt aliud sit formaliter ex natura rei in Petro id, per quod Petrus est; aliud id, per quod homo est. In illa ratione per quam homo est habet, aiunt, vnitatem cum Paulo, cæterisque indiuiduis: per illam rationem, qua Petrus est, distinguitur à Paulo, & alijs eiusdem speciei indiuiduis. Quod dicunt de vnitatem specifica indiuiduorum eiusdem speciei; dicunt de vnitatem generica specierum, quæ sunt intra idem genus: puta sicut Petrus, & Paulus, quamuis diuersi numero, sunt vnum specie; ita homo & equus, quamuis diuersi specie, sunt tamen vnum genere.

Impugnatur hæc sententia primo ex dictis. Ostensum est enim distinctionem huiusmodi non dari inter gradus metaphysicos: ergo fundamentum prædictæ vnitatis est nullum. Quod autem ibi diximus de ratione generica comparative ad differentialem; dic pro portionaliter de ratione speci-

fica comparatione ad individualem. Eamdem enim saltem identitatem habet Petreitas cum ratione hominis in Petro, quam habet rationale cum animali in homine.

Impugnatur secundò. Quia animal, quod est in homine, nequit habere unitatem cum animali, quod est in bruto: etiam si utrunque accipias secundum quod distinguitur formaliter ex natura rei; hoc ab irrationali, illud à rationali: ergo unitas illa generica non datur. Antecedens probatur, quia hoc, & illud animal secundum se sunt inter se dissimilia: animal enim, quod est in homine, est essentialiter inseparabile à rationali; & animal, quod est in bruto, est essentialiter separatum à rationali. Vnum essentialiter petit rationale, alterum essentialiter repugnat rationali, ex quibus habes, quod etiam data Scotistis sua distinctione formali ex natura rei; non illico dandum esset illis fuit uniuersale. Hoc quod dicimus de ratione generica respectu differentiali; dic de ratione specifica respectu individuali: quemadmodum enim animal, quod est in homine, secundum se consideratum petit essentialiter rationale, cum quo constituat hominem: ita homo, qui est in Petro, petit essentialiter Petreitatem, cum qua constituat Petrum.

Imò doctrina Scotistica; si bene inspiciamus; demit ab animali rationem generis: nam si homo & equus non conueniunt in animalibus, prout distincto formaliter ex natura rei à suis differentiis; videlicet à rationali, & irrationali; homo & equus non conueniunt in genere animalis: ideoque animal non est genus respectu utriusque; sed homo & equus non con-

sen-

sentiunt in animali prout distincto, &c. ergo animal respectu vtriusque non habet rationem generis. Minor probatur ex dictis, quia hoc & illud animal, prout distincta à differentijs contrahentibus sunt inter se dissimilia: cum vnum essentialiter pugnet cum differentia, quæ ab altero essentialiter, & indispensabiliter exigitur. Hoc idem de ratione hominis, quæ est in Petro, & ratione hominis quæ est in Paulo portionaliter dices: hæc etiam pugnat cum Petreitate, illa cum Pauleitate.

Impugnatur tertio. Quia natura humana non plurificatur præcise per hoc, quod identificetur realiter cum pluribus realiter inter se distinctis: sed ad hoc vt sit vniuersalis debet plurificari: ergo si sit in se hoc vni, per hoc præcise, quod identificetur cum pluribus realiter distinctis, non sit vniuersalis. Maior probatur, quia si ad plurificationem seu pluralitatem sufficeret identificari cum pluribus realiter distinctis inter se: natura diuina plurificaretur: identificatur enim cum tribus Personis, realiter inter se distinctis. Vbi obiter nota, quod aliud est naturam esse communem, aliud esse vniuersalem. Natura diuina est communis quia & Pater est Deus, & Filius est Deus, & Spiritus Sanctus est Deus: non est vniuersalis, quia Pater, & Filius, & Spiritus Sanctus non sunt vnus, & alius, & alius Deus, sed vnus Deus. Natura humana est communis, & vniuersalis, quia: & Petrus est homo, & Paulus est homo: & sic de cæteris. & præterea Petrus, & Paulus non sunt vnus, sed alius, & alius homo. Recte dixeris: *Pater est ille idem Deus, qui est Filius;*

Filius, non recte: Petrus est ille idem homo qui est Paulus.

Iam vero minor primi syllogismi probatur ad hominem contra Scotistas: Nam ideo natura diuina non est vniuersalis, quamuis communis sit pluribus, quia in illis pluribus non plurificatur, sed hæc eadem ratio militat pro natura humana in sententia Scotistice: ergo neque natura humana erit vniuersalis. Minor probata est, quia identificari cum pluribus realiter distinctis non sufficit ad pluralitatem.

Denique impugnatur prædicta sententia, quia talis vnitas, siue generica, siue specifica, non datur ex parte obiecti, & independentem ab operatione intellectus. Nam Petrus & Paulus distinguuntur realiter, & sunt realiter duo: ergo natura humana, quæ est in Petro, & natura humana quæ est in Paulo, distinguuntur realiter & sunt realiter duæ; consequentia probatur, quia natura humana, quæ est in Petro, est realiter & omnimode intrinsece Petrus: & natura humana, quæ est in Paulo, est realiter & omnimode intrinsece Paulus: sed Petrus & Paulus distinguuntur realiter, & sunt realiter duo: ergo natura humana quæ est in Petro, & natura humana, quæ est in Paulo, distinguuntur realiter, & sunt realiter duæ. Minor probata est, ubi ostensum est inter gradus metaphysicos; genericum & differentialem, specificum & individualement non dari ullam distinctionem intrinsecam.

ARTICVLVS II.

Propenitur sententia Fonsæ & reijcitur.

Riectum est superiori articulo vniuersale Scotisticum, non tamen vniuersaliter admissum à Scotistis: sunt enim non pauci Scotistæ in sententia, quam satis fusc, vtinam æque clare, exponit Fonsæ 5. metaph. cap. 23. quæst. 3. Habet autem hoc ex suo modo dicendi Fonsæ, vt non sit vna omnium circa ipsius sententiam sententia. Hanc sic intelligunt nonnulli, quasi ille naturis, quæ denominantur vniuersales, in statu possibilitatis veram unitatem attribuerit, cum aptitudine essendi in pluribus; quam unitatem cum multiplicitate coniunctam amittant in statu existentiae. Iuxta hanc interpretationem natura humana in statu possibilitatis, hoc est priusquam existat in individuo, est vniuersalis: quando autem existit, eo ipso singularizatur, amittitque prædictam aptitudinem; cum ille homo, qui per identitatem est in Petro, nequeat esse in Paulo, aut in quolibet alio individuo.

Sicut autem natura humana, quæ est ratio specifica, apta est esse in pluribus solo numero differentibus, puta Socrate, Alexandro, Philippo, &c. ita etiam ratio generica, v.g. animal, priusquam existat, aptum est esse in pluribus specie differentibus; puta in homine, equo, leone, &c. quam aptitudinem amittit eo ipso quod à statu possibilitatis transeat ad statum existentiae.

Hæc sententia sic proposita sic impugnatur.

rum. Vel illa natura est extra singularia, vel in singularibus: si extra singularia, coincidit magna ex parte cum ideis Platoniceis, quas reiciemus inferius: si in singularibus; iam est contracta per singularitates: ergo nullo modo sustineri potest talis natura vniuersalis.

Dices talem naturam vix potest pure possibilem, non esse neque in singularibus neque extra.

sed contra est, quia natura eo modo est possibilis, quo poni potest actu: sed nequit poni actu nisi in indiuiduis: ergo non est possibilis nisi in indiuiduis: sed in indiuiduis non habet prædictam vniuersalitatem: ergo nec possibilis. Maior videtur euidens, nam illud solum vocatur possibile, quod poni potest actu; & eo modo possibile est, quo poni potest actu. Minor autem probatur, quia impossibile est poni naturam humanam, quin ponatur aliquod indiuiduum; imo ponere naturam humanam est formaliter ponere à parte rei aliquod indiuiduum humanum.

Porro illa eadem dicebatur possibilis, quæ postea dicitur existens: si enim numquam fieri potuit vt existeret, numquam fuit possibilis; & si numquam fuit possibile vt hoc modo existeret, numquam fuit hoc modo possibilis. Breuiter: sicut natura existens contrahitur & multiplicatur per singularitates existentes; ita natura possibilis contrahitur, & multiplicatur per singularitates posibles.

Dices: pro priori ad existentiam animal est indifferens, vt contrahatur ad hominem, vel ad brutum: ergo est aptum esse & in homine,

mine, & in bruto. Antecedens probatur, quia Deus creaturus animal est indifferens ad creandum illud vel rationale, vel irrationale: sicut & creaturus hominem est indifferens ad creandum vel Petrum, vel Paulum. Siue enim creet hominem, siue brutum; creat animal: siue Petrū siue Paulū creat hominem.

Antequam huic obiectioni satisfacias proponenda est Fonseca sententia ut ab alijs explicatur. Existimauit, aiunt, Fonseca naturam in statu præcisionis habere indifferentiā ad hoc, & ad illud extremum; indifferentiam vero non positiuam, quæ consistit in positua expectentia huius, vel illius extremi; sed negatiuam, quæ consistit in negatione determinationis ad hoc, aut ad illud extremum.

Hæc sententia hoc modo explicata impugnatur: quia uel sermo est de natura præcisa à parte rei, hoc est existente à parte rei cū negatione determinationis ad hoc, uel ad illud extremum: & huiusmodi natura non datur: omnis enim natura existens est determinate hoc, uel illud. Omne animal realiter existens est determinate homo, uel determinate brutum. Uel sermo est de natura per intellectum præcisa; & huiusmodi præcisio mentalis seu rationis, hoc est talis cognitio obiecti, ut non sit adæquata representatio ipsius, non est sufficiens ad hoc, ut talis natura dicatur secundum se, & intrinsece uniuersalis: cum talis cognitio sit forma pure extrinseca rei denominatæ. Hoc posito.

Resp. ad obiectionem: dist. ant. Animal est indifferens indifferentia cadente supra idem realiter animal: nego ant. indifferentia alterius

alterius rationis: omitto ant. & distinguo
 conf. aptum est esse in homine & in bruto;
 aptitudine cadente supra idem animal; nego;
 aptitudine alterius rationis: omitto conse-
 quentiam. Idem dic de homine, seu de ra-
 tione hominis comparatiue ad Petrum, &
 ad Paulum. Pro priori ad existentiam ani-
 mal, quod est homo, non fuit aptum esse non
 homo: sed illud idem, quod in statu existen-
 tiæ est homo, & determinate homo existens;
 in statu possibilitatis fuit homo, & determi-
 nate homo possibilis. Ad reliqua patet ex
 dictis. Deus est indifferens contrahere ani-
 mal ad hominem, vel ad brutum; non indif-
 ferentia cadente supra animal, quod idem
 sit æque contrahibile ad vnā rationem, ac
 ad aliam: sed indifferentia quadam Logica
 in animali ad hanc, vel ad illam speciem,
 quatenus ab hac, & illa specie abstrahitur
 ratio animalis: cum animal tam de hac, quā
 de illa specie sit prædicabile.

ARTICVLVS III.

Reiicitur sententia Nominalium.

Nominales, si nude intelligendi sunt vt
 sonant, aiunt naturas vniuersales non
 dari, reperi autem vniuersale solum in vo-
 cibus, & conceptibus, quæ sunt vniuersalia
 quædam in significando, seu repræsentando.
 v. g. res significata per hanc vocem, & hunc
 conceptum: *homo*, non est vniuersalis; sed
 & hæc vox, & hic ipse conceptus vniuersalis
 est: nam & hæc vox significat, & hic conce-
 ptus repræsentat omnes omnino homines.

Hæc

Hæc sententia facile rejicitur, non circa id, quod dicit asserens voces, & conceptus habere vniuersalitatē in representando, quod verum est, sed circa id, quo negat præterea res ipsas denominari, & esse vniuersales. Rejicitur autem sit. Scientiæ versantur circa vniuersalia; non versantur circa voces & cōceptus: ergo denominatio vniuersalium cadit supra res, non verò supra voces, atque conceptus. Animastica vbi dicit: *Homo est animal rationale*, non definit hanc vocem: *Homo*, sed rem significatam per ipsam: non definit hunc conceptum: *Homo*; sed rem repræsentatam per ipsum. Item cum demonstrat à rationali necessario profluere, vt primam passionem *Risibile*; non demonstrat risibile, aut hanc vocem: *Risibile*; esse passionem necessario necessitate metaphysica profluentem ab hac voce: *Rationale*. Idem dic de conceptibus, quod dicimus de vocibus. Est enim vanum dicere, quòd scientiæ conceptuum dumtaxat passiones, & proprietates considerent, puta quod quando Animastica demonstrat primam passionis rationalis esse risibile, demonstrare intendat hunc conceptum: *Risibile*, esse primam passionem huius alterius, *Rationale*.

Dicendum est igitur præter vniuersalitatem illam, quam in vocibus, & conceptibus reperimus, aliam inquirendam esse vniuersalitatem, per quam res ipsæ vniuersales dicantur. *Rerum enim* (ait Philosophus 1: Perih. cap. 5. *aliæ sunt vniuersales, aliæ singulares*. Et 7. metaph. tex. 45. sic habet: *Dico autem vniuersale, quod plu-*

pluribus natura aptum est inesse. Et eodem libro Periher. eodem cap. Dico autem vniuersale, quod in pluribus prædicari natum est, singulare verò quod non: ut homo quidem vniuersalium est; Callias verò eorum, quæ sunt singularia. Vbi Philosophus non solum definit, sed etiam exemplificat vniuersale per ly homo. Natura enim humana, quæ per ly homo significatur, apta est esse in multis, & prædicari de multis. Homo enim per identitatem prædicatur de Callia, de Socrate. & infinitis alijs.

Hoc vniuersale ante Aristotelem inquisit Plato: huius sententiam in alienum sensum detortam esse ab eodem Aristotele dicunt nonnulli, ut eam plausibilius impugnet, appareretq; discipulus supra magistrum. Illam, ut à Philosopho refertur, hic etiam rescriamus, & impugnamus.

ARTICVLVS IV.

Sententia Platonis refertur, & refellitur.

Diuinus Plato circa vniuersale, si Aristoteli credimus, non rectè diuinatur. Nam ut Philosophus refert passim in metaphysicis, sed præcipuè libro primo cap. vltimo, & lib. 1. cap. 8. ponit formas quasdam, siue ideas separatas à singularibus, quas videmus, & tangimus; quibus ideis, seu formis tota speciei denominatio conueniat, v. g. præter Calliam, Socratem, Alexandrum, & alia naturæ humanæ indiuidua posuit ideam quandam, siue formam, cui ratio, & denominatio hominis conueniret, esset-

essetq; homo vt sic : non autem Callias, aut Socrates. Idem dic de leone, de equo, alijsq; quibuslibet huiusmodi. Formas, siue ideas huiusmodi putauit immobiles, & sempiternas.

Hanc opinionem fundauit Plato principio satis communi inter antiquos : dicebant enim : *Res eo modo sunt in cognoscente, quo sunt in seipsis.* Huic principio subnectebat Plato : sed in cognoscente sunt immobiliter, & concludebat : ergo in seipsis sunt immobiliter : Minorem probabat, quia scientiæ de rebus sunt certæ, & infallibiles; ideoq; quod per scientiam cognoscimus, immobiliter cognoscimus : rursus omne immobile est sempiternum, si enim aliquando non fuit, & nunc est; transit à non esse ad esse, adeoq; motum est: quod autem motum est, mobile est.

At singularia hæc, quæ videmus, & tangimus, puta Callias, Socrates, Alexander, & alia naturæ humanæ indiuidua, sunt in seipsis mobilia, & aliquando sunt, aliquando non sunt: necesse est igitur vt non ipsa, sed aliqua alia obiecta à scientijs attingantur. Ea autem obiecta æterna, & immobilia sunt, ait Plato, eorum singulare, quæ videmus, quæque aliquando sunt, & aliquando non sunt, vniuersales idæ, & formæ.

Prædictæ formæ vocantur idæ, quia sunt exemplaria quædam, ad quæ hæc singularia conformantur. Quæadmodum enim Architectus ante quam palatium extruat, eiusdem palatij formam, siue ideam sibi proponit. Ita etiam in operibus Naturæ, debet ad generationem istorum singularium præsupponi

idea quædam, à qua hæc aliquo modo deriuentur. Puta Bucephalo, equus vt sic, qui sit forma omnium equorum. Alexandro homo vt sic, qui sit forma omnium hominum. Dari omnium creandorum ideam in mente diuina indubitatum est, & in hoc sensu posuisse ideas Platonem existimant, qui fauent Platoni. Si autem ideæ Platonice accipiantur, vt referuntur à Philosopho, totam Platonis machinam, quantum ad Logicos pertinet, vnico argumento diruit D. Thomas opusc. 55. de Vniuers. tract. 1. Vniuersale; quod intendimus, prædicatur de omnibus inferioribus, quorum vnumquodq; est ipsum: tale autem vniuersale, quod Plato ponebat separatim, non prædicatur de suis indiuiduis, nec aliquod istorum est ipsum, ergo, aut non est ponere vniuersale, aut non est sic ponere separatim, sicut Plato ponebat. Maior est certa, & continet ipsammet definitionem vniuersalis. Minor autem probatur, quia vniuersale Platonium prædicari nequit per identitatem de vilo ex his inferioribus: nullus enim ex his hominibus, quos videmus, est homo, quem dixit Plato esse ideam omnium hominum: imò cuilibet homini conuenit esse mortalem, corruptibilem, & temporalem; cum homini, quem pro idea ponit Plato, conueniat immortalitas, incorruptibilitas, æternitas. Hoc inquam D. Thomæ argumentum sufficeret. Quia tamen iuuat intelligere, an rectè vterentur tam Plato, quàm alij veteres principio supra posito, ideò placet examinare hic fundamentum prædictarum idearum.

Sciendum est igitur, quod illud idem principium, quod assumptum vidimus à Plarone, ab alijs etiam ex antiquioribus assumebatur vt verum: *Res sunt in cognoscente, sicut sunt in seipsis*: subsumeabant alijs: res in seipsis sunt mobiliter, & fluxè, ergo in cognoscente sunt mobiliter, & fluxè, Minorem probabant ostendendo, quod singularia aliquando sunt, aliquando non sunt: Callias enim, & Socrates oriuntur, & occidunt, & sic de alijs: cum igitur ad rationem scientiæ requiratur, quod sit cognitio certa, infallibilis, immobilis, non potens aliter, & aliter se habere: aiebant de rebus non dari scientiam; sed circa ipsas haberi cognitiones duntaxat fluxas, & fallibiles.

Obserua autem hic duo peccata tam Platonis, quàm veterum. Primum est hoc ipsum principium: *Res sunt in cognoscente sicut sunt in seipsis*: cum potius ea, quæ cognoscuntur; in cognoscente sint per modum ipsius cognoscentis: iuxta illud: *Quidquid recipitur, per modum recipientis recipitur*. Frigidum, & calidum, infirmum, & sanum non sunt simul in eadem re, sunt tamen simul in eodem intellectu, cum nihil prohibeat te de calido simul, & frigido, de sano, & infirmo cogitare.

Repræsentationem obiectorum esse non secundum naturam ipsorum, sed secundum modum potentiæ, cui repræsentantur, manifestum est inductione per omnes potentias. Immaterialia, vt representantes materiali potentiæ necesse est, vt ea per enigmata materializes. Puta vt potentiæ visuæ represen-

tes Angelum, debes uti enigmatè pueri alari, nec aliam speciem. Angeli potest habere oculus, quam per enigmata huiusmodi corporum coloratortum: si ab oculo transeas ad imaginationem, ipsa etiam imaginatio elatum puerum sibi ingeret; alis, & tota corporea mole cariturum, statim; ac ab imaginatione transitum fecerit ad potentiam intellectivam: quæ cum spiritalis sit, non indiget huiusmodi coloribus, ut sibi Angelum repræsentet: inò corporea ipsa, dum intelligit, immaterializat, non negando in ipsis materiam, quod esset errare, sed abstrahendo à circumstantiis materializantibus, in quo non est ullus error: iuxta illud: *Abstrahentium non est mendacium.*

Secundum peccatum Platonis, & veterum est, quòd respicientes ad mobilitatem, qua hæc singularia aliquando sunt, aliquando non sunt; non respexerunt ad immobilitatem, qua hæc etiam singularia semper, & immobiliter sunt id, quod sunt. Quamvis enim Socrates aliquando sit, & aliquando non sit; non tamen Socrates aliquando est homo, & aliquando non homo: sicut v. g. aliquando sanus, & aliquando non sanus, sed semper, & immobiliter Socrates est homo.

ARTICVLVS V.

Impugnatur Plato.

I Deas tuas (ait Plato) esse principia essendi illorum sensibilem. Hoc ita intelligi potest, ut verum sit: certum est enim omni-

omnium non solum sensibilem, sed etiam insensibilem, quæ sunt, præexistere ideam in mente diuina: iuxta illud: *Quod factum est, in ipso vita erat*: nihil enim fit, nisi mente diuina, à qua omnia sunt, præconceptum. In hoc igitur sensu non impugnamus Platonem, sed in eo, in quo accipi solet. Impugnamus autem sic. Ignis vt sic non est, neque principium formale, neque causa efficiens, neque exemplaris ignium, qui sunt, & accenduntur apud nos, ergo prædictæ idee non sunt principia essendi istorum sensibilium. Quod enim dico de igne, vt sic, respectu ignis *A*, ignis *B*, & aliorum; hoc idem dicendum de quolibet vniuersali Platonico respectu aliorum sensibilium, seu singularium. Antec. probatur per partes.

Et primo, quod idea illa, quam vocat ignem vt sic, non sit principium formale ignis nostratis probatur, quia illa idea est quid separatam ab igne nostrate, sed implicat principium formale esse quid separatum à re, cuius est principium formale; ergo implicat ignem illum idealem esse principium formale ignis nostratis. Maior est Platonica: minor probatur, quia iuxta eundem Platonem principium formale ignis nostratis, est quidditas ignis nostratis: implicat autem quidditatem separari à re, cuius est quidditas.

Dices esse principium formale, non intrinsicum, sed extrinsecum: hoc autem esse separabile à re, cuius est principium.

Resp. formam extrinsecam, seu exemplarem rei, quæ sit, esse extrinsecam rei, quæ sit: ideam autem Platonis non esse cau-

sam exemplarem istorum sensibilium probabitur inferiùs: vbi insuper ostendetur, quod etiam si admittatur huiusmodi causa exemplaris, non facit ad rem; ceterum non esse quidditatem rei, quæ sit satis probatum est.

Probatur iam, quod neque sit causa efficiens, quia lucerna Platonis non accenditur, nisi ad moto aliquo igne singulari, qui alium singularem ignem producat: & per totam æternitatem versaretur Plato in obscuro, si nullo alio igne, quam illo ideali lucernam accenderet: ergo absurdum est recurrere ad ignem vt sic, vt ad causam efficientem ignis, qui apud nos accenditur; quis enim non videt in igne *A*, virtutem producendi ignem *B*, & quis vnquam vidit candelam nullo admoto singulari igne accendi? Verum quidem est, quod etiam præter causas, quas hic videmus, alia altior causa concurrat ad effectus, qui fiunt: concursus enim causæ primæ, & vniuersalis, requiritur ad productionem cuiuscumq; effectus: sed huiusmodi causa non convenit cum ideis Platoniciis, vt intelliguntur hic à nobis.

Denique probatur, quod prædicta idea neque sit causa exemplaris: quia, etiam ex confessione Platonis, multa fiunt sine præcedenti idea, ad cuius imitationem fiant, putà domus, & angulus ab artifice fiunt, absq; eo quod prius ideam domus, vel anguli ipse contruxerit: ergo ad hoc, vt fiant hæc sensibilia, non prærequiruntur tales ideæ: ergo falsum est, quod asserit Plato, dari necessitatem metaphysicam prædictarum idearum, vt hæc sensibilia fiant. Probatur prima

ma consequ. quia Natura non se habet imperfectius ad opera Naturæ, quam artifex ad opera artis: sed artifex facit opera artis sine præexistente idea, ergo Natura faciet opera Naturæ sine præexistente idea. Antecedens primi entinematis, & minor vltimi syllogismi simul explicantur, & sui explanatione probantur. Quamuis Artifex domum facturus, vel angulum, aliquando ideam domus; vel anguli faciendi sibi construat ex creta, vel carta; tamen aliquando etiam sine tali idea domum ipsam ædificat, & angulum facit, & consequenter artefacta non prærequirunt necessario ideam sui, distinctam ab ea, quæ est in mente Artificis.

Confirmatur hoc, quia illa ipsa idea cretacea, vel cartacea est aliquod artefactum; hæc autem non prærequirit ante se aliam ideam extra Artificem: ergo artefacta non necessario præhabent ideam sui extra Artificem. Dixi: *Extra Artificem*, quia certum est Artificem præconcipere in mente, adeoque ideare in seipso rem, quam est facturus. Ex hoc autem quod Artifex sine præexistente idea extrâ se facere possit hoc, & illud opus, legitimè inferes Authorem Naturæ, ex quo omnia, & per quem omnia, nulla præexistente extrâ se, idea, posse quodlibet operari.

Imò etiam si dares Artificem creatum nullum opus edere posse, nisi præexistente aliqua idea extra se; non propterea idem de opifice increato dicendum foret: nam in opifice creato per ideam extrinsecam subuenitur infirmitati opificis, vt experientia

constat; cum implicet subueniri infirmitati omnipotentis opificis, qualis est opifex increatus.

Iam verò, quod nec agentia naturalia respiciant ad ideam, ut producant hæc singularia, manifestum est. Quis enim dixerit ignem *B*, ut producat ignem *B*, respicere ad ideam omnium ignium, & ad imitationem talis ideæ producere ignem *A*? cum certum sit, quod respicere ad ideam est proprium eorum agentium, qui secundum intellectum agunt: unde (ut ait Philos.) agentia naturalia secundum formam naturalem agunt, hoc est imitantur se ipsa in effectu: agentia autem intellectualia secundum formam intelligibilem, imitanturq; non se ipsa, sed formam, quam animo præconceperunt. Architectus domum ædificans non facit in opere quid simile sibi, putà alium Architectum: ignis ignem produciens facit quid simile sibi, alium ignem.

Dicit præterea Plato prædictas ideas esse principia cognoscendi; quod intelligi multipliciter potest: primò, itaut terminentur ad ipsas cognitiones nostræ: secundo, ut sint motiva cognitionum nostrarum; tertio, ut per impressionem talium idearum fiat intellectus noster rerum omnium intelligens. In nullo ex illis sensibus admittendæ sunt ideæ Platonioæ; ergo falsum est ideas Platonicas esse principia cognoscendi. Minor probatur per partes, incipiendo ab ultima. Si scientia nobis inest per impressionem idearum, ut indicat Plato, sicut v. g. per impressionem huius, vel illius sigilli inest ceræ representatio huius, vel illius figuræ,
seque-

sequeretur, quod etiam qui carent aliquo sensu possent habere scientiam circa obiectum talis sensus: puta, qui cæcus est à natiuitate, & si vis, etiam surdus, posset habere scientiam tum de coloribus, tum de sono, hoc autem esse falsum experientia constat; igitur & falsum est id, vnde hoc sequitur. Quod si respondeat Plato de coloribus alijsue sensuum obiectis non posse dari scientiam, quia de huiusmodi rebus non dantur idee, contra est, quia stultum est negare nos habere scientiam de ijs rebus, circa quas experimur nos habere cognitiones verè, & propriè demonstratiuas: experimur autem nos habere cognitiones huiusmodi circa colores, sonos, aliaq; obiecta sensuum; ergo stultum est negare, nos habere scientiam circa obiecta huiusmodi. Ex alio capite fatetur Plato circa obiecta huiusmodi non dari ideas; ergo scientiæ dantur independenter ab ideis.

Iam verò quod non sint obiecta motiua in cognitione istorum sensibilium, manifestum est; nam potius inuisibilia per visibilia cognoscimus, quam visibilia per inuisibilia. Vnde dicit Apostolus, quòd *Inuisibilia Dei per ea, quæ facta sunt, intellecta conspiciuntur*: absurdum est igitur dicere, quod per conspectionem idearum, quas non conspiciamus, deueniamus in cognitionem singularem, quæ conspiciamus.

Probatur denique, quod neque sint obiectum terminatiuum, quia cognitio terminata ad prædictas ideas repræsentat aliquid distinctum, & separatum realiter ab istis singularibus: implicat autem cognitionem,

quæ terminatur ad aliquid, separatum à singularibus, esse per hoc formaliter repræsentationem istorum singularium: ergo non sunt principia cognoscendi istorum singularium per hoc, quod cognitiones terminentur ad ipsas.

Replicabit Plato, suas ideas esse principia cognoscendi hæc sensibilia per hoc, quod sint substantia horum sensibilibum, sed contra est: nam hæc sensibilia sunt, etiam iuxta Platonem, mobilia, caduca, & fluxa; igitur substantia istorum sensibilibum est aliquid mobile, caducum, & fluxum: hæc enim sensibilia nihil aliud sunt, quam sua substantia, repugnat igitur prædictas ideas, quæ sunt quid immobile, æternum, & fixum, esse substantiam istorum sensibilibum.

Hinc etiam aliud argumentum duces contra Platonem, quia de ijs obiectis, quæ Deus tradidit disputationi nostræ, ut occuparemur in eis, demonstramus, quod quamvis sint secundum connexionem prædicatorum immobilia, & æterna, sunt tamen secundum existentiam contingentia, hoc est indifferentia ad esse, & non esse: sed hoc demonstrari nequit de ideis Platonicis; ergo scientiæ non versantur circa ideas huiusmodi. Essent alia quæ contra Platonem congeri possent: sed quis tamdiu contra mortuum pugnet?

ARTICVLVS VI.

Satisfit obiectionibus.

Obbijcies primò. Quilibet homo singularis, puta Socrates, aut Alexander

der, est homo per participationem, ergo debet dari homo, qui non sit hic, vel ille homo, sed simpliciter, & sine addito *Homo*, cuius participatione hic, & ille homo sit homo. Conseq. probatur ex doctrina Augustini. Nam quia quodlibet bonum creatum, & temporale est hoc, & illud bonum, dari debet aliquod bonum, quod non sit hoc, neque illud, sed simpliciter, & summè bonum, per cuius participationem hoc, & illud bonum sit bonum, ergo debet dari aliquid, quod sit simpliciter, & summè homo, per cuius participationem hic, & ille homo sit homo. Quemadmodum autem bonum simpliciter, & summè est idea omnis boni; ita homo simpliciter, & summè est idea omnis hominis participati.

Resp. primò, quod hic, & ille homo est homo simpliciter, & sine addito: & vera est hæc propositio: *Plato est homo*, nec illam negabit, nisi qui non sit homo. Resp. secundo neg. antec. Quælibet creatura est id, quod est per participationem, sed non per participationem cuiuslibet, sustentis eandem denominationem, ac ipsa. Et homo est id quod est, & equus est id quod est, & Angelus est id quod est per participationem illius entis, quod eminenter est, & homo, & equus, & Angelus, hoc est quod tantæ perfectionis est, ut in sua creatrice rerum omnium omnipotentia, & hominis, & equi, & Angeli, & cuiuscumq; alterius rei creabilis perfectionem contineat.

Igitur ex doctrina Augustini rectè inferes, nullum hominem singularem esse participationem hominis, ut sic: quandoquidem

illud summè, & simpliciter bonum, per cuius participationem quidlibet, est id quod est, est sufficientissima causa rerum omnium, de cuius plenitudine sumus, quod sumus. Imò ille ipse Homo Platonicus, si quid esset, esset ab illo summo bono, ex quo omnia, & per quod omnia. Aduerte autem ineptam comparationem inter hoc, & illud bonum, respectiue ad summum bonum; & hunc, & illum hominem, respectiue ad summum hominem: quasi verò ratio hominis susciperet magis, & minus, sicut ratio boni: & sicut argue contra Platonicos, Hoc & illud bonum sunt maius, vel minus bonum, prout magis, vel minus participant de bono, quod est summe bonum; ergo hic, & ille homo erit magis, vel minus homo, prout magis, vel minus participat de eo homine, qui est summè homo. Hoc autem ex terminis est ridiculum, ut patet.

Obijc. secundò. Si non dantur vniuersalia Platonica, sequitur scientias esse de singularibus, consequens est contra Philosoph. ergo & antecedens. Probatur sequela maioris, quia si scientiæ non terminantur ad ideas Platonicas, terminantur ad hæc sensibilia: sed hæc sensibilia sunt singularia, ergo terminantur ad singularia, ergo scientiæ sunt de singularibus.

Resp. neg. sequelam mai. & dico scientias terminari onn ad vniuersale Platonicum, sed ad vniuersale Aristotelicum, quod quale sit explicabitur infrà. Ad probationem dic terminari ad singularia, sed non singulariter, cum ipsæ scientiæ vniuersalizent: dicuntur autem vniuersalizare, quia demon-

monstrant non passionem unius, aut alterius ex singularibus, sed omnium contentorum sub ratione communi, ut alibi indicatum est.

Obijc. tertio. Potentia materialis nequit percipere immaterialia, ergo nec immaterialis materialia. Anteced. est certum: nec enim vel manu Angelum tanges, vel oculo aspicias. Conseq. probatur, quia sicut se habet potentia materialis ad immaterialia, ita immaterialis ad materialia, ergo, &c.

Resp. conc: antec. neg. conseq. ad probationem, vel neg. ant. quoad punctum præsens, vel distingue: sicut se habet potentia materialis ad immaterialia, ita &c. proportionem entitativam omitto; proportionem potentiae ad obiectum nego antec. & conseq. Sicut potentia materialis, & obiectum immateriale sunt duae entitates, quarum altera est materialis, & altera immaterialis; ita potentia immaterialis, & obiectum materiale sunt duae entitates, altera immaterialis, & altera materialis: non tamen ex eo, quod materialis non se extendit ad immaterialia, legitime inferes, quod nec immaterialis ad materialia; ex eo enim, quod potentia infimi ordinis non attingat obiectum ordinis supremi, malè inferes, quod neque potentia supremi ordinis attingat obiectum infimi. Nam summum in sua perfectione continet eminenter perfectionem infimi, secus infimum summi.

ARTICVLVS VII.

Reijcitur vniuersale Thomisticum.

VNitatem intrinsecam naturis, quæ vniuersales dicuntur, non inuenientes Thomistæ, aliam quandam excogitauerunt, per quam suum vniuersale constituerent. Aiunt autem intellectum humanum facere vniuersale formaliter per hoc, quod in naturis realiter multis fingat vnitatem, puta intellectus fingendo, quod omnia animalia sint vnum animal, facit animal vniuersale, & genus respectu hominis, & bruti: fingendo omnes homines esse vnum hominem facit hominem vniuersalem, & speciem respectu Petri, Pauli, Francisci, aliorumq; indiuiduorum.

Fundatur hæc sententia in hoc, quod re ipsa non datur à parte rei aliquid, præter singularia, & tamen præter singularia requiritur aliquid aliud ad vniuersale: singularia enim sunt ipsamet multiplicitas: præter quam requiritur vnitatis; hæc autem nequit esse intrinseca, quia per intrinsecam multiplicitem excluditur: ergo necessè est, vt vnitatis multiplicitati superueniat ab intellectu. Præterea vnitatis cognitionis est insufficiens ad hoc, vt dicatur vnum obiectum re ipsa multiplex: nam vna, & indiuisibilis cognitio multa, quandoq; vt multa repræsentat; huiusmodi est ista: *Mille homines*, per quam non est dubium plures homines, formaliter vt plures attingi. Hinc inferunt vnitatem illam, per quam obiectum
in

in se multiplex euadit formaliter vnum, fingi ab intellectu sibi illam, repræsentante in rebus, quæ quamuis plures, sunt tamen adeo similes, vt præbeant intellectui fundamentum fingendi vnitatem.

Hæc sententia in quantum à rebus inter se similibus reijcit vnitatem intrinsecam, vera est; in quantum appingit vnitatem fictam rebus inter se similibus, recedit à vero. Prima pars huius nostræ decisionis probatur ex dictis, tum superiori art. tum alibi, ex quibus apparet ea, quæ sunt realiter inter se distincta, non habere vllam intrinsecam identitatem; sicut ea, quæ sunt realiter idem, non habent vllam intrinsecam distinctionem.

Probatur autem secunda pars, quia intellectum nostrum fingere vnitatem prædictam, est intellectum repræsentare sibi plura illa obiecta, vt affecta vnitatem, quam reipsa non habent: sed ad habendum vniuersale intellectus non debet hoc facere, ergo ad habendum vniuersale absurde recurritur ad huiusmodi fictiones. Maior est certa, nam fingere aliquid in obiecto, est aliquid sibi repræsentare in illo, quod in illo non est. Minor autem probatur, quia vniuersale est obiectum scientiarum, vt aiunt etiam Thomistæ; scientiæ autem non habent pro obiecto ens fictum, quale esset vniuersale Thomisticum, continens veram multipliciter, cum vnitatem impossibili, per intellectum coniunctam; quod est formalissimè esse chimericum. Scientiæ sine vlllo figmento, seu fictione proprietates, & passionem sui obiecti considerant, nec ad eiusdem contemplationem fingunt in ipso aliquid ipsi repugnans.

ARTICVLVS VIII.

Vniuersale sit per intellectum.

R Eiectis aliorum sententijs , statuendum est, quid ipsi circa vniuersale sentiamus. Sentimus autem naturam realiter multiplicabilem constitui formaliter vnā per conceptum præcisium, abstractum à pluribus, apparentibus per modum vnius exercitū, v. g. natura humana, quæ realiter est multiplex pro multiplicitate individuorum, constituitur formaliter vna per hunc conceptum: *Homo*. Hic conceptus dicitur præcisius respectu singularium, quia non representat obiectum per ordinem ad rationes indiuiduantes; seu quia ipse non indiuidualiter, distinguendo vnum ab altero, attingit obiectum: dicitur abstractus à pluribus, quia hic conceptus est applicabilis, & conueniens innumeris singularibus: Scipioni, Alexandro, Tullio, &c. dicuntur illa plura apparere, vt vnum exercitū, quia ex vi talis conceptus nec Alexandrum discernis à Tullio, nec hoc ipsum scis, an obiectum representatum sit multiplex. Vides hanc vnitatem eo modo esse extrinsecam naturæ multiplici, sicut pluralitas, seu distinctio ostensa est à nobis esse extrinseca ijs extremis, quæ sunt realiter idem.

Vt autem naturam predictæ cognitionis intelligas: da duos homines puta Scipionem & Alexandrum inter se perfecte similes: in tali casu pictura similis Scipioni erit indiuisibiliter similis Alexandro; tamque represen-

tabi-

tabitur per ipsam Alexander, quam Scipio. Præterea ita repræsentantur per ipsam & Alexander, & Scipio, vt ex vi talis picturæ non appareat, an res repræsentata sit vna, an duplex. Habes igitur in prædicta pictura hæc duo; quod in ipsa tam Alexandrum videas, quam Scipionē; sed nec Alexandrum discernas aut discernere possis à Scipione; nec hoc ipsum cognæscere quod Scipio, & Alexander sint duo.

Ab hac materiali picturâ transfer animū ad picturâ intentionalem, siue ad conceptum quo intellectus dicit: *Homo*. Per hunc conceptum ita repræsentantur omnia humanæ naturæ indiuidua, vt ex vi illius nequeas determinari neque ad affirmandum, neque ad negandum, quod plura sint, quæ repræsentantur: multominus ad discernendum vnum ab alio, ex ijs, quæ reipsa repræsentantur. Atque hæc est illa vnitas cognitionis præcisivæ, perquam dicimus constitui formaliter vniuersale.

Habes ex dictis cognitionem, perquam fit vniuersale, supponere in obiecto, quod vniuersalizatur pluralitatem vel potentia, vel actu: non enim requiritur actualis pluralitas ad hoc, vt hic cōceptus: *Homo* dicatur esse imago plurium, cum æque repræsentet omnes homines possibiles, ac homines existentes. Vnde hæc cognitio: *Homo*, tam abstrahitur ab Antichristo, qui non est, quam à Paulo existente. Habes præterea, quod, quauis talis cognitio sit plurium, non est tamen plurium vt plurium, quia ex vi illius non apparet obiectum repræsentatum esse multiplex: propterea dicitur esse vnitas plurium,

rium, & plura realiter dicuntur per ipsam habere vnum esse extrinsecum, & intentionale. Cognitio enim est quoddam esse intentionale rei repræsentatæ, & rei representatæ forma extrinseca, vt dictum est alibi.

Dices: pro priori ad talem cognitionem datur iam vniuersale; ergo per talem cognitionem non constituitur vniuersale. Probat ant. quia pro priori ad vnitatem cognitionis præcisivæ, siue ad vnitatem præcisivam cognitionis, datur vnitas cognoscibilitatis: hæc sufficit ad vniuersale; ergo pro priori ad cognitionem datur vniuersale. Explicatur hoc argumentum. Omnia indiuidua naturæ humanæ habent inter se perfectam convenientiam, & similitudinem; ratione huius perfectæ similitudinis habent capacitatem, vt attingantur cognitione illa præcisiva, per quam formaliter dicimus constitui vnum. quid illa plura: hæc capacitas recte dicitur vnitas cognoscibilitatis, quæ vnitas cognoscibilitatis videtur sufficiens ad hoc, vt cum pluralitate constituat formaliter vniuersale.

Resp. neg. ant. ad cuius probationem nego min. quod videlicet vnitas cognoscibilitatis, seu cognoscibilitas per modum vnius possit esse formaliter vnitas constitutiva ipsius vniuersalis. Dico autem cognoscibilitatem prædictam esse vnitatem pure fundamentalem, cognitionem autem præcisivam esse vnitatem formalem, per quam vniuersale in esse vniuersalis constituitur. Ratio cur sufficiat vnitas cognitionis præcisivæ, non autem vnitas cognoscibilitatis, est, quia perfecta similitudo, & convenientia, in qua
for-

formaliter constitit cognoscibilitas per modum vnius, est formalissima pluralitas in ea ratione, quæ debet apparere per modum vnius: vnitas autem cognitionis præcisius non est huiusmodi.

Explicatur hoc. In hoc conceptu: *Homo* non apparet quod obiectum repræsentatum sit multiplex, adeoque ex vi talis conceptus non intelligis te plura concipere, sed neque intelligis te concipere vnum: siue enim plura sint, quibus conueniat ratio hominis, siue vnum; habes hunc conceptum: *Homo*, applicabilem vni, si vnus dumtaxat homo est possibilis, applicabilem infinitis, si infiniti sint possibiles: sicut v. g. homo pictus aptus est repræsentare vel vnicum, si vnicus nascatur ipsi similis, vel Sexcentos, si sexcenti homines ipsi similes oriantur. At vero similitudo, & conuenientia est formalissime pluralitas; ita vt implicet intelligere conuenientiam, & similitudinem in ratione hominis, quin eo ipso intelligatur pluralitas in ratione hominis: nequit autem id, quod est formalissima pluralitas in ratione *A*, esse simul vnitas in eadem ratione *A*. Potius igitur dicendum est prædictam conuenientiam, & similitudinem esse ipsammet multiplici- tatem, quam vnitatem. Cætera, quæ ad probationem nostræ conclusionis pertinent, in responsione ad obiectiones insinuabuntur.

ARTICVLVS IX.

Respondetur nonnullis obiectionibus.

O Bjicies primò. Si non datur vniversale à parte rei, sequitur naturam humanam non esse vnā in omnibus hominibus, consequens est falsum, ergo & antecedens. Minor probatur, quia si natura humana non est vna in omnibus, dici nequit verbum diuinū assumpsisse nostrā naturā. Prob. autem sequela, quia natura humana, quam assumpsit Verbum diuinum, non est eadem ac natura Petri, natura Pauli &c. Ergo dici nequit quod verbum diuinum assumpsit nostram naturam.

Resp. distinguendo maiorem: sequitur naturam humanam non esse vnā realiter concedo, non esse vnā fundamentaliter nego: & eodem modo distincta minori nego conf. Natura humana Petri, Pauli, & aliorum non est vna formaliter à parte rei, quia à parte rei est formaliter multiplex: est à parte rei vna fundamentaliter, quia summa similitudo inrer indiuidua fundat conceptum præcisium, quem diximus abstrahi ab omnibus, & per quem constituitur formaliter vniversale. Ad probationem minoris nega sequelam ad cuius probationem dic naturam assumptam à Verbo esse eandem cum natura Petri, Pauli, & aliorum; non idéritate, quæ detur formaliter à parte rei, sed quæ detur solum fundamentaliter & hoc modo, & non alio, dicitur esse vna natura, siue essentia omnium hominum: neque enim
putan-

putandum est naturam humanam Christi Domini, & naturam Petri esse vnā, sicut est vna natura diuina Patris & Filij. Hæc est vna numerice, & huiusmodi vnitas est à parte rei; illa est vna specificæ, & huiusmodi vnitas est per intellectum.

Obijcies secundo si non est vna eademque realiter natura, siue essentia Petri, & Pauli, sequitur Petrum & Paulum realiter differre naturā, siue essentia: consequens est falsum, ergo & antecedens. Sequela maioris probatur, quia quæcunque in aliqua ratione non identificantur realiter, in ea ratione realiter differunt: ergo si Petrus, & Paulus non identificantur realiter in natura, siue essentia; Petrus, & Paulus realiter differunt in natura, siue essentia. Minor autem probatur, quod scilicet & Petrus, & Paulus non differant realiter in natura quia differre natura est differre specie: Petrus, & Paulus non differunt specie, ergo nondifferunt natura.

Resp. Negando sequelam maioris, quia Petrum, & Paulum differre natura non est Petrum, & Paulum præcise non habere vnā, eademque realiter naturam, sed habere naturas inter se dissimiles, & non confundibiles vna, eademque definitione. Hoc modo differunt Homo, & equus: Petrus autem, & Paulus non differunt; sed distinguuntur. Ad probationem maioris, nego antecedens. Quæcunque non identificantur realiter, realiter distinguuntur; non tamen eo ipso realiter differunt. Nam cum distinctione stat perfecta conuenientia: cum perfecta autem conuenientia non stat differentia. Distinctio opponitur identitati differentia similitudini.

Ad hoc idem argumentum alij aliter. Concedunt enim plures naturas intra eandem speciem differre aliqua differentia, quam numericam vocant. Hi etiam sufficienter soluunt obiectionem, propositam. Ad probationem minoris distinguunt: differre natura pure numericè est differre specie: negat, differre plusquam numericè, est differre specie: concedunt maiorem, & concessa minori distinguunt consequens: non differunt plusquam numericè: concedunt, non differunt pure numericè: negant consequentiam. Hanc etiam solutionem liceat adhibere, donec nostram de differentia numerica mentem aperiamus.

Dices: Petrus & Paulus non sunt duo specie realiter: ergo Petrus, & Paulus sunt vnum specie realiter.

Resp. primò posse concedi totum: non propterea concedis dari speciem, quæ est vnà ex vniuersalibus, à parte rei; sed solum das Petro, & Paulo illam conuenientiam, per quam realiter fundant illum conceptum per quem natura vtriusque, & omnium aliorum hominum constituitur in ratione speciei.

Resp. secundò hoc argumentum æque concludere ac istud: Ego & tu non sumus realiter duo Florentini: ergo sumus realiter vnus Florentinus. Petrus, & Paulus non sunt duo neque vnum in specie, quæ detur realiter, hoc est, independenter ab intellectu: quia non datur species, nec vllum aliud vniuersale, nisi per intellectum.

Instabis: homo minus distinguitur realiter à bruto, quam à Planta: minus distinguitur realiter Petrus à Paulo, quam à Bucepha-

cephalo: ergo homo habet aliquam identitatem cum bruto, Petrus aliquam identitatem realem cum Paulo. Identitas siue unitas hominis cum bruto, est unitas generica: identitas siue unitas Petri cum Paulo est unitas specifica. Prima conf. probatur, quia omnis negatio distinctionis est aliqua identitas: sed hominem minus distingui a bruto, quam à planta, est hominem habere cum bruto negationem illius distinctionis, quam habet cum planta: ergo est habere illam identitatem cum bruto, quam non habet cum planta.

Resp. negando antecedens: quia distingui duo extrema inter se, est vnum non esse alterum, vt vidimus suo loco: tam autem Petrus non est Paulus, quam non est Bucephalus; tam homo non est brutum, quam non est planta. Quod si sermo sit non de identitate reali, sed intentionali: maiorem identitatem habet homo cum bruto, quam cum planta. Petrus, cum Paulo, quam cum Bucephalo: homo enim est similior bruto quàm plantæ Petrus Paulo quam Bucephalo; adeoque facilius est confundi in unitatem imaginis Petrum cum Paulo, quam cum Bucephalo: hominem cum bruto, quam cum plantâ. Siue facilius discernes hominem à planta quam à bruto. Petrum à Bucephalo quam à Paulo.

Aduerte autem quod quamuis homo non magis distinguatur realiter à planta quam à bruto, nec Petrus à Bucephalo, magis quam à Paulo; tamen homo magis differt à planta quam à bruto, Petrus magis à Buphalo quàm à Paulo. Quia, vt dictum est, differre duo est
esse

esse dissimilia: certum est autem Petrum esse magis dissimilem Bucephalo quam Paulo: & hominem ege magis dissimilem Pimpinella, quam Vrso.

Obijcies tertio. Vniuersale est obiectum scientiarum: sed obiectum scientiarum datur à parte rei, ergo vniuersale datur à parte rei, Maior est certa. Minor probatur, quia demonstrationes, quæ fiunt à scientijs, conueniunt rebus prout sunt à parte rei; non autem prout sunt per intellectum puta demonstratio, qua ostenditur rationale esse admiratum cadit supra ipsum rationale ut est in se, non autem ut se habet per actum intellectus.

Resp. dist. mai. vniuersale fundamentaliter acceptum est obiectum scientiarum: concedo maiorem, formaliter acceptum: nego maiorem, & conc. min. distin. conf. vniuersale formaliter datur à parte rei: nega conf. vniuersale fundamentaliter; concedo, &c. Obiectum scientiæ de homine, est homo ut homo est, non autem ut Petrus aut Paulus est: quia quidquid per talem scientiam demonstratur de homine, tibi conuenit, eo ipso quod homo sis, etiamsi neque Petrus sis neque Paulus: & quia conuenit omni homini certo, & infallibiliter, non autem huic & illi, quia hic & ille est; propterea dicitur talis scientia esse de homine vniuersaliter accepto, hoc est considerato tali genere considerationis, quæ confundat ea omnia per modum vnius, quæ sunt inter se similia in ratione, quæ attenditur à tali scientia.

Dices sequitur cognitionem, per quam fit vniuersale, esse cognitionem fingentem, conf. est

est falsum, ergo & ant. Sequela maioris probatur, quia cognitio repræsentans vt vnū id, quod impossibile est esse vnum, est cognitio fingens: sed cognitio vniuersalizans naturam humanam repræsentat vt vnum id, quod impossibile est esse vnum; ergo talis cognitio fingit. Minor probatur, quia per cognitionem, qua fit vniuersalis natura humana, est cognitio repræsentans vnitatem Petri Pauli & aliorum indiuiduorum, quam impossibile est dari; ergo est cognitio fingens.

Resp. Neg. sequelam mai. ad probat. dic cognitionē vniuersalizantē repræsentare vt vnū non signate, sed exercite obiectum illud, quod [est realiter multiplex. In hoc differt nostra sententia à Thomistica, quod hæc appingat vnitatem quandam rebus, quas impossibile est esse vnum, nostra autem res quæ sunt realiter multe, ita consideret, vt ab ab hoc ipso præscindat an sit multa, an vnū: puta considerat indiuidua naturæ humanæ sub ratione hominis, præscindendo ab hoc an ratio hominis sit quid multiplicabile, an immultiplicabile in plura, quod est considerare multa vt vnum exercite. Thomistica in illis pluribus considerat obiectiuā quandam vnitatem, quam fingit in ipsis: adeoque vniuersale Thomisticum est fictitium, non autē nostrum. Considerare autem obiectum, quod realiter est homo, & multiplex, conceptu repræsentante ipsum vt homo est, non autem vt multiplex est; non est fingere aut mentiri iuxta illud: *Abstrahentium non est mendacium.*

Consonat hæc doctrina alteri superius traditæ,

ditæ, ubi de distinctione rationis. Dictum est ibi rem realiter vnā, & indiuisibilem plurificari exercite, non autem signate: dicitur hic res realiter multiplex vnificari non signate, sed exercite: quia quemadmodum ibi multiplicitas formæ non repræsentat in obiecto multiplicitem obiecti, quod realiter est vnum: ita hic vnitas formæ non repræsentat in obiecto, quod est realiter multiplex, vnitatem.

Dices: intellectus faciens vniuersale vel cognoscit obiectū vt vnum, vel vt multiplex, neutrum dici potest, ergo vniuersale non fit ab intellectu. Maior probatur, quia inter vnum & multiplex non datur medium. Minor etiam probatur, quia si cognoscitur vt vnum; eo ipso vel supponitur, vel fingitur vnitas in obiecto: si vt multiplex, huiusmodi actus non facit vniuersale.

Resp. neg. mai. Ad cuius probationem concedo inter vnum & multiplex non dari medium: nego tamen non posse intellectum ab vnitatem & multiplicitem præscindere. Eodem modo posset arguere Adversarius: Intellectus faciens vniuersale vel cognoscit obiectum vt album, vel vt non album, neutrum dici potest, ergo, &c. Minor probatur quia inter album & non album non datur medium. Etiam inter rationale & irrationale non datur medium, ergo quotiescunque concipis animal, vel concipis vt rationale, vel vt irrationale. Mala consequentia, nam ratio generica præscindit ab oppositis differentiis: nequit igitur argui à non præcisione obiectiua, ad non præcisionem formalem. Hoc est ex eo quod Turca non possit simul saltare

faltare & non faltare, neque esse sine saltu & non saltu; male arguis me non posse cogitare de Turca, nisi cogitem illum vel saltantem, vel non saltantem.

D. Thomas hunc articulum concludat. *Vniuersale*, ait ille, *est unum & plura*. Plura in quantum in pluribus est, alioquin non posset predicari de pluribus: ut homo in re est plura, quia de pluribus predicatur: est autem unum in cognitione quia licet plura, secundum quod plura, non constituant unum intellectum; tamen plura secundum quod similia sunt, constituunt unum intellectum; ita ut intellectus non possit distinguere inter similia. Hæc & alia habet D. Thomas opusc. 55. & 56. Vbi ostendit vno eodemque conceptu plura confundi secundum quod similia sunt, puta hominem & equum confundi sub conceptu animalis: Soeratem & Calliam sub conceptu hominis: hoc autem est concipere plura ut unum, non signate ut intendebat Aduersarius, sed exercite ut explicatum est à nobis.

ARTICVLVS X.

Satisfit alijs obiectionibus.

O Bije. ex D. Thoma. Plura ut plura non constituunt unum intellectum, hoc est non sunt vnum in cognitione: sed plura secundum quod sunt similia sunt plura ut plura, ergo plura secundum quod sunt similia non constituunt unum intellectum. Maior est D. Thomæ loco citato. Minor ex dictis alibi videtur manifesta; nam vbi di-

ximus.

ximus similitudinem & conuenientiam plurimum, siue unitatem similitudinis, & conuenientie non esse sufficientem ad constituendum formaliter vniuersale, cum tamen sit sufficiens vnitas cognitionis, atulimus pro ratione prædictæ insufficientiæ, quod similitudo & conuenientia in aliqua ratione, puta in ratione animalis, respectu hominis & bruti, in ratione hominis respectu Petri & Pauli, est formalissime pluralitas intra illam rationem, in qua, vt detur vniuersale, plura debent constitui vnum. Nam hominem & equum esse similes in ratione animalis, est formaliter hominem & equum esse plura animalia. Petrum & Paulum esse similes in ratione hominis, est formaliter Petrum & Paulum esse plures homines: cum tamen homo & brutum in animali; Petrus & Paulus in homine debeant esse quid vnum.

Hanc obiectionem solues explicando doctrinam D. Thomæ, cui videtur inniti. Sensus D. Thomæ non est quod similia formaliter vt similia, hoc est sub ratione formali similibus constituent vnum intellectum, seu sint vnum repræsentatione. Eo enim ipso quod repræsentantur vt similia repræsentantur vt plura. Sed sensus est quod similia, per hoc ipsum quod sunt similia, apta sunt simul confundi, adeoque esse vnum cognitione: quia per hoc ipsum quod sunt similia apta sunt sortiri formam extrinsecam, vniuniformiter se habentem ad ipsa. Puta quia Petrus est homo, & Paulus est homo, & quodlibet aliud indiuiduum naturæ humanæ est homo: & Petrus, & Paulus, & quodlibet aliud indiuiduum naturæ humanæ apta sunt sortiri
hanc

hanc formam extrinsecam, siue hunc conceptum: *Homo*, vniformiter se habentem ad Petrum, & Paulum, & quodlibet aliud indiuiduum. His positis.

Resp. ad obiectionem conc. mai & min. disting. conf. plura secundum quod sunt similia sub conceptu formali similium non constituunt vnum intellectum: concedo consequentiam; sub alio conceptu: nego consequentiam. Petrus & Paulus sub hoc conceptu: *similes in natura*: non fiunt vnum. Sub hoc alio: *homo*: fiunt vnum. Ad hoc autem, vt sub hoc secundo conceptu fiant vnum, debent esse realiter similes in natura: vnde talis similitudo dicitur vnitas fundamentalis.

Ex his patet quid dicendum sit ad ea, quæ dicuntur in obiectione ad probationem minoris. Dicendum est enim optime probari similitudinem esse formaliter pluralitatem; adeoque plura sub conceptu similium non esse vnum. Vnde iterum apparet cur ad constituendum vniuersale formaliter sufficiat vnitas cognitionis præcisivæ, non autem vnitas similitudinis.

Dices: tam vnitas cognitionis præcisivæ non ponit vnitatem in obiecto multiplici, & relinquit in ipso rationes discretivas, quam vnitas similitudinis & conuenientiae; ergo vnitas cognitionis præcisivæ non magis sufficit ad vniuersale formaliter, quam vnitas similitudinis. Ant. probatur quia cognitio præcisiva non tollit quin humana natura multiplicetur, & singularizetur in Petro, in Paulo, & in quibuslibet alijs indiuiduis: relinquit enim obiectum sicut est in se iuxta illud: *nostrum cogitare nihil ponit in re.*

Consequentia autem probatur quia intantum vnitas similitudinis non sufficit ad vniuersale formaliter, inquantum hæc non ponit vnitatem in obiecto multiplici, cum sit incompossibilis cum rationibus plurificantibus & singularizantibus. Ergo si hoc idem fatendum est de vnitatem cognitionis præcisivæ, hæc etiam erit insufficiens ad vniuersale formaliter. Vltimum antecedens probatur, quia si vnitas similitudinis & convenientiæ auferret rationes singularizantes, & discretivas vnius ab alio, per hoc ipsum constitueret formaliter vniuersale, faceret enim obiectum formaliter & intrinsece vnum.

Resp. conc. ant. neg. conf. Vnitas cognitionis præcisivæ quamvis relinquat in obiecto rationes indiuiduantes, nec in illo ponat vnitatem; tamen talis vnitas non explicat ullam pluralitatem: & quantum est ex vi huiusmodi cognitionis non apparet obiectum esse multiplex. Hic enim conceptus *homo* secundum se non dicit nec vnum, nec plura; & consequenter aptissimus est, ut id quod extra Animam est multiplex, per ipsum in Anima sit formaliter, & extrinsece vnum.

Ad probationem consequentiæ nego ant. Non enim ideo similitudo & convenientia est insufficiens constituere vniuersale formaliter, quia cum ipsa stat pluralitas obiectiva. Hanc enim stare etiam cum vnitatem præcisivam vltro concedimus; sed ideo similitudo est insufficiens, quia ipsa est formaliter multiplicitas: vnitas autem præcisiva, siue cognitio præcisiva nec multiplicitatem importat, nec vnitatem excludit. Ad probationem antecedentis negati dic falsum esse, quod si

con-

conuenientia tolleret rationes indiuiduan-
tes, per hoc ipsum faceret vniuersale. Nam
si tollas rationes indiuiduan-tes; tollis mul-
tiplicitatem, quæ non minus quam vnitas
requiritur ad vniuersale.

Obijcies præterea: vniuersale non magis
dicit vnitatem quam multiplicitem; ergo
non magis constituitur per rationem, per
quam est vnum, quam per rationem, per quã
est multiplex: sed per rationem, per quam
est multiplex, est à parte rei, ergo vniuersale
simpliciter est à parte rei.

Resp. concedendo totum, præter vltimam
consequentiam.

Dices: non est potior ratio, quod dicatur
esse per intellectum, quam quod dicatur esse
à parte rei, cum secundum alteram sui par-
tem sit à parte rei; ergo tam verum est quod
sit à parte rei, quam quod sit per intellectum.
Confirmatur hoc. Quia in vniuersali plura-
litas indiuiduorum se habet per modum ma-
teriæ, vnitas per modum formæ: id quod se
habet per modum materiæ sustinet denomi-
nationem vniuersalis, ergo id quod est à par-
te rei sustinet denominationem vniuersalis:
ergo datur vniuersale à parte rei.

Resp. neg. ant. Controuersia inter Au-
thores circa vniuersale est an constituatur res
vniuersalis independententer ab actu rationis:
eo ipso autem quod vnum ex constitutiuis
ipsius sit actus rationis, manifestum est non
constitui independententer ab actu rationis: hoc
autem est non dari à parte rei: totum enim
non datur à parte rei, si aliqua pars ipsius à
parte rei non detur. Ad confirmationem
concede totum, præter vltimam consequen-

tiam. Vniuersale secundum id, pro quo supponit datur à parte rei : hoc est natura illa, quæ denominatur vniuersalis est à parte rei, & independenter ab intellectu; non tamen est aut denominatur vniuersalis independenter ab intellectu, adeoque vniuersale non est à parte rei, & independenter ab intellectu tam secundum id pro quo supponit, quam secundum id omne, quod significat. Secundum rem denominatam est independens ab Anima, secundum formam dominantem est per intellectum.

Vniuersale igitur est concretum logicum in quo collectio obiectiua plurium, habet rationem materiæ, cognitio autem præcisiua, hoc est modus tendendi supra explicatus in ea, quæ sunt realiter multa, habet rationem formæ. Prædicta collectio nihil aliud est, quam illa infinita indiuidua, quæ ob similitudinem, quam habent inter se, fortiuntur vnitatem superius explicatam in Anima. Hæc ipsa pluralitas recte dicitur *aptitudo essendi in multis*; identitas enim naturæ humanæ cum Alexandro, Callia, Socrate nihil aliud est, quam ipsemet Alexander, Callias, Socrates; hæc autem esse plura est euident; quomodo fiant vnum satis dictum est, ergo sufficienter explanatum est, quomodo vniuersale sit vnum aptum esse in pluribus.



QVÆSTIO V.

An præter intellectum aliqua potentia faciat vniuersale.

ARTICVLVS I.

Sensus non facit vniuersale.

Sensus alij sunt externi, alij interni. Externi sunt visus, auditus, gustus, odoratus & tactus. Interni sunt sensus communis, phantasia siue imaginatio, æstimatoria, memoria. Horum naturam, & obiecta examinabimus in libris de anima. solum hic statuimus per ipsos non fieri vniuersale. probamus autem, quia sola illa potentia facit vniuersale, quæ obiecto realiter multiplici tribuit vnitatem præcisiuam: sed neque sensus externi, neque interni tribuunt obiecto realiter multiplici vnitatem huiusmodi, ergo neque sensus externi, neque interni faciunt vniuersale. Maior patet ex dictis. Minor probatur quia sensus nequeunt attingere obiecta, nisi vestita circumstantijs indiuiduâ-
tibus. Puta oculus non videt hominem, nisi apparentem tali loco, & tempore, ita figuratum, huius vel illius coloris, à quibus omnibus debet præscindere ratio vniuersalizata: debet enim esse prædicabilis de omnibus contentis sub termino communi: quod non conuenit homini talis temporis, loci, figuræ, coloris. Hinc dicit Philosophus *sensum esse singulare, intellectum autem vniuersale*.

salium, quod ita intelligi debet, non quasi intellectus nequeat percipere obiecta, nisi vniuersalizando: certum est enim intellectum posse cognoscere Petrum, etiam sub ratione Petri: sed ita vt in hoc differat potentia intellectiua à sensitiua, quod hæc non fit nisi singularium, illa autem sit & vniuersalium; adeoque cum operatur secundum modum proprium operandi, vniuersalizando operatur.

Quod dico de oculo, seu potentia visiva, alijsq. sensibus externis intelligendum est proportionaliter de sensibus internis. Imaginatio v. g. non repræsentat hominem, nisi hoc vel illo modo figuratum, huius vel illius coloris, & cum alijs huiusmodi circumstantijs, secundum quas non est prædicabilis de omnibus significatis per hunc terminum communem *homo*: & consequenter nec imaginatio facit vniuersale.

Ratio à priori est quia, vt ait D. Thomas ex Philosopho: *Modus cognoscendi sequitur modum essendi*: modus igitur cognoscendi potentiæ materialis est materializando obiectum, hoc est vestiendo illud circumstantijs materialiter indiuiduantibus, vt dictum est supra; modus vero cognoscendi potentiæ immaterialis est immaterializando illud idem obiectum, quod in se ipso vestitum est circumstantijs materialiter indiuiduantibus. Puta obiectum significatum per hanc vocem: *homo*, nihil aliud est, quam Callias, Socrates, Alexander, alij, &c. singuli materializati, & contracti ad id quod sunt per suas indiuiduationes; intellectus autem in istis omnibus repræsentat sibi rationem hominis,

minis, quæ omnibus & singulis conuenit; præscindēdo ab illis circumstantijs, per quas alter ab altero secernitur: hoc est ita cogitare rationem hominis, vt non cogitet an illa sit in multis, an in vnico, & an significata per rationem hominis sint à se inuicem, vel non sint discernibilia.

Non est tamen negandum fieri à sensibus quoddam vniuersale; nam & oculus videt imaginem repræsentantem plura, & auris audit vocem significantem infinita; sed huiusmodi vniuersale non est illud, de quo agimus; nam neque illa vox, neque illa imago est in pluribus, aut prædicabilis est de pluribus per identitatem, cum tamen neque visus, neque auditus terminentur ad aliud quam ad illam imaginem & vocem.

ARTICVLVS II.

Respondetur Obiectionibus.

O Bjicies primò. Obiectum potentiæ visus suæ adæquatum non est hic aut ille color singularis, sed color in genere, seu color vt sic: sed color vt sic est quid vniuersale: ergo obiectum potentiæ visus est quid vniuersale, ergo potentia visua attingit vniuersale. Probatur hæc vltima consequentia quia potentia visua, sicut & quælibet alia, attingit suum obiectum: sed ipse obiectum est vniuersale, ergo potentia visua attingit obiectum vniuersale. Sed attingere obiectum vniuersale est facere vniuersale, ergo potentia sensitua facit vniuersale.

Resp. quod qui bene intelligit argumen-

tum propositum posset omnia concedere, præter ultimam minorem subsumptam, sine ullo præiudicio sententiæ suprapositæ. Nihil enim concederet nisi potentiam sensitivam versari circa obiectum, quod vniuersalizatur: vniuersalizari autem obiectum, circa quod versatur potentia sensitiva, est indubitatum. Dubium est an vniuersalizetur per actum ipsiusmet potentie sensitivæ, & huic dubio respondeamus negatiue: asserentes obiectum potentie sensitivæ vniuersalizari quidem, sed par actum potentie intellectivæ. In forma ad argumentum responde iterum distinguendo. Potentia sensitiva attingit vniuersale vniuersalizatum per ipsam: nega, vniuersalizatum per aliam potentiam: concede. Hoc autem non est facere vniuersale.

Quando igitur Phylosophi dicunt obiectum potentie visivæ esse colorem in genere; nihil aliud intelligunt nisi potentiam visivam non terminari ad vllum singulare coloratum tamquam ad obiectum adæquatum, sed præter quodlibet esse aliud & aliud: siue nullum coloratum determinate acceptum esse totale obiectum potentie visivæ. Non autem sensus est per potentiam visivam abstrahi rationem coloris ab omnibus coloribus, sicut abstrahitur per potentiam intellectivam. Idem dic de sono, ut sic, qui est obiectum potentie auditivæ, & de quibuslibet alijs huiusmodi.

Obijc. secundò. Oculus videns ouum *A*, & postea ouum *B*, non discernit vnum ab alio, ergo potentia visiva confundit: sed potentia confundens similia vniuersalizat; ergo

ergo potentia visiva vniuersalizat. Confirmatur, quia in tali casu potentia visiva non percipit indiuiduationem ouis *A*, nec indiuiduationem ouis *B*, ergo confundit ouem *A*, cum oue *B*.

Resp. quòd alio modo intelligendum est, *ly confundere*, quam intelligatur in obiectione, ad hoc, vt confundere sit vniuersalizare. Intellectus per hunc conceptum: *Homo* confundit Socratem cum Callia, non solum quia non discernit vnum ab alio, sed quia vtrumq; attingit: oculus videns ouem *A*, & postea ouem *B*, non confundit hoc pacto: nam videns ouem, *A* non videt ouem *B*, nec è conuerso; adeoq; non confundit visione indifferenter attingente vtrumq; Itaque in forma. Omitte antec. & nega consequ. Dic non confundi vnum cum altero per visionem ocularem, quia quælibet visio, est ita vnus, vt non sit alterius. Quod si Aduersarius ex eo quod per huiusmodi visiones non sufficienter determinaris ad dicendum: *Hoc ouem non est illud aliud, quod antea vidi*, velit vnum ouem confundi cum alio: distingue: confunditur *A* cum *B* confusione faciente ad rem: nega, confusione non faciente ad rem: omitte. Quæ confusio faciat ad rem satis dictum est. Ad confirmationem nega. ant. Ipsamet indiuiduationes possunt esse adeò similes, vt decipiant: adeoq; ex hoc, quod nequeas dicere: *A non est B*, non sequitur te non percipere indiuiduationem *A*, & *B*.

Obijc. tertio, quando lupus imaginatur ouem, & ouis lupum: talis imaginatio non repræsentat magis hunc, quam illum lupum.

magis hanc : quam illam ouem : ergo & lupus ouem, & ouis lupum vniuersalizat. Consequentia probatur, quia in imagine ouis conueniunt omnes oues, & in imagine lupi, omnes lupi ; ergo & lupus, & ouis vniuersalizantur.

Confirmatur, quia & amor lupi erga ouem est. erga ouem vt sic : & odium ouis erga lupum est erga lupum vt sic : nec enim aut lupus magis amat vnā ouem, quam aliam ; aut ouis magis odit vnum lupum, quam alium. Idem dic de quacumq; alia potentia imaginatiua : putā quando montem aureum, aut adamantinum otiosus imaginaris, quod vulgò dicitur, *Far castelli in aria*, non magis tibi repræsentas vnum montem, quam alium, cum infiniti montes huiusmodi omnino similes imagini, quam formas, sint æque possibiles.

Resp. neg. antec. imago ouis albæ, & pinguis depicta in imaginatione, lupi magis repræsentat ouem albā, & pinguem, quam ouem nigram, & exilem. Item lupus depictus in imaginatione ouis semper est huius, vel illius determinatæ figuræ, pusillus, vel magnus, huius, aut illius coloris : & consequenter repræsentat non rationem lupi præcisam ab accidentibus, quod requiritur ad vniuersale, sed vestitam circumstantiis individuuantibus, quod destruit rationem vniuersalis. Præterea imaginatio non attingit essentiam, sed accidentia purè extrinseca rei ; non est igitur prædicta imago vniuersalizans, nisi eo modo, quo diximus vniuersalizare picturam, quæ apta sit repræsentare Scipionem, & Alexandrum inter se omnino simili-

similes. Non enim dubium est esse possibile plures, & plures oues, similes imagini, quā sibi depingit lupus. Sed hoc nihil aliud est quam vniuersale quoddam in repræsentando; eo ferè pacto, quo hæc vox *Ovis* est vniuersale quoddam in significando.

Ad confirmationem: dic lupum amare ouem, vt sic, non vniuersalizando, sed amando quamlibet ouem, cuius similitudo ipsi præsentetur in anima lupina, pinguiorē magis quam minus pinguem. Idem dic ad cætera: nimirum obiecta, per imaginationem pepicta, esse singularia, & vestita circumstantijs singularizantibus; quamuis cuilibet possint excogitari infinita alia omninò similia; posse autem aliud indiuiduum esse mihi omninò simile, non impedit quin me singulariter cognoscas; quamuis cognitio terminata ad aliud indiuiduum mihi omninò simile, sit omninò similis cognitioni terminatæ ad me: cum eadem sit inter cognitiones similitudo, quæ inter res cognitæ.

ARTICVLVS III.

Voluntas non facit vniuersale.

Voluntatem humanam non facere vniuersale sicut qui probent hoc argumento: ad hoc, vt aliqua potentia faciat vniuersale debet tendere in obiectum secundum puram, & præcisam rationem essentia, non autem attingere illud, vt circumstantiatum vllis accidentibus; voluntas nequit tendere in obiectum suum hoc modo, ergo voluntas nequit facere vniuersale. Maior videtur

certa ex ijs, quæ diximus articulo superiori; minor autem probatur, quia voluntas non fertur in obiectum, putà in bonum, nisi prout cognitum: sed eo ipso quod fertur in bonum vt cognitum; fertur in bonum vt vultum aliquo accidente, cum cognitio sit aliquod accidens, ergo non facit vniuersale. Maior est certa, quia *Nihil amarum quin præcognitum.*

Hæc ratiocinatio numquam placuit, propter crassam æquivocationem, qua laborat. Quando dicitur voluntas ferri in obiectum prout cognitum, ly *Prout* non reduplicat rationem, ad quam tendat, aut à qua moueatur voluntas: ideoq; ratio, per quam bonum constituitur cognitum, nullo modo attingitur à voluntate, & consequenter, quantum est ex hoc capite, non erit impotens vniuersalizare. Præterea ratio cogniti superaddita rationi boni non est circumstantia, indiuiduans vllum ex inferioribus rationis communi boni; adeoq; huiusmodi accidens non officit rationi vniuersalis.

Porro reduplicationem non cadere supra cognitionem, tamquam supra rationem, quæ moueat, aut terminet tendentiam voluntatis: ostenderetur, vbi de causa finali: ibi enim cum sententia satis communi diceretur motuum adæquatum voluntatis esse bonum ipsum, quod quando dicitur amari vt cognitum, reduplicatio fit supra cognitionem, tamquam supra conditionem, sine qua bonum in actu secundo non moueret potentiam volitivam.

Dicendum est tamen voluntatem, si propriè loquamur, non facere vniuersale. Ratio.

tio est, quia obiectum vniuersalizatur per hoc, quod cum multiplex sit extrà animam, fiat tamen vnum quodammodo in anima: sed hoc non fit per actum voluntatis; ergo voluntas non facit vniuersale. Minor probatur, quia res volita non dicitur per volitionem esse in Anima, sicut cognita per cognitionem; imò potius voluntas dicitur esse in re amata, quam res amata in voluntate, iuxtà illud: *Anima magis est ubi amat, quam ubi animat.* Vide supra vbi dictum est, quòd cognitio est quoddam esse rei cognitæ.

Confirmatur: quia cognitio de sua ratione formali est similitudo obiecti: vnde communiter docent Theologi per hoc formaliter Verbum diuinum procedere à Patre in similitudinem naturæ, adeoq; constitui in esse Filij, quod procedat formaliter per intellectum; Spiritum autem Sanctum non procedere in similitudinem naturæ, quia precedit vt amor formaliter, & per voluntatem.

Quod si minus rigorosè loquamur, & facere vniuersale nihil aliud sonet, quam tendere in obiectum re ipsa multiplex, non discernendo in ipso rationes indiuiduantes; dicendum est, quòd voluntas facit vniuersale, quia in obiectum ab intellectu confusè cognitum fertur voluntas sub ratione boni, ab eodem refugit sub ratione mali, sed hoc non tam est facere vniuersale, quàm versari circa obiectum, per actus præcedentes alterius potentix vniuersalizatum.

QVÆSTIO VI.

*Per quos actus potentia intellecti-
ua fiat Vniuersale.*

ARTICVLVS I.

De intellectu agente, & possibili.

AD intelligentiam quæstionis propo-
sitæ sciendum est intellectum
communiter diuidi in agentem, &
possibilem, seu patientem. Intellectus agens
dicitur ille, qui producit speciem, hoc est
similitudinem quamdam spiritualem, seu
immaterialem obiecti. Nam iuxta illud:
*Nihil est in intellectu, quod prius non fue-
rit in sensu*, obiecta primò transmittunt
species sui ad potentiam sensitiuam, putà
coloratum ad potentiam visuam; quæ spe-
cies magis attenuatæ, transmittuntur à po-
tentia visuæ ad potentiam internam, putà
ad imaginatiuam materiale[m] quidem, mi-
nus tamen materiale[m], quàm potentia exter-
na: deinde intellectus, qui est potentia om-
ninò immaterialis, producit speciem om-
ninò immaterialem eiusdem obiecti, & hanc
speciem, seu spirituale simulacrum facere
dicitur intellectus agens. Hæc eadem species
recipi dicitur in intellectu possibili, qui per
huiusmodi receptionem determinatur ad
eliciendam cognitionem circa obiectum, cu-
ius speciem in se recepit.

Spe-

Species illa, quæ producitur ab intellectu agente, vocatur species impressa; cognitio ipsa, quæ est actus, siue operatio intellectus possibilis, vocatur species expressa: vtriusq; intellectus opus vocatur abstractio: intellectus agens dicitur abstrahere speciem intelligibilem a phantasmatibus: intellectus possibilis dicitur abstrahere rationem communem ab indiuiduis. Haftenus dicta non sunt probanda hic, nec vlteriùs explicanda, sed supponenda ex libris de Anima, vbi de potentijs Animæ. Ibi enim ex professo disputaturi sumus, an prædicti duo intellectus sint realiter duo, an solum formaliter; & duo nomina sortiri per ordinem ad duas illas functiones, quas supra posuimus.

His positis: cum fieri vniuersale nihil aliud sit, quam naturam realiter distinctam in plura indiuidua acquirere aliquod esse, in quo plura illa sint quodammodo vnum; videtur quæstio de nomine magis, quam de re: an vniuersale fiat per operationem prædictam intellectus agentis, an per operationem intellectus possibilis. Nam species illa immaterialis, quæ ab intellectu agente producitur, est aliquod esse plurium indiuiduorum, & cum sit pura, & præcisa species essentia; siue naturæ, non est vnus magis quam alterius, sed est essentialiter similitudo omnium inferiorum; putà species hominis est essentialiter similitudo omnium inferiorum huius rationis: *Homo*.

Propterea dicunt aliqui vniuersale fieri ab intellectu agente, & naturam communem constitui formaliter vniuersalem per speciem haftenus explicatam. Per hanc sententiam

aiunt facile explicari dictum illud : *uniuersale est obiectum intellectus*. Dicunt enim uniuersale esse obiectum intellectus possibilis, qui propriè & simpliciter dicitur intellectus, siue potentia intellectiua : Nam intellectus, quatenus intellectiua potentia est, operatur post operationem intellectus agentis; hoc est, priusquam actu intelligat, præsupponit productam speciem intelligibilem. Si igitur per prædictam speciem natura formaliter uniuersalizatur, consequens est ut intellectus possibilis per suam operationem versetur circa naturam actu, & formaliter uniuersalem. Dictum autem illud : *uniuersale est obiectum intellectus*, putant non adco facile explicari in opposita sententia.

Melius tamen, & magis proprie dixeris fieri uniuersale formaliter per actum intellectus possibilis, seu per cognitionem ipsam, quam per speciem determinantem ad huiusmodi cognitionem : tum quia per speciem sui res non est complete, sed solum inchoatiuè in Anima: sicut per speciem materialem non est completè, sed solum inchoatiuè, & causaliter, seu radicaliter in potentia sensitiua. Explicatur hoc idem, quia res dicuntur esse formaliter in Anima per hoc, quod cognoscantur; per speciem autem impressam sui res formaliter non cognoscuntur; igitur per speciem sui non sunt formaliter in Anima : sunt tamen per huiusmodi speciem radicaliter in Anima, quia ab huiusmodi specie pullulat cognitio, per quam res formaliter est in Anima. Hoc idem habes satis explicatum à Caietano in opusc. de ente & essentia cap. quarto questio. sexta, quamuis ibidem

dem vltro concedat naturam per operationem intellectus agentis aliquammodo vniuersalizari.

Ad illud Dictum : *obiectum intellectus est vniuersale* : Satis dictum est supra. Sensus est, potentiam sensitivam non posse vniuersalizare ; posse autem intellectiuam. His positis dubitatur per quem nam actum intellectus fiat vniuersale : an scilicet per solam primam apprehensionem : puta per hunc conceptum : *homo* ; an solum per iudicium, puta per hunc alium : *homo est animal* ; an per vtrunque , & in super per discursum , quæ sunt tres operationes, ad quas , velut ad tria capita , reducuntur omnes actus potentiae intellectiuae, formaliter vt intellectiuae.

A R T I C V L V S II.

Statuitur vera Sententia.

R Vius quaestione sexta de vniuersalibus refert nonnullos aientes vniuersale non fieri nisi per actualem praedicationem illius naturæ, quæ dicitur vniuersalis ; adeoque negantes posse naturam communem per primam operationem intellectus vniuersalizari. Fundamentum huius opinionis esse potest definitio vniuersalis perperam intellecta : vniuersale est vnum praedicabile de pluribus : sed non nisi per actualem praedicationem praedicatur, ergo non nisi per actualem praedicationem sit vniuersale.

In hac Sententia, quam non est operæ pretium fusius explicare : hic conceptus : *homo*, non facit vniuersale : hic alius : *Petrus est homo*, facit .

Hæc

Hęc Sententia sicut fundatur in definitione male intellecta ; ita per definitionem bene intellectam diruitur. Nam : vniuersale est vnum aptum prædicari de pluribus ; sed etiam quando non prædicatur actu est prædicabile ; ergo ad vniuersale non requiritur actualis prædicatio. Præterea si ex definitione arguit . Adversarius requiri actualem prædicationem ad vniuersale formaliter , æquo iure arguet alius requiri prædicationem actualem de pluribus inferioribus, imo de omnibus, respectu quorum talis ratio denominatur , & est vniuersalis ; & consequenter non fiet vniuersale per hanc prædicationem : *Petrus est homo* : sed solum per hanc : & *Petrus* , & *Paulus* , & *Antonius* , & *quilibet alius huiusmodi, est homo*. Quæ omnia sunt adeo absurda , vt se ipsis corruant.

Dicendum est igitur per omnes tres operationes intellectus fieri vniuersale. Fieri per primam probatum est hactenus, quia per hunc conceptum : *homo* omnia inferiora nature humanæ ita confusè, & indiscernibiliter cognoscuntur, vt ex vi talis conceptus nō appareat neque an sit vnum , neque an sit multiplex ; & consequenter acquirunt perfectissimam vnitatem præcisiuam. Natura enim prout substans tali cognitioni est æque prædicabilis de vno, si vnum sit, ac de pluribus & infinitis, si plura sint & infinita , quibus conueniat ratio hominis. Cum autem re ipsa sint plura , plura per huiusmodi cognitionem fiunt vnum.

Quod etiam per secundam operationem fiat vniuersale probatur , quia in hac propositione : *Homo est animal* certum est non
affir-

affirmari animal de vno potius, quam de alio ex inferioribus huius termini communis: *homo*; nec in huiusmodi iudicio apparere an plura sint, an vnum, quibus conueniat ratio significata. Fieri vniuersale in prædicta propositione ex parte subiecti; vltro conceditur ab omnibus: an etiam ex parte predicati; videlicet an etiam si *animal* sit in prædicto iudicio vniuersale alibi disputabitur.

Denique quod etiam per tertiam fiat vniuersale probamus, quia in hac argumentatione: *Homo est animal: animal est uiuens ergo homo est uiuens* manifestum est plura apparere per modum vnius exercite; & consequenter fieri vniuersale.

ARTICVLVS III.

De alijs cognitionibus.

Cognitiones hætenus explicatæ sunt cognitiones directæ Dubitatur autem an etiam per cognitiones reflexas intellectus noster vniuersalizet. Dicuntur autem cognitiones reflexæ non illæ, per quas obiectum iam antea cognitum iterato cognoscitur, sed per quas ipsæ met cognitiones, quæ primo attigerunt obiectum, attinguntur. Puta per hanc apprehensionem: *paries* directè cognoscis parietem. per hanc autem: *paries est albus* iterum attingis eundem parietem; & ita quidem iterum attingis, vt secunda cognitio præsupponat primam: Si verum est, quod communiter aiunt, iudicium præsupponere ante se apprehensionem; non tamen hæc se-

cun-

CULTIVO CU

CULTIVO CU

cunda cognitio : *paries est albus* dicetur cognitro reflexa : dicetur autem reflexa hæc alia : *paries cognitus* ; quia hæc non solum parietem iam ante cognitum , sed cognitionem ipsam attingit.

Reflexio autem, seu cognitio reflexa, quantum ad rem presentem , dupliciter fieri potest. Primò ita vt cognoscas rem ante cognitam, vt cognitam. Secundo ita vt cognoscas non solum vt cognitam ; sed vt cognitam tali genere cognitionis ; puta cognitione vniuersalizante. Res patebit exemplo. Per hunc conceptum : *homo* non solum cognoscis naturam humanam, quam etiam cognosceres per hunc alium : *Omnis homo* ; sed ita cognoscis, vt abstrahas. Habes igitur in prædicta cognitione nō solum cognitionem, sed cognitionem abstrahentem. Posita tali cognitione potes ita reflectere supra ipsam , vt cognoscas per ipsam cognosci naturam humanam : vel ita vt cognoscas non solum cognosci ; sed insuper cognitione abstracta, & vniuersalizante cognosci. Prima reflexio attingit quidem id, quod est formaliter vniuersale, non tamen attingit illud formaliter vt vniuersale. Secunda attingit insuper vt vniuersale. His positis.

Dico per primam reflexionem fieri vniuersale. Probatur, quia in prima reflexione plura apparent per modum vnius exercite ; hoc sufficiet ad vniuersale : ergo per primam reflexionem fit vniuersale.

Dico secundò per secundam reflexionem non fit vniuersale. probatur, quia vniuersale cognitum vt vniuersale apparet vt multiplex ; sed obiectum appariens vt multiplex
per

per illam cognitionem, per quam apparet vt multiplex non sit vniuersale: ergo vniuersale per cognitionem; per quam cognoscitur vt vniuersale, non sit vniuersale. Maior est certa, minor patet, ex definitione vniuersalis, quod diximus esse vnum in pluribus: sed implicat te intelligere vnum in pluribus, quin intelligas formaliter plura: ergo implicat te intelligere vniuersale formaliter vt tale, quin intelligas formaliter plura.

Habes hinc rationem disparitatis inter primam & secundam, ex prædictis reflexionibus. In prima solum apparet obiectum cognosci. In secunda apparet cognosci cognitione abstracta à pluribus: hinc in prima reflexione non magis apparet multiplex obiectum, quam in cognitione directa: secus in secunda: eo enim ipso, quod concipis esse cognitionem abstractam à pluribus, exprimis formaliter pluralitatem.

ARTICVLVS VLTIMVS.

Satisfit obiectionibus.

Objicies primò. Secunda operatio intellectus præsupponit vniuersale iam factum: ergo non facit vniuersale. Idem valet à fortiori contra tertiam. Antecedens probatur, quia hoc iudicium: *Homo est Animal* præsupponit hanc apprehensionem: *Homo*: sed per hanc apprehensionem fit vniuersale: ergo prædictum iudicium præsupponit vniuersale iam factum.

Resp. omisso ant. neg. conf. quæ bona esset si concluderet, ergo secunda operatio
non

non primo facit vniuersale. Non autem valet: non primo facit: ergo non facit.

Dices: ergo secunda operatio facit vniuersale iam factum: & consequenter actum agit quod est absurdum.

Resp. neg. conf. Nam aliud est vniuersale quod sit per primam; aliud quod sit per secundam operationem. Vniuersale enim est aliquod totum, sine concretum logicum; pro materiali dicens plura, pro formali actum intellectus; confundentem plura per modum vnius: cum eodem autem materiali diuersæ formæ faciunt diuersum totum, seu diuersum concretum vt constar. Potes etiam dare quod sit idem, sed non eodem modo, nec eadem forma vniuersalizatum.

Obijcies secundo. Per hanc abstractionem *homo* non fit vnum aptum prædicari de pluribus: ergo non fit vniuersale. Conf. est euidens: ant. probatur, quia homo non est proxime prædicabilis de pluribus, nisi prius comparatur cum pluribus: sed per hunc actum: *homo* non comparatur cum pluribus: ergo per hunc actum non fit vnum aptum prædicari de pluribus. Propter hoc argumentum opinati sunt aliqui vniuersale non fieri per cognitionem absolutam, & abstractiuam; sed solum per cognitionem comparatiuam illius naturæ, quæ dicitur vniuersalis, cum suis inferioribus.

Alij autem distinxerunt inter vniuersale metaphysicum, & vniuersale logicum: primum dixerunt fieri per cognitionem absolutam & abstrahentem; secundum per cognitionem comparatiuam. Vniuersale metaphysicum, aiunt

aiunt, est vnum aptum esse in pluribus : & hoc habetur sufficienter per hoc præcise, quod natura realiter plurificata habeat vnum esse intentionale per cognitionem abstracti-
nam. Vniuersale logicum est vnum aptum prædicari de pluribus ; cum autem prædica-
tio vnius de altero fieri nequeat nisi post cõ-
parationem vnus cum altero ; per talem
actum comparatiuum vniuersale constitui-
tur in esse vniuersalis logici hoc est prædica-
bilis. Alij dicunt per actum absolutum &
abstrahentem constitui prædicabile remote ;
per actum vero comparatiuum fieri prædica-
bile proximè, & immediatè ; quæ omnia
multum habent de nomine, parum de re. Ad
obiectionem.

Resp. neg. ant. ad cuius probationem ne-
go ant. Eo enim ipso quod vnum est plura,
est prædicabile de pluribus ; sed eo ipso quod
natura est vnum & plura, vnum est plura : er-
go eo ipso quod natura est vnum & plura est
prædicabilis de pluribus : sed per abstractione-
nem est vnum & plura ; ergo per abstractione-
nem sit prædicabilis de pluribus. Ad ea, quæ
variè varij dicunt in oppositum.

Dico primò : valde probabile est ad præ-
dicationem naturæ vniuersalis de suis infe-
rioribus non prærequiri comparisonem ei-
usdem cum prædictis inferioribus. Proba-
tur primò, quia ex sufficienti apprehensione
extremorum potest intellectus sufficien-
ter determinari ad prædicationem vnius de
altero. Puta ex sufficienti apprehensione
huius termini : *Petrus*, & huius alterius :
Homo, potest intellectus sufficienter deter-
minari ad hanc affirmationem : *Petrus est homo*.

Pro-

Probatur secundò . Quia si intellectus ad prædicandum hominem de Petro debet prius comparare hominem cum Petro; hic ipsemet actus comparatiuus non fit ab intellectu sine fundamento : cur enim comparer rationem hominis cum Petro, potius quam cum Buccphalo? Hoc autem fundamentum comparandi vnum extremum cum alio extremo; sicut est determinatiuum ad comparationem, sic potest esse sufficiens determinatiuum ad prædicationem .

Dices ad hanc prædicationem : *Petrus est homo*, prærequiritur apprehensio huius extremi : *Petrus*, & huius alterius : *Homo* : ergo prærequiritur comparatio inter vtrunque extremum .

Resp. conc. ant. neg. conseq. Aliud est apprehendere vtrunque extremum , aliud comparare .

Dico secundò . Etiam dato quod ad prædicationem prærequiratur apprehensio vtriusque extremi ; non tamen hinc sequitur vniuersale constitui prædicabile per apprehensionem vtriusque extremi . Puta etiamsi des ad hanc prædicationem : *Petrus est homo*, prærequiri apprehensionem huius extremi : *Petrus* , non propterea *homo* constituitur prædicabilis per apprehensionem prædictâ. Explicatur hæc conclusio, & ipsa sui explanatione probatur . Suppone vt certum duo extrema non posse simul coniungi intentionaliter, nisi vtrunque prius apprehendatur : semper enim iudicium præceditur ab apprehensione eorum, quæ per iudicium coniunguntur . Hinc existentia huius actus : *Petrus est homo* , pendet ab existentia istarum ap-

præ-

præhensionum : *Petrus*, & : *homo*, adeoque si vnum extremum constitui prædicabile per apprehensionem alterius nihil aliud sit, quàm non posse dari prædicationem vnius extremi de altero, nisi præcedat apprehensio extremi tam quod prædicatur, quam de quo prædicatur; hoc extremum : *homo* fiet prædicabile de Petro per apprehensionem huius extremi : *Petrus*.

Sed aliud est, quod ad prædicationem prærequiratur hæc cognitio; aliud quod per hanc cognitionem extremum constituatur prædicabile. Potest enim requiri vt conditio, sine qua vna ratio nequiret prædicari de alia, non autem per modum constitutiui prædicabilitatis. Hoc facile intelliges in exemplis satis communiter receptis. Nequit amari bonum, nisi præcedente cognitione: iuxta illud : *nil uolitum qu in præcognitum*: talis tamen præcedens cognitio supponit, nõ autem constituit amabilitatē, quæ tota quanta est in bonitate obiecti voliti: vnde cognitio est conditio, sine qua res non amaretur nec tamen constituit amabilitatem rei. Item mea manus nequit calefieri ab igne *A*; nisi sit proxima igni *A*: nec tamen huiusmodi proximitas constituit aut virtutem actiuam ignis, aut passiuam manus: adeoque quamuis calefactibilitas nequeat reduci in actum, nisi præuia proximitate subiecti calefactibilis ad agens calefactiuum: huiusmodi tamen proximitas non constituit calefactibilitatem, proprie loquendo, sed solum est conditio, sine qua calefactio non daretur.

ribus, est constitutiua ipsorum essentia; vel eorundem essentia superaddita. Rursus quando abstrahitur ratio constitutiua essentia, vel abstrahitur per modum totius essentia; vel per modum partis essentialis. Si ratio abstracta est tota essentia dicitur species vt: *homo* qui à Petro, Paulo, & alijs inferioribus abstrahitur per modum totius essentia; si vero vt pars: vel abstrahitur per modum partis determinabilis, & habentis rationem quandam materiae, & dicitur genus: vt *animal*, respectu hominis & bruti; vel vt pars determinatiua, & habens quandam rationem formae; & dicitur differentia vt: *rationale*, respectu hominis, *irrationale* respectu bruti.

Placuit his vocibus vti in explicatione predicabiliũ quia eas passim inuenies apud Philosophum, D. Thomam, & alios primæ notæ. Ne tamen in vna, eademque indiuisibili essentia imagineris partem, & partem: seu partem & totum: moneri debes ea omnia accipi debere in sensu Logico, superius à nobis explicato; quem hic iterum ad maiorem intelligentiam explicamus.

Diximus sæpe hominem & brutum imperfecte inter se conuenire: Petrum & Paulum perfecte. Brutum enim est principium indiuisibiliter & sentiendi & irrationandi (liceat sic loqui,) homo autem est principium indiuisibiliter sentiendi & rationandi. Hinc sequitur, quod aliquæ operationes, puta sensationes, sunt communes homini & bruto: non quod eadem operatio, quæ procedit ab homine possit procedere à bruto, sed quod similis: & aliquæ operatio-

nes, puta ratiocinationes, sunt propriae hominis, itavt similes à bruto nequeant proficisci, Compara iam Petrum cum Paulo, & nullam operationem reperiēs à Petro procedere cui similis procedere nō possit à Paulo.

Hinc habes, quod per quemlibet conceptum, per quem homo & brutum confundantur eo ipso Petrus, & Paulus; at non per quemlibet conceptum, per quem confundantur Petrus & Paulus, confunduntur eo ipso homo & brutum. Patet hoc, quia si Petrus & Paulus concipiuntur per ordinem ad omnia connotata ipsis communia; eo ipso exprimuntur per ordinem & ad sensationem, & ad ratiocinationem: per huiusmodi autem conceptum non confunditur homo cum bruto: si autem concipiuntur homo & brutum per ordinem ad connotata communia homini & bruto, puta per ordinem ad sensationem; eo ipso non solum confunditur homo cum bruto, sed etiam Petrus cum Paulo: quia tam commune est Petro & Paulo, quam homini & bruto, sentire.

Rursus per illum conceptum, per quem repræsentantur Petrus & Paulus per ordinē ad aliqua solum connotata, non dicitur exprimi totaliter & adæquate ipsorum essentia; adeoque non dicitur per huiusmodi conceptum abstrahi tota essentia: non quod sit aliquid in essentia Petri vel Pauli, quod per talem conceptum non attingatur; sed quia per huiusmodi conceptum non adæquate attingitur; per illum autem conceptum, quo repræsentantur per ordinem ad omnia connotata, dicitur abstrahi tota essentia; quia huiusmodi conceptus est adæquate expressi-

uus ipsorum essentia: adæquatione, & inadæquatione utrobique se tenente, non ex parte rei, quæ concipitur, sed ex parte conceptus, modo perfectius, modo imperfectius eandem rem attingentis.

Præterea plura perfecte similia, puta Petrus & Paulus, & singula individua naturæ humanæ concipi possunt inadæquate dupliciter; videlicet vel per ordinem ad illa connotata duntaxat, quæ conueniunt etiam dissimilibus, puta per ordinem ad operationes sentiendi, quæ conueniunt Bucephalo, Brunello, & alijs; vel per ordinem ad illa solū, per quæ differunt à sui dissimilibus; inter se autem conueniunt, puta per ordinem ad rationationes. Conceptus, per quem confunduntur plura inter se dissimilia in essentia, constituit genus: conceptus, per quem confunduntur plura duntaxat inter se perfecte similia, si sit per ordinem ad omnia connotata, constituit speciem; si per ordinem ad aliqua solum constituit differentiam: & consequenter hic conceptus: *homo*, constituit omnia individua naturæ humanæ in esse speciei: hic alius: *animal*, constituit hæc ipsa, & infinita alia in esse generis: hic alius: *rationale*, constituit illa in esse differentia: sermo est hic de differentia prout est vnum ex prædicabilibus.

Quod si ratio abstracta est extra essentiam eorum, à quibus abstrahitur talis ratio; vel conuenit conuertibiliter inferioribus, à quibus abstrahitur, & dicitur proprium, ut risibile respectu hominis: quamuis enim sit aliquid suo modo super additum essentia hominis, quæ adæquate constituitur per animal

animal rationale; tamen conuertibiliter prædicatur de homine, hoc est : *Omnis homo est risibilis*; & : *omne risibile est homo*. Vel non est ratio conueniens conuertibiliter, & tunc dicitur accidens. Ita album respectu hominis dicitur accidens: non enim conuertibiliter: *Omnis homo est albus*, & è conuerso; imò nec omnis homo est albus, nec omne album & homo. His positis probare oportet definitionem generis, quam ex Philosopho retulimus.

Probatur autem explicando. Dicitur primò: *unum aptum prædicari de pluribus*, animal v. g. de homine, equo, leone & cæteris. Et in hoc conuenit genus cum alijs prædicabilibus superius enumeratis, quæ & ipsa de pluribus prædicabilia sunt: *homo* enim, *rationale*, *risibile*, *album* de pluribus prædicantur.

Secundo dicitur prædicari *de differentiis specie*: hoc est de dissimilibus in essentia, qualia sunt homo, equus, leo, &c. & per hoc differt à specie, quæ non est prædicabilis nisi de perfecte similibus in essentia, vt ostendemus suo loco. *Homo* enim prædicari nequit nisi de Petro, & Paulo, & alijs huiusmodi; quæ sunt essentialiter & perfecte similia; ideoque dicuntur differre pure numericè, accipiendo in lata quadam significatione nomen differentię pro distinctione.

Tertio additur *in eo quod quid est*, quas particulas Porphyrius explicat dicendo, quod interroganti de aliquo obiecto quid sit, bene responderetur per genus. v. g. interroganti: *quid est homo*? bene respondes: *est animal*. assignando scilicet saltem partialiter ipsius essen-

essentiam, quæ à Philosopho vocatur *quod quid est esse rei*. Per has ultimas particulas discriminatur genus à differentia, proprio, & accidenti; quæ non prædicantur in quid, ut de singulis suo loco constabit.

Addit Porphirius, quod à proprio differt genus, quoniam proprium quidem de vna sola specie, cuius est proprium, prædicatur, & de ijs quæ sub ipsa specie sunt indiuiduis; ve risibile de homine, & de singulis hominibus; genus autem non de vna specie prædicatur, sed de pluribus, & differentibus.

Cum igitur hæc definitio perfecte explicet naturam siue essentiam generis; explicando scilicet & id, per quod conuenit, & id, per quod disconuenit cum alijs prædicabilibus; dicendum est hanc esse bonam, nec à Philosopho recendum.

ARTICVLVS II.

Respondetur Obiectionibus.

O Bijeies primò. Genus est pars respectu speciei, v. g. animal respectu hominis, sed pars nequit prædicari in recto, & in quid de suo toto: ergo genus nequit prædicari de specie dicendo: *Homo est animal*: & consequenter malè ponitur in definitione generis quod prædicetur in quid.

Resp. disting. mai. genus est pars simul & totum: concedo mai. est pars solum: nego mai. & eodem modo dist. min. nego consequentiam.

Dices: non potest idem respectu eiusdem esse pars simul & totum: ergo vel genus

respectu speciei est solum pars, vel solum totum.

Resp. neg. ant. quia idem diuersimode potest accipi, & prout diuersis actibus intellectus subitans, diuersas denominationes sortiri. Ad huius intelligentiam.

Sciendum est, quod per definitionem allatam definitur concretum ex natura, quæ denominatur genus, & præcisione, seu cognitione iam supra explicata, per quam constituitur genus, asserturque natura in recto, & prædicta cognitio in obliquo. Natura autem, quæ in prædicto concreto habet rationem recti, est realiter omnia illa indiuidua, seu collectio omnium indiuiduorum, quæ per prædictam cognitionem attinguntur. Puta natura, quæ constituitur in esse generis per per hanc cognitionem: *animal*, iunt omnia omnino animalia, homo, lupus, leo, canis, &c. Hoc autem totum continet per modum partis quamlibet speciem, ut est manifestum.

Hæc eadem collectio omnium animalium per hanc abstractionem mentalem, *animal* est totum potentiale seu potestatiuum respectu specierum, puta respectu hominis equi, leonis, &c. In definitione vero, quia hæc constat ex genere & differentia habet rationem partis metaphysicæ actualis; ideoque illud idem, quod est totum potestatiuum, in definitione coniunctum cum differentia, induit rationem partis: & consequenter idem cum eodem diuersimode comparatum, puta animal cum homine, denominatur modo pars, modo totum.

Instabis: dictum est supra, quod quando ratio, quæ abstrahitur, abstrahitur per modum

dum totius est species: sed ratio animalis abstrahitur per modum totius: ergo ratio animalis est species.

Resp. primò. neg. mai. dictum est, quod quando ratio, quæ abstrahitur, abstrahitur per modum totius essentiæ; siue quod quando ratio abstracta est tota essentia, tunc est species; quando videlicet cognitio abstrahens est perfecte expressiua essentiæ inferiorum, à quibus abstrahitur; tunc talis cognitio constituit speciem.

Resp. secundò negando min. quia animal in hac cognitione: *Animal*, non apparet, neque ut pars, neque ut totum, sed ab utroque præscindit; sicut etiam in hac prædicatione: *homo est animal*, quamuis autem non appareat neque ut pars, neque ut totum; tamen per hanc cognitionem: *Animal* constituitur in esse totius potestatiui, quod conuenit omni rationi vniuersali, ut dictum est alibi.

Obijc. secundò, genus prædicatur de differentibus solo numero; ergo malè definitur prædicabile de pluribus differentibus specie. Antecedens probatur, quia bona est hæc prædictio: *Petrus est animal*, *Paulus est animal*; & sic de cæteris, quæ solum numericè differunt.

Resp. primò transmissio ant. neg. consequ. Definitio generis solum affirmat, quod prædicetur de differentibus specie; hoc autem est verissimum: prædicatur enim de homine, equo, leone. Quod verò prædicetur etiam de differentibus solum numericè non negatur in definitione. Cum igitur per illas particulas intendat Philosophus discriminare genus à specie, hoc sufficienter obtinet: nam

species, putà *Homo*, prædicari nequit de differentibus specie; adeoq; per talem prædicationem sufficienter differt genus à specie, etiam si in hoc alio conveniat, quod etiam de differentibus numericè, putà de Petro, & Paulo prædicetur.

Resp. secundo dist. antec. prædicatur de differentibus numero; prædicatione immediata & categorica; nego antec. prædicatione non immediata: conc: antec. & nego cōsequ. Prædicatio animalis de Petro non est immediata, quia inter animal, & Petrum mediat homo; nec ideo Petrus est animal, quia Petrus est: sed quia homo est.

Ad complementum doctrinæ de genere, sciendum est diuidi genus in supremum, seu generalissimum, subalternum, & infimum. Supremum est, quod non habet supra se aliud genus, v. g. *Substantia*. Subalternum est, quod habet supra se aliud, & aliud infra, v. g. *Viuens*, quod supra se habet substantiam, & infra se animal. Infimum est quod nullum genus habet sub se: huius nemo hactenus certum exemplum attulit: certum est enim animal habere sub se plura genera, cum tamen afferatur à non paucis pro exemplo generis infimi; fortasse quia ex communi proloquio in exemplis non requiritur veritas. Est enim indubitatum dari multas species piscium, multas avium, &c. & consequenter rationem piscis, & rationem avis esse rationes genericas. Quamvis autem nequeat certum assignari, est tamen certum illud dari. Cuilibet verò prædictorum generum convenit proportionaliter allata definitio.

QVÆSTIO II.

De specie.

ARTICVLVS I.

Quid sit species.

Speciei definitio triplex inuenitur apud Porphyrium cap. 3. Nos primo loco illam afferemus, quam ille attulit ultimo. Est igitur species, ait Porphyrius, quæ de pluribus, & differentibus numero in eo quod quid est prædicatur, v. g. *Homo*, qui de Petro, de Paulo, & alijs. Definitionem hanc esse bonam apparet ex ijs, quæ diximus in definitione generis, quæ proportionaliter definitioni speciei applicanda. Per hoc quod prædicetur de pluribus, conuenit cum genere, & alijs vniuersalibus; per hoc, quod de numero differentibus, discriminatur a genere; per hoc, quod in eo quod quid est, à differentia, quæ in quale quid prædicatur, & ab alijs duobus, quæ in quale.

Quia verò species dupliciter considerari potest nimirum, vel comparatiuè ad genus, sub quo collocatur, & quod prædicatur de ipsa, vel comparatiuè ad inferiora, de quibus ipsa prædicatur; ideò præter definitionem, per quam explicatur per ordinem ad inferiora, duas alias habet Porphyrius, per quas comparatur cum genere. Prima est: Species est, quæ sub assignato genere est, v. g. *homo*, qui sub animali. Secunda: species est,

quæ subijcitur generi, & de qua genus in eo, quod quid est prædicatur, vt idem *homo*, qui subijcitur animali, & de quo animal in eo quod quid est prædicatur: dicitur enim: *Homo est animal*.

Diuiditur autem species in speciem specialissimam, siue infimam, siue atomam, & in speciem subalternam. Species infima, siue atoma est, quæ ita subijcitur generi, vt nullam aliâ speciem sub se habeat, vt *Homo*, qui ita subijcitur animali, vt sub se non contineat aliam speciem, sed solum indiuidua Petrum, Paulum, &c: Subalterna verò est quæ ita sub genere collocatur, vt etiam sub se contineat aliam speciem, v. g. *Animal*, quod ita est species viuientis, & ita sub viuente tanquam sub genere continetur, vt etiâ sub se alias species comprehendat, putà hominem, leonem, equum, &c.

Species primo loco definita à nobis sine vlla controuersia est species prædicabilis: an autem ad rationem speciei prædicabilis sufficiat esse sub assignato genere, vel subijci generi, & esse id, de quo genus in eo quod quid est prædicatur; non est sine controuersia inter auctores. Si enim dentur species essentialiter immultiplicabiles in indiuidua, quales sunt in sententia Thomistarum species substantiarum immaterialium; adhuc huiusmodi species ponuntur sub assignato genere, subijciuntur generi, & de ipsis genus in eo quod quid est prædicatur: & tamen nulla ex huiusmodi speciebus prædicabilis est de pluribus, vt est manifestum. Nam & natura Michaelis, & natura Gabrielis, quæ sunt huiusmodi species ponuntur sub
gene-

genere Angeli, de ipsis Angelus in eo quod quid est prædicatur: dicitur enim Michael est Angelus, &c. & tamen neque natura Michaelis, neque natura Gabrielis est de pluribus prædicabilis.

Propterea huiusmodi species rectè dicuntur pure subijcibiles, in quo differunt à speciebus prædicabilibus, quales sunt species substantiarum materialium, dux etiam ipsæ sunt subijcibiles, sed non purè subijcibiles: homo enim subijcitur huic generi *Animal*, sed simul prædicatur de pluribus indiuiduis, vt constat. Vides igitur, quod ad rationem speciei subijcibilis sufficit vnitas, vel realis, & propria, vel intentionalis, & impropria: nam natura Michaelis habet in prædicta sententiâ Thomistarum veram, propriam, & realem vnitatem; & tamen est species subijcibilis: natura verò humana, siue homo non habet veram, & realem, sed purè intentionalem vnitatem, vt dictum est, & ipsa etiâ est species subijcibilis: per id autè ipsâ, quod talis vnitas est vnitas purè intentionalis, scilicet per pluralitatem inferiorum inter se similium, est species non pure subijcibilis, sed prædicabilis, vt diximus sæpe. An autem possibiles sint, & an dentur huiusmodi species essentialiter immultiplicabiles, disputabitur infra.

Suppositis tamen huiusmodi speciebus dupliciter saluare conantur Thomistæ, quod non sint pure subijcibiles, sed insuper prædicabiles. Primò aiunt fingi posse in ipsis quandam pluralitatem inferiorum, ratione cuius natura sit de pluribus prædicabilis. Sed hoc est absurdum: nam eodem modo dicere

dicere possent naturam humanam prædicabilem esse, siue vniuersalem respectu equi, leonis, &c. imò Hircocerui, & Chimæræ. Quemadmodum enim potest intellectus fingere naturam, quæ in se est essentialiter immultiplicabilis, habere plura inferiora, quibus per identitatem communicetur; ita etiam fingere potest naturam humanam, quæ essentialiter repugnat equo, & Hircoceruo communicabilem esse per identitatem equo, & Hircoceruo; & consequenter si per primam fictionem natura Michaelis denominatur vniuersalis respectu plurium individuorum, etiam natura humana per secundam denominabitur vniuersalis respectu equi, & Hircocerui. Non enim apparet cur primum figmentum sit sufficiens, secundum verò insufficiens ad vniuersale.

Secundò dicunt naturam Michaelis, quamuis essentialiter immultiplicabilem, constitui tamen vniuersalem, quia concipitur negativè indifferens ad plura. Quod si interrogas, quid sit concipi negativè indifferens ad plura. Respondent nihil aliud esse, quam concipi conceptu non attendente, an repugnet, an non repugnet talem naturam identificari cum pluribus.

Sed contra est, quia hoc absurdum non est minus, quam primum. Facile enim probabis naturam humanam esse vniuersalem respectu canis, & Hippocentauri. Centies enim concipis naturam humanam cognitione non attendente, an hæc repugnet, an non, identitati cum cane, & Hippocentauro, & consequenter constituis illam negativè indifferentem ad canem, & Hippocentaurum,
quibus

quibus non magis repugnat naturam humanam identificari, quam repugnet naturam Michaelis, & quamlibet speciem substantiæ immaterialis identificari cum pluribus indiuiduis. Ex his apparet prædictas species, si dentur, nullo modo esse prædicabiles.

ARTICVLVS II.

Satisfit obiectionibus.

Objicies primò. Incorruptibile nequit prædicari de corruptibili, species est incorruptibilis, singularia sunt corruptibilia; ergo species nequit prædicari de singularibus. Maior videtur manifesta, quia incorruptibile cum corruptibili non habet identitatem, quæ requiritur ad prædicationem vnius de altero in recto.

Resp. concessa maiori negando minorem. Eadem incorruptibilitas, quæ conuenit homini, conuenit Petro. Quæ nam sit autem prædicta incorruptibilitas dictum est alibi. Sicut necessario homo est animal rationale; ita necessario Petrus est homo. Hæc est incorruptibilitas vtriq; conueniens, necessaria videlicet connexio prædicatorum, quæ dicitur incorruptibilitas logica. Sicut Petrus est indifferens vt sit, vel non sit in rerum natura, sic etiam homo. Hæc est corruptibilitas quoad existentiam, seu physica.

Objicies secundò, quæstione superiori definitum est genus per speciem, vt pater ibi: hic definitur species per genus: dicitur enim: Species est, quæ sub assignato genere

re collocatur; ergo in his definitionibus committitur circulus.

Resp. quod quando definitur genus per speciem, dicendo esse id, quod prædicatur de pluribus specie differentibus, species venit sub aliquo conceptu rudiori, sub quo ferè omnibus innotescit quid sit differre specie, putà differre secundum essentiam, aut differre notabili aliqua diuersitate; quando definitur species per genus iam meritò supponitur notum quid sit genus, quandoquidem ipsius definitio definitioni speciei præluxit. Igitur in forma distingue antecedens: definitur genus per speciem; acceptam secundum cognitionem scientificam: nego; acceptam secundum notitiam rudiolem, & omnibus notam: concedo antecedens, & nego consequentiam. Ad committendum circulum oportet, vt duo explicentur per se inuicem eodem modo cognita. Adde quod ad speciem à nobis hic admissam sufficit quidem definitio, quam primo loco retulimus; in qua nulla fit mentio generis: non autem sufficiunt aliæ duæ, in quibus definitur solum per ordinem ad genus.

Obijcies tertio. Ex definitione speciei scilicet: vnum aptum prædicari de pluribus & differentibus numero in eo quod quid est sequitur hanc rationem: *visio albedinis A* constituere speciem diuersam ab hac alia: *Visio albedinis B*: consequens est absurdum; ergo & antecedens. Sequela maioris probatur quia esse visionem albedinis *A* est prædicabile in eo quod quid est de pluribus numero differentibus, de quibus non est prædicabile esse visionem albedinis *B* Idem dic vice

vice versa de visione albedinis *B*, quæ est prædicabilis de pluribus numero differenti-
bus, de quibus non est prædicabilis visio
albedinis *A*, ergo visio albedinis *B* & visio
albedinis *A* constituunt duas species. Ante-
cedens probatur, quia sunt possibiles infinitæ
visiones albedinis *A*, quæ non sunt visiones
albedinis *B*; & è conuerso; ergo esse visio-
nem albedinis *A* est prædicabile de pluribus
numero differentibus in eo quod quid est, de
quibus non est predicabile esse visionem al-
bedinis *B* & è conuerso.

Resp. negando sequelam maioris. Ad
probationem distinguo antecedens: esse vi-
sionem albedinis *A* est prædicabile de pluri-
bus in eo quod quid est: prædicatione pro-
pria scientiæ nego antecedens: alio genere
prædicationis: concedo antecedens, & nego
consequentiam. Difficultas proposita magis
explicabitur questione sequenti vbi appare-
bit in visione albedinis *A* nullam esse dissi-
militudinem à visione albedinis *B* cum igitur
scientiæ comparent essentias rerum se-
cundum quod dissimiles sunt, non ponder-
ant in visione albedinis *A* quod sit potius
albedinis *A* quam albedinis *B*, attendenden-
tes solum quod sit visio albedinis. Ratio au-
tem cur visio albedinis *A* nihil differat à vi-
sione albedinis *B*: est quia ipsa albedo *A* ni-
hil differt ab albedine *B* rationes autem re-
spectivæ similitudinem aut dissimilitudinem
fortiuntur à terminis quos respiciunt; & cō-
sequenter duæ visiones respicientes termi-
nos omnino similes sunt etiam ipsæ similes.

QVAESTIO III.

Sit ne possibilis species immultiplicabiles.

ARTICVLVS I.

Statuitur conclusio negatiua.

Rerum aliæ sunt corporeæ, seu materiales; aliæ incorporeæ, & immateriales. In qualibet specie rerum materialium possibilia esse plura indiuidua; vix, aut ne vix quidem est, qui controuertat. Res autem, siue substantias adæquatè immateriales, cuiusmodi sunt Angeli, esse intra eandem speciem immultiplicabiles; hoc est substantias adæquatè immateriales esse singulas essentialiter adæquate totam speciem; docent communiter Thomistæ; itaut repugnet simpliciter, & absolutè Angelus eiusdem speciei cum Michaele: & sic de cæteris.

Fundamentum huius sententiæ maximè prioristicum est quod indiuiduorum multiplicatio intra eandem speciem petatur à materia physica: sed substantiæ omnino immateriales excludunt à se omnem materiam physicam: igitur excludunt vnde intra eandem speciem multiplicentur. Multiplicatur autem indiuidua intra eandem speciem per materiam, non quomodocunque sed per materiam sigillatam: per hoc enim, quod hæc forma ad hanc; illa ad illam sigillationem ex se ordinetur; hæc forma est hæc, & illa est illa

illa. Vbi vero non est materia, ibi nec materię sigillatio; adeoque nec formarum multiplicatio. Habetur, aiunt, hæc doctrina ex ipso Porphyrio in definitione indiuidui: *Quod ex proprietatibus constat, quarum collectio numquam in alio erit eadem.* Quam collectionem alibi comprehendimus hoc versiculo: *Forma, figura, locus, stirps, nomen, patria, tempus.*

Verum si indiuiduum consideres sub ratione, sub qua definitur à D. Thoma: *indivisum in se, & diuisum à quocunque alio*; non habes unde ex ratione indiuidui dicas hoc multiplicari per ordinem ad diuersas sigillationes materię; imo sic philosophaberis. Tam substantia materialis *A* est per seipsam substantia materialis *A*; quam substantia immaterialis *A* est per seipsam substantia immaterialis *A*: ergo tam per seipsam substantia materialis *A* est distincta ab omni alio; quam per se ipsam substantia immaterialis *A* est distincta ab omni alio: hæc per se ipsam formaliter indiuiduatur, & est hæc: ergo & illa. Atque hic conceptum indiuidui metaphysicum retines, ex quo nihil habet Aduersarius pro sigillatione, quæ in indiuiduis materialibus ponitur purè pro indiuiduatione sensibili, & reddente indiuidua discernibilia quoad nos: quorum in intellectu nihil est, quod prius non fuerit in sensu.

Probatur ergo conclusio, quia prædicatum immultiplicabilitatis fundari debet in aliquo alio prædicato talis creaturæ, quæ dicitur immultiplicabilis; seu in aliquo prædicato, quod sit essentialiter exigentia immul-

tiplicabilitatis: sed tale prædicatum nequit dari in vlla creatura: ergo nulla est creatura essentialiter immultiplicabilis. Explicatur hoc, & probatur, quia dicere, quod non potest fieri vllus Angelus similis Michaeli, & non afferre in Michaeli vllam rationem excludentem similitudinem omnis alterius secum; est gratis dicere, & coarctare diuinā omnipotentiam: debet enim in hoc obiecto: *Angelus similis Michaeli* ostendi repugnantia, vt ostendatur esse impossibile: quænam autem repugnantia assignari potest?

Dices: hoc ipsum prædicatum *immultiplicabilitatis* est essentialiter exclusiuum cuiuslibet alterius indiuidui intra eandem speciem: ergo in creatura immultiplicabili reperitur prædicatum riddens hoc obiectum chimericum: *Angelus similis Michaeli*. Conseq. est euidens. Da enim Michaeli esse immultiplicabilem secundum speciem, & simul pone Angelum similem Michaeli; eo ipso ponis Michaeli immultiplicabilem, & non immultiplicabilem secundum speciem: & alterum Angelum similem, & non similem Michaeli.

Resp. idem etiam dicturum, qui substantiam aliquam materiale ponet essentialiter immultiplicabilem. Prædicatum enim immultiplicabilitatis, vbicunque sit, est exclusiuum cuiuslibet alterius indiuidui intra eandem speciem. Concedo igitur quod prædicatum immultiplicabilitatis excludit omne aliud indiuiduum eiusdem speciei; sed propterea nego hoc prædicatum immultiplicabilitatis: vt autem probetur inesse Angelo; oportet vt probetur per aliquod aliud præ-

prædicatum Angeli : hoc autem aliud prædicatum nequit afferri, vt probabitur solutione obiectionum, in quibus afferrentur, & euerterentur fundamenta Aduersariorum.

ARTICVLVS II.

Respondetur obiectionibus.

O Bjicies primò. Non est coarctanda diuina omnipotentia : ergo non est negandum, quod, præter omnes alias species multiplicabiles, possit etiam creare aliquam speciem immultiplicabilem. Conseq. probatur, quia qui dicit Deum posse creare omnes species multiplicabiles ; & præterea aliquas immultiplicabiles : magis ampliat diuinam omnipotentiam, quam qui dicit Deum posse creare solum species multiplicabiles : ergo qui negat Deum posse creare species immultiplicabiles coarctat diuinam omnipotentiam.

Resp. hoc argumentum, quod æque fieri posset pro immultiplicabilitate substantiæ materialis, laborare in æquiuoco. Species de quibus disputatur an sint multiplicabiles, an immultiplicabiles, ab vtraque parte litigantium admittuntur. Puta vtraque pars concedit dari substantias adæquate immateriales, quales sunt Angeli. Hoc ex vtraque parte supposito; qui admittunt species immultiplicabiles, singulas species coarctant ad singula indiuidua; qui negant, in singulis speciebus infinita indiuidua admittunt. Videat iam æquus Iudex vtra pars coarctet, vtra amplificet diuinam omnipotentiam.

In formā ad argumentum: con. ant. & nega. conseq; ad cuius probationem: nega. ant. Qui admittit specics immultiplicabiles, eo ipso non admittit omnes species multiplicabiles, quæ ab alio admittuntur; cum alius illas species vt multiplicabiles admittat, quæ ab ipso ponuntur immultiplicabiles.

Obijcies secundo. Formæ non multiplicantur numero, nisi per multiplicationem subiectorum: ergo formæ, quæ non sunt in subiecto, nequeunt multiplicari numero; sed huiusmodi sunt substantiæ adæquate immateriales: ergo substantiæ adæquatè immateriales non multiplicantur numero. Ant. probatur, quia albedo, quæ est in lacte; & albedo, quæ est in niue, sunt duæ albedines per hoc, quod vna sit in lacte, & altera sit in niue: ergo formarum multiplicitas habetur formaliter per multiplicationem subiectorum.

Resp. neg. ant. ad cuius probationem iterum: nego ant. Quælibet forma, secundum se præcise accepta, habet suam vnitatem numericam; imo est sibi sua vnitas numerica, suaq; indiuiduatio metaphysica. Albedo A & albedo B secundum se præcise acceptæ sunt duæ albedines, quamuis iner se omnino similes; nec enim omnimoda similitudo tollit pluralitatem: imo similitudo omnimoda ponit pluralitatem; cum repugnet nisi inter plura.

Obijcies tertio Differre numero est differre materialiter: substantiæ immateriales nequeunt differre materialiter: ergo substantiæ immateriales nequeunt differre numero.

Resp. omiſſa mai. neg. min. Non quod
uic-

viscunque ponitur hæc vox : *materialiter* ; ponitur vt appellet materiam physicam. Individua eiusdem speciei dicuntur differre materialiter, quia non differunt secundum essentiam; hoc est secundum prædicata definitiua, cum in vna eademque definitione omnia conueniant. Quod si per li *materialiter* intelligat Aduersarius differre secundum materiam physicam, vel secundum ordinem intrinsecum ad materiam physicam, nega quod differre numero sit differre materialiter. Plura individua eiusdem speciei dicuntur esse maior perfectio materialiter; non autem formaliter: siue illa individua sint in genere substantiæ materialis, siue in genere immaterialis; quia videlicet in pluribus perfectio est pure extensiuè maior, non autem intensiuè (sermo est de perfectione essentiali) puta omnes homines simul non plus habent perfectionis intensiuè, quam vnicus homo: habent tamen plus extensiuè, quia sunt infinities eadem perfectio. Idem dic de infinitis Angelis similibus Michaeli.

Addo quod, secundum D. Thomam, etiam substantiæ immateriales differunt inter se materialiter; quod vt intelligas: scire debes, quod S. Doctor passim, & præcipue prima parte, quæstio. 14. art. 1. corp. docet Deum esse in summo gradu immaterialitatis; quia scilicet, vt alibi explicat, nulla est in Deo potentialitas: siue Deus, cum sit plenitudo totius perfectionis, non est vltorius per vllâ formam perfectibilis. Cætera autem omnia, cum sint in potentia ad vltiorem perfectionem; ideoque habeant aliquid potentialitatis, non sunt in eodem gradu immateriali-

litis cum Deo. cum autem, præcipue apud Thomistas, materia sit pura potentia; quæcunque sunt aliquo modo in potentia, participant aliquid de ratione materiæ, saltem analogice, & per quandam proportionem: itaut fere idem sonet apud Doctorem Angelicum habere aliquid materialitatis, quod habere aliquid potentialitatis.

Hinc facies hoc argumentum. Substantiæ immateriales habent aliquid potentialitatis: potentialitas est aliqua materialitas: ergo substantiæ immateriales habent aliquid materialitatis. D. Thomas concedet totum, & benè. Ex opposito pro Deo sic arguet: quod non habet vllam potentialitatem, non habet vllam materialitatem: Deus non habet vllam potentialitatem: ergo non habet vllam materialitatem. Rursus: quod excludit à se omnem materialitatem, est in summo gradu immaterialitatis: ergo Deus est in summo gradu immaterialitatis. Propositio supra posita: *Substantiæ immateriales habent aliquid materialitatis*, non debet esse mirabilis, nisi non intelligentibus.

Suppone iam nomine substantiæ existentis in hoc vel illo gradu immaterialitatis venire substantiam per comparisonem ad materiam physicam, quam excludat: & vide quam ineptum sit dicere Deum esse in summo gradu immaterialitatis; Angelos vero non in eodem esse gradu; inter se autem suscipere magis vel minus, prout sunt magis vel minus perfecti, Ineptum est, inquam dicere Deum esse in aliori gradu immaterialitatis, quam vel minimus Angelus: cum nec minimus Angelus vel atomum materiæ
admit-

admittat; tam enim minimus Angelus excludit à se omnem materiam physicam, quam Deus. Intelligendo autem materialitatem, & immaterialitatem secundum modum, quem ex D. Tboma retulimus; recte dicitur hæc & illa esse in maiori, vel minori gradu immaterialitatis.

Ex hac ipsa materialitatis & immaterialitatis explicatione facile est euertere alia fundamenta opinionis oppositæ. Ex hoc enim quod Angeli habeant potentialitatem, vt omnes concedunt; sequitur eos esse capaces accidentium, quibus perfici possunt: quando enim dicuntur vltius perfectibiles, sermo est de perfectione accidentali, cum essentialis non intendatur. Explicatur hoc, quia inter præcipua fundamenta opinionis aduersæ est, quod indiuidua intra eandem speciem debent esse inter se discernibilia: sed hoc ipso, quod substantiæ immateriales sunt capaces accidentium, sunt inter se discernibiles: ergo &c. minor probatur, quia, quemadmodum in substantijs materialibus diuersa collectio accidentium materialium discriminat vnā ab altera; ita etiam diuersa collectio accidentium immaterialium vnā substantiā immaterialem ab alia immateriali discriminabit.

Dices: substantiæ debent esse inter se discernibiles pro priori ad quamlibet collectionem accidentium: ergo discernibilitas, quæ petitur ex accidentibus, est insufficiens. Antec. probatur, quia debent esse discernibiles per se, & secundum essentiam. Confirmatur, quia Deus ipse quemlibet Angelum à quolibet discernit, sed secundum hanc &
Q illam

illam essentiam, secluso omni accidente: ergo secluso omni accidente datur aliqua inter hunc, & illum Angelum dissimilitudo. Probatur hæc vltima Conseq; Datur inter hunc, & illum Angelum discernibilitas: sed omnis discernibilitas est aliqua dissimilitudo: ergo & inter hunc, & illum Angelum datur aliqua dissimilitudo.

Resp. primò hæc omnia sufficienter à nobis impugnari; vbi statuimus inter indiuidua eiusdem speciei non solum non dari, sed repugnare quamlibet dissimilitudinem entitativam. Resp. secundo quod, etiamsi esset inter indiuidua eiusdem speciei necessaria aliqua dissimilitudo, tam posset reperiri inter indiuidua immaterialia, quam inter indiuidua materialia. Ratio est, quia quemadmodum indiuidua materialia dissimulantur per hoc, quod dicant ordinem intrinsecum ad diuersa accidentia materialia; ita possunt immaterialia dissimulari per ordinem, quem dicant ad accidentia immaterialia. Atque hic obiter nota æquiocationem qua laborant Aduersarij, vt contra nos pugnent. Toti enim sunt in enumerandis quibusdam accidentibus, per ordinem ad quæ nequeunt dissimulari. Puta considerant circumstantias quasdam temporis, & loci; quæ cum non possint esse eadem duorum materialium, possunt tamen esse eadem duorum immaterialium: & quia in huiusmodi circumstantijs possunt vniri duo immaterialia; ideoque per ordinem ad tales circumstantias nequeunt inter se discrepare, inferunt immaterialia simpliciter, & absolute nō posse discrepare inter se intra eandem speciem.

Rem explico. Petrus, & Paulus possunt intra eandem speciem esse numero differentes; quia v. g. Petrus exigit in sui primo esse existere in tali loco: nequit autem pro eodem tempore exigere esse in hoc eodem loco Paulus; quia videlicet duæ substantiæ materiales nequeunt simul esse in eodem loco. At vero cum substantiæ immateriales, puta Gabriel, & Raphael, possint esse in eodem loco; ex hoc quod petatur hic locus à Michael, non excluditur ab hoc eodem loco Gabriel: sed ambo petere possunt eundem locum, eodem tempore; & consequenter alter ab altero non discernitur per hoc, quod hic ad hunc; ille ad illum locum ordinem habeat.

In hoc discursu non pauciora sunt peccata, quam verba. Primò enim sine vlllo fundamento dicitur, quod Petrus petat in sui primo esse existere in hoc potius, quam in vlllo alio loco: est enim ridiculum ex terminis dicere, quod si in alia domo conceptus, vel natus esses; quam in ea, in qua conceptus, vel natus es; vel non æque naturaliter esses, ac es; vel non fores ille idem homo, qui es. Et sic de cæteris: nec aliud afferri ab Aduersarijs fundamentum, quam veritatem suppositam suæ conclusionis. Secundò gratis assumitur, vt indubitatum substantias immateriales posse ex natura rei esse duas in eodem loco: quamvis experientia doceat nos dumtaxat circa corporea, quod penetrari non possint; non tamen inde fit euidentis substantias immateriales posse esse plures in eodem loco. Imo hoc negatum nurnies apud multos.

eosque magni nominis Theologos.

Tertiò ineptum est ex eo, quod non inueniam in circumstantijs assignatis à Porphyrio pro substantijs materialibus rationem indiuiduantem Angelos; negare quod possint Angeli indiuiduari per ordinem ad accidentia: poterunt enim indiuiduari per hoc, quod vnus dicat ordinem ad hæc, alius ad hæc alia accidentia spiritualia: & eodem iure, quo dicit Aduersarius hæc accidentia esse indifferentia ad hunc, vel illum Angelum; dices tu illa alia esse indifferentia ad hunc vel illum hominem. Denique ad argumentum in forma dist. ant. debent esse discernibiles pro priori ad quamlibet collectionem accidentium, & à quolibet intellectu: nego ant. ab aliquo intellectu: conc. ant. & nego conf. *Ly discerni*, potest esse occasio alterius equiuocationis. Si enim discerni nihil aliud est, quàm terminare cognitionem dicentem: *hoc, & illud*; sunt discernibiles eo ipso, quod faciunt numerum; nam eo ipso, quod sunt, est: *hoc & illud*. Si autem per *ly discerni* idem intelligat Aduersarius, quod terminare cognitionem dicentem: *hoc est dissimile illi*, neq; Deus discernit inter indiuidua eiusdem speciei. Sed hoc secundum non est discernere, sed decipi; quod propterea merito negatur Deo.

Ad id, quod dicitur, quod Deus ipse quolibet Angelum à quolibet discernat, non per accidentia, sed per se, hoc est per hanc, & illam essentiam; adeoque dari discernibilitatem: vltro concedimus: eo enim ipso, quod datur numerus, datur discernibilitas. Ad id autem, quod dicitur: omnis discerni-

bilitas

bilitas est aliqua dissimilitudo, negamus: nā numerus, & distinctio dicit discernibilitatē: numerus, & distinctio non dicit necessario dissimilitudinem: ergo discernibilitas non dicit necessario dissimilitudinem. Quod numerus, & distinctio non dicat dissimilitudinem; manifestum est, quia similitudo, ex ratione præcisa similitudinis, est numerus, distinctio, pluralitas: ergo numerus, distinctio, pluralitas non dicunt necessario dissimilitudinem.

Ex his omnibus habes, controuersia inter nos, & Aduersarios reduci ad hoc punctum: an quælibet res sit se ipsa formaliter hæc potius, quam illa: & an esse hanc potius quam illam haberi possit cum omnimoda similitudine. Primam partem non audent negare; secundam probabimus vltius, vbi de differentia specifica, & de indiuiduo.

QVAESTIO IV.

De Differentia.

ARTICVLVS I.

Afferuntur aliquæ definitiones differentia.

Diuiditur à Porphyrio differentia in communem, propriam, & propriissimam. Communis est illa, per quam vnum ab altero differt secundum accidens non necessario profluens ab essentia, & ab eadem separabile: puta si Petrus à Paulo per albedinem: Propria est perquam vnum

ab altero differt secundum accidens quidem, sed necessario profluens ab illius essentia, & ab eadem inseparabile: puta homo ab equo per risibile. Quamuis enim risibile sit aliquid supra essentiam hominis; tamen est aliquid ab ipsa necessario profluens, & ab ipsa essentialiter inseparabile. De hac utraque differentia, quarum altera cum accidente, altera cum proprio coincidit, agemus in sequentibus. Hic vero agendum est nobis de propriissima, per quam nimirum unum ab altero differt essentialiter & non per accidens.

Definitur autem differentia primò sic. Differentia est quæ de pluribus & differentiibus specie in eo quod quale quid est prædicatur. Per hoc quod de pluribus prædicetur conuenit cum alijs prædicabilibus: per hoc quod in eo quod quale quid; ab iisdem disconuenit. Hæc definitio Porphyriana satis communiter reijcitur à Philosophis utpote non conueniens differentijs infimis, quæ tamen sunt propriissimæ differentiæ. Non enim conuenit rationali quod non prædicatur de pluribus differentiibus specie, sed solum de indiuiduis humanis, quæ non differunt nisi numerice; hoc est quæ nullam inter se dissimilitudinem essentialem habent sed pure & præcise distinctionem. Non conuenit hinnibili, quod non prædicatur nisi de indiuiduis equinis & sic de cæteris.

Tam rationale quàm hinnibile vsurpantur hic pro differentijs per quas homo & equus essentialiter differunt ab omnibus alijs. Hoc tamen, an ita sit, dubitari posset: sed quia in exemplis ad claritatem magis quam ad veri-

veritatem attenditur ; ideo hic nobis vt alij loquuntur loquendum est .

Vt autem intelligas quid hic appellemus nomine differentiarum infimarum : scire debes, quod quemadmodum species diuisa est à nobis in infimam & subalternam ; ita etiam differentia ipsa diuiditur in infimam & subalternam . Differentia subalterna est illa quæ cum genere constituit speciem subalternam : ita se habet sensitiuum respectu viuents ; viuens enim est genus respectu sensitiui & non sensitiui ; cum primo constituit Animal ; cum secundo Plantam . Animal autem quod per viuens tamquam per genus, & per sensitiuum tamquam per differentiam constituitur species , est species subalterna : vt alibi dictum est ; adeoque ratio sensitiui est differentia subalterna . Differentia infima est illa quæ simul cum genere constituit speciem infimam : puta : rationale ; quod cū animali constituit hominē : hinnibile ; quod cum animali constituit equum : quæ sunt species infimæ , hoc est prædicabiles de pluribus pure distinctis .

Scotus, & alij cum ipso dicunt definitionem allatam ex Porphyrio esse insufficientem : vel quia ipse Porphyrius solum definiuerit differentias subalternas ; ratus cum Platonice præter has, nullas alias dari ; vel quia non satis accuratus fuerit in definiendo : propterea vel remouendæ sunt, aiunt illi, à definitione allata , hæ particule : *differentibus specie*, vel addendum : *aut numero* : quibus mutatis habes vel hanc definitionem : *Differentia est quæ de pluribus in eo quod quale quid est prædicatur*. Vel hanc aliam :

Differentia est quæ de pluribus differentibus specie, aut numero, in eo quod quale quid est prædicatur.

Prædicari autem in eo quod quale quid est, est prædicari per modum partis essentialis, determinantis genus ex se indifferens ad hanc vel illam speciem. Ita rationale prædicatur de homine in *quale*, quia sicut interroganti; quid sit homo: recte respondes per genus dicendo: *est animal*: ita inquirenti: quale animal? recte respondes per differentiam, dicendo: *est rationale*. Dicitur autem prædicari in quale non quomodocunque sed in quale quid, quia prædicatur in quale constitutum essentiali.

Definitur secundo, differentia eodem cap. introductionis. *Id quo species abundat à genere*. Quia nimirum differentia quæ cum genere constituit speciem est aliquid supra genus; ideoque species per ipsam abundat à genere. Homo enim plus habet quam animal; cui videlicet superaddit rationale.

Definitur tertio. *Id quod aptum est diuidere ea quæ sub eodem genere sunt*. Cum enim genus; puta *animal* sit aliquod totum potestatum contrahibile per has & illas rationes; diuiditur per differentias; & per rationale v. g. contrahitur ad hominem, per hinnibile ad equum, per rugibile ad leonem, & sic de cæteris.

Definitur quarto. *Id quo differunt à se singula*. Quæ definitio ut conueniat differentie essentiali per li *differunt* intelligendum est: differunt essentialiter. Homo & equus, ait Porphyrius, secundum genus non differunt: nam & homo est animal; & equus est animal

animal : sed homo & equus per rationale & irrationale discriminantur .

Denique dicit Porphyrius differentiam esse non quodlibet eorum quæ diuidunt genus ; sed quod ad esse conducit , & quod quid erat esse , & quod rei pars est : hoc est quod ita diuidit genus , vt simul sit pars essentialis constitutiuæ totius , adueniens quidem generi , quod diuidit ; sed per modum compartis , constituentis cum ipso vnum , & determinantis ipsum ad hanc vel illam speciem entis .

ARTICVLVS II.

Respondetur Obiectionibus .

OBiicies primò . Esse id , quo species abundat à genere . Esse aliquid supra genus ; & alia huiusmodi quæ dicuntur de differentia , denotant distinctionem inter differentiam & genus : hoc autem negatum est à nobis vbi de gradibus metaphysicis ; ergo definitiones prædictæ non valent .

Resp. non esse negatam à nobis distinctionem formalem & logicam , seu rationis : quando autem dicitur differentia esse supra genus , & alia huiusmodi : intellige , vt alibi explicatum est à nobis , de abundantia rationis . Et sic de cæteris .

Obiicies secundò . Definitio Porphyrij de differentia , sine vlla mutatione , optime conuenit differentiæ subalternæ ; ergo differentia subalterna se sola constituere potest vnum prædicabile : rursus eadem definitio non conuenit differentiæ infimæ , igitur admittenda

da est alia quæ constituet alterum prædicabile: & consequentes differentia subalterna, & differentia infima erunt duo distincta prædicabilia. Confirmatur quia dantur duo prædicabilia in quid; genus scilicet, & species; ergo debent dari duo prædicabilia in quale quid. Consequentia probatur quia ideo dantur duo prædicabilia in quid, quia alterum, videlicet genus, prædicatur de dissimilibus: puta animal, de homine & equo; alterum, videlicet species, solum de similibus: puta homo de Petro, Paulo & alijs: sed etiam differentia subalterna: puta sensitivum, prædicatur de dissimilibus, videlicet de homine & equo: differentia vero infima prædicatur solum de similibus: puta rationale de Petro Paulo & alijs; ergo tam debent dari duo prædicabilia in quale quid, quam duo prædicabilia in quid.

Resp. Non esse dubium discrimen quod affertur in obiectione inter differentiam subalternam & differentiam infimam; & consequenter potuisse utramque sua specialia definitione definiri; melius tamen est utramque unica definitione comprehendere; adeoque non diuidere differentiam in duo prædicabilia: quia in diuisionibus fere arbitrarijs, qualis est diuisio prædicabilium; melius est stare iam factis quam facere nouas; cum præcipue diuisiones iam factæ sine incommodo sustineri possunt. Ad confirmationem quæ petitur à paritate duorum prædicabilium in quid: omitte antecedens; & nega consequentiam. Ad probationem nega maiorem. Ratio cur geminentur prædicabilia in quid, non est illa quæ affertur in obiectione, sed alia:

nimi;

nimirum; quia genus prædicatur per modum partis determinabilis, species autem per modum totius essentiae, ut de facto est tota essentia indiuiduorum. At vero differentia tam infima quam subalterna prædicatur per modum partis determinantis genus ad speciem; adeoque est in utraque idem modus prædicandi. Quemadmodum igitur non ponuntur duo prædicabilia alterum pro genere subalterno, alterum pro infimo: nec alia duo, alterum pro specie subalterna, alterum pro infima: ita nec debent poni duo pro differentia, alterum pro subalterna, alterum pro infima.

Q V A E S T I O V.

De differentia specifica.

ARTICVLVS I.

Proponitur prima sententia circa differentiam specificam.

Quid sit differre specie facile rudes, sed ruditer intelligunt; difficile explicant sapientes. Alienarum sententiarum de hac re referemus & refellemus; nostram vltimo loco modestè reseruantes. Primo loco sit sententia S. Bonauenturae quam multi in Schola Seraphica ingeniose tuentur. Ea, inquit Doctor Seraphicus: specie differunt, quæ disseruiunt secundum prædicatum præcipuum, seu nobilissimum; differunt, vero solum numerice, quorum differentia non est

in huiusmodi prædicato ; cum alioquin sint in genere eodem : Homo v. g. specie differt ab equo quia differt per rationale quod est prædicatum præcipuum & nobilissimū quod sit in homine . Petrus & Paulus in hoc nobilissimo prædicato concordantes, solum numerice differunt .

Impugnatur hæc sententia primò quia ex hac sequitur omnes Angelos esse eiusdem speciei : quia omnes conueniunt in prædicato nobilissimo, seu præcipuo : quod est prædicatum intellectiui. Ita autem definire differentiam specificam vt tenearis concedere omnes Angelos esse in vna eademque specie, non est paruum inconueniens ; quamuis hoc ultro concedat auctor prædictus .

Præterea non solum omnes Angeli inter se ; quod putamus absurdum, sed homines & Angeli essent eiusdem speciei ; quod nemo concedet : sequela probatur . Quia intellectiui prædicatur non solum de Angelis, sed etiam de hominibus, & consequenter homines & Angeli in prædicato intellectiui concordant ; hoc autem est nobilissimum, conueniunt igitur in prædicato nobilissimo.

Dices non conuenire hominem cum Angelo in prædicato intellectiui : quia intellectiui hominis est dependenter à sensibus ; iuxta illud : *nihil est in intellectu, quod prius non fuerit in sensu* : intellectiui autem Angeli est à sensibus independens .

Resp. quod quamuis intellectiui hominis contrahatur ad vnā rationem , & intellectiui Angeli ad aliam ; imo ad oppositam, non propterea homo & Angelus non conueniunt in prædicato intellectiui : sicut
quamuis

quamuis animal in homine contrahatur ad rationale; in bruto autem ad irrationale: non propterea homo & brutum non conueniunt in animali. Solum habes intellectiuium hominis, & intellectiuium Angeli esse realiter inter se diuersa; sicut realiter diuersa sunt animal quod est in homine; & animal quod est in bruto: sed hoc non facit quin homo & Angelus confundantur in conceptu intellectiui; sicut homo & brutum confunduntur in conceptu animalis.

Præterea impugnatur prædicta sententia hoc pacto: sint duæ cognitiones quarum altera sit de Deo & Angelo, altera de Deo & equo. Hæ cognitiones differant specie, nec tamen differunt in prædicato nobilissimo; ergo differre specie non est differre in prædicato nobilissimo. Antecedens probatur quia prædicatum præcipuum cuiuslibet ex prædictis cognitionibus est esse expressiuam Dei: hoc autem est vtrique commune; quamuis inter se discrepent per hoc quod altera sit insuper Angeli & altera equi.

Aduertendum est hic obiter sententiam hanc D. Bonauenturæ male impugnari à nonnullis. ex eo quod sæpe ratio generica diuidatur per contradictoria; hoc est differentias ex vna parte positiuas, & ex altera negatiuas. Exemplo rem intelliges. Aliquando prædicamentum substantiæ sic distribuitur. *Substantia: alia est animata, alia non animata. Animata: alia sensitiua, alia non sensitiua. Sensitiua: alia discursiua, alia non discursiua.* Ex hac logica diuisione sic aliqui contra D. Bonauenturam. Prædicatum illud differentiale: *non animata: non est*

tantæ

tantæ perfectionis quantæ est illud: *substantia*; imo prædicatum illud: *non animata* præcise secundum se consideratum, cum sit pura negatio; non est vlla perfectio. Similiter prædicatum illud: *non sensitiua* non est tantæ perfectionis, quantæ est illud: *animata*, &c. ergo falsum est prædicatum differentiale consistere in prædicato præcipuo: & consequenter falsum est quod differre specie sit differre penes prædicatum præcipuum.

Hæc impugnatio non subsistit: nam substantia non animata non differt ab animata per hoc præcise quod ipsa non sit animata: sed per hoc quod, & ipsa non sit animata; & altera sit animata: adeoque differt ab altera in prædicato nobilissimo animatæ. Idem dic proportionaliter de alijs. Differentia igitur includit duo extrema, quorum vni conueniat aliqua ratio, quæ non conueniat alteri; adeoque dum quæris differentiam specificam non debes attendere præcise an ratio generica contrahatur in hoc extremo per hanc rationem; sed etiam an non per eandem contrahatur in altero: vbi vides rationem genericam contrahi in vno extremo per aliquam rationem, quæ non reperitur in altero: dic illa duo differre; non per hoc præcise quod alterum includat talem rationem, nec per hoc præcise quod alterum hac ratione careat; sed indiuisibiliter per vtrunque: videlicet: quod & alterum habeat, & alterum non habeat rationem prædictam.

Secunda Sententia satis communis inter recentiores est ea differre specie, quæ differunt notabiliter; ea vero quæ non notabiliter differunt differre pure numerice. Quod si petas

petas quid sit differre notabiliter; respondent standum esse indicio prudentum, qui libratis hinc inde perfectionibus entitativis obiectorum pronunciare debent, an diuersitas inter ipsa sit notabilis, an secus.

Est qui hanc notabilem differentiam sic explicet. Ea notabiliter differunt quibus inest capacitas intrinseca terminandi iudicium quod multum differant; iudicium inquam, elicited ab intellectu bene penetrante naturam obiecti. Hoc est, ni fallor; ea notabiliter differunt quæ per iudicium verum affirmantur notabiliter differre. Hac oratione nihil est verius; nihil quod minus rem explicet. Eodem modo potes quamlibet rem etiam tibi ignotissimam definire. Interrogatus quid sit musica: responde. est id quod per iudicium verum affirmatu. sic musica. Et hunc modum definiendi vt ve calleas; recte omnia defines, nihil intelligendo.

Probant tamen hanc sententiam argumentis partim negatiuis, partim positiuis. Negatiuis; quia inquiunt non est aliter definibile quid sit differre specie; ergo prædicta definitio est bona. Falsitas antecedentis patebit infra. Positiuis; quia inquiunt per huiusmodi definitionem optimè redditur ratio cur multa secundum vnam considerationem dicantur diuersa specie; secundum alteram dicantur eadem, v.g. circulus aureus, & circulus ferreus secundum considerationem physicam differunt specie: sunt idem specie secundum considerationem mathematicam: quia nimirum Physica considerans non rationem figuræ, sed corpus, cui inest figura, figura, inuenit inter aurum, & ferrum notabile

tabilem diuersitatem: Mathematica verò, quæ non corpus, cui inest figura, sed figuram ipsam considerat; non inuenit inter circulum, & circulum vllam notabilem, imò non inuenit vllam diuersitatem.

Hoc secundum argumentum nihil valet: quæcumq; enim differentię definitionem admittas, & in quocumq; prædicato consistat differentia specifica, eadem facilitate explicabis cur circulus aureus à ferreo physice differat, non autem mathematicè.

A R T I C V L V S II.

Impugnatur secunda sententia.

PRima impugnatio sententiæ secundo loco propositæ sit ea, quam insinuauimus supra; quia videlicet per illam non explicatur ratio definita. Quando enim quæritur quid sit differre specie, quæritur quid sit differre notabiliter; nam differre specie ab *A*, videtur formaliter idem, ac habere ab *A*, spectabilem, seu notabilem diuersitatem; dicere igitur ea differre specie, quæ notabiliter differunt iudicio prudentum; est dicere, quod ea differunt specie, quæ prudentibus videntur differre specie. Quærimus autem hic, in quo consistat illa differentia, quâ prudentes specificam, & notabilem debeant appellare.

Impugnatur secundo, quia si differentia specifica consisteret in diuersitate notabili sequeretur posse duo esse eadem specie cum vno tertio, & diuersa specie inter se: consequens est absurdum; ergo & antecedens. Minor probatur, quia quemadmodum quæ sunt eadem vni tertio simpliciter, sunt eadem

dem inter se simpliciter; ità quæcumq; sunt eadem specie vni tertio, debeat esse eadem specie inter se. Sequelam autem maioris probant quia contingere potest, quod *A.* & *C.* notabiliter inter se diuersa, ambo careant diuersitate notabili respectu *B.* & consequenter quod *A.* & *C.* identificentur specie cum *B.*; inter se autem specie differant.

Claro, & facili exemplo rem intelliges, accipiendo tres colores ità inter se distributos, vt duo extremi à se inuicem notabiliter differant; vterq; autem cum medio careat diuersitate notabili. Vel si tres colores non sufficiant, accipe plures, itaut ab vno extremo paulatim deuenias ad aliud extremum notabiliter diuersum, & consequenter ita vt duo extrema inter se comparata notabiliter differant, quamuis comparata cum intermedijs talem diuersitatem non habeant.

Hæc impugnatio facile inueniet solutionem. Nam aduersarius concedet sequelam maioris, & negabit minorem. Concedet quod quæcumq; identificantur realiter vni tertio identificantur inter se; negabit hinc sequi, quod quæcumq; identificantur specie cum vno tertio, debeant identificari specie inter se. Exemplum non in ratione specifica, sed in generica habes in promptu. Homo conuenit cum bruto in ratione animalis; conuenit cum Angelo in ratione intellectiui; conueniunt igitur brutum, & Angelus in quadam ratione generica cum vno tertio; & tamen in ratione generica non conueniunt inter se; ergo possunt duo habere identitatem genericam cum vno tertio, & carere identitate generica inter se. Ratio est,

est, quia identitates huiusmodi nihil aliud sunt, quam similitudines quædam : quis autem non capiat, quomodo duo extrema possint habere aliquam similitudinem cum medio, quam non habeant inter se: imò medium sæpissimè fit per admixtionem contrariorum: repugnat autem esse mixtum ex contrarijs, & non habere vllam conuenientiam, aut similitudinem cum utroq; contrario; cum tamen contraria tali similitudine careant. Ità tepidum est aliququaliter simile frigido, & calido, cum tamen calidum, & frigidum inter se talem similitudinem non habeant.

Standum est igitur impugnationi superius allatæ, quod videlicet quando quæritur quid sit differre specie; quæritur quid sit differre notabiliter, quod non explicatur quando dicitur standum esse iudicio prudentum. Hoc enim ipsum debet assignari quodnam sit illud discrimen inter rem, & rem, quod prudentes vocant notabile; puta inter molossium, & lupum dicunt dari discriminè notabile adeoq; differentiam specificam: inter molossium, & catellum Bononiensem negant.

A R T I C V L V S III.

Statuitur nostra, & vera sententia.

Dicendum est differentiam specificam consistere in dissimilitudine essentiali plurium in eodem genere contentorum. Ea inter quæ quærimus differentiam specificam supponuntur esse in eodem genere; quæ enim
non

non sunt huiusmodi, non specie, sed genere differre dicuntur. Hoc supposito probatur, & explicatur conclusio. Ad differentiam specificam requiritur aliqua dissimilitudo: non sufficit dissimilitudo accidentalis; ergo requiritur essentialis. Maior est certa etiam apud aduersarios; quorum alij petunt dissimilitudinem notabilem, alij in prædicatione præcipuo. Minor autem probatur, quia differentia, seu dissimilitudo, etiam notabilis secundum accidens, conuenit ijs, quæ sunt eiusdem speciei, putà Petro, & Paulo alteri nigro, & alteri albo, alteri recto, alteri gibbo, & claudo.

Conceditur igitur requiri dissimilitudinem in essentia. An autem quælibet dissimilitudo sufficiat: alij negant, alij concedunt. Nos asserimus quamlibet dissimilitudinem sufficere ad differentiam specificam: & probamus primo; quia quilibet alius modus explicandi differentiam specificam est insufficientis. Secundò, quia eo ipso quod inter rem, & rem est diuersitas notabilis, est differentia specifica: sed eo ipso, quod inter rem, & rem est dissimilitudo essentialis, est diuersitas notabilis; ergo eo ipso est differentia specifica. Maior est ad hominem contra eos, quos secundo loco retulimus. Minor probatur, quia eo ipso, quod vna essentia est alteri essentiae dissimilis eo ipso est spectabilis, seu considerabilis aliqua consideratione non attingente aliam, & consequenter eo ipso habet notabilitatem, quæ sufficit ad differentiam specificam. Vbi aduerte nos in hoc differre ab alijs, non quod negemus diuersitatem notabilem esse differentiam

rentiam specificam, sed quod hanc diuersitatem notabilem non remittimus iudicio prudentum; dicentes illa esse diuersa, quæ diuersa videntur prudentibus; quod est nihil dicere; sed diuersitatem illam dicimus consistere in quacumq; dissimilitudine essentiali, seu entitatiua inter rem, & rem. Ità homo, & equus habent diuersitatem notabilem, quia in essentia dissimulantur. Petrus, & Paulus utcumq; differant in accidentibus non habent diuersitatem notabilem, quia in essentia perfectè conueniunt.

Explicatur iam, & confirmatur ratio adducta. Eo ipso quod vna essentia est alteri dissimilis est definibilis definitione attingente prædicatum, quod conuenit vni, & non alteri; huiusmodi definitio conueniet pluribus numero differentibus in quid; ergo huiusmodi definitio erit definitio speciei: rursus hæc definitio non compræhendit alteram essentiam, nec vllum ex inferioribus rationis, qua exprimitur altera essentia; ergo altera essentia constituit speciem diuersam. Definitio alterius essentiæ eodem modo pertinet ad plura inter se distincta, continetq; sub se inferiora, non tot quin plura. Confer igitur duas istas collectiones individuorum alteram pertinentium ad vnam, alteram pertinentium ad aliam rationem, & habebis duas collectiones entium partim similium, & partim dissimilium in essentia, quod est habere duas species.

Denique probatur prædicta conclusio, quia dissimilitudo in essentia facit differre plusquam numerice: ergo facit differentiam specificam. Antecedens probatur: quia cum
omni-

omnimoda similitudine in essentia datur differentia numerica, seu potius distinctio: quæ autem non habent omnimodam similitudinem; sed similitudinem imperfectam manifestum est; quod magis inter se differunt quam quæ habent similitudinem omnimodam. Rursus quæ habent similitudinem omnimodam cōstituunt vnā speciem: ratio enim explicans totam essentiam hoc modo similium, est ratio verè, & propriè specifica. Si igitur dentur duæ rationes, ambæ pertinentes ad infinita inter se omninò similia dantur duæ rationes specificæ: quod si duæ istæ rationes specificæ sint inter se dissimiles; erunt duæ species diuersæ, & consequenter inferiora vnius rationis, cum inferioribus alterius rationis specie differrent.

Confirmatur ex Philosopho, qui 10. Metaph. textu 12. dicit, quòd quæ differunt specie in eodem genere sunt; genus autem vocat id quo quæ differunt secundum substantiam, idem dicuntur: hoc est ea, quæ specie differunt conueniunt in eo quod prædicatur de ipsis ad modum per se stantis, & in quid; puta, homo & equus, qui specie differunt, conueniunt in animali; quod de homine, & equo prædicatur ad modum per se stantis, & in quid; cum rationale de homine, irrationale de equo prædicetur per modum adiacentis, & determinantis ipsum animal. Quodlibet autem prædicatum essentiale supra genus determinat huiusmodi rationem genericam; & est prædicabile de infinitis, in quibus cum prædicta ratione generica reperitur; ergo quodlibet prædicatum essentiale
supra

supra genus est aptum constituere speciem diuersam ab illa, quæ per prædicatum oppositum cum eodem genere constitueretur.

Idem Philosophus eodem libro 10. Metaph. textu 26. dicit, quòd quæcumq; in ratione contrarietates sunt, specie differentiam faciunt; quæcumq; verò in coassumpto materiæ minimè faciunt. Hoc est, quælibet contrarietas secundum illam partem essentiæ, quæ habet rationem formæ, hoc est, quæ superadditur generi, facit differentiam specificam: Alia autem diuersitas, siue diuersitas, quæ est extra essentiam non facit. Ex quibus conclusionem positam sic probabis. Omnis contrarietas in ratione, seu in essentia facit diuersitatem specificam: sed omnis dissimilitudo essentialis est aliqua contrarietas in ratione, siue in essentia; ergo omnis dissimilitudo essentialis facit differentiam specificam. Minor prebatur, quia illud prædicatum essentialis, quod conuenit vni essentiæ, per quod hæc dissimilatur ab altera, habet eo ipso suum contradictoriū in altera, aliter vna ab altera non dissimilaretur, v. g. finge rationale, quod est in Petro, esse simul admiratiuum; & per prædicatum admiratiui dissimilari à rationali, quod est in Paulo. Eo ipso quod ita fingis, fingis admiratiuum Petri habere secum identificatum prædicatum admiratiui; & hoc eodem prædicato carere rationale, quod est in Paulo: si enim tam in rationali Pauli, quam in rationali Petri, ponis admiratiuum non facis vnum ab altero dissimilari in prædicato admiratiui. Sed eo ipso, quod ponis vnum habere, & alterum non habere prædicatum

catur admiratiui, facis rationale in duobus, Petro videlicet, & Paulo, contrahi per rationes oppositas, videlicet, per admiratiuum, & non admiratiuum, quæ rationes sunt inter se contradictoriè oppositæ.

Si igitur quælibet oppositio rationis cum ratione facit hoc & illud differre specie; manifestum est quod dissimilitudo hoc præstat; cum haberi nequeat sine oppositione contradictoria in illo prædicato secundum quod dicuntur opponi seu dissimilari. Vbi vides nos non metiri hanc dissimilitudinem secundum magnum aut paruum, cum huiusmodi mensuræ sint ineptissimæ ad explicandam rem, de qua hic agimus: facillimum autem sit intelligere quid sit dissimilari in ratione, seu in essentia secundum rationem generi superadditam: ita quidem ut ad id punctum controuersia reduci posse videatur an possibilia sint plura inter se essentialiter omnino similia; in qua controuersia partem affirmatiuam defendimus; cuius veritas patebit ex sequentibus.

ARTICVLVS IV.

*An qualibet ingqualitas in perfectione essentiali dicat differentiam specificam
& è conuerso.*

Titulus articuli duo quærit. Primum est an quæcunque inæqualia sunt in perfectione essentiali, eo ipso sint diuersa specie? Secundum est an quæcunque specie diuersa sunt, eo ipso sint inæqualia in perfectione essentiali?

Dicendum primo. Omnis inæqualitas in perfectione essentiali est diuersitas specifica. Probatur conclusio ex dictis articulo præcedenti. Quæcunque habent dissimilitudinem essentialem habent diuersitatem specificam : quæcunque sunt inæqualia in perfectione essentiali habent dissimilitudinem ; ergo quæcunque sunt inæqualia in perfectione essentiali habent diuersitatem specificam. Minor est euidens. Implicat enim vnum ab altero excedi in perfectione essentiali , & habere perfectam similitudinem in essentia cum altero .

Dicendum secundò. Non quæcunque differunt specie, eo ipso inæqualia sunt in perfectione essentiali. Hanc conclusionem sunt qui probent ex relationibus , seu personalitatibus diuinis ; quæ sunt inter se omnino æquales in perfectione ; & tamen sunt inter se dissimiles ; ergo dissimilitudo non dicit necessario inæqualitatem. Huic argumento non est credenda conclusio, facile enim dissoluitur. Nam falsum est personalitates diuinas esse æquales in perfectione si sermo sit de perfectione ipsarum met personalitatum, secundum quod superadduntur essentiæ. Aiunt enim personalitates nihil dicere perfectionis vt alibi diximus ; adeoque non esse neque æquales neque inæquales in perfectione. Quod si sermo sit de perfectione quam habent per identitatem cum diuina essentia : tunc nec huiusmodi perfectio est dissimilis in personis , nec proprie loquendo æqualis : cum sit omnino eadem.

Probanda est igitur conclusio primo ex conceptu dissimilitudinis & inæqualitatis ;
adeo

adeo autem diuersa sunt & disparata hæc duo: nimirum esse dissimilia, & esse inæqualia; vt etiam quando certi sumus de dissimilitudine duorum, adhuc eodem modo dubitemus de æqualitate vel inæqualitate in perfectione. Exemplum habes in coloribus & infinitis alijs huiusmodi. Roga an color viridis, & color flauus, aut ruber, aut croceus sint inter se dissimiles? Omnes affirmant. Roga an sint æqualis vel inæqualis perfectionis: dubitabunt: nec inuenies qui certus de dissimilitudine, sit eo ipso de inæqualitate. Quod si quis affirmet se certum esse, temere affirmat. Atque hic obiter nota frequentissime comparisonem quæ fit inter duo extrema ab inquirentibus vtrum sit perfectius, hoc modo resolui: *se habent sicut excedens & excessum*. Hoc est sunt aliquæ perfectiones in vno extremo per quas alterum vincit, sed sunt etiam aliquæ in altero, per quas huiusmodi victoria compensatur. Puta si quis roget vter perfectior sit Petrus ne an Paulus? sæpe respondetur, Petrum esse ingeniosorem & in hoc præualere Paulo: Paulum vero esse prudentiorem & in hoc præualere Petro: vter sit absolute melior non deciditur quia dubitatur vnâ perfectionem in vno compensari per aliam perfectionem in alio. Compensationem hanc in perfectione indiuiduali admittunt aduersarij, in specifica negant. Cur in vna negent, & in altera affirmant; nec ipsi sciunt.

Probatur secundo Conclusio ex conceptu diuinæ omnipotentiae simul & sapientiae, ad quam pertinet posse communicare se dissimiliter varijs creaturis etiam intra can-

dem mensuram perfectionis : hoc est posse producere plures creaturas inter se dissimiles & in perfectione æquales. Explicatur hoc & simul probatur. Pictor vel quilibet cuiuslibet præstantissimi operis artifex, potest aliud opus dissimile facere absque eo quod faciat aut perfectius aut imperfectius. Puta qui egregie pinxit Palladem, potest & megeram perfectissime pingere; itaut neutra ex picturis perfectione alteram vincat : & tamen duæ istæ picturæ erunt dissimiles ; cur igitur nequeat Deus dissimiles sui imagines edere : hoc est diuersas creaturas producere quin eo ipso faciat inæquales ,

Denique probatur conclusio veteri illo, & vbi agitur de possibili, inconcusso argumento : non repugnat plures creaturas esse dissimiles inter se in perfectione & simul esse æquales : ergo dissimilitudo non infert inæqualitatem. Antecedens patebit dissoluen- do quamlibet repugnantiam, quæ ab aduersarijs afferatur .

ARTICVLVS V.

Satisfit nonnullis obiectionibus.

Soluendæ sunt articulis sequentibus obiectiones, quæ afferuntur contra ea omnia, quæ dicta sunt à nobis circa differentiam specificam. Et quia primo loco reiecta est sententia S. Bonauenturæ, ideo qui propi- sistant, petunt primo loco audiri. Audiantur igitur .

Prædicatum, inquiunt, per quod differunt ea quæ differunt specie, est prædicatum ha-
bens

bens in essentia rationem formæ; sed prædicatum habens in essentia rationem formæ est prædicatum præcipuum; ergo prædicatum per quod differunt ea quæ differunt specie, est prædicatum præcipuum. Maior est iuxta doctrinam superius relatam ex Philosopho. Minor probatur quia prædicatum habens rationem perfectiui respectu alterius est prædicatum præcipuum: sed prædicatum habens rationem formæ habet rationem perfectiui; ergo est præcipuum. Minor probatur ex dictis, nam differentia est perfectiua generis; se habet ad genus in constitutione metaphysica, sicut se habet in constitutione physica forma ad materiam. Ita v. g. rationale in homine est differentia: est perfectiuum animalis: est forma metaphysica eiusdem, seu potius hominis metaphysice considerati; & est prædicatum præcipuum eiusdem.

Confirmatur quia prædicatum specificum ex ipsa met. nominis etimologia est illud, per quod res redditur speciosa; unde docet Philosophus idem esse habere hanc vel illam speciem, ac habere hanc vel illam pulchritudinem: unde dicitur: *Species digna imperio*. Vnaquæq; autem res dicitur speciosa secundum prædicatum quod est in ipsa præcipuum.

Resp. transmissa maiori negando minorem. Ad probationem minoris nega maiorem. Non enim necesse est ut quidquid perficit aliud sit in illo præcipuum. Perficere enim ex suo conceptu nihil aliud est quam addere alicui aliquam perfectionem; non est autem de ratione omnis perfectionis addite alteri quod sit præcipua: imo idem subiectum

per plures perfectiones perfici potest, cum tamen repugnet omnes esse præcipuas. Ad id quod dicitur differentiam se habere ad genus sicut se habet forma physica ad materiam physicam: dic paritatem in hoc consistere, quod quemadmodum forma physica determinat physice materiam ad hanc, vel illam speciem totius physici: ita differentia determinat genus ad hanc vel illam speciem totius metaphysici: & quia determinare ex genere suo est quid nobilius, quam determinari: ideo differentia dicitur esse quid ex genere suo nobilius quam genus: esse autem ex hoc & illo genere, nobilius non est esse nobilius simpliciter, sed solum secundum quid. Vnde sæpe accidit ut due rationes inter se comparatæ dicantur vicissim & mutuo vna altera ex genere suo nobilior:

Propterea D. Thomas de eodem aliquando concedit, aliquando negat quod sit nobilius respectu alterius. Puta in secund. dist. 23. quæst. 1. art. 3. ad 1. dicit quod habere intellectum sic, est nobilius quam habere intellectum simpliciter: & habere sensum sic, quam habere sensum simpliciter. Et alibi, nimirum prima parte quæst. 50. art. 4. ad primum dicit prædicatum præcipuum non posse ex ratione sua formali, hoc est quia præcipuum est, constituere differentiam specificam, quia aliter omnia bruta essent eiusdem speciei, ut puta convenientia in ratione sensitui, quod est in brutis prædicatū præcipuum & nobilissimum. Ecce vno in loco dicit S. Doctor quod esse sensitivum simpliciter, est prædicatum præcipuum in brutis, & in alio loco dicit nobilius esse, esse
sen-

sentitium sic, per quod brutum differt à bruto, equus à cane. Igitur vel sibi contradicit, vel sentire sic est nobilius, non simpliciter sed ex aliquo genere, cū quo stat quod non sit simpliciter nobilius; primum nefas est suspicari; ergo dicendum est secundum.

Ad id quod dicitur de rationali: etiam si dares rationale esse prædicatum in homine nobilissimum, ad huc tamen non liceret inferre differentiā specificam haberi formaliter per prædicatum nobilissimum; sed solū recte inferretur rationem differentiæ coniungi aliquando cum prædicato nobilissimo. Nos autem non negamus fieri posse ut prædicatum in quo fundatur differentia vnius ab altero sit nobilissimum; solum negamus, recte assignari pro differentia specifica prædicatum nobilissimum; quia contingere potest ut diuersa secundum speciem conueniant in prædicato nobilissimo, & rationale est prædicatum differentiale hominis, non quia nobilissimum est, sed quia est ultimo determinatum, & per ipsum homo essentialiter dissimilatur ab ijs, quæ sunt in eodem genere. Cæterum rationale secundum id quod superaddit intellectui potius limitat quam nobiliter intellectuum, cum intellectuum conueniat Deo, non autem conueniat rationale.

Ad confirmationem: dic speciem non constitui per solam differentiam, adeoque nemini inesse speciem dignam imperio, per id formaliter solum, per quod differt ab omnibus alijs. Per differentiam specificam una res redditur non speciosa sed spectabilis præ alia, hoc est à quacunque alia discernibilis:

res autem est maxime ab alia discernibilis per id per quod ab alia maxime dissimilatur siue hoc sit in ipsa præcipuum, siue non. Ita homo gibbosus & cæcus, ab alio vidēte, & recto, per cæcitatem & gibbam maxime discernitur, quamuis per hæc eadem non reddatur præ alio speciosus, nec huiusmodi prædicata vel ipso iudice, sint in ipso præcipua.

A R T I C V L V S VI.

Respondetur alijs obiectionibus.

O Bjcies primò si dissimilitudo in perfectione entitatiua diceret diuersitatē specificam; sequeretur differentiam specificam cōsistere posse in negatione; consequēs est falsum; ergo & antecedens. Sequela maioris probatur quia per hoc ipsum quod vnum non habet perfectionem alterius est dissimile alteri; non habere huiusmodi perfectionem est pura negatio; ergo est dissimile alteri per puram negationem. Hoc autem esse absurdum probatur quia id quod constituit speciem per modum differentię est perfectiū generis, implicat autem vnam rationem perfici per puram negationem vltioris perfectionis.

Confirmatur quia in tantum repugnat vnam speciem esse aliam: puta equum esse hominem: quia, animal in vna specie: puta, in equo, identificatur cum differentia exclusiua differētię quę est in alia: puta in homine: irrationale enim est exclusiuum rationalis, & e conuerso; ergo in omni specie entis differētia

rentia debet esse aliquid positivum exclusivum differentię oppositę. Probatur antecedens : quia si in equo nihil concipias nisi animal, & puram carentiam rationalis, non apparet repugnantia cur equus nequeat esse homo; nam cum animali optime unitur rationale; ergo necesse est quod in equo præter animal sit aliquid essentialiter repugnans cum rationali : non enim apparet cur animal, etiam si secundum se sit aptum carere rationali ; tamen sit exclusivum rationalis.

Resp. Aliud esse id per quod res constituitur in esse specifico , aliud id per quod constituitur diversa specie ab alia , quę tamen duo facillime confunduntur. Id per quod res constituitur in esse specifico est quid adæquate intrinsecum rei, puta animal rationale homini : hincibile equo. Id per quod constituitur diversa specie est partim intrinsecum & partim extrinsecum : diximus enim quod differentia consistit in hoc quod vnum sit tale, quale non est alterum; vel non sit tale, quale est alterum. Ita differentia hominis ab equo habetur per hoc quod homo sit talis qualis non est equus. Hoc autem esse tale quale est, vel non est alterum, est denominatio utrique seorsim partim entriseca & partim extrinseca. Ex hac verissima doctrina sequitur nullam rem esse alteri dissimilem per puram negationem. Ideoque ad obiectionem in forma.

Resp. negando sequelam maioris. Ad probationem distingue maiorem: per hoc ipsum quod vnum non habet perfectionem alterius est dissimile, præcise per carentiam nega; per carentiam in se, & inexistentialis talis per-

fectionis in altero: concede maiorem. Vel etiam si vis concede absolute maiorem & nega minorem: nam si bene attendas, videbis quod non habere perfectionem alterius idem est ac carere perfectione illa, quæ est in altero: hoc autem non dicit puram negationem quandoquidem perfectionem quam negat uni, tribuit alteri.

Ad confirmationem. Si nihil concipias in equo nisi animal, non vides in equo repugnantiam identitatis cum homine. Imo ut patebit ex sequentibus ex hac propositione: *equus est animal* inepte inferres: *ergo non est homo*. Quod si positive concipias nihil esse in equo præter animal, tunc recte diceres equum non esse eiusdem speciei cum homine: erit enim eo ipso dissimilis homini essentialiter. sed tunc etiam differret ab homine per rationale quod homini conveniret & non equo. An autem in illo casu impossibili, esset species vel non, nihil refert. Nam in hypothesi impossibili non est absurdum admittere speciem impossibilem qualis esset v. g. species adæquate constituta per genus.

Dices: creaturæ non differunt à Deo nisi per negationem: non enim est in creaturis vlla perfectio quæ non sit in Deo: & tamen specie differunt à Deo; ergo differentia specifica potest haberi per puram negationem. Item species imperfectior differt à perfectiori, puta homo ab equo, per negationem: tota enim perfectio speciei imperfectioris continetur in perfectiori; & per hoc imperfectior differt ab ipsa quod careat illa ulteriori perfectione, quæ imperfectiori reperitur: hinc invaluuit illud: *Species rerum*

sunt

sunt sicut numeri : numerus autem minor differt à maiori, per negationem ; puta binarius à ternario per carentiam tertiæ unitatis.

Hoc idem argumentum proponitur ad probandum quod quæcunque sunt dissimilia in essentia, sunt etiam inæqualia. Species rerum sunt sicut numeri, sed numeri dissimiles sunt inæquales ; imo numeri non aliam dissimilitudinem habent quam inæqualitatem, ergo species rerum dissimiles sunt inæquales, imo non aliam dissimilitudinem habent, quam inæqualitatem.

Resp. hæc argumenta vna fere eademque æquivocatione laborare, dum pro differentia specifica non respiciunt nisi ad vnum extremum ; cum tamen differentia habeatur indiuisibiliter per vtrumque. Differentia inter Deum & creaturam includit totum esse Dei, & esse creaturæ : adeoque tantum abest vt talis differentia sit pura negatio, vt contra necessario inuoluat perfectionem infinitam : quod enim finite tantum perfectum est, non differt ab omni creatura, cum ipsum sit aliqua creatura. Item differentia inter speciem perfectiorem & imperfectiorem, non est pura carentia perfectionis, in ea, quæ dicitur imperfectior ; sed inexistētia perfectionis eiusdem in illa quæ dicitur perfectior.

Quod si sermo est non de differentia specifica sub conceptu differentiæ, sed de predicato contrahente genus seu rationem superiorem : certum est quod prædicatum per quod contrahitur ratio entis ad rationem creati non est aliqua, perfectio quæ Deo desit, insit creaturæ. Imò quodlibet prædicatū contrahens quamlibet rationem genericam

si sit perfectio, eo ipso in Deo est, qui est eminentissime omnis perfectio, hoc est perfectio omnino impermixta, & ab omni omnino imperfectione immunis. In hoc sensu creatura differt à Deo nō per suū esse, sed per suū non esse, hoc est per limitationem sui esse. Deo enim dicenti. *ego sum qui sum* tota collectio creaturarum simul, nedum quælibet creatura seorsim, reponere potest: & *ego sum qui non sum*: iuxta Augustinum dicentem: *Domine tu es qui es, ego vero sum qui non sum*. Ratio est quia Deus est plenitudo totius esse: creature autem plus deest quam adest de esse, cum illi desit totum id, per quod superatur à Deo, hoc est carens infinito esse, habet minimum esse.

Hoc tamen dici nequit de qualibet specie imperfectiori respectu perfectioris: nam illa non constituitur in suo esse specifico aut differentiali præcise per carentiam perfectionis quæ reperitur in alia, sed per aliquam perfectionem positivam. Non enim repugnat aliquam perfectionem reperiri in specie imperfectiori, quæ non sit in perfectiori. v. g. aliquam perfectionem reperiri in equo, quæ non sit in homine. Vnum enim dicitur altero perfectius non quod in ipso sit omnis perfectio alterius & præterea aliqua alia: sed quia tota collectio perfectionum ipsius, vincit totam collectionem perfectionum alterius: quod contingere potest etiam si collectio victa contineat aliquam perfectionem qua careat collectio victrix; dummodo hæc habeat unde non modo compensetur sed etiam emineat supra alteram.

Item numerus minor differt à maiori, bi-

na-

narius à ternario non solum per carentiam tertie unitatis in binario, sed etiam per inexistentiam eiusdem in ternario. Binarius autem in suo esse specifico constituitur non per puram carentiam tertie unitatis: nec quaternarius per carentiam quinte, & sic de cæteris; sed per positivas unitates quibus constant. Nam quaternarium male defines numerum cui deest quinta unitas, ut patet. Binario enim & ternario deest quinta unitas & tamen neuter est quaternarius. Adde quod ex hac ipsa ratione quæ numerus minor cedit maiori sunt qui abstrahant conceptum quemdam excellentie numeri minoris supra maiorem: dicunt enim numerum minorem esse minus compositum, adeoque simpliciorum: cum igitur simplicitas sit perfectio & quidem simpliciter simplex, quo plus aliquid participat de simplicitate plus habet de perfectione. Perfectionem simpliciter simplicem vocant illam quæ non est admixta vlla imperfectione, adeoque hoc nomine appellant omne prædicatum quod convenit Deo. Ijs qui hanc numeri minoris supra maiorem prærogativam commendant, melius est paucos nummos habere, quàm multos, quia cum paucioribus, habent plus simplicitatis, quam cum pluribus.

Ex his patet quid dicendum sit informis. Ad primum argumentum & ad secundum, negandum est antecedens. Ad paritatem de numeris præter ea quæ dicta sunt: distingue maiorem: species rerum sunt sicut numeri in omnibus: nega maiorem, in aliquibus: concede maiorem; & transmissa minori: nega consequentiam, Paritas inter numeros &

species rerum consistit in hoc quod quemadmodum quælibet inæqualitas in numeris, ita etiam in quibuslibet rebus mutat speciem: non autem è conuerso; sicut in numeris non datur dissimilitudo nisi secundum magis & minus; ita etiam non datur in alijs speciebus rerum. Ratio est quia numeri nequeunt aliter dissimiliari, possunt autem aliter dissimilari res numeratæ vt est manifestum.

Obijcies secundò. Impossibile est quod plures participationes eiusdem simplicissimæ perfectionis sint inter se dissimiles, nisi secundum magis & minus: sed plures species, puta homo, equus, leo, &c. sunt plures participationes eiusdem simplicissimæ perfectionis; ergo impossibile est plures species esse inter se dissimiles nisi secundum plus & minus perfectionis. Maior, in qua est tota vis argumenti, probatur. Quia impossibile est plures participationes eiusdem lineæ esse inter se dissimiles, nisi per hoc quod vna sit maior altera minor; puta vna palmaris, & altera semipalmaris. Item plures participationes eiusdem qualitatis, puta caloris, nō possunt esse inter se dissimiles, nisi per hoc quod vna sit maior, & altera minor; puta vna vt duo, altera vt tria; & sic de cæteris; ergo eiusdē simplicissimæ perfectionis plures participationes nequeunt esse dissimiles, nisi per hoc quod vna sit maior, & altera minor. Quod autē omnes species rerū creatarū sint participationes vnius eiusdēque simplicissimæ perfectionis, videlicet diuinæ, indubitatum est. Propterea diuinū esse per omnes & quaslibet creaturas aliququaliter repræsētatur.

Resp. negando maiorem. Nam perfectio
sim-

simplicissima potest esse eminenter multiplex: & de facto ita est diuina perfectio, cuius quælibet creatura est aliqualis imitatio & participatio. Imo perfectissima simplicitas diuini esse consistit in hoc quod omnem omnino perfectionem sibi identificeet; hoc est quod sit vna simul & omnis perfectio: diuina sapientia dicitur simplicissima perfectio, non ex eo quod sapientia non sit nisi sapientia; sed ex eo quod sapientia sit indiuisibiliter iustitia, bonitas, misericordia immensitas, & sic de cæteris; quorum quodlibet desit, tollit à Deo Dei propriam simplicitatē. Ad probationem maioris omitte antecedēs, & nega consequentiam. Ex hac paritate quā faciunt aduersarij, patet æquiuocatio in quā labuntur circa hanc vocem *simplicitas* quam fortasse nimis simpliciter interpretantur. Aliam etiam æquiuocationē patiuntur in hac alia voce: *participatio* & vtraque simul fundat argumentum à pari. Imaginantur enim Deum velut infinitum quoddam pelagus vniuersæ simplicissimæ & purissimæ essentia, quæ per modum aquæ cuiusdam diffundatur in riuos vel guttas, dum dicitur Deus effundere sese ad extra per productionem rerum creaturarum: & quia participatio oceani quem nauigamus, non differt vna ab alia, nisi per hoc quod per per vnā plus aquæ communicetur quam per aliam: ideo putant vnā creaturam non posse esse participationem diuini esse, diuersam ab alia, nisi per hoc quod de diuino esse plus in ipsam redundet quam in aliam. Hoc modo existimarunt olim nonnulli dici creaturas particulas diuinitatis, sicut scrupuli sunt particulae rupis.

vel

vel scopuli à quo deciduntur: sed errauerunt in cogitationibus suis & factum est insipiens eorum. Qui tamen imaginationem hanc ex parte retinent hoc argumentum, quod proposuimus, putant conuincens.

Verum si bene inspiciatur nec apparentiā habet. Simplicitas lineæ, caloris, & quælibet alia huiusmodi, est simplicitas fundata in imperfectione: simplicitas Dei fundatur in infinitate perfectionis. Linea non est nisi pura & mera longitudo, vnde participationes lineæ nequeunt differre inter se nisi secundum rationes longitudinis: rationes autem longitudinis sunt magis & minus; nequeunt igitur participationes, seu particule decisæ ab eadem linea differre inter se nisi secundum magis & minus. Quod si fingeres lineam quæ eminenter esset omnis figura, & per cuius participationem quælibet figura esset id quod est: possent diuersæ & dissimiles participationes eiusdem esse inter se æquales: non enim repugnat figuras inter se dissimiles eiusdem esse capacitatis.

Simplicitas autem Dei, quia vt diximus fundatur in infinitate perfectionis non est præcise hæc aut illa perfectio. Potest igitur infinitis modis, quamuis equaliter sese diffundere ad extra: ita vt vni quidem creaturæ plus v, g. de sapientia, alteri plus de potentia, vni plus de æternitate, alteri plus de immensitate cōmunicet, compensando in vno excessum vnius perfectionis per excessū alterius perfectionis in alia. Hoc est edēdo diuersas sui imagines æquales & dissimiles inter se.

Dices: ergo poterunt duo esse æqualiter similia Deo, & dissimilia inter se. Probat

consequentia quia æqualia in perfectione sunt æqualiter Deo similia, &c.

Resp. conc. totum. Album & nigrum inter se dissimilia, sunt æqualiter similia fusco. Non obstare diuinam simplicitatem, ostensum est supra.

Obijcies tertio. Si quælibet dissimilitudo essentialis esset sufficiens ad diuersitatem specificam sequeretur plures animas rationales esse diuersas specie inter se, consequens est absurdum, ergo & antecedens. Sequela maioris probatur quia inter animas rationales vna est entitatie dissimilis alteri, ergo habet diuersitatem specificam ab altera.

Resp. neg. sequelam mai. Ad prob. nego antns. Quælibet anima rationalis est cuiuslibet animæ rationali omnino, & adequate similis, similitudine entitatieua & essentiali.

Dices ex duabus animabus rationalibus vna perfectius intelligit, & discurret quam altera, ergo vna est perfectior altera: implicat esse perfectiorem & non esse dissimilem; ergo vna est dissimilis alteri.

Resp. concessio antecedenti; negando consequentiam, si sit de perfectione essentiali. Vna anima perfectius intelligit, quam altera: quia bono sub fato est in corpore melius organizzato quam altera; hæc autem dissimilitudo non est in ipsa met essentiali animæ; hoc idem magis explicabitur in libris de anima: vbi ex professo agitur quæstio de æqualitate animarum inter se.

ARTICVLVS VII.

Diluuntur alie obiectiones.

Objicies quarto. Cognitio qua representantur tres homines est entitatieua dissimilis.

dissimilis cognitioni qua repræsentantur quinque: sed huiusmodi cognitiones sunt eiusdem speciei, ergo dissimilitudo entitativa stat cum identitate specifica. Item: calor ut octo est entitativè dissimilis calori ut quinque: calor ut octo, & calor ut quinque sunt eiusdem speciei; ergo plura eiusdè speciei sunt entitativè dissimilia. Minor probatur ex Philosopho & Philosophis cum Philosopho dicentibus: *plus & minus non variant speciem*; Calor ut octo & calor ut quinque non differunt nisi secundum plus & minus, ergo calor ut octo & calor ut quinque non differunt specie.

Resp. quod ea dissimilitudo quæ est inter tres & quinque homines, est etiam inter cognitiones quarum una est trium altera quinque hominum. Dissimilitudo enim obiectorum refundit dissimilitudinem in cognitiones. Roga iam arguentem an tres homines à quinque differant entitativè: & quod de hominibus dicent; dic de cognitionibus. Si dicant tres homines esse dissimiles entitativè quinque hominibus, dic cognitionem qua repræsentantur tres, esse dissimilem cognitioni, qua repræsentantur quinque; etiam entitativè: si negant; nega. Si dicant homines non differre ab hominibus, seu non esse dissimiles hominibus, sed ternarium esse dissimilem quinario, dic cognitiones supradictas esse dissimiles, non secundum quod repræsentant homines & homines; sed secundum quod repræsentant, una ternarium, & altera quinarium. Ex his ad argumentum in forma resp. cum distinctione: cognitio qua repræsentantur tres homines est entitativè dissim.

diffimilis cognitioni qua repræsentantur quinque, secundum quod vna repræsentat tria & altera quinque: concedo; secundum quod repræsentant homines & homines: nego. Posses etiam distinguere: vna est diffimilis alteri secundum considerationem Mathematicam seu Arithmeticam: concedo; secundum considerationem logicam: nego. Sunt dissimiles secundum considerationem arithmeticam quia vna attingit ternarium, altera quinarium, qui sunt numeri specie diversi. Non sunt dissimiles secundum considerationem logicam quia cum eadem sit vnus ac omnium hominū essentiat res à quinque, aut centum non differunt essentialiter.

Ad illud de calore dic vel gradus intensiōis esse dissimiles, vt multi docent; & tunc calor vt quatur & calor vt octo differunt specie: vel similes; vt alij volunt, & tunc calor vt octo à colore vt quatuor non differt entitatiue, sed solum intensiue: & de numero graduum dic quod dixisti de numero hominum:

Obijcies quintò. Vnio quæ est inter corpus & animam Petri est entitatiue dissimilis vnioni quæ est inter corpus & animam Pauli: sed huiusmodi vniones sunt eiusdē speciei, ergo cum dissimilitudine entitatiua stat identitas specifica. Maior probatur quia duæ vniones ambæ respicientes corpus & animā Petri, sunt magis similes inter se, quam duæ aliæ, quarum vna respiciat corpus & animā Petri, alia vero corpus & animam Pauli; ergo istæ duæ habent aliquam dissimilitudinem entitatiuam: probatur conseq. quia habent dissimilitudinem quæ consistit in carentia

ria illius omnimodæ similitudinis quam habent inter se illæ aliæ duę.

Idem argumentum fieri potest de cognitionibus, vel profluentibus à distinctis principijs, vel repræsentantibus distincta obiecto. Puta duę cognitiones elicite à Petro circa albedinem *A* sunt magis similes inter se quam duę cognitiones circa eandem albedinem, altera elicita à Petro, & altera à Paulo. Item duę cognitiones circa albedinē *A* sunt magis similes inter se, quam duę quarum altera sit circa albedinem *A*, & altera circa albedinem *B*: sed cognitiones huiusmodi sunt eiusdem speciei; ergo inter cognitiones eiusdem speciei datur dissimilitudo entitatiua. Maior probatur quia prædictæ duę cognitiones elicite à Petro præter identitatem obiecti, habent identitatem principij & subiecti; duę autem, quarum altera sit elicita à Petro, & altera à Paulo, non habent identitatem principij & subiecti. Item duę cognitiones ambæ albedinis *A* habent identitatem obiecti: duę autem aliæ, quarum altera sit albedinis *A* & altera albedinis *B*, non habent identitatem obiecti; ergo sūt magis similes illę, quam istę. Consequentia probatur vt supra; quia carentia illius omnimodæ similitudinis est aliqua dissimilitudo.

Resp. negando maiorem ad probationem; nego antecedens. Ad illud de cognitionibus nego etiam maiorem. Ad probationem de cognitionibus respondeo cum distinctione: duę cognitiones elicite à Petro habent identitatem principij; duę autem elicite altera à Petro, & altera à Paulo non habent identi-

tita-

titatem . logicam & formalem nego; physicam & materialem concedo . Item duæ cognitiones altera albedinis *A*, & altera albedinis *B* non habent identitatem physicam & materialem obiecti : concedo , logicam & formalem, nego. Albedo *A* & albedo *B* habent perfectissimam similitudinem : quæ est identitas logica & formalis saltem fundamentaliter vt dictum est alibi : adeoque duæ cognitiones terminatæ altera ad albedinem *A*; altera ad albedinem *B*, habent identitatem logicam & formalem obiecti. Item Petrus & Paulus habent identitatem logicam & formalem, adeoque duæ cognitiones elicite, altera a Petro, & altera à Paulo, habent identitatem logicam & formalem tam principij quam subiecti: principij, quia hæc elicitur à Petro, illa à Paulo : subiecti, quia in eodem ytraque recipitur , à quo elicitur. Item duæ vniones altera respiciens corpus & animam Petri , altera corpus & animam Pauli, habent identitatem logicam extremorum; quia corpus & anima Petri, & corpus & anima Pauli sunt extrema omnino similia : adeoque non est admittendum dari maiorem similitudinem inter duas primas, quam inter duas alias vniones . Idem dic de cognitionibus .

Dices duæ cognitiones ambæ albedinis *A* habent identitatem non logicam sed physicā obiecti : duæ cognitiones vna albedinis *A* & altera albedinis *B* habent solum identitatem logicam , non autem identitatem physicam obiecti; ergo duæ cognitiones ambæ albedinis *A* sunt magis similes inter, se quam aliæ duæ, vna albedinis *A* & altera albedinis *B*.

logica

Resp. concessio ant. neg. conseq. Identitas logica obiecti consistit fundamentaliter in similitudine albedinis *A* cum albedine *B*. similitudo autem albedinis *A* cum albedine *B* est omnimoda similitudo: implicat autem quod cognitiones respicientes terminos omnino similes sortiantur inde vllam dissimilitudinem. Vno verbo albedo *A* non est magis dissimilis albedini *B* quam sibi ipsi; ergo duæ cognitiones quarum vna respiciat albedinem *A* & altera albedinē *B* non sunt magis dissimiles inter se, quam duæ alię, quarū vtraque respiciat albedinem *A*. Idem dic de perfecta similitudine principiorum incapacium propterea refundere in actus elicitos vllam dissimilitudinem. Vbi aduerte quod prædicata pure plurificantia nullo modo dissimulant: quod patebit inferius vbi de indiuiduo.

Dices: quæ differunt in prædicato essentiali communi pluribus, differunt plusquam numero: duæ visiones, vna albedinis *A*, altera albedinis *B* sunt huiusmodi: ergo &c. Minor probatur, quia: esse visionem essentialiter affixam albedini *A*, est prædicatum essentialiale, commune pluribus: sunt enim possibiles visiones, non tot quin plures essentialiter affixæ albedini *A*. In hoc autem differunt visio albedinis *A*, & visio albedinis *B*, de prima enim dicitur, quod sit essentialiter affixa albedini *A*, de secunda negatur.

Respond. disting. mai. si illud prædicatum sit absolutum: omitto mai. si sit relatiuum: sub disting. si sit ad terminos dissimiles: conc. si ad similes: nego. Prædictæ

dictæ autem visiones sunt ad terminos omnino similes, vt patet.

ARTICVLVS VIII.

Expediuntur reliqua.

EGimus de prædicato contrahente genus ad speciem quasi de prædicato aliquo simplici, quod etiam vocauimus differentiam specificam, accipientes nomine differentię prædicatum illud, per quod vna res ex communi modo loquendi dicitur ab alia differre specie, v. g. rationale in homine, hinnibile in equo. Sic autem egimus de differentia specifica, non quod supponamus pro certo illam de facto consistere in prædicato simplici; sed quia sic melius, & facilius explicatur doctrina de differentia.

Cæterum valde probabile est rem differre specie ab alia re, non per aliquod prædicatum simplex, sed per complexum ex pluribus prædicatis diuissue genericis, putà hominem non differre specie ab omni alia re per rationale; sed per complexum ex animali, & rationali; & carentia alterius prædicati essentialis. Rationale autem ipsum seorsim acceptum pertinere posse ad plures species, sicut animal: putà rationale esse quid commune Angelis, & hominibus, sicut animal est quid commune hominibus, & brutis: adeoq; sicut homo per animal non differt ab equo, ità nec per rationale, v. g. differt ab Angelo.

Dices etiam si in Angelo demus rationale, non tamen damus rationale dependenter à sensibus, ergo, neque in tali hypothefi, homo

mo per rationale conuenit cum Angelo.

Resp. concessio antecedenti, negando consequentiam. Eodem argumento probabis hominem non conuenire cum bruto in animali. Nam etiam si detur in bruto animal; non tamen datur animal, quod simul sit rationale: Quod igitur rationale in Angelo, & in homine contrahatur per rationes oppositas, non facit quin homo, & Angelus conueniant in rationali: est enim rationale secundum conceptum rationalis abstrahibile conceptu præscindente à rationibus contrahentibus.

Præterea non apparet repugnantia, quod ad hanc ipsam complexionem prædicatorum: *Animal rationale*, superaddatur aliud prædicatum essentiale; & sic dari aliquod animal rationale specie diuersum ab homine. Cur enim repugnet animal rationale volatile? aut animal rationale aquatile? idem dic de quolibet alio huiusmodi. Imò ex veteribus nonnulli existimarunt præter hominem dari aliud animal rationale, quod esset essentialiter immortale: adeoque insufficienter definiri hominem animal rationale, putantes superaddendum definitioni: *Mortale*.

Posito autem quod plures rationes diuiniue genericæ, hoc est quarum quælibet seorsim sumpta sit communis pluribus speciebus, simul acceptæ constituent differentiam specificam: quælibet ex prædictis seorsim accepta habebit rationem materiæ, & ad differentiam, seu dissimilitudinem huius rei, cum quolibet alia re sufficiet, quod in toto illo complexo reperiatur discrepantia cum

complexo prædicatorum constituentium quamlibet aliam rem, puta si rationale conuenit alicui, quod non sit homo: manifestum est, quod homo per rationale non discrepat ab omnibus: si autem illud aliud quod est rationale non sit animal discrepabit ab ipso per animal: ab animali autem, quod non est rationale, & à rationali, quod non est animal, per hoc quod sit animal rationale: quod si detur aliquid quod sit animal rationale, & aliquid aliud, puta & volatile: discrepabit homo ab omnibus per hoc quod sit animal rationale, & nihil aliud.

His omnibus addendum est monitum hoc loco opportunum: scilicet non spectare ad logicum decernere; vtrum hæc, & illa res differant inter se, hoc vel illo genere differentie. Hoc enim pertinet ad scientiam talium rerum contemplatricem, puta, si quis proponat logico ex vna parte Catellum Bononiensem, & ex altera Molossus; rogetq; illum an differant, an conueniant secundum speciem; Logicus prætergreditur fines sue scientie, si hanc dubitationem soluere aggreditur. Hoc enim spectat ad scientiam de canibus. Responsio igitur quam ex doctrina tradita, tradere post hæc esset: si duo isti canes sint perfecte similes in essentia, sunt in eadem specie: si habent aliquam in essentia dissimilitudinem sunt in diuersa. An autem essentia vnus sit perfecte similis essentie alterius dicant, qui vtriusq; essentiam speculantur.

Supponitur tamen quasi pro certo prædictos duos canes esse eiusdem speciei, & ex hac

hæc præsuppositione contra doctrinam supra traditam sic arguitur. Maior dissimilitudo datur inter catellum Bononiensem, & Molossum, quam inter aliquem canem, & lupum; & tamen catellus Bononiensis, & Molossus sunt eiusdem speciei, & lupus à quolibet cane specie differt; ergo differentia specifica non fundatur in dissimilitudine.

Resp. negando anteced. Sermo est enim de dissimilitudine essentiali, quæ nulla est inter Catellum, & Molossum.

Dices, dissimilitudo in accidentibus arguit dissimilitudinem in essentia; datur inter Catellum, & Molossum maior dissimilitudo in accidentibus, quam inter canem, & lupum; ergo datur maior dissimilitudo in essentia inter Catellum, & Molossum, quàm &c.

Resp. primò negando maiorem. Constat enim ab vna eademq; essentia fluere accidentia, & accidentium collectiones inter se valde diuersas.

Resp. secundò transmissa maior. negando min. Si quis enim considerat totam collectionem accidentium, quæ fuit ab essentia lupi; hæc est magis dissimilis collectioni accidentium fluenti ab essentia cuiuslibet canis, quam sit collectio accidentium catelli, collectioni accidentium Molossi. Accidentia enim, quæ determinatè fluunt ab essentia canina sunt vis odoratiua, sagacitas, fidelitas, latratus, &c. in his accidentibus conueniunt catellus Bononiensis, & Molossus; vterq; autem, & quilibet alius canis disconueniunt à lupo, in quo vlulatum infidelitatem, & alia huiusmodi accidentia reperies. Ex his

Resp:

Respond. tertio distinguendo maiorem : Accidentia determinate fluentia ab vna essentia sunt magis similia in cane, & lupo, quam in catello, & molosso : nego maiorem ; accidentia indifferentia ad hanc, vel illam essentiam : concedo maiorem : & eodem modo distincta minori ; nego consequentiam. Quæ nam sint accidentia determinate fluentia ab essentia canina, supra diximus : sunt autem præterea, quæ non fluunt determinate ab vlla essentia, sed sunt indifferentia, vt hanc, vel illam exornent. Huiusmodi sunt color, magnitudo, vel paruitas molis ; & alia id genus, secundum quæ dissimilia in specie possunt esse inter se magis similia, quam quæ eiusdem speciei sunt, puta molossus, & lupo similiores sunt in magnitudine, quam catellus, & molossus.

Q V A E S T I O VI.

De proprio, & accidente.

A R T I C V L V S I.

Quid sit proprium.

Proprium quadrisariam dicitur, ait Porphyrius cap. 5. Primò proprium dicitur, quòd conuenit solum alicui speciei, sed non omni contento intra illam speciem : ità soli homini conuenit esse Medicum, vel Astrologum ; sed non omni contento sub ratione hominis, hoc est non omni indiuiduo naturæ humanæ.

S

Secun-

Secundò, proprium dicitur, quod omni quidem in aliqua specie contento conuenit, sed non soli: hoc modo conuenit homini esse bipedem: nam omnis quidem homo est bipes, sed non solus homo est bipes. Tertiò, quod omni, & soli non tamen semper: ita omni & soli homini conuenit canescere, non tamen semper, sed solum aliquando: puta in senectute. Quartò proprium dicitur, quod omni soli, & semper: hoc modo, conuenit homini esse risibilem. Et hoc vltimum propriissime loquendo dicitur proprium.

Quatenus autem est vnum ex prædicabilibus definitur: *Vnum aptum prædicari de pluribus in quale conuertibiliter, siue necessario.* Per hoc quod prædicetur de pluribus conuenit cum alijs prædicabilibus: per hoc quod in quale, à genere differt, & specie; quæ in quid; & à differentia, quæ in quale quid prædicantur: per hoc, quod conuertibiliter, siue necessario; differt ab accidente, quod & ipsum in quale, sed non necessario, aut conuertibiliter, verum contingenter de pluribus prædicatur, vt infra patebit.

Aduertendum est autem, quod plura illa, de quibus proprium est prædicabile sunt inferiora illius rationis, seu gradus, à quo necessario ipsum profluit v.g. risibile, est proprium hominis, vt necessario fluens ab hominis essentia: plura igitur, de quibus risibile prædicatur sunt inferiora hominis, videlicet Petrus, Paulus, Franciscus. Et vniuersaliter loquendo de quocumq; prædicatur radix, seu principium, à quo necessario quælibet proprietas profluit; de illo eodem

etiam

etiam talis proprietas prædicatur: ita si appetituum necessario profluat à sensitiuo de quocumq; prædicaueris sensitium recte etiã prædicabis appetituum.

ARTICVLVS II.

Quid sit accidens.

AGimus hic de accidente communi, non de proprio, de quo dictum est supra. Definitur autem accidens à Porphyrio: *Quod neque est genus, neque differentia, neque species, neque proprium, semper autem est in subiecto subsistens.* Hæc definitio per exclusionem non est mala: cum enim alia quatuor prædicabilia iam fuerint explicata, hoc vltimum taliter qualiter explicatur per exclusionem illorum. Additur autem: quod semper est in subiecto subsistens: quia nimirum accidens, quod sæpè dicitur à Philosopho non tam ens; quàm entis ens, habet semper esse in alio tamquam in subiecto, à quo sustentatur.

Præter hanc definitionem, duas alias assertit Porphyrius. Prima est: *Accidens est, quod adest, vel abest præter subiecti corruptionem.* Secunda: *Accidens est, quod contingit eidem in esse, & non in esse.* V. G. Albedo huius parietis abest, & adest præter parietis corruptionem: nec enim destruitur paries, siue absit, siue adsit, albedo. Item contingens est albedinem inesse, & pariter contingens non inesse albedinẽ huic parieti.

Quando dicitur: præter subiecti corruptionem debet intelligi de corruptione, vel physica, vel logica. Dicitur aliquid cor-

rumpli physice; quando re ipsa destruitur; ità corrumpitur lignum per combustionem. Dicitur corrumpi logice, quando vel demitur illi aliquid essenziale, vel additur aliquid repugnans ipsius essentiæ: hoc modo diceretur corrumpi logice homo, si vel illi denieres animal, aut rationale: vel adderes hinnibile, aut latrabile, vtrumq. enim repugnat conceptui quidditatiois hominis. Porro accidens, vt prædicabile definitur: *Vnum aptum prædicari de pluribus in quale, non conuertibiliter, aut necessario, sed contingenter.*

Rursus quando dicitur accidens posse abesse, intelligi posset, aiunt nonnulli, de absentia positiua: per quam scilicet prædictum accidens est etiam in alio subiecto: puta albedo dici quodammodo potest abesse positiue ab ebore, quatenus est etiam in columba, & rapa. Modus ille absentia positiua non video quo iure dicatur absentia, quia hoc etiam modo dici posset genus abesse posse præter rei corruptionem: animal enim v.g. ita conuenit homini, vt etiam infinitis ab homine diuersis conueniat. Multò melius dicitur abesse à subiecto aliqua forma, quando non cōuenit omnibus inferioribus alicuius rationis communis, quamuis solis inferioribus rationis huiusmodi conueniat: ità accidens est homini esse Astrologum, quia non omni quamuis soli homini conuenit esse Astrologum.

ARTICVLVS III.

Soluantur obiectiones.

Objicies primo. Omne proprium est accidens : ergo malè assignatur pro prædicabili distincto ab accidente. Antecedens probatur, quia proprium etiam quarto modo, hoc est necessario profluens ab essentia, est quid superadditum essentia.

Resp. concesso antecedenti, eiusq. probatione distinguendo consequens : malè ponitur pro prædicabili distincto ab accidente ut sic : concedo consequentiam : distincto ab accidenti communi : nego consequentiam. In hoc differt proprium ab accidente communi, quod illud necessario, & conuertibiliter prædicetur : hoc verò non.

Objicies secundo. Aliqua accidentia nequeunt adesse, præter subiecti corruptionem, v. g. mors nequit adesse sine corruptione viuentis : neque morbus lethalis : item calor ut octo nequit esse in palea, aut stупpa quin illam destruat : ergo mala est definitio accidentis.

Resp. negando antecedens. Mors non est neque substantia, neque accidens, sed ipsum met non esse illius viuentis, quod cum antea esset, iam non est : adeoq. mors non destruit viuens per hoc, quod insit viuenti, cum nemo hætenus viderit mortem in viuentem. Morbus lethalis, & alia huiusmodi videlicet dispositiones ad mortem, & noxiæ qualitates, sunt præter corruptionem subiecti ; quandoquidem simul cum subiecto compa-

tiuntur. Non est autem contra rationem accidentis, quod disponat suum subiectum ad corruptionem; cum ex accidentibus alia sint propitia, alia noxia. Calor ut octo non destruit subiectum, in quo est, cum non sit, nisi in igne.

Obijcies tertio, aliqua accidentia non possunt abesse à subiecto, præter ipsius corruptionem, ergo mala definitio. Antecedens probatur, quia nec nigredo à Coruo, nec albedo à Cigno abesse possunt.

Resp. negando antecedens eiusq. probationem. Potest tota essentia Corui concipi non intellecta nigredine, definitur enim: avis erocitabilis. Et tota essentia Cigni non intellecta albedine, definitur enim: avis aquatilis funeris sui præcentrix. Quod si nomine Corui intelligas avem nigram; & nomine Cigni avem albam; nigri ut nigri est essentialis nigredo, albi ut albi albedo.

Obijcies quarto. Concipitur tota essentia hominis non concepto risibili; ergo risibile est extra essentiam hominis; ergo potest abesse ab homine.

Resp. concessio primò entimemate; disting. ultimum consequens: potest abesse logice, & præcisivè: concedo consequentiam; physice, & negativè: nego consequentiam. Potest concipere totam quidditatem hominis, non comparando illam cum risu; malè conciperes si negares de illa, quod sit principium radicale risus. Ex primo capite habes, quod sit accidens; ex secundo quod sit proprium.

Obijcies quinto. Pallium potest abesse, & adesse à Petro, præter Petri corruptionem
pal-

pallium non est accidens, sed substantia; ergo substantiæ conuenit definitio accidentis. Idem dices de pileo, imò & de subucula, quæ fama est carere non paucos.

Resp. pallium, & alia huiusmodi esse substantiam, sed non substantiam Petri, nisi possessiuè. Potest autem vna substantia superuenire alteri substantiæ, & tunc tali substantiæ accedit. Pallium igitur est intransitiuè, & physice substantia, transitiuè, & logicè accidens. Intransitiuè idem est, ac entitatiuè, & respectu sui: transitiuè idem est, ac respectu illius, cuius est pallium.

Obijcies vltimò. Accidens de suis inferioribus prædicatur in quid, ergo malè definitur prædicabile in quale. Antecedens probatur, quia color, v. g. prædicatur in quid de albedine. Aequè enim benè respondes roganti quid sit albedo, dicendo est color, ac roganti, quid est homo? dicendo, est animal: sed color est accidens; ergo accidens benè prædicatur in quid.

Resp. quod color, & quodlibet aliud accidens respectu inferiorum, de quibus prædicatur in abstracto æquè est genus, ac animal respectu hominis, & aliorum inferiorum, de quibus dicitur; & hoc modo pertinet non ad quintum, sed ad primum prædicabile. Tunc autem prædicatur non vt accidens rei, de qua dicitur, sed, vt quidditas: vnde in abstracto dicitur interroganti, quid est: interroganti autem quale est non fit responsio per accidens in abstracto, sed per cōcretum importans accidens in obliquo, puta interroganti quid est Actiops? benè respondes: est homo: roganti vlteriùs qualis

homo, malè responderes est nigredo, rectè: est niger. Ex his patet ad obiectionem. Dist. conf. malè definitur prædicabile in quale de suis inferioribus, & in abstracto conc. de suis subiectis, & in concreto neg. conseq.

A R T I C V L V S IV.

Satisfit nonnullis curiositatibus.

LOgicus circa hætenus dicta curiosus quærit primò, an diuisio vniuersalium quinque sit bona? Respond. affirmatiuè. Quamuis enim fieri potuerit, & in pauciora, dicendo: vniuersale est prædicabile de pluribus aliud essentialiter, aliud accidentaliter: & in plura diuidendo rationem generis in plura genera, &c. tamen diuisio à Porphyrio ad nos. vsque deducta, tenenda est, & saltem ob antiquitatem veneranda.

Quærit secundò, an quinque prædicabilia: Genus, species, differentia, proprium, & accidens definiantur per genus, & differentiam: & quodnam sit genus in definitione ipsorum.

Hæc curiositas continet duas partes. Ad primam respòdeo affirmatiuè. Ad secundam assigno pro genere: *Vnum aptum prædicari de pluribus*, quod vno nomine dicitur *Vniuersale*. Vidimus enim quinque illa, de quibus egimus conuenire in ratione vniuersalis; seu in hoc, quod quodlibet sit vnum aptum prædicari de pluribus; differunt autem inter se, in modo quo de suis inferioribus prædicabilia sunt, hoc est in ratione contrahente vniuersalitatem, quæ est com-

mu-

communis omnibus. Hoc facillè intelliges repetendo definitiones singulorum.

Dices, si vniuersale est genus in definitione prædicabilium sequitur vniuersale esse genus respectu generis: consequens est absurdum; ergo & antecedens. Sequela maioris probatur: quia vnum ex quinque prædicabilibus est genus: sed genus quinque prædicabilium est: vniuersale; ergo vniuersale est genus generis. Minor autem probatur, quia si Vniuersale est genus generis erit superius, & inferius respectu eiusdem: implicat idem respectu eiusdem esse superius, & inferius: ergo implicat Vniuersale esse genus generis. Probatur hæc vltima sequela maioris: quia eo ipso quod Vniuersale est genus generis est superius genere; est enim ratio communis generi, & cuilibet alteri vniuersale, puta speciei, differentiæ, &c. Rursus est inferius genere: quia est aliquod particulare genus, quodlibet autem genus in particulari est inferius, seu vnum ex inferioribus generis vt sic; sicut quodlibet animal in particulari est inferius, siue vnum ex inferioribus animalis vt sic. Hoc argumentum, quia includit abstractiones à rationibus abstractis, adeoque multiplices reflexiones; misere torquet nonnullos, cum tamen nihil habeat difficultatis.

Resp. concessa maiori, negando minorem. Ad probationem minoris, distinguo maiorem: idem respectu eiusdem esset superius, & inferius secundum eandem rationem: nego maiorem; secundum diuersam rationem: concedo maiorem; & eodem modo distincta minori: nego consequentiam. Ad intel-

lignentiam huius distinctionis sciendum est, quod nec genus, quod est primum prædicabile est *Vniuersale*, ut sic, sed vnum ex vniuersalibus; nec *Vniuersale* est genus ut sic, sed vnum particulare genus, sicut animal, planta, &c. Ex eo quod genus sit vnum ex vniuersalibus, sicut & species, & differentiam, &c. fit quod & à genere, & à specie; & ab alijs, abstrahi possit hæc ratio: *Vniuersale*; sicut ex eo quod & lactuca sit planta, & pimpinella sit planta, fit ut à lactuca, & pimpinella abstrahi possit ratio plantæ: ratio autem abstracta, est superior respectu cuiuslibet, à quo abstrahatur: igitur vniuersale per abstractionem prædictam fit ratio superior respectu generis, speciei, & cuiuslibet alterius, ex quinque vniuersalibus, à quibus abstrahitur; per illam autem abstractionem, per quam constituis vnum superius, constituis alterum inferius, ut ex terminis patet.

Rursus ex eo quod vniuersale non sit genus, *Vt sic*, sed vnum particulare genus, fit ut ratio generis ab ipso, sicut & à quolibet alio particulari genere: puta à ratione animalis, à ratione plantæ, abstrahi possit: per abstractionem autem huiusmodi euadit inferius respectu generis, *Vt sic*, ratio enim à qua abstrahitur alia ratio, est inferior ratione abstracta. Ecce quomodo idem respectu eiusdem sit modo interius modo superius; vel sit superius, & inferius per diuersas videlicet abstractiones. Breuiter. Vniuersale prout ipsum à genere, & alijs prædicabilibus abstrahitur, est genus generis, & superius genere: prout autem ab ipso, & ab alijs gene-

generibus abstrahitur ratio generis; est inse-
rius generē vt sic, quod est primum ex præ-
dicabilibus. In hoc autem nulla est repu-
gnantia.

Quod autem à genere, & alijs vniuersali-
bus abstrahi possit hæc ratio: *Vniuersale*,
adeoq; quod hæc eadem ratio sit communis
generi, alijsq; prædicabilibus non est, qui
negare possit. Sicut nec potest negari ab
hac ratione communi *Vniuersale*, & alijs
rationibus communibus abstrahi posse hanc
ipsam rationem rationis communis; hoc est
tam de ratione vniuersalis, quàm de alijs
rationibus communibus prædicari posse,
quod sint rationes communes: & consequen-
ter hanc ipsam rationem rationis communis
communem esse, & vniuersali, & alijs ra-
tionibus communibus. Vbi aduerte totam
disparitatem inter alias, & hanc rationem
communem consistere in hoc, quod aliæ ra-
tiones, putà ratio animalis, ratio plantæ, ra-
tio hominis, & similes, sunt abstractæ à pri-
mis intentionibus; hæc autem: *Vniuersale*
abstracta est à secundis, videlicet à quinque
vniuersalibus, quæ sunt quinque concreta
secundo intentionalia.

QVAESTIO VII.

De indiuiduo.

ARTICVLVS I.

Quid sit indiuiduum.

INdiuiduum definitur à Porphyrio cap. de specie: *Quod de vno solo prædicari potest*, puta Socrates nequit, nisi de hoc homine singulari prædicari. Philosophus verò in prædicamentis definit substantiam primam, hoc est indiuiduū: quod neque in subiecto est, neque dicitur de subiecto. Hæc Philosophi definitio non contradicit Porphyriana. Aristoteles enim loquitur de prædicatione cathégorica, per quam superius prædicetur de inferiori, quod intelligit nomine subiecti. Porphyrius autem: etiam si dicat dici de vno, imò non dici, nisi de vno, ly *Vnum*, non accipit pro inferiori.

Eodem capite de specie definitur ab eodem Porphyrio indiuiduum: *Quod ex proprietatibus constat, quarum collectio nunquam in alio erit eadem*. Quod intelligendum est, in ordine ad potentiam naturalem. Non enim repugnat per diuinam omnipotentiam plura indiuidua: iisdem proprietatibus sensibilibus insigniri. Proprietatum collectio, qua describitur indiuiduum hoc versiculo continetur.

Forma, figura, locus, stirps, nomen, patria, tempus.

Ex

Ex quo patet definiri solum indiuiduationem physicam rerum sensibilium, siue indiuiduum, prout est à nobis cognoscibile cognitione discernente inter hoc, & illud. Finge enim proponi tibi hominem talis figuræ, coloris, nominis, &c. & deinde hoc remoto proponi alium eiusdem figuræ coloris, & nominis: profectò non iurabis te vidisse duos homines, cum meritò dubites an idem bis tibi fuerit propositus. Hinc quia ob infinitas rationes vnicuique facile obuias, necessarium erat, vt intra indiuidua eiusdem speciei, vnum ab altero discernetur, sapienter omnium indiuiduorum auctor, & conditor, vnicuique specialem quandam accidentium collectionem; per quam homo, qui nihil habet in intellectu, quod prius non habuerit in sensu vnum ab altero discriminaret.

Dixi plura indiuidua; vt à nobis discernibilia sunt; insigniri debere dissimilibus accidentibus, seu dissimili accidentium collectione: quod intelligendum est de indiuiduis à nobis distinctis. Vnus quisque enim sine vlla reflexione ad accidentia quibus ornatur se ipsum discernit à quocunque alio, & etiamsi Deus alium hominem crearet in omnibus mihi omnino similem, quamuis alios fallerem putantes & illum alium esse me, & me esse illum alium, vt non numquam accidit, tamen circa hoc numquam ego fallerem vel putans me esse illum alium, vel illum alium esse me.

Dixi præterea pertalem collectionem explicari indiuiduum, prout à nobis vnum ab altero discernibile est: quia etiam independens

denter ab huiusmodi collectione, quodlibet per se ipsum est hoc & non illud; adeoque se ipso formaliter & non per aliquid sibi superadditum constituitur in esse indiuidui: quod propterea 'sine vlllo respectu ad accidentia definitur à D. Thoma: *in se indistinctum, ab alijs vero distinctum.*

Queritur autem hic an ab omnibus indiuiduis abstracti possit ratio communis *indiuidui*. Huic quæstio respondendum est affirmatiuè. Nam & de Petro recte dixeris, quod sit indiuiduum, & de Paulo quod sit indiuiduum, & de Bucephalo, & sic de quolibet alio. Item dicendo de Petro quod sit indiuiduum non discernis ex vi talis prædicati Petrum à Paulo, aut à Bucephalo cum etiam de quolibet huiusmodi dicere possis: est indiuiduum. Idem dic si non indiuiduum sed ipsammet indiuidui definitionem de quolibet prædicaueris. Siue enim definitionem Porphyrianam accipias: *Id quod ex proprietatibus constat quarum collectio numquam in alio erit eadem*: hoc ipsum recte dixeris de quolibet. Petrus enim ex proprietatibus constat quarum collectio &c. Idem dic de Paulo, idem de Bucephalo, idem de reliquis. Siue accipias Thomisticam, videlicet: *indistinctum in se, ab alijs vero distinctum*: hoc idem & de Petro & de quocunque alio recte prædicabis.

Hinc habes ipsam rationem indiuidui esse quoddam vniuersale. Ad quod autem ex quinque vniuersalibus reduci debeat dubitatur. Et primo quidem constat rationem indiuidui dici de pluribus non solum specie sed etiam genere differentibus. Nam & de Petro

Petro & de Bucephalo qui specie differunt, & de Bucephalo & de qualibet planta, & de quolibet lapide, dici potest quod sit indiuiduum, cum hæc genere sint diuersa. Hinc dixere nonnulli rationem indiuidui esse rationem transcendentalem sicut est ratio entis & ratio vnius. Alij. dixere rationem indiuidui pertinere ad primum prædicabile: tota controuersia facile componeretur si diceres, & illi assentirentur, etiam rationes transcendentales esse rationes genericas: tunc enim verum esset *indiuiduum* esse genus & esse rationem transcendentalem. An ratio transcendentalis re ipsa sit genus disputabitur infra vbi de vniuocatione vel analogia entis: ibiq; his præsens facile decideretur.

Hoc idem quod diximus de hac ratione *indiuiduum* dices de hac alia: *singulare*: nam & de Petro & de hoc folio, & de hoc lapide, recte dixeris quod sit *singulare*: adeoque vides etiã rationem singularis esse quid vniuersale, cum de pluribus dicatur confusis in ratione singularis: quod si attenderis ad diuersam suppositionem, nil miraberis, quod de singulari dicamus quod sit vniuersale: *singulare* enim sub hoc conceptu præciso *singularis* non repræsentat singulariter, sed vniuersaliter quodlibet cui conueniat esse *singulare*: & quia vt docet Philosophus quidquid est, aut esse potest, *singulare* est: hic conceptus: *singulare* omnia repræsentat..

ARTICVLVS II.

An quodlibet indiuiduum sua characteristica insigniatur.

AD cognitionem discretiuam vnius indiuidui substantialis ab alio : puta Petri à Paulo, dictum est requiri dissimilitudinem in collectione accidentium, quæ in hoc & illo reperiuntur. Queritur autem hic an collectio accidentium quæ in vnoquoque est, sit secundum determinatam exigentiam ipsius : ita vt Petrus secundum se, hoc est secundum suam entitatem, petat hanc determinatam collectionem. Paulus hanc aliam, quam de facto habent.

Affirmant ex Thomistis quamplurimi vt videre potes apud Siluestrum Maurum quæstione logicæ 40. qui eisdem consentit, asserens in singulis indiuiduis generabilibus & corruptibilibus dari quamdam adaptationem seu quemdam ordinem ad hoc vt generentur in certo loco, tempore &c. Hanc adaptationem siue ordinem, quem aiunt esse principium formale indiuiduationis, siue ipsam met formalem indiuiduationem cuiuslibet indiuidui, vocant characteristicam, eo quod sit nota quædam seu character quo vna substantia ab alia etiam pro priori ad collectionem accidentium discernibilis sit. Hanc sententiam multas habere commoditates late & clare explicat idem P. Maurus loco citato. His tamen non obstantibus.

Dicendum est hanc characteristicam non dari. Probatur hæc conclusio : quia exigentia dissimilium accidentium determinare, hoc est

est huius potius quam illius collectionis nequit fundari nisi in dissimilitudine entitatiua: sed omnis dissimilitudo entitatiua est differentia specifica; ergo huiusmodi exigentia nequit fundari nisi in differentia specifica: sed implicat intra eandem speciem hoc ab illo indiuiduo differre specie; ergo implicat intra eandem speciem hoc indiuiduum exigere hanc determinate; illud aliud illam aliam determinate collectionem accidentis. Maior probatur, si enim essentia Petri est exigitiua albedinis: & essentia Pauli est per se ipsam exigitiua nigredinis, patet in essentia Petri dari prædicatum illam dissimilans ab essentia Pauli. Minor autem probata est ubi de differentia specifica.

Probatur secundo eadem Conclusio; ad identitatem specificam requiritur perfecta similitudo, hoc est omnimoda conuenientia in prædicatis essentialibus: sed per aduersarios tollitur huiusmodi omnimoda similitudo; ergo per aduersarios tollitur identitas specifica. Explicatur hoc idem, quia ideo aduersarij volunt characteristicam ut pro priori ad accidentia vna substantia singularis sit discernibilis ab alia intra eandem specie: sed secundum Philosophum vnum singulare non debet esse discernibile ab alio pro priori ad accidentia; ergo male aduersarij requirunt prædictam characteristicam. Maior est ipsamet doctrina aduersariorum. Minor probatur quia Philosophus dicit singularia non percipi ab vlla potentia nisi prius percipiantur per sensum: hoc est singulare non esse in anima nisi prius in animam introducatur per sensum: cerum est autem prædictam
cha-

characteristicam non percipi per sensum; adeoque singulare non introduci in animam per characteristicam huiusmodi: cum igitur per accidentia hoc, & illud indiuiduum introducantur in animam, per accidentia hoc ab illo indiuiduo discernetur. huc facit quod idem Philosophus docet singularia non cognosci, nisi per accidentia.

Hoc ipsum reduci potest ad illud principium: *nihil est in intellectu quod prius non fuerit in sensu*: in sensu autem nequit esse neque hæc, neque illa essentia nisi per hæc & illa accidentia, & consequenter ad hoc ut sint in sensu secundum modum, secundum quem vnum ab altero discernatur, frustra ponitur aliquid antecedens accidentia: si autem necessario sunt in intellectu, mediante sensu, hæc eadem characteristicam frustra est respectu intellectus, ut patet. Hinc habes quod cum ipsum vniuersale non sit in intellectu nisi per seipsum, vniuersalizare includit depurare obiectum ab accidentibus discernentibus vnum ab alio ex ijs quæ conueniunt in essentia. Vniuersale esse in intellectu per sensum constat ex eo quod sit in intellectu per singularia: ex eo autem quod sit in intellectu per sensum, vide ne inferas eodem modo esse in intellectu, quo sunt in sensu nam in vnaquaq; potentia res est per modum ipsius potentiae iuxta illud: *quidquid recipitur per modum recipientis recipitur*. Denique probatur conclusio solutione obiectuum.

ARTICVLVS III.

Soluantur obiectiones.

Objicies primò. Singula indiuidua intra eandem speciem habent determinatam collectionem accidentium, per quam vnum ab altero sit discernibile; ergo in singulis indiuiduis datur exigentia, per quam hoc petit hanc dererminate, illud aliud, illam dererminate collectionem accidentium. Antecedens probatur excurrando per omnia indiuidua. Petrus habet determinatam collectionem accidentium, per quam discernatur ab omni alio. Idem dic de Paulo; idem de Francisco, idem de Antonio &c. Consequētia autem probatur quia collectio accidentium quæ est in Petro, est ad exigentiam Petri, & illa quæ est in Paulo ad exigentiam Pauli.

Resp. concessio antecedenti; negando consequentiam; ad cuius probationem respōdeo cum distinctione: collectio accidentiū quæ est in Petro est ad exigentiam quæ est disiunctiue huius vel illius: concedo; quæ est determinatè huius: nego. Aduerte autem exigentiæ quæ est disiunctiue huius vel illius non posse actu satisfieri nisi dādo vel determinate hanc, vel determinate illam collectionem accidentium. Qui enim appetit disiunctiue hoc, vel illud: eo ipso quod recipit alterutrum, recipit hoc potius quam illud; quia quodlibet ex disiunctiue exigitis, est hoc potius quam illud: quamlibet autem collectionem accidentium habeat. Petrus dam-

modo sit dissimilis cuilibet collectioni cuiuslibet alterius, est sufficientissime discretiva Petri a quolibet alio.

Ex hoc igitur quod quodlibet indiuiduum petat reddi discernibile à quolibet alio non sequitur ipsum petere hanc potius quam illam collectionem accidentium: sed solum sequitur singula petere discernibilitatē hoc pacto: O auctor naturæ quamuis non petam à te neque album determinate, neque determinate nigrum: hoc tamen peto vt si aliud feceris nigrum, facias me album; si aliud album, me nigrum. Hanc orationem faciunt singula indiuidua, vnum hoc rogantia vt à singulis singula discernantur: huic orationi benigne annuit auctor naturæ, & admirabili, qua pollet sapientia, ita munera sua distribuit in singula, vt quodlibet à quolibet discernibile reddat.

Dices quodlibet indiuiduum habet collectionem accidentium quam petit: quodlibet indiuiduum habet hanc potius quam illam; ergo quodlibet indiuiduum petit hanc potius quam illam. Maior probatur quia non est potior ratio cur Deus det hanc potius quam illam nisi indiuiduum petat hanc potius, quam illam: de facto Deus dat hanc potius quam illam; ergo hoc indiuiduum petit hanc potius quam illam.

Resp. distinguendo maiorem: habet collectionem quam petit disiunctiue: concedo; quam petit determinate: nego maiorem. Ad probationem maioris patet ex dictis. Non est potior ratio cur det hanc potius quam illam collectionem accidentium; sed dat potius hanc quam illam quia vult, & volun-

tas dantis est ratio dandi. Est tamen aliqua ratio in natura cur vni det collectionem per quam dissimiletur ab altero : quia singula indiuidua petunt à se inuicem dissimulari Vbi vides optime explicari sine characteristiez quomodo vnum indiuiduum petat discerni ab alio: cum constet duo idem eodem modo exigentia per hoc formaliter quod obtineant id quod petunt reddi à se inuicem discernibilia : puta si Petrus & Paulus sic petant : si feceris Petrum pusillum , fac me grandem : dicat Paulus : & vicissim Petrus : si feceris Paulum pusillum, fac me grandem : impossibile est à Deo vtrumque exaudiri quin eo ipso dissimilentur quamuis idem ambo & eodem modo petant .

Obijcies secundò. Indiuidua in statu possibilitatis debent esse à se inuicem discernibilia; in statu possibilitatis non habent dissimiles collectiones accidentium ; ergo sunt discernibilia independentes à collectionibus accidentium; ergo per ipsam met exigentiam diuersorum accidentium. Probatur hæc vltima consequentia ; quia nihil potest excogitari in indiuiduis possibilibus per quod discernantur, nisi talis exigentia .

Resp. primò, quod quemadmodum indiuiduis actu existentibus insunt actu dissimiles collectiones accidentium; ita etiam possibilibus possibiliter insunt , adeoque sicut existens ab existente, ita possibile à possibili aliququaliter discernibile est .

Resp. secundò. Ex dictis, singularia esse obiecta sensuum: sensus autem non attingit possibilis : si autem non attingit, non est illud quod neque discernit : hinc illud quod neque

que in intellectu possibilia recipiuntur nisi secundum rationem essentiae, secundum quam unum ab altero non est discernibile. Hinc ad argumentum nega maiorem. Verum quidem est quod intellectus potest sibi repræsentare intra eandem speciem individua affecta accidentibus dissimilantibus, & tunc unum discernet ab altero, discernet autem per illa accidentia quæ in ipsis concipiet. Cæterum ipsa met individua non exigent determinate hanc neque illam collectionem accidentium, quam intellectus sibi repræsentabit in ipsis.

Obijcies tertio. Intellectus Angelicus debet discernere quodlibet individuum à quolibet alio, (sermo est de individuis ordinis inferioris,) sed nequit discernere nisi detur aliqua dissimilitudo; ergo quodlibet individuum debet habere aliquam dissimilitudinem à quolibet alio. Rursus intellectus Angelicus non discernit per accidentia; ergo independenter ab accidentibus debet quodlibet individuum à quolibet alio dissimilari. Ab intellectu Angelico transit aduersarius ad intellectum diuinum, & iure vel iniuria, sic arguit. Intellectus diuinus quodlibet discernit à quolibet: nequit hoc facere nisi quodlibet dissimiletur à quolibet; ergo quodlibet dissimilatur à quolibet.

Vereor ne intellectus aduersarij pro eodem habeat discernere unum ab alio, ac iudicare unum esse dissimile alteri. Si ita est intellectus diuinus non discernit nisi inter dissimilia; non enim iudicat esse dissimilia, nisi quæ re ipsa dissimilia sunt. Sed fallitur aduersarius: discernere enim unum ab alio nihil

hil aliud est quam dicere : hoc, & illud : de duobus autem perfectissime similibus inrellectus diuinus dicit : hoc, & illud ; ergo intellectus diuinus discernit inter similia, Imo per hoc ipsum formaliter quod dicat : hoc est omnino simile illi ; discernit hoc ab illo. Quod diximus de intellectu diuino, dic proportionaliter de intellectu Angelico ; hic enim quamuis infinite distet ab illo, tamen est tantæ perfectionis vt illi debeat vis cōpræhensua istorum inferiorū talis, vt quodlibet discernat à quolibet. Cæterum cū omnimoda similitudine stat discernibilitas respectu intellectus Angelici, quia cum omnimoda similitudine stat distinctio ; adeoque hoc, & illud. Ad argumentum in forma concessa maiori nega minorem.

Quod autem cum omnimoda similitudine stet distinctio ; patet : quia illa ratio quæ formaliter dicit distinctionem non pugnat cum distinctione : sed omnimoda similitudo dicit formaliter distinctionem ; ergo non pugnat cum distinctione. Quod similitudo dicat distinctionem, ostensum est alibi. Quod ratio omnimodæ non destruat rationem similitudinis patet ; vel oppositum probari debet ab aduersarijs : non enim isti duo termini *omnimoda*, & *similitudo* præferunt vllam oppositionem : assumere autem quod similitudo sit necessario aliqua dissimilitudo est assumere, id quod esset probandum : & ista duo : *similitudo* & *dissimilitudo*, ex terminis longe aliam præferunt repugnantiam quam hæc alia : *omnimoda similitudo*.

Dices similia in qualitate sunt quorum qualitas vna : in quidditate ; quorum ratio

vna

vna; ergo similitudo dicit indiscernibilitatem. Antecedens est ex Philosopho. Consequentia probatur quia vnitas huiusmodi consistit in hoc, quod vnum ab altero in illa ratione in qua sunt vnum, non discernatur, nec discerni possit. Ita Petrus & Paulus sunt vnum in homine: quia in ratione hominis Petrum non discernis à Paulo. Album *A* & album *B* sunt vnum in qualitate, quia in ratione albi non discernis vnum ab alio.

Resp. iam explicatum esse à nobis in quo consisteret vnitas essentiae Petri & Pauli; qualitatis albi *A* & albi *B*. Hæc vnitas habetur formaliter per actum rationis: fundamentaliter per vtramque essentiam & vtramque qualitatem: intellectus humanus dum dicit: *homo* confundit Petrum cum Paulo & vniuersalizat naturam humanam: dum dicit *album* confundit *A* cum *B* & vniuersalizat rationem albi: similia sunt quæ huiusmodi conceptibus fundamentum præbent, Ex hoc autem quod tales conceptus fundent in intellectu humano, male argues quod eosdem aut similes fundent in intellectu Angelico. Intellectus Angelicus cum dicit *homo* cognoscit singulariter singula indiuidua naturæ humanæ, dum dicit *album* singula alba. Aristoteles autem definit similia per ordinem ad conceptus non Angelicos, sed humanos: & consequenter potest stare tota indiscernibilitas quam Philosophi nomine petit Aduersarius; cum discernibilitate quam hætenus asseruimus: non enim pugnant ista duo: esse indiscernibilia respectu intellectus humani, & esse discernibilia respectu intellectus Angeli-

gelici. Ratio disparitatis in doctrina aduersariorum est euidens : aiunt enim intellectū Angelicum non facere vniuersale, quod est non dare vnitatem similibus; cum vltro concedant intellectum humanum id facere. Ad argumentum in forma concessio antec. dist. consequ. similitudo est indiscernibilitas respectu intellectus Angelici : nega; respectu intellectus humani : subdistingue : est indiscernibilitas positiue concede, negatiue, nega consequ. Similitudo plurium est eorundem indiscernibilitas positiua; quia eo ipso quod sunt perfecte similia possunt attingi conceptu non discernente hoc, & illud : cum hoc tamen stat quod attingi possint etiam conceptu discernente, & hoc modo attinguntur quādo attingūtur vt similia : & consequēter non excludunt aut negant circa se conceptum discernentem ; non enim valet : possunt attingi conceptu confundente; ergo nequeunt attingi nisi conceptu confundente. Antecedēs est verum; quia affirmat possibilitatem conceptus non discernentis; consequentia est falsa quia infert impossibilitatem omnis alterius conceptus. In antecedenti ponitur indiscernibilitas positiue, in consequenti indiscernibilitas negatiue.

Quæres in quo consistat omnimoda similitudo ?

Resp. quod quæcunque discrepant in aliquo prædicato dicente plus quam pluralitatem terminorum, eo ipso dissimilia sunt : omnimoda igitur similitudo est conuenientia in omni omnino prædicato dicente plus quam pluralitatem terminorum. Petrus & Bucephalus dissimiles sunt ; quia discrepant

in prædicato rationalis, quod non pure distinguit terminos qui cōparantur. Petrus & Paulus sunt omnino similes, quia discrepant solum in hoc, quod Petrus non est Paulus; nec Paulus est Petrus; quod dicit puram distinctionem inter terminos qui comparantur.

Dices Petreitas per quam constituitur Petrus est dissimilis Pauleitati per quam constituitur Paulus; Petreitas est de essentia Petri, Pauleitas de essentia Pauli; ergo Petrus & Paulus sunt dissimiles in essentia.

Resp. negando maiorem. Petreitas & Pauleitas habent inter se omnimodam similitudinem: nisi per Petreitatem intelligas accidentia illa per quæ Petrum discernis à Paulo: sed hæc non pertinent ad essentiam Petri: possunt autem dici Petreitas physica seu sensibilis. Ratio est quia collectio accidentium vocatur indiuiduo physica; Petreitas autem est indiuiduatio hominis ad hoc numero indiuiduum, & consequenter dici potest indiuiduatio physica huius nature.

Dices: cognitiones de quibus dictum est supra, videlicet duæ quæ sint albedinis *A* & duæ aliæ quæ sint albedinis *B* discrepant in aliquo prædicato dicente plus quam pluralitatem terminorum; ergo quatuor cognitiones huiusmodi carent omnimoda similitudine.

Resp. negando antecedens: ad videndum utrum rationes respectiue habeant plus quam distingui; adeoque aliquam dissimilitudinē inter se, oportet attendere ad terminos quos ipsæ respiciunt: si isti sunt similes erunt etiam similes rationes prædictæ, si dissimiles,

les, erunt dissimiles: predictæ autem albedines, vt dictum est alibi, supponuntur inter se omnino similes.

QVÆSTIO VIII.

An vniuersale dictum de indiuiduo maneat Vniuersale.

ARTICVLVS I.

Statuitur vera sententia.

Quæstionem hanc alij sub alijs terminis instiunt: An vniuersale in actuali prædicatione retineat suam vniuersalitatem: in qua controuersia retinendum est id quod diximus, vniuersale videlicet esse vnum aptum prædicari de pluribus. Puta *homo* dicitur de Petro Paulo & alijs infinitis que dicuntur inferiora huius rationis *homo*. Dubitatur autem an ratio illa facta vniuersalis per abstractionem, maneat vniuersalis dum per actualem prædicationem refunditur in illa inferiora à quibus abstracta est.

Pro sententia negativa citatur à Conimbricensibus Scotus quæstione 9. in Porphyrium & in quæstione 17. ad octauum: vbi allerit per actum prædicandi extraneari relationem, hoc est vniuersalitatem, à natura. Hanc eandem sententiam sequitur Hurtadus cap. 5. Metaph. §. 8. vbi sic habet: Non fit vniuersale eo actu quo de inferiori prædicatur, quia tunc potius vniuersale contra-

hitur à sua vniuersalitate, vt cum dico : *Petrus est homo*, li *homo* restringitur ad *Petrum*.

Vniuersale retinere in actuali prædicatione suam vniuersalitatent affirmant Conimbricenses & alij; inter quos Caietanus in tractatu de Ente & essentia. Vt hæc coitrouersia dirimatur sciendum est non omnino conuenire inter Philosophos de quidditate actus iudicatiui, cuiusmodi est: *Petrus est homo*; dubitatur enim an quemadmodū hoc iudicium vocale cōstat duobus extremis vocalibus; ita etiam iudicium mentale cui correspondet, duobus extremis mentalibus cōstet: an potius prædictus actus mentalis sit qualitas omnino indiuisibilis, in plura extrema. Prima sententia facile tuetur vniuersalitatem in actuali prædicatione, secunda paulo difficilius: vtraque tamen recte cum veritate componitur quam pro conclusione ponimus dicentes.

Vniuersale in actuali prædicatione retinet vniuersalitatem. Probatur conclusio primò, quia in hac appræhensione *homo* li *homo* est vniuersale; ergo etiam erit vniuersale in hoc iudicio: *Petrus est homo*. Consequentia probatur quia li *homo* habet eandem apparentiam prædicatum, ac appræhensum: per apparentiam autem est vniuersale; ergo est æquæ vniuersale prædicatum ac appræhensum. Maior est vnicuique euidens. Quemadmodum enim in hac appræhensione *homo* non apparet an id quod concipis sit vnum, an multiplex; ita nec ex hoc prædicato *homo* apparet an Petrus sit vnum aut multiplex: & quemadmodum in hac appræhensione *homo*
non

non discernis inter Petrum & Paulum, ita nec ex vi prædicati *homo*, apparet tibi quod Petrus non sit Paulus: unde dum de Petro nihil aliud dicis nisi quod sit homo, confundis in huiusmodi prædicato Petrum cum quolibet alio indiuiduo naturæ humanæ.

Probatur secundò. Conclusio, quia hæc propositio *Petrus est homo* est propositio Categorica prædicationis directæ: sed in huiusmodi propositionibus prædicatum non conuenit soli subiecto sed alijs multis; ergo prædicatum in prædicta propositione conuenit non solum Petro, sed pluribus alijs à Petro distinctis: sed prædicatum restrictum ad Petrum non conuenit alijs à Petro; ergo prædicatum in prædicta propositione non restringitur ad Petrum. Explicatur hoc comparando inter se duas has propositiones: *Petrus est homo* & *Petrus est hic homo*: manifestum est inter duas hasce propositiones dari discrimen, & aliter importari prædicatum in vna quam importetur in altera. Ex hac propositione: *Petrus est hic homo* recte deduces, ergo non est Paulus. Nam: Petrus est hic homo; Paulus non est hic homo; ergo Petrus non est Paulus. Vide an eundem Syllogismum facere possis absque li *hic*. Petrus est homo: Paulus non est homo; ergo Petrus non est Paulus. Puer trium annorum negabit minorem. Discrimen autem inter *homo*, & *hic homo* vtrunque dictum de Petro, nullum est; si in vtraque propositione li *homo* restringitur ad solum Petrum.

Dices primò, in hac propositione: Petrus est homo, li *homo* restringitur non ad hoc indiuiduum determinate, quod Petrus est,

sed ad aliquod indiuiduum vagè cognitum, ita vt sensus sit: *Petrus est aliquis homo*.

Resp. quod si ita restringitur li *homo*, ex parte prædicati Petrus ipse cognoscitur indeterminate & disiunctiue, cum li *aliquis homo* excurrat per omnia & singula indiuidua naturæ humanæ: ex alio capite Petrus in hac eadem propositione cognoscitur determinate; ergo per vnā eandemque cognitionem Petrus attingitur determinate & indeterminate; & consequenter vna simplex propositio dupliciter attingit idem indiuisibile obiectum: quod aduersarius non admittit.

Dices secundò. Hanc propositionem: *Petrus est homo*, differre ab hac: *Petrus est hic homo*, quia in prima prædicatum est ex hac apprehensione *Homo* in secunda est ex hac alia: *hic homo*: secundum autem diuersas apprehensiones ex quibus oritur prædicatio, prædicatum diuersimode applicatur subiecto. Hinc est quod hæc propositio: *Petrus est hic homo*, dicitur determinata de prædicato; hæc alia: *Petrus est homo* est indeterminata de prædicato.

Resp. hanc responsionem fauere nostræ sententiæ: quod videlicet eandem determinationem aut indeterminationem retineat ratio prædicata, quam habuit pure apprehensa, & quia pure apprehensa habuit indeterminationem sufficientem ad vniuersale; hanc eandem habet in actu prædicationis. Item retinet in actu prædicationis apparentiam quam habuit in apprehensione: fuit in apprehensione sufficiens ad vniuersale, ergo &c.

Dices tertio. In hac propositione: *Petrus est*

est homo li *homo* restringitur exercite, non vero signate: in hac autem alia: *Petrus est hic homo*, li *homo* restringitur non solum exercite sed signate: sicut v. g. in hac propositione: *lac est album*, prædicatur albū cognitum exercite: implicat enim prædicari & non cognosci: in hac alia: *lac est album cognitum*, prædicatur album cognitum, non solum exercite, sed signate. Dicitur in hac propositione: *Petrus est homo* restringi homo exercite quia re ipsa cognoscitur homo qui est Petrus, quamuis non afficiatur vlllo Syncategoremate determinante ipsum ad Petrū: dicitur in hac alia: *Petrus est hic homo*, restringi signate, quia afficitur Syncategoremate *hic* determinante ad hoc, præ omni alio, indiuiduum.

Resp. interrogando aduersarium an hæc appræhensio *Petrus* restringat signate an solum exercite rationem hominis ad Petrum? si neget, in hac propositione: *Petrus est hic homo*, quomodo restringitur signate? Nam concipere Petrum sub conceptu Petri est cōcipere naturam ex parte obiecti contractam ad hoc indiuiduum hoc est singularizatam: non aliter autem restringitur signate *homo* per li *hic*, quam per hoc quod concipiatur ratio hominis singularizata seu indiuiduata: eodem igitur modo restringitur natura humana per hanc appræhensionem: *Petrus*, ac per hanc aliam: *hic homo*. Si autem eodem modo restringitur in vna ac in alia appræhensione, eodem modo restringitur in vna ac alia propositione. Implicat enim in hac appræhensione: *Petrus* restringi hominem signate ad hoc indiuiduum, & non restringi sig-

nate in hoc iudicio: *Petrus est homo*. Patet hoc in doctrina aduersariorum. Intantum in hac apprehensione: *Petrus* natura humana restringitur signate, in quantum clare attingitur hoc indiuiduum *Petrus*, sed etiam in hoc iudicio: *Petrus est homo* clare & determinate attingitur hoc indiuiduum; ergo etiã in hoc iudicio restringitur signate natura humana. Si autem signate restringitur non aliter apparet in vno, quam in altero ex prædictis duobus iudicijs.

Quod si dicat restringi signate in hac propositione: *Petrus est homo* rationem hominis ex parte subiecti, solum autem exercite ex parte prædicati: iam recurrit ad distinctionem quam in nobis improbat; dum dicimus per vnã eandemque simplicem cognitionem idem indiuisibile obiectum aliter cognosci ex parte subiecti; aliter ex parte prædicati. Si vero dicat in hac apprehensione *Petrus*, naturam humanam restringi solum exercite, non videtur hoc posse subsistere quia qui concipit Petrum concipit ex parte obiecti rationem indiuiduantem naturã humanam; ratio autem quæ concipitur ex parte obiecti importatur signate: huc facit quod dicitur ab aduersario, videlicet quod dum dico *album* importo solum exercite cognitionem quia hoc dicere est cognoscere: dum dico *cognitum* importo signate cognitionẽ; quia ipsa cognitio venit ex parte obiecti, & terminat cognitionem reflexam: quod autẽ ex parte obiecti veniat singularitas dum dico *Petrus* est doctrina communis apud aduersarios.

Præterea aduertendum est facile esse labi
in

in æquiocationem in hac materia. Certum est est hanc propositionem: *Petrus est homo*, esse veram non per omnes homines: sed per illum solum, qui Petrus est: nec enim Paulus, aut Franciscus verificat hanc propositionem: *Petrus est homo*: sed aliud est hanc propositionem non verificari, nisi per illum hominem, qui Petrus est; aliud per hanc propositionem non repræsentari, nisi illum hominem, qui Petrus est. Hæc propositio: *Petrus est vel Petrus, vel Paulus*: est vera, & verificatur per Petrum solum: nemo tamen dixerit per hanc propositionem repræsentari Petrum solum. Propositio disiunctiua repræsentat vtrumq. ex disiunctis, quamuis verificetur per vnicum, vt diximus in loco. Denique conclusio supra posita probabitur vltcrius per argumenta aduersariorum.

ARTICVLVS II.

Satisfit nonnullis obiectionibus.

O Bjcies primò, cum Scotistis *Si homo* in hac propositione: *Petrus est homo* retinet vniuersalitatē, sequitur de Petro prædicari hominem vt sic; consequens est falsum, ergo & antecedens. Sequela maioris probatur, quia *Si homo* retinet vniuersalitatē prædicatur homo vniuersalis: homo vniuersalis est homo vt sic; ergo prædicatur homo vt sic.

Resp. concedendo totum. Dices. ergo vera est hæc propositio: *Petrus est homo vt sic*; ergo & hæc alia: *Petrus est species*. Probatur hæc vltima consequentia, quia homo vt

sic est species : sed Petrus est homo vt sic; ergo Petrus est species.

Resp. negando totum. Nego totum, & eo per singula. Non valet : prædicatur de Petro homo vt sic; ergo Petrus est homo vt sic, appellando ly *Vt sic* signate, & non purè exercite. Prædicari de Petro hominem vt sic, nihil aliud est, quam quod hoc prædicatum, *Homo* dicatur absolute, simpliciter, & sine addito de Petro: & de facto ita dicitur: prædicari hominem vt sic, ponendo ly *Vt sic* signate; ex parte prædicati, est quod de Petro dicatur, quod sit natura humana, prout subsistans tali conceptui; qui conceptus non solum exerceatur circa rationem, quæ dicitur, sed etiam ipse prædicetur de subiecto: Nostra autem sententia est, quod homo etiam dum dicitur de Petro substat conceptui vniuersalizanti, & hoc est prædicari hominem vt sic exercite; non autem quod hic ipse conceptus vniuersalizans importetur ex parte obiecti, dum prædicatur homo; quod esset prædicari hominem vt sic signate. Adeoque Scotistæ committunt hic fallaciam accidentis de qua diximus in Summulis, dum cognitionem ipsam prædicari inferunt ex eo, quod prædicetur res subsistans cognitioni.

Hinc habes, quod in aliquo sensu species prædicatur de indiuiduo, in alio non: prædicatur species secundum id, pro quo supponit, non autem secundum id omne, quod significat. Cæterum hæc propositio species prædicatur de indiuiduo est simpliciter vera, cum hoc ipsum importetur in definitione speciei, quod videlicet sit prædicabile de pluribus indiuiduis; non autem prædicatur

vt species si ly *Vt* reduplicet supra rationē, qua res constituitur in esse speciēi, tamquam supra rationem prædicatam: prædicatur autem vt species, si ly *Vt* reduplicet supra talem rationem tamquam supra rationem, cui res substat dum actu prædicatur. Homo prædicatur de Petro vt species, siue vt homo vt sic: ly *Vt*, reduplicante supra conceptum tamquam supra rationem prædicatam: nego: ly *Vt*, reduplicante supra conceptum, tamquam rationem cui substat natura humana, dum actu prædicatur de Petro: concedo: & ex his patet ad reliqua.

Obijcies secundo, si ly *Homo* in propositione prædicta manet vniuersalis, sequitur propositionem esse falsam: consequens est absurdum; ergo & antecedens, sequela maioris probatur, quia si homo est vniuersalis prædicantur de Petro omnes homines; ergo propositio est falsa. Probatur consequentia, quia ad veritatem propositionis affirmatiuæ debet dari identitas inter rectum subiecti, & rectum prædicati: in propositione autem prædicta rectum subiecti, est Petrus, & rectum prædicati sunt omnes homines; imò nihil venit in prædicta propositione ex parte obiecti, nisi Petrus, & omnes homines in recto: non datur autem identitas inter Petrum, & omnes homines, vt est manifestum.

Resp. hoc eodem argumento probari hanc propositionem Petrus est, vel hic, vel ille homo esse falsam: nam neque in hac datur identitas inter subiectum, & prædicatum, cum pro prædicato veniant hic, & ille homo in recto. Dic igitur dari identitatem inter subiectum, & prædicatum in propositio-

ne prædicta, sed inadæquatam, ex quo patet ad argumentum in forma. Neganda est enim sequela maioris, ad probationem concessio antecedenti; nega consequentiam. Ad probationem huius utere distinctione prædicta: concede non dari identitatem adæquatam; nega non dari nec inadæquatam: quæ sufficit ad veritatem.

Atq; hic aduertendum est sæpissimè falli nonnullos, dum ad veritatem, vel falsitatem propositionis indagandam nihil aliud attendunt, quam id, quod venit ex parte obiecti; cum tamen maximopere aduertendum sit admodum, quo attinguntur obiecta. Tres istę propositiones. *Petrus est homo. Petrus est aliquis homo. Petrus est omnis homo*; non differunt ex obiecto, cum omnes habeant pro subiecto Petrum, & pro prædicato omnes homines: sunt tamen inter se valde diuersę; prima attingit omnes homines conceptu præcisuo, & non discernente, an sint plura vel vnum. Secunda attingit omnes homines exprimendo pluralitatem, & æquiuallenter disiungendo per singulos: *Aliquis* enim non dicitur, nisi ubi est pluralitas: tertia attingit omnes collectiuè, & omnes collectiuè affirmat de Petro. Prima, & secunda est vera, tertia est falsa. Præterea hæc ipsa propositio: *Petrus est homo*, non habet obiectum diuersum à sua contradictoria: *Petrus non est homo*; cum tamen impossibile sit vtramq; esse veram; ineptum est igitur sic arguere: hæc propositio habet idem obiectum, quod hæc alia; ergo est æque vera, ac hæc alia. Prima est vera, quia est affirmatiua prædicati conuenientis subiecto; Secunda est

est falsa, quia est negatiua eiusdem: affirmare autem, & negare non est in obiecto, sed in propositione.

Dices. Si ad veritatem propositionis sufficit identitas inadæquata inter prædicatum, & subiectum sequitur hanc propositionem: *Scipio est exercitus*, esse veram. Consequens est falsum, ergo & antecedens. Minor est manifesta. Sequela maioris probatur: quia inter Scipionem, & Exercitum datur identitas inadæquata. Scipio enim est pars exercitus: sed sufficit identitas inadæquata; ergo propositio erit vera.

Resp. negando sequelam maioris. Aliud est, quod in aliqua propositione sufficiat ad veritatem identitas inadæquata, aliud quod in omni, inter prædicatum, & subiectum. In hac propositione: *Petrus est homo*, sufficit talis identitas: non sufficit in hac alia: *Scipio est exercitus*. Disparitas inter vtramque est, quod hoc prædicatum: *Homo*, est virtualiter disiunctiuum, seu resolubile per particulam *Vel*, excurrendo per singulos. In hac autem alia: *Scipio est exercitus*, prædicatum est formaliter collectiuum, adeoque nequit verificari de vno, qui est solum pars talis collectionis. Hanc propositionem: *Petrus est homo*, benè resolues per *Est, vel hic, vel ille, vel ille homo*. Hanc autem: *Scipio est exercitus*, malè per: *Est vel hic, vel ille exercitus*.

Obijcies terriò. Ad hoc vt fiat hæc propositio: *Petrus est homo*, debet præcognosci identitas inter prædicatum *Homo*, & subiectum *Petrus*; ergo vel identitas adæquata, vel inadæquata: sed huc cognoscatur adæquata-

quata, siue inadæquata hoc prædicatum, *Homo*, recedit ab vniuersalitate; ergo in hac prædicatione: Petrus est homo, ly *Homo*, non retinet vniuersalitatem. Probatur minor subsumpta, quia si cognoscatur identitas adæquata, cognoscitur solum ille singularis homo, qui est Petrus; nam solum cum illo homine, qui Petrus est, Petrus identificatur adæquatè: si autem cognoscitur identitas inadæquata, eo ipso intelligitur, quod præter illum hominem, qui Petrus est dantur alij, & consequenter repræsentatur formaliter multiplicitas ex parte obiecti. Cognoscere enim, quod ly *Homo*, inadæquatè identificatur cum Petro, est cognoscere, quod per ly *Homo*, significantur plures homines; quorum aliquis est, & aliquis non est Petrus: hoc autem est cognoscere, quod homo repræsentat aliquem, & aliquem; quod est attingere formaliter pluralitatem.

Resp. primò hoc argumentum non militare contra actuale prædicationem, sed contra cognitionem, quam aduersarius dicit præire prædicationi, & mediare inter simplices apprehensiones subiecti, & prædicati, & eorundem compositionem intentionalem per affirmationem vnius de altero. An re ipsa huiusmodi cognitio præcedat iudicium; an non: est controuersia alterius loci. Est autem nobis valde probabile, vt alibi indicauimus, intellectum per apprehensionem extremorum sibi conuenientium sufficienter determinari ad affirmationem vnius de altero. Quidquid tamen sit.

Resp. secundò transmissio antea. distinguendo consequens: debet cognoscere identi-

tās adæquata, vel inadæquata realiter: concedo consequentiam, debet cognosci formaliter adæquata, vel inadæquata, nego consequentiam. Illa identitas, quæ cognoscitur, re ipsa est adæquata, vel inadæquata; non propterea est necesse, vt cognitio illam attingens, exprimat illam formaliter vt adæquatam, aut vt inadæquatam; aut sub disunctione adæquatæ, vel inadæquatæ. Animal, quod vides à longè, re ipsa est, vel rationale, vel irrationale: implicat enim animal, quod neutrum sit, vel vtrumq; Non tamen quælibet cognitio illud attingens representat ipsum vt rationale, aut vt irrationale, aut cum formali disunctione inter rationale, & irrationale: Datur enim conceptus formaliter ab vtraq. ratione præscindens. Sic etiam identitas est ratio indifferens ad inadæquatam, & adæquatam, sufficitq. illam concipi conceptu præscidente ab vtraque differentia, etiam si necesse sit illam concipi.

ARTICVLVS III.

Respondetur alijs obiectionibus.

Objicies 4. Si vniuersale, dum actualiter prædicatur de inferiori, manet vniuersale, sequitur Equum, Bouem, & Asinum prædicari de homine: consequens est absurdum; ergo & antecedens. Sequela maioris probatur, quia de homine prædicatur animal secundum totam vniuersalitatem, animal autem secundum totam suam vniuersalitatem continet Equum, Bouem, & Af-

Asinum, Minor autem videtur manifesta, cum nequeat dari identitas inter hominem, & huiusmodi animalia.

Resp. concessa maiori; negando minorem. Hæc propositio: *Petrus est vel homo, vel equus*, est vera; & tamen nequit dari identitas inter Petrum, & equum. Si quando prædicatur animal de homine prædicarentur solum Equus, Bos, Asinus: falsa esset propositio: sed quia simul prædicatur illud animal, quod est homo, & propositio est resolvable disiectivè per omnes species animalium; ideò est vera. Non magis identificatur Paulus cum Petro, quam equus cum homine: & tamen vidimus supra & Paulum, & quemlibet alium hominem prædicari de Petro.

Obijcies quintò. Si univèrsale retinet univèrsalitatē in actuali prædicatione sequitur idem cognosci clarè, & non cognosci clarè per eundem indivisibilem actum: consequens repugnat: ergo & antecedens. Sequela maioris probatur, quia in hac propositione: *Petrus est homo*; attingis clarè Petrum, & simul non attingis clarè: quia per ly *Homo* attingis obscurè omnia individua naturæ humanæ: si autem omnia, etiam Petrum; ergo per eandem cognitionem attingis clarè, & obscurè Petrum. Sed eo ipso, quod attingis obscurè non attingis clarè: ergo eundem Petrum attingis clarè, & non attingis clarè.

Explicatur hoc. Per hunc actum: *Petrus est homo*, discernis Petrum ab omni eo quod non est Petrus: sed per eundem actum non discernis Petrum ab omni eo, quod non est

Petrus ; ergo per eundem actum discernis, & non discernis Petrum ab omni eo quod non est Petrus. Minor probatur : quia per prædictum actum facis vniuersale , sed implicat fieri vniuersale per actum discernentem vnū indiuiduum ab omni alio ; ergo per prædictum actum non discernis Petrum ab omni eo quod non est Petrus. Rursus quod implicet eandem cognitionem eiusdem obiecti esse simul claram & obscuram facile probatur : quia implicat in terminis , non habere vllam claritatem & habere aliquam claritatem : sed esse obscurum est non habere vllam claritatem esse clarum est habere saltem aliquam claritatem : ergo implicat eundem actum esse simul clarum & obscurum. Explicatur hoc esse obscurum cubiculum non est quod cubiculum non recipiat lucem ab hac vel illa fenestra, sed est quod ex nulla parte recipiat lucem : vndecunque enim veniat lux tollit obscurum ; & vicissim obscurum negat omnem lucem.

Resp. ordine retrogrado incipiendo ab hoc ultimo. Explicatio illa luminis cubicularis tam facit ad rem quā si explicares hic quidditatem lactucæ vel Pimpinellæ. Verum est quod ex quacunque parte lux ingrediatur cubiculum , tollit obscuritatem falsum est quod tollat omnem obscuritatem. Quod autem in cognitione claritas, & obscuritas simul reperiantur ostenditur demonstratiue. Nam cum cognitione non repugnat obscuritas ; ergo cum charitate stat obscuritas. Antecedens est manifestum , nam datur cognitio obscura , adeoque ratio obscuri non pugnat cum ratione cognitionis. Probatur
iam

iam consequentia: quia repugnat in terminis cognitio quæ non sit repræsentatio alicuius obiecti: repræsentatio autem sine aliquo lumine, adeoque sine aliqua claritate est imperceptibilis. Hinc est quod aduersarius media nocte nihil videt; accedente aurora videre incipit, & crescente die, melius & melius, hoc est clarius & clarius videt; cæterum ubi incipit videre ibi aliquid est luminis, adeoque claritatis.

Hoc idem aduersarius dicit, si sapit, ubi de gradibus metaphysicis. Animal videtur clare, in famosa illa hypothese Petri visi à longe; & rationale videtur obscure: animal & rationale sunt idem; ergo idem videtur clare & obscure: concede totum, nam cognoscere clare est quod cognitio prædita sit aliqua claritate: cognoscere simul obscure est quod careat ulteriori claritate: unde eadem claritate qua cognoscitur animal cognoscitur rationale: & eadem obscuritate qua cognoscitur rationale cognoscitur animal. animal cognoscitur tanta claritate ut discernatur ab omni non animali: hac eadem claritate cognoscitur rationale. Rationale cognoscitur tanta obscuritate ut non discernatur ab omni non rationali, hac eadem obscuritate cognoscitur animal: neutrum autem cognoscitur clare & non clare: obscure & non obscure: hinc habes quod respondeas ad hoc: Idem cognoscitur clare & obscure; ergo clare & non clare: concede antecedens; & nega consequentiam: non clare; negat omnem claritatem, adeoque non stat cum clare. Non obscure: negat omnem obscuritatem; adeoque non stat cum obscure.

Ad id quod secundo loco dicebatur, videlicet

licet discerno Petrū ab omni nō Petro & simul non discerno. Resp. cum distinctione: discerno subiectiue, & non discerno subiectiue: nega; discerno subiectiue & non discerno prædicatiue: concedo; quid autem repugnantia est quod illud idem quod disceris vno genere discretionis, non discernas alio. Etiam aduersarius determinat subiectiue Petrum in propositione prædicta, & simul indeterminat vel disiungit prædicatiue. Ecce disiungit & non disiungit. Discernere subiectiue est quod subiectum propositionis sit hoc & non aliud indiuiduum: non discernere prædicatiue est quod ex vi talis prædicationis, seu talis prædicati hoc ipsum non appareat quod videlicet subiectum sit hoc & non aliud.

Ad primam obiectionem in forma. Nega maiorem. Ad probationem patet ex dictis. Quod diximus de discretionem subiectiua & prædicatiua, dic de claritate. Hoc ipsum est quod alijs terminis dici posset: cognosco clare siue discerno, ex parte subiecti, non cognosco clare siue non discerno ex parte prædicati.

Dices. Si iudicium est indiuisibilis actus non constat ex vno & altero extremo; ergo implicat quod per vnum extremum discernat & per alterum non discernat. Consequētia est euidentis.

Resp. nos non dixisse hunc actum: *Petrus est homo* constare duobus extremis per quorum alterum discernat, & per alterum non discernat. Diximus hunc indiuisibilem actū discernere subiectiue, nō autem prædicatiue. Idem autem indiuisibilis actus eo ipso quod

est iudicium est subiectiuus & prædicatiuus attingens vel idem diuersi modo, vel etiam diuersa. Hic actus : *Petrus est homo*, attingit diuersa; repræsentat enim non solum Petrum sed etiam omnia alia indiuidua naturæ humanæ : adeoque quamuis hic actus non constet extremis formalibus, hoc est constiuentibus ipsummet actum : habet tamen extrema obiectiua : Petrum videlicet qui est subiectum propositionis & Petrum simul cum omnibus alijs indiuiduis naturæ humanæ quæ sunt prædicatum. Hic alius : *Homo est animal rationale* attingit idem tam ex parte subiecti quā ex parte prædicati; sed diuersi modo. Debent hoc fateri etiam aduersarij apud quos hæc propositio : *homo est animal rationale*, non est identica, sicut esset hæc : *Homo est homo* : ideo autem non est identica quia quamuis repræsentet idem ex parte prædicati quod ex parte subiecti, repræsentat tamen diuerso modo. Potest igitur idem actus repræsentare idem obiectum vno, & alio modo.

Propterea hic actus : *homo est animal rationale* recte dicitur æquivalere duobus actibus quorum vnus sit hic : *homo*; alius autē sit : *animal rationale*. Ratione autem talis æquivalentiæ idem per eundem actū diuersi modo apparet vni eidemque intellectui iuxta doctrinam Philosophi quod videlicet quotiescunque idem sibi ipsi idem esse dicimus eodem ceu pluribus vtimur: hoc est per illum eundem actum perquem idem de se ipso affirmamus, idem induit apparentiam duorum. Quod idem est ac si diceret huiusmodi actus ita repræsentat illud obiectum,

ac si esset non vna, sed duplex forma extrinseca ipsius : si autem esset duplex forma extrinseca non est dubium quin per vnā alio modo repræsētaretur quam per aliam: igitur potest vna eademque forma idem obiectum diuersimode repræsētare. Quod dixi de hac propositione : *homo est animal rationale* dic proportionaliter de hac alia : *Petrus est homo*.

Hinc intelliges quem sensum faciat propositio qua sic loquimur : hic actus : *Petrus est homo* vniuersalizat, quatenus est attingētia prædicati, non autem quatenus est attingētia subiecti. Item hic actus : est clara attingētia Petri, quatenus est tendentia in subiectum ; non est clara attingētia Petri quatenus est tendentia in prædicatum : Per huiusmodi *quatenus* explicatur prædicta æquiualentia & redditur ratio propter quam possit idem diuersimode attingere. Vbi aduerte esse valde diuersas duas hæc propositiones : *hic actus non est clara attingētia Petri*, & : *hic actus non est clara attingētia Petri, quatenus est tendentia in prædicatum*. Vt prima sit vera non debet esse vllō modo clara attingētia Petri : vt sit vera secunda; sufficit non esse claram attingētiā Petri, secundum rationem, secundum quam æquiualeat actui non clare attingenti Petrum.

Instabis. Actus intellectus vt vniuersalizet non debet vllō modo esse clara expressio vllius indiuidui. sed hic actus : *Petrus est homo*, est aliquo modo clara expressio vnius indiuidui, videlicet Petri; ergo hic actus nequit vniuersalizare.

Resp.

¶ Actus

est b. d. p. c. l.

Resp. negando maiorem; quæ vera est solum de actu ita simplici ut non æquiualeat modo supra explicato pluribus. Dixi: *modo supra explicato* quia non quolibet æquiualentia sufficit ad intentum.

Obijcies vltimo. Terminus magis vniuersalis positus cum minus vniuersali restringitur: sed animal in hac propositione: *Homo est animal*, est terminus magis vniuersalis positus cum minus vniuersali; ergo in hac propositione restringitur. Maior pater ex dictis in summulis ubi de restrictione. Minor est euident; *animal* enim est terminus magis vniuersalis, quam *homo*.

Resp. certum esse etiam apud aduersarios hanc propositionem: *homo est animal*, non esse de prædicato restricto: cū euident sit esse de prædicato simplici & non cōplexo. Hinc habes ad argumentum distinguendo maiore: terminus minus vniuersalis restringit vniuersaliorē si coalescat cum eo in vnitatem termini, seu in terminum cōplexum: concedo maiorem; si vnus ponitur pro subiecto, alter pro prædicato nego maiore, & eodem modo distincta minori; nega consequentiam. Quando dicunt summuliste terminum minus vniuersalem restringere magis vniuersalem; dicunt rationem cōplexam, hoc est significatam per terminum cōplexum, constantem ex magis & minus vniuersali, non posse dici de ijs omnibus de quibus dicitur ratio vniuersalior per se accepta. Puta: *homo sapiens* nequit dici de ijs omnibus de quibus dicitur *homo* hoc modo non restringi animal in propositione supradicta manifestum est, ex eo quod esset mala illatio; homo est ani-
mai

mal ; ergo est risibilis ; quod tamen liceret inferre si pro animali poneretur animal rationale. Recte enim argueretur : *homo est animal rationale ; ergo est risibilis*, inferendo ex essentia primam passionem essentiae.

ARTICVLVS VLTIMVS,

Expediuntur reliqua.

EX ijs quæ diximus superiori articulo aliqua hic colligere oportet Primum, est in hac propositione : *Petrus est homo* : idem dic de hac alia : *Homo est animal* venire aliud ex parte subiecti, aliud ex parte prædicati. Ex parte subiecti in prima propositione venit solus Petrus, ex parte prædicati veniunt omnes homines. In secunda ex parte subiecti omnes homines; ex parte prædicati omnia animalia. In prima propositione vniuersalizatur omnes homines, non autem Petrus, qui neque per hanc neque per vllam aliam cognitionem potest vniuersalizari; singulare enim est incapax vniuersalizationis, cum hæc dicat ex parte obiecti multiplicitem. In secunda vniuersalizatur & natura humana, quæ est ratio specifica; & ratio animalis, quæ est generica, vnde in prima propositione vere species dicitur de indiuiduo; in secunda genus de specie. Ex eo autem quod prædicta cognitio vniuersalizet omnia inferiora naturæ humanæ, non autem vniuersalizet Petrum, vide ne inferas : ergo idem actus vniuersalizat & non vniuersalizat : quæ consequentia non magis valet quàm hæc : homo habet articulas in capite & non habet

habet articulas in pedibus; ergo habet & non habet auriculas.

Secundum est quod hæc propositio: & *Petrus & Paulus est homo* idem sibi vindicat quo ad vniuersalitatem sui prædicati quod ista *Petrus est homo*: de pluralitate apparentium ex parte subiecti, idē dic, quod dixisti de singularitate siue vnitatem apparentis ex parte subiecti, in alia: vniuersalizatio enim vtroque se tenet ex parte prædicati: Vbi aduerte quod quemadmodum ex hac: *Petrus est homo*, male inferres vnitatem Petri; cum ex prædicato non appareat an sit vnum, vel multiplex subiectum: ita ex hac alia, *Et Petrus, & Paulus est homo*, malè inferres esse duos homines; cum hoc non appareat ex vi prædicati indifferentis, vt dicatur de vno, vel de pluribus. Ex hoc ipso patet discrimen inter hanc propositionem: *Petrus est homo*; & hanc aliam: *Petrus est aliquis homo*. Per hanc: *Petrus est homo*, non apparet pluralitas ex parte prædicati, apparet per hanc aliam: *Petrus est aliquis homo*: cum hoc syncategorema *Aliquis*, denotet pluralitatem significatorum per terminum quem afficit: vnde aiunt Summulistæ: nō poni, nisi cum terminis communibus.

Tertium est, quod ad tuendam vniuersalitatem in actuali prædicatione malè recurrūt nōnulli ad hoc, quod iudiciū reflectat formaliter supra præuias apprehensiones: puta hoc iudiciū: *Petrus est homo*, supra duas apprehensiones *Petrus*, & *homo*. Nam iudiciū indiuisibiliter reflectit supra vtrumq; & consequenter clarè exprimit singularitatem subiecti: si autem clara expressio talis

singularitatis officit vniuersalitati, parum refert an sit in cognitione formaliter reflectente, an non formaliter reflectente supra præuias rationes. Quod si esset reflexio supra apprehensionem prædicati dumtaxat, esset tolerabilius audire quod vniuersalizat quatenus est reflexio.

Qui sic Philosophantur nihil aliud dicere possunt quam actum iudicatum esse reflexiuum supra duos actus, alterum vniuersalizantem, alterum non vniuersalizantem: esse autem reflexiuum huiusmodi, non est vniuersalizare, sed præsupponere cognitionem vniuersalizantem sibi coexistentem, quod non negant aduersarij. Fatentur enim quod cum actu iudicij fiat in intellectu bina apprehensio quarum vna facit, altera non facit vniuersale.

Insuper per hoc præcise quod vna cognitio attingat aliam cognitionem obscure repræsentantem Petrum, non constituitur formaliter obscure attingens Petrum. Patet hoc: quia diuina cognitio cognoscit cognitionem per quam ego dico: *homo* & confuse mihi repræsentat omnia indiuidua naturæ humanæ: nec tamen diuina cognitio attingit confuse eadem indiuidua: quia videlicet est expressio non solum cognitionis confuse, sed etiam eorum omnium quæ per cognitionem confusam attinguntur; expressio, inquâ, claritatis infinitæ: vnde quamuis intellectus diuinus cognoscat cognitionem vniuersalizantem, non tamen vniuersalizat.

Hinc ex hoc præcise quod vna mea cognitio attingat aliam item meam cognitionem obscure repræsentantem Petrum, non sequi-

tur quod & ipsa obscure repræsentet Petrū: Nam si simul habeat esse expressionem claram eiusdem Petri, ex prædicto capite non euadet obscura. Diximus alibi cognitionem reflexam supra cognitionem vniuersalizantem vniuersalizare & ipsam; & recte diximus, dummodo hæc eadem non sit clara & distincta expressio repræsentatorum, si esse claram expressionem huiusmodi pugnat cum vniuersalizatione. Hæc dicta sunt vt pateret quam inaniter ad vniuersale in actuali prædicatione recurratur ad reflexionē actus indicatiui supra apprehensiones.

Dices esse disparitatem inter intellectum diuinum & humanum, vtrunque videntem cognitionem obscure expressiuam Petri: nam intellectus diuinus videt Petrum non in cognitione obscura quam videt, sed in se ipso; adeoque ex hoc quod videat actum obscure expressiuum Petri, dici nequit quod ipse sibi Petrum obscure repræsentet. Intellectus autem humanus ita videt cognitionem obscure expressiuam Petri, vt in tali cognitione videat Petrum; adeoque potest dici obscure sibi repræsentans Petrum per hoc formaliter quod reflectat supra cognitionem prædictam.

Resp. hanc disparitatem non facere ad ré. Nam ideo intellectus diuinus non cognoscit obscure per cognitionē terminatam ad cognitionem obscuram, quia ipsius cognitio est indiuisibiliter clara expressio obiecti: ergo etiam si cognitio humana terminetur ad cognitionem obscuram, non habebit ex hoc præcise cognoscere obscure, si simul sit clara expressio obiecti vndecunque tandem habeat
huius-

huiusmodi claritatem: sed vt vidimus actus reflexiuus attingit indiuisibiliter & appræhensionem claram, & appræhensionem obscuram eiusdem obiecti; ergo per reflexionem, seu per rationem reflexiui nequit saluari vniuersalitas, si hæc aliunde repugnet; videlicet ex capite claritatis qua idem obiectum repræsentatur.

Denique tenendum est quod supra diximus eundem vnum & indiuisibilem actum æquiualeere in genere formæ extrinsecæ pluribus actibus quorum alius vno, alius alio modo idem repræsentet iuxta illud: *eudem ceu pluribus utimur*, quod non debet intelligi solum de præuijs appræhensionibus; sed de ipsomet iudicio: & per hanc æquiualemiam difficultates præcipuæ dissoluuntur vt patet.





DISPUTATIO IV.

In Aristotelis predicamenta.

QVAESTIO I.

De Vniuocis AEquiuocis & Analogis.

ARTICVLVS I.

De Vniuocis.

PRAEDICAMENTA quorum hic explicationem aggredimur nihil aliud sunt, quàm classes quædam, seu quædam capita rerum, ad quæ omnia reducuntur, seu sub quibus omnia continentur. Hæc autem prædicamenta quæ Grecis Categoriæ dicuntur, sunt omnino decem, enumerata à Philosopho in lib. Prædic. capit. 5. videlicet. *Substantia. Quantitas. Qualitas. Relatio. Vbi. Quando. Situs. Habere. Actio. Passio.* Quidquid enim est vel est substantia vel accidens; si substantia pertinet ad primum caput, videlicet ad substantiam; si accidens; ad vnum ex nouem alijs prædicamentis.

Prius quam autem prædicamentâ tradamus

mus oportet rationem entis quæ omnia prædicamenta transcendit, inuestigare; quærendo an hæc sit vniuoca, an æquiuoca, an analogica respectu inferiorum: & consequenter de Vniuocis, AEquiuocis & Analogis dicendum est,

Vniuoca, vt habetur ex Philosopho pluribus in locis, sunt quorum nomen commune, & ratio per nomen importata, eadem: puta homo dicitur vniuoce de Petro & Paulo. Animal de homine & bruto: quia hæc habent vnitatem non solum nominis, sed etiam rationis importatæ per nomen.

Porro per vnitatem seu identitatem, quæ ponitur in definitione vniuocorum, non aliā vnitatem intelligas, quam præcisionis de qua & dictū est, & dicetur in sequentibus. Hanc autem vnitatem oportet esse in ratione significata per nomen quod dicitur vniuocum: etiamsi enim in alijs rationibus plura dissimilentur, non obstat hoc prædictæ vniuocationi; ita Petrus & Paulus, alter albus, & alter niger, vniuoce conueniunt in homine. Item etiamsi aliqua habeant similitudinem in alijs; dissimilentur autem in ratione importata per nomen: hoc nomen non erit vniuocum: erunt autem vniuoca nomina importantia alias rationes, in quibus hæc inter se conueniunt. Ita hoc nomen *animal* & hoc aliud: *corpus* sunt vniuoca respectu canis terrestris & canis marini: non autem respectu eoruudum, hoc nomen: *canis*.

Vniuoca autem alia dicuntur vniuocata, alia vniuocantia, vniuoca vniuocata sunt res ipsæ inter se similes in ratione significata per nomen: puta Petrus, Paulus,

& alia indiuidua significata per hoc nomen: *homo*. Vniuoca vniuocantia sunt nomina ipsa, quæ omnia vocant, seu significant per modum vnius: puta *homo*, respectu suorum significatorum. Item vniuoca dicuntur alia participata, alia participantia: vniuoca participata sunt ipsæ met rationes communes participatę inferioribus, vt ratio hominis participata à Petro à Paulo & alijs indiuiduis: Participantia sunt ipsa met inferiora quę participant huiusmodi rationes: puta Petrus & Paulus & alia huiusmodi quę participant rationem hominis.

Denique alia sunt essentialia, alia accidentalialia; prout ratio importata per nomen est essentialis vel accidentalis inferioribus. Ita nix & columba: Petrus & paries vniuoce conueniunt, sed accidentaliter in ratione albi; quia his omnibus accidentaliter conuenit esse alba. Homo & equus vniuoce & essentialiter conueniunt in animali: quia & homini & equo essentialiale est esse animal.

Dices: ad vniuocatationem requiritur vt res significatę sint eiusdem substantiæ; sed nix & columba; paries & homo significata per hoc nomen: *album* non sunt eiusdem substantiæ; ergo nec vniuoca. Minor est euidentius: maior probatur ex definitione Philosophi. Vniuoca ea dicuntur quorum & nomen commune & ratio substantiæ nomini accomodata eadem est.

Resp. negando maiorem. Ad probationē dic à Philos. non requiri identitatem substantiæ simpliciter, sed identitatem substantiæ nomini accomodata: hoc est similitudinem & conuenientiam in quidditate seu ratione

tionem significata per nomen. In ratione autem albi, siue in eo quod est esse album, quæ est ratio substans huic nomini *album* nix & colūba, & quælibet alia &c. similia sunt. Est enim eadem ratio albedinis, in his omnibus.

ARTICVLVS II.

De Aequiuocis.

Aristoteles librum Categoriarum sic exorditur. *Aequiuoca dicuntur ea quorum nomen solum commune est, ratio vero substantie nomini accomodata, diuersa: ut animal dicitur & ipse homo & id quod est pictum: horum enim nomen commune tantummodo est; ratio vero substantie nomini accomodata diuersa.* Reddit autem rationem Philosophus cur hoc nomen *animal* respectu hominis & animalis picti dicatur æquiuocū: quia si quisquam, inquit, *quænam sit utriusque ratio animalis, veri scilicet & picti, uoluerit assignare; rationem utrisque profecto propriam assignabit.* puta si uoluerit assignare quid sit animal, dicit esse uiuens sentiens; si autem quid sit pictura animalis, seu animal pictum, dicit esse talem colorum inter se hoc & illo modo dispositorum complexionem.

Oppositum accidit in uniuocis. Horū enim si quisquam rationem uoluerit assignare, puta quæ in homine, & in equo sit ratio animalis; eandem omnino rationem reddit dicens tam hominem, quam equum esse uiuens sentiens: adeoque & animal quod est in homine, & animal quod est in equo, per

vnam eandemque rationem definit.

Dices. Aequiuoca nequeunt vnica definitione definiri: ergo definitio allata non subsistit. Antecedens probatur quia quæ habent diuersam essentiam nequeunt vna definitione definiri: sed æquiuoca habent diuersam essentiam; ergo, &c.

Resp. disting. ant. Aequiuoca primo intentionaliter accepta nequeunt vnica definitione definiri: conc. ant. secundo intentionaliter accepta: nego ant. & consequentiam: res illæ de quibus idem nomen æquiuoce dicitur, non definiuntur vna definitione, cum habeant dissimilem quidditatem. Ita non eadem definitione defines hominem & statuâ hominis. Aequiuoca autem sub ratione æquiuocorum conueniunt & definibilia sunt, quatenus talia, vnica definitione, quia in ratione æquiuoci, æquiuoca vniuoce conueniunt. Puta hoc nomen *canis* respectu canis marini & canis terrestris est æquinocum. Et hoc aliud nomen *homo* respectu hominis, & statuæ est æquinocum: hæc autem duo nomina inter se vniuoce conueniunt in ratione æquiuoci, cum propter eandem rationem vtrunque dicatur æquinocum: quia videlicet vtrunque significat res inter se dissimiles. Ad probationem dic æquiuoca non habere diuersam essentiam in ratione æquiuoci: vt patet ex dictis.

Inter æquiuoca alia dicuntur à casu, alia à consilio. Aequiuoca à casu sunt, quæ cum habeant idem nomen, non sortiuntur illud propter aliquam habitudinem seu connexionem, quam habeant inter se. Exemplum habes in hac voce *plaga* quæ & regionem, & rete,

rete, & vulnus significat. Hæc tamen omnia idem nomen fortiuntur independenter ab omni speciali habitudine quam habeant inter se.

Aequiuoca à consilio dicuntur ea, quorum diuersa quidem est ratio; nomen tamen commune propter aliquam specialem habitudinem aut connexionem quam habeant ad inuicem v. g. hoc nomen *animal* non temere & casu animali vero, & picto animali commune est; sed propter habitudinem quæ est inter prototipum & imaginem. Sunt infinita æquiuoca à consilio quæ Rhetoribus magnam dicendi Segetem præbent.

Animaduertendum est autem quod ex veteribus multi & inter eos Aristoteles, frequenter huiusmodi æquiuoca à consilio confundunt cum analogis. Vnde est quod apud Philosophum de eodem etiam respectu eorundem, puta de ente respectu suorum inferiorum dicitur aliquando quod sit æquiuocum, aliquando quod sit analogum.

Ex ipsamet definitione æquiuocorum constat significata per nomen æquiuocum non conuenire in vnum conceptum: adeoque æquiuocationem consistere in hoc quod eidem nomini competant significationes diuersæ. Hinc oritur dubiolum quoddam videlicet quomodo deantur æquiuoca sortiri idem nomen. Puta quomodo canis cælestis, terrestris & marini sit idem nomen. Nam, aiunt, nomen in ratione nominis constituitur per significationem, & quidem ad placitum, vt constat ex ijs quæ diximus in summulis: sed huius nominis *canis* prout est ad cælestem, terrestrem & marinum; est multiplex signi-

ficatio : ergo hoc nomen canis respectu terrestris, cælestis & marini non est vnum .

Ad hoc dubiolum , dic æquiuocationem consistere in hoc quod huic voci *canis* impositæ sint diuersæ significationes, adeoque hanc vocem *canis* pure materialiter dici vnum nomen : hoc est vnā vocem ; cui ex hominum placito competunt plures & diuersæ significationes .

ARTICVLVS III.

De Analogis.

INter vniuoca & æquiuoca mediant analogia : de vtrisque enim aliquid participant. Hinc à multis sic definiuntur : *Analogi sunt quorum nomen commune & ratio substantiæ nomini accomdata partim eadem, & partim diuersa.* Melius tamen sic definiunt : *Analogi sunt quorum nomen commune est & ratio substantiæ nomini accomdata diuersa, cum habitudine & conuententia inter illa.* Exemplum habes in hac voce : *sanum* quæ analogice dicitur de animali, medicina, pulsu, &c. Ratio sani quæ significatur in animali est recta humorum temperies. Ratio sani quæ significatur in medicina , quando dicitur medicina sana , est vis effectiua vel conseruatiua talis temperiei . Ratio sani quæ significatur in pulsu quando dicitur pulsus sanus, est vis indicatiua eiusdem temperiei in animali . Ex pulsu enim tangunt medici tanquam ex signo sanitatem animalis .

Has rationes in significatis per *sanum* : videlicet,

delicet, in animali medicina & pulsu vides esse diuerfas. Aliud enim est esse bene temperatum in suis qualitatibus, aliud esse effectuum, aliud esse signum talis temperamenti. Hæc tamen omnia habent quandam habitudinem inter sese. Est enim eadem omnino sanitas quæ possidetur ab animali; ac ea quæ causatur à medicina, & indicatur à pulsu, à deoque licet aliud sit possidere sanitatem, hoc est esse recte temperatum in suis humoribus, aliud hoc ipsum causare, aut indicare; tamen & medicina dicitur sana, per habitudinem ad sanitatem animalis, per modum causæ; & pulsus dicitur sanus, per habitudinem ad eandem. per modum signi.

Diuiduntur autem Analoga in analogia attributionis, & analogia proportionis; seu proportionalitatis. Analogum attributionis est quod dicitur de pluribus per ordinem vel vnius ad aliud, vel plurium ad vnum. Dixi: per ordinem vel vnius ad aliud, vel pluriū ad vnum; quia, vt ait D. Thomas prima parte quæst. 13. art. 5. corp. dupliciter contingit vnum nomen analogice dici de pluribus: videlicet, vel quia multa habeant proportionem ad vnum: ita sanum dicitur de medicina, & de pulsu, in quantum vtrunque habet ordinem & proportionem ad sanitatē animalis, cuius hoc quidem signum est, illud vero causa; vel ex eo quod vnum habeat proportionem ad alterum, sicut sanum dicitur de medicina & animali, in quantum medicina est causa sanitatis, quæ est in animali. Vbi aduertendum est aliam proportionem habere inter se medicinam & pulsum, aliam medicinam & animal in hoc nomine: *sanum*.

Nam de medicina & pulsu dicitur analogice sanum; quia vtrunque ad aliquod tertiũ, nempe ad animal ordinatur: de animali autem & medicina dicitur item analogice; quia vnum ad alterum; medicina scilicet ad animal ordinatur.

Inter hæc Analoga vnum dicitur primum, seu principale analogatum: illud scilicet, ad quod cetera ordinantur: vt in exemplo allato, animal est primum & principale analogatum huius nominis *sanum* reliqua vero quæ dicuntur per ordinem ad animal: puta medicina, pulsus & alia, vocantur minus principalia analogata. Hinc docet D. Thomas quæst. citata art. 6. principale analogatum poni debere in definitione aliorũ, quæ dicuntur per attributionem ad ipsum: puta si definire volueris sanitatem medicine dices esse vim effectiuam sanitatis seu debitæ temperiei in animali; & sic de ceteris. Dicitur etiam communiter quod nomen analogum absolute prolatum stat pro principali analogato; hoc est semper inducit in cognitionem principalioris analogati. Verum stare pro principali analogato, est aliquid plus quam inducere in cognitionem ipsius; nam etiam quando dicitur de minus principali inducit in cognitionem principalioris. Puta quando sanum dicitur de medicina, inducit in cognitionem animalis per ordinem ad quod medicina dicitur sana. Stare igitur pro principali analogato est non solum ipsum repræsentare, sed etiam pro ipso supponere.

Analoga proportionis, seu proportionatus sunt, quæ dicuntur de pluribus diuersis

sis quidem inter se, sed propter specialem aliquam similitudinem, seu comparabilitatem inter eadem. Hoc modo ridere dicitur, & de homine, & de prato: dicitur enim: *Homo ridet, & : Prata rident*; quia sicut se habet risus ad hominem, ita proportionaliter floriditas, quæ est risus prati ad pratum: sicut enim facies hominis per risum fit iucundior, & amœnior spectantibus; ita etiam facies prati per floriditatem; vnde hæc per metaphoram eleganter dicitur risus prati.

Huiusmodi analogia exercetur per illas meraphoras, quibus etiam sacræ pagine abundant in exornanda persona Christi Domini. Dicitur enim Lapis angularis: quia quemadmodum lapis, qui ponitur in angulo parietis, utrumq. parietem vnit, ita Christus Dominus vnit naturam humanam, & diuinam: & fortasse magis ad litteram, populum Iudaicum, & Gentilem, in vnitatem fidei, & religionis: vnde dicitur facere vtraque vnum. Item dicitur Agnus, Leo, &c. quia quemadmodum Agnus coram tondente se; ita Christus Dominus coram cruciantibus se obmutuit: & ita se habuit mansuetudo Christi ad crudelitatem Iudæorum, sicut se habet lenitas agni ad sæuitiam lanionum. Et quemadmodum Leo fortitudine sua hostes suos vincit, & conterit: ita etiam Christus hostes suos, infernum, videlicet, & diabolum vicit, atq. contriuit, iuxta illud: *Vicit Leo de Tribu Iuda.*

Præter analogia attributionis, & proportionis Caietanus de analogia nominum, cap. 1. 2. & 3. inducit tertiam speciem analogorum, quæ vocantur ab ipso analogia inæqualita-

litatis. Consistit autem hæc analogia in eo, quod in pluribus communi nomine significatis, ratio communis siue generica contrahatur per differentias inæquales, v. g. ratio animalis, quæ est generica respectu hominis, & bruti, contrahitur in homine per rationale, in bruto per irrationale: illæ autem differentię sunt inter se inæquales. Manifestum est enim rationale esse quid irrationali perfectiùs.

Hæc analogia à plerisq. & cum plerisq. à nobis rejicitur: quia quamuis differentię contrahentes rationem genericam sint inter se dissimiles, & inæquales; ratio tamen ipsa generica, quæ per illas contrahitur est perfectè vna, nec huiusmodi dissimilitudinem, aut inæqualitatem in suis inferioribus representat. Ad rationem autem vniuoci hoc ipsum est, quod requiritur, & sufficit, vt scilicet & nomen sit vnum, & ratio nomini accommodata sit vna: vnde Philosophus vniuoca postquam definiuit, illorum exemplum veluti omnium clarissimum ponit in animali, quod & de homine dicitur, & de bruto; habetq. in vtroq. rationem perfectè vnā: inæqualitas igitur in differentiis contrahentibus nullo modo officit perfectæ unitati rationis contractæ.



QVÆSTIO II.

*De uniuocatione Entis respectu
substantiæ, & accidentis.*

ARTICVLVS I.

Premittuntur aliqua.

AD resoluendam quæstionem hic agitari solitam de uniuocatione, vel analogia entis respectu substantiæ, & accidentis: præmittenda sunt aliqua, quæ ad perfectam huius controuersiæ intelligentiam requiruntur. Sciendum est primò hanc vocem *Ens* posse multipliciter accipi. Primò participialiter, Secundò nominaliter. Quando sumitur participialiter, idem sonat, ac actu existens, significatq. solum ea, quæ simpliciter, & absolute sunt: hoc est existunt. Est enim participium verbi *Sum*, *es*, *est*, quod dictum absolute, hoc est formans propositionem de secundo adiacente ponit actu rem, seu obiectum de quo dicitur. Propterea hæc propositio: *Antichristus est*, est falsa: cum hac alia: *Antichristus est homo*, sit vera, quia prima non absoluitur, vt aiunt, à tempore; dum affirmat Antichristum esse: secunda absoluitur dum affirmat, non quidem esse, sed esse hominem.

Quando autem ens sumitur non participialiter, sed nominaliter non solum significat

cāt id, quod actu est; sed insuper id omne quod esse potest; vnde dicitur continere sub se actum, & potentiam, hoc est simpliciter omnia tam quæ actu, quàm quæ potentia sunt. Duplicem hanc entis acceptionem omnes, vel fere omnes admittunt: certe ij etiam qui recusant admittere, vt ait Suarius, tamen admittunt, sed sub alijs terminis.

Præter hanc duplicem acceptionem communem apud omnes; censemus etiam tertio modo posse accipi hanc vocem *Ens*. Et primò quidem supponendum est in secunda acceptione, per quam videlicet ad ea omnia pertinet quæ sunt, quæq; esse possunt, extendi tam ad substantiam, quàm ad accidens, siue vtrumq. significet vniuoce, siue analogice; de quo infra: nam tam accidens, quàm substantia vel est, vel esse potest in rerum natura; igitur prout significat omne id, & quod est, & quod esse potest, extenditur, & ad substantiam, & ad accidens. *Ens* restrictum ad id, quod est, & esse potest, seu significans solum id quod est, & id quod esse potest simpliciter, accipitur pro ente reali: Id enim quod nec est, nec esse potest, non est ens reale; cum reale dicatur solum de eo, quod non includit repugnantiam ad esse. Omne enim quod huiusmodi repugnantiam includit, ex ipso sui conceptu formali, seu ex ipsa sui quidditate se ipsum destruit, hoc est excludit ab esse simpliciter, & consequenter contineri nequit inter significata nominis pertinentis duntaxat ad ea, quæ vel sunt, vel esse possunt.

Secundum tertiam illam acceptionem, quam ponimus, putamus ens adeò ample significari.

gnificare posse, vt non solum ad ea, quæ sunt aut esse possunt; sed etiam ad ea, quibus repugnat esse extendatur. Hoc modo habebit eandem in significando amplitudinem, quam habet hæc alia vox: *Obiectum*: da enim verum esse, quod multi pro vero admittunt, intellectum representare sibi non solum possibilia, sed etiam impossibilia; tam hæc, quam illa habebunt rationem obiecti respectu potentie intellectiue: & consequenter ratio obiecti erit communis possibili, & impossibili. Igitur si rationem entis adeo extendas, vt æque latè pateat, ac ratio obiecti, ratio entis communis euadet possibili, & impossibili. Quod autem sic accipi possit ostenditur: quia hic terminus *Ens* potest æque late patere, atque hic: *Aliquid*; hic autem tam latè patet, vt sumatur non solum pro possibili, sed etiam pro impossibili; igitur ens tam latè potest patere vt accipiat non solum pro possibili, sed etiam pro impossibili; minor probatur quia etiam qui cogitat de impossibili, non dicitur nihil cogitare, sed dicitur cogitare de aliquo: implicat enim cogitare, & non cogitare de aliquo; cum repugnet in terminis cogitatio, quæ nullius, hoc est de nullo sit cogitatio, hoc est cogitatio nihil representans. Huic acceptioni entis fauent quicumque dicunt notissimum esse quid sit ens; quia nomino ensis venit id in quod primo resoluitur omnis conceptus: hoc est ens est prima ratio, quæ cuiusq. cogitanti obijcitur: vbi nota nos frequentissime cogitare de aliquo, & de illo aliquo, de quo cogitamus, agitare animo, an sit possibile, an impossibile: vbi apparet

paret prius nos certos esse, nos de aliquo cogitare, quam, illud aliquid, habere, vel nō habere repugnantiam ad esse.

Sciendum est secundo sermonem esse hic non de ente secundum primam, neque secundum tertiam acceptionem: dum enim quærimus, vtrum ens sit vniuocum, an analogum respectu substantiæ, & accidentis; loquimur de ente accepto pro ente reali, hoc est prout significat id, cui non repugnat existere realiter: secundum quam acceptionem dicitur transcendere omnia prædicamenta, & dividi proxime in substantiam, et accidens. Retinendum autem est hic id quod alibi insinuatum est: videlicet quid sit præscindere vnam rationem ab alia: nam ad hoc vt ens dicatur vniuocum respectu substantiæ, et accidentis oportet, vt ab vtroq. præscindat: præscindere autem est in sua ratione formali non explicare vllam ex differentiis: hoc est neque illam, per quam contrahitur ad substantiam, neque illam, per quam contrahitur ad accidens: prima dicitur perfectitas; secunda inaleitas: nam substantia dicitur ens per se, accidens autem ens in alio. Hoc modo diximus animal præscindere ab homine, et bruto: quia in sua ratione formali nec rationalitatem, nec irrationalitatem explicat, quorum altera contrahit illud ad hominem, altera ad brutum.

Sciendum est tertio, quod quemadmodum dubitatur, vtrum ens perfectè præscindat à differentiis ita etiam dubitatur, an differentiæ ipsæ: putà perfectitas, & inaleitas præscindant ab ente: sicut autem præscindere ens à perfectitate, & inaleitate, nihil aliud est

est, quàm in ratione quidditatiua entis non apparere formaliter neque perfeitatem, neque inaleitatem: ità præscindere tam inaleitatem, quàm perfeitatem ab ente nihil aliud erit, quam in ratione quidditatiua perfeitatis, ac inaleitatis, non apparere formaliter rationem entis realis. Dixi *Entis realis*, quia non apparere rationem entis secundum tertiam acceptionem est impossibile. Dubitatio autem est, an differentie entis realis præscindant formaliter ab ente reali.

Denique sciendum est sermonem esse hic non de præcisione obiectiua, quam satis reieci-
mus, sed de formali, quam admisimus ubi de gradibus metaphysicis.

ARTICVLVS II.

*Est possibilis præcisio formalis
non mutua.*

POnitur à nobis conclusio, quàm pro titulo scribimus, contra eos præcipuè, qui negant ens præscindere à differentijs ex eo quod putent differentias ipsas non posse ab ente præscindere: Loquunturq. de separatione formali vnius rationis ab alia, sicut de separatione locali vnius rei ab alia: & quemadmodum intelligere nequeunt Petrum separari localiter à Paulo, quin Paulus etià localiter separaretur à Petro: adeoq. aiunt implicare separationem localem non mutuam: ità intelligere nolunt ex duabus rationibus vnā posse ab alia separari mentaliter, quin eo ipso altera vicissim sit ab hac mentaliter separabilis. Qui in Philosophando patita-
tes

tes sectantur; alia paritate magis obuia coargui possunt, à voluntate ad intellectum: possibile est dari separationem affectiuam non mutuam; ergo etiam possibile est dari separationem intellectiuam non mutuam. Antecedens probatur, quia contingere potest, & quotidie contingit aliquem erga alium vehementissimo amore affici; à quo non solum non redametur mutuo, sed odio habeatur, & contemnatur. His tamen paritatibus nihil probatur, nec à nobis, nec ab aduersarijs.

Probatur autem conclusio suprà posita: quia certum est posse concipi animal non concepto formaliter homine, seu conceptu præscindente formaliter ab homine, non posse autem concipi formaliter hominem non concepto formaliter animali; seu conceptu præscindente formaliter ab animali; ergo inter animal, & hominem datur præcisio formalis non mutua. Consequentia est evidens. Antecedens negari nequit ab aduersarijs, qui vtrò concedunt animal præscindere ab homine, & à bruto.

Explicatur hoc idē. Toties vna ratio præscindit formaliter ab alia, quoties explicatur per ordinem ad aliqua connotata per ordinem, ad quæ non explicatur altera: vel non explicatur per ordinem ad eadem connotata per ordinem, ad quæ explicatur altera: animal autem non explicatur per ordinem ad ea connotata, per ordinem ad quæ explicatur homo: homo nequit non explicari per ordinem ad ea connotata per ordinem, ad quæ explicatur animal: animal explicatur per ordinem ad sensationem, nō autem

tem per ordinem ad ratioeinationem. Homo autem & per ordinem ad sensationem, & per ordinem ad ratioeinationem, igitur homo non præscindit ab animali, cum animal præscindat ab homine.

Dices, comparationem inter animal, & hominem esse comparationem inter genus, & speciem, non autem inter genus, & differentiam. Patet hoc, quia homo non est differentia, sed species animalis: cæterum si comparatio fiat inter animal, & rationale, quæ est inter genus, & differentiam; inuenietur esse mutua præcisio: & in hac mutua præcissione fundatur præcisio non mutua inter animal, & hominem, hoc est inter genus, & speciem. Animal explicatur per ordinem ad sensationem; rationale per ordinem ad ratioeinationem. Ecce neutra ex istis rationibus attingit in sui explicatione obliquum alterius; & consequenter vtraq. præscindit formaliter ab altera. Quia autem in specie includitur differentia per hoc ipsum, quod genus non attingat obliquum differentie, non attingit obliquum pertinens ad constitutum speciei, seu respectum à constitutiuo speciei: contrahitur enim genus ad speciem per differentiam: eo ipso autem, quod non attingit obliquum huiusmodi, dicitur præscindere à specie: quia præscindit ab vno, & fortasse præcipuo constitutiuo eiusdem.

Resp. nihil hic dici ab aduersario contra positam conclusionem, sed solum reddi rationem cur inter aliquas rationes realiter identificatas detur præcisio non mutua, inter alias autem huiusmodi præcisio non detur.

Po.

Potest secundum aduersarios dari præcisio non mutua inter genus & speciem; ergo ubi differentia alicuius rationis superioris erit necessario species, poterit dari huiusmodi præcisio; esto non detur ubi differentia non est species. Quod autem præcisio huiusmodi necessario fundari debeat in præcisione mutua duarum rationum, numquam probabitur; etiam si probetur dari huiusmodi præcisionem mutua inter genus & differentiam quibus constat species, à qua etiam per aduersarios genus præscindit. Numquam enim valebit hoc argumentum: animal præscindit ab homine, & in homine ipso tam rationale præscindit ab animali, quam animal à rationali; ergo ideo animal præscindit ab homine quia in homine animal & rationale mutuo à se ipsis præscindunt. Vera ratio cur animal præscindat ab homine, homo autem non præscindat ab animali, est quia animal non explicatur per ordinem ad obliqua hominis; homo autem explicatur per ordinem ad obliqua animalis: & ubicunque dabitur huiusmodi ratio inter duo extrema, dabitur præcisio non mutua.

Dari autem inter aliqua extrema huiusmodi rationem patebit infra, ubi de diuersis speciebus differentiarum.

A R T I C V L V S III.

Ens præcindit formaliter à differentijs.

PRobatur conclusio ex conceptu præcisionis formalis. Vnam rationem præscindere formaliter ab alia, est vnam rationem
non

non attingere in suo conceptu quidditatiuo obliqua seu connotata alterius: ens in suo conceptu quidditatiuo non attingit obliqua seu connotata suarum differentiarum: ergo ens perfecte præscindit à differentijs. Maior est ipsa met definitio præcisionis formalis. Minor probatur per conceptum quidditatiuum entis, videlicet: id cui non repugnat existere physice. Vides in hoc conceptu nihil apparere, per quod contrahatur ad perfectitatem, aut ad inaleitatem: & consequenter in huiusmodi conceptu datur perfecta præcisio formalis.

Explicatur hoc idem comparando ex vna parte animal cum rationali & irrationali: & ex altera ens cum perfectitate & inaleitate. Animal ideo præscindit à rationali & irrationali: quia per conceptum sui quidditatiuum qui est: *uiuens sentiens* non attingit obliquum rationalitatis, nec obliquum irrationalitatis: igitur si ens per conceptum sui quidditatiuum videlicet: *id cui non repugnat existere physice*, non attingat obliquum neque perfectitatis neque inaleitatis, æque ens præscindet à perfectitate, & inaleitate, ac animal à rationali & irrationali. Quod autem non attingat manifestum est ex eo quod etiam sciens hoc obiectum non habere repugnantiam ad existendum, plane ignoras an hoc obiectum sit substantia vel accidens. Tam enim accidens quam substantia est id cui non repugnat existere physice; ergo per hoc præcise quod scias alicui obiecto conuenire talem non repugnantiam, non propterea scis an sit substantia an accidens.

Dices rationale & irrationale aliter se ha-

habent respectu animalis quam perfectitas & inaleitas respectu entis : ergo ex præcisione animalis à rationali & irrationali male arguitur præcisio entis à perfectitate & inaleitate. Antecedens probatur : quia perfectitas cum ratione entis constituit id, cuius gratia est inaleitas cum ratione entis; hoc est perfectitas cum ratione entis constituit substantiam, cuius gratia est accidens, quod propterea non dicitur simpliciter ens, sed entis ens. At vero animal cum rationali non constituit id cuius gratia & per ordinem ad quod cætera quæ sustinent denominationem animalis, huiusmodi denominationem sustineant. Vno verbo accidens quod est ens in alio, est ens substantiæ seu ens entis simpliciter; animal autem irrationale, non est animal animalis rationalis quod solum simpliciter & absolute dicatur animal; tam enim proprie brutum est animal, quam homo.

Resp. disparitatem hanc non facere ad rē. Aliud est quod accidens re ipsa sit in bonum substantiæ, & ordinetur ad substantiam, aliud quod hoc ipsum appareat in conceptu quidditativo entis : non quærimus hic quid conveniat realiter accidenti, per quod discriminetur à substantia : sed an in conceptu Entis appareat aliquid per quod substantia & accidens à se inuicem discriminentur. Negamus autem apparere quid tale. Ex eo enim quod hoc aut illud sit id cui non repugnat existere, non intelligis an existentia illa quæ illi nō repugnat sit existentia in se, an in alio. Ad argumentum in forma distingue antecedens: Aliter se habent quoad rem præsentem : nega; quo ad alia: omitte anteceden-

dens

dens ; & nega consequentiam . Ad cætera
paret ex dictis . Non enim sufficit vt re ipsa
detur talis diuersitas , sed requiritur vt ap-
pareat : tam autem non apparet in conceptu
entis , diuersitas inter perfectitatem & inalei-
tatem ; quam non apparet in conceptu ani-
malis , diuersitas inter rationalitatem & irra-
tionalitatem .

Sunt qui loco conceptus quidditatiui en-
tis à nobis relati : *id cui non repugnat exi-
stere physice* : ponunt hunc alium : *opposi-
tum chimæ* ; aiuntque chimeram esse obli-
quum per ordinem ad quod explicatur ens
reale . Huiusmodi conceptu admissio stat ea-
dem doctrina quam supra tradidimus . Nam
etiam sub ratione oppositi cum chimæra nō
apparet perfectitas aut inaleitas , & tam acci-
dens quam substantia est quid oppositū chi-
mæ ; ergo etiam sub tali conceptu ens reale
perfecte præcindit a differentijs . Appareret
autem aut perfectitas aut inaleitas , si in con-
ceptu entis vt sic appareret dependentia , vel
independentia à subiecto : quod autem non
appareat manifestum est ; cum manifestum
sit ineptam esse hanc illationem : Albedo est
ens ; ergo est quid dependens à subiecto ; quæ
est similis huic : Homo est animal , ergo est
rationalis .

Ex hoc quod ratio entis perfecte præscin-
dat à substantia & accidente , cum tamen &
substantiæ conueniat & accidenti , recte in-
feres esse vniuocum ens respectu substantiæ
& accidentis . Patet hoc quia illa ratio est
vna respectu plurium quæ cum in pluribus
sit , perfecte præscindit a rationibus pluri-
ficantibus : hoc modo se habet ratio entis re-

specu substantię & accidentis ; ergo est vna in substantia & accidente. In hac controuersia de vniuocatione & analogia entis aduersarij plerūque transitum faciunt ab esse reali, ad esse intentionale ; seu ab esse obiectiuo, ad esse formale : & considerantes id quod realiter conuenit accidenti , & quod realiter conuenit substantię ; putant id omne repræsentari formaliter in conceptu rationis tam accidens,quām substantiam continentis; non animaduertentes se omnem omnino vniuocationem destruere , cum quodlibet genus contrahatur per differentias inter se dissimiles .

A R T I C V L V S IV.

Satisfit obiectionibus.

Objicies primò , ratio entis non est perfecte vna in substantia & in accidente; ergo ens non perfecte præiudicat à substantia & accidente. Antecedens probatur : quia quod est in vno extremo proprie , & in alio improprie, non est perfecte vnū in vtroq; sed ratio entis est in substantia proprie , in accidente improprie ; ergo non est perfecte vna in substantia & accidente. Maior probatur. Risus qui est proprie in homine, improprie in prato, non est vnus in homine & prato, & sic de cæteris.

Resp. negando antecedens , ad probationem, concessa maiori : nego minorem. Proprie , & propriissimè accidens est oppositum chimeræ. Est id , cui non repugnat existerè physice. Vno verbo accidens æque proprie
su-

sustinet conceptum quidditatum entis, ac substantia. Ad illud de risu dic conceptum quidditatum risus non sustineri à prato, adeoq. paritatem non valere. Est enim risus quædam vitalis iucundatio, quæ procul dubio non conuenit prato; imò nec alij ab homine. quia nascitur ex discursu.

Obijcies secundo. Quotiescumq. vna ratio dicitur de aliquo solum per attributionem ad aliud, toties non est vna respectu vtriusq. sed ratio entis dicitur de accidente solum per attributionem ad substantiam; ergo non est vna respectu substantiæ, & accidentis. Major probatur exemplo ab Aristotele adducto in hoc nomine *Sanum*: nam quia ratio sani dicitur de medicina solum per attributionem ad animal. *Sanum*, non est uniuocum respectu animalis, & medicinæ: adeoq. ratio sani non est vna in animali, & medicina. Minor autem probatur, quia ens, seu ratio entis, non dicitur de accidente, nisi per attributionem ad substantiam. Confirmatur hoc ex ipsamet natura accidentis, quod non est gratia sui, nec expetibile propter se, sed gratia substantiæ, & expetibile duntaxat, vt bonum substantiæ, putà dulcedo non datur in natura, nisi vt detur substantia dulcis, v. g. mel, aut saccharum. Albedo non datur, nisi vt detur album, & sic de cæteris.

Resp. manifestam esse disparitatem inter sanum, & ens, hoc comparatum cum accidente, & substantia, illud comparatum cum medicina, & animali. Quando dicitur medicinā dici sanam per attributionem ad animal; sensus est veram rationem sani, quæ

dicatur absolute, & simpliciter de animali, dici non posse de medicina, cui solum conuenit esse medium ad talem rationem. Sanitas quæ conuenit animali, quæq. est simpliciter sanitas, est recta humorum temperies; quæ proculdubio prædicari nequit de medicina. Ratio entis simpliciter, & absolute est nō repugnātia ad esse physice; quæ ratio simpliciter, & absolute prædicatur de quolibet accidente: quam igitur manifestum est veram esse orationem: albedini non repugnat esse in rerū natura; falsam autem hanc aliam: hæc medicina est rectè temperata in suis humoribus: tam est euidentis discrimen inter *Sanum*, & *ens* respectu eorum, quibus cum hic etiam ab aduersario comparatur. Ad argumentum in forma omiſſa maiori: nega minorem. Ad probationem dic te non negare, quod accidens sit in bonum substantiæ; sed quod, ex eo quod sit in bonum substantiæ, nequeat de ipso simpliciter, & propriè dici conceptus quidditatiuus entis. Et prætereà quod hæc ipsa naturalis ordinatio accidentis ad substantiam tibi appareat, aut aduersario in conceptu entis ut sic.

Obijcies tertio. Philosophum multis in locis, & præcipuè 4. metaphys. textu 2. ubi comparat ens cum sano. *Ens* (ait ille) *multipliciter quidem dicitur, verum ad unam unamq. quamdam naturam, & non æquivoco; sed quemadmodum omne salubre ad sanitatem; quoddam eo quod conseruat, quoddam eo quod facit, &c. ita & ens multipliciter quidem dicitur, sed totum ad unum principium. Quædam enim, quoniam sub-*
san-

*stantia, entia dicuntur; quedam, quoniam
passiones substantia.* Vbi ostendit Aristoteles, quod quemadmodum multa sustinent denominationem sani, eo quod faciant, conferuent, aut indicent sanitatem eius, quod dicitur simpliciter sanum: ita etiam multa sustinent denominationem entis; eo quod faciant, conferuent, exornent, aut alia aliqua ratione respiciant id, quod dicitur simpliciter ens. Hinc sic argues. Ens, ex Philosopho respectu substantia, & accidentis se habet, sicut sanum respectu animalis, & pulsus: hoc est analogum, ergo etiam illud.

Resp. breuiter Philosophum ibi non loqui de ente secundum praecisam rationem entis realis: sed cum aliqua restrictione, secundum quam non est dubium posse accipi ens. Nomina enim, ut vidimus, sunt ad placitum significatiua, & consequenter potest vel ex prima institutione, vel ex usu eorum significatio ampliari, vel restringi. Imò contingere potest ut nomen aliquod ex prima institutione æquiuocum respectu plurium, euadat ex consuetudine vniuocum respectu, eorundem; consuetudo enim est noua quedam institutio, iuxta illud: consuetudo habet vim legis.

Obijc. quartò. Accidens participat rationem entis dependenter à substantia, ergo non conuenit ei ratio entis simpliciter. Consequentia probatur, quia eo ipso quod est ens per suum esse petens pendere à substantia attingit in suo conceptu formali substantiam. Sed si attingit in suo conceptu formali substantiam, eo ipso non dicitur ens proprie; ergo &c. Probat minor, quia quod est tale so-

lum prout ordinatum ad aliud, non est simpliciter tale, sed solum diminute. Hinc dicit D. Thomas multis in locis accidens non esse ens, sed entis ens.

Resp. concessio antecedenti negando consequentiam. Etiam inter accidentia datur dependentia vnius ab alio: & tamen ratio accidentis, vt sic, præscindit ab hoc, & illo accidente. Ad probationem maioris, dic accidens in suo conceptu quidditatio adæquato attingere quidem substantiam, non tamen sub conceptu præciso entis. Querimus autem hic an ens præscindat à substantia, & accidente, non autem vtrum conceptus accidentis attingat, vel non attingat substantiam. Ex eo quod accidens in conceptu quidditatio sui adæquato attingat substantiam malè infert aduersarius non esse ens simpliciter: etiam si substantia sit ens simpliciter: quid enim vetat vnum ens simpliciter ab alio ente simpliciter pendere: sicut vnum accidens simpliciter, pendet ab alio accidente simpliciter. Ad illud de D. Thoma dic ens dici de accidente sine vlllo addito secundum conceptum præcisum entis realis: quidquid sit, an etiam dicatur cum addito, putà albedo dicitur simpliciter ens reale, quamuis etiam dicatur ens columbæ, & niuis. Præterea quod accidens attingat substantiam per conceptum sui adæquatum non probat rationem communem ipsi, & substantiæ non præscindere ab vtroq;

Obijcies quintò. Differentiæ entis non præscindunt formaliter ab ente; ergo ens non præscindit formaliter à differentijs. Probatur consequentia, quia differentia, quæ non

præscindit formaliter ab ente, est formaliter ens, ergo ens est formaliter ipsa: probatur hæc vltima consequentia, primò à pari: quia implicat vnā rem separari ab alia realiter, quæ sit inseparabilis ab ipsa; ergo implicat vnā rationem separari formaliter ab alia, quæ sit formaliter inseparabilis ab ipsa. Secundo: quia, ens est formaliter omne id, quod formaliter est ens: quælibet differentia entis est formaliter ens; ergo ens est formaliter quælibet differentia sui. Tertio, repugnat distinctio realis nō mutua; ergo & formalis.

Confirmatur hoc, & explicatur: quia, si differentia entis, putā perfectitas, est formaliter ens, eo ipso nihil superaddit enti: si enim aliquid superaddat, continet aliquid præter ens, hoc autem aliquid præter ens erit differentia, quæ non erit formaliter ens: si enim hoc aliquid est etiam ens nihil differentię superadditur enti: quia quidquid superaddis vt modifies, vel contrahas est formaliter ens, & nihil vltius. Propter hoc argumentum sunt multi, qui negent uniuocationem entis, & præcisionem eiusdem à differentijs. Alij cum toto hoc argumento uniuocationem retinent, & præcisionem; quam tamen negant esse perfectam. Nos & uniuocationem, & præcisionem perfectissimam retinemus. Qui sunt in secunda classe, si nomine præcisionis perfectæ, intelligunt præcisionem mutuam; rectè opinantur, dum opinantur præcisionem entis à differentijs non esse perfectam; siquidem negant differentias ab ente præscindere. Sed in hoc ipso malè opinantur, quod præcisionem, eo quod non sit mutua, putent non esse perfectam:

ratio enim mutuæ, vel non mutuæ, impertinenter se habet ad præcisionem, vt constat ex conceptu formali ipsius. Certè animal perfectissimè præscindit ab homine, cum homo non præscindat ab animali. Quod autem replicant præcisionem animalis ab homine esse præcisionem generis à specie, non autem generis à differentia, non facit ad rem, imò facit contra ipsos: nam: præcisio generis à specie est perfecta: præcisio generis à differentia non est mutua; ergo præcisio non mutua est perfecta. Ad argumentum in forma.

Resp. transiisso antecedenti; quod alibi negabitur: negando consequentiam. Ad probationem, omisso antecedenti: nega iterum consequentiam. Ad primam probationem consequentiæ, nega iterum anteced. paritas potius facit contra aduersarium, possunt enim duo habere separabilitatem realem nō mutuam: putà possum ego existere cum hac, & sine hac mea visione: hæc visio nequit existere sine me: & vniuersaliter loquendo quodlibet subiectum est separabile à suis modis, quamuis modi ipsius sint ab ipso essentialiter inseparabiles, loquendo de separatione, qua existant diuisi ab ipso. Aduersarius ipse posset existere in rerum natura, sine hoc suo argumento, quamuis hoc ipsius argumentum nequeat existere sine ipso. Ad secundam probationem eiusdem: nega mai. quod videlicet ens sit formaliter quidquid est formaliter ens. Ratio est, quia ex eo quod differentia nequeat intelligi absque eo quod intelligatur vt aliquid, non propterea non poterit aliquid intelligi, quin intelligatur vt differentia. Ratio vltior est quia

quia ex transcendētia vnius rationis nō sequitur transcendētia alterius ipsā modificantis. Ad tertiam respōdeo 1. per instantiā. Nequit idē distingui à se ipso realiter; ergo neq; formaliter. Quis non neget consequentiā? nequit *A* distingui à se ipso realiter; quia nequit nō esse *A*. potest à se ipso formaliter, quia idem *A*. sortiri potest duas formas extrinsecas, putā duos conceptus nō solūm distinctes, sed dissimiles; ut dictum est alibi. Respondeo 2. conc. antec. neg. cōseq. nequit dari distinctio realis nō mutua, quia res nequit idēficari cum re distincta, hoc est nequit esse aliud à se, ut patet ex terminis. Potest tñ dari distinctio formalis non mutua, quia idem potest stare sub duobus conceptibus altero alterum includēte; quāvis nō ē conuerso. Hinc distinctionem realē definiuimus per mutuā negabilitatē; distinctionē autē rationis per diuersā apparētiā eiusdē rei; nō implicat autē apparentiam *A*. monstrare id, quod monstratur per apparentiā *B*, quāvis apparētia *B*. nō vicissim mōstrat omne id, quod mōstratur per apparētiā *A*.

Ad confirmationem emitte perscitatē nihil dicere quod non sit ens; nega nihil superaddere enti. Non enim valet: nihil superaddit quod non sit formaliter ens; ergo nihil superaddit. Valet autem: ergo nihil superaddit quod non includat rationem entis: hoc est nihil superaddit separabile formaliter ab ente. Etiam si autem modus entis sit formaliter inseparabilis ab ente, nō propterea prāter ens nihil est, sed prāter ens est ipsa met modificatio entis. Vbi aduerte hanc propositionē: *modus entis est formaliter ens*, esse æquiuocam. Si facit hunc sensum hic

conceptus formalis: *modus entis*, seu *perfectitas*, est idem ac hic conceptus: *ens*, est propositio falsa: nam conceptus modi seu differentie entis non est conceptus entis ut sic. Si facit hunc alium: conceptus formalis modi seu differentie entis, includit ipsamet rationem entis: omittitur à nobis ut verum, contendentibus nimirum quod etiam negata præcisione differentiarum ab ente, sustineatur præcisio entis à differentiis.

Dices: *modus entis* nihil est præter ens: ens non præscindit ab ente; ergo ens non præscindit à modo entis. Probatum maior quia quidquid *modus entis* superadderet enti esset formaliter ens; ergo superadderet ens enti: superaddere autem ens enti & nihil aliud est formalissime nihil esse præter ens.

Resp. negando maiorem. Ad probationem distingo: quidquid superaddit enti est formaliter ens, sic modificatum: concedo; est formaliter ens ut sic & sine addito: iterum subdistinguo: est formaliter ens solum: nego; est formaliter ens secundum talem rationem determinantem ens. concedo. Breuiter etiam respondebis; est formaliter ens per modum includentis: concedo; per modum inclusi: nego. Hoc est *modus ipse entis* includit formaliter rationem entis: non tamen ipse met includitur in ratione entis ut sic. Possit autem unam rationem includere aliam in qua vicissim non includatur adeo manifestum est, ut negari non possit nisi à negante in toto includi partem; non autem in parte totum.

Quod autem ad rationem præcisionis, rationis superioris ab inferiori, non requiratur quod sit mutua constat ex antiqua diui-

diuisione *differentiarum* in extrahentes & imbibentes. Vocantur *differentiæ extrahentes* illæ quæ non includunt rationem genericam quam contrahunt: imbibentes vero quæ illam eandem includunt: vnde primæ dicuntur esse extra genus, seu extrahere extra genus rationem quam significant: secundæ vero dicuntur non extrahere, sed rationem ipsam quam significant continere *intra ipsam* rationem genericam quam contrahunt seu modificant. Exemplum *differentiarum extrahentium* habes in *differentijs animalis*, puta in *rationali & irrationali*, in quibus nō apparet ratio generica vt constitutiuā ipsarum. Exemplum *aliarum* habes in *differentijs huius rationis genericæ color*, quales sūt *nigredo, albedo, viriditas*, & aliæ huiusmodi quæ non præsciunt à colore sed imbibunt formaliter rationem coloris. Et sicut esset mala hæc argumētatio: *differentia coloris nō præsciunt à colore; ergo neque color à differentia: ergo quem ad modum viriditas est formaliter color; ita etiam color est formaliter viriditas; sic etiam est mala hæc alia perfectitas non præsciunt ab ente; ergo neque ens à perfectitate: & consequenter quemadmodum perfectitas includit formaliter ens, ita ens includit formaliter perfectitatem.*

Quod si replicet aduersarius *viriditatem albedinem, & alia huiusmodi non esse differentias sed species coloris; dic neque differentias entis esse pure, & præcisè differentias, sed species: & hoc idem dicendum esse de omnibus ijs differentijs, quas Philosophi vocant imbibentes. Certum est enim idè viriditatem dici speciem, & non puram dif-*

ferentiam, quia præter talem modum coloris, inò quia talis modus coloris est formaliter color: ergo eodem modo si perfectas sit formaliter ens, non erit pura differentia, sed species, adeoq. quæstio erit, vtrum ens modificari possit per puras differentias, an non. In qua quæstione dicemus non posse.

QVÆSTIO III.

*An differentia entis præscindant
ab ente.*

ARTICVLVS I.

Statuitur vera conclusio.

AD perfectam unitatem entis in suis inferioribus non requiri præcisionem inferiorum ab ipso constat tum ex ijs quæ diximus; tum quia aduersarij ipsi nequeunt sustinere omnem præcisionem esse necessario mutuam, nisi incidentes in circulum vitiosum, probantes videlicet quod & animal præscindit à rationali, quia rationale præscindit ab ipso; & rationale ab animali, quia animal à rationali. Da enim me velle, quod omnis præcisio sit mutua; quomodo probabit aduersarius rationale præscindere ab animali? certè non probabit, nisi per præcisionem animalis ab ipso, quam præcisionem rursus probabit per præcisionem rationalis ab animali, adeoq. nihil probabit; rectè autem probabis tu animal præscindere à rationali,
ex

ex hoc. quod animal in sui explicatione non attingat obliquum rationalis, & rursus quod rationale præscindat ab animali, ex eo quod non attingat obliquum animalis: dum enim utriq. rationi obliqua assignans, facile est ostendere vnam non explicari per obliquum alterius, afferendo conceptum quidditatum ipsius. Quia tamen non solum de præcisione entis à differentiis, sed etiam de præcisione differentiarum ab ente controvertitur.

Dicendum est differentias entis præscindere ab ente. Hæc conclusio cum antecedenti ponit mutuam præcisionem ut vides, non tamen ex necessitate ad præcisionem utriuslibet extremi; ut vidisti: utramq; esse veram mox videbis.

Probatum igitur conclusio eodem argumento, quo supra. Illa ratio præscindit ab alia, quæ in sui conceptu quidditativo non attingit obliqua alterius: neque perfectitas, neque inaleitas in sui conceptu quidditativo attingit obliqua entis realis; ergo tam perfectitas, quam inaleitas præscindit ab ente reali. Hoc idem ferè argumentum aliter sic proponi potest. Illa ratio præscindit formaliter ab alia, quæ explicatur per ordinem ad obliqua, per ordinem ad quæ non explicatur alia: perfectitas: & inaleitas explicantur per ordinem ad obliqua, per ordinem ad quæ non explicatur ens reale: ergo perfectitas, & inaleitas præscindunt formaliter ab ente. Minor intelligenda est de ente sub conceptu præciso entis. Probatum autem tum per conceptum quidditativum entis, tum per conceptum quidditativum, tam perfectitatis, quam

ina-

inalicitatis, conceptus quidditativus entis est duplex, saltem quoad voces. *Id cui non repugnat existere physice.* Et: *Oppositum chimeræ*, ecce obliqua per ordinem ad quæ explicatur ens reale, sunt, vel chimera, cui opponitur, vel existentia physica, cui non repugnat. Conceptus quidditativus perfectitatis est independētia à subiecto, conceptus quidditativus inalietatis, dependentia à subiecto seu si mauis: conceptus quidditativus inalietatis est exigentia inhærentiæ; perfectitatis vero exigentia non inhærentiæ. Obliqua igitur perfectitatis sunt vel subiectum à quo independeat, vel inhærentia quam excludat: obliqua vero inalietatis sunt vel subiectum quod petat, vel inhærentia quam exigat: cōpara iam vtramque rationem cum obliquis alterius, & probatum habes tam differentiā entis præscindere ab ente, quam ens præcindit à differentiis.

Probatur secundo eadem conclusio. Quotiescunque in conceptu quidditativo vnius rationis nihil apparet per quod certificemur de alia ratione, toties vna ratio præscindit ab altera: in conceptu inalietatis nihil apparet per quod certificeris de ratione entis realis; ergo inalietas præscindit ab ente reali, idem dic de perfectitate, & quacunque alia huiusmodi differentia. Maior quia intelligenti est evidens solum explicatur. Conceptus quidditativus hominis est animal rationale: admissio hoc conceptu dubitare non licet neque an homo sit animal, neque an homo sit rationalis: & quia ipse met conceptus animalis est esse principium sentiendi: conceptus vero rationalis est esse principium
dis-

discurrendi ; ideo dubitare non licet hominem non esse aut principium sentiendi , aut principium ratiocinandi : hoc est certificaris quod quiddid homo est, est de sua quidditate & principium sentiendi, & principium discurrendi. Eodem modo quo conceptus hominis quidditativus est, animal rationale, conceptus quidditativus entis realis est, id cui non repugnat existere : quoriescunque igitur dabis aliquod obiectum esse ens reale, si intelligas quid des, dabis esse id cui non repugnat existere: igitur si de aliquo obiecto concedas alium quidem conceptum quidditativum, sed in hoc conceptu non relucet hæc ratio: *id cui non repugnat existere* dabis quidem esse hoc vel illud : non tamen esse ens reale. Exemplo rem explico. Accipe conceptum infiniti creati, seu extensionis infinitæ, extensio infinita est extensio interminata ; ecce conceptum quidditativum extensionis infinitæ. Impossibile est te admittere huiusmodi obiectum quin des in ipso rationem extensionis, cum ratione interminatæ ; non tamen eo ipso admittis in huiusmodi obiecto rationem entis realis : quia statuto conceptu quidditativo magnitudinis infinitæ, disputatur an hæc sit ens reale, aut chimericum & impossibile: quia videlicet in huiusmodi quidditate non apparet formaliter neque repugnata, neque non repugnantia ad existendum.

Quemadmodum autem de innumerabilibus obiectis huiusmodi. puta de infinito, de creatura æterna : de præcisione obiectiva & alijs disputatur inter Peripateticos an sint possibilia, an non : alijs aientibus alijs negan-

gantibus; ita ex veteribus multiq. ex recentioribus disputant de possibilitate accidentis sunt enim qui acriter negant dari accidentia saltem realia: & tamen admittunt conceptum quidditativum accidentis videlicet: *ens per suam essentiam petens esse in alio*: igitur in hoc conceptu non includitur ratio entis realis, cum de nullo obiecto negari possit vlla ratio in ipsius quidditate inclusa.

Quemadmodum autem Philosophamur de conceptu quidditativo accidentis, ita philosophandum est de conceptu quidditativo substantiæ, utroque inadæquato; si enim tam accidens quam substantiam adæquate definias: dices hoc esse ens reale in alio, illam vero ens reale per se: utrobique includens rationem entis realis: sed ut vides, neutrum definis secundum rationes præcise differentiales. Non est autem dubium quin ens reale, quale est, & substantia, & accidens, si definitione adæquata definiatur, includat rationem entis realis. Controuersia est an dari possit conceptus explicans rationem propriam substantiæ & rationem propriam accidentis, quin eo ipso explicet rationem entis; sicut v. g. datur conceptus explicans rationem rationalis, absque eo quod includat rationem animalis; cum tamen in sententia satis communi implicet rationale quod non sit animal.

ARTICVLVS II.

Respondetur obiectionibus.

Objicies primo. Ratio entis repræsentatur formaliter in quolibet obiecto, quod

quod attingatur per quemlibet actum intellectus; ergo differentie entis non præseindunt ab ente. Consequentia est evidens: nulla enim ratio præseindit ab illo prædicato quod in ipsa repræsentatur; ergo si in qualibet differentia entis repræsentatur ratio seu prædicatum entis, nulla differentia entis præseindit ab ente: repræsentatur autem in qualibet differentia, si repræsentatur in quolibet obiecto: cum quælibet differentia sit obiectum actus ipsam attingentis. Antecedens autem probatur quia omnis actus intellectus exprimit aliquid, seu repræsentat aliquid, de quo dici possunt aliqua prædicata: repræsentare autem aliquid, est eo ipso repræsentare ens; ergo in quolibet obiecto repræsentatur formaliter ratio entis.

Explicatur hoc argumentum. Qui concipit perfectatē non concipit nihil: interrogatus enim an de aliquo cogites cum cogitas de exigentia non inhærendi alteri; non respondes te nihil cogitare, imo dicis te cogitare de aliquo obiecto, quod non indigeat altero, in quo subiectetur. Idem dic proportionaliter de inalienabilitate, & quacunque alia differentia huiusmodi.

Resp. huic obiectioni obuiatum esse quādo dictum est quam ample sumatur li *aliquid*. Qui cogitat de Hyrcoceruo, interrogatus an de nullo cogitet, an de aliquo, an aliquid concipiat, an nihil, non respondebit se de nullo cogitare, se nihil concipere: aliter diceret se dum cogitat de Hyrcoceruo incogitantem esse: sed dicet se cogitare de aliquo quod est Hyrcus & non Hyrcus, ceruus & non ceruus; adeoque de obiecto ipso.

de quo cogitat rationem reddet, ipsius prædicata assignans : ecce cogitat de aliquo, & tamen non cogitat de ente reali; ergo potest cogitare de aliquo, non cogitando de ente reali. De quocunque igitur obiecto cogites de aliquo cogitas, quamvis non cogites de vlllo ente reali. Quod si hoc nomen ens ad eandem amplitudinem extenderis ad quam extendis li *aliquid* : poteris etiam cogitare de ente, absque eo quod formaliter cogites de ente reali : ens enim in tam ampla significatione acceptum non solum est terminus transcendens, sed etiam supertranscendens, adeoque indifferens ad possibile & impossibile, sicut est indifferens ad utrumque ratio obiecti. Ex his patet ad argumentū. In forma nega antecedens si aduersarius per rationem entis intelligat solum ens reale. Ad probationem concessa maiori nega miuorem. Nā *aliquid* dicitur etiam de *non ente*, vt patet in instantia allata de obiecto impossibili. Posses etiam distinguere antecedens : ratio entis repræsentatur formaliter in quolibet obiecto, si accipiatr transcendentaliter solū nega; si supertranscendentaliter : concede. Quodlibet igitur obiectum concipias, concipis aliquid quod est vel aliquid rei, vel aliquid obiecti : esse autem aliquid obiecti est commune possibili, & impossibili : adeoque ex eo quod aliquid sit obiectum actus intellectui male inferes esse quid possibile.

Ad explicationem patet ex dictis, Qui concepit perfectitatem non concipit nihil formaliter, nihilitate obiecti : concipit enim aliquod obiectum. sed non propterea concipit aliquid formaliter & in tali conceptu oppo-

oppositum chimeræ : dum enim non attin-
gis nisi rationem independentiæ à subiecto,
manifestum est te non concipere tale obiectū
per ordinem ad obliqua seu connotata pro-
pria entis realis.

Obijcies secundo substantia recte definitur
ens reale per se; accidens vero ens reale in
alio : neuter ex istis conceptibus præscindit
ab ente reali ; ergo neque substantia neque
accidens in suo conceptu quidditatiuo præ-
scindit ab ente reali.

Resp. concessis maiori, & minori : disting.
consequens : neque substantia neque acci-
dens in illo conceptu qui ponitur in obie-
ctione præscindunt ab ente reali : conc. con-
seq; in vlllo conceptu præscindunt ab ente
reali : nego consequentiam . Conclusio no-
stra non est, non posse dari vlllum conceptum
substantiæ aut accidentis qui non præscindat
ab ente reali. Certum est enim quod si vtrū-
que definias definitione adæquata neutrum
præscindet, cum certum sit vtrumque esse
realiter ens reale. Controuersia est an ratio-
nes differentiales substantiæ & accidentis
possint sub aliquo conceptu præscindere ab
ente reali, & hoc est quod affirmamus. Quod
si definias solum substantiam : ens per se : ac-
cidens vero : ens in alio. & teneas illam en-
tis acceptionem quam tertio loco retulimus,
vtarisque ente vt termino supertranscenden-
te : tunc disputare poteris an substantia &
accidens sint entia realia, necne : examinan-
do videlicet an ratio perfectitatis stet cum ra-
tione entis realis, an contra illi repugnet;
adeoque an ens quod ponitur in definitione
substantiæ sit ens reale an chimericum : sicut
qui-

quicumque negant accidentia, dicunt rationem inaleitatis destruere rationem entis realis, quamvis is admittant hunc conceptum accidentis quidditativum: *ens in alio*, usurpantes videlicet si *ens* tam ample quam acciperent si *id* si dicerent: accidens est id quod exigit semper esse in alio. Si autem *id* posse dici etiam de impossibili patet ex eo quod ens rationis metaphysicum communiter definiatur: id quod habet esse tantum obiective in intellectu.

Dices. Demonstrari potest quod neque independentia à subiecto neque dependentia à subiecto pugnant cum ratione entis realis; ergo demonstrari potest quod ens per se, & ens in alio sunt entia realia; ergo neque ens per se, neque ens in alio præscindit ab ente reali.

Resp. concedendo totum, præter ultimam consequentiam. Etiam demonstrari potest quod ratio animalis non pugnat cum rationali, & quod rationale, non pugnat cum animali; ergo nec animal à rationali, nec rationale ab animali præscindit? vides falsam esse consequentiam.

Obijcies tertio. Ens dicitur transcendens respectu eorum omnium quæ sunt entia: imo hoc ipsum est esse transcendens, continere sub se omnia entia: sed differentiæ sunt entia; ergo ens continet sub se differentiæ: ergo differentiæ non præscindunt ab ente.

Resp. ens esse transcendens respectu omnium rerum, adeoque convenit omnibus rebus adeoque etiam suis inferioribus seu suis differentiis: sed aliud est quod differentiæ sint realiter ens, aliud quod sint illud idem
for-

formaliter ; primum est verū secundum falsum; vnde ad argumentum in forma concedo totum, præter vltimam consequentiam.

Obijcies quarto. Aliqua differentia entis non præscindit ab ente; ergo nulla. Consequentia probatur quia non est potior ratio de vna quam de alia. Antecedens probatur, differentia per quā ens contrahitur ad Deum non præscindit ab ente; ergo aliqua, &c. Probatur hoc secundum antecedens; quia huiusmodi differentia est a seitas : quemadmodum enim substantia dicitur ens per se, & propterea ratio propria substantiæ est perseitas, ita Deus dicitur ens à se, ipsiusque ratio propria a seitas : sed hæc non præscindit ab ente; ergo, &c. Minor probatur quia ex ipsa inferitur necessitas existendi ergo ipsa non præscindit ab ente.

Resp. rationem posse inferri à ratione præscindente formaliter à se. Possibilitas potest inferri ex inalieta hoc pacto : omnis ratio non inuoluens contradictoria est possibilis : inalieta est huiusmodi; ergo est possibilis. Non propterea inalieta non præscindit ab ente seu a possibili: adeoque eadem est ratio quoad rem præsentem de inalieta, quæ de a seitate. Item in sententia communissima, & ab aduersarijs recepta rationale infert necessario animal : implicat enim rationale non animal, & tamen apud eosdem rationale præscindit ab animali: & sæpissime contingit in hoc decipi arguentes quod putent idem esse vnam rationem esse formaliter in alia, ac inferri necessario ex ipsa: cū tamen nullum consequens sit formaliter in antecedenti, ex quo inferitur.

Ad argumentum in forma nega antec. Ad probationem dic etiam aseitatem præscindere ab quâuis illud inferat. Est autem aseitas formalissime independentia à quocunque alio: qui conceptus, vt vides, non attingit obliqua entis realis: quamuis ex independentia recte inferas necessitatem essendi.

Obijcies vltimo. Differentiæ quæ præscindunt ab ente vel sunt differentiæ entis realis, vel entis præscindentis à reali & chimerico: Neutrum dici potest; ergo differentiæ entis non præscindunt ab ente. Minor probatur quia si dicas esse differentias entis præscindentis à reali & chimerico, canis extra chorum, non enim controuertitur hic an rationes contrahentes rationem præscindentem à reali & chimerica, præscindant & ipsæ à reali & chimerica. Si dicas alterum: contra est: quia impossibile est intelligere differentias entis realis quin intelligas differentias reales: quis enim intelligat à ratione non reali contrahi ad hanc vel illam speciem, rationem realem?

Resp. rationale quod dicis præscindere ab animali vel est rationale quod sit animal, vel rationale quod sit indifferens ad animal & non animal: neutrum dici potest; ergo, &c. Minor probatur. Si enim dicas secundum saltas extra choream; non enim querimus hic an rationale huiusmodi præscindat ab animali. Si primum contra est: quia rationale quod non sit animal impossibile est quod contrahat animal.

Dices rationale quod non sit formaliter animal contrahere animal, non autem rationale quod non sit realiter animal. Hoc idem dicen-

dicendum est de quacunque differentia contrahente rationem genericam, cum inter rationes genericas & differentiales non detur vlla distinctio intrinseca ex dictis alibi.

Resp. Idem etiam dici à nobis de differentiis entis. Hæ enim sunt realiter, non vero formaliter ens. Ad argumentum igitur informis. Resp. concessa maiori: negando minorem; & dico differentias quæ præscindunt, esse differentias entis realis: ex eo autem quod sub hoc cōceptu: *differentie entis realis* non præscindant ab ente reali, non magis inferes neque præscindere sub alio, quam ex hoc, quod subsistent huic conceptui, inferres non posse subsistere alteri.

QVÆSTIO IV.

*Virum ens respectu substantiæ &
accidentis respectu Dei &
Creatura sit genus.*

ARTICVLVS I.

Ens respectu Dei & Creatura est vniuersum.

Conclusionem pro titulo positā idem argumentum probat, quod probauit superiores. Nam in hoc conceptu: *id cui non repugnat existere*: vel: *oppositum chimeræ*, non apparet formaliter differentia creati aut increati, dependentis aut independentis: hæc autem ratio: *id cui non repugnat existere* est realiter & in creato & increato, in creatura & Deo; ergo ens est vni-

vnivocum respectu Dei & creature .

Obijcies primò . In Deo est ens simpliciter , in creatura non est ens simpliciter sed solum secundum quid & diminute : sed ratio quæ in vno extremo reperitur simpliciter , & in altero secundum quid , non est vna in vtroque ; ergo ratio entis non est vna in Deo & creatura . Maior probatur per illud Augustini : Domine tu es qui es , ego sum qui non sum : quod dictum fundatur in eo quod Deus ipse loquens seruo suo Moyse dixit : *Ego sum qui sum* : ex quo inferunt , quod esse , sit proprium Dei ; & consequenter non sit vnum in Deo & creatura . Confirmatur : quia ens non est vnum in ente & non ente : Deus est ens , creatura non ens ; ergo ens non est vnum in Deo & creatura . Maior videtur ex terminis euidens . Quomodo enim potest eadem esse ratio in duobus contradictorijs : hoc est quomodo potest idem esse sui contradictorium : puta eadem ratio in homine & non homine , & quidem ratio hominis ; hoc est idem omnino homo non homo . Minor autem probata est per illud Augustini : *tu es qui es , ego sum qui non sum* , quod non esse , ita de se dicit Augustinus vt illud intelligat de omni omnino re creata .

Resp. negando maiorem . Ens dicitur simpliciter & absolute , non autem diminute aut abusive de creatura . Ad probationem dic Deum esse ens indefectibile , & essentialiter existens : creaturam autem esse ens defectuosum , & contingens . Et propterea comparata ad Deum potius non est quam est . Hæc autem comparatio nec apparet in hoc conceptu

ceptu *ens*, nec à creatura, tollit rationem entis simpliciter. Ex hoc patet ad Augustinum.

Ad confirm. omisi. ma. neg. mi. cuius falsitas patet ex dictis. Ad illud: non potest eadem ratio esse in duobus contradictorijs. Roga Aduersarium an *rationale* & *non rationale* sint contradictoria? si neget: ergo neque *ens* & *non ens* sunt contradictoria non enim magis opponuntur *ens* & *non ens*, quam *rationale* & *non rationale*. Si affirmet: ergo eadem ratio potest esse vna in duobus contradictorijs: quia *animal* est vnum in homine & bruto, quorum alterum est *rationale*, alterum *non rationale*: vna, in quam, non re, sed intellectu; quod nihil est aliud quam opposita in aliqua ratione, posse in alia conuenire, quod accidit vbi genus contrahitur per differentias oppositas. Non tamen valet, ergo poterit idem homo esse simul homo & non homo. Ex hoc enim quod homo & non homo conuenire possint in aliqua ratione, non sequitur posse conuenire in ratione hominis. Poterit autem homo & non homo conuenire in aliqua ratione, quæ præscindat formaliter ab homine, & non homine; adeoque ratio quæ neque sit formaliter homo, neque formaliter non homo identificari realiter & cum eo quod est homo, & cum eo quod non est homo.

Verum: quod non contingit in homine alijsue rationibus huiusmodi, haberi potest in aliqua alia magis vniuersali. Puta ratio obiecti potest esse communis obiecto & non obiecto: per hoc enim ipsum quod dicis non obiectum constituis obiectum: sicut per

Y

hoc

DE DECE 10

DE DECE 10

hoc quod dicis: non cognitum: constituis cognitum: sed de hoc alibi, vbi videlicet de ente rationis. Ad argumentum enim propositum ista non requiruntur. Ens in ea ratione in qua dicitur ens, non est non ens: puta si non ens habet rationem entis in ratione intelligibilis, & ideo dicatur ens, quia est intelligibile, in illa eadem ratione non caret ratione entis, hoc est non est nō ens. Atq; hic indicatur difficultas alibi etiam explicanda: quomodo videlicet *non intelligibile* intelligatur, non cognoscibile cognoscatur, quæ sunt apparenter contradictoria; de quibus vbi de ente rationis.

Obijcies secundo. Ens prout est in Deo est essentialiter independens, prout in creatura est essentialiter dependens; ergo ens in Deo & creatura non est vnum. Consequentia probatur quia implicat idem esse dependens & independens.

Resp. quod ens quod est in Deo non semper apparet vt in Deo; neque quod est in creatura, semper apparet vt in creatura: adeoque quamuis in hac sit essentialiter dependens, in illo essentialiter independens; concipitur ab vtraque ratione præcisum, dū præcise sub ratione entis concipitur. In forma responde primò concessio antecedenti, negando consequentiam: secundo: disting. consequens: non est vnum sub ratione entis: nega; sub omni ratione: concede. Ad probationem dic, dependens & independens, posse esse idem, non sub ratione pendens aut independentis; sed sub ratione communi vtrique, videlicet sub ratione entis.

Dices. Creatura in ipsamet ratione entis
est

est dependens à Deo : Deus in ipsamet ratione entis omnino independens; ergo differunt Deus & creatura in ratione entis.

Resp. primò disting. ant. in ipsamet ratione entis realiter concedo, formaliter nego antec. Resp. secundo negando antecedens quia præcisa ratio entis non dicit neque dependentiam neque independentiam; sed in quocunque obiecto sit, si præcise secundum se consideretur, ab utraque præscindit.

Obijcies ultimo. Magis dissimulantur inter se Deus & Creatura, quam substantia & accidens; ergo ex eo quod ens sit uniuocum respectu substantiæ & accidentis, non sequitur esse uniuocum respectu Dei & creaturæ.

Resp. concedendo totum. Non probamus ens esse uniuocum respectu Dei & creaturæ, ex eo quod sit uniuocum respectu substantiæ & accidentis. Sed per illam rationem per quam probamus esse uniuocum respectu substantiæ & accidentis; probamus esse uniuocum respectu Dei & Creaturæ: quia videlicet tam Deus & Creatura sunt id cui non repugnat existere, quam substantia & accidens: & hic conceptus: *id cui non repugnat existere* tam præscindit à Deo & creatura quam a substantia & accidente,

ARTICVLVS II.

Resoluitur questio.

Effe rationem uniuocam respectu plurimū plures pro eodem habent ac esse genus non tamen omnes. Igitur quamuis statuerimus ens esse uniuocum respectu substantiæ &

accidentis, Dei & creaturæ: non propterea deerit qui neget hanc consequentiam: ergo est genus: rationes quibus nituntur qui negant; sunt plures. Prima est quia ad rationem generis requiritur ut differentiæ ipsum contrahentes aliquid ipsi superaddant, quod non sit formaliter ipsum: sed differentiæ, inquit, quibus ens contrahitur, nihil ipsi superaddunt quod non sit formaliter ens; ergo ens non est genus. Maiorem probant ex dictis ubi de differentia, quam videlicet Philosophus sic definit: *id quo species abundat à genere*. De minori dictum est alibi.

Alij peculiarem difficultatem inveniunt in ente ut sit genus respectu Dei & creaturæ; quamvis facile dent esse genus respectu substantiæ & accidentis. Ut ens sit genus, inquit respectu Dei & creaturæ debet Deus esse species entis: Deus non est species entis; ergo ens non est genus respectu Dei & Creaturæ. Maior patet ex definitione generis. Minor probatur quia species est vnum aptum prædicari de pluribus: Deus non est huiusmodi; ergo non est species.

Dicendum est primo contra hanc secundam sententiam. Ad rationem speciei non requiritur prædicabilitas de pluribus. Patet hæc nostra conclusio ex dictis: ubi de specie. Diuisimus enim speciem in speciem prædicabilem & in speciem pure subiicibilem: primam diximus non saluari sine multiplicitate: secundam saluari cum vnicitate. Etiam si enim species rerum immaterialium constituerentur singulæ per singula individua, essentialiter immultiplicabilia intra suam rationem, adhuc essent veræ species, & sustinerent

nerent hanc Philosophi definitionem : *species est quæ collocatur sub assignato genere* : posset igitur Deus quantum est ex hoc capite esse species entis , cum tota sua immultiplicabilitate & vere subijci rationi entis. Subijci, inquam subiectione pure logica, quo etiam genere subiectionis subijcitur quoties dicis : *Deus est ens à se* quod subijci nihil est aliud quam esse subiectum propositionis aliquid dicentis de ipso . Vbi aduerte me non ponere in Deo vllam compositionem obiectiuam, neque ex esse & essentia , neque ex genere & differentia, sed puram compositionem rationis quæ diuinæ simplicitati non officit ; immo vt ait D. Thom. in 2. scrip. super 4. lib. sent. lib. 1. dist. 2. art. 2. ad 1. fundatur in ipsa. Docet enim ibi S. Doctor quod Deus quanto est simplicior, tanto est virtuosior, & tanto habens rationem plurimum perfectionum. Deum igitur subijci enti modo explicato, nihil aliud est, quam *ens* dici de Deo, & infinitis alijs Deo dissimilibus .

Dicendum est secundo contra primam. Etiam si de ratione generis sit quod differentię aliquid ipsi superaddant, quod non sit formaliter ipsum : ens poterit esse genus. Patet hæc conclusio ex supradictis , vbi ostensum est differentias entis non esse formaliter ens ; ex quo sequitur etiam hanc definitionem : *differentia est id quo species abundat à genere*, stare cum hac conclusione : *ens est genus* .

Dicendum tertio . Ad rationem generis non requiritur quod differentię aliquid ipsi superaddant quod non sit formaliter ipsum.

Probatur hæc conclusio item ex dictis: ubi cum veteribus summulitis diuissimus differentias in extrahentes & non extrahentes seu imbibentes: quæ etiam frequenter appellantur purè limitantes: dum enim ait summulista genus contrahi per vtramque speciem differentiarum dicit consequenter ad rationem generis, non requiri ut differentia non imbibat ipsum; adeoque posse ipsum contrahi per differentiam non contradistinctam ab ipso formaliter.

Quæres an etiam tum dici possit speciem per huiusmodi differentiâ abundare à genere?

Resp. affirmatiuè. Etiam si enim modus entis sit formaliter ens, est tamen aliquid formaliter præter ens: nec dubitari potest hunc conceptum: *ens per se*, esse diuersum ab hoc: *ens*: quamuis hic secundus includatur in primo. Petere autem quod assignetur aliquid quod non sit formaliter ens, est inepte petere ab agentibus modum entis non posse præseindere ab ente; adeoque conceptum formaliter expressiuum modi entis differre à conceptu expressiuo entis ut sic, solum per hoc quod vnus vel eandem rem abundantius explicet quam alter, vel per hoc quod per vnum aliquid plus realiter sed minus explicitè concipiatur quam per alterum. v.g. hic conceptus: *perseitas* seu *modus essendi per se* explicat rationem substantiæ, quæ etiam realiter attingitur per hunc conceptum *ens*. Sed illâ explicat, cū nō explicetur per *li ens*. Ens tamen plus aliquid dicit quam perseitas, quia realiter dicit & perseitatem & inalienabilitatem & quamcunque aliam differentiam huiusmodi.

Cæterum quod etiamſi differentię non præſcindant ab ente, adhuc tamen aliquid includant ſupra ens, oſtenditur ſic. Perſeitas & inalietas etiamſi ambæ includant rationē entis, tamen inter ſe differunt. quis enim dicat nullam eſſe diuerſitatem inter perſeitatē & inalietatē? Non autem differunt ſecundum hanc rationem præciſam *ens*; ergo per aliquid aliud. Minor probatur quia *ens* & *ens* non ſunt duo conceptus diuerſi; quod enim eſt formaliter ens per præciſam rationem entis non differt ab eo quod eſt formaliter ens. Quid autem erit illud aliud niſi modus ipſe ſeu modificatio entis aliter expreſſa per vnum quam per alium conceptum?

Dicendum eſt vltimo. Ens eſt genus reſpectu ſubſtantię & accidentis, Dei & creature. Probatur concluſio ex dictis hic & alibi: nam primo oſtēſum eſt ad rationem generis non requiri quod ſpecies ipſi ſubditę omnes ſint prædicabiles: adeoque immultiplicabilitas entis increati non obſtat rationi generis in ratione ipſum & alia entia comprehendente. Secundò oſtenſum eſt quod differentię entis præſcindunt ab ente, adeoque etiamſi neceſſaria eſſet ad rationem generis mutua præciſio ipſius à differentijs & differentiarum ab ipſo, adhuc ex hoc capite teneretur in ente ratio generis. Tertiò oſtenſum eſt ad rationem generis non requiri præciſionem mutuam; cum genus diuidi poſſit per differentias alias extrahentes, alias non extrahentes: & conſequenter ex triplici capite impugnata concluſio, ex nullo expugnabilis eſt. Atque hic obiter nota deciſam hic à nobis litem alibi intentatam: an vi-

delicet ratio transcendens possit esse generica.

ARTICVLVS III.

Colliguntur aliqua ex dictis.

Collige primo rationem entis aliquando adeo vniuersalem esse vt dici possit de non ente. Patet hoc quia negatio est non ens, puta negatio lucis est non esse lucis: da autem dari negationes huiusmodi quod aliqui volunt, poterunt concipi & consequenter esse obiectum alicuius actus nostri intellectus: si igitur ens tam ample patet quam ratio obiecti, ens dicetur de non ente, sed ens amplissime acceptum, de non ente, accipiendo ens negatum per li *non* in significatione minus ampla.

Collige secundo. Quod quemadmodum diuisit Philosophus ens in substantiam & accidens, accipiendo ens pro ente reali: ita etiam ens in ampliori acceptione diuiditur in possibile & impossibile: quam diuisionem satis frequenter inuenies, etiam apud eos qui negant ens in tam ampla significatione usurpari posse vt sit, non modo transcendens, sed etiam supertranscendens. An coherentur ita diuidant & negent, ipsi viderint. Tu in rem tuam trahe quod ita diuidant, & quotiescunque indiges prædicta entis acceptione tam ampla dic te usurpare hoc nomen *ens* secundum illam rationem, secundum quam diuiditur in possibile & impossibile: quam rationem conuertis cum intelligibili.

Quod si aduersarius dicat ens diuidi in
possi-

possibile & impossibile non vt nomen vniuocum sicut diuiditur animal in rationale & irrationale; sed vt nomen æquiuocum: quo pacto diuiditur homo in realem & fictum; dic quod agentes de homine nunquam præmittunt hanc diuisionem, assignantes eidem scientiæ speculationem vtriusque: cum agentes de ente prædictam diuisionem præmittât utpote tribuentes eidem potentiæ examen seu considerationem tam impossibilis quam possibilis. Quis enim tractaturus de homine sic incipit: sciendum est hominem diuidi in realem & fictum. Cum ipsi aduersarij tractaturi de ente, sic exordiantur: ens diuiditur in possibile & impossibile.

QVÆSTIO V.

De Possibili.

ARTICVLVS I.

Quid sit possibilitas.

Postquam diuisimus ens amplissime acceptum in possibile & impossibile; operæ pretium facturi sumus, si de vtroque in hac logica parte egerimus. Et primo quidem de possibili dicendum est.

Opiniones de possibili omnes recensere vix est possibile. Præcipuas delibabimus, nostram statuemus. Pro quo supponendum est, inter obiecta quæ intelligimus, & de quibus loquimur, aliqua de facto existere, aliqua non existere sed exitura; aliqua nec exi-

Ad argumentum in forma nega antec. Ad probationem dic etiam aseitatem præscindere ab quâvis illud inferat. Est autem aseitas formalissime independentia à quocunque alio : qui conceptus , vt vides , non attingit obliqua entis reali : quamuis ex independentia recte inferas necessitatem essendi .

Obijcies vltimo. Differentiæ quæ præscindunt ab ente vel sunt differentiæ entis realis, vel entis præscindentis à reali & chimerico : Neutrum dici potest; ergo differentiæ entis non præscindunt ab ente . Minor probatur quia si dicas esse differentias entis præscindentis à reali & chimerico , canis extra chorum, non enim controuertitur hic an rationes contrahentes rationem præscindentem à reali & chimerica , præscindant & ipsæ à reali & chimerica. Si dicas alterum : contra est : quia impossibile est intelligere differentias entis realis quin intelligas differentias reales : quis enim intelligat à ratione non reali contrahi ad hanc vel illam speciẽ, rationem realem ?

Resp: rationale quod dicis præscindere ab animali vel est rationale quod sit animal, vel rationale quod sit indifferens ad animal & non animal: neutrum dici potest; ergo, &c. Minor probatur. Si enim dicas secundum saltas extra choream; non enim querimus hic an rationale huiusmodi præscindat ab animali. Si primum contra est : quia rationale quod non sit animal impossibile est quod contrahat animal .

Dices rationale quod non sit formaliter animal contrahere animal, non autem rationale quod non sit realiter animal. Hoc idem dicen-

dicendum est de quacunque differentia contrahente rationem genericam, cum inter rationes genericas & differentiales non detur vlla distinctio intrinseca ex dictis alibi.

Resp. Idem etiam dici à nobis de differentijs entis. Hæ enim sunt realiter, non vero formaliter ens. Ad argumentum igitur informis. Resp. concessa maiori: negando minorem; & dico differentias quæ præscindunt, esse differentias entis realis: ex eo autem quod sub hoc cōceptu: *differentie entis realis* non præscindant ab ente reali, uon magis inferes neque præscindere sub alio, quam ex hoc, quod subsistent huic conceptui, inferres non posse subsistere alteri.

QVÆSTIO IV.

Virum ens respectu substantiæ & accidentis respectu Dei & Creatura sit genus.

ARTICVLVS I.

Ens respectu Dei & Creaturæ est univocum.

Conclusionem pro titulo positā idem argumentum probat, quod probavit superiores. Nam in hoc conceptu: *id cui non repugnat existere: vel: oppositum chimeræ*, non apparet formaliter differentia creati aut increati, dependentis aut independentis: hæc autem ratio: *id cui non repugnat existere* est realiter & in creato & increato, in creatura & Deo; ergo ens est uni-

vnivocum respectu Dei & creature :

Obijcies primò. In Deo est ens simpliciter, in creatura non est ens simpliciter sed solum secundum quid & diminute: sed ratio quæ in vno extremo reperitur simpliciter, & in altero secundum quid, non est vna in vtroque; ergo ratio entis non est vna in Deo & creatura. Maior probatur per illud Augustini: Domine tu es qui es, ego sum qui non sum: quod dictum fundatur in eo quod Deus ipse loquens seruo suo Moyse dixit: *Ego sum qui sum*: ex quo inferunt, quod esse, sit proprium Dei; & consequenter non sit vnum in Deo & creatura. Confirmatur: quia ens non est vnum in ente & non ente: Deus est ens, creatura non ens; ergo ens non est vnum in Deo & creatura. Maior videtur ex terminis euidens. Quomodo enim potest eadem esse ratio in duobus contradictorijs: hoc est quomodo potest idem esse sui contradictorium: puta eadem ratio in homine & non homine, & quidem ratio hominis; hoc est idem omnino homo non homo. Minor autem probata est per illud Augustini: *tu es qui es, ego sum qui non sum*, quod non esse, ita de se dicit Augustinus vt illud intelligat de omni omnino re creata.

Resp. negando maiorem. Ens dicitur simpliciter & absolute, non autem diminute aut abusive de creatura. Ad probationem dic Deum esse ens indefectibile, & essentialiter existens: creaturam autem esse ens defectuosum, & contingens. Et propterea comparata ad Deum potius non est quam est. Hæc autem comparatio nec apparet in hoc conceptu

ceptu *ens*, nec à creatura, tollit rationem entis simpliciter. Ex hoc patet ad Augustinum.

Ad confirm. omist. ma. neg. mi. cuius falsitas pater ex dictis. Ad illud: non potest eadem ratio esse in duobus contradictorijs. Roga Aduersarium an *rationale* & *non rationale* sint contradictoria? Si neget: ergo neque *ens* & *non ens* sunt contradictoria non enim magis opponuntur *ens* & *non ens*, quam *rationale* & *non rationale*. Si affirmet: ergo eadem ratio potest esse vna in duobus contradictorijs: quia *animal* est vnum in homine & bruto, quorum alterum est *rationale*, alterum *non rationale*: vna, in quam, non re, sed intellectu; quod nihil est aliud quam opposita in aliqua ratione, posse in alia conuenire, quod accidit vbi genus contrahitur per differentias oppositas. Non tamen valet, ergo poterit idem homo esse simul homo & non homo. Ex hoc enim quod homo & non homo conuenire possint in aliqua ratione, non sequitur posse conuenire in ratione hominis. Poterit autem homo & non homo conuenire in aliqua ratione, quæ præscindat formaliter ab homine, & non homine; adeoque ratio quæ neque sit formaliter homo, neque formaliter non homo identificari realiter & cum eo quod est homo, & cum eo quod non est homo.

Verum: quod non contingit in homine alijsue rationibus huiusmodi, haberi potest in aliqua alia magis vniuersali. Puta ratio obiecti potest esse communis obiecto & non obiecto: per hoc enim ipsum quod dicis non obiectum constituis obiectum: sicut per

hoc quod dicis: non cognitum: constituis cognitum: sed de hoc alibi, vbi videlicet de ente rationis. Ad argumentum enim propositum ista non requiruntur. Ens in ea ratione in qua dicitur ens, non est non ens: puta si non ens habet rationem entis in ratione intelligibilis, & ideo dicatur ens, quia est intelligibile, in illa eadem ratione non caret ratione entis, hoc est non est nō ens. Atq; hic indicatur difficultas alibi etiam explicanda: quomodo videlicet *non intelligibile* intelligatur, non cognoscibile cognoscatur, quæ sent apparenter contradictoria; de quibus vbi de ente rationis.

Obijcies secundò. Ens prout est in Deo est essentialiter independens, prout in creatura est essentialiter dependens; ergo ens in Deo & creatura non est vnum. Consequentia probatur quia implicat idem esse dependens & independens.

Resp. quod ens quod est in Deo non semper apparet vt in Deo; neque quod est in creatura, semper apparet vt in creatura: adeoque quamuis in hac sit essentialiter dependens, in illo essentialiter independens; concipitur ab vtraque ratione præcisum, dū præcise sub ratione entis concipitur. In forma responde primò concessio antecedenti, negando consequentiam: secundo: disting. consequens: non est vnum sub ratione entis: nega; sub omni ratione: concede. Ad probationem dic, dependens & independens, posse esse idem, non sub ratione pendens aut independentis; sed sub ratione communi vtrique, videlicet sub ratione entis.

Dices. Creatura in ipsamet ratione entis
est

est dependens à Deo : Deus in ipsamet ratione entis omnino independens; ergo differunt Deus & creatura in ratione entis.

Resp. primò disting. ant. in ipsamet ratione entis realiter concedo, formaliter nego antec. Resp. secundo negando antecedens quia præcisa ratio entis non dicit neque dependentiam neque independentiam; sed in quocunque obiecto sit, si præcise secundum se consideretur, ab utraque præscindit.

Obijcies ultimo. Magis dissimulantur inter se Deus & Creatura, quam substantia & accidens; ergo ex eo quod ens sit uniuocum respectu substantiæ & accidentis, non sequitur esse uniuocum respectu Dei & creaturæ.

Resp. concedendo totum. Non probamus ens esse uniuocum respectu Dei & creaturæ, ex eo quod sit uniuocum respectu substantiæ & accidentis. Sed per illam rationem per quam probamus esse uniuocum respectu substantiæ & accidentis; probamus esse uniuocum respectu Dei & Creaturæ: quia videlicet tam Deus & Creatura sunt id cui non repugnat existere, quam substantia & accidens: & hic conceptus: *id cui non repugnat existere* tam præscindit à Deo & creatura quam a substantia & accidente,

ARTICVLVS II.

Resoluitur questio.

Effe rationem uniuocam respectu plurimū plures pro eodem habent ac esse genus non tamen omnes. Igitur quamuis statuimus ens esse uniuocum respectu substantiæ &

accidentis, Dei & creaturæ: non propterea deerit qui neget hanc consequentiam: ergo est genus: rationes quibus nituntur qui negant; sunt plures. Prima est quia ad rationem generis requiritur ut differentiæ ipsum contrahentes aliquid ipsi superaddant, quod non sit formaliter ipsum: sed differentiæ, inquit, quibus ens contrahitur, nihil ipsi superaddunt quod non sit formaliter ens; ergo ens non est genus. Maiorem probant ex dictis ubi de differentiâ, quam videlicet Philosophus sic definit: *id quo species abundat à genere*. De minori dictum est alibi.

Alij peculiarem difficultatem inveniunt in ente ut sit genus respectu Dei & creature; quamvis facile dent esse genus respectu substantiæ & accidentis. Ut ens sit genus, inquit respectu Dei & creaturæ debet Deus esse species entis: Deus non est species entis; ergo ens non est genus respectu Dei & Creature. Maior patet ex definitione generis. Minor probatur quia species est unum aptum prædicari de pluribus: Deus non est huiusmodi; ergo non est species.

Dicendum est primo contra hanc secundam sententiam. Ad rationem speciei non requiritur prædicabilitas de pluribus. Patet hæc nostra conclusio ex dictis: ubi de specie. Diuisimus enim speciem in speciem prædicabilem & in speciem pure subiicibilem: primam diximus non saluari sine multiplicitate: secundam saluari cum vnicitate. Etiam si enim species rerum immaterialium constituerentur singulæ per singula individua, essentialiter immultiplicabilia intra suam rationem, adhuc essent veræ species, & sustinerent

nerent hanc Philosophi definitionem: *species est quæ collocatur sub assignato genere*: posset igitur Deus quantum est ex hoc capite esse species entis, cum tota sua immultiplicabilitate & vere subijci rationi entis. Subijci, inquam subiectione pure logica, quo etiam genere subiectionis subijcitur quoties dicis: *Deus est ens à se* quod subijci nihil est aliud quam esse subiectum propositionis aliquid dicentis de ipso. Vbi aduerte me non ponere in Deo ullam compositionem obiectiuam, neque ex esse & essentia, neque ex genere & differentia, sed puram compositionem rationis quæ diuinæ simplicitati non officit; immo ut ait D. Thom. in 2. scrip. super 4. lib. sent. lib. 1. dist. 2. art. 2. ad 1. fundatur in ipsa. Docet enim ibi S. Doctor quod Deus quanto est simplicior, tanto est virtuosior, & tanto habens rationem plurius perfectionum. Deum igitur subijci entri modo explicato, nihil aliud est, quam *ens* dici de Deo, & infinitis alijs Deo dissimilibus.

Dicendum est secundo contra primam. Etiam si de ratione generis sit quod differentia aliquid ipsi superaddant, quod non sit formaliter ipsum: ens poterit esse genus. Patet hæc conclusio ex supradictis, ubi ostensum est differentias entis non esse formaliter ens; ex quo sequitur etiam hanc definitionem: *differentia est id quo species abundat à genere*, stare cum hac conclusione: *ens est genus*.

Dicendum tertio. Ad rationem generis non requiritur quod differentia aliquid ipsi superaddant quod non sit formaliter ipsum.

Probatur hæc conclusio item ex dictis: ubi cum veteribus summulitis dimissimus differentias in extrahentes & non extrahentes seu imbibentes: quæ etiam frequenter appellantur pure limitantes: dum enim ait summulista genus contrahi per vtramque speciem differentiarum dicit consequenter ad rationem generis, non requiri ut differentia non imbibat ipsum; adeoque posse ipsum contrahi per differentiam non contradistinctam ab ipso formaliter.

Quæres an etiam tum dici possit speciem per huiusmodi differentiã abundare à genere?

Resp. affirmativè. Etiam si enim modus entis sit formaliter ens, est tamen aliquid formaliter præter ens: nec dubitari potest hunc conceptum: *ens per se*, esse diuersum ab hoc: *ens*: quamvis hic secundus includatur in primo. Petere autem quod assignetur aliquid quod non sit formaliter ens, est inepte petere ab agentibus modum entis non posse præscindere ab ente; adeoque conceptum formaliter expressivum modi entis differre à conceptu expressivo entis ut sic, solum per hoc quod unus vel eandem rem abundantius explicet quam alter, vel per hoc quod per unum aliquid plus realiter sed minus explicitè concipiatur quam per alterum. v.g. hic conceptus: *perseitas* seu *modus essendi per se* explicat rationem substantiæ, quæ etiam realiter attingitur per hunc conceptum *ens*. Sed illã explicat, cū nō explicetur per *li ens*. Ens tamen plus aliquid dicit quam *perseitas*, quia realiter dicit & *perseitatem* & *inalteratam* & quamcunque aliam differentiam huiusmodi.

Cæterum quod etiamſi differentię non præſcindant ab ente, adhuc tamen aliquid includant ſupra enr, oſtenditur ſic. Perſeitas & inalietas etiamſi ambæ includant rationē entis, tamen inter ſe differunt: quis enim dicat nullam eſſe diuerſitatem inter perſeitatē & inalietatem? Non autem differunt ſecundum hanc rationem præciſam *ens*; ergo per aliquid aliud. Minor probatur quia *ens* & *ens* non ſunt duo conceptus diuerſi: quod enim eſt formaliter ens per præciſam rationem entis non differt ab eo quod eſt formaliter ens. Quid autem erit illud aliud niſi modus ipſe ſeu modificatio entis aliter expreſſa per vnum quam per alium conceptum?

Dicendum eſt vltimo. Ens eſt genus reſpectu ſubſtantię & accidentis, Dei & creature. Probatur concluſio ex dictis hic & alibi: nam primo oſteſum eſt ad rationem generis non requiri quod ſpecies ipſi ſubditę omnes ſint prædicabiles: adeoque immultiplicabilitas entis increari non obſtat rationi generis in ratione ipſum & alia entia comprehendente. Secundò oſtenſum eſt quod differentię entis præſcindunt ab ente, adeoque etiamſi neceſſaria eſſet ad rationem generis mutua præciſio ipſius à differentijs & differentiarum ab ipſo, adhuc ex hoc capite teneretur in ente ratio generis. Tertiò oſtenſum eſt ad rationem generis non requiri præciſionem mutuam; cum genus diuidi poſſit per differentias alias extrahentes, alias non extrahentes: & conſequenter ex triplici capite impugnata concluſio, ex nullo expugnabilis eſt. Atque hic obiter nota deciſam hic à nobis litem alibi intentatam; an vi-

delicet ratio transcendens possit esse generica.

ARTICVLVS III.

Colliguntur aliqua ex dictis.

Collige primo rationem entis aliquando adeo vniuersalem esse vt dici possit de non ente. Patet hoc quia negatio est non ens, puta negatio lucis est non esse lucis: da autem dari negationes huiusmodi quod aliqui volunt, poterunt concipi & consequenter esse obiectum alicuius actus nostri intellectus: si igitur ens tam ample patet quam ratio obiecti, ens dicetur de non ente, sed ens amplissime acceptum, de non ente, accipiendo ens negatum per li *non* in significatione minus ampla.

Collige secundo. Quod quemadmodum diuisit Philosophus ens in substantiam & accidens, accipiendo ens pro ente reali: ita etiam ens in ampliori acceptione diuiditur in possibile & impossibile: quam diuisionem satis frequenter inuenies, etiam apud eos qui negant ens in tam ampla significatione usurpari posse vt sit, non modo transcendens, sed etiam supertranscendens. An coherenter ita diuidant & negent, ipsi viderint. Tu in rem tuam trahe quod ita diuidant, & quotiescunque indiges prædicta entis acceptione tam ampla dic te usurpare hoc nomen *ens* secundum illam rationem, secundum quam diuiditur in possibile & impossibile: quam rationem conuertis cum intelligibili.

Quod si aduersarius dicat ens diuidi in
possi-

possibile & impossibile non vt nomen vniuocum sicut diuiditur animal in rationale & irrationale; sed vt nomen æquiuiocum: quo pacto diuiditur homo in realem & fictum; dic quod agentes de homine nunquam præmittunt hanc diuisionem, assignantes eidem scientiæ speculationem vtriusque: cum agentes de ente prædictam diuisionem præmittât utpote tribuentes eidem potentiæ examen seu considerationem tam impossibilis quam possibilis. Quis enim tractaturus de homine sic incipit: sciendum est hominem diuidi in realem & fictum. Cum ipsi aduersarij tractaturi de ente, sic exordiantur: ens diuiditur in possibile & impossibile.

QVÆSTIO V.

De Possibili.

ARTICVLVS I.

Quid sit possibilitas.

Postquam diuisimus ens amplissime acceptum in possibile & impossibile; operæ pretium facturi sumus, si de utroque in hac logicæ parte egerimus. Et primo quidem de possibili dicendum est.

Opiniones de possibili omnes recensere vix est possibile. Præcipuas delibabimus, nostram statuemus. Pro quo supponendum est, inter obiecta quæ intelligimus, & de quibus loquimur, aliqua de facto existere, aliqua non existere sed exitura; aliqua nec exi-

stere nec extitura, sed tamen existere posse. Nos omnes qui sumus, de facto existimus: Antichristus non existit sed extiturus est. Alter mundus nec existit nec extiturus est, posset tamen existere: neque enim dubium est quin Deus multa facere queat, quæ numquam faciet, adeoque quin multa sint possibilia quæ numquam erunt.

Quæritur autem inter Philosophos per quid habeatur possibilitas rerum. Aliqui possibilitatem rei quæ dicitur possibilis existimant haberi adæquate per diuinam omnipotentiam: aiuntque terminum illum, qui dicitur possibilis, puta alium mundum, esse possibilem per denominationem ipsi adæquate extrinsecam à diuina omnipotentia. Hanc possibilitatem quam actiuam vocabimus, meliusque vocaremus potentiam; volūt etiam esse formalem; ita vt per hanc vnā & nullam aliam, res possibilis sit & denominetur possibilis.

Alij non contenti possibilitate illa actiua, quam aiunt congruentius dicendam virtutē actiuam seu effectiuam; ponunt præterea possibilitatem passiuam, quam aiunt vere & proprie possibilitatem vocari. Denominatio enim rei possibilis, est denominatio passiva. Hi vero duas diuiduntur in Classes. Alij enim possibilitatem hanc passiuam seu intrinsecam rei possibili existimant esse ens quoddam æternum, quod abusuū seu diminutum appellant, à quo terminus possibilis est, & denominatur possibilis: p. a. multa quæ hodie nascitur in Apulia, habuit ante quam esset & ab æterno ens quoddam abusuū, seu diminutum, per quod consti-

tueba-

tuebatur possibilis. Huiusmodi entia sunt & fuerunt antequam termini per ipsa denominati veram & physicam existentiam haberent.

Indicatum est à nobis alibi facile fuisse admittentibus huiusmodi entia deminuta decipi in hac voce: *diminutè*, transeundo ab vno sensu ad alium. Puta multi ijq. graues auctores aiunt in hac propositione: *alter mundus est possibilis*, li est importari diminute: hoc est non significare esse simpliciter: & hoc est verum; ab hoc sensu transeunt ad alium, dum putant dari aliquid physice ab æterno, quod sit ens diminutum alius rei quæ dicitur possibilis.

Alij nomine possibilitatis intrinsecæ nihil aliud intelligunt quam obiectiuam quandam seu logicam, termini qui dicitur possibilis, non repugnantiam ad physice & realiter existendum: hoc est non repugnantiam inter prædicata ex quibus constat terminus ille qui denominatur possibilis. Rem facile intelliges exemplificatam. Suppone Petrum possibilem: & in Petro possibili considera tres opiniones hactenus allatas. Prima opinio dicit Petrum denominari possibilem adæquate à diuina omnipotentia; sumendo li *adæquate* cum exclusione omnis alterius rationis à qua denominetur possibilis. Si enim solum diceret, ex eo quod Deus possit facere Petrum, sufficienter inferri Petrum esse possibilem recte quidem diceret; sed nō ad punctum præsentis controuersie. Secunda opinio dicit Petrum esse possibilem per entitaturam quandam physice æternam, existentem extra Deum, quam vocauimus ens

Y 6

dimi-

diminutum, & ait esse possibilitatem intrinsecam Petri. Tertia dicit Petrum esse intrinsece possibilem per hoc præcise quod prædicata intrinsece constituentia Petrum non dicant inter se ullam repugnantiam.

Hæc vltima sententia est nostra & vera. Probatur autem primo reiiciendo secundam quæ inter omnes est improbabilissima. Nam dari huiusmodi entia æterna & necessaria impossibile est nisi admittatur aliquid æternum & necessarium extra Deum: nihil autem huiusmodi debet admitti, ergo possibilitas non consistit in huiusmodi entibus. Maior probatur quia huiusmodi entia non sunt Deus ipse; sunt igitur aliquid distinctum à Deo: omne autem distinctum à Deo est quid creatum: sunt igitur aliquæ creaturæ ab æterno: sed hoc parum esset. Huiusmodi entia non solum sunt æterna sed sunt æque necessaria ac Deus ipse, possibilitas enim cuiuscunque rei possibilis est æque necessaria ac Deus; ergo si possibilitas muscæ habetur per huiusmodi ens diminutum: æque necessario datur huiusmodi ens diminutum ac Deus ipse. Id autem est inconueniens.

Neque quidquam proficit aduersarius dū entia huiusmodi diminuta ita deprimat ut sustineant solum nomen entis abusive. Quo enim viliora sunt huiusmodi entia, eo sunt indigniora haberi pro necessarijs. Certe quid quid sint, aliquid sunt extra Deum; ergo præter Deum datur aliquid quod necessario necessitate metaphysica existit. Hanc eandem sententiam reiiciemus in Physica, ubi de essentia & existentia rerum creatarum.

Probatur secundò nostra sententia quia
per

per illam habetur conceptus uere metaphysicus rei possibilis, ut talis, qui non habetur per primam. Explicatur hoc. Quotiescunque quærimus utrum aliquid sit possibile, non inuestigamus, prædicata essentialia diuinæ omnipotentiae; sed prædicata intrinseca, hoc est constitutiva rei, de qua quæritur an sit possibilis. Puta proponis Aduersario an sit possibilis Creatura independens? statim comparat ista duo prædicata uidelicet prædicatum *creaturæ* & prædicatum *independentis*. Conceptus creaturæ ait ille, est conceptus accipientis esse ab alio; conceptus independentis est conceptus non habentis esse ab alio: habere esse ab alio, & non habere esse ab alio sunt prædicata inter se repugnātia; igitur prædicata constitutiva creaturæ independentis repugnant inter se: adeoque creatura independens est chimera. Rursus proponitur an sit possibilis creatura æterna: comparat rationem *æterni* cum ratione *creaturæ*: & quia non est euidens repugnantia istarum rationum inter se, sed solum probabilis, ideo in scholis alij affirmant, alij negant creaturam æternam esse quid possibile.

Denique proponitur an sit possibilis creatura rationalis: comparamus conceptum *creaturæ* cum conceptu *rationalis*, intelligimus inter hunc & illum conceptum non dari repugnantiam; & affirmamus creaturam rationalem esse quid possibile.

Probatur rursus conclusio detegendo æquiocationem qua decipiuntur qui negant possibilitatem intrinsecam. Fundatur autem huiusmodi æquiocatio in hoc quod putent idem esse dicere possibilitatem intrinsecam,

ac possibilitatem quæ vere & physice sit in rerum natura. Cum autem antequam res sit nihil ipsius sit, sed solum sit potentia effectiva ipsius, nullam aliam possibilitatem agnoscunt quam potentiam rei possibili effectricem, hoc est translativam rei à statu possibilitatis ad statum existentie. Nos autem dum dicimus rem possibilem esse per sua prædicata intrinseca possibilem, consideramus illa prædicata in esse obiectivo, nec enim aliter sunt prædicata rei quam sit res; res est in esse obiectivo; igitur & prædicata ipsius: in istis autem prædicatis hoc modo consideratis, non inuenimus ullam repugnantiam, imo inuenimus non dari ullam repugnantiam, & propterea dicimus rem illam esse possibilem. Vnde eodem modo dicimus dari possibilitatem intrinsecam distinctam à diuina omnipotentia, quo aduersarij dicunt dari terminum diuinæ omnipotentie distinctum à diuina omnipotentia: & quemadmodum negant hominem possibilem secundum id pro quo supponit, esse ipsam met diuinam omnipotentiam, ita negamus possibilitatem formalem hominis possibili esse ipsam met diuinam omnipotentiam; cum homo possibilis sit ipse sibi sua formalis possibilitas, æque rigerose, ac est sua prædicata: puta animal rationale; quæ non dicunt ullam inter se repugnantiam.

Confirmatur hoc idem ex modo quo aduersarij speculantur an aliquid sit possibile; hoc est, an aliquid, sit terminus diuinæ omnipotentie. Si enim quæras ab ipsis an diuina omnipotentia terminari queat ad infinitum categorematicum faciendo magnitudi-

nem aliquam interminatam: statim exami-
nant prædicata constitutiva talis obiecti: &
si putent se inuenisse prædicata inter se pug-
nantia; puta: quod idem esset eidem æquale
& non æquale: statim putant se per hæc præ-
dicata demonstrasse impossibilitatem infini-
ti; si vero modum inueniant liberandi infi-
nitum ab hac prædicatorum repugnantia,
dicunt non esse impossibile infinitum cate-
gorimaticum; & consequenter ad ipsum ter-
minari posse diuinam omnipotentiam. Igi-
tur ex non repugnantia illa inter prædicata
constitutiva rei arguunt dari possibilitatem;
quam vocant actiuam. Nos autem dicimus
per hoc ipsum eos ex possibilitate formali
& intrinseca deduci in cognitionem possibi-
lilitatis actiuæ extrinsecæ. Denique patebit
conclusio ex responsione ad obiectiones.

ARTICVLVS II.

Satisfit obiectionibus.

Solvendæ sunt obiectiones tam quæ pro
prima, quam quæ pro secunda sententia
militant aduersus nostrum. Et quia prima
sententia variè à varijs sustinetur, ideò per
hanc variè nostra veritas impugnatur.

Obijciens primo: Hæc propositio: *Homo est
est animal rationale*, & hæc alia: *Homo est
quid possibile*; sunt propositiones eternæ ve-
ritatis; ergo sunt veræ antequam existat vl-
lus homo, veræ etiam futuræ, etiam si nul-
lus vnquam homo existeret: sed si sunt veræ
eo ipso habent verificatum; ergo istarum
propositionum datur verificatum ante-
quam

quam existat ullus homo, & etiam si non existat ullus homo: sed hoc verificatiuum nequit esse aliquid distinctum à Deo; ergo Deus est verificatiuum istarum propositionum: istæ propositiones verificantur per possibilitatem hominis, ergo Deus est verus, & vna possibilitas hominis. Idem dic de possibilitate alterius mundi, aut cuiuslibet alterius obiecti.

Resp. quòd aliqui hoc argumento cohærenter, aliqui incohærenter vtuntur. Vtuntur cohærenter, qui in tractatu de propositionibus circa futurum contingens, negant alteram ex contradictorijs esse determinatè veram, vel determinatè falsam, ex eo quod, aiunt, desit verificatiuum, aut falsificatiuum existens. Vtuntur incohærenter, qui ad veritatem, vel falsitatem prædictarum propositionum, negant requiri existentiam verificatiui, aut falsificatiui.

Nos cohærenter ad ea, quæ dicturi sumus in libris Perihermenias dicimus hanc propositionem: *Alter mundus est possibilis*, esse necessario veram absque eo quod existat ipse verificatiuum. Verificatur autem hæc propositio per obiectum ipsius, quod non est, sed potest esse: sicut v. g. hæc alia *Antichristus peccabit*, verificatur per peccatum quod non est, sed erit. Ipsa igitur non repugnantia prædicatorum, ex quibus constat mundus, est & verificatiuum propositionis *Mundus est possibilis*, & eiusdem mundi possibilitas.

Dices. Hæc repugnantia non est in rerum natura; ergo nequit esse verificatiuum propositionis: Antecedens probatur. Hæc non

repugnantia identificatur cum altero mundo: alter mundus non est in rerum natura; ergo, &c.

Resp. concessio antecedenti: negando consequentiam. Non valet Antichristus non est in rerum natura; ergo non est homo. Ad hoc ut aliquod obiectum sustineat aliquam denominationem, non est necesse quod sit; cum intellectus vocet, & ea quæ non sunt, & ea quæ sunt. Quando autem dicimus præter possibilitatem actiuam, quæ est potentia effectrix, admittendam esse possibilitatem passiuam: non intelligimus aliter dari hanc possibilitatem, quam detur terminus denominatus possibilis; quem etiam aduersarij fateri debent dari logice, & in esse obiecti; quamuis non detur physice, & in esse rei.

Instabis dari logice nihil est aliud, quam dari cognitionem ipsius; ergo hæc cognitio: *Alter mundus est possibilis*, vera est per se ipsam. Probatur consequentia, quia hæc propositio vera est per esse logicè alterius mundi: esse logicè alterius mundi est hæc ipsa cognitio; ergo hæc cognitio vera est per se ipsam.

Resp. In esse intentionali rei distinguendum esse id, quod intentionaliter est, & intentionem, seu formam, per quam res intentionaliter est. Forma per quam res intentionaliter est, est ipsa met cognitio, id quod intentionaliter est, est obiectum cognitionis. Rursus ipsum met obiectum cognitionis, vel se habet sicut per cognitionem representatur, vel secus: si primo modo: facit veram; si secundo: falsam propositionem. In

pro-

-GIR

propositionibus eternæ veritatis obiectum necessario ita se habet, sicut representatur per ipsas; quandoquidem datur necessaria connexio inter prædicatum, & subiectum ipsarum, quæ propterea dicuntur propositiones necessariae. In forma dist. ant. nihil est aliud physicè: conc. nihil est aliud logicè: nego ant. & conseq. ad probat. cōseq. nego min. ipsummet obiectū est esse logicè sui; quia est id, de quo aliquid dicitur, aut dici potest.

Obijcitur secundo. Si daretur possibilitas intrinseca rei possibilis, huiusmodi possibilitas vel esset quid productum, vel quid improductum; neutrum dici potest, ergo non datur. Sequela maioris probatur, quia inter ens productum, & non productum non datur medium. Minor etiam probatur, quia, si huiusmodi possibilitas est quid productum, cum sit æterna, datur aliquid productum ab æterno; si sit improductum, cum sit aliquid à Deo distinctum, datur aliquid improductum distinctum à Deo: utrumq. autem absurdum est.

Resp. hoc argumentum non facere ad rem: Esse autem contra eos, qui possibilitatem rei constituunt in ente diminuto, quod ab æterno simpliciter sit. Nos autem per possibilitatem intrinsecam nihil aliud intelligimus, quam obiectivam non repugnantiam inter prædicata constituentia terminum, qui denominatur possibilis. Roga igitur adversarios, an terminus ille, qui est possibilis, & ut aiunt, est quid distinctum à sua possibilitate; sit aliquid, vel nihil? Si nihil est, igitur possibilitas illius est possibilitas nihili; & consequenter terminus ip-

se

se possibilis est nihil possibile : si autem aliquid est, vt re ipsa est: pete quid sit, & dum definiunt quid sit, dant tibi id, quod vocas possibilitatem intrinsecam.

Certè non possunt dicere, quòd homo possibilis nihil sit distinctum à diuina omnipotentia. Nam homo possibilis est terminus ille, quem potest facere Deus: sed diuina omnipotentia non est terminus ille, quem potest facere Deus; ergo homo possibilis non est diuina omnipotentia. Roga iam aduersarios, an homò ille possibilis, seu, terminus ille diuinæ omnipotentiae sit aliquid productum, an aliquid improductum. Si sapiunt ridebunt interrogationem tuam: dicent enim terminum illum non esse simpliciter, quamuis sit obiectum diuinæ omnipotentiae, adeoq. non esse quid productum; quod si inferas ergo est quid improductum. Rectè replicabunt: est quid improductum, & existens nego, improductum, & non existens concedo. Ità autem est improductum, vt sit producibile. Esse improductum, & existere solius Dei est, esse improductum, & non existere est etiam impossibile, cum hæc non modo sint improducta, sed etiam improducibilia. Quemadmodum autem hic terminus, seu hoc obiectum diuinæ omnipotentiae *Homo* est quid ab æterno possibile, quamuis non sit ab æterno: ità etiam non repugnantia inter hæc prædicata: *Animal rationale*, est ab æterno possibilitas huius termini *Homo*, quamuis re ipsa ab æterno non sit. Vnde habes ipsum terminum esse sibi suam possibilitatem, & consequenter non aliter dari possibilitatem termini, quam terminus

detur: qui eodem modo est sui possibilitas, quo est sua prædicata intrinseca, & essentialia. Non valet autem: hic terminus non est simpliciter, ergo non est possibilitas sui: nam ut est certum apud Summulistas à propositione de secundo adiacente, non valet ad propositionem de tertio. In forma omissa mai. neg. min. dic esse quid improductum, sed producibile, sicut terminus, cum quo identificatur, & cuius est possibilitas. Ad probationem in contrarium dic improductum existens esse Deum, improductum verò non existens, adeò nō esse Deum, ut possit esse chimera.

Dices. Possibilitas rei identificatur cum existentia rei: ab æterno non datur existentia rei; ergo nec possibilitas. Minor est certa: implicat enim dari existentiam rei, & rem non existere: manifestum est autem Petrum non existere ab æternò; ergo manifestum est existentiam Petri non dari ad æterno. Maior probatur: quia possibilitas rei identificatur cum essentia rei: essentia rei identificatur cum existentia; ergo possibilitas rei identificatur cum existentia.

Resp. hanc obiectionem ingredi quæstionem agitandam in Physica, ubi de essentia, & existentia rerum creatarum. Est autem cōtrouersia, an in rebus creatis essentia, & existentia sint realiter idem; an distinguantur inter se? In qua Thomistæ plerumq. negant identitatem. Alij multi affirmant. Si essentia rei creatæ distinguitur ab existentia, ut inter cæteros docent P. Maurus, facilis est solutio argumenti, quod innititur identitati inter essentiam, & existentiam. Etiam si

autem des essentiam, & existentiam esse realiter idem, non propterea argumentum euadit solutionis difficilis. Ponamus igitur identificari. Ad argumentum in forma dici rei possibilitatem identificari cum existentia possibili: quamuis autem existentia non sit ab eterno, est tamen possibilis ab eterno. Quod dico de possibilitate, & existentia dic de essentia, & existentia. Possibilitas non est physice quamuis sit possibilis. Nec essentia est physice quamuis sit essentia, nec existentia est physice, quamuis sit existentia; eodem igitur modo identificatur possibilitas cum existentia, quo est. Quærere autem an illa possibilitas, quæ actu, & physice non est, possit actu denominare terminum possibilem, est quærere, utrum possint esse actu veræ aliquæ denominationes, absq. eo quod detur actu forma denominans. In qua questione respondemus affirmatiuè. Imò non solum id quod nec est, nec erit, imò etiam quod nec est, nec esse potest sustinere, potest hanc, vel illam denominationem, v. g. chimera potest dici actu impossibilis.

Quomodo autem vna eademque entitas tribuat hanc, non autem illam denominationem actu, cum actu non sit, habetur ex diuerso modo, quo per diuersa nomina res eadem importatur. Exemplo rem explico. Hæc propositio: *Essentia hominis est æterna*. Item hæc alia. *Possibilitas hominis est æterna*; solet ab intelligentibus concedi: hæc autem alia: *Existentia hominis est æterna*, nequit concedi: cum tamen possibilitas, essentia, & existentia sint realiter idem. Unde, hæc propositio: *Existentia hominis est æterna*.

na: posset distinguere: existentia est æterna æternitate possibilitatis, & essentiæ; concedo: æternitate simpliciter: nego. aliter: est æterna, quidditative: concedo; est æterna, simpliciter: nego. Ratio est, quia quamvis sit eadem entitas, essentia, & existentia tamen quando dicitur dari existentiam, intelligitur dari rem simpliciter: quando autem dicitur æternam esse existentiam dicitur rem ab æterno esse: Quando autem dicis dari possibilitatem rei, non dicis rem esse simpliciter, sed solum in conceptu obiectivo, seu in obiecto, quod concipis non dari repugnantiam ad existendum: hæc omnia clariùs patebunt ubi de essentia, & existentia rerum creaturarum: interim nomine essentiæ nihil aliud intelligas, quam complexionem prædicatorum, ex quibus res constat; quam diximus alibi esse æternam: nomine autem existentia nihil aliud intelligas, quam rationem, per quam talis complexio physice est in rerum natura: quod si qualibet res per seipsam formaliter est, quando est, essentia, & existentia non sunt duæ res, sed vna. Porro hanc complexionem dum dicimus esse æternam, intelligimus de esse logicè, non autem de esse physice; eum nihil sit æternum præter Deum.

Obijcitur tertio. Si daretur possibilitas intrinseca rei possibili, sequeretur Deum ex se non esse sufficientem possibilitatem rei possibilis; consequens est falsum; ergo & antecedens. Sequela maioris probatur, quia agens, quod requirit potentiam passivam ad producendum terminum non est sufficiens possibilitas talis termini: ita agens crea-

creatum non est sufficiens possibilitas formæ, quæ educit de potentia subiecti. Et consequenter hæc sententia derogat diuinæ omnipotentia; & agens increatum redigit ad conditionem agentis creati.

Resp. hoc argumentum laborare in supposito. Huius infirmitas patet ex hoc discursu. Ad hoc, vt Deus creet aliquid, illud aliquid debet esse quid distinctum ab ipso; ergo Deus constituitur sufficiens ad creandum quidlibet per aliquid à se distinctum. Dic igitur diuinam omnipotentiam esse possibilitatem adæquatam, sed in genere causæ efficientis; & continere in se totam perfectionem cuiuslibet rei efficiendæ; non autem esse possibilitatem passiuam, sicut non est terminus. Sicut autem non est contra diuinam sufficientiam, quod non possit creare, nisi terminum à se distinctum, ita nec est contra eandem, quod non possit nisi terminum intrinsecè non repugnantem: sicut autem non dicit aduersarius Deum constitui potentem, seu sufficientem creare per ipsummet terminum; ita nec nos dicimus constitui potentem creare per possibilitatem passiuam, quæ nihil aliud est, quam ipsemet terminus.

Ad id, quod dicitur de agente creato, ad cuius ignobilitatem videtur deprimi Deus, dum admittitur possibilitas passiuæ, dic Deum non præsupponere, imò nec supponere potentiam passiuam physicam, sed solum logicam. Potentia passiuæ physica supponitur ab agente creato, quia hoc ex nihilo nihil facit. Potentia passiuæ logica supponitur à Deo, quia Deus nihil facit, quod ex prædicatis repugnantibus conflict; hoc est
nihil

nihil facit impossibile. Ineptum est autem ex eo quod deficiente ista possibilitate intrinseca, arguas Deum non posse facere, existimare diuinam omnipotentiam per huiusmodi possibilitatem constitui: sicut ineptum est ex eo quod diuina omnipotentia nequeat hoc, & illud, arguere impossibilitatem huius & illius obiecti in diuina omnipotentia consistere. Et vniuersaliter loquendo, quæ se mutuo inferunt, & auferunt, non propterea mutuo se constituunt.

QVÆSTIO VI.

De Impossibili.

ARTICVLVS I.

Quid sit Impossibile.

POSSIBILI opponitur impossibile, adeoque per definitionem possibilis facile deuenitur in cognitionem impossibilis. Quemadmodum enim possibile est id, cuius prædicata non se mutuo destruunt, seu quod non inuoluit repugnantiam in prædicatis ipsum constituentibus: sic etiam impossibile rectè dicetur id, cuius prædicata se inuicem destruunt, seu quod in prædicatis ipsum constituentibus repugnantiam inuoluit.

Porro quemadmodum sententia primo loco relata de possibili, ponit proadequata, & vnica possibilitate termini possibilis, diuinam

uinam essentiam, sic etiam, echaerenter philosophando, pro impossibilitate rei impossibilis, ponit eandem diuinam essentiam, sine vlla prorsus impossibilitate passiuā, siue intrinseca termino; qui dicitur impossibilis. Dicunt igitur hi, quod diuina essentia est, & possibilitas omnium possibilium, & impossibilitas omnium impossibilium.

Aduertendum est autem hic id, quod alibi diximus, videlicet aduersarios vt ponant, seu probent diuinam omnipotentiam terminari non posse ad Hyrcoceruum, seu quod idem est Hyrcoceruum esse impossibile, ostendere quod in Hyrcoceruo reperiuntur prædicata contradictoria: puta Hyrcum, & non Hyrcum, Ceruum, & non Ceruum. Hoc enim intelligunt Philosophi nomine Hyrcocerui; siue enim hoc, siue alio nomine quodlibet impossibile appellent, semper intelligunt obiectum, quod inuoluat esse, & non esse eiusdem prædicati. Hinc ridiculus esset qui probare vellet Hyrcoceruum non esse quod impossibile; eo quod posset per diuinam omnipotentiam in vna eademq. materia poni, & anima Hyrci, & anima Cerui: adeoq. idem esse, & Hyrcus, & Ceruus; & vno nomine Hyrcoceruus. Hic inquam ridiculus esset, nec diceret ad punctum præsentis controuersie, in qua non quaritur an hoc, & illud obiectum sit quid impossibile? sed quid sit impossibile?

Nos igitur quemadmodum diximus præter possibilitatem actiuam admittendam esse possibilitatem passiuam intrinsecam rei possibili, ipsam scilicet non repugnantiam inter prædicata rem constituentia: sic etiam

dicimus præter impossibilitatem actiuam; nimirum præter repugnantiam, quæ in Deo est ad ponendum id, quod dicitur impossibile, seu ad ponendum, & non ponendum idem; admittendam insuper impossibilitatem passiuam intrinsecam rei impossibilitatis ipsam scilicet repugnantiam inter prædicta constituentia obiectum, quod dicitur impossibile. Inio D. Thomam secuti, dicimus non tam recte dici: Deus nequit facere hoc, & illud obiectum, quàm hoc, & illud obiectum fieri nequit à Deo Quia videlicet impossibilitas obiecti intelligitur ex prædictis obiecti, ex quibus patet diuinam virtutem ad ipsum terminari non posse.

Propterea dicimus impossibile à possibili differre intrinsecè: quia alterum excludit, alterum includit repugnantiam inter prædicta ipsum constituentia. Ineptum autem est hic obijcere: neutrum intrinsece est, ergo neutrum ab altero intrinsece differt: quod idem diceret de duobus possibilibus specie diuersis, puta de homine, & equo: nam nec homo possibilis, nec equus possibilis intrinsece sunt; ergo homo, & equus possibiles non differunt intrinsece. Ineptum est inquam sic æquiuocari in hac voce *Intrinsece*, quasi verò per esse *Intrinsece* intelligeremus esse simpliciter, non autem esse in mera ratione obiecti includentis hæc & illa prædicta. Quamuis igitur simpliciter non sint, sunt tamen simpliciter dissimilia. & quamuis intrinsece non sint, sunt tamen intrinsece dissimilia: quia, vt sæpius dictum est; à non esse, non valet ad non esse hoc & illud: nos autem per esse intrinsece
hoc

hoc & illud, nihil aliud intelligimus, quam constare ex his, vel illis prædicatis, ita dicimus Antichristum esse intrinsecè hominem; dicere enim Antichristum esse hominem per denominationem extrinsecam, putamus absurdum ex terminis.

Habes ex dictis impossibile per suummet conceptum quidditativum esse rationem sui ipsius exclusivam è rerum natura; quod enim per seipsum est id, quod non potest existere; habet de seipso excludere à se omnem existentiam physicam. An verò cum exclusione essentiali omnis existentiae physicae possit habere aliquam existentiam intentionalem quarendum est sequenti articulo.

A R T I C V L V S II.

An detur ens rationis metaphysicum.

Impossibile adeò nequit existere, ut per hanc ipsam existendi impotentiam recte definiatur. Dum autem quæritur, an saltem existere possit intentionaliter, hoc est, an saltem concipi possit? quæritur, quod alij alijs terminis proponunt: an detur ens rationis metaphysicum: hoc est, an intellectui nostro ita repræsentari possit aliquid impossibile; ut obiectum terminans nostram cognitionem sit aliquid inuoluens prædicata sese mutuo destruentia.

In hac contronersia multi ex recentioribus negant dari ens rationis metaphysicum, seu vllum obiectum inuoluens contradictoria terminare vllum actum nostri intellectus. Aiunt autem hoc & illud obiectum denominari impossibile per tendentiam no-

propositionibus eternæ veritatis obiectum necessariò ità se habet, sicut repræsentatur per ipsas; quandoquidem datur necessaria connexio inter prædicatum, & subiectum ipsarum, quæ propterea dicuntur propositiones necessariae. In forma dist. ant. nihil est aliud physicè: conc. nihil est aliud logicè: nego ant. & conseq. ad probat. cōseq. nego min. ipsummet obiectū est esse logicè sui; quia est id, de quo aliquid dicitur, aut dici potest.

Obijcitur secundo. Si daretur possibilitas intrinseca rei possibilis, huiusmodi possibilitas vel esset quid productum, vel quid improductum; neutrum dici potest, ergo non datur. Sequela maioris probatur, quia inter ens productum, & non productum non datur medium. Minor etiam probatur, quia, si huiusmodi possibilitas est quid productum, cum sit æterna, datur aliquid productum ab æterno; si sit improductum, cum sit aliquid à Deo distinctum, datur aliquid improd-
uctum distinctum à Deo: vtrumq. autem absurdum est.

Resp. hoc argumentum non facere ad rem: Esse autem contra eos, qui possibilitatem rei constituunt in ente diminuto, quod ab æterno simpliciter sit. Nos autem per possibilitatem intrinsecam nihil aliud intelligimus, quàm obiectiuam non repugnantiam inter prædicata constituentia terminum, qui denominatur possibilis. Roga igitur aduersarios, an terminus ille, qui est possibilis, & vt aiunt, est quid distinctum à sua possibilitate; sit aliquid, vel nihil? Si nihil est, igitur possibilitas illius est possibilitas nihili; & consequenter terminus ipse
se

se possibilis est nihil possibile: si autem aliquid est, ut re ipsa est: pete quid sit, & dum definiunt quid sit, dant tibi id, quod vocas possibilitatem intrinsecam.

Certè non possunt dicere, quòd homo possibilis nihil sit distinctum à diuina omnipotentia. Nam homo possibilis est terminus ille, quem potest facere Deus: sed diuina omnipotentia non est terminus ille, quem potest facere Deus; ergo homo possibilis non est diuina omnipotentia. Roga iam aduersarios, an homo ille possibilis, seu terminus ille diuinæ omnipotentiae sit aliquid productum, an aliquid improductum. Si sapiunt ridebunt interrogationem tuam: dicent enim terminum illum non esse simpliciter, quamuis sit obiectum diuinæ omnipotentiae, adeoq. non esse quid productum; quod si inferas ergo est quid improductum. Rectè replicabunt: est quid improductum, & existens nego, improductum, & non existens concedo. Ità autem est improductum, ut sit producibile. Esse improductum, & existere solius Dei est, esse improductum, & non existere est etiam impossibile, cum hæc non modo sint improducta, sed etiam improductibilia. Quemadmodum autem hic terminus, seu hoc obiectum diuinæ omnipotentiae *Homo* est quid ab æterno possibile, quamuis non sit ab æterno: ità etiam non repugnantia inter hæc prædicata: *Animal rationale*, est ab æterno possibilitas huius termini *Homo*, quamuis re ipsa ab æterno non sit. Vnde habes ipsum terminum esse sibi suam possibilitatem, & consequenter non aliter dari possibilitatem termini, quam terminus;

detur: qui eodem modo est sui possibilitas, quo est sua prædicata intrinseca, & essentialia. Non valet autem: hic terminus non est simpliciter; ergo non est possibilitas sui: nam ut est certum apud Summulistas à propositione de secundo adiacente, non valet ad propositionem de tertio. In forma omissa mai. neg. min. dic esse quid improductum, sed producibile, sicut terminus, cum quo identificatur, & cuius est possibilitas. Ad probationem in contrarium dic improductum existens esse Deum, improductum vero non existens, adeò nō esse Deum, ut possit esse chimera.

Dices. Possibilitas rei identificatur cum existentia rei: ab æterno non datur existentia rei; ergo nec possibilitas. Minor est certa: implicat enim dari existentiam rei, & rem non existere: manifestum est autem Petrum non existere ab æternò; ergo manifestum est existentiam Petri non dari ad æterno. Maior probatur: quia possibilitas rei identificatur cum essentia rei: essentia rei identificatur cum existentia; ergo possibilitas rei identificatur cum existentia.

Resp. hanc obiectionem ingredi quæstionem agitandam in Physica, ubi de essentia, & existentia rerum creatarum. Est autem cōtrouersia, an in rebus creatis essentia, & existentia sint realiter idem; an distinguantur inter se? In qua Thomistæ plerumq. negant identitatem. Alij multi affirmant. Si essentia rei creatæ distinguitur ab existentia, ut inter cæteros docent P. Maurus, facilis est solutio argumenti, quod innititur identitati inter essentiam, & existentiam. Etiam si

autem des essentiam, & existentiam esse realiter idem, non propterea argumentum euadit solutionis difficilis. Ponamus igitur identificari. Ad argumentum in forma dic rei possibilitatem identificari cum existentia possibili: quamuis autem existentia non sit ab eterno, est tamen possibilis ab eterno. Quod dico de possibilitate, & existentia dic de essentia, & existentia. Possibilitas non est physice quamuis sit possibilis. Nec essentia est physice quamuis sit essentia, nec existentia est physice, quamuis sit existentia; eodem igitur modo identificatur possibilitas cum existentia, quo est. Quærere autem an illa possibilitas, quæ actu, & physice non est, possit actu denominare terminum possibilem, est quærere, utrum possint esse actu veræ aliquæ denominationes, absq. eo quod detur actu forma denominans. In qua quæstione respondemus affirmatiuè. Imò non solum id quod nec est, nec erit, imò etiam quod nec est, nec esse potest sustinere, potest hanc, vel illam denominationem, v. g. chimera potest dici actu impossibilis.

Quomodo autem vna eademque entitas tribuat hanc, non autem illam denominationem actu, cum actu non sit, habetur ex diuerso modo, quo per diuersa nomina res eadem importatur. Exemplo rem explico. Hæc propositio: *Essentia hominis est æterna*. Item hæc alia: *Possibilitas hominis est æterna*: solet ab intelligentibus concedi: hæc autem alia: *Existentia hominis est æterna*, nequit concedi: cum tamen possibilitas, essentia, & existentia sint realiter idem. Unde, hæc propositio: *Existentia hominis est æterna*:

na : posset distingui : existentia est aeterna aeternitate possibilitatis, & essentiae ; concedo : aeternitate simpliciter : nego. aliter : est aeterna, quidditatiue : concedo ; est aeterna, simpliciter : nego. Ratio est, quia quamuis sit eadem entitas, essentia, & existentia tamen quando dicitur dari existentiam, intelligitur dari rem simpliciter : quando autem dicitur aeternam esse existentiam dicitur rem ab aeterno esse : Quando autem dicis dari possibilitatem rei, non dicis rem esse simpliciter, sed solum in conceptu obiectiuo, seu in obiecto, quod concipis non dari repugnantiam ad existendum : haec omnia clariùs patebunt ubi de essentia, & existentia rerum creatarum : interim nomine essentiae nihil aliud intelligas, quam complexionem praedicatorum, ex quibus res constat ; quam diximus alibi esse aeternam : nomine autem existentiae nihil aliud intelligas, quam rationem, per quam talis complexio physice est in rerum natura : quod si qualibet res per seipsam formaliter est, quando est, essentia, & existentia non sunt duae res, sed vna. Porro hanc complexionem dum dicimus esse aeternam, intelligimus de esse logicè, non autem de esse physice ; eum nihil sit aeternum prae-ter Deum.

Obijecitur terriò. Si daretur possibilitas intrinseca rei possibili, sequeretur Deum ex se non esse sufficientem possibilitatem rei possibili ; consequens est falsum ; ergo & antecedens. Sequela maioris probatur, quia agens, quod requirit potentiam passiuam ad producendum terminum non est sufficiens possibilitas talis termini : ita agens crea-

creatum non est sufficiens possibilitas formæ, quæ educit de potentia subiecti. Et consequenter hæc sententia derogat, diuinæ omnipotentiae; & agens increatum redigit ad conditionem agentis creati.

Resp. hoc argumentum laborare in supposito. Huius infirmitas patet ex hoc discursu. Ad hoc, vt Deus creet aliquid, illud aliquid debet esse quid distinctum ab ipso; ergo Deus constituitur sufficiens ad creandum quidlibet per aliquid à se distinctum. Dic igitur diuinam omnipotentiam esse possibilitatem adæquatam, sed in genere causæ efficientis; & continere in se totam perfectionem cuiuslibet rei efficiendæ; non autem esse possibilitatem passiuam, sicut non est terminus. Sicut autem non est contra diuinam sufficientiam, quod non possit creare, nisi terminum à se distinctum, ita nec est contra eandem, quod non possit nisi terminum intrinsecè non repugnantem: sicut autem non dicit aduersarius Deum constitui potentem, seu sufficientem creare per ipsum met terminum; ita nec nos dicimus constitui potentem creare per possibilitatem passiuam, quæ nihil aliud est, quam ipsemet terminus.

Ad id, quod dicitur de agente creato, ad cuius ignobilitatem videtur deprimi Deus, dum admittitur possibilitas passiuæ, dic Deum non præsupponere, imò nec supponere potentiam passiuam physicam, sed solum logicam. Potentia passiuæ physica supponitur ab agente creato, quia hoc ex nihilo nihil facit. Potentia passiuæ logica supponitur à Deo, quia Deus nihil facit, quod ex prædicatis repugnantibus conflict; hoc est
nihil

nihil facit impossibile. Ineptum est autem ex eo quod deficiente ista possibilitate intrinseca, arguas Deum non posse facere, exstinguere diuinam omnipotentiam per huiusmodi possibilitatem constitui: sicut ineptum est ex eo quod diuina omnipotentia nequeat hoc, & illud, arguere impossibilitatem huius & illius obiecti in diuina omnipotentia consistere. Et vniuersaliter loquendo, quæ se mutuo inferunt, & auferunt, non propterea mutuo se constituunt.

QVÆSTIO VI.

De Impossibili.

ARTICVLVS I.

Quid sit Impossibile.

POSSIBILI opponitur impossibile, adeoque per definitionem possibilis facile deuenitur in cognitionem impossibilis. Quemadmodum enim possibile est id, cuius prædicata non se mutuo destruunt, seu quod non inuoluit repugnantiam in prædicatis ipsum constituentibus: sic etiam impossibile rectè dicetur id, cuius prædicata se inuicem destruunt, seu quod in prædicatis ipsum constituentibus repugnantiam inuoluit.

Porro quemadmodum sententia primo loco relata de possibili, ponit proadequata, & vnica possibilitate termini possibilis, diuinam

uinam essentiam, sic etiam; coherenter philosophando, pro impossibilitate rei impossibilis, ponit eandem diuinam essentiam, sine vlla prorsus impossibilitate passiva, siue intrinseca termino; qui dicitur impossibilis. Dicunt igitur hi, quod diuina essentia est, & possibilitas omnium possibilium, & impossibilitas omnium impossibilium.

Aduertendum est autem hic id, quod alibi diximus, videlicet aduersarios vt ponant, seu probent diuinam omnipotentiam terminari non posse ad Hyrcoceruum, seu quod idem est Hyrcoceruum esse impossibile, ostendere quod in Hyrcoceruo reperiuntur prædicata contradictoria: puta Hyrcum, & non Hyrcum, Ceruum, & non Ceruum. Hoc enim intelligunt Philosophi nomine Hyrcocerui; siue enim hoc, siue alio nomine quodlibet impossibile appellent, semper intelligunt obiectum, quod inuoluat esse, & non esse eiusdem prædicati. Hinc ridiculus esset qui probare vellet Hyrcoceruum non esse quod impossibile; eo quod posset per diuinam omnipotentiam in vna eademq. materia poni, & anima Hyrci, & anima Cerui: adeoq. idem esse, & Hyrcus, & Ceruus; & vno nomine Hyrcoceruus. Hic inquam ridiculus esset, nec diceret ad punctum præsentis controuersie, in qua non quaritur an hoc, & illud obiectum sit quid impossibile? sed quid sit impossibile?

Nos igitur quemadmodum diximus præter possibilitatem actiuam admittendam esse possibilitatem passiuam intrinsecam rei possibili, ipsam scilicet non repugnantiam inter prædicata rem constituentia: sic etiam

hoc & illud, nihil aliud intelligimus, quam constare ex his, vel illis prædicatis, ita dicimus Antichristum esse intrinsecè hominem; dicere enim Antichristum esse hominem per denominationem extrinsecam, putamus absurdum ex terminis.

Habes ex dictis impossibile per suummet conceptum quidditativum esse rationem sui ipsius exclusivam è rerum natura; quod enim per seipsum est id, quod non potest existere; habet de seipso excludere à se omnem existentiam physicam. An verò cum exclusione essentiali omnis existentiae physicae possit habere aliquam existentiam intentionalem querendum est sequenti articulo.

A R T I C V L U S II.

An detur ens rationis metaphysicum.

Impossibile adeò nequit existere, ut per hanc ipsam existendi impotentiam recte definiatur. Dum autem queritur, an saltem existere possit intentionaliter, hoc est, an saltem concipi possit? queritur, quod alij alijs terminis proponunt: an detur ens rationis metaphysicum: hoc est, an intellectui nostro ita repræsentari possit aliquid impossibile; ut obiectum terminans nostram cognitionem sit aliquid involuens prædicata sese mutuo destruentia.

In hac contronersia multi ex recentioribus negant dari ens rationis metaphysicum, seu vllum obiectum involuens contradictoria terminare vllum actum nostri intellectus. Aiunt autem hoc & illud obiectum denominari impossibile per tendentiam no-

stri intellectus essentialiter indebitam in plura obiecta possibile; putà quando concipis Hyrcoceruum nullum obiectum præter Hyrcum, & Ceruum, terminat hanc tuam cognitionem: tam autem Hyrcus, quàm Ceruus sunt quid possibile. Quia tamen tali modo tendendi versaris circa Hyrcum, & Ceruum, ut exerceas vias in identitatem quandam Hyrcum, & Ceruum, hoc est obiecta essentialiter inunibilia; propterea hoc obiectum denominatur impossibile. Alijs terminis idem significant, dum aiunt, te concipere impossibile exercitè, nō signate, intransitiuè; non transitiue; hoc est versari te circa obiecta modo essentialiter inuenerificabili, non autem circa obiectum collans prædicatis inter se pugnantibus.

Alij asserunt verè, & propriè concipi ipsummet impossibile: ita ut ex parte obiecti respondeat actui nostri intellectus aliquid inuoluens prædicata repugnantia: siue ita ut obiectum ad quod terminatur nostra cognitio, sit id cui repugnat existerè physice, adeoque aiunt dari ens rationis metaphysicum; quod communiter definitur: *Id quod habet esse tantum obiectiue in intellectu.* Ly *Tantum* excludente non solum actum, sed etiam potentiam existendi realiter, & physice.

Hæc secunda sententia tenenda est. Probatur autem primo, quia illi ipsi, qui negant concipi impossibile, concipiunt impossibile; ergo impossibile concipitur, & fit ens rationis. Obiter nota nos in definitione entis rationis omnino præscindere ab hoc, an sit fictitium vel secus; hoc enim quæremus postea. Interim probabis antecedens in-

terrogando aduersarios, an concipiant id quod negant, an non? Si concipiant, habes intentum; cum negent impossibile: si non concipiant, temere negant; non enim negari debet id, quod non intelligitur.

Explicatur hoc idem. Si id quod concipiunt quando concipiunt *Hircoceruum* nihil est distinctum à possibili nihil concipiunt esse, de quo dicere possint: est impossibile: sed dū concipiunt *Hircoceruum* nihil concipiunt distinctum à possibili; ergo nihil concipiunt, de quo dicere possint. est impossibile: quomodo igitur dicunt: *Hircoceruus est impossibilis*: cum nec in obiecto quod attingunt, nec in modo quo attingunt quidquam reperiatur, quod non sit possibile. In obiecto nihil esse impossibile ipsi fatentur. In modo nihil esse impossibile, est euidens, quandoquidem de facto datur talis modus tendendi: & consequenter cōplexū ex tali obiecto, & tali modo tendēdinō est quid impossibile: & tñ certū est etiam aduersarios de multis dicere quod sint impossibilia.

Rem facile intelliges in hac alia propositione, *Vnio*, siue *vnitas Hyrci*, & non *Hyrci* est impossibilis. Roga quæ nam sit illa *vnio*, de qua pronuntiatur, quod sit impossibilis. Certē non est *vnio* intentionalis, hæc enim fit de facto, dum in hæc obiecta modo essentialiter indebito tendit intellectus: est igitur *vnio* obiectiua, ad quam videlicet terminatur actus nostri intellectus, de qua dicimus; quod sit impossibilis.

Denique probatur eadem conclusio ex definitione. Datur aliquod obiectum, quod ita est obiectum intellectus, vt nec existat,

nec existere possit; ergo datur ens rationis. Antecedens probatur ex non repugnantia huiusmodi obiecti, non datur necessitas, ut quidquid terminat tendentiam nostri intellectus possit realiter existere; ergo aliquid impotens existere, potest terminare aliquem actum nostri intellectus. Antecedens probatur respondendo obiectionibus, quibus conantur aduersarij probare nihil posse esse obiectiue in intellectu, quin possit esse realiter.

ARTICVLVS III.

Satisfit obiectionibus.

O Bjicies primò. Nihil est in intellectu quod prius non fuerit in sensu: sed impossibile nequit esse in sensu; ergo nec in intellectu, Maior habetur pro axioma. Minor est manifesta, sensus enim non percipit nisi sensibilia.

Resp. disting. maior. nihil est, &c. quod prius non fuerit in sensu; vel per species proprias, vel per alienas: concedo maiorem; quod nò fuerit in sensu per species proprias: nego maiorem; & eodem modo distincta minori: nego consequentiam. Certum est obiectum impossibile non emittere species cum neque sit, neque esse possit; sed quam multa intelligimus sine proprijs speciebus mutuantes ab alienis obiectis species, quibus hæc & illa obiecta nostris mentibus obijciamus?

Obijcies secundò. Chimera est extra obiectum adæquatum nostri intellectus: id quod est.

est extra obiectum adequatum intellectus, nequit concipi; ergo Chimera nequit concipi. Minor est evidens; nulla enim potentia ultra suum obiectum suos actus extendit. Potentia visiva ultra coloratum nihil percipit; potentia auditiva nihil ultra sonorum. Maior probatur: quia obiectum adequatum intellectus est ens: Chimera non est ens; ergo est extra obiectum adequatum nostri intellectus.

Resp. neg maiorem. Ad probationem: dic obiectum adequatum intellectus esse ens, secundum illam latitudinem acceptum, secundum quam non solum possibilia, sed etiam impossibilia comprehendit, ex quo patet ad argumentum.

Obijcies tertio. Impossibile est id quod si esset, eo ipso non esset: id quod si esset eo ipso non esset nequit esse actu obiectum intellectus; ergo impossibile nequit esse actu obiectum intellectus. Maior probatur quia impossibile est id quod involuit contradictoria: sed quod involuit contradictoria, si esset, eo ipso non esset; ergo impossibile est id quod si esset eo ipso non esset. Confirmatur & explicatur hoc idem. Accipe Hyrcoceruum siue Hyrcum non Hyrcum; eo ipso quod est Hyrcus non Hyrcus, non est Hyrcus non Hyrcus; ergo non solum si esset eo ipso non esset, sed etiam si esset id quod esset, eo ipso non esset id quod esset. Probatur quia eo ipso quod non est neque Hyrcus neque non Hyrcus, non est Hyrcus non Hyrcus: Hyrcus enim non Hyrcus est aliquid constans ex Hyrcis & non Hyrcis tamquam ex partibus constituentibus; deficientibus autem par-

tibus deficit totum; & consequenter deficiente vel Hyrcō, vel non Hyrcō, deficit totum ex Hyrcō & non Hyrcō compositum; si autem deficiente quolibet, à fortiori deficiente utroque.

Quod autem eo ipso quod ponitur Hyrcus non Hyrcus, non ponatur neque Hyrcus neque non Hyrcus: probatur; quia ista duo sese mutuo destruunt, ita ut vnum extremū sit formale destructiuum alterius. Hyrcus enim est formale exclusiuū negationis Hyrci; & negatio Hyrci, formale exclusiuum Hyrci.

Resp. hac obiectione probari exercite quod impugnantur signate: dum enim Hyrcum non Hyrcum mente reuoluit Aduersarius, & identitatem inter duo sese mutuo destruentia: facit id quod negat fieri posse.

Potes igitur ad argumentum cōcedere maiorem vel potius omittere & negare minorem. Etiam si enim impossibile sit id quod eo ipso quod est, se ipsum excludit ab esse, non propterea non potest terminare tendentiam nostri intellectus hoc ipsum affirmantis de ipso: neque enim difficilius est nostro intellectui concipere Hyrcocernum non Hyrcocernum, seu Hyrcum non Hyrcum qui neque sit Hyrcus neque non Hyrcus, neque Hyrcus non Hyrcus, quam concipere solum Hyrcum non Hyrcum, hoc est; non est difficilius intellectui nostro attingere identitatē inter chimeram & non chimeram, quam inter duo contradictoria: utraque autem identitas est chimerica: tam enim implicat chimeram non esse chimeram, seu esse non chimeram, quam Hyrcum v. g. non esse Hyrcum

cum, aut esse non Hyrcum. Itaque transeat quod si esset id quod esset, eo ipso non esset id quod esset: quid inde? an propterea hoc ipsū non poterit attingi ab intellectu? Quod autem duo extrema ex quibus cōstituitur Hyrcoceruum se mutuo destruant, non est cur laboret in hoc probando aduersarius, hoc enim ipsum ponis pro impossibili: videlicet quod prædicatis constet se mutuo destruentibus.

Dices: ex hac repugnantia in prædicatis obiecti arguitur repugnantia in cognitione; ergo cognitio terminata ad huiusmodi obiectum est impossibilis. Antecedens probatur: quia esse repræsentationem Hyrci & non Hyrci, & non esse repræsentationem neque Hyrci neque non Hyrci sunt prædicata contradictoria: hæc conuenirent cognitioni terminatæ ad Hyrcum non Hyrcum; ergo cognitioni huiusmodi conuenirent prædicata contradictoria. Maior videtur manifesta quia repræsentare vtrunque prædicatum, & neutrum, includit contradictoria. Minor autem probatur: quia eo ipso quod obiectū non sit neque Hyrcus neque non Hyrcus; cognitio terminata ad ipsum non est repræsentatio neque Hyrci neque non Hyrci: sed eo ipso quod est Hyrcus non Hyrcus, non est neque Hyrcus neque non Hyrcus; ergo eo ipso cognitio terminata ad ipsum non est repræsentatio neque Hyrci neque non Hyrci: ex alio capite est repræsentatio Hyrci nō Hyrci, adeoque Hyrci & non Hyrci; ergo est simul repræsentatio vtriusque & simul neutrius.

Confirmatur & explicatur hoc idem.

Quemadmodū formalis realis inclusio Hyrci est formalis realis exclusio non Hyrci; ita formalis intēctionalis inclusio Hyrci est formalis intēctionalis exclusio non Hyrci; ergo quemadmodum per Hyrcum realiter excluditur realiter non Hyrcus; ita etiam per Hyrcum intēctionaliter excluditur intēctionaliter non Hyrcus. Et consequenter sicut existentia realis Hyrci est realis exclusio nō Hyrci; ita etiam intēctionalis existentia Hyrci est intēctionalis exclusio non Hyrci: esse autem existentiam intēctionalem & intēctionalem exclusionē Hyrci & non Hyrci, est esse existentiam intēctionalem & non existentiam intēctionalem Hyrci.

Resp. neg. ant. Ad probat. dist. mai. esse repræsentationem Hyrci & non Hyrci & nō esse repræsentationem neque Hyrci solius neque solius non Hyrci; sunt prædicata contradictoria: nego maiorem: & non esse repræsentationem neque Hyrci, neque non Hyrci simul; concedo maiorem; & eodem modo distincta minori: nego consequentiā. Ad cætera omnia quæ in obiectione, confirmatione & explicatione dicuntur, id vnum tene quod neque Hyrcum solum, neque solum non Hyrcum concipis, dum concipis Hyrcum non Hyrcum, sed vtrumque extremum, & identitatem inter vtrumque extremum: quod autem inclusio vnius extremi sit obiectiua exclusio alterius nihil probat nisi huiusmodi obiectum esse impossibile: ex hoc autem quod sit impossibile recte probatur non habere esse rei; non autem non habere esse obiecti, adeoque falsum est intēctionalem existentiam Hyrci esse intēctionalem
lem

lem non existentiam non Hyrci, cum per vnā eandemque cognitionem existat Hyrcus non Hyrcus obiectiue in intellectu. Verum quidem est quod per huiusmodi conceptum non existit obiectiue in intellectu neque Hyrcus simpliciter, neque negatio Hyrci simpliciter, sed aliquid quod est indiuisibiliter & per modum vnius obiecti Hyrcus nō Hyrcus, seu identitas inter Hyrcum & negationem Hyrci. Ad id quod dicitur, eo ipso quod obiectum non est Hyrcus, neque non Hyrcus, representatio non est neque Hyrci neque non Hyrci: sed obiectum non est neque Hyrcus, neque non Hyrcus; ergo, &c. adhibe distinctionem iam datam: eo ipso quod non est neque Hyrcus solum, neque solum non Hyrcus, representatio non est neque Hyrci solius neque solius non Hyrci: concede; representatio non est neque hyrci non Hyrci; neque non Hyrci Hyrci: nequa, &c. sic ad reliqua. Obiectū neque est solum Hyrcus neque solū non Hyrcus, adeoque representatio non est neque Hyrci neque nō Hyrci: sed est Hyrcus non Hyrcus, adeoque representatio est Hyrci non Hyrci.

Obijcies quarto. Si posset concipi impossibile verificarentur nunc prædicata contradictori: consequens est absurdum; ergo & antecedens. Sequela maioris probatur, quia de obiecto talis cognitionis verum est nunc: *esset & non esset*: esset & non esset, sunt contradictoria; ergo verificarentur nunc contradictoria. Maior probatur quia quodlibet impossibile, ex transmissis si esset, esset & non esset, esset ex suppositione: non esset quia ipsa suppositio est per impossibile. Præterea

non solum ipsum met obiectum impossibile per modum totius, concipitur, sed etiam quodlibet constitutum ipsius: si autem esset impossibile, puta homo non homo, eo ipso quaelibet pars esset & non esset, quia cuiuslibet partis contradictorium esset.

Resp. disting. mai. verificarentur prædicata contradictoria absoluta: nego maiorem; conditionata: subdistinguo: per conditionem de possibili, nego; per conditionem de impossibili: omitto. Non est autem absurdum propositionem continentem contradictoria esse veram si affirmet contradictoria ex hypothesi per impossibile: cum nihil aliud sit quàm affirmare quod si idem daretur & non daretur, idem daretur & non daretur.

Obijcies ultimo. Argumentum quod probat cognosci impossibile probat cognosci incognoscibile; ergo neque probat cognosci impossibile; neque probat cognosci incognoscibile. Probatur consequentia quia impossibile est quod probeat cognosci incognoscibile; ergo si non magis probeat cognosci impossibile, neutrum probat. Probatur hoc secundum antecedens, quia cognosci incognoscibile est incognoscibile non esse incognoscibile; adeoque est cognosci & non cognosci incognoscibile: cognosci autem & non cognosci incognoscibile, sunt contradictoria non solum in obiecto, sed in cognitione, ut patet: cognitio autem sustinens contradictoria sicut, & quodlibet aliud huiusmodi est impossibilis; ergo cognitio attingens incognoscibile est impossibilis.

Probatur iam primum antecedens formando argumentum pro incognoscibili quod

formatum est pro impossibili. Dum negas cognosci incognoscibile vel concipis quod negas, vel non concipis quod negas: si concipis quod negas, iam concipis incognoscibile: si non concipis, temere negas, ergo vel temere negas cognosci incognoscibile, vel cognoscis incognoscibile.

Circa incognoscibile varij varie. Alij dicunt obiectum incognoscibile eo modo dici incognoscibile quo Deus dicitur ineffabilis. Dicitur autem Deus ineffabilis, non quod omnino Deum effari non possis, sed quod Deum nequeas his nominibus compellare, quibus compelli meretur. Eodem modo, inquiunt, id quod incognoscibile dicitur, non ideo dicitur incognoscibile quod nullā omnino erga ipsum cognitionem exercere possis, sed quod talem non possis qua ipsius prædicata attingas. Si incognoscibile non aliter dicitur incognoscibile, quam quia est incapax terminare talem speciem cognitionis per quam ipsius quidditas explicetur: incognoscibile non est incognoscibile, quando quidem per particulam privativam *in* non excluditur omnis, sed solum aliqua cognoscibilitas. Sed incognoscibile hoc modo acceptum non potest esse ullius roboris contra conclusionem positam.

Propterea contra sic accipientes instat aduersarius. Vel cognoscis incognoscibile omni genere cognoscibilitatis, vel nō cognoscis. Si cognoscis eo ipso incognoscibile omni genere cognoscibilitatis est cognoscibile aliquo genere cognoscibilitatis: hæc est nullo modo cognoscibile est aliquo modo cognoscibile; quæ sunt contradictoria: si autem non.

non cognoscis quomodo de ipso dicis esse omnino incognoscibile?

Non est dubium quin actus ipse quo dicimus: *omnino incognoscibile* sit aliqua cognitio: sed omnis cognitio est alicuius obiecti; ergo actus quo dicimus: *omnino incognoscibile* habet aliquod obiectum: esse autem obiectum cognitionis ac esse cognitum sunt vnum & idem, ergo si incognoscibile est obiectum talis cognitionis, incognoscibile est cognitum.

Reuocandum est huc id quod saepe diximus diuersos scilicet modos tendendi nostri intellectus non dicere ex parte obiecti diuersitatem necessario: sed circa idem omnino obiectum diuersas nostri intellectus cognitiones versari. Ita diximus has duas propositiones: homo est animal: & homo non est animal non differre ex obiecto, sed solum ex modo tendendi in idem obiectum. Idem etiam apparet in actibus voluntatis quæ circa idem tam volendo quam volendo versatur: isti enim duo actus: *volo librum*: &: *nolo librum* non differunt obiecto: sermo est de obiecto materiali, ad quod vterque actus terminatur. Quod dicimus de affirmatione & negatione, de volitione & nolitione, dic proportionaliter de duabus apprehensionibus quarum vna vna, alia alio modo versatur circa idem: ita diximus duas hasce apprehensiones: *omnia* & *nihil* non differre obiecto: & tam omnia concipere qui dicit: *nihil*, quam qui dicit: *omnia*: quamuis autem vterque idem concipiat non tamen concipit eodem modo: qui dicit *omnia*, omnia attingit quasi prosequendo: qui dicit *nihil*

omnia

omnia attingit quasi fugiendo. His positis poterit qui dicit incognoscibile habere idē obiectum ac qui dicit cognoscibile: vterque attingit circa obiectum cognoscibilitatem; aliter vt formam in obiecto, aliter vt formam quam remouet ab obiecto. Sed ecce aliquid mirabilius. Impossibile est vt formam cognoscibilitatis remoueat ab obiecto quin ponat cognoscibilitatem in obiecto; ergo vanum est dicere quod per hunc actum: *incognoscibile* tendimus in obiectum, remouendo ab ipso formam cognoscibilitatis, seu cognoscibilitatem. Antecedens probatur: quia per illum actū per quē remoues cognoscibilitatem ab ipso, ipsum attingis: per actum per quem ipsum attingis adstruis in ipso cognoscibilitatem; ergo per actum per quem remoues ab ipso cognoscibilitatem, ponis in ipso cognoscibilitatem.

Ad hoc respondeo non esse nouum, quod quis exercitè ad stua: , id quod signatè destruit. Hoc est quod quis exercite sibi contradicat. Hoc facit quicumque dicit *non loquor*. Hoc etiam facit quicumque dicit: *incognoscibile*. Nam euidentè est hunc ipsum actum quo dicit: *incognoscibile* esse aliquam cognitionem. Dic igitur quod & qui concedit, & qui negat cognosci incognoscibile, eo ipso cognoscit incognoscibile. Quod si dicat: ergo incognoscibile non est incognoscibile dist. ergo signatè incognoscibile non est signatè incognoscibile nego, signatè incognoscibile non est incognoscibile exercite concedo.

Quod si vrgeas: incognoscibile tam signatè quam exercite omni genere incognoscibi-

cibilitatis est aliquod impossibile: incognoscibile huiusmodi non est vlllo modo cognoscibile; ergo aliquod impossibile non est vlllo modo cognoscibile. Resp. con. mai. neg. mi. cognoscis enim illud idem obiectum in quo tibi repræsentas omnimodam illam incognoscibilitatem tam exercitè quam signate. Hoc est, illud obiectum in quo apprehendis repugnantiam vt circa ipsum actus exerceas quos de facto exerceas.

Instabis vltèrius. Ergo incognoscibile tam signatè quam exercitè omni genere incognoscibilitatis, non est incognoscibile tam signatè quam exercitè omni genere incognoscibilitatis. Ergo hæc propositio identica: *incognoscibile tam signate quam exercitè omni genere incognoscibilitatis est incognoscibile tam signatè quam exercitè omni genere incognoscibilitatis*: est falsa: hæc secunda consequentia est euidens. Probatur prima; quia de facto tale incognoscibile cognoscitur: ergo non est tam signatè quam exercitè incognoscibile &c.

Resp. dist. primum consequ. incognoscibile tam signate quam exercitè omni genere incognoscibilitatis, non est signate incognoscibile tam exercitè quam signatè omni genere incognoscibilitatis nego consequ. non est exercitè incognoscibile tam signatè quam exercitè omni genere incognoscibilitatis cō. conf. ad prob. dist. conf. non est signatè tam signatè quam exercitè incognoscibile nego. non est exercitè tam signatè quam exercitè incognoscibile conc. conf. vbi aduerte quod quoties meum illud *exercitè* resumis vt reponas in argumento, toties veniet non pure exer-

exercitè sed signate. adeoque hic enties refut-
mas meum *exercitè* & ponas cum tuo *incog-
noscibili*. Centies signate veniet & obiectiue
exercite incognoscibile hoc autem *exercite
incognoscibile* toties exercitè cognoscam,
quoties dicam: *exercite incognoscibile*.

Possum igitur in obiecto quod cognosco
apprehendere repugnantiam ad cognosci,
adeoque incapacitatem terminandi hunc ip-
sum actum quem terminat: nam *cognoscibile
incognoscibile* non est maior chimera quam:
*homo non homo: cognitum non cognitum:
cognitio non cognitio* & quamvis actu cog-
noscam id quod dico incognoscibile non
propterea mea cognitione non fingo in ipso
met obiecto quod cognosco, essentialem re-
pugnantiam ad cognosci, & quocunque
genere cognitionis illud cognoscam, possum
in eo fingere repugnantiam ad hoc mo-
do cognosci. Decipitur arguens in hoc
quod putet poni in aliquo obiecto rea-
liter & physice prædicatum incognoscibilis,
& quia cum hoc prædicato implicat esse
cognitionem eiusdem; propterea dicis non
posse cognosci incognoscibile. Hinc: per
hoc ipsum, inquit, quod tale obiectum ter-
minet actum intellectus, nequit esse verum,
quod simul non terminet actum intellectus.
Quasi vero nos diceremus, quod re ipsa ter-
minet, & non terminet actum intellectus.
Dicimus quod illud idem obiectum quod
terminat actum intellectus potest con-
cipi à nobis non solum ut non termi-
nans, sed ut terminans simul & non ter-
nens actum intellectus, quod nihil est aliud
quam concipere in illo obiecto duo contra-
dicto-

dictoria quorum impossibilitatem ostendit ille idem actus, quo attinguntur.

Posito igitur quod possint in obiecto concipi duo repugnaria: putamus nullas esse rationes quantum libet repugnantes quæ non possint obiectiue combinari, & euadere in obiectum intellectus. Pura: *possibile simul & impossibile: medium inter possibile & impossibile* & quælibet alia huiusmodi possunt esse obiectiue in intellectu, & qui contra arguit facile est, vt ab impossibilitate talium in esse rei, arguat impossibilitatem in esse obiecti, quarum neutra maior est in illis, quam in quibuscumque alijs chimeris.

Dices vltimo. Dictum est quod qui dicit *nihil*: idem concipit ac qui dicit: *omnia*: ergo dici poterit quod qui dicit *impossibile* idem concipit, ac qui dicit. *possibile* prob. conseq. quia sicut per li: *nihil*: remouet illam rationem entis quæ assertur per li *omnia*; ita per li *impossibile*: remouet illam possibilitatem quæ assertur per li: *possibile*.

Resp. conc: ant. neg. conf. qui dicit: *nihil*: ita remouet rationem entis, vt non illam remoueat ab aliquo de quo dicat: *nihil*, puta dum dicis: *nihil habeo* non concipis aliquod obiectum de quo dicas quod sit illud nihil quod habes: sed concipis vera & realia entia quæ à te remoues dum dicis: *nihil habeo*- qui autem dicit *impossibile* remouet possibilitatem ab aliquo de quo dicit *impossibile* vnde est magna diuersitas inter duos hosce conceptus *impossibile* & : *nulum possibile*: per primum fit ens rationis, secus per secundum: videtur autem: *nulum possibile* esse idem ac: *nihil*: cæterum

si dicens *nihil* : aliquod obiectum attingat à quo remoueat omnem rationem entis , facit eo ipso ens rationis : nam obiectum carens omni ratione entis est impossibile accipimus enim hic *ens* nominaliter secundum transcendentiam ad omnia tam existentia quam possibilià , hoc est secundum rationem entis realis ; non autem secundum illam supertranscendentiam de qua dictum est supra.

ARTICVLVS VLTIMVS.

An Deus faciat ens rationis.

Diuinum Intellectum facere ens rationis merito negant , & qui aiunt non aliter hoc fieri quam per modum tendendi essentialiter indebitum, seu improporcionatum obiecto, & qui aiunt facere ens rationis nihil aliud esse , quam fingere. Deus enim non fingit , nec modo indebito tendit in obiecta ; non fingit, quia non sibi repræsentat res aliter quam sint ; nec tendit in obiecta modo indebito quia diuinus intellectus habet hoc de sua essentia, vt sit repræsentatio omnium obiectorum vt sunt in se. Nos autem in definitione entis rationis nullam fictionem inuoluimus, adeoque.

Decendum est : intellectum diuinum facere ens rationis. Hac conclusione aliâ etiâ resolvimus circa intellectum Angelicum : si enim diuinus, potest & Angelicus : cum ij qui negant hoc Angelico, id potissimum negent ratione perfectionis Angelicæ. Probatur autem conclusio quia facere ens rationis nihil aliud est quam dare esse obiectiue alicui

alicui quod neque habeat neque habere possit vllum aliud esse : Potest intellectus diuinus hoc facere ; ergo intellectus diuinus potest facere ens rationis. Minor probatur quia Deus potest dicere : alius Deus est impossibilis, & infinita alia huiusmodi quæ quilibet excogitare potest. Dum autem dicit *alius Deus* dat esse obiectiue alteri Deo qui nec est nec esse potest ; ergo potest dare esse obiectiue alicui quod nec sit nec esse possit.

Præterea dum tu concipis impossibile dicendo : Hyrcocærus est impossibilis : intellectus diuinus non solum cognoscit tuam cognitionem, sed obiectum tuæ cognitionis ; & videt te de ipso vere dicere, quod sit impossibile ; ergo tali obiecto Deus ipse dat esse obiectiue, seu dat esse in ratione obiecti ; Hoc autem nullum aliud esse habet, nec habere potest ; ergo intellectus diuinus facit ens rationis.

Dices ens rationis fit per compositionem vnius rationis cum alia : Deus nequit componere vnā rationem cum alia ; ergo nequit facere ens rationis. Maior probatur quia facere ens rationis est identificare intentionaliter duo essentialiter distincta ; hæc autem intentionalis identificatio est compositio. Minor probatur quia Deus, vt ait D. Thomas non habet modum cognoscendi compositiū. Ratio est : quia modus cognoscendi sequitur modum essendi : cum igitur in Deo modus essendi sit simplicissimus, etiam modus cognoscendi est simplicissimus. Modus autem cognoscendi per compositionem vnius rationis cum alia deficit à perfectissima simplicitate.

Resp.

Resp. omiffa maiori negando monorem.
Ad probationem : explicandum est in quo
consistat diuina simplicitas, tam in esse, quam
in cognoscere: Deus enim & simplicissimus
est, & cognitio Dei simplicissima. Est simpli-
cissimus quia per suum esse est omnis sua
perfectio, nec est aggregatum ex pluribus
perfectiōibus, vt sunt entia creata quæ per-
fectionibus sibi superadditis perfecta sunt.
Putat homo est sapiens sapientia sibi super-
addita; bonus bonitate sibi superaddita;
misericors misericordia sibi superaddita, &
sic de ceteris: Deus autem per suum met
esse est sapiens, bonus, misericors &c. adeoq;
summa ipsius simplicitas consistit in hoc
quod vna indiuisibilis perfectio sit in ipso
omnis perfectio. Modus cognoscendi sequi-
tur modum essendi: propterea quemadmo-
dum simplicitas in essendo consistit in hoc
quod qualibet eius perfectio sit omnis eius
perfectio; ita etiam simplicitas in cogno-
scendo consistet in hoc, quod qualibet eius
cognitio sit omnis eius cognitio; & que-
madmodum ratione suæ perfectissimæ sim-
plicitatis in essendo, non componit vnā
perfectiōem cum alia; imo non est in ipso
alia, & alia perfectio, sic etiam ratione suæ
perfectissimæ simplicitatis in cognoscendo,
non componit vnā cognitionem cum alia;
imo non est in ipso alia & alia cognitio.
Hoc modo verum est Deum non habere mo-
dum cognoscendi compositiuum, compositi-
trone videlicet formali, hoc est positione
cognitionis cum cognitione; falsum est non
habere modum cognoscendi compositiuum,
compositione obiectiua hoc est repræsentan-
do

do sibi obiecta simplicia vt simplicia , composita vt composita ; ex quibus patet ad argumentum.

Quod si aduersarius negando modum cognoscendi compositum in Deo negare intendat vim iudicatiuam diuino intellectui: hoc male intendit: Deus enim dicere potest: *ego sum Deus ; Petrus est homo : Hyrcoceruus est impossibilis* : Quod si dicat huiusmodi cognitiones in Deo non esse actus iudicatiuos , sed simplicissimos intuitus horum obiectorum per quos videlicet certificatur Deus se esse Deum , Petrum esse hominem , & Hyrcoceruum esse impossibilem : eodem iure dices es tu Deum habere actum per quem certificatur quod Hyrcoceruus est impossibilis, qui actus non sit iudicium, sed simplicissimus intuitus talis obiecti : æque autem fiet ens rationis per huiusmodi intuitum, ac per actum iudicatum : & consequenter si actus iudicatiuus, eo quod sit aliqualis compositio, repugnet diuino intellectui, non propterea repugnabit eidem facere ens rationis : cum ad faciendum ens rationis sufficiat ita repræsentari diuino intellectui Hyrcoceruum sicut repræsentatur homo: certumque sit Deum tam posse dicere , quocumq; tandem actu id dicat , *Hyrcoceruus est impossibilis* : quam dicit : *homo est possibilis*.

Dices repugnat perfectioni intellectus diuini identificare intentionaliter duo contradictoria : qui facit ens rationis identificat intentionaliter duo contradietoria ; ergo repugnat intellectui diuino facere ens rationis.

Resp.

Resp. distinguendo maiorem: identificare duo contradictoria per modum assensus, repugnat intellectui diuino: concedo; identificare per modum puræ representationis: nego maiorem; & eodem modo distincta minori: nego consequentiam. Qui repræsentat sibi identitatem inter contradictoria putans esse veram identitatem facit ens rationis, & in faciendo huiusmodi ens rationis, decipitur, hoc modo dicebatur Arrius dum putabat Verbum esse creaturam, adeoque repræsentabat sibi per modum veræ identitatis identitatem inter Deum & creaturam. Qui autem repræsentat sibi huiusmodi identitatem representatione quæ neque sit assensus quod sit identitas; neque inductiua in assensum quod sit identitas vera: facit etiam ens rationis, dum repræsentat sibi identitatem impossibilem; non tamen decipitur; quia hanc identitatem non putat esse possibilem.

Ex his habes tam per iudicium verum quam per iudicium falsum fieri ens rationis. Ratio est quia facere ens rationis nihil est aliud quam concipere aliquid impossibile: sed tam per iudicium verum quam per iudiciū falsum potest concipi aliquid impossibile; ergo tam per iudicium verum, quam per iudicium falsum fit ens rationis. Minor probatur: tam hoc iudicium: *Hyrrocervus est impossibilis*, quam hoc aliud: *Hyrrocervus est possibilis*, concipit Hyrrocervum; adeoque tam vnum, quam alterum concipit impossibile; vnum autem est verum, & alterum falsum vt constat. Non tamen omnis intellectus a quo vnum ac alterum iudicium elicere

non cognoscis quomodo de ipso dicis esse omnino incognoscibile?

Non est dubium quin actus ipse quo dicimus: *omnino incognoscibile* sit aliqua cognitio: sed omnis cognitio est alicuius obiecti; ergo actus quo dicimus: omnino incognoscibile habet aliquod obiectum: esse autem obiectum cognitionis ac esse cognitum sunt vnum & idem, ergo si incognoscibile est obiectum talis cognitionis, incognoscibile est cognitum.

Reuocandum est huc id quod saepe diximus diuersos scilicet modos tendendi nostri intellectus non dicere ex parte obiecti diuersitatem necessario: sed circa idem omnino obiectum diuersas nostri intellectus cognitiones versari. Ita diximus has duas propositiones: homo est animal: & homo non est animal non differre ex obiecto, sed solum ex modo tendendi in idem obiectum. Idem etiam apparet in actibus voluntatis quæ circa idem tam volendo quam volendo versatur: isti enim duo actus: *volo librum*: &: *nolo librum* non differunt obiecto: sermo est de obiecto materiali, ad quod vterque actus terminatur. Quod dicimus de affirmatione & negatione, de volitione & nolitione, dic proportionaliter de duabus apprehensionibus quarum vna vno, alia alio modo versatur circa idem: ita diximus duas hasce apprehensiones: *omnia* & *nihil* non differre obiecto: & tam omnia concipere qui dicit: *nihil*, quam qui dicit: *omnia*: quamvis autem vterque idem concipiat non tamen concipit eodem modo: qui dicit *omnia*, omnia attingit quasi prosequendo: qui dicit *nihil*

omnia

omnia attingit quasi fugiendo. His positis poterit qui dicit incognoscibile habere idē obiectum ac qui dicit cognoscibile: vterque attingit circa obiectum cognoscibilitatem, alter vt formam in obiecto, alter vt formam quam remouet ab obiecto. Sed ecce aliquid mirabilius. Impossibile est vt formam cognoscibilitatis remoueat ab obiecto quin ponat cognoscibilitatem in obiecto; ergo vanum est dicere quod per hunc actum: *incognoscibile* tendimus in obiectum, remouendo ab ipso formam cognoscibilitatis, seu cognoscibilitatem. Antecedens probatur: quia per illum actū per quē remoues cognoscibilitatem ab ipso, ipsum attingis: per actum per quem ipsum attingis adstruis in ipso cognoscibilitatem; ergo per actum per quem remoues ab ipso cognoscibilitatem, ponis in ipso cognoscibilitatem.

Ad hoc respondeo non esse nouum, quod quis exercitē ad sua: , id quod signatē destruit. Hoc est quod quis exercite sibi contradicat. Hoc facit quicumque dicit *non loquor*. Hoc etiam facit quicumque dicit: *incognoscibile*. Nam euident est hunc ipsum actum quo dicit: *incognoscibile* esse aliquam cognitionem. Dic igitur quod & qui concedit, & qui negat cognosci incognoscibile, eo ipso cognoscit incognoscibile. Quod si dicat: ergo incognoscibile non est incognoscibile dist. ergo signate incognoscibile non est signate incognoscibile nego, signate incognoscibile non est incognoscibile exercite concedo.

Quod si vrgeas: incognoscibile tam signatē quam exercite omni genere incognoscibi-

cibilitatis est aliquod impossibile: incognoscibile huiusmodi non est vlllo modo cognoscibile; ergo aliquod impossibile non est vlllo modo cognoscibile. Resp. con. mai. neg. mi. cognoscis enim illud idem obiectum in quo tibi repræsentas omnimodam illam incognoscibilitatem tam exercitè quam signate. Hoc est, illud obiectum in quo apprehendis repugnantiam vt circa ipsum actus exerceas quos de facto exerces.

Instabis vltcrius. Ergo incognoscibile tam signatè quam exercitè omni genere incognoscibilitatis, non est incognoscibile tam signatè quam exercitè omni genere incognoscibilitatis. Ergo hæc propositio identica: *incognoscibile tam signate quam exercitè omni genere incognoscibilitatis est incognoscibile tam signatè quam exercite omni genere incognoscibilitatis*: est falsa: hæc secunda consequentia est euident. Probatur prima; quia de facto tale incognoscibile cognoscitur: ergo non est tam signatè quam exercite incognoscibile &c.

Resp. dist. primum conseq. incognoscibile tam signatè quam exercite omni genere incognoscibilitatis, non est signatè incognoscibile tam exercitè quam signatè omni genere incognoscibilitatis nego conseq. non est exercite incognoscibile tam signatè quam exercitè omni genere incognoscibilitatis cō. conf. ad prob. dist. conf. non est signatè tam signatè quam exercitè incognoscibile nego. non est exercite tam signatè quam exercitè incognoscibile conc. conf. vbi aduerte quod quoties incum illud *exercitè* resumis vt reponas in argumento, toties veniet non pure exerc-

exercitè fed signate. adeoque sic enties resumas meum *exercitè* & ponas cum tuo *incognoscibili*. Centies signate veniet & obiectiue *exercite incognoscibile* hoc autem *exercite incognoscibile* toties exercitè cognoscam, quoties dicam: *exercite incognoscibile*.

Possum igitur in obiecto quod cognosco apprehendere repugnantiam ad cognosci, adeoque incapacitatem terminandi hunc ipsum actum quem terminat; nam *cognoscibile incognoscibile* non est maior chimera quam: *homo non homo: cognitum non cognitum: cognitio non cognitio* & quamvis actu cognoscam id quod dico incognoscibile non propterea mea cognitione non fingo in ipso met obiecto quod cognosco, essentialem repugnantiam ad cognosci, & quocunque genere cognitionis illud cognoscam, possum in eo fingere repugnantiam ad hoc modo cognosci. Decipitur arguens in hoc quod putet poni in aliquo obiecto realiter & physice prædicatum incognoscibilis, & quia cum hoc prædicato implicat esse cognitionem eiusdem; propterea dicit non posse cognosci incognoscibile. Hinc: per hoc ipsum, inquit, quod tale obiectum terminet actum intellectus, nequit esse verum, quod simul non terminet actum intellectus. Quasi vero nos diceremus, quod re ipsa terminet, & non terminet actum intellectus. Dicimus quod illud idem obiectum quod terminat actum intellectus potest concipi à nobis non solum ut non terminans, sed ut terminans simul & non terminans actum intellectus, quod nihil est aliud quam concipere in illo obiecto duo contradicto-

dictoria quorum impossibilitatem ostendit ille idem actus, quo attinguntur.

Posito igitur quod possint in obiecto concipi duo repugnata: putamus nullas esse rationes quantum libet repugnantes quæ non possint obiectiue combinari, & euadere in obiectum intellectus. Pura: *possibile simul & impossibile: medium inter possibile & impossibile* & quælibet alia huiusmodi possunt esse obiectiue in intellectu, & qui contra arguit facile est, vt ab impossibilitate talium in esse rei, arguat impossibilitatem in esse obiecti, quarum neutra maior est in illis, quam in quibuscumque alijs chimeris.

Dices vltimo. Dictum est quod qui dicit *nihil*: idem concipit ac qui dicit: *omnia*: ergo dici poterit quod qui dicit *impossibile* idem concipit, ac qui dicit. *possibile* prob. conseq. quia sicut per li: *nihil*: remouet illam rationem entis quæ assertur per li *omnia*; ita per li *impossibile*: remouet illam possibilitatem quæ assertur per li: *possibile*.

Resp. conc: ant. neg. conf. qui dicit: *ut nihil*: ita remouet rationem entis, vt non illam remoueat ab aliquo de quo dicat: *nihil*, puta dum dicis: *nihil habeo* non concipis aliquod obiectum de quo dicas quod sit illud nihil quod habes: sed concipis vera & realia entia quæ à te remoues dum dicis: *nihil habeo*- qui autem dicit *impossibile* remouet possibilitatem ab aliquo de quo dicit *impossibile* vnde est magna diuersitas inter duos hosce conceptus *impossibile* & : *nul- lum possibile*: per primum fit ens rationis, secus per secundum: videtur autem: *nul- lum possibile* esse idem ac: *nihil*: cæterum

si dicens *nihil* : aliquod obiectum attingat à quo remoueat omnem rationem entis , facit eo ipso ens rationis : nam obiectum carens omni ratione entis est impossibile accipimus enim hic *ens* nominaliter secundum transcendentiam ad omnia tam existentia quam possibilià , hoc est secundum rationem entis realis ; non autem secundum illam supertranscendentiam de qua dictum est supra.

ARTICVLVS VLTIMVS.

An Deus faciat ens rationis.

Divinum Intellectum facere ens rationis merito negant , & qui aiunt non aliter hoc fieri quam per modum tendendi essentialiter indebitum, seu improporionatum obiecto, & qui aiunt facere ens rationis nihil aliud esse , quam fingere. Deus enim non fingit , nec modo indebito tendit in obiecta ; non fingit, quia non sibi repræsentat res aliter quam sint ; nec tendit in obiecta modo indebito quia diuinus intellectus habet hoc de sua essentia, vt sit repræsentatio omnium obiectorum vt sunt in se. Nos autem in definitione entis rationis nullam fictionem inuoluimus, adeoque.

Decendum est : intellectum diuinum facere ens rationis. Hac conclusione alià etià resolvimus circa intellectum Angelicum : si enim diuinus, potest & Angelicus : cum ij qui negant hoc Angelico , id potissimum negent ratione perfectionis Angelicæ. Probatur autem conclusio quia facere ens rationis nihil aliud est quam dare esse obiectiue alicui

alicui quod neque habeat neque habere possit vllum aliud esse : Potest intellectus diuinus hoc facere ; ergo intellectus diuinus potest facere ens rationis. Minor probatur quia Deus potest dicere : alius Deus est impossibilis, & infinita alia huiusmodi quæ quilibet excogitare potest. Dum autē dicit *alius Deus* dat esse obiectiue alteri Deo qui nec est nec esse potest ; ergo potest dare esse obiectiue alicui quod nec sit nec esse possit.

Præterea dum tu concipis impossibile dicendo : Hyrcocærus est impossibilis : intellectus diuinus non solum cognoscit tuam cognitionem, sed obiectum tuæ cognitionis ; & videt te de ipso vere dicere, quod sit impossibile ; ergo tali obiecto Deus ipse dat esse obiectiue, seu dat esse in ratione obiecti ; Hoc autem nullum aliud esse habet, nec habere potest ; ergo intellectus diuinus facit ens rationis.

Dices ens rationis fit per compositionem vnius rationis cum alia : Deus nequit componere vnā rationem cum alia ; ergo nequit facere ens rationis. Maior probatur quia facere ens rationis est identificare intentionaliter duo essentialiter distincta ; hæc autem intentionalis identificatio est compositio. Minor probatur quia Deus, vt ait D. Thomas non habet modum cognoscendi compositiū. Ratio est : quia modus cognoscendi sequitur modum essendi : cum igitur in Deo modus essendi sit simplicissimus, etiam modus cognoscendi est simplicissimus. Modus autem cognoscendi per compositionem vnius rationis cum alia deficit à perfectissima simplicitate.

Resp.

Resp. omiſſa maiori negando monorem.
Ad probationem : explicandum eſt in quo
conſiſtat diuina ſimplicitas, tam in eſſe, quam
in cognoscere: Deus enim & ſimpliciſſimus
eſt, & cognitio Dei ſimpliciſſima. Eſt ſimpli-
ciſſimus quia per ſuum eſſe eſt omnis ſua
perfectio, nec eſt aggregatum ex pluribus
perfectiõibus, vt ſunt entia creata quæ per-
fectiõibus ſibi ſuperadditis perfecta ſunt.
Putat homo eſt ſapiens ſapientia ſibi ſupper-
addita; bonus bonitate ſibi ſupperaddita;
miſericors miſericordia ſibi ſuperaddita, &
ſic de ceteris: Deus autem per ſuum met
eſſe eſt ſapiens, bonus, miſericors &c. adeoq;
ſumma ipſius ſimplicitas conſiſtit in hoc
quod vna indiuiſibilis perfectio ſit in ipſo
omnis perfectio. Modus cognoscendi ſequi-
tur modum eſſendi: propterea quemadmo-
dum ſimplicitas in eſſendo conſiſtit in hoc
quod quælibet eius perfectio ſit omnis eius
perfectio; ita etiam ſimplicitas in cogno-
ſcendo conſiſtet in hoc, quod quælibet eius
cognitio ſit omnis eius cognitio; & que-
madmodum ratione ſuæ perfectiſſimæ ſim-
plicitatis in eſſendo, non componit vnā
perfectiõem cum alia; imo non eſt in ipſo
alia, & alia perfectio, ſic etiam ratione ſuæ
perfectiſſimæ ſimplicitatis in cognoscendo,
non componit vnā cognitionem cum alia;
imo non eſt in ipſo alia & alia cognitio.
Hoc modo verum eſt Deum non habere mo-
dum cognoscendi compositiũ, compositi-
trone videlicet formali, hoc eſt poſitione
cognitionis cum cognitione; falſum eſt non
habere modum cognoscendi compositiũ,
compoſitione obiectiua hoc eſt repræſentan-
do

Resp. distinguendo maiorem: identificare duo contradictoria per modum assensus, repugnat intellectui diuino: concedo; identificare per modum puræ representationis: nego maiorem; & eodem modo distincta minori: nego consequentiam. Qui repræsentat sibi identitatem inter contradictoria putans esse veram identitatem facit ens rationis, & in faciendo huiusmodi ens rationis, decipitur, hoc modo dicebatur Arrius dum putabat Verbum esse creaturam, adeoq; repræsentabat sibi per modum veræ identitatis identitatem inter Deum & creaturam. Qui autem repræsentat sibi huiusmodi identitatem representatione quæ neque sit assensus quod sit identitas; neque inductiuæ in assensum quod sit identitas vera: facit etiam ens rationis, dum repræsentat sibi identitatem impossibilem; non tamen decipitur; quia hanc identitatem non putat esse possibilem.

Ex his habes tam per iudicium verum quam per iudicium falsum fieri ens rationis. Ratio est quia facere ens rationis nihil est aliud quam concipere aliquid impossibile: sed tam per iudicium verum quam per iudiciū falsum potest concipi aliquid impossibile; ergo tam per iudicium verum, quam per iudicium falsum fit ens rationis. Minor probatur: tam hoc iudicium: *Hircocerus est impossibilis*, quam hoc aliud: *Hircocerus est possibilis*, concipit Hircocerum; adeoq; tam vnum, quam alterum concipit impossibile: vnum autem est verum, & alterum falsum vt constat. Non tamen omnis intellectus a quo vnum ac alterum iudicium elicere

potest, vt est manifestum. Nam intellectus infallibilis, qualis est diuinus, nequit habere iudicium fallum.

Habes præterea ex dictis quod si intellectus humanus dicat: infinitum creatum est possibile: & intellectus diuinus: Infinitum creatum est impossibile: vterque intellectus facit ens rationis, vnus scienter, & alter ignoranter. Deus facit ens rationis scienter, quia dum concipit infinitum creatum concipit impossibile & scit se concipere impossibile: intellectus humanus facit ignoranter, quia dum concipit impossibile putat se concipere possibile: vterque autem dat obiecto impossibili esse obiectiue in intellectu.

Dices, Intellectus diuinus, etiamsi cognoscat cognitionem intellectus humani distinguens formaliter animal à rationali, & obiectum eiusdem cognitionis, non tamen distinguit formaliter animal a rationali: Item quamuis cognoscat & cognitionem intellectus humani facientem vniuersale, & obiectum eiusdem non tamen facit vniuersale; ergo etiamsi cognoscat & cognitionem qua intellectus humanus facit ens rationis, & obiectum eiusdem, non propterea facit ens rationis. Consequentia probatur quia intantum nec distinguit formaliter animal à rationali; nec facit vniuersale, in quantum non habet modum tendendi similem modo, quem habet intellectus humanus, aut distinguens formaliter aut vniuersalizans; sed neque circa obiectum intellectus humani facientis ens rationis, habet eundem modum tendendi, quem intellectus humanus; ergo quamuis attingat idē obiectum, nō propterea facit ens rationis.

Resp.

Resp. concessio antecedenti: negando consequentiam. Ad distinguendum formaliter, requiritur specialis quidam modus tendendi quo non appareat identitas vnius rationis cum alia, hoc est non certificans de identitate reali inter utramque rationem. Qui modus tendendi repugnat diuino intellectui. Item ad vniuersalizandum, requiritur modus tendendi attingens plura per modum vnius exercite, qui item repugnat eidem diuino intellectui. Facere autem ens rationis non dicit vllum specialem modum tendendi circa impossibile; sed solum dare esse obiectiue alicui quod neque physice sit, neque esse possit; quocunque tandem genere cognitionis id fiat. Hinc etiam si intellectus diuinus non habeat modum tendendi similem modo tendendi intellectus humani; non propterea non facit ens rationis, quia etiam si non concipiat more intellectus humani, non propterea non concipit impossibile. Ex his patet ad probationem consequentiae in qua concessis maiori & minori; negabis consequentiam.

QVAESTIO VII.

De Substantia.

ARTICVLVS I.

Quid sit Substantia.

OVæ praeclarissimus superioribus questionibus de Vniuocis, æquiuocis & Analogis procludere solent di-

sputationi de prædicamentis. Quæ diximus de vniuocatione entis, de possibili & impossibili per occasionem magis quam quod ita oporteret, à nobis tractata sunt. Hic incipit disputatio de prædicamentis. Prædicamentorum autem primum est Substantia, de qua quantum ad logicum pertinet, hoc est breuissime hic disserendum est. Substantia, inquit Philosophus, quæ proprie & principaliter & maxime dicitur, quæ neque de subiecto aliquo dicitur, neque in subiecto aliquo est. Hanc substantiæ rationem maxime intelligimus per conceptus quos de nobis ipsi formamus. Vnusquisque enim experitur aliud esse in se, id quod mouetur, id quod intelligit, id quod incalescit; aliud motum ipsum, ipsam intellectionem, ipsum calorem. Id quod ambulat; quod intelligit quod incalescit, unusquisque nostrum exprimit per pronomen *ego*, & per *ly ego* unusquisque se ipsum intelligit, motum vero ipsam, intellectionem, colorem non intelligit per *li ego*; sed huiusmodi rationes percipit quasi formas sibi aduentitias, quibus etiam ablatis, manet id quod intelligit, quando dicit *ego*: experitur enim se aliter esse in se ipso, quam huiusmodi formæ in ipso sint; videlicet se in se ipso stare, formas autem prædictas, non in se ipsis, sed in ipso. Petrus enim dum dicit *ego* dicit aliquid in se ipso subsistens; dum dicit moueor, dicit præterea motum sibi aduenientem, & subsistentem in ipso: vnde de accidente, dixit Philosophus, esse semper in alio subsistens.

Hinc Augustinus lib. 7. de Trinitate cap. 4. in fine relatus à Suario disput. 33. metaphi.

raphi. § 1. dicit quod sicut ab eo quod est, esse, appellatur essentia, ita ab eo quod est subsistere, substantiam dicimus. Et Isidorus: lib. 1. differentiarum cap. 4. substantia, inquit, est id quod non ab alio, sed semper ex se est, id est quod propria in se virtute subsistit. Hoc autem ita intelligendum est ut ly *non ab alio sed ex se esse*, non accipiat pro esse omnino independentem à quolibet alio: hoc enim soli Deo convenit; cum cætera omnia à Deo sint, tanquam à causa producente; sed pro esse, non in gratiam alterius & cum indigentia essendi in alio, tanquam in ente completo; eo modo quo calor frigus & cætera huiusmodi sunt, & in gratiam subiectorum, & in subiectis sunt puta albedo in pariete, & in gratiam parietis; calor in igne, & in gratiam ignis. Hoc idem affirmat Philosophus 5. metaph. cap. 8. textu 15, ubi docens simplicia corpora, siue elementa ignem videlicet, ærem &c. esse substantias: ait: hæc vero omnia dicuntur substantia, quoniam non dicuntur de subiecto, sed de eis cætera.

Non solum autem à subsistendo dicitur substantia, sed etiam à substando: eo nimirum quod sit veluti fundamentum & subsistentia reliquorum prædicamentorum. De ipsa enim dicitur quantum, quale, agere, & pati & sic de cæteris: puta dicitur: Socrates est tricubitalis, & albus. Propterea idem Isidorus 2. Aetimologiarum cap. 27. substantia est, inquit, quæ proptie & principaliter subistere dicitur.

Cum substantia hoc modo accepta explicetur per ordinem ad accidentia, quorum est

veluti fulcrum & basis, non poterit sub reali conceptu dici de Deo : nequit enim Deus ullis accidentibus subistere; cum quidquid in Deo est, Deus sit perfectissime stans in se ipso, & omnia quæ sunt extra se infinita virtute conservans : adeoque Deus non habet rationem subiecti physici, sed purè logici, quateus de ipso ipse attributa prædicantur.

Conceptus igitur proprius substantiæ, de qua hic Philosophus est per se stare & alijs prædicamentis substate. Hinc dicitur ens per se, hoc est non indigens altero cui inhæreat; cum accidens dicatur ens in alio; hoc est alterius indigum, in quo subsistat. Quod si substantiam accipias sub præciso conceptu per se stantis, manifestum est de Deo dici posse, cum Deus maxime per se sit : tunc autem non à substando, sed à subsistendo dicitur.

ARTICVLVS II.

Ordinatur prædicamentum substantiæ.

Post explicationem Substantiæ, quantum satis est, pro præsentis, veniendum est ad diuisionem eiusdem, cui tamen præmittere placet prædicamenti substantiæ ordinationem hoc est dispositionem secundum rationem subiectorum & prædicatorum, inferiorum & superiorum vsque ad supremum genus. Tripliciter autem ponuntur in prædicamento ea quæ ad prædicamentum spectare dicuntur : directe, indirecte, & reductiue. Directe ponitur Prima substantia, siue indiuiduum

duum quod est veluti basis totius prædicamenti, & supra indiuiduum species & genera; vsque ad supremum. Indirectè ponuntur differentiæ, diuisionæ generum, & constitutionæ specierum. Reductiue ponuntur partes, constitutionæ substantiæ quæ directè ponitur in prædicamento. Hoc ipsum facilius intelliges si prædicamentum substantiæ hic depiugas.

	Substantia	
Materialis		Immaterialis
	Corpus	
Animatum		Inanimatum
	Viuens	
Sensituum		Insensituum
	Animal	
Rationale		Irrationale
	Homo	
	Petrus	

In hac figurâ quæcunque sunt in lineâ quam in medio descripsisti, directè ponuntur in prædicamento substantiæ; incipiendo à Petro & ascendendo vsque ad supremum genus quod est *substantia*. Quæ vero describuntur ad latera videlicet *Materialis*, & *Immaterialis*, *Animata*, & in *Animata* ponuntur indirectè. Partes vero componentes ea quæ directè ponuntur; quamuis nullo modo describantur, dicuntur tamen esse reductiue in prædicamento, quia qualibet pars ad suum totum reducitur. Ita neque materia prima, neque forma, quæ sunt partes essentielles substantiæ naturalis completæ, ponuntur in prædicamento nisi reductiue;

quatenus scilicet ubi est totum, ibi & partes totius. Idem dic proportionaliter de partibus integrantibus puta de capite, manu, & brachio Petri, quæ ibi sunt ubi est Petrus.

A R T I C V L V S III.

Diuiditur Substantia.

IN primam & secundam. Prima est, quæ neque in subiecto aliquo est, neque de subiecto aliquo dicitur: siue prima substantia, est substantia singularis; puta Petrus, Bucephalus, & quælibet alia huiusmodi. Constat enim Petro nihil esse inferius, de quo ipse prædicetur, & cui quomodolibet insit. Secunda autem substantia, est substantia vniuersalis; vnde Philosophus ait: *secundæ autem substantiæ dicuntur species, in quibus ea quæ principaliter substantiæ dicuntur insunt. Et hæc quidem, & harum specierum genera.* Vbi nomine earum substantiarum quæ principaliter dicuntur intelligit primas substantias.

Cur autem primæ substantiæ principaliter dicantur substantiæ, explicat idem Philosophus his verbis. *Amplius primæ substantiæ eo quod alijs omnibus subijciuntur, & omnia alia de illis prædicantur vel in ipsis sunt; propriissime substantiæ dicuntur.* Vnde apparet Philosophum explicare substantiam maxime quoad rationem substandi alijs Primæ autem substantiæ, hoc est Indiuidua substantia non solum alijs prædicamentis, per quæ dicuntur quantæ, & quales, agere, & pati, esse in loco, & tempore, &c. Sed etiam secundis
sub-

substantijs: rationes enim vniuersales de indiuiduis prædicantur, quamuis non eodem modo quo accidentia vt idem Philosophus monet.

Hinc etiam idem Philosophus docet secundarum substantiarum magis substantiam esse speciem, quam genus. Quia quod magis accedit ad id quod est principaliter tale, est magis tale, quam quod minus accedit; species autem magis accedit ad indiuiduum quod est principaliter & maxime substantia, quam genus, ergo species, inter secundas substantias, est magis substantia quam genus. Preterea species pluribus subiicitur, quam genus; adeoque si ratio substantiæ sumitur à substantando, speciei magis quam generi conuenit esse substantiam.

Dicuntur primæ substantiæ esse in speciebus & generibus, hoc est in secundis substantijs, quia, vt dictum est alibi, rationes vniuersales sunt quædam tota potestatiua respectu inferiorum: partes autem continentur in toto.

Dices ratio substantiæ conuenire nequit secundis substantijs, ergo diuisio substantiæ in primam & secundam est mala, consequentia est euident, ant. probatur ex definitione Philosophi: substantia autem quæ proprie, & principaliter & maxime dicitur, quæ neque de subiecto aliquo dicitur, neque in subiecto aliquo est: sed secunda substantia & de subiecto aliquo dicitur, & in aliquo subiecto est, ergo secundæ substantiæ non conuenit ratio substantiæ. Quod secundæ substantiæ dicantur de aliquo, manifestum est: dicitur enim Petrus est homo, Petrus est animal; in

quibus secunda substantia prædicatur de prima.

Resp. definitionem, seu descriptionem allatam ex Philosopho pertinere ad primam substantiam, quæ principaliter & maxime substantia est: adeoque; cum Philosophus afferat rationem discriminatiuam primæ substantiæ à secunda huiusmodi definitio non est communis primæ & secundæ.

Quia tamen id Philosophus postquā primā segregauit à secunda dicit: cōmune omni substantiæ est in subiecto non esse. Dicendum est quomodo secundæ substantiæ sint verè substantiæ; cum & homo videatur esse in Petro, & animal in homine, & qualibet ratio superior in inferiori. Dico igitur secundas substantias esse in prima, magis vniuersales in minus vniuersalibus, non tamquam in subiecto physico; sicut quantitas, qualitas & cætera accidentia sunt in substantijs, sed sicut in subiecto logico, de quo dicuntur, ut patet. Igitur Philosophus dicit esse contra rationem substantiæ esse in subiecto, sicut accidentia quæ subiectis inhærent, in ijsque subsistunt.

Instabis. Forma substantialis est substantia: hæc est in subiecto physico, videlicet in materia prima, ergo non est contra rationem substantiæ esse in subiecto physico.

Resp. nomine substantiæ intelligi substantiam simpliciter; hoc est substantiā completam, forma autem substantialis non est hoc modo substantia, nec ponitur in prædicamento, nisi reductiuè, ut dictum est: quidquid autem aduenit toti ex materia & forma constanti, est accidens.

ARTICVLVS IV.

Satisfit nonnullis quæstis.

QUÆRITUR primò, quod nam sit summum genus in prædicamento Substantiæ; an scilicet substantia finita, an substantia præscindens à finita, & infinita? Ratio dubitandi est, quia præter Deum repugnat omnis substantia infinita: Deus autem poni nequit in prædicamento substantiæ. Igitur substantia, quæ est summum genus, nequit esse indifferens ad finitam, & infinitam.

Resp. in hac re vnumquemq; philosophari secundum hanc, vel illam opinionem, quam habet circa possibilitatem, aut impossibilitatem infiniti; & præterea secundum id quod intelligit nomine substantiæ. Si nomine substantiæ nihil aliud intelligat, quam ens per se, & sub hoc conceptu intelligat substantiam, quæ est summum genus, non repugnat Deum esse in prædicamento substantiæ; tunc enim ratio substantiæ erit vna in Deo, & creatura, sicut diximus de ratione entis: compositio autem ex ratione substantiæ, & ratione increatæ, siue independentis cum sit compositio pure metaphysica, seu logica non repugnat simplicitati diuinæ. Nam quando Patres aiunt omnem compositionem etiam ex genere, & differentia pugnare cum simplicitate perfectissima, quæ in Deo est, solum repræhendunt talem compositionem, per quam rationes, quæ in Deo sunt, obiectiue, & intrinsece distinguantur,

quam distinctionem infiniti Philosophi, & Theologi admittunt inter gradus metaphysicos.

Quod si nomine substantiæ intelligas rem substantem physice alijs prædicamentis; manifestum est substantiam, quæ ponitur pro summo genere in prædicamento substantiæ non pertinere ad Deum. An autem communis sit finitæ, & infinitæ? dicendum est esse communem si sit possibilis substantia creata infinita: non esse communem, si impossibilis. An autem huiusmodi substantia possibilis sit, an impossibilis non est præsentis indaginis.

Quæritur secundò, quænam sint proprietates substantiæ.

Resp. afferri à Philosopho in hoc capite de substantia tres potissimum substantiæ proprietates. Prima est, quod substantia non habet contrarium. Si ita est: non est ignis aquæ contrarius, nec aqua igni. In hoc Philosophi dicto, cui omnino consonat in libris de elementis, seu de generatione, & corruptione, fundant aliqui sententiam Thomisticam; quod videlicet substantia per seipsam immediatè non agat: agere enim actione generativa est à contrarietate: substantia substantiæ non est contraria; igitur substantia in substantiam non agit actione generativa. De hoc alibi. Quam autem contrarietatem non habet substantia per seipsam, & immediatè cum alia substantia, habet mediatè, & per sua accidentia. Ità ignis, quæ calidus contrarius est aquæ, quæ frigida: & propterea dicuntur hæc agere per sua accidentia, quæ & horum virtus dicuntur: unde ait
Phi-

Philosophus, quod ignis non agit in quantum ignis, sed in quantum est calidus: an ita sit disputabimus in libris de ortu, & interitu.

Secunda proprietas est, quod substantia non suscipit magis, & minus. Sensus est formas substantiales non intendi, aut remitti, sicut intenduntur, & remittuntur, vel omnes, vel aliquæ formæ accidentales. Ità homo nō fit ex homine magis homo, sicut calidum fit ex calido magis calidum: frigidum ex frigido magis frigidum. Huic proprietati non officit, quod dictum est supra primam videlicet substantiam esse maximè, & principaliter substantiam. Nec enim sensus est in prima substantia intendi, seu augeri rationem substantiæ; in secundis verò remitti, seu diminui. Imò hoc esse impossibile apparet ex tractatu de vniuersalibus, vbi dictum est non dari secundas substantias, hoc est naturas vniuersales; adeoq. in illis non est realiter, neque intensa, neque remissa ratio substantiæ. Sensus autem est, quod ipsamet ratio substantiæ. quæ consistit in indiuisibili magis proprie reperitur in prima substantia, quam in secundis. In hac proprietate substantiæ, quod videlicet non suscipiat magis, & minus fundatur sententia eorum, qui in Physica dicunt materiam primam non magis appetere formam nobiliorem, quam minus nobilem. Materia, inquiunt, appetit precisè facere cum forma substantiam simpliciter, hoc est substantiam completam: non facit magis substantiam cum forma nobiliori, quam cum minus nobili: ergo non magis appetit formam nobiliorem, quam minus no-

bilem. Minorem probant, quia substantia nō suscipit magis, & minus.

Tertia proprietas est, quod substantia est susceptiua contrariorum. Eadem enim substantia, puta eadem aqua est modo calida, & modo frigida. Idem homiꝑ modo sanus, & modo aeger.

Obseruandum est obiter hoc nomen substantiæ multipliciter accipi à Philosophis. Aliquando idem sonat, ac essentia, seu quidditas. Et hoc modo substantia de quolibet dicitur: cuiuslibet enim est sua quidditas, & sua essentia. Aliquando pro specie entis, quæ opponitur accidenti; & hoc modo constituit suum prædicamentum, de quo egimus hic. Aliquando non solum pro substantia completa, sed etiam pro qualibet parte constitutiua substantiæ.

QVÆSTIO VIII.

De Relatione.

ARTICVLVS I.

Quid sit Relatio.

Philosophus 5. metaph. relationes ad tria potissimum genera reducit. Primum genus est earum, quæ fundantur in vnitatem, & numero: & ad hoc pertinent relationes similitudinis, æqualitatis, excedentis, & excessi. Similia enim sunt, quorum qualitas vna, æqualia quorum quantitas vna, ut ait ibidem Philosophus.

De-

Secundum est earum, quæ fundantur in actione, & passione; & ad hoc pertinent relationes Paternitatis, quam habet Pater ad filium, puta Philippus ad Alexandrum; & filiationis, quam habet filius ad Patrem; puta Alexander ad Philippum.

Tertium genus est earum, quæ fundantur in mensura, & mensurabili. Hic autem, ut monet D. Thomas in 5. metaph. lect. 17. accipitur mensura, & mensurabile, non secundum quantitatem; hoc enim ad primum genus pertinet, in quo utrumq. dicitur. Nam duplum dicitur ad dimidium, & dimidium ad duplum: sed secundum mensurationem esse veritatis; veritas enim scientiæ mensuratur à scibili, ex eo enim, quod res est, vel non est, oratio scita vera, vel falsa est, & non è conuerso: & propter hoc non mutuo dicuntur mensura ad mensurabile, & è conuerso; sicut in alijs modis, sed solum mensurabile ad mensuram. Hæc D. Thomas, quæ vix clarius explicari possunt.

Obiectum igitur scientiæ, siue cognitionis dicitur mensura ipsius cognitionis, siue scientiæ: vel quia ideò vera est cognitio, quia conformatur obiecto. Obiectum verò ipsum non mensuratur per scientiam, quia non ideò obiectum ita se habet, quia cognitio versatur sic circa ipsum. Vel etiam quia quælibet scientia constituitur in esse talis scientiæ per tale obiectum: scientia enim dicitur specificari ab obiecto, non autem obiectum specificari à scientia; puta Physica constituitur Physica, per hoc quod consideret ens naturale; ipsum autem ens naturale non constituitur ens naturale per hoc

hoc, quod consideretur à tali scientia.

Diuiditur præterea relatio à D. Thomæ prima parte quæst. 13. art. 7. corp. in relationem rationis, & realem. Relatio rationis est ordo, siue habitudo quædam intentionalis inter ea, quæ realiter non sunt plura: vt cum dicimus, idem sibi ipsi idem esse. Nam secundum quod ratio apprehendit bis aliquod vnum, statuit illud exercite vt duos; & dum idem comparat cum se ipso, ponit habitudinem quandam rationis eiusdem ad seipsum. Huiusmodi est, v. g. relatio inter subiectum, & prædicatum in hac propositione: *Homo est animal rationale*: & quia opus logicæ est subiectio, & prædicatio rationum inferiorum, & superiorum; propterea dixerunt aliqui obiectum logicæ esse ens rationis, seu relationem rationis. Relatio verò realis est habitudo inter plura secundum aliquid realiter ipsis conueniens. Exemplum D. Thomæ est in duobus albis, quæ sunt realiter duo, & habitudinem habent ad inuicem, secundum albedinem, quæ est in vtroq. & per quam sunt, & denominantur similia.

Relationes reales aliæ sunt mutue, vt inter album *A*, & album *B*, tam enim est simile album *B*, albo *A*, quàm album *A* albo *B*. Aliæ non mutue, vt inter cognitionem, & obiectum. Ideò cognitio est vera, quia sic se habet obiectum, vt repræsentatur per ipsam; non ideò obiectum ita est, quia repræsentatur ita se habere. Mutue aliæ sunt equiparantiæ, quæ nimirum eadem tribuunt denominationem vtrique extremo; aliæ dis-

mæ habes in duobus albis, quorum vtrumlibet dicitur alteri simile: exemplum secunda in Philippo, & Alexandro, quorum alter dicitur Pater, & alter filius.

Denique, celebris diuisio est relationis in transcendentalem, & prædicamentalem. Prima vt ex ipso nomine patet longè latius extenditur, quam secunda; dicitur communiter esse respectus quidam, siue ordo ad aliud adæquatè intrinsecus, & essentialis rei, quæ refertur. Huius exemplum habes in ratione vniuersalissima creaturæ: quælibet enim creatura per seipsam est dependentia sui à Deo. Refertur transcendentaliter dicuntur quæcumq. per seipsa dicunt ordinem, seu respectum ad aliud. Ità v. g. visio qua intueor hunc parietem est relatio transcendentalis sui ipsius ad hunc parietem, quia se ipsa, & non per aliud respicit hunc parietem. Unio, quæ est inter corpus, & animam Petri; est relatio transcendentalis sui ad vtrumq. extremum, quia per se ipsam essentialiter est nexus vtriusq. adeoq. per se ipsam est ordo ad vtrumq. idem dic de omnibus formis modalibus, quæ dicuntur esse per suam essentiam affixæ rebus, adeoq. per se ipsas respicere res, quarum sunt modi. Prædicamentalis est habitudo vnius ad aliud, seu ratio, seu forma, qua vnum refertur ad aliud, non essentialiter, & per seipsum, sed contingenter. Huiusmodi est relatio inter album *A*, & album *B*, quæ mutuo ad se referuntur, per albedinem vtriusq. superadditam.

Ex hac diuisione constat definitio relationis vt sic. Hanc enim rectè definiēs: habitu-

di-

dinem vnius ad aliud, seu formam qua vñi se habet ad aliud. Vnde Philosophus cap. ad aliquid, hoc est de relatione dicit relatiua sunt, quibus hoc ipsum est esse, ad aliud quodammodo se habere. Quod si ordo ille, seu habitudo illa vnius ad aliud sit essentialis rei, quæ refertur, dicitur transcendentalis: si accidentalis, dicitur prædicamentalis. Prima non dicitur prædicamentalis, quia transcendit omnia prædicamenta: secunda dicitur, quia constituit speciale prædicamentum.

Discrimen inter transcendentalem, & prædicamentalem fusè multi, & confusè inquirunt. Res est tamen satis obuia. Referrî transcendentaliter est referrî per aliquod prædicatum, quod secundum suam rationem transcendat per omnia prædicamenta; adeoque quod dici valeat de quacumq. re. Essè autem hoc, est aliquid quod de quacumq. re dicitur: nam & musca est hoc, seu est id, quod est. Et Elephas est id, quod est, & albedo est id, quod est, & de quacumq. re dicet illam esse id, quod est. Hoc igitur prædicatum transcendit per omnia prædicamenta. & consequenter quæcumque referuntur ad aliud per huiusmodi prædicatum referuntur per prædicatum transcendens, adeoque transcendentaliter referuntur, hoc est tali genere relationis, quo cuilibet rei conuenit referrî ad aliam. Rursus quæcumq. referuntur per suam essentiam referuntur per prædictum prædicatû; quælibet enim res per suam essentiam est id, quod est; ergo quæcumq. per suam essentiam referuntur, transcendentaliter referuntur. Hinc relatio transcenden-

dentalis rectè dicetur *Respectus essentialis sui ad aliud*.

Referri autem prædicamentaliter non est referri per aliquod prædicatum huiusmodi; sed per sed aliquid adueniens & quidem cōtingenter rei quæ refertur. Hic paries non ideo refertur ad illum alium quia est id quod est, seu non refertur per suam essentiam, ad illum alium parietem; sed per albedinem sibi & alteri parieti superadditam, aut per modum quendam ad vtriusque albedinis existentiam resultantem. Propterea rectè diximus relationem transcendentalem esse essentialem rei quæ refertur; secus prædicamentalem; esse autem essentialem indicatur per hoc ipsum quod sit transcendentalis, adeoque consistens in prædicato necessario cōueniente cuilibet rei. Intellige, creatæ; neque enim nostrum est disputare an etiam Deus transcendentaliter referatur, quod aliqui negāt, aliqui affirmant.

ARTICVLVS II.

De relatione transcendentali.

VNum breuiter examinandum est, hoc articulo, circa relationem transcendētalem. An videlicet verum sit quod à multis circumfertur; relationem videlicet transcendentalem consistere in hoc quod implicante termino ipsa etiam implicaret. Pro resolutione.

Tria in reatiuis consideranda sunt: fundamentum, terminus, & ratio fundandi. Fundamentum dicitur id quod ad aliud
se

se habet; terminus est illud aliud: ratio fundandi est ratio illa per quam vnum se habet ad aliud. Exemplum sit in relatione similitudinis quam habent paries *A* & paries *B* inter se; fundamentum est paries *A* qui se habet ad parietem *B*; Terminus est paries *B* ad quem se habet paries *A*: ratio fundandi est albedo in utroque pariete existens, per quam hic est similis illi. Item in relatione transcendentali creatura quæ refertur ad Deum dicitur fundamentum; Deus ipse ad quem refertur est terminus, dependentia per quam refertur ad Deum est ratio fundandi. Vides in relatione prædicamentali nos assignasse rationem fundandi distinctam à re quæ refertur, secus in relatione transcendentali: in utraque autem ponimus terminum à re quæ refertur distinctum.

Diuidunt præterea fundamentum in proximum & remotum, remotum vocant rem illam quæ est ad aliud; proximum illam eandem rem simul cum ratione fundandi: in exemplo superius allato paries *A* est fundamentum remotum, idem acceptus cum utraque albedine est fundamentum proximum.

Intellecto quid sit terminus in relatione, facile est intelligere dubium propositum, an videlicet relatio transcendentalis consistat in hoc quod implicante termino ipsa etiam implicaret. Partem affirmatiuam sunt qui suadere velint his argumentis. Visio *A* per quam intueor albedinem implicaret implicante albedine: hæc visio est relatio transcendentalis ad albedinem, ergo implicante termino implicaret relatio. Maior prob. quin impossibile est existere visionem obiecti im-

possi-

possibilis; ergo inpossibilitate tali obiecto euaderet impossibilis talis visio. Minor autem est indubitata. Item implicante Deo implicaret quælibet creatura: quælibet creatura est relatio transcendentalis ad Deum; ergo implicante termino implicaret relatio transcendentalis. Item implicante tali sono implicaret potentia perceptiua talis soni: huiusmodi potentia est relatio transcendentalis ad talem sonum; ergo implicante termino implicat relatio. Hæc & infinita huiusmodi argumenta cõgerunt ad exterminium relationis transcendentalis, termino per impossibile exterminato. His non obstantibus.

Dicendum est. Datur relatio transcendentalis ad terminum implicantem. Ex hac conclusione manifestum est relationem transcendentalem non consistere in hoc quod implicante termino ipsa etiam implicaret. Probatur autem conclusio euidenter. Omnis cognitio est relatio transcendentalis ad suum obiectum: datur cognitio obiecti implicantis; ergo aliqua relatio transcendentalis est ad terminum implicantem. Maior admittitur ab omnibus. Minor probata est ubi de ente rationis. Diximus enim ibi cognitionem terminari ad Hyrcocersum, & ad quodlibet aliud impossibile.

Ad argumenta quæ proposita sunt pro sententia opposita: responde transmissis maiori & minori: negando consequentiam: vel disting. consequens: aliqua relatio transcendentalis implicante termino implicaret; omitte; omnis relatio transcendentalis: nega consequentiam.

Dices. Etiam implicante chimera in esse obiecti

obiecti implicaret relatio transcendentalis ad ipsam: chimera solum in esse obiecti est terminus relationis transcendentalis, ergo etiam hæc ipsa relatio quam adducimus pro nostra sententia, implicante termino, implicaret. Maior probatur quia si implicaret chimera esse obiectum cognitionis, implicaret cognitio chimera. Minor etiam probatur, nam chimera nequit terminare cognitionem nisi per illud esse quod habet: non habet esse aliud quam obiecti, ergo nequit terminare cognitionem, nisi secundum esse obiecti.

Resp. quæstionem non esse an implicante termino in ratione termini implicaret relatio. Est enim evidens vnâ rem non posse terminari ad aliam ad quam implicet ipsam terminari. Nam terminari ad non terminum est implicantia in terminis. Dubium est an termino, seu illa re, quæ est terminus, implicante, etiam ipsa relatio implicaret: ad quod respondemus negatiue: Ex hoc ad argumentum in forma patet quid dicendum sit: nimirum implicante termino reduplicatiue, etiam relationem implicaret, non autem implicante termino specificatiue accepto. Hinc si implicet Hyrcoceruum cognosci, implicat cognitionem terminari ad Hyrcoceruum: etiam si autem implicet Hyrcoceruus, non propterea implicat ipsam cognosci: primo modo implicaret in ratione termini: secundo modo solum implicat.

ARTICVLVS III.

An relatio prædicamentalis sit realis.

DE relatione prædicamentali potissima est apud logicos controuersia. Esse autem hanc non realem, sed rationis non solùm multi ex veteribus opinati sunt, sed etiam ex recentioribus non pauci opinantur; apud quos relatio prædicamentalis dicitur relatio secundum dici.

Dicendum est relationem prædicamentale esse realem. Probatur conclusio quia independentem ab omni actu rationis album *A* est simile albo *B* lignum palmare est inæquale ligno bipalmari. Homo albus est dissimilis homini nigro, stultus sapienti, duplum est maius suo dimidio, & dimidium minus duplo. Item præscindendo ab omni actu rationis, Philippus est pater Alexandri, & Alexander filius Philippi; ergo realiter & independentem à nostra ratione dantur relationes similitudinis, inæqualitatis; dissimilitudinis, excedentis & excessi, paternitatis & filiationis: quarum alię spectant ad primũ, alię ad secundum genus earum quas refert Philosophus loco citato. Antecedens est manifestum, nã independentem ab omni actu rationis, & nemine cogitante album *A* est tale quale est album *B*: & sic de cæteris. Esse autem vnum simile alteri, nihil aliud est quam vnum esse tale, quale est alterum.

Dices. Argumentum probat dari similitudinem, paternitatem & sic de cæteris non autem dari relationem similitudinis, paternita-

tis, &c. Nam relatio consistit in respectu vnius ad alterum, album autem *A* etiam si sit tale quale est album *B*, non tamen respicit album *B*; igitur etiam si sit tale, quale est alterum, non tamen refertur ad alterum, sed solum est referibile, fit autem ex referibili relatum per actum intellectus comparantem ipsum cum altero.

Qui sic Philosophantur, per referri nihil aliud intelligunt, quam comparari, vnum autem non comparari cum altero, nisi per actum rationis est manifestum; adeoque si nomine relationis ipsam met comparisonem intelligas, extra dubium est, haberi hanc per actum rationis formaliter. Quemadmodum autem isti vim faciunt in hoc verbo *referri*: sic alij vim facient in hoc verbo: *respicere* & dicent quod neque per actum rationis album *A* respicit album *B*: quantumlibet enim aduersarius compararet album *A* cum albo *B*, ipse quidem vtrunque albū & aspicit, & respicit, neutrum tamen ex albis aspicit aut respicit alterum.

Dicendum est igitur relationem consistere non in comparisonem, sed in comparabilitate. Argumentum autem propositum probat dari realiter comparabilitatem, & consequenter probat dari relationem. Certe independentem ab omni actu rationis Philippus habet meritum ut comparatur cum Alexandro, & Alexander ut cōparetur cum Philippo: quod meritum non habet idem Philippus respectu Ephestionis, nec Ephestio respectu Philippi: hoc meritum dicimus relationem paternitatis in vno, filiationis in altero.

Obijcies. Relatio includit in suo esse præter

ter rationem fundandi fundamentum & terminum, ergo tam fundamentum quam terminus sunt de quidditate relationis: sed tam fundamentum quam terminus fiunt per actum rationis; ergo aliqua constitutiva relationis fiunt per actum rationis: rursus si aliqua constitutiva relationis habentur per actum rationis, ipsa relatio non habetur adæquate independenter ab actu rationis, ergo relatio non datur præscindendo ab actu rationis. Probatur minor subsumpta, nam album *A* constituitur in esse fundamēti per hoc quod comparetur cum albo *B*; & album *B* in esse termini per hoc quod album *A* comparetur cum ipso, ergo tam fundamentum quam terminus constituuntur in suo esse per actum rationis. Probatur ultimum hoc antecedens quia tam album *A* quam album *B* est omnino indifferens ad rationem fundamenti vel termini; hoc est, est omnino indifferens ad hoc ut sit fundamentum aut terminus; determinatur autem ad rationem fundamenti, per hoc quod comparetur cum altero, determinandum ad rationem termini si alterum compararetur cum ipso.

Hoc argumentum apud aliquos recentiores obtinuit ut relatio prædicamentalis putaretur relatio rationis, & mere secundum dici: Nihil tamen probat nisi relationem inter album *A* & album *B* esse mutuam & consequenter utrumque extremum sustinere & rationem termini, & rationem fundamenti. Hoc autem ultro concedimus. Ad argumentum in forma omisso toto primo entimemate. nega minorem subsumptam. Ad probationem nega quod vllum extremum constitua-

fituatur in esse fundamenti per hoc quod comparatur. Constituitur per hoc quod sit comparabile. Ad probationem dic prædictā indifferentiam ostendere non quod neutrum ex extremis, sit aut fundamentum aut terminus, nemine cogitante, sed quod utrumque sit nemine cogitante, & fundamentum & terminus: utrumque enim est cum altero comparabile.

Dices: ergo sunt duæ relationes. Probabis consequentiam: quia sunt duo fundamenta, & duo termini.

Resp. disting. conseq. sunt duæ relationes physicè: nego consequentiam, logice: omitto consequentiam. Cur & hanc consequentiā & alia superius non concesserim; sed omiserim patebit infra. Interim nota eandem omnino formam tribuere posse non modo duplicem, sed etiam diuersam denominationē, non modo iisdem sed diuersis extremis: puta in sententia communi non est aliud actio & passio, & tamen illa eadem forma alterum denominat agens, & alterum passum: puta si Socrates vapulet à Platone; illa eadem vapulatio denominabit Platonem verberantē, & Socratem verberatum, quæ duæ denominationes, quam diuersæ sint, omnes intelligunt.

Obijcies secundò. A parte rei & nemine cogitante nihil datur præter album *A* & album *B*: hæc duo sunt entia absoluta, ergo nihil datur à parte rei præter absoluta: relatiua opponuntur absolutis; seu diuersa sunt ab absolutis, ergo à parte rei non dantur relatiua.

ARTICVLVS IV.

An relatio prædicamentalis consistat in modo superueniente fundamento ad existentiam termini?

ARgumentum vltimo loco propositum multos ex recentioribus ita mouit vt existimarent relationem consistere in modo quodam, seu in forma modali superaddita fundamento, termino, & rationi fundandi. Hanc autem formam aiunt necessario necessitate metaphysica pullulare in fundamento ad existentiam termini, & rationis fundandi; hoc est in fundamento proximo. Exemplū sit in relatione similitudinis. Sit Socrates albus, & Callias niger. Haftenus non sunt, similes: dealbetur Callias; euadunt similes. Si quæras in quo consistat formaliter relatio similitudinis Socratis ad Calliam: respondent cōsistere in forma modali, quæ ad dealbationem Calliæ pullulauit in Socrate: & quia tam Callias est similis Socrati, quam Socrates Calliæ, ideo etiam in Callia huiusmodi modus pullulat.

In hoc modo aiunt consistere formaliter proportionem, ordinem, conuenientiam plurium inter se, ipsamque vniuersi pulchritudinem; quæ nihil est aliud, quam ordo quidam in rebus vniuersum constituentibus. Cætere sine hoc modo accepta non formaliter, sed fundamentaliter dumtaxat ad se inuicem referuntur, seu sibi mutuo proportionantur. Puta duo alba præciso secundum se non formaliter, sed fundamentaliter refe-

runtur relatione similitudinis, duo bicubita relatione æqualitatis. Et sic de cæteris Hanc sententiam cum ex Thomistis, tum ex Scottistis plurimi tuerentur. Inter recentiores vide P. Maurum quæst. 54. Log.

Modum huiusmodi ex recentioribus multi reiiciunt: puta Hurtadus, Arriaga & alij. Ex antiquis inter cæteros D. Thomas quidquid aliter dicant Thomistæ. Cum hac secunda sententia stamus. Probamus autem veritatem ipsius primo auctoritate & ratione D. Thomæ opusc. 48. tract. 5. de prædicamento ad aliquid cap. 2. & 3. Socrates euadit similis Calliæ sine vlla sui mutatione, cum antea non esset similis; ergo euadit similis sine receptione vllius formæ de nouo. Consequentiæ est euidentis: quidquid enim recipit formam de nouo siue modalem siue absolutam, mutatur; cum mutari nihil aliud sit quam aliter se habere ac antea. Antecedens autem probatur, quia Socrates euadit similis Calliæ per mutationem in Callia. Si enim supponas Socratem album, non autem Calliam; facies Socratem similem Calliæ dealbando Calliam: Est autem euidentis per hoc quod dealbetur Callias, Socratem non mutari.

Hoc argumentum quod est euidentis, est etiam Aristotelis 5. Physic. cap. 3. vbi dicit, ei quod est ad aliquid non esse motum, sed esse ad aliquid, illi contingere ad mutationem alterius, ipso nullam mutationem patiente. Puta contingit Socrati nullam mutationem patienti se habere ad Calliam in ratione similis, vel dissimilis; æqualis, vel inæqualis. Idem dic de Callia respectu Socratis.

Ad auctoritatem D. Thomæ sunt qui respondeant prædictum opusculum non esse D. Thomæ. De hoc non est disputandum. Cuiuscunque sit, ratio quæ assertur est evidens; nec indiget auctoritate afferentis. Ad auctoritatem Philosophi respondent cum distinctione: Non datur motus ei quod est ad aliquid, hoc est ad relationem, per se: concedunt, non datur motus per accidens: negant. Callias 'dū dealbatur mouetur seu mutatur per se, ad mutationem autem Calliæ per accidens consurgit in Socrate modus relatiuus ipsius ad Calliam: præscindendo autem à tali modo habes Socratem relatum Calliæ, non formaliter, sed fundamentaliter, hoc est habes relationem non formalem, sed fundamentalem.

Sed contra est: quia quæ ponuntur ab aduersario pro relatione fundamentali, sufficientissima sunt pro relatione formali; ergo ista distinctio est inanis. Antecedens probatur quia per hoc præcise quod Callias fiat æque albus ac Socrates; vere & proprie datur similitudo inter Calliam & Socratem, ergo non solum datur fundamentum similitudinis. Antecedens probatur quia præcise posita albedine in utroque vnus est talis, qualis est alter, quod est esse similes. Siue, per hoc præcise quod albedo in utroque ponatur, huiusmodi extrema sustinent definitionem similium: similia sunt quorum qualitas vna. Hinc formas aliud argumentum Aristotelicum: similitudo secundum quale est vnitas qualitatis in pluribus: sed per hoc præcise quod & Socrates & Callias, sint albi vt sex, datur vnitas qualitatis in pluribus, ergo da-

tur similitudo. Dari hanc unitatem manifestum est ex dictis, cum huiusmodi unitas habeatur per actum præcisium & abstractum seu abstrahentem à pluralitate. Eo enim ipso quod albedo ut sex est in Callia, & albedo ut sex in Socrate, potest abstrahi ratio albedinis ut sex communis utrique & ab utraque præscindens. Ex quo apparet utramque albedinem, quæ est unitas fundamentalis, iuxta dicta in tractatu de uniuersalibus, esse formalem similitudinem. Quæ enim sunt formaliter similia, fundamentum prebent ut vno conceptu confundantur, ut dictum est.

Quod diximus de relatione similitudinis, dic de quacunque alia proportionaliter. Per hoc præcise quod Philippus genuerit Alexandrum, est formaliter & non fundamentaliter solum pater Alexandri: & per hoc præcise quod Philippus sit genitus ab altero, est formaliter filius alterius: hoc autem præcise intellecto non intelligis pullulationem ullius modi supra fundamentum, terminum & rationem fundandi, ergo habes conceptum adæquatum paternitatis & filiationis, nullo huiusmodi modo intellecto: quotiescunque autem aliqua ratione non intellecta habetur aliquis effectus formalis, toties illa ratio non requiritur ad talem effectum formalem; ergo modus ille non requiritur ad paternitatem aut filiationem: ipsa autem paternitas, & filiatio sunt ipsa formalis relatio, hæc filiationis, illa paternitatis. Tenendum est id quod ultimum diximus. Facile enim impinges in mortales quosdā, qui paternitatem ultro tibi dabunt à parte rei, negabunt autem relationem paternitatis.

Contra

Contra hos dictum est supra . Per hoc enim quod detur ista paternitas datur comparabilitas vnus cum alio vt Patris, & per hoc quod detur filiatio datur comparabilitas alterius cum ipso vt filij cum Patre. Sicut diximus de similitudine, æqualitate, &c.

Vt vides æque absurdum est apud nos Philippum non esse formaliter Patrem Alexandri per hoc præcise quod genuerit Alexandrum, ac non dari relationem paternitatis formaliter præcise per hoc, quod Philippus genuerit Alexandrum. Probatur quia est æque absurdum non dari formaliter paternitatem, ac Philippum non esse formaliter Patrem: est autem æque absurdum non dari formaliter relationem paternitatis, ac non dari formaliter paternitatem; cum paternitas ipsa, vt dictum est, sit relatio paternitatis: hoc est ratio formalis per quam vnus meretur comparari cum alio vt Pater cum filio. Hæc omnia reducuntur ad vetustum hoc & verum proloquium: *non sunt multiplicanda entia sine necessitate*: nulla est necessitas modi, de quo dictum est; ergo huiusmodi modus non est numerandus inter ea quæ sunt. Minor probata est satis abunde. Certum est enim aliam comparabilitatem habere album cum albo, quam album cum nigro, etiam nihil concipiendo nisi quod hic vtrunque est album; ibi vnum est album, & alterum nigrum. Prima comparabilitas est similitudo; secunda est dissimilitudo. Item: certum est Philippum per actionem generatiuam habere aliam comparabilitatem cum Alexandro quam cum Ephestione vel aliquo alio. Hæc comparabilitas est in ratione patris

parris ad filium ; quam comparabilitatem relationem vocamus. Maior autem, quæ consistit in prædicto proloquio sic explicatur. Vbi ad habendam aliquam denominationem non datur indigentia huius vel illius rationis, ibi non est admittenda hæc nec illa ratio. Puta fac aliquem dicere, & obstinate dicere, hunc parietem esse per albedinem, non formaliter, sed fundamentaliter album : cōfurgere autem necessario necessitate metaphysica ad positionem albedinis aliam formam, per quam formaliter est albus : Quomodo hunc impugnabis ; nisi dicendo quod ad effectum formalem albi non datur vlla necessitas vllius alterius formæ, quam albedinis in pariete ? hoc autem probabis iisdem omnino argumentis quibus probauimus ad similitudinem, seu relationem similitudinis non dari vllam necessitatem modi pullulantis in fundamento.

Contra modum hætenus impugnatur infinita alia congeruntur. Primò quod ad productionem de nouo cuiuslibet entitatis fit mutatio intrinseca in omnibus omnino entibus vniuersi. Puta si nascatur hic musca, huic coexistunt quæcunque existunt, & consequenter habent relationem coexistentiæ ; hæc relatio fit per receptionem modi ; ergo quotquot sunt in mundo, recipiunt formam modalem intrinsecam de nouo : atque hic exaggerant hoc potissimum, quod musca quæ nascitur Romæ, eo ipso determinet Garamantas & Indos vt in se producant aliquid de nouo. Secundò aiunt in prædictis modis dari processum in infinitum. Nam non solum Socrates est similis Calliæ, Callias Socrati,

erati, sed modus ipse qui in Callia est, similis est modo qui in Socrate, ergo inter hunc & illum modum datur relatio similitudinis, Rursus hæc ipsa similitudo est similis alteri similitudini, illa alteri, & sic in infinitum. Cætera sponte omittimus.

Ad hæc autem quæ dicta sunt, aduersarij respondent concedendo totum quod dicitur in primo, videlicet omnia mutari ad mutationem cuiuslibet, & in hoc ipso mirabiliter philosophantur de pulchritudine vniuersi, quæ præcipue consistit in perfecta illa connexione & correspondentia, quam singula cum singulis & omnibus habent. Circa secundum negant processum in infinitum. Aiunt autem modum relationis esse non solum relationem fundamenti ad terminum, sed etiã sui ad quemlibet alium modum, ad quem referatur. Exemplificant in modo vbiationis, qui quamuis sit modus superadditus rei quam locat, siue vbicat, & ipse etiam sit in loco, non tamen indiget alio modo per quẽ sit in loco. Ratio est quia non solum est in loco, sed est ipsemet formaliter locus; adeoque seipso essentialiter determinatus esse hic. Similiter vt causa producat effectum indiget actione distincta à se & effectu; ipsa tamen actio non alia actione ponitur in rerum natura, quia est essentialis determinatio non solum alterius, sed etiam sui ad esse. Sic etiam, aiunt, modus relationis est relatio sui, & alterius: quia alterius, est alteri superadditus; quia sui, non indiget alio modo, quo referatur.

Hæc omnia longam peterent impugnationem: sufficiat indicare non maiorem indif-

fereutiā dari ad similitudinē inter albū *A* & album *B* præcise secundū se cōsiderata; quam detur inter modum *A* & modum *B*. In tantum autem ad hoc ut sim hic requiritur ubi per quod sim hic, in quantum sum indifferens ut sim hic vel non non sim hic. Item intantum ad producendum effectum requiritur actio superaddita, in quantum est indifferens ut procedat vel non procedat ab hac causa. Cæterum si & in me quoad esse hic, & in effectū quoad esse ab hac causa, eadem daretur determinatio, quæ datur & in ubi ut sit ipsum hic, & in actionē ut sit ab hac causa, neque in me requireret aduersarius ubi superadditū, nec in effectū vel causa actionem distinctam. Dari autem determinationem talem ad similitudinē per hoc præcise quod existant duo alba, probatum est satis.

ARTICVLVS V.

An relatio habeatur formaliter per solum fundamentum proximum.

S Varius disp. 47. Metaph. sect. 2. num. 22. sentire videtur totam essentiam relationis in solo fundamento proximo sitam esse; ita ut relatio similitudinis v. g. qua Socrates refertur ad Calliam, tota sit in Socrate. Hæc sententia sic intellecta reiicienda est.

Ratio, cur hæc sententia non arrideat, est quia deficiente albedine in Callia non remanet similitudo inter Socratem & Calliam; ergo tota similitudo non est in solo Socrate.

Ante-

Antecedens est manifestum; consequentia autem est euidens; nam implicat remanere id quod est tota relatio, & non remanere relationem; ergo si Socrates solus cum sua albedine est tota relatio, implicat remanente Socrate albo non remanere relationem.

Quamuis hoc sit perspicuum explicatur tamen ulterius & probatur: similia sunt quorum qualita vna, deficiente albedine in Callia, perseverante vero in Socrate, Socratis & Calliæ non est qualitas vna, ergo non est amplius similitudo inter Socratem & Calliam, siue Socrates & Callias nō sunt amplius similes. Maior est definitio similium: minor est innegabilis. Hoc idem argumentum de similitudine in abstracto, sic forma. Similitudo est vnitas qualitatis in pluribus: deficiente albedine in Callia non datur amplius vnitas qualitatis in Socrate, & Callia; ergo non datur amplius similitudo. Quod si replicet aduersarius deficiente albedine in Callia non esse amplius similes inter se Socratem, & Calliam; Socratem tamen esse similem Calliæ: non intelligit quid sit esse simile: simile enim est denominatio essentialiter reciproca.

Dices: deficiente albedine in Callia Socrates, est similis quantum est ex se Calliæ; ergo in Socrate datur tota similitudo. Antecedens probatur, quia ad similitudinem nihil requiritur ex parte Socratis; per hoc enim præcisè, quod Calliæ restituatur albedo, euadet simpliciter, & sine addito similis.

Resp. hoc argumento probari Socratem esse similem non solum Calliæ, sed etiam

Aethiopi. Probabis autem, quia ex parte Socratis nihil requiritur ad hoc, ut sit similis Aethiopi: quandoquidem ablata nigredine à vultu Aethiopis; & nulla mutatione facta in Socrate, hic est similis illi. Atque ut vides hoc modo relatio similitudinis datur inter dissimilia, quandoquidem quodlibet ex dissimilibus per mutationem alterius extremi fit simile, adeoque quantum est ex se est simile suo dissimili. Igitur transmissio antecedenti: nega consequentiam.

Dices Socratem album, ut sit similis Calliae, requirere in Callia albedinem, non tamen ut constitutivam relationis, seu similitudinis, sed ut connotatum extrinsecum, quo deficiente deficit consequenter saltem denominativè relatio. Quod autem ad deficientiam connotati deficiat etiam ratio tale connotatum exigens, non est novum: multa enim connotata sunt essentialiter requisita ad rationes connotantes. Exemplum huiusmodi rationum habes in hac ipsa quaestione. Relatio transcendentalis est adaequatè intrinseca rei, quae refertur, adeoque identificata cum fundamento; & tamen deficiente termino, qui purè connotatur, ipsa etiam deficit; puta implicante sono *A*, implicat potentia perceptiva soni *A*. Implicante musca implicat potentia effectiva muscae; implicante albedine implicat visio albedinis; & tamen nec possibilitas soni *A*, constituit potentiam perceptivam sui, nec possibilitas muscae, potentiam sui effectricem, nec albedo visionem, per quam attingitur; sed & sonus, & musca, & albedo purè connotantur per huiusmodi relationes transcendentales.

Igi-

Igitur commune est, & constitutivis, & connotatis, quod ad deficientiam ipsorum deficiat res, vel constituta, vel connotans.

Resp. committi hic ab aduersario equi-
uocationem circa hoc verbum: *Deficere*.
Deficiente, seu implicante albedine, ita im-
plicat visio albedinis, vt non maneat in re-
rum natura actus ille, qui est visio albedinis.
Item implicante musca non datur in natura,
nec dari potest illa eadem potentia, quæ est
potentia effectiua muscæ. Idem dic de cete-
ris; at etiam deficiente albedine in Callia
remanet ratio illa, quæ est relatio, seu simi-
litudo. Implicat autem remanere rem, seu
rationem illam, quæ per seipsam adequatè
est relatio, & non remanere relationem, Hinc
apparet manifesta disparitas inter relatio-
nes transcendentales, quas adducit aduersa-
rius, & relationem prædicamentalem simi-
litudinis inter Calliam, & Socratem. De-
ciente termino deficit relatio transcenden-
talis per deficientiâ rei, quæ est relatio tran-
scendentalis; quia implicante tali termino
implicaret res, quæ ad talem terminum termi-
natur: at deficiente albedine in Callia defi-
ceret in Socrate similitudo, seu relatio per-
seuerante illa re, quæ est relatio. Propterea
albedo ipsa, quæ est in Callia non habet pu-
ram rationem connotati extrinseci; secus
qui libet terminus cuiuslibet relationis tran-
scendentalis; ad deficientiam huius deficit re-
latio non formaliter per deficientiam ipsius,
sed consequenter: ex eo enim quod implicet
albedo, implicat visio albedinis. Ex deficien-
tia autem, & per deficientiam albedinis in
Callia deficit formaliter similitudo Socra-

tis cum Callia, quia per vtramq. & non per vnicam albedinem huiusmodi similitudo habetur. In primo casu non remanet res, quæ est relatio, & propterea dicimus non remanere relationem. In secundo vult aduersarius remanere rem, quæ est relatio, non autem relationem: Nos autem dicimus: si remanet res, quæ est relatio, remanet relatio: non remanet relatio; ergo neque res, quæ est relatio.

ARTICVLVS VI.

Respondetur obiectionibus.

ANtequam statuamus, in quo tandem consistat relatio prædicamentalis satisfaciendum est Modalistis; qui

Obijciunt primo. Relatio est perfectio intrinseca fundamento; ergo consistit in modo superaddito. Antecedens probatur, quia est aliqua perfectio equi *A*, quod sit similis equo *B*; ergo perfectio relatiua est perfectio intrinseca fundamento. Secundam antecedens probatur: quia quod sit similis equo *B* facit quod pluri estimetur ab habente equum *B*, & pluri ematur, vt simul cū equo *B* trahat rhedam.

Resp. equum *A* per hoc, quod sit similis equo *B*, quantum est ex se, hoc est secundum illam partem formæ, in qua consistit similitudo, esse aliquando meliorem, aliquando deteriorem, adeoq. rationem similitudinis esse illi indifferentem. Si equus *B* est pulcherrius equus, bonum est equo *A* illi assimulari; si malus; malum. Quod autem ha-

bens

bens equum *B* pluris emat equum *A* ob similitudinē, nō cōmendat perfectionem equi *A*: non enim emitur pluris in tali casu, quia perfectior, sed quia magis idoneus ad aliquos fines, quos emptor sibi constituit. Hinc patet negandum antecedens, ad probationem distingue antecedēs: pluris æstimatur ob fines extrinsecos emptoris: omitto pluris æstimatur æstimabilitate intrinseca: nego. Vel si vis: pluris æstimatur æstimabilitate intrinseca: nego: extrinseca: omitto. Aestimabilitas in tali casu non est in ipso adæquatè ratione sui, sed partim ratione sui, partim ratione alterius. Certum est equum absolutè meliorē illi in tali casu postponendum.

Aduertendum est autem in hac materia nullum fere heri argumentum, quod non possit retorqueri contra arguentes; ostendendo in relatione, vt vocant, fundamentali totum id, quod intendunt per relationem formalem, puta per hoc ipsum, quod equus *A* sit similis fundamentaliter equo *B* pluris æstimatur, & emitur ab habente equum *B*, igitur ipsa met relatio fundamentalis est aliqua perfectio distincta à perfectione absoluta, quæ est in eodem equo. Hoc idem apparebit in omnibus alijs argumentis.

Obijciunt secundo. Duo extrema non referuntur ad se inuicem intentionaliter per duos conceptus absolutos; ergo neque referuntur ad se inuicem obiectiuè per duas formas absolutas. Antecedens explicatur: vt compares Socratem, & Calliam formaliter non sufficiunt isti duo conceptus: *Socrates albus*: *Callias albus*: sed requiritur vnus conceptus indiuisibiliter vtrumq. attingens,

v.g.

v.g. *Socrates, est talis qualis est Callias, vel Et Socrates, & Callia est albus* : igitur ad relationem obiectiuam non sufficient duæ formæ absolutæ, quales sunt duæ albedines, vna in Callia, & altera in Socrate ; sed præterea dari debet vna forma modalis, quæ sit nexus vtriusq. extremi, & respondeat illi nexui intentionali significato per particulam, *Et, sicut*, & alias huiusmodi. Probat-ur consequentia, quia modus essendi realiter, & modus essendi intentionaliter, debent proportionari.

Resp. primò hoc argumentum retorqueri contra relationem fundamentalem : hanc enim vt cognoscas, non sufficit te habere duos conceptus absolutos : siue vt dicas Socratem, & Calliam esse fundamentaliter similes non sufficit te habere hos conceptus : *Callias albus : Socrates albus* ; ergo etiam ad relationem fundamentalem, est insufficiens duplex forma absoluta, hæc in vno, illa in altero extremo.

Resp. secundo concesso antecedenti : negando consequentiam. Ad probationem dic conceptus proportionari obiectis non in omnibus, sed secundum propriam rationem conceptuum. Actus copulatiuus : *Petrus, & Paulus* : disiunctiuus : *Petrus, vel Paulus*, non differunt obiecto, & tamen differunt ex modo : vterq. dicitur proportionari obiecto, prout affirmat, vel negat, quod conuenit, vel disconuenit. *Petrus, & Paulus est doctus* : est propositio vera si vterq. est doctus : *Petrus, vel Paulus est doctus*, vera est vtrolibet indocto, dummodo alter doctus sit : disiunctio igitur, & copulatio sunt aliquid

ex parte actus, non autē ex parte obiecti: copulandi autem fundamentum dat doctrina in utroq. quæ nihil aliud est, quam hæc, & illa doctrina; disiungendi autem, doctrina in utrolibet.

Eodem modo actus comparatiuus differt à non comparatiuo; sed comparationi ut vera sit sufficit ex parte obiecti hæc, & illa albedo in hoc, & illo subiecto, adeoq; utraque albedo est comparabilitas vnius extremi cum altero. Constat enim, quod eo ipso quod Socrates equus est albus, atque Callias dant intellectui fundamentum dicendi: hic & ille sunt similes in albedine.

Obijciunt tertio, Socrates, & Callias sunt indifferentes, ut sibi coexistant, vel non coexistant; ergo per aliquid distinctum ab utroq. & ab existentia utriusq. sibi coexistunt. Consequentia probatur, quia quotiescumq. dato utroq. extremo remanet indifferentia ad aliquam denominationem, non habetur formaliter talis denominatio per utrumq. extremum; sed data utraq. existentia, videlicet Socratis, & Calliæ, datur indifferentia ad coexistentiam; ergo coexistentia non habetur per utramque existentiam: debet ergo dari aliquid supra existentiam utriusq. quod sit utriusq. coexistentia. Probatum iam anteedens: quia si detur nunc existentia Socratis, & cras existentia Calliæ, habes in natura utramq. existentiam, nec habes propterea per hoc formaliter coexistentiam.

Resp. concedendo totum. Præter utramq. existentiam pone pro coexistentia formali ad quod aduersarius dabit pro coexistentia fun-

fundamentali : per vtramq. existentiam , quarum altera detur hodie , altera cras , neque fundamentalem coexistentiam habes . Hanc vt habeas requirit insuper aduersarius , vt vtraq. illa existentia sit in eodem instanti , hoc est in vtroq. extremo durationem , per quam sint in eodem tempore . Hoc autem quod ab ipso ponitur pro relatione fundamentali , tibi sit pro formali .

Obijciūt quartò . Per relationem similitudinis , idem dic de relatione æqualitatis , plura sunt vnum : nequeunt fieri vnum , nisi per aliquam formam , quæ sit ratio facienti ex pluribus vnum ; ergo ad relationem similitudinis requiritur aliqua forma huiusmodi : hæc forma est modus ; ergo requiritur modus . Minor subsumpta probatur , quia hæc forma debet esse forma simplex indiuisibiliter connectens vtrumq. extremum .

Resp. breuitatis causa , negando maiorem . Quæ sunt plura non sunt vnum , neque materialiter , neque formaliter per hoc , quod sint , aut appareant similia : immò similitudo est plurium formaliter .

Dices . Quamuis sint plura similia , est tamen vna similitudo . Item quamuis sint plura æqualia , est tamen vna æqualitas , & sic de cæteris ; ergo & similitudo , & æqualitas debet haberi per aliquam formam vnā , & simplicem .

Resp. transmissio antecedenti : negando consequentiam : potest enim vna similitudo constitui per formam existentem partim in vno , partim in altero ex similibus , adeoq. per formam non vnā , sed duplicem .

ARTICVLVS VII.

In quo consistat Relatio.

Dictum est supra in relatione tria esse consideranda : duo videlicet extrema, quorum vnum se habet ad alterum, & rationem fundandi, hoc est rationem, qua vnum se habet ad alterum. Sunt qui relationem prædicamentalem consistere putent in his tribus. Iuxta hanc sententiam Socrates, & Callias cum albedine vtriusq. erunt, habitudinis Socratis ad Calliam, & vicissim Callie ad Socratem, vt similitudinis; siue: erunt relatio similitudinis vtriusq. ad vtrumq. Philippus Alexander, & actio generatiua, per quam Alexander procedit à Philippo, erunt relatio paternitatis Philippi ad Alexandrum filiationis Alexandri ad Philippum.

Dicunt autem tria hæc esse relationem, non quomodocumq. sed ita accepta vt fundamentum in recto, cætera veniant in obliquo; ita paternitas Philippi erga Alexandrum, erit Philippus cum actione generatiua Alexandri. Si hæc tria importaret in recto: Philippus, actio generatiua, & Alexander, negarent in his consistere relationem: vsque adeo verum est magni interesse non solum quid dicatur, sed quomodo dicatur.

Contra huiusmodi sententiam opponi solet: rectum, & obliquum non est in rebus, sed est aliquid consistens in modo concipiendi, vel in modo dicendi; relatio prædicamentalis in sui conceptu quidditatio includit rectum, & obliquum, seu acceptio-

tionem huius in recto, illius autem in obliquo; ergo relatio prædicamentalis includit in sui conceptu quidditatiuo actum intellectus, vel modum dicendi: & consequenter non est adæquatè à parte rei.

Huic argumento sic respondent: rectum, & obliquum formaliter non sunt in rebus: concedo; fundamentaliter non sunt in rebus; nego. Quamuis in rebus ipsis non detur rectum, & obliquum, datur tamen in rebus ipsis meritum, ut una importetur in recto, altera in obliquo; in hoc autem merito consistit relatio: putà quamuis in Philippo, aut Alexandro non detur neque rectum, neque obliquum, quæ sunt rationes grammaticales, tamen actio, per quam Philippus genuit Alexandrum dat fundamētum faciendū hanc phrasim: Philippus genuit Alexandrum, & hanc aliam: Philippus est Pater Alexandri: & hanc aliam Alexander est filius Philippi. Per has phrasas explicas formaliter relationem vnius ad alterum, quam non explicas, dum dicis: Philippus, Actio generatiua, & Alexander: quamuis re ipsa id omne attingas, per quod habetur relatio. His positis.

Nostra sententia est relationem prædicamentalem consistere in sola proxima, & adæquata ratione fundandi. Probatur conclusio ex definitione relationis præinsinuata. Relatio est ratio, seu forma, per quam vnum se habet ad aliud: sola proxima, & adæquata ratio fundandi est ratio, seu forma per quam vnum se habet ad aliud, ergo sola proxima & adæquata ratio fundandi est relatio: Minor probatur considerando in

uarijs relatis solam proximam & adequatam rationem fundandi. In Philippo & Alexandro considera actionem generatiuam : in Socrate & Callia considera albedinem vtriusque. in Italo & in æthiope considera huius nigredinem, & illius albedinem. In actione generatiua habes rationem seu formam, per quam Philippus se habet ad Alexander vt pater ad filium : In albedine tam Socrati quam Calliæ vnica, rationem seu formam, qua Socrates ad Calliam se habet, vt similis ad similem ; in albedine Itali & nigredine æthiopis, rationem, per quam vnus se habet ad alterum vt dissimilis ad dissimilem : igitur apparet in ratione proxima & adequata fundandi dari relationem.

Probatur hoc idem : quia relatio consistit in merito comparandi hoc vel illo genere comparationis vnum extremum cum alio : hoc meritum habetur formaliter per proximam & adequatam rationem fundandi ; ergo relatio habetur formaliter per proximam & adequatam rationem fundandi. Minor patet ex dictis ; meritum enim dicendi Philippus est pater Alexandri , adeoque ponendi Philippum in recto , & Alexandrum in obliquo habetur formaliter per actionem generatiuam , qua Philippus genuit Alexandrum , & sic de cæteris.

Denique patebit conclusio ex responsione ad obiectiones.

ARTICVLVS VIII.

Satisfit obiectionibus.

Objicies primò. Si relatio consisteret in sola proxima ratione fundandi posset absolute dari relatio, non dato relatiuo; consequens est absurdum; ergo & antecedens. Sequela maioris probatur quia relatio huius albi ad aliud album consistit in vtraque albedine: vtraque autem albedo potest existere de potentia absoluta non existente vlllo albo; ergo potest existere relatio non existente relatiuo.

Resp. primò quod si totum dares nihil dares: an enim absurdus est dari relationem sine relatiuo, quam albedinem sine albo? Dati autem albedinem sine albo est possibile simpliciter: quandoquidem possunt per diuinam omnipotentiam stare accidentia sine subiecto. Si relatio consisteret in forma modalis esset impossibile dari hanc nō dato subiecto, adeoque, non dato relatiuo, quia vt supponimus hic ex communi, formæ modales, neque de potentia Dei absoluta, existere possunt separate à subiectis, quorum sunt formæ.

Resp. secundò, negando maiorem: ad probationem nega relationē consistere in vtraq; albedine præcise accepta; dic autem consistere in vtraque albedine simul cum vnione ad vtrumque extremum: impossibile autem est dari vtramque vnionem huius & illius albedinis, cum hoc & illo extremo; quin detur hoc & illud extremum; cum implicet
albe-

albedinem actu vniri subiecto, quod actu nō sit: ipsa vnio, per quam albedo vnitur subiecto, est forma modalis, quam impossibile est existere quin actu vniat hanc albedinem huic subiecto.

Dices: ergo ad relationem præter rationem fundandi requiritur hoc & illud extremum. Hæc consequentia petit relationem similitudinis, equalitatis, & alias huiusmodi.

Resp. distinguendo consequens: præter rationem fundandi requiritur vtrunque extremum per modum subiecti: concedo; per modum constitutiui relationis: nego consequentiam. Relatio consistens in vtraque albedine & etiam si vis vtriusque vnione requirit subiectum in quo sit, sicut & quodlibet accidens: Non tamen constituitur in esse relationis per subiectum huiusmodi; sicut nullum accidens est id quod est, per subiectum in quo recipitur; imo accidens dat esse hoc vel illud: puta esse quantum, esse quale suo subiecto; relatio suo subiecto dat esse relatum, seu relatum, seu ad aliquid.

Obijcies secundo si relatio similitudinis consisteret in vtraque albedine sequeretur quod crescente vtraque albedine cresceret similitudo; consequens est euidenter falsum; ergo & antecedens. Sequela maioris probatur quia ex duobus identificatis implicat vnum crescere realiter altero realiter non crescente; ergo si relatio similitudinis identificetur cum vtraque albedine; implicat vtramque albedinem crescere, & relationem ipsam similitudinis realiter non crescere.

Minor autem probatur quia si paries *A* & paries *B* sit uterque albus ut quinque, & deinde utrique addas unum & alterum gradum albedinis, manifestum est utramque albedinem crescere; sed & manifestum est non crescere similitudinem: nam album ut septem non est magis simile albo ut septem, quam album ut quinque albo ut quinque. Quod dictum est de similitudine, dic de æqualitate: crescit enim utraque quantitas æqualium, non crescente æqualitate: nam duæ mensuræ ambæ tripalmæres non sunt magis æquales, quàm duæ ambæ palmæres: tam enim unus unius tres tribus palmi congruunt.

Resp. hoc argumentum nihil valere quia valet contra aduersarium. Relatio fundamentalis identificatur realiter cum utraque albedine, cum utraq. quantitate; ergo implicat utramq. albedinem, utramq. quantitatem crescere non crescente relatione fundamentali: manifestum est autem similitudinem aut æqualitatem fundamentalem non esse maiorem inter duo alba ut septem, quàm inter duo alba ut quinque, &c. Igitur manifestum est crescente utraq. albedine, non crescere relationem fundamentalem similitudinis. Quod aduersarius dicit in fauorem relationis fundamentalis dic & tu pro formali.

Dicit autem aduersarius quod quamuis crescat fundamentum similitudinis materialiter acceptum, videlicet utraque albedo: non tamen crescit secundum illam rationem, secundum quam fundat similitudinem: quæ ratio consistit in hoc quod tantumdem sit albedinis in uno extremo, quantum in alte-

ro. Hoc autem æque habes inter duo alba
 vt quinque ac inter duo alba vt septem: tam
 enim quiuq. sunt tot, quot quinque, quam
 septem sunt tot, quot septem, & ratio tor-
 quotteiris consistit in indiuisibili. Hæc res-
 ponsio est optima, sed ingulat argumentum
 aduersarij; quemadmodū enim apud ipsum,
 fundamentum similitudinis, non est vtraque
 albedo secundum rationem præcisam albe-
 dinis, sed secundum identitatem mensuræ;
 ita apud te ipsa met similitudo formalis nō
 consistit in vtraque albedine præcise accep-
 ta, sed in vtraque cum identitate mensuræ.
 Ex his patet ad argumentum in forma: cre-
 scente vtraque albedine secundum præcisam
 rationem albedinis cresceret ratio: nega,
 secundum rationem secundum quam vna est
 tanta, quanta est altera: concede, & sic de cæ-
 teris. Aliquando contingit per incrementū
 aliquando per decrementum albedinis in
 altero extremo similitudinē augeri. Si enim
 vnum extremum sit album vt quinque, alte-
 rum sit vt septem, augebis similitudinem vel
 per incrementum in albo vt quinque; vel
 per decrementum in albo vt septem. Hæc
 omnia patent ad oculum.

Aduerte obiter totum argumentum supra
 factum posse aliququaliter euincere augeri si-
 militudinem, sed pure materialiter & exten-
 siue. Certum est enim similitudinem in al-
 bedine vt septem esse materialiter & exten-
 siue maiorem quam similitudinem in albe-
 dine vt quinque: quia alba vt septem assimi-
 lantur secundum plures gradus, quam al-
 ba vt quinque. Quia tamen in similitudine
 & ad similitudinem id vnum attenditur vt

vnum attenditur vt vnum fit tale quale est alterum ; & tam album vt quinque est tale quale aliud album vt quinque; quam album vt septem est tale, quale est aliud album vt septem; propterea est simpliciter negandum ad incrementum vtriusque albedinis augeri similitudinem, quia id in quo consistit similitudo non crescit secundum illam rationem, secundum quam est similitudo.

Obijcies tertio Si relatio consistat in ratione fundandi possem amare licite malitiã Iudæ: consequens est absonum; ergo & antecedens. Sequela maioris probatur quia si relatio consistit in ratione fundandi, relatio dissimilitudinis inter Petrum & Iudam consistit in bonitate Petri, & malitia Iudæ; ergo quicumque potest licite amare dissimilitudinem inter Petrum & Iudam; potest amare licite tam malitiam Iudæ, quam bonitatem Petri: sed quislibet potest amare dissimilitudinem Petri a Iuda; ergo quislibet potest amare licite malitiam Iudæ. Probatur hæc & alia superior consequentia: quia quicumque amat dissimilitudinem, amat constitutiuam dissimilitudinis; sed vnum ex constitutiuis est malitia Iudæ; ergo quicumque amat dissimilitudinem, amat malitiam Iudæ.

Hoc argumentum & alia huiusmodi infinita dissoluitur per id quod dictum est sub initium huius quæstionis. Sunt aliquæ relationes quæ dicuntur æquiparantiæ, eo quod tribuant singulis extremis vnã eandemque denominationem. Ex hoc quod vtrique extremo conueniat tota denominatio sequitur relationem quamuis non formaliter, denominatione tamen esse totam in quolibet extremo.

tremo : ita in casu posito Petrus simpliciter dicitur dissimilis Iudæ , & Iudas simpliciter dissimilis Petro : & consequenter dissimilitudo est in Petro simpliciter , & simpliciter in Iuda. Ex his ad argumentum in forma nega sequelam maioris. Ad probationem distingue : qui amat dissimilitudinem denominatiue amat omnia constitutiva dissimilitudinis : nega ; qui amat dissimilitudinem formaliter,amat omnia constitutiva: omitte, vel iterum distingue : qui amat dissimilitudinem absolute, amat omnia constitutiva : omitte ; qui amat dissimilitudinem ex suppositione vnius partis,amat omnia constitutiva : nega. Supposita malitia Iudæ amo licet dissimilitudinem cuiuslibet hominis cū ipso,quia hoc ipsum est amare bonum : est enim simpliciter bonum ex suppositione malitiæ ceteros homines ipsi dissimilari. Vbi nota ex duabus matribus, quarū vni sit filius bonus,& alteri malus,alterā sapiēter dicturā:mihi displicet dissimilitudo filij mei cum tuo,alteram autem : mihi vero placet dissimilitudo mei cum tuo : ratio est quia quamuis sit vna eademque dissimilitudo existens partim in vno , partim in altero, tamen in quolibet est tota denominatiue,& in quolibet consideratur secundum partem quā contribuit tali dissimilitudini : quia vero vnus ad talem dissimilitudinem confort bonitatem,alter malitiam ; ideo vnus dicitur placere matri ; alterius vero displicere dissimilitudo.

Obiicies quarto. Pœna in ratione pœnæ, est aliquod bonum amabile vindicidelictorum : nisi ratio pœnæ consisteret in modo su-

peraddito relationis prædicamentalis non esset huiusmodi; ergo ratio pœnæ habetur per modum huiusmodi. Maior probatur quia vindex publicus licite & prudenter amat pœnam qua puniuntur delicta, & ipsa met inferorum supplicia amantur à Deo, quia sunt pœna scelerum commissorū. Probatur iam minor quia si ratio pœnæ non consistit in modo, prædicto, pœna in ratione pœnæ constituitur per delictum: si autem constituitur per dilectum, non potest amari; ergo si non consistit in modo, non potest amari; probatur minor, quia implicat amari pœnam sub ratione formali pœnæ, & non amari rationem formaliter constitutivam pœnæ: sicut implicat v.g. appetere dulce sub ratione dulcis, & non appetere dulcedinem ipsam, quæ est ratio per quam dulce formaliter est dulce.

Resp. concessa maiori negando minorem. Ad probationem nega quod si pœna non est formaliter pœna per modum relationis superadditum, sit pœna formaliter per delictum. Pœna constituitur formaliter in ratione pœnæ per relationem quidem distinctam à malo, quod infligitur & denominatur pœna: sed huiusmodi relatio est transcendentalis; consistit enim in actu intentionali ordinante malum prædictum, quod infligitur, ad deletionem vel compensationem culpæ admissæ: omnis autem actus intentionalis est relatio transcendentalis ad objecta, quæ respicit. Puta suspendium quod infligitur Latroni ob homicidium, vel aliquod aliud scelus huiusmodi, induit rationem pœnæ ab actu vindicis, quæ ordinatur ad compensandum aliquo

quo modo delictum, non futurum pœna sine tali ordinatione. Suspendium enim, & quodlibet aliud huiusmodi malum, secundum se non habent rationem pœnæ. Ex his patet ad argumentum, Concede amari pœnam & rationem constitutivam pœnæ: nega amari delictum, hoc enim non constituit pœnam, sed præsupponitur & connotatur ab eo, quod habet rationem pœnæ; & à ratione ipsa per quam malum constituitur in ratione pœnæ. Non autem absurdum ex suppositione culpæ amari pœnam & rationem formaliter constitutivam pœnæ.

Dices. Non solum amatur pœna, sed æqualitas inter pœnam & culpam; æqualitas inter pœnam & culpam constituitur per ipsam culpam; ergo amatur culpa. Minor probatur quia æqualitas habetur formaliter per hoc quod tanta sit pœna quanta est culpa; iuxta illud: quantum fuit in delicijs, tantum date illi tormentorum; hoc autem non habetur neque per culpam solam, neque per solam pœnam sed; per utramque. Probatur iam consequentia quia qui amat æqualitatem amat constitutivam æqualitatis.

Resp. de æqualitate idem dicendo, quod dictum est supra de dissimilitudine: æqualitas est in utroque extremo denominative, quamvis formaliter nō sit in utroque simul: hinc potest amari æqualitas ratione unius extremi, absque eo quod ametur ratione alterius: tota æqualitas formaliter non amatur, sed partim amatur & partim odio habetur; imo æqualitas secundum quod denominative est in altero extremo, puta in pœna amatur ex odio æqualitatis secundum

quod est in altero extremo, videlicet in culpa. Deus enim, & quilibet ordinate amans, amat pœnam æqualem culpæ ex odio culpæ: unde ad hanc propositionem: amatur tota æqualitas: sicut ad hanc aliam in casu supraposito: amatur tota dissimilitudo: respondendum est: negando; nisi superaddatur: *denominatiue* ob rationes supradictas.

Obijcies quinto. Actio generatiua pertinet ad prædicamentum actionis; ergo nō pertinet ad prædicamentum ad aliquid. Preterea ipsa met actio est relatio trāscendentalis; ergo non pertinet ad relationem prædicamentalem: Proquatur secundum antecedens: quia actio est modus per suam essentiam respiciens & Philipphum v. g. à quo est, & Alexandrum, ad quem terminatur.

Resp. ad primum, concessio antecedenti: negando consequentiam. Non repugnat eādem entitatem pertinere ad diuersa prædicamēta. Actio & passio secundū Philosophū non sunt duo motus, sed vnicus, & tamen constituunt duo prædicamenta. Actio & passio sunt sicut via Thebis Athenas, & Athenis Thebas, vt explicat idem Philosophus tertio physic. textu 21. quæ non sunt duæ re, sed ratione, quia videlicet diuersimode importantur. Via Thebis Athenas importat Thebas vt terminum à quo; Athenas vt terminum ad quem; via Athenis Thebas importat Athenas vt terminum à quo, & Thebas vt terminum ad quem. Vbi aduerte obiter contingere posse vt via Thebis Athenas sit facilis, via vero Athenis Thebas sit difficilis; quamuis sit vna eademque via: puta si Thebis Athenas sit decliuus, Athenis The-

Thebas sit cliuosa. Hinc si quis argueret tecum sic. Thebis Athenas peruenis spatio vnius horæ; ergo & Athenis Thebas. Rectè negabis consequentiam. Sicut negares in hoc alio enthimemathe: potes è vertice turris saltare vsque ad imum; ergo & ab imo vsq. ad verticem.

Ad secundum distingue antecedens: actio est relatio transcendentalis, sui ad vtrumque extremum: concedo, extremi ad extremum: nega.

Obijcies vltimo. Relatio paternitatis consistit formaliter in actione generatiua. Ergo huiusmodi relatio non datur nisi in instanti generationis. Hoc autem esse absurdum probatur: quia sic numquam Philippus potuit dicere Alexandro: fili mi; nec vnquam Alexander Philippo: Pater mi. Probatur quia præterito instanti generationis nec Philippus erat pater Alexandri; nec Alexander filius Philippi. Explicatur hoc, & probatur quia implicat esse patrem sine paternitate, esse filium sine filiatione: solū quando datur actio generatiua datur paternitas, & filiatio; ergo solum quando datur actio generatiua alter est Pater, alter est filius.

Resp. denominationem Patris & filis durare etiam non durante actione generatiua: ratio est quia etiam actio præterita facit hic & nunc comparabilem Philippum cum Alexandro, vt Patrem cum filio. Dicitur enim Pater alterius qui genuit alterum. Ad id quod dicitur: paternitas non existit; ergo non est pater: distingue antecedens: non existit physice: omittè; non existit logice,

aut denominatiue: nega. Forma vt tribuat denominationem de presenti non requirit esse de presenti. Si igitur relatio paternitatis tota est in actione generatiua, relatio paternitatis physice preterita, logice perseuerat quia habet vim per hoc ipsum quod fuerit determinandi ad dicendum quod fuit: sed dicere quod fuit: actio generatiua Philippi in Alexandrum est dicere quod Philippus est pater Alexandri; ergo habet vim determinandi ad dicendum: Philippus est pater Alexandri.

Dixi si actio generatiua est relatio paternitatis: nam si quis ad veram & realem relationem requirat existentiam rationis fundandi, in qua dicimus sitam esse relationem ipsam: huic etiam poterit assignari relatio existens; dicendo quod actio generatiua quando est, est paternitas, ipsa vero deficiente Paternitas consistit in actione conseruatiua subsequente actionem generatiuam, & intuitu ipsius posita à causa conseruante.

Dices: si relatio consistit in actione generatiua: relatio Patris ad filium & filij ad patrem erit relatio solum secundum dici, consequens est falsum; ergo & antecedens. Sequela maioris probatur quia relatio quæ physice non est, est solum secundum dici: huiusmodi relatio physice non est; ergo est solum secundum dici.

Resp. totum hoc æque militare contra relationem fundamentalem, quæ hoc eodem argumento probatur esse solum secundum dici, hæc enim includit rationem fundandi. Item militat hoc argumentum contra sententiam, quæ ponit relationem consistere

in fundamēto termino & rātionē fundādi; ad hoc enim ut aliquod totum sit dūtaxat secū-
cundum dici, sufficit quod aliqua pars ipsi-
us sit solum secundum dici. In forma ad
argumentum nega sequelam maioris: ad
probationem distingue: forma quæ physice
non est pro differentia temporis, pro qua
importatur in denominatione, est solum se-
cundum dici: omitte, quæ physice non est
pro quacunque differentia: nega. Forma
secundum dici & non realis proprie loquen-
do dicitur non forma, quæ non est physice
in rerum natura, sed id quod exprimitur
sive importatur per modum formæ, cum
re ipsa non sit forma. Exemplum habes in
hac propositione: Alexander pugnavit quæ
dicitur vera per conformitatem cum obic-
cto; importando obiectum veluti per mo-
dum formæ verificantis propositionem, seu
constituentis hanc propositionem veram.
Ita enim quodammodo comparatur propo-
sitis cum pugna præterita ut dignoscatur
vera; sicut comparatur paries cum albe-
dine ut dignoscatur albus: & quemadmo-
dum albedo vocatur formale dealbationum
parietis, pugna præterita vocatur formale
verificatum propositionis.

A R T I C V L V S IX.

*Expediuntur reliqua circa rela-
tionem.*

C Actera quæ ad relationem pertinent
varijs dubitationibus expedienda sunt.
Dubitabis primo an relatio detur ad termi-

num non existentem : ratio dubitandi est quia recte dicitur rosa huius anni: est similis rosæ anni præteriti; ergo rosa huius anni dicit relationem ad rosam anni præteriti. Præterea recte dicitur: Petrus est prior Antichristo, relatio autem prioritatis est relatio prædicamentalis; ergo Petrus habet relationem prædicamentalem ad terminum non existentem.

Ad dubitationem huiusmodi respondendum est duo esse certa. Primum est similitudinem inter rosam anni presentis & rosam anni præteriti non existere actu. Patet hoc evidenter: quia huiusmodi similitudo consistit partim in rosa huius anni, partim in rosa anni præteriti: est autem evidens non existere nunc rosam anni præteriti; ergo est evidens non existere nunc similitudinem rosæ presentis cum rosa præterita. Item certum est non existere nunc prioritatem Petri ad Antichristum. Probatur hoc quia prioritas Petri ad Antichristum consistit formaliter in duratione præsentis Petri, & in duratione futura Antichristi: sed non datur nunc duratio futura Antichristi; ergo non datur nunc prioritas Petri ad Antichristum. Quamvis autem non detur formaliter nec similitudo nec prioritas, datur tamen actu & physice simile, & prius; denominatiue autem & similitudo & prioritas. Probatur hoc ipsum quia dari simile actu, & physice est dari actu & physice id, quod denominatur simile, siue est dari id, pro quo supponit ly *simile*; sed datur de facto nunc id, quod denominatur simile; ergo, &c. Minor est evidens quia id quod denominatur simile est rosa præsens:
idem

idem dic de priori: datur enim nunc actu & physice Petrus, qui denominatur prior. Ex hoc autem ipso quod vere rosa denominetur similis, & Petrus prior habes dari, si non formaliter, denominatiue similitudinem & prioritatem; quod autem ratio non existens actu tribuat denominationem actu non est peculiare relatiuis, vt ostensum est alibi.

An autem huiusmodi relatio quæ partim est, & partim non est dicenda sit relatio realis, an secundum dici; est quæstio de vocabulo. Qui per relationem realem intelligit relationem actu formaliter & adæquate existentem in rerum natura: negabit relationem huiusmodi esse realem. Qui per relationem realem intelligit relationem, cuius singula constitutiva sint realia præcindendo ab hoc quod existant vel non existant, dicet esse relationem realem: reale autem accipi non solum pro eo quod est; sed etiã pro eo quod erit, dictum est alibi, imò & pro eo quod nec est nec erit sed possibile est esse. Item qui nomine relationis realis intelliget relationem cuius singula constitutiva sint independenter ab actu rationis; relationem prædictam appellabit realem; relegabitque nomen relationis secundum dici, ad relationem rationis, de qua diximus supra.

Ex his apparet non solum non omnem denominationem relatiuam exigere simultaneam existentiam extremorum; verum etiã aliquam denominationem relatiuam illam excludere: denominatio prioris & posterioris excludit simultaneam existentiam extremorum: vtramque Petrus nunc existens sustinet, primam respectu Antichristi. Secundam

respectu Adami: Petrus enim est prior Antichristo, posterior Adamo, vtrumque autem à sibi coexistendo excludit. E contrario: relatio coexistentie de suo conceptu formali dicit simultaneam existentiam extremorum. Ex quo apparet male ab vna relatione argui ad aliam. Porro ad videndum an hoc & illud ex pertinentibus ad relationem, hic & nunc, an pro alia differentia temporis requiratur, examinanda est ipsamet denominatio relatiua, in qua statim apparebit quomodo rationes ad ipsam pertinentes impotentur.

Dubitabis secundo. In quo differant relationes albedinis ad albedinem, & albi ad album. Puta non solum album *A* est simile albo *B*; sed etiam ipsamet albedo *A* est similis albedini *B*.

Resp. relationem albi *A* ad album *B* esse in vtroque extremo per formam superadditam, & accidentalem vtrique extremo; albedo autem habet esse similem alteri albedini per se ipsam & alteram albedinem unde similitudo albi cum albo, est similitudo accidentalis; albedinis vero cum albedine est essentialis: siue album & album sunt inter se similia in accidente; albedo & albedo in essentia.

Quæres an relatio albedinis ad albedinem sit transcendentalis? ratio dubitandi est quia est similitudo in essentia, non autem secundum accidens superadditum rei, quæ refertur. Probatum quia albedo est similis alteri albedini per suum esse, non autem per aliquid superadditum suo esse.

Resp. negativè. Ratio est quia albedo non refertur ad aliam albedinem per se ipsam

fam, sed partim per se ipsam, & partim per alteram albedinem; adeoque relatio non est identificata cum re, quæ refertur; quandoquidem utraque albedo non est una albedo, quæ ad aliam referatur, quamvis sit ratio per quam quælibet ad alteram referatur. Quando dicitur esse essentialis, sensus est relationem ipsam esse secundum essentiam, non autem secundum accidens contradistinctum ab utraque albedine; non tamen est sensus totam relationem esse essentialem cuilibet ex duabus illis albedinibus, quæ ad alteram referatur. Hinc potest dici cuilibet accidentalisi huiusmodi relatio, quamvis sit similitudo in essentia, quia cuilibet accidit quod altera detur albedo, cui ipsa sit similis. Nam albedo *A* non habet per se ipsam solam quod sit talis, qualis est albedo *B*; sed partim per se, & partim per ipsam albedinem *B*.

Hinc habes in quibusdam relationibus rationem fundandi esse realiter idem cum utroque extremo: quæ enim conveniunt in essentia, non per accidentia sibi peraddita; sed per se ipsa mutuo assimilantur; adeoque in ijs relatio est realiter idem cum utroque extremo & utrumque extremum simul acceptum est relatio utriuslibet ad alterum.

Dubitabis tertio. An duæ albedines, quæ sunt & relatio utriuslibet ad alteram, & albi ad album sint formæ absolutæ an relative. Ratio dubitandi est: quia albedo & albedo, & quantumlibet multiplicetur albedo pertinet ad prædicamentum qualitatis, quod est prædicamentum, non ad aliquid, sed absolutum. Ex alio capite dictum est utramque albedinem esse formam seu ratio-

nem, per quam & vna albedo ad aliam, & vnum album ad aliud se habeat; hoc autem est proprium formæ relativæ.

Resp. vtramque albedinem simul acceptā esse rationem per quā vnū se habet ad aliud; vtramque seorsim acceptā non esse rationem huiusmodi: adeoque vtraque simul accepta habet rationē formæ relativæ; neutra seorsim. Ad prædicamentū qualitatis quælibet sufficit per seipsū, ad prædicamentū ad aliquid: neutra.

Dubitabis quarto. In quo consistat ordo & pulchritudo vniuersi, quem modalistæ aiunt consistere in modo superaddito omnibus & singulis partibus vniuersi.

Resp. ordinem & pulchritudinem vniuersi consistere in eo quod modalistæ ponunt pro ordine & pulchritudine fundamentalij. Hic autem ordo fundamentalis consistit in tali dispositione secundum tempus & secundum locum rerum omnium, quæ constituunt vniuersum. Ordo ille siue proportio turbari potest non solum per defectum necessarij sed etiam per additamentum superflui. Exemplū habes in microcosmo hoc est in homine, in quo deformitas apparebit, non solum si demas aliquid, quod ad pulchritudinem ipsius pertineat; sed etiam si superaddas aliquid quod nocet.

In hoc microcosmo cōsiderat aduersarius vnā partem, puta manum, & sic arguit: si manui hominis superaddas sextum digitum tollis proportionem, ergo proportio non est quid identificatum cum quinque digitis. Paret consequentia: nam per additamentū sexti digiti non tolluntur quinque digiti præcedentes, ergo nec ratio identificata cum quinque

que digitis, ergo si proportio identificatur cum quinque digitis neque tollitur proportio.

Hoc argumentum nec teruntij valët. Roga aduersarium in quo consistat non formalis sed fundamentalis proportio: an in modo superaddito, an in quinque digitis: respondebit proportionem fundamentalem consistere non in quinque digitis præcisè, sed in ipsis cum exclusione cuiuslibet alterius. Hoc idem dices de proportionem formali: implicat autem superaddi sextum digitum & remanere quinque cum exclusionem cuiuslibet alterius.

Dubitabis quinto. An relatio multiplicetur ad multiplicationem terminorum. v.g. albu *A* est simile albo *B*: ponatur de nouo album *C*; euadit simile & albo *C*; & sic de exteris in infinitum. Queritur autem an multiplicatis huiusmodi albis, ad quæ referatur album *A*, multiplicetur ipsa relatio. Hoc est an sit vna albi *A* ad omnia alba, an multiplex relatio.

Resp. relationem multiplicari in huiusmodi relatiuis. Ratio est quia similitudo non habetur per vllam ex albedinibus seorsim acceptam, sed similitudo inter *A* & *B* consistit in albedine ipsius *A* & *B*: similitudo inter *A* & *C* in albedine *A* & *C*: combinatio autem albedinis *A* & *C* est distincta à combinatione albedinis *A* & *B*; ergo inter *A* & *B*, & *A* & *C* non est vna, sed duplex relatio seu similitudo. Confirmatur quia pereunte relatione inter *A* & *B* manet relatio inter *A* & *C*; ergo non est eadem; quamuis enim vtraque includat albedinem *A*, vtraque tamè distinguitur ab albedine *A* sicut totum à parte,

te, includens ab incluso. Hoc quoad relationem fundatam in vnitatē & numero.

Quoad relationem vero fundatā in actione & passione resolutio pendet ab alia questione: an scilicet eadem actio terminari possit ad plures terminos; an multiplicitas terminorum inferat multiplicitem actionum. Si multiplicitas terminorum inferat multiplicitem actionum; manifestum est multiplicari relationem terminis multiplicatis. Relatio consistit in actione: multiplicatis terminis multiplicatur actio, ergo multiplicatis terminis multiplicatur relatio. Si autem vna & indiuisibilis actio potest esse ad plures terminos, non est necesse multiplicari relationem ad multiplicationem terminorum, nisi logice, & denominatiue: poterit enim eadem causa ad plures effectus vna actione referri, & per vnicam actionem sustinere multiplicem denominationem causæ: v. g. Petrus poterit esse pater Antonij, & Francisci vnica actione generatiua. Quod dicimus de terminis dic de fundamentis: posse videlicet plura fundamenta referri ad eundem vel multiplicem terminum; si vna indiuisibilis actio à pluribus causis possit procedere.

Dubitabis sexto. Vtrum relatiuum formaliter vt tale terminetur necessario ad relatiuum formaliter, an ad absolutum. Hoc est an in conceptu, per quem exprimitur relatiuum vt tale, debeat vicissim exprimi terminus vt relatiuus, an contra sufficiat exprimi terminum sub conceptu absoluto.

Resp. sufficienter exprimi terminum relatiui, etiam vt relatiui, sub conceptu absoluto: adeoque relatiuum formaliter terminari

nari ad absolutum. Explicatur hoc, & probatur. Si quis dixerit Philippum esse patrem Alexandri recte dixerit: in hac propositione exprimitur formalissime pater; & terminus paternitatis exprimitur conceptu absoluto; ergo relatiuum formaliter vt tale exprimitur, etiam importando terminum sub conceptu absoluto. Hoc est adeo verum vt interroganti cuius sit pater Philippus? ineptum quamuis vere respondeas apportando terminum sub conceptu relatiuo dicendo: est pater sui filij. Idem dic in hac propositione: album *A* est simile albo *B* in qua ly *simile* qui est terminus formaliter relatiuus, hoc est nomen relatiuum dicitur ad album, *B* quod est nomen absolutum.

Dices. Ex Philosopho: si à Domino auferas omnia præter esse, Dominum puta si auferas rationem bipedis, sapientis, imo ipsam met rationem hominis: naneat autem esse dominum, adhuc seruus dicitur ad ipsam; & e conuerso si à seruo omnia auferas præter esse seruum, adhuc dominus dicitur ad ipsum; ergo seruus dicitur ad dominum formaliter, & dominus ad seruum formaliter.

Resp. concessio antecedenti: negando consequentiam. Si seruum interroges cuius sit seruus, & respondeat: sum seruus Domini mei: putabis te irrisum, secus si responderit: sum seruus Francisci. Sensus igitur Philosophi est quod ad hoc vt Dominus habeat relationem Domini ad hunc vel illum, debet in hoc, vel illo esse ratio serui: non enim es Dominus Petri, nisi Petrus sit tibi seruus; non autem quod in ipsa explicatione domini debeat importari terminus sub conceptu relatiuo serui.

Di.


Dices. Omne simile alicuius similis simile : & omnis pater alicuius filij pater : & omnis dominus alicuius serui dominus ; ergo relatiua sunt ad relatiua formaliter .

Resp. concessio antec. neg. conseq. Antecedens probat relationes prædictas esse necessario mutuas ; adeoque relatiuum in huiusmodi relationibus necessario terminari ad aliud relatiuum : quod autem correlatiua sint mutuo relatiua necessarium est : sed quia inter ipsamet correlatiua fieri potest comparatio per quam vnum conferatur cum alio ; absque eo quod aliud vicissim conferatur cum ipso ; ideo etiam ex ipsis correlatiuis potest vnum terminari ad alterum , absque eo quod alterum importetur vt correlatiuum , vt patet ex dictis . Tam enim verum est. album *A* est simile albo *B* : quam album *A* est simile sibi simili : per primum conceptum exprimitur formaliter relatio , per secundum correlatio .

Dubitabis vltimo quomodo intelligendum sit quod ait Philosophus. Relatiua sunt quibus hoc ipsum est esse , ad aliud quodammodo se habere . Ratio dubitandi est : quia album *A* est relatiuum ad album *B* ; sed albo *A* hoc ipsum non est esse , seu non hoc ipsum est esse , ad aliud quodammodo se habere , ergo , &c.

Resp. sensum Philosophi esse , non quod id , quod est relatiuum , non habeat vllū esse , nisi ad aliud : siue enim relationem ponas in forma modali , siue in ratione fundandi : album quod refertur , præter referri habet esse album : adeoque illud idem quod pertinet ad prædicamentum ad aliquid , pertinet etiam
ad

ad prædicamentum quale: nam nec forma modalis nec quidquam aliud tollit ab albo rationem albi. Sed sensus est relatiuum vt tale, & sub conceptu relatiui, esse ad aliud, & vnamquamque rem sustinere rationem relatiuæ, per hoc formaliter quod, ad aliud se habeat.



DISPVATIO V.

In libros Perihermenias seu de Interpretatione.

QVAESTIO I.

De significatione vocum.

ARTICVLVS I.

De Signa.

AVGVSTINVS lib. 2. de Doctrina Christiana signum definit: id quod præter speciem sui quâ ingerit sensibus, aliquid aliud facit in cognitionem venire. Puta fumus præter notitiam sui ingerit notitiâ ignis. Hedera appensa pro foribus præter notitiam sui, ingerit notitiam vini vendibilis. Hac definitione non comprehendit Augustinus

nus nisi signa sensibilia. Posset autem ad omnia tam sensibilia quam insensibilia extendi, si diceretur: signum esse id, quod præter speciem, siue notitiam sui, quam ingerit, aliquod aliud facit in cognitionem venire.

Signum igitur dicit ordinem & ad potentiam cognoscitivam & ad rem significatam; ad potentiam cognoscitivam, quia est repræsentativum: ad rem significatam, quia alicuius rei repræsentativum est.

Diuidunt communiter signum in formale & instrumentale. Formale vocant ipsammet cognitionem obiecti; instrumentale id quod prius cognitionem sui, & per cognitionem sui ingerit cognitionem alterius: putà cognitio expressiua ignis in animâ, erit signum formale ignis; fumus verò erit signum instrumentale, quia prius cognitionem sui, & per hanc, cognitionem ignis inducit. Cognitio tamen satis improprie dicitur signum respectu potentiae illam habentis, cum sit ipsamet obiecti perceptio. Tamen in hac re loquendum est cum omnibus. Potest quidem eadem cognitio, quæ est in intellectu Petri, respectu intellectus Pauli illam considerantis, habere rationem signi: aut etiam respectu alterius cognitionis in eodem Petri intellectu supra ipsam reflectentis.

Signum instrumentale, quod intelligimus nomine signi simpliciter, diuiditur in naturale, & ad placitum. Naturale est, quod cognitum facit in alterius cognitionem venire ob connexionem, quam habet à natura cum ipso: hoc modo se habet fumus respectu ignis: nubes respectu pluviæ. Ad placi-

tum

tum est, quod non ex connexionē, quam habeat à natura cum altero; sed ex hominum institutione ducit in cognitionem alterius; ità se habet laurus, vel hedera respectu vin vendibilis: pileus croceus respectu Iudæi.

ARTICVLVS II.

*An voces humane sint signa naturalia,
an ad placitum?*

VOces humanæ humano modo prolatae hoc potius, quam illud significant. Quæritur autem hic ex natura rei, an ex hominum institutione, an placito?

Dicendum est voces significare non ex natura rei, sed ad placitum. Probatur conclusio auctoritate simul & ratione Philosophi. Si voces significarent ex natura rei hæc eodem idem ubique significarent: consequens est falsum; ergo & antecedens. Minor est evidens, nam diuersarum gentium est diuersa locutio, & quandoq. accidit vnā vocem apud vnā nationem aliud, aliud apud aliam significare: Sequela maioris probatur, quia quod ex connexionē naturali sui cum alia re aliud facit in cognitionem venire; apud omnes id facit. Ità sumus ubique significat ignem, & nubes pluuiam.

Probatur secundo, quia non est vlla ratio in natura; cur hæc vox *Cucurbita*, significet potius illam rem, quam de facto significat, quam vllam aliam. Sicut v. g. non est ratio in natura, cur per pileum croceum significetur Iudæus potius, quam Turca, vel Christianus.

Obijcies. Homo est natura animal politicum, & sociale; ergo & comunicantium suorum conceptuum: sed suos conceptus debet communicare per locutionem; ergo est animal natura sua determinatum ad locutionem.

Resp. concedendo totum. Homo est animal natura loquax, quod malo nostro sæpe experimur. Loqui autem his, vel illis vocibus ad significanda hæc, vel illa obiecta, non habet à natura, à qua habet posse has, vel illas voces instituire in signa harum, vel illarum rerum.

Obijcies secundò. Laudatur Adamus ex eo quod unicuique rei nomen suum aptè imposuerit; ut constat ex Genesi; ergo ex pluribus nominibus vnum magis conuenit ex natura sua, vni rei, quam alteri.

Resp. negando antecedens. Dicitur in Genesi, quòd Deus adduxit animantia ad Adam, ut videret quid vocaret ea; omne enim, quod vocauit Adam animæ viuientis, ipsum est nomen eius. Hoc est ijs nominibus, quæ imposita fuerunt ab Adamo, fuerunt appellanda à posteris omnia animantia.

Obijcies vltimò. Aliquæ voces significant naturaliter; ergo omnes. Antecedens probatur, quia gemitus, ciulationes, suspiria, & aliæ huiusmodi ex natura rei significant mærorem, & alias passiones huiusmodi; ergo, &c.

Resp. sermonem esse hic de vocibus humanis, cuiusmodi non sunt voces prædictæ: illæ enim sunt ab homine, non quatenus homo est, cum etiam Turtures gemant, &
alia

alia animantia suspirent, &c. In forma distinguere antecedens: Aliquæ voces humanæ: nega, non humanæ: concede.

ARTICVLVS III.

De institutione sermonis.

DEus hominis, sicut & rerum omnium conditor, homini indidit loquelam: adeoq. primus humani sermonis institutor est Deus, qui homines inter se colloqui docuit. Quæritur autem hic, an homines ipsi potuerint aliquo pacto instituere voces, quibus inter se colloquerentur. Ad hanc quæstionem.

Responderetur affirmatiuè. Primi enim homines conuenire potuerunt in nominibus, quibus res singulas appellarent: putà si quis rangens, vel digito indicans arborem protulisset hanc vocem, arbor, potuerunt alij capitis inclinatione, vel aliquo alio gestu concordare in hoc nomine circa hoc obiectum. Hoc ferè modo maternam linguam addiscimus, dum videlicet nutricem audimus proferentem hanc, vel illam vocem, & hanc, vel illam rem ostendentem: putà puer discit vocare *Tatam* à nutrice dicente *Tata*, & ostendente hominem, qui Pater est. Et sic de cæteris.

Dices. Nequit assignari quid voluerint homines, quorum placito voces significant; ergo voces ex eorum institutione non significant. Antecedens probatur, quia vel voluerunt solum hanc, & illam vocem materiali-ter consideratur: & si nihil aliud voluerunt,

non instituerunt signa; voces enim materialiter acceptæ, non habent hoc magis, quam aliud significare. Vel voluerunt formam aliquam, per quam hæ voces constituerentur signa huius, vel illius rei: & hanc formam velle non potuerunt: quia huiusmodi forma, est hæ ipsa illorum volitio: implicat autem quod volitio sit sui ipsius volitio; cū omnis volitio essentialiter rei à se distinctæ volitio sit.

Resp. apparentem hanc difficultatem esse communem omni signo ad placitum, putà, nequit assignari quid voluerint homines quando instituerunt pileum croceum in signum hominis Iudæi: vel enim voluerunt pileum croceum dumtaxat; & sic non posuerunt signum Iudaismi: pileus enim croceus non magis Iudæum significat, quam Christianum; vel voluerunt simul formam, qua pileus croceus euaderet signum; & hæc forma nihil aliud est, quam hæ ipsa eorum volitio, seu hoc ipsum eorum placitum: idem dic de omnibus alijs signis ad placitum: nullum enim ex his habet ex se esse signum, quodlibet autem per placitum.

Dicendum est igitur hanc hominū volitionē voluisse se ipsam, sed non solū se ipsā: omnis volitio est rei à se distinctæ volitio; sed non propterea nulla volitio est sui ipsius vlllo modo volitio: non enim valet: hæc volitio est sui ipsius volitio; ergo non est volitio rei à se distinctæ; Potest enim & sui, & alterius rei esse volitio. Et hoc modo volitio; qua hæc vox *Panis* est significatiua rei, quam significat, est volitio sui; est enim & sui, & huius vocis materialiter conside-

ratæ

ratæ sui vt formæ extrinsecæ illius vocis ex se indifferentis, quam per seipsam formaliter determinat in signum rei comestibilis. Præterea hæc ipsa volitio habet aliud obiectum, vsum videlicet illius eiusdem vocis in his, & illis circumstantijs, & in omnibus obligationem quamdam non adhibendi has, vel illas voces, nisi obiectis his, vel illis, sic aut sic se habentibus.

Rem facile intelliges si duos inter se de sermone aliquo speciali inter ipsos adhibendo paciscentes intelligas, putà Socrates, & Callias conueniant inter se, quod quotiescumq. significare voluerint imminere aliquod periculum Reipublicæ vtentur his vocibus: *Panis lapideus*. Posito hoc pacto neutri ipsorum licebit adhibere has voces, nisi quando putabit imminere periculum Reip. Ità faciunt qui inter se collocuntur, vt aiunt, in *Gergo*.

ARTICVLVS IV.

An voces significant immediatè res, an conceptum loquentis.

VOces aliquid ad placitum, aliquid ex natura rei significant. Nam non ex hominum placito indicant loquentem esse viuum, esse præsentem, velle loqui; significant præterea rem illam, quam significant aliquo modo esse in anima proferentis ipsas. Dum enim audis Petrum dicentem: *Paulus currit* non solum in mentem venit Paulus currens, sed etiam Petrus iudicans Paulum currere.

Ra-

Ratio cur iudices quod Petrus iudicet Paulum currere, fundatur in hoc, quod diximus supra: homines videlicet per institutionem vocum obligasse se mutuo ad non adhibendas huiusmodi voces, nisi rebus hoc modo, saltem in ipsorum existimatione se se habentibus. Hinc si Petrus sit apud me famę integræ, dum audio ipsum proferentem voces prædictas, iudico ipsum iudicare, quod Paulus currat. Nec enim vir bonus ita loqueretur, nisi ita sentiret. Exemplum dedimus in vocibus complexis, hoc est in propositione, quia res clarius apparet in illis, quam in incomplexis, hoc est in non constituentibus propositionem. His positis.

Dico. Voces significant immediatè res, mediate conceptus. Probatur prima pars conclusionis experientia. Constat enim hanc vocem *Panis*, auditam immediatè gignere cognitionem rei, quæ dicitur panis: hoc autem est significare immediatè rem; ergo &c. Probatur etiam secunda pars: quia per hoc ipsum, quod intelligas rem, intelligis, seu manuducaris ad intelligendum conceptum loquentis. Ex hoc enim quod Petrus dicat: *Panis*, intelligis animæ Petri rem illam obversari, quam percipis sub hac voce *Panis*.

Confirmatur, quia si solum voces intelligas, aut potius audias, non intellecto quid significant, non intelligis conceptum loquentis, putà si Italus duos Polonos audiat inter se colloquentes; quia non intelligit res significatas per voces, nequit venire in cognitionem conceptuum, venturus si res significatas perciperet; ergo per intelligentiam rei venimus in intelligentiam conce-

prus, quod est significari immediate res, mediate conceptus,

Aliam quæstionem hic nonnulli institunt minimi, vel nullus momenti, quam tamen nefas esset omittere. An videlicet voces principaliter significant res, an conceptus?

Ad hanc quæstionem breuiter dico voces principaliter esse propter res, quam propter conceptus: ita Arriaga, & alij. Probatum conclusio, quia ideò loquimur ut rem ignoranti alteri manifestemus; ergo principaliter voces sunt propter res, quam propter conceptus. Verum quidem est multos vocibus uti, non ut alios scientes efficiant, qui tamen est finis legitimus locutionis, sed ut se ipsos scientes manifestent, iuxta illud: *Scire tuum nihil est, nisi te scire hoc sciat alter*? Sed illi sermone instituto ad exercitium charitatis utuntur per intemperantiam vanitatis.

Præterea illi ipsi, si rem bene penetres, etiam conclusionem nostram confirmant: nam hoc ipsum intendunt manifestare, quod scilicet sciunt, non autem quod cogitent se scire; & consequenter etiam ab ijs principaliter propter res, quam propter conceptus sermo adhibetur.

Confirmatur denique ex dictis, ubi ostensum est vocum significationem addisci per gestus indicantes non conceptum, sed rem ipsam. Diximus autem minus principaliter significari conceptum, quia qui instituere sermonem id præcipue intenderunt, ut cognitiones rerum sibi mutuo communicarent, quod præstari nequit sine communicatione

ipsarum met cognitionum, quibus res comprehendunt.

Obijcitur ex Philosopho 1. Perihier. Ea, quæ sunt in voce, sunt earum, quæ sunt in Anima passionum notæ; ergo principalius, & immediatius significant conceptus, quam res. Probatur consequentia, quia nomine passionum, quæ sunt in Anima, intelligit Philosophus ibi conceptus.

Resp. concessio antecedenti negando consequentiam. Verum est per voces significari conceptus, & passiones, quæ sunt in Anima: Et hoc vnum ibi affirmat Philosophus: Non tamen verum est significari principalius, aut immediatius. Imò per cognitionem rei, ut dictum est, venimus in cognitionem conceptus.

Dices ex eodem Philosopho voces sunt notæ conceptuum, sicut scriptura est nota vocum: sed scriptura immediatius significat voces, quam res; ergo & voces immediatius significant conceptus, quam res.

Resp. concessa maiori: negando minorem. Scriptura immediatius rem, quam vocem significat. Aduersario facile est pro significatione suppositionem accipere. Scriptura inter distantes substituitur loco sermoni: sed non propterea immediatius sermonem significat, quam rem, quæ per sermonem significaretur. Imò est loco sermonis, ut excitet medijs oculis cognitionem rei, quam medijs auribus excitaret sermo. Dici solet, scripturam substitui vocibus, sicut voces substituantur conceptibus. Sensus est, quod quemadmodum loco conceptuum, quos non possumus immediate transfundere in Animas alio-

rum,

rum, ponimus voces; ita loco vocum, quas ob distantiam nequimus transmittere ad alios, ponimus scripturam. Cæterum per scripturam oriri in nobis immediate cognitionem rerum experientia constat. Vix enim unquam legimus epistolam, ita ut nobis representemus amicum loquentem; quod est signum sapissimè, nè mediatè quidem per scripturam significari voces. Certè æque intelligimus scripturam muti, ac loquacis.

QVÆSTIO II.

De Veritate.

ARTICVLVS I.

In quo consistat veritas.

VERITATEM trāscendentalem, per quam ipsummet mendacium est verum, quia verè est mendacium, non examinamus hic; sed veritatem logicam, & formalem, quam aliquando adesse, aliquando abesse constat in enunciationibus, per quas hoc & illud affirmamus, aut negamus. *Homo est animal*: est propositio vera: *Homo est equus*, est falsa.

Veritatem huiusmodi dari negauerunt olim Academici; si verum est: afferentes dari quidem verosimile aliquando, veritatem numquam. Dixi, si verum est; quia est mihi omnino incredibile, quod negare potuerint dari vllam veritatem, siue vllam pro-

positionem veram. Est autem credibile opinatos fuisse circa res controuersas inter Philosophos non dari veritatem : quod tamen est euidenter falsum, cum idem alij negarent, alij affirmarent ; nisi nomine veritati fortè intellexerint certitudinem. Supponuntur tamen communiter negasse, quod detur veritas, & in suppositione huiusmodi.

Contra ipsos multis in locis disputat Augustinus, ex hac ipsa eorum assertionem, eiusdem falsitatem deducens duplici argumento. Primum est : datur verosimile ; ergo datur verum. Antecedens est doctrina Academicorum, consequentia probatur : quia verosimile nequit dignosci, vt tale, nisi per cognitionem veri : dignoscis, ò Academice, verosimile ; ergo cognoscis verum. Maior probatur, quia nequit cognosci hoc esse simile alteri, nisi illud alterum cognoscatur ; putà hanc picturam esse similem Cæsari, nisi cognoscatur Cæsar.

Secundum argumentum est per modum, vt aiunt, admirabilē, per quē videlicet ex antecedenti deducitur contradictoriū antecedētis : hoc pacto : nō datur veritas, ergo datur veritas. Consequentia probatur, quia propositio, qua dicis : non datur veritas est vel vera, vel falsa : si falsa est ; ergo datur veritas : si enina falsum est non dari veritatem ; datur veritas : si autem vera est, eo ipso quod dicis verum, datur veritas : & consequenter ex hoc ipso, quod asseris, non dari veritatem, rectè inferitur dari veritatem.

Nihil est æque euident, ac dari veritatem : vnde nequit, nisi apud dementes in controuersiam hoc venire. Quid autem sit veritas

Pilati impatientia non fuit, vt ex ipſius met veritatis definitione diſceremus. Veritatem propriè dictam non conuenire omni actui intellectus habes ex Philoſopho primo Periherm. cap. 4. vbi dicit orationem enun- ciatiuam eſſe non omnem, ſed in qua ve- rum, vel falſum eſt, vnde deducit verita- tem formalem, de qua hic agimus eſſe pro- priam enunciationis. Ratio eſt, quia vt idem Philoſophus docet 6. Metaphyſ. textu 8. in compositione, vel diuiſione eſt veritas, aut falſitas; Per hoc enim, quod intellectus ſuo actu componat, quæ merentur componi, aut diuidat, quæ merentur diuidi, verum dicit: per hoc autem, quod ea componat, quæ di- uidi petunt, & diuidat, quæ componi, dicit falſum.

Ad reſolutionem controuerſiæ, in qua quæritur, in quo conſiſtat veritas præmit- tenda ſunt aliqua. Primo propoſitiones ali- quas eſſe tales, vt ex ſuis principijs eſſen- tialiter petant verificari. Huiusmodi eſt actus quo innixus diuino teſtimonio dicis: *Verbum caro factum eſt*, & quilibet alius huiusmodi actus fidei ſupernaturalis. Ratio cur ex ſua eſſentia petant verificari non eſt, quia ſimpliciter ſit impoſſibile obiectum aliter ſe habere: poſſet enim ſimpliciter, & & abſolutè verbum non eſſe factum caro: quandoquidem ex libera ſua voluntate, & ex charitate, qua dilexit nos cum adhuc ini- mici eſſemus, verbum caro factum eſt. Exi- git autè eſſentialiter eſſe vera prædicta pro- poſitio, & aliæ ſimiles, quia eſt ex motiuo eſſentialiter infallibili; nititurq. diuina ve- racitate, quam impoſſibile eſt vnquam de-

ficere. Cœlum, & terra transibunt: verba autem Dei non præteribunt. Posita igitur diuina attestazione, quod obiectum ita se habeat, assensus tali obiecto est ex eadem diuina attestazione infalsificabilis.

Secundò, sunt aliquæ propositiones, quæ dicuntur necessario veræ; quia est simpliciter impossibile obiectum aliter se habere, quam importatur per ipsas. Huiusmodi est hæc propositio: *Homo est animal*, & aliæ similes, quæ dicuntur æternæ veritatis.

Tertiò, sunt aliæ propositiones, quorum obiecta contingenter se habent sicut importantur per ipsas: hoc est, quorum obiecta possunt aliter, & aliter se habere. Huiusmodi est hæc: *Petrus currit*, & aliæ huiusmodi: nec enim necesse est, aut impossibile Petrum currere. Harum propositionum, quæ dicuntur esse in materia contingenti, aliquæ sunt veræ, aliquæ falsæ.

Controuersia est, an veritas propositionum sit adæquatè intrinseca propositionibus veris, an partim intrinseca, & partim extrinseca. In hac controuersia sunt, qui discernant inter propositionem, & propositionem: aientes propositionem necessario veram, esse veram per denominationem sibi adæquatè intrinsecam: contingenter veram esse veram per denominationem partim intrinsecam, & partim extrinsecam. Alij cuiuslibet propositioni veræ affirmant intrinsecam esse suam veritatem.

Dicendum est. Propositio vera, est vera per denominationem partim sibi intrinsecam, & partim extrinsecam. Hanc conclusionem extendimus ad omnes omninò propositiones.

positiones veras. Probamus autem, quia iudicium esse verum, est rem ita repræsentari per ipsum, sicut se habet, & rem ita se habere, sicut repræsentatur per ipsum; sed hoc est partim intrinsecum, & partim extrinsecum actui; ergo actus verus est verus per denominationem sibi partim intrinsecam. & partim extrinsecam. Maior est ipsamet explicatio veritatis. Minor probatur, quia rem ita se habere sicut repræsentatur, dicit & rem ita se habere, & rem ita repræsentari: rem autem ita se habere est aliquid extra cognitionem, ita repræsentari est aliquid intra, immò est ipsa met cognitio: igitur rem ita se habere sicut repræsentatur, est aliquid partim intrinsecum, & partim extrinsecum cognitioni; adeoq. habet cognitio esse veram per denominationem sibi partim intrinsecam, & partim extrinsecam. Totum hoc breviter comprehendit Philosophus ubi ait: eo quod res est, vel non est, oratio vera, vel falsa dicitur.

Rem exemplificare facile est in triplici genere propositionum. Prima sit hæc: *Verbum caro factum est*: quæ vera est per hoc & quod affirmet Verbum factum esse carnem, & Verbum caro factum sit: quod hoc affirmet est intrinsecum propositioni; quod Verbum caro factum sit est extrinsecum. Secunda sit hæc alia: *Homo est animal rationale*: quæ vera est per hoc quod & affirmet hominem esse animal rationale, & homo sit animal rationale: primum est propositioni intrinsecum; secundum extrinsecum. Ultima sit hæc: *Socrates sedet*, quæ sedente Socrate vera est per hoc quod & affirmet sedere So-

eratem, & Socrates sedeat: affirmare est intrinsecum propositioni; sedere Socratem extrinsecum: quæ omnia ita clara sunt ut mirum sit esse qui dubitent.

ARTICVLVS II.

Diluuntur obiectiones.

Objicitur primo Philosophi auctoritas dicentis: verum & falsum non sunt in rebus sicut bonum & malum sed in intellectu; sed sola cognitio est in intellectu; ergo in sola cognitione est verum: ergo veritas est adæquate intrinseca cognitioni.

Resp. concedendo totum præter ultimam consequentiam. Ad hoc autem ut sola cognitio dicatur vera, sufficit quod denominatio veri cadat supra ipsam solam; non autem necesse est ut talis denominatio sit illi adæquate intrinseca. Veritas igitur est in actu, adæquate secundum denominationem; non autem secundum rem. Solus actus est verus, non solus actus est veritas. Quod autem denominatio veri cadat supra actum solum, quamvis sit partim extrinseca actui, non est nouum, cum etiam denominationes adæquate extrinseca cadant supra rem denominatam: puta denominatio cogniti est adæquate extrinseca parieti, & tamen cadit tota quanta est supra parietem.

Objicitur secundo. Propositio vera a propositione falsa differt intrinsece per hoc formaliter quod vera sit; ergo veritas est adæquate intrinseca propositioni veræ. Consequentia probatur quia id per quod vnum
intrin-

intrinsece differt ab alio nequit esse illi extrinsecum. Antecedens probatur quia propositio habens aliud obiectum quam alia differt intrinsece ab alia: propositio vera habet aliud obiectum à falsa; ergo propositio vera, per hoc quod vera sit, intrinsece differt à falsa. Minor probatur: propositio quæ habet obiectum quod est, habet aliud obiectum ab ea, quæ habet obiectum quod non est; prima est propositio vera, secunda est falsa; ergo propositio vera habet obiectum diuersum ab obiecto propositionis falsæ.

Resp, negando antecedens. Ad probationem antecedentis; nego minorem. Ad probationem minoris: nega maiorem. Falsitas antecedentis manifesta fit ex dictis. Falsitas minoris negatæ apparet ex eo quod ex duabus propositionibus contradictoris, altera est necessario vera altera necessario falsa; cum tamen variusq. sit idem obiectum: hec duæ propositiones: *Homo est animal: homo non est animal* non differunt ex obiecto, sed ex modo tendendi in idem obiectum: quia videlicet altera negat, illud idem, quod altera affirmat. Est etiam euidentis falsitas maioris quam negamus, quia illud idem obiectum quod aliquando est, etiam aliquando non est: puta cursus Petri aliquando est, aliquando non est: quando est; verificat propositionem dicentem: *Petrus currit*: quando non est: falsificat propositionem dicentem: *Petrus currit*. Propterea huiusmodi propositio dicitur esse in materia contingenti: quia videlicet eius obiectum aliquando ita se habeat, sicut: affirmatur per ipsam, aliquando aliter.

Obijciatur tertio: veritas actus est perfectio actus, ergo est intrinseca actui. Consequentia probatur quia res non perficitur per aliquid sibi extrinsecum. Quis enim dixerit Socratem perfici per sapientiam, quæ sit in Platone. Antecedens autem probatur: quia actus verus secundum se est perfectior quam actus falsus, ergo veritas est perfectio actus veri. Probatur hoc ultimum antecedens: quia melius est habere actum verum, quam actum falsum, ergo melior est actus verus, quam actus falsus. Item intellectus per actum verum perficitur, per falsum deterioratur, ergo veritas est perfectio actus.

Confirmatur hoc idem. Falsitas est imperfectio intrinseca actui falso, ergo veritas est perfectio intrinseca actui vero. Antecedens probatur: quia si falsitas non esset imperfectio actus, non repugnaret intellectui diuino habere actum falsum: sed repugnat, ergo est imperfectio: sequela probatur: quia nequit repugnare nisi ratione imperfectionis. Roboratur hoc idem examinando veritatem huius actus, siue iudicii: *Petrus currit*. Siue currat Petrus, siue non currit, perinde Deus se habet: non autem perinde se habet, siue dicat verum, siue dicat falsum, ergo dicere verum, vel dicere falsum est aliquid contradistinctum à cursu vel non cursu Petri, & adæquate intrinsecum actui.

Resp. negando antecedens: si sermo sit de veritate adæquate accepta. Dixi *adæquate accepta*: quia cum veritas habeatur formaliter partim per actum, & partim per obiectum non est dubium quin accepta inadæquate, hoc est, pro altero ex constitutivis, sit intrin-

seca

seca imo idētificata actui, qui dicitur verus. Hic actus : *Petrus currit*, secundum se præcise consideratus non est neque verus neque falsus ; sed indifferens ad verum & falsum : ad vtrumlibet autem contrahatur est secundum se eiusdem omnino perfectionis. Ratio est quia ad rationem veri vel falsi contrahitur per aliquid sibi extrinsecum ; puta per cursum, vel non cursum Petri : siue autem detur siue non detur cursus Petri, hic actus est intrinsece idem. Hinc ad probationem antecedentis nega antecedens.

Ad probationem vltimi antecedentis distingue antecedens : melius est habere actum verum quam actum falsum, ratione actus præcise : nega, ratione alterius : omitte antecedens, & nega consequentiam. Melius est iudicare verum quā falsum, quia est melioris intellectus elicere actus conformes obiectis, quam disformes, & consequenter elicere actum verum præsupponit intellectum melius dispositum, quam elicere actum falsum. Cæterum perfectio huiusmodi non est in actu, sed in intellectu. Dixi esse melius, quod intelligendum est ex genere suo. Sapissime enim contingit iudicium falsum sapientius elici, quam verum. Multi prudenter falluntur, & temere diuinant multi. Iuxta illud quod alibi ex Philosopho retulimus : multa falsa sunt probabiliora veris : qui autem prudenter iudicat probabilioribus facilius assentitur : qui temere, etiam improbabilibus. Accidit autem notnumquam rem non modo improbabilem, sed etiam incredibilem esse veram. Quæ omnia intellectus humani imbecillitatem demon-

stant: nam intellectus diuinus, cui nuda & aperta sunt omnia, videt res vt sunt, nec indiget motiuis magis aut minus probabilibus ad iudicandum.

Ad confirmationem nega antecedens. Ad probationem dic repugnare Deo omnem actum non solum qui ponat, sed etiam qui supponat imperfectionem in cognoscente: & consequenter actus falsus repugnat diuino intellectui; cum repugnet intellectum diuinum non cognoscere res vt sunt, cui videlicet omnia sunt manifesta. Ad roborationem dic quod Petrus currat aut non currat nihil interesse intellectus diuini. Posito autem quod currat implicat intellectum diuinum non videre illum currentem, & sic de cæteris; adeoq. veritas est essentialiter debita diuino intellectui circa quodlibet obiectum, cum eidem sit essentialiter debita euidencia, quam implicat à veritate ferungi. Porro, iudicium falsum quamuis nitatur motiuis probabilissimis sæper arguit intellectum simpliciter imperfectum: eo ipso enim quod solum probabiliter iudicat, quamuis prudenter, est imperfectus; quandoquidem caret euidencia circa res quas cognoscit; euidencia autem est quid intrinsecum actui.

Obijciunt quarto. Actus voluntatis boni, sunt boni bonitate sibi adæquate intrinseca, ergo actus intellectus veri, sunt veri veritate sibi adæquate intrinseca. Cōsequentia probatur: quia sicut se habet bonum ad voluntatem, ita verum ad intellectum.

Resp. transmissio antecedenti: negando consequentiam. Disparitas est: quia actus voluntatis est bonus non per hoc quod cō-

for-

formetur merito obiecti materialis ; sed per hoc quod sit ex hoc vel illo motiuo, vel realiter, vel apparenter honesto : vnde aliquando contingit etiam deceptum ab apparentijs honestatis hoc & illud obiectum vel amare vel odisse , quod in se vel amari indignum est, vel odio haberi: itaque bonitas actus voluntatis consistit in relatione illa transcendentali ad illud dictamen, ex quo procedit , & ad illa motiua, à quibus impellimur ad volendum vel nolendum: quæ relatio est intrinseca actui ; imo est realiter ipsemet actus, vt dictum est. At vero veritas actus iudicativi non habetur per hoc, quod actus sit ab hoc vel illo motiuo, secundum hoc vel illud dictamen ; sed per hoc quod conformetur obiecto materiali. Hinc aliquando continget actum falsum, imperatum à voluntate esse respectu eiusdem voluntatis bonum, quamuis per illum intellectus decipiat : puta quando ex imperio voluntatis iudicas bonum esse proximum tuum , quia apparenter est bonus, contingit vt per talem actum decipiaris. nam cū apparentia bonitatis, habet veram malitiā, & quamuis veniat ad te in vestimento ouis , est tamen intrinsecus lupus rapax tamen per iudicium huiusmodi mereris apud Deum, qui omnes actus huiusmodi profectos ex charitate quæ cooperit multitudinem peccatorum, tibi lucro apponit.

Obijcitur quinto . Obiectum est mensura veritatis; mensura veritatis est extra veritatem , ergo obiectum est extra veritatem, & consequenter veritas tota quanta est, in actu est. Hoc argumento P. Hurtadus , impetit nostram

nostram sententiam. Maiorem probat quia per Aristotelem ab eo quod res est, vel non est, oratio vera vel falsa dicitur. Minor autem probatur: quia omnis mensura est extrinseca mensurato; nulla autem mensura est pars rei mensuratæ: puta vlna, quæ metitur pñum, est extrinseca panno, quem metitur, & sic de cæteris.

Resp. concessa maiori: negãdo minorem. Nam mensura recte diuiditur in intrinsecam & extrinsecam: prima ratio mensuræ conuenit obiecto respectu veritatis: secunda vlnæ respectu panni, quem metitur: hæc eadem vlna est mensura intrinseca equalitatis inter se & pannum, quamuis sit extrinseca panno qui dicitur æqualis. Obiectum etiam est extrinsecum actui, qui dicitur verus: quamuis non sit extrinsecum veritati, qua dicitur verus.

Obijcitur sexto. Aliqui actus sunt per suam essentiam veri, ergo saltem aliquibus actibus veris est intrinseca veritas. Consequentia est euidentis: quod enim est per suam essentiam tale, est intrinsece tale. Antecedens probatur: quia aliqui actus, puta hic: *Homo est animal rationale* & alij similes, sunt essentialiter veri, ergo sunt veri per suam essentiam.

Resp. Esse essentialiter verum dupliciter intelligi potest. Primo ita esse verum, vt nequeat non esse verum: & tunc idem est esse essentialiter verum, ac esse necessario verum.

Hoc modo hic actus: *homo est animal rationale* & alij similes sunt essentialiter veri. Secundo esse essentialiter verum potest accipi pro eodem, ac habere per suam essentiam esse

esse verum : & hoc modo nullus actus verus est essentialiter verus : quia quilibet actus verus , verus est partim per se, partim per obiectum quod repræsentat. Hinc ad argumentum in forma ; responde negando antecedens. Ad probationem & cætera , quæ dicuntur, responde cum distinctione : sunt essentialiter veri si ly essentialiter idem sonet, ac necessario : concede. si idem sonet, ac per essentiam ipsius met actus : nega. Obiectum huius actus : *Homo est animal*, necessario ita se habet sicut importatur per hoc iudicium : hinc impossibile est hoc iudicium non esse verum ; hoc autem obiectum necessario ita se habere puta hominem esse necessario animal , non est aliquid intrinsecum huic actui, quamvis sit aliquid impossibilitans hunc actum esse falsum.

Obijcitur ultimo. Actus intrinsece diversus à falso est actus intrinsece verus : aliquis actus est per suam essentiam intrinsece diversus à falso , ergo aliquis actus est per suam essentiam, & intrinsece verus. Maior probatur quia omnis actus (sermo est de iudicativo) est vel verus , vel falsus : sicut omne animal est irrationale vel rationale. Minor probatur quia assensus quem præbeo Deo dicenti : ego sum Trinus & unus, & quilibet alius actus fidei supernaturalis, intrinsece differt ab actu falso . Probatur hoc ultimum antecedens : quia actus per suam essentiam exigens verificari, per suam essentiam, & intrinsece differt ab actu falso : huiusmodi sunt prædicti actus fidei, ergo, &c.

Resp. hoc argumentum fuisse multis actus fidei esse per suam essentiam veros non satis

fatis animadvertentibus quod aliud est esse per suam essentiam exigitium veritatis; aliud esse verum. Actus fidei per suam essentiam petit dari id, per quod est verus: id quod petit dari est quid distinctum ab ipso, ergo actus fidei est verus per aliquid distinctum ab ipso. Assensus in obiectione propositus, per hoc quod sit adhæsiō auctoritati diuinæ, petit dari id quod testatur diuina auctoritas, videlicet Mysterium Trinitatis, per hoc autem quod detur Mysterium Trinitatis est verus hic actus quo dico: *Deus est vnus & Trinus*. Hinc ad obiectionem in forma distingue maiorem: actus per suam essentiam diuersus à falso est per suam essentiam verus formaliter, vel exigitue: concedo, formaliter: nego. Actus fidei per suā essentiam petit dari aliquid, per quod sit verus: per hoc quod petat dari, est exigitue, seu radicaliter verus: per hoc quod detur id, quod petit, est verus.

QVÆSTIO III.

De veritate circa futurum.

ARTICVLVS I.

An detur veritas circa futurum contingens.

ESt apud vulgus celebre proloquium: De futuris contingentibus non datur determinata veritas: & vt apud vulgus sonat est verum. Idem enim intelligit per determinatam veritatem, ac veritatem sibi determinate

nate

nare cognitam: certum est autem circa futura contingentia, non dari veritatem certò nobis, & determinate cognitam.

Ad resolutionem quæstionis proponere oportet duas propositiones de futuro in materia contingenti contradictorias: puta: *Petrus cras saltabit*, &: *Petrus cras non saltabit*: quæritur an ex duabus hisce propositionibus altera sit determinate vera, altera determinate falsa. In hac controuersia videtur Philosophus lib. primo Periherm. cap. 6. docere neutram esse determinate veram, neutram determinate falsam. Ratio quæ mouit Philosophum est ne tollatur contingētia aut libertas effectus contingentis aut liberi: si enim nunc verum est: *Petrus erat pugnabit* quomodo cras contingenter, & libere pugnabit? cum cras non sit in potestate Petri vt propositio quæ hodie fuit vera, non fuerit vera. Hoc argumentum petit vel libertatem humanam, vel diuinam præscientiam. Primam ex veteribus nonnulli abolere voluerunt, omnia fato agi opinantes vt diuinam præscientiam tuerentur; secundam multi negarunt, vt homines esse liberos sustinerent, adeoque insipienter & stulte vt homines facerent liberos, fecere sacrilegos.

Aliqui recentiores non negant propositionem de futuro esse determinate veram, aut determinate falsam: negant tamen esse determinate veram aut determinate falsam in natura. Sic autem Philosophantur. Vt hæc propositio: *Antichristus peccabit*, sit determinate vera nunc, debent nunc dari constitutiua veritatis: nunc autem non dantur in natura constitutiua veritatis, ergo nunc
non

non est determinate vera. Minor probatur quia vnum ex constitutivis huius veritatis est peccatum Antichristi, quod non datur nunc in natura. Porro quamvis non detur in natura, datur tamen in diuina præscientia, cui æque præfens est, ac peccatum quod de facto existit: igitur cum & propositio existat & verificatiuum ipsius, non in se, sed in diuina scientia: propositio vera est non in natura, seu non veritate quæ sit in natura, sed veritate quæ est in præscientia. His positis.

. Dicendum est absolute, & sine vlla limitatione. Ex duabus propositionibus contradictorijs de futuro in materia contingenti, altera est determinate vera, altera determinate falsa. Hanc sententiam non esse contra Philosophum sunt qui diu disputent. Quidquid sit de mente Philosophi, hanc esse veram probabimus ex principijs eiusdè Philosophi. Tenendum est igitur primo id quod ex Philosopho dictum est superius, videlicet: eo quod res est vel non est, propositio vera vel falsa dicitur. *Ly autem est vel non est* accipienda sunt non in statu, sed ampliative ad illam temporis differentiam, quæ per propositionem significatur. Hunc esse sensum Philosophi manifestum est: quia doctrinæ veritatem explicat per propositiones de præterito; circa quas non metuit ne veritas contingentiae aut libertati officiat: ita vera est hæc propositio, & quidem vera nunc: *Socrates disputauit*: ab eo autem quod res est vel nō est oratio est vera, ergo ab eo quod est, vel non est disputatio Socratis: per hoc autem quod fuerit, dicitur esse prout requiritur ad veritatem.

Tenen-

Tenendum est secundo, quod ab omnibus supponi debet ut indubitatum, videlicet: quodlibet est vel non est: siue de quolibet obiecto impossibile est neutrum ex istis verificari, & simul impossibile est utrunque in eodem instanti verificari. Tam enim implicat quod peccatum Petri v. g. in instanti *A* neque sit neque non sit; quam quod simul sit & non sit. Hæc ab eo negari nequeunt qui intelligat terminos. Faciat iam aliquis hanc propositionem: *Petrus cras hora meridiana saltabit*: hanc esse determinate veram vel determinate falsam sic probas. Necessarium est quod Petrus cras hora meridiana vel determinate saltet, vel determinate non saltet: sed si saltet propositio est vera nunc; si non saltet; est falsa, ergo prædicta propositio est nunc vel determinate vera, vel determinate falsa. Maior probatur quia impossibile est quod Petrus cras hora meridiana neque saltet, neque non saltet, & quod simul saltet, & non saltet, ergo necessarium est metaphysice ut determinate saltet, vel determinate non saltet. Minor probatur: quia eo quod res est, vel non est tempore importato per propositionem, propositio vera vel falsa dicitur; sed res affirmata, scilicet saltus Petri, necessario necessitate metaphysica determinate est, vel determinate non est in tempore importato per propositionem, ergo propositio est vel determinate vera, vel determinate falsa.

Huius argumenti vis declaratur. Si cras hora meridiana fiat hæc propositio: *Petrus saltat*: propositio est determinate vera, vel determinate falsa, ergo hodie hæc propositio:

Petrus

Petrus cras hora meridiana saltabit : est determinate vera, vel determinate falsa. Nomo negat ant. conseq. probatur. Quia ideo propositio de præsenti : *Petrus saltat* , est vera, quia obiectum ita se habet sicut dicitur se habere , in tempore significato per propositionem : sed per hoc ipsum est vera propositio dicens : *cras saltabit*, ergo hæc etiam est vera. Minor probatur: quia eo ipso quod hora meridiana Petrus saltet , saltat in tempore significato per propositionem, quæ antecederet dicit : *hora meridiana saltabit*. Hinc si videam hodie Petrum saltantem , & ex teheri audierim : *Petrus cras saltabit* : dico : heri dixisti verum .

Confirmatur . Ideo est determinate vera, vel determinate falsa propositio de præsenti : *Petrus saltat* , quia impossibile est Petrum in hoc instanti neque saltare, neque non saltare, aut saltare simul & non saltare , ergo omnis propositio affirmans pro hoc instanti Petrum saltare est vel determinate vera, vel determinate falsa . Probatur consequentia quia est impossibile in hoc instanti saltum Petri nec esse nec non esse , aut simul esse & non esse : sed si est in hoc instanti : vera est propositio affirmans quod sit in hoc instanti : si non est, est falsa , ergo omnis propositio affirmans quod sit in hoc instanti, est vel determinate vera, vel determinate falsa .

Denique probatur conclusio quia hoc disjunctum : *Petrus cras saltabit, vel non saltabit* est necessario verum , ergo qualibet pars ipsius est vel determinate vera , vel determinate falsa. Consequentia probatur quia si neutra pars disjuncti est determinate vera

aut

aut determinate falsa, potest totum disiunctum negari; sicut negares hoc: *Petrus cras vel saltabit, vel cantabit*. Potest enim contingere, ut Petrus cras neque cantet, neque saltet.

Quotiescunque autem non datur necessitas ut altera ex partibus disiuncti sit vera, & ex falsitate vnius non inferitur veritas alterius: totum disiunctum negari potest. Est autem euidentius quod ex hac propositione negata: *Petrus cras saltabit*, non inferes, ergo *cantabit*: & consequenter negare potes totam hanc propositionem disiunctiuam: *Petrus cras vel cantabit, vel saltabit*.

Ad argumenta quæ pro conclusione attulimus solet aduersarius respondere. Eo quod res est vel non est propositio est vel vera vel falsa: in propositionibus autem de futuro, res, dum propositio sit, neque est, neque non est pro tempore significato: nam tempus significatum est futurum quod non est, & consequenter res non est illo tempore; neque illo tempore existente non est: primum requiritur ad veritatem, secundum ad falsitatem. Rem explico. Ut vera sit hæc propositio: *Petrus saltabit* oportet ut existente tempore quod significatur existat saltus Petri: ut falsa sit; oportet ut existente tali tempore saltus non existat: nunc autem cum tale tempus non existat neutrum datur: videlicet neque quod saltus coexistat tempori significato, neque quod negatio saltus.

Hæc responsio non valet, neque huiusmodi argumento uti potuit Philosophus negans veritatem propositionis circa futurum. Ratio est: quia eodem omnino ratiocinio probabis neque esse veram neque falsam propositionem

sitionem de præterito. Tam enim non datur præteritum, quam non datur futurum. Coexistentia rei cum tempore significato determinate datur, vel determinatè non datur in eodem tempore. Si primum: est vera nunc; si secundum, est falsa propositio.

A R T I C V L V S II.

Satisfit nonnullis obiectionibus.

Objicies primò. Quæcunque sunt nunc in natura, sunt indifferentia ad saltum Petri & ad negationem saltus, ergo nihil nunc datur in natura magis trahens saltum quam negationem saltus: sed si nihil datur nunc magis trahens saltum quam non saltum, aut è conuerso, non est determinate verum, neque quod saltabit, neque quod non saltabit, ergo hæc propositio. *Petrus cras saltabit*, non est neque determinate vera, neque determinate falsa.

Resp. concessio primo entimemate; negando minorem subsumptam. Nam ad veritatem propositionis prædictæ non est necesse dari aliquid nunc magis trahens saltum, quàm non saltum: requiritur autem quod cras, hoc est in tempore significato per propositionem, detur potius saltus, quam non saltus: & quia impossibile est cras non dari neque saltum neque non saltum, ideo impossibile est propositionem hanc non esse neque veram, neque falsam.

Dices: ad hoc ut propositio sit vera debet dari id per quod fit vera: fit vera per saltum Petri, ergo debet dari saltus Petri: nunc non
datur

datur saltus Petri, ergo nunc non est vera.

Resp. distinguendo maiorem: debet dari id, &c. in tempore significato per propositionem: concedo; in tempore in quo effertur propositio: nego. Aliter non esset vera propositio de præterito, cuius veritatem admittit etiam Aduersarius. Aduerte autem hic duo. Primum quod ad veritatem propositionis adductæ impertinenter se habet quod existat, vel non existat in rerum natura saltus Petri quando effertur propositio: si enim quando dicis: *Petrus cras saltabit*, Petrus saltet, & cras cesset à saltu; cum toto saltu hodierno falsum dicis: si non saltet nunc, sed cras; dicis verum.

Secundum est quod etiam si supponas nunc Petrum determinatione infallibili determinatum ad saltum crastinum, tamen hæc propositio: *Petrus cras saltabit*, non verificatur per huiusmodi determinationem. Ratio est quia eo quod res affirmata est aut non est, propositio est vera vel falsa: res autem affirmata est saltus crastinus; igitur eo quod sit vel non sit saltus crastinus, oratio est vera vel falsa, Determinatio prædicta verificaret hanc propositionem: *Datur nunc determinatio ad saltum crastinum*, per quam videlicet affirmatur hæc ipsa determinatio.

Dices. Impossibile est dari prædictam determinationem, & propositionem hanc: *Petrus cras saltabit* non esse veram, ergo hæc propositio verificatur per prædictam determinationem.

Resp. concessio antecedenti: negando consequentiam. Impossibile est dari determinationem prædictam quin detur in tempore requi-

requisitio id per quod propositio est vera; & consequenter impossibile est cum tali determinatione non esse veram: id tamen quod à tali determinatione trahitur infallibiliter, est aliquid distinctum ab ipsa determinatione. Posset dici quod per talem determinationem verificatur consequenter, non autem formaliter; prædicta propositio: quia quavis hæc ipsa determinatio per se ipsam non verificaret; infert tamen infallibiliter id, quod per se ipsum verificat.

Obijciens secundo. Ut propositio sit vera nunc debent dari nunc omnia constitutiva veritatis: in propositione de futuro non dantur; ergo hæc non est nunc determinate vera. Siue ut propositio sit vera nunc debet dari nunc id per quod sit vera: non datur nunc id, per quod sit vera propositio de futuro, ergo nunc non est vera propositio de futuro. Maior probatur inductione. Ut paries sit albus nunc, debet dari nunc id per quod sit albus. Ut Petrus sit sapiens nunc, debet dari nunc id, per quod sit sapiens, & sic de ceteris, ergo ut propositio sit vera nunc, debet dari nunc id per quod sit vera. Antecedens probatur quia implicat parietem esse nunc album per albedinem quæ non est, sed erit: Petrum esse sapientem per sapientiam, quæ non est, sed erit.

Resp. hoc argumentum æque militare contra veritatem de præterito ac contra veritatem de futuro. Sicut paries nequit esse albus nunc per albedinem quæ non sit, sed erit; ita neque per albedinem quæ non sit, sed fuerit, & sic de ceteris. Præterea paries nequit esse albus hic per albedinem quæ

non

non sit hic, sed alibi, ergo oportet ut id per quod est albus hic, non solum sit, sed sit hic. Hoc posito roga aduersarium an propositio de presenti per quam dicis *Turca est Constantinopoli*, sit vera, hic? si negat: inepte negat; nam ibi est vera propositio ubi est; est hic, ergo vera est hic: si concedit: contra est: ut paries sit albus hic debet dari hic id per quod sit albus, ergo ut propositio sit vera hic, debet dari hic, id per quod sit vera; est vera per obiectum, ergo debet dari hic obiectum talis propositionis. Qui sic philosophatur, nugatur: non tamen plus valet argumentum propositum: ad hoc ut propositio sit vera nunc debet dari nunc id per quod sit vera, &c.

In forma ad argumentum nega maiorem. Ad probationem concessio antecedenti: nega consequentiam: disparitas est quia paries est formaliter albus per unionem albedinis ad ipsum, & quidem unionem physicam: implicat autem esse physice unitam albedinem, que non sit, sed solum vel fuerit vel sit futura. Propositio autem vera est, non per unionem physicam obiecti ad ipsam; sed per hoc quod in tempore significato per ipsam res ita se habeat sicut, affirmatur per ipsam, Eo enim quod res est vel non est, &c.

Dices. Implicat esse veram nunc potius quam non veram, & nihil dari nunc per quod potius sit vera quam non vera: nihil datur nunc per quod potius sit vera quam non vera, ergo implicat esse veram nunc.

Resp. negando maiorem. Denominatio veræ non habetur ex eo quod est nunc, quia nunc non est tempus significatum per propositionem.

sitionem; sed ex eo quod est vel non est in tempore quod per propositionem significatur: etiam circa propositionem de præterito non datur nunc id per quod potius sit vera quam non vera. Verum est: *Turca pugnavit* per pugnam, quæ fuit & non est nunc.

Replicat aduersarius noster hanc propositionem *Turca pugnavit*, veram esse non per pugnam quæ fuit: sed per species relictas talis pugne, aut per aliquid aliud cum tali pugna connexum: nihil autem est nunc connexum cum pugna futura: adeoque non est mirum esse veram propositionem de præterito, non autem de futuro.

Vtinam responsiones huiusmodi patienter audirem? Quid si nec species, nec quidquam aliud prædictæ pugne remanserit? respondent esse impossibile. Saltem Deus præteritæ pugne vel meminit vel adhuc præsens est. Si in solo Deo remanet prædicta pugna; tunc propositio vera est, & verificatur per Deum. Si dicas: etiam si per impossibile neque in Deo esset huiusmodi pugna; per hoc præcise quod fuerit; verum est: *pugnavit*. respondent vel negando, vel concedendo utrumque contradictorium; videlicet fore verum, & non fore verum, quia fit suppositio per impossibile.

Sed contra est. Nam: non eo quod remanserit aliquid rei, aut non remanserit, oratio vera vel falsa est: sed eo quod res est, vel non est in tempore significato per propositionem, ut ex Philosopho dictum est, doctrinam suam explicante per propositiones tam de præterito quam de præsentis. Puta tam per disputationem Socratis quæ fuerat, quam

quam per ambulationem Platonis quæ erat. Facile est in hac controuersie confundere veritatem præcise, cum veritate scita. Si nihil remanserit de pugna præterita, nescimus verum esse *Petrus pugnavit*: si enim nemo meminit talis pugne unde scis verum esse: *pugnaui*? Etiam si tamen hoc verum esse nemo sciat, tamen si realiter pugnavit: verum est *pugnaui*. Hoc idem patet in propositione de præsentis. Fac aliquem in cubiculo clauso etiam dormientem saltare ita ut nec ipse, nec ullus alius sciat ipsum saltare. Contingat autem te ipso saltante temere dicere; *Grillus saltat*. Dicis verum nec tamen scis aut ullus alius scit te dicere verum. Denique de speciebus relictis aut perseverante memoria rei præteritæ, dic illud idem quod diximus de præsentis determinatione infallibili, si daretur ad rem futuram. Esse videlicet quid connexum cum verificatio, non esse tamen ipsum nec verificationum propositionis. De ijs qui propositiones verificant, non per obiecta ipsarum, sed per res cum obiectis connexas, dicetur infra questione sequenti.

ARTICVLVS III.

Audiuntur iterum Aduersarij.

PRæter ea quæ dicta sunt ab aduersarijs, alia etiam ex alijs capitibus petita asserri solent: quæ quamuis reipsa lenia sint, habent tamen apparentiam periculossæ difficultatis. Hæc enim veritas: *Petrus cras saltabit*, si hodie detur, quomodo Petrus cras

contingenter & libere saltabit? supposito enim quod vera sit hæc propositio, nequit non esse vera: hoc est nequit esse vera simul, & simul falsa. Si autem nequit esse falsa in sensu composito veritatis, quomodo in sensu composito veritatis, Petrus cras libere saltabit? cum nequeat non saltare nisi falsificando propositionem hodiernam: *Petrus saltabit*. Hæc difficultas sic proponitur.

Si hæc propositio: *Petrus cras saltabit* est nunc determinate vera, saltus Petri cras non erit liber; consequens est falsum, ergo & antecedens. Sequela maioris probatur: quia si cum tota veritate huius propositionis, Petrus cras libere saltet, potest non saltare: ille enim libere saltat qui ita saltat ut possit non saltare: supponamus igitur non saltare: tunc propositio erit falsa, qua dictum est: *Petrus saltabit*, ergo si cum veritate propositionis, Petrus libere saltat, potest propositio cum sui veritate esse falsa. Breuiter: stante veritate propositionis si saltus est liber, potest non poni: Si non ponitur, propositio est falsa, ergo stante veritate, si saltus est liber, potest esse falsa.

Hoc argumento quo videtur inductus Philosophus ad negandam veritatem propositionis de futuro innumerabiles mortales decipit circa diuinam præscientiam infallibiliter veram. Est verum nunc & Deus certo scit esse verum: *Antichristus peccabit*. Compose iam libertatem Antichristi cum tali veritate, quem tamen certum est, eo ipso quod peccabit, libere peccaturum: quicumque enim peccat libere peccat. Sic tamen contra huiusmodi libertatem pugnare potes:

Si

Si Antichristus libere peccabit, poterit non peccare: supponamus igitur quod non peccat, hoc posito falsa est diuina scientia dicens: *Antichristus peccabit*, ergo potest esse falsa diuina scientia. Rursus stante veritate talis scientiæ Antichristus libere peccat, ergo stante veritate huius scientiæ potest non peccare: sed si non peccet, falsificat, ergo scientia vera, simul cum sui veritate, potest esse falsa. Vide quot absurda: primo scientiam Dei posse falsificari: secundo etiam data ipsius veritate posse simul esse falsam. Primam est impium; secundum insuper ridiculum.

Resp. hoc argumentum eodem robore militare cōtra veritatem propositionis de presenti. Hæc propositio: *Petrus saltat* est determinate vera, ergo saltus Petri non est liber. Probo consequentiam. Si stante veritate huius propositionis saltus Petri est liber, saltus Petri ita est, vt possit non esse: quod enim libere est, ita est vt possit non esse. supponamus igitur non esse: iam propositio est falsa, ergo hæc propositio potest esse simul vera & simul falsa. Vno verbo stante veritate huius propositionis: *Petrus saltat*: Petrus potest non saltare: sed si non saltet, propositio est falsa, ergo hæc propositio, stante sui veritate, potest esse falsa: probatur maior quia stante veritate huius propositionis, Petrus libere saltat, ergo potest non saltare. Imo potes in ipsa propositione importare libertatem actus Petri dicendo: Petrus libere saltat, & supposita veritate huius propositionis ostendere vel falsitatem eiusdem, vel negationem libertatis in ipso saltu libero Petri: hoc est demonstrare

falsitatem ex utroque capite. Hoc idem argumentum verte contra propositionem de præterito: *Petrus peccauit*, cuius veritas stat cum libertate Petri exercita per actum peccandi.

Hæc autem omnia argumenta statim cor-
runt si bene intelligas principia supraposita:
ex eo quod res est, aut non est propositio
vera vel falsa dicitur. Hinc diximus verita-
tem haberi partim per cognitionem partim
per obiectum; ex quo statim intelligis quod
supponere veritatem huius propositionis:
Petrus peccat, est supponere Peccatum Petri
nunc; supponere veritatem huius alterius:
Petrus cras peccabit, est supponere peccatum
Petri in tempore crastino. Supponere autem
quod peccatum sit & non sit respectu eiusdem
instantis, est supponere contradictoria, &
falsitatem primi principij per se immediate
noti: Impossibile est idem simul esse & non
esse. Ex quibus sic argues: esse veram hanc
propositionem: *Petrus peccabit*, est dari hanc
propositionem nunc & peccatum Petri in
tempore futuro; non potest dari simul & non
dari peccatum Petri in tempore futuro, ergo
non potest supponi esse veram hanc proposi-
tionem & non dari Peccatum Petri.

Hinc aduersarius ad instantiam de præ-
senti dicit quod qui petit hanc propositio-
nem: *Petrus saltat*, esse veram & simul non
poni saltum Petri; petit poni, & non poni
saltum Petri; & consequenter negandum est
suppositum; Nam libertas non consistit in
hoc quod actus saltandi possit simul poni &
non poni, hoc est componi cum suo contra-
dictorio: ad hoc enim non modo non datur
liber-

libertas, sed nec vllum genus potentiae: libertas autem consistit in hoc quod ita ponas hunc actum, vt potueris non ponere determinando te ad contrarium vel contradictorium ipsius. Libere dicto; non quia possim in sensu composito dictandi non dictare: dictare enim & non dictare simul est chimericum: sed quia ita dicto vt potuerim eligere non dictare. Non sic de sua calefactione loqui posset ignis dicendo: sic calefacio subiectum mihi iuxta positum vt possim aut potuerim me determinare ad non calefaciendum. Hinc suae calefactionis ignis est causa necessaria; meae dictationis seu lectionis ego sum causa libera.

Hæc omnia vera sunt & penitus dissolunt difficultatem propositam. Igitur ad argumentum in forma respondeo negando sequelam maioris. Ad probationem respondeo cum distinctione: si cum tota veritate propositionis libere saltet potest non saltare; potentia simultatis: nego; simultate potentiae: concede. Dum dicitur supponamus cum tota veritate propositionis Petrum non saltare: negandum est suppositum, æque ac si diceret aduersarius: supponamus Petrum saltare & simul non saltare. Hoc est euidentius ex dictis: nam supponere veritatem propositionis est supponere quod Petrus saltet; & consequenter supponere cum tali veritate, quod Petrus non saltet, est supponere quod saltet simul & non saltet: hæc autem simultas saltus & non saltus per nullam potentiam dari potest: quamuis detur simultas immo identitas potentiae ad saltum & non saltum, quia per illam eandem potentiam per quam determi-

nat se Petrus ad saltum, posset determinare se ad non saltum. Idem dic de peccato. Quotiescunque peccas, per potentiam non peccandi, peccas, adeoque simul cum peccato itat potentia non peccandi, imo peccatum ipsum fit per potentiam non peccandi: non tamen datur potentia ponendi simul peccatum cum non peccato, seu cum negatione peccati.

Ex his patet ad cætera. Cum diuina præscientia de peccato Antichristi poterit Antichristus non peccare quia peccabit per potentiam non peccandi, adeoque libere peccabit. Dum dicitur ponamus quod non peccet distingue, quod non peccet, stante præscientia quod peccet, nego suppositum; in sensu diuiso à tali præscientia, admitto, Quicumque supponit præscientiam de peccato supponit peccatum quod per existentiam sui in tali tempore determinat præscientiam Dei; supponere igitur dari huiusmodi præscientiam, & non dari peccatum, est supponere dari peccatum, & non dari peccatum. Ad illud, quod libere est, ita est, ut possit non esse: peccatum libere est, ergo ita est ut possit non esse; distingue maiorem, ita est ut possit non esse in sensu composito essendi: nega maiorem, ut possit non esse simpliciter: concede, & concessa minori: eodem modo distingue consequens. Actus liber non in hoc differt à necessario quod dum est possit simul non esse hoc enim inuoluit contradictoria, & ut ait Philosophus: omne quod est necesse est, quando est, esse: sed in hoc quod per eandem potentiam per quam ponitur, possit non poni, vel poni oppositus loco ipsius. Apparet satis quid intelligamus per potentiam simultatis,

&

& per similitudinem potentie, potentia similitudinis est potentia coniungendi simul hoc & illud, hæc potentia non datur ad opposita: puta ad peccatum, & non peccatum, saltum & non saltum, nec enim quis potest saltare simul & non saltare; peccare & non peccare; datur ad disparata, puta potest aliquis coniungere simul actum ambulandi, cum actu loquendi & infinitis alijs huiusmodi. Simultas potentie est coniunctio in eodem subiecto potentiarum ad opposita, hæc datur, nã in homine est simul potentia volendi cum potentia nolendi: potentia peccandi cum potentia recte operandi; imo est una eademque potentia, dum autem exercet se per unum actum, non desinit esse potentia ad oppositum, quamvis nunquam fuerit potentia ad utrumque simul.

Dices. Posita veritate huius propositionis, *Petrus cras peccabit*, Petrus cras non potest non peccare, ergo veritas talis propositionis ponit necessitatem peccandi, ergo tollit libertatem. Hoc idem valet contra divinam præscientiam quam videlicet impossibile est non esse veram. Posita hac præscientia, *Antichristus peccabit*, Antichristus non poterit non peccare, ergo talis præscientia ponit necessitatem peccandi, ergo tollit libertatem.

Resp. hoc idem militare contra veritatem de præsentia. Posita veritate huius propositionis *Petrus peccat*, non potest Petrus non peccare, ergo hæc veritas ponit necessitatem peccandi. Item posita visione qua vides Petrum peccare non potest Petrus non peccare, ergo visio tua ponit necessitatem peccandi.

Quæ omnia ita concludunt contra libertatem, sicut concluderet hoc, posito quod pecces non potes non peccare, ergo peccare ponit necessitatem peccandi: Eo igitur modo posita veritate propositionis prædictæ, & posita præscientia de peccato Petri, necesse est Petrum peccare; quod posito peccato necesse est peccare: hæc autem necessitas impertinenter se habet ad libertatem, ergo & illa,

Ad argumentum in forma vel nega simpliciter ant. vel distingue: non potest non peccare in sensu composito talis veritatis & præscientiæ: concede; in sensu diuiso: nega. Sicut in sensu composito peccati nequit esse non peccatum: hoc est sicut nequit coniungi negatio peccati cum peccato; ita neque negatio peccati, cum veritate propositionis, & præscientiæ quod erit peccatum. Huiusmodi impossibilitas vocatur hypothetica & consequens, non autem absoluta & antecedens.

Idem dic de necessitate. Quia videlicet posito quod sit, necesse est esse; & impossibile est non esse simul & esse; adeoque implicat cum hypothesi non essendi, esse aut contra.

Dices. Hæc consequ. est infallibilis: Deus scit Antichristum peccaturum; ergo peccabit; ergo ex diuina scientia infertur infallibiliter peccatum Petri, ergo nequit non esse peccatum Petri cum diuina præscientia, ergo diuina præscientia est necessitas peccandi.

Resp. concedendo totum: præter vltimam consequentiam. Diuina præscientia non est necessitas peccandi: sed aliquid necessario consequens ad peccatum Petri. Posito enim quod Petrus eras in instanti & peccet, necessarium est in Deo esse ab æterno scientiam

talis

talis peccati : ab existentia autem rei necessario consequentis ad existentiam *A* est infallibilis consequentia ad existentiam ipsius *A*. Atque hic obiter nota duas istas illationes. *Antichristus peccabit, ergo Deus ab eterno vidit & videt illum peccaturum, & Deus ab eterno videt Antichristum peccaturum, ergo Antichristus peccabit.* Ambæ sunt veræ & infallibiles, sed non eiusdem rationis. Prima est à priori secunda à posteriori : quod videri potest imperitis mirabile cum diuina scientia tota æternitate antecedit peccatum, hinc sic arguunt.

Diuina scientia necessario infert peccatum : hæc eadem antecedit peccatum, & quidem tota æternitate antecedit, ergo infert peccatum necessario necessitate antecedenti. Respondere potes concessa vtraque præmissa ; negando consequentiæ necessitas antecedentis non est ea per quam vnum infertur ex alio quod antecedit tempore, sed est ea per quam vnū infertur ex alio quod antecedit causalitate : quamuis autem diuina scientia antecedit æternitate, non tamen antecedit causalitate peccatum Petri ; sed potius peccatum Petri antecedit quadam causalitate præscientiam Dei : nam vt aiunt Sancti Patres : non ideo Petrus peccat quia Deus vidit illum peccaturum ; sed ideo Deus vidit illum peccaturum, quia peccat : peccatum igitur determinat Deum ad scientiam sui ; non autem scientia determinat peccatum ad existentiam. Propterea scientia Dei infertur ex peccato per illationem à priori ; peccatum autem infertur ex præscientia illatione à posteriori.

In hac igitur materia, siue sermo sit de

præscientia siue de qualibet veritate, circa rem futuram tenendum est, veritatem ipsam siue præscientiæ siue cuiuslibet alterius cognitionis; haberi formaliter per ipsam rem: adeoque quicumque supponit veritatem, supponit rem ipsam: inepte autem petit quod etiam facta suppositione quod sit res, non sit: & consequenter inepte petit supposita veritate, quod res non sit. Vnde dicitur in tali casu res necessario esse necessitate ex suppositione, quia ut ait Philosophus, rem, posito quod sit, necesse est esse, quod nihil aliud significat nisi impossibile esse quod res simul sit & non sit.

ARTICVLVS IV.

Satisfit nonnullis quæsitis.


AD maiorem intelligentiam quæres r. An detur veritas propositionis de futuro contingenti? Huic quæsito fortasse existimas satisfactum per conclusionem supra positam: qua dictum est propositionem de futuro contingenti esse vel determinate veram vel determinate falsam. Re ipsa satisfactum est; ita ut quod superest decidendum pertineat potius ad quæstionem de nomine. Veritas, ut dictum est, consistit partim in actu, partim in obiecto: non datur obiectum simul, & actus, ergo non dantur ea in quibus consistit veritas. Hoc argumentum est clarum, adeoque veritas huius propositionis: *Petrus cras saltabit*: physice non est in rerum natura: est tamen logice, & denominatiue quia & in rerum natura est id supra quod.

quod cadit: denominatio veri, & obiectum ipsum per quod completur in ratione veri est in tempore importato per propositionem. Quamvis enim veritas habeatur formaliter partim per actum, partim per obiectum tamen, verum, est ipse met actus, non autem partim actus & partim obiectum. Ita cognitum habetur in ratione cogniti per formam sibi extrinsecam, & intrinsecam cognoscenti: ipsum tamen cognitum est adæquate extra cognoscentem. Idem apparet in antiquo, quod apparet in vero. Si quis roget an detur nunc antiquum? respondebis affirmatiue, & ostendes templum Vestæ vel Pantheon Agrippæ. Si roget an detur antiquitas: quid respondebis? antiquitas habetur per annos præteritos: nunc non dantur anni præteriti; ergo nunc non datur antiquitas: non datur physice: concedo, non datur denominatiue: nega; si datur & si est ex hominum placito sumuntur ampliatiue & faciunt propositionem veram per hoc quod forma exigita seu res quæ ad sui veritatem requirit propositio, fuerit, vel sit, vel futura sit, in differentia temporis opportuna.

Quæres secundo. An eodem modo detur veritas de futuro, sicut datur de præterito. Ratio dubitandi est quia cum præterito datur aliquid quod sit cōnexū & est de præsentis: futuro nihil: secundo propositionem de præterito esse determinate veram determinate scimus, & hoc ipsum, per id quod est connexum cum ipsa: puta scimus hanc propositionem: *heri egregie recitatum est in Seminario Romano* esse veram, & hoc ipsum scimus per species relictas, quas nulla vnquā delebit

delebit obliuio. Esse autem veram hanc
 aliam : *etiam sequenti festo egregie recitabi-*
tur : nescimus quomodo aliqualliter possimus
 conijcere. Hinc alia species veritatis con-
 uenire videtur propositioni de præterito , ac
 propositioni de futuro.

Resp. ad quaesitum affirmatiue : eandem
 videlicet veritatem conuenire propositioni
 de futuro, quæ conuenit de præterito. Ad
 rationem dubitandi dic ea omnia imperti-
 nenter se habere ad conceptum veritatis, sicut
 impertinenter se habet ad rationem hominis
 quod sis rectus vel claudus, niger vel albus,
 personatus vel nudus. Vtrobique veritas
 consistit in hoc quod res in esse rei, & in se
 ipsa ita se habeat, sicut representatur per
 cognitionem, utrobique autem res ita se ha-
 bet, sicut importatur per propositionem; ergo
 utrobique habetur eadem veritas : sic enim
 præteritum fuit, vt non sit : sic futurum erit,
 vt non sit ; & per hoc ipsum, utrumque est
 in tempore significato per propositionem.



QVÆSTIO III.

*De veritate propositionis de futuro
conditionato in materia
contingenti.*

ARTICVLVS I.

*An propositiones huiusmodi sint vel deter-
minate vere, vel determinate
falsæ.*

AD quæsitum pro titulo propositum
ponimus pro responsione conclusio-
nem affirmatiuam, quam ex ijsdem
principijs deducimus, ex quibus deduximus
supra determinatam veritatem, vel falsitatem
propositionum de futuro absoluto in eadem
materia. Sit igitur hæc propositio: *si Petrus
cantauero, Petrus saltabit*: hæc propositio-
ne nec affirmo me cantraturum, nec Petrum sal-
taturum sed saltaturum Petrum si Petro cantauero.
Probat autem quod sit vel determinate ve-
ra, vel determinate falsa: quia implicat, posi-
ta conditione, videlicet meo cantu, Petrum
neque saltare, neque non saltare; aut salta-
re simul, & non saltare, ergo in illa diffe-
rentia temporis, in qua cantarem, quæcumq.
illa sit, necessario vel dabitur determinate,
saltus Petri, vel negatio eiusdem. Implicat
enim pro qualibet differentia temporis nec
esse, nec non esse saltum Petri: vtrumlibet
autem ex contradictorijs sit, determinate est,

ut patet; sed si esset saltus, est vera; si esset negatio saltus, est falsa, ergo hæc propositio est vel determinate vera, vel determinate falsa. Probatur minor, quia: *eo quod res est, aut non est, prout effertur per propositionem; oratio vera vel falsa dicitur.* Sicut igitur ex eo, quod potius fuit, quam non fuit saltus, verum est, *saltavit*, aut contra. Ex eo, quod erit potius, quam non erit, est verum: *saltabit*; ita eo quod potius esset, quam non esset, verum est: *saltaret*, aut contra. In hypothese autem mei cantus, impossibile est, quod neutrum esset; adeoque quod non esset vnum ex contradictorijs determinatè præ alio.

Hoc eodem ratiocinio probabis etiam conditionatam sub hypothese disparata, qualis est hæc: *si Turca saltaret, ego dormirem vel; si Turca saltaverit, ego dormiam, &c.* Esse vel determinate veram vel determinate falsam. Nam posita tali hypothese, videlicet saltu Turcæ, est impossibile metaphysice non coexistere ipsi nec dormitionem meam; nec negationem meæ dormitionis: quæcumque autem coexistat, determinate coexistit, & præ suo contradictorio coexistit; si autem coexistisset dormitio, verum est: *dormirem*; si negatio, falsum est: *dormirem*, ut habes ex dictis.

Explicatur hoc ipsum vberius: quia sicut si ego cantarem, in aliqua differentia temporis cantarem; ita si Turca saltaret, in aliqua differentia temporis saltaret. Sicut igitur implicat, quod in illa differentia temporis, in qua Petro cantarem, nec sit saltus, nec sit negatio saltus Petri, aut sit simul saltus, & nega-

negatio saltus : ita implicat quod in illa differentia temporis, in qua Turca saltaret, nec sit mea dormitio, nec negatio inæ dormitionis, aut quod sit vtrumque. Quamcumque enim differentiam temporis excogites ; implicat quod non sit in illa alterutrum ex quibuscumque contradictorijs, aut quod in illa sit ex quibuscumque, vtrumque simul.

Contra conclusionem proponi posset hoc sophisma. Si Petro cantabo, Petrus saltabit : sed si Petro cantabo, & non saltabit ; Petro cantabo : ergo si Petro cantabo, & non saltabit. saltabit Vel : si Petro cantare, Petrus saltaret : si cantare Petro, & non saltaret ; Petro cantarem : ergo si Petro cantarem, & non saltaret, saltaret. In quo concludi vides, quod etiam non saltans saltat, quod repugnat. Maior autem est doctrina nostra : minor est evidens : nam siue saltet Petrus, siue non saltet ; Petro cantas, dum Petro cantas.

Resp. conc. mai. & min. neg. conf. in maiori ponitur conditio sine vlla restrictione ; in minori autem restringitur per contradictorium conditionati : adeoque committitur fallacia, quam vocant à simpliciter ad secundum quid, vel à non restricto ad restrictum : qualis est hæc : *qui dicit te esse animal, dicit verum : qui dicit te esse equum, dicit te esse animal : ergo qui dicit te esse equum dicit verum.* In qua *animal* in maiori ponitur sine restrictione ad vllam speciem ; in minori autem cum restrictione ad speciem equinam. Similiter in proposito sophismate ponitur in maiori pro conditione : *si cantabo, vel si cantarem, sine vlla restrictione :*
in

in minori autem hæc eadem cōditio restrin-
gitur ad *cantarem* coniunctum cum negatio-
ne saltus; dicitur enim: *si cantarem, & non
saltaret.*

ARTICVLVS II.

*Per quid formaliter sint vera propo-
sitiones prædictæ.*

AD resolutionem quæsitæ dicendum est
primò: non omnis propositio ad sui
veritatem requirit obiectum pro aliqua dif-
ferentia temporis existens. Probatur hoc.
Alter mundus, non est, aut: *alter mundus
non erit* est propositio vera. hæc non requi-
rit existentiam physicam vllius obiecti, pro
vlla differentia tēporis, ergo non omnis pro-
positio ad sui veritatē &c: minor probatur,
quia per hoc præcise, quod alter mndus nō
sit, & numquam futuris sit, est formaliter ve-
rum: *alter mundus non est*, & *alter mun-
dus non erit*. Nam, vt ait Philosophus, eo
quod res sit aut non sit; propositio vera vel
falsa dicitur. Quod autem alter mundus
nec, sit nec futurus sit, nō est formaliter quod
aliquid sit pro vlla differentia temporis. De
negationibus obiectiuis, quas pro verifica-
tione istarum propositionum ponunt aliqui,
vide in secundo anno huius cursus trienna-
lis, disp. secunda quæst. 9. art. secundo, &
seq. Certe sententia negans negationes hu-
iusmodi, quæ nobis est euident, est alijs
saltem probabilis: cum tamen sit omnibus
evidens verum esse: *alter mundus non est*

Quod diximus de hac propositione: *alter*

mun-

mundus non erit, dicimus de hac alia: *Si Petro cantatem, Petrus saltaret*; vel: *Si Petro cantabo Petrus saltabit*; & probamus, quia ideo hæc propositio, *alter mundus non erit*, ad sui veritatem non exigit obiectum existens in vlla differentia temporis, quia non affirmat existentiam vllius obiecti, sed neque hæc alia, *si cantarem*, &c. affirmat existentiam vllius obiecti pro vlla differentia temporis; ergo si prima non exigit vllum obiectum vnquam existens, neque secunda. Minor probatur ex communi inter summulistas proloquio, *conditionalis nihil ponit in esse*. Hæc eadem doctrina magis elucidatur per propositionem oppositam, *Si Petro cantabo, Petrus non saltabit*. Ut vera sit hæc propositio, oportet ut si cantem Petro, Petrus non saltet, non autem necesse est, ut vnq. Petro cantē, nihil igitur requiritur pro vlla differentia temporis physice existēs. Patet hoc, quia in illa propositione nihil ponitur absolutè; cōditionate autem, nihil omnino pro cōditionato. Nā cōditionatū est nō falsatus Petri, qui nihil est, pro conditione verq̄ meus cantus. Non requiri autem ad veritatem conditionalis, quod vnquam purificetur conditio, est primum principium apud summulistas; sicut est primum principium, quod nihil ponat in esse, quamvis requiratur, quod purificata conditione detur conditionatum, quod tunc dicitur transire in absolutum. Propterea in syllogismo hypothetico purificante in minori conditionem positam in maiori, inferens conclusionem absolutam v. g. *Si est muscus, est homo sed, est muscus, ergo est homo*.

Dices

Dices aliud esse obiectum terminatiuum, seu materiale, aliud obiectum verificatiuum, primi non affirmatur existentia per hanc propositionem, *alter mundus non est*, affirmatur secundi, & supra secundum cadit denominatio negationis, quæ secundum alios est aliqua entitas diminuta, secundum alios est ipsummet decretum i. ei nolentis mundum existere. Idem similiter dices de hac alia, *si est musicus est homo*, in qua neque affirmatur quod sit musicus, neque quod sit homo, affirmatur tamen necessitas; quod, si musicus sit, homo sit. Alijs etiã vocibus ludere posses in hac materia. puta si dicas aliud esse id, quod affirmatur signate per propositionem; aliud id, quod exercite. Propositio affirmatiua signate affirmat existentiam sui obiecti materialis, exercite autem se esse veram, hæc alia, *alter mundus non erit*, non affirmat quidem signate existentiam obiecti, ad quod terminatur, pro vlla differentia temporis; affirmat tamen exercite se esse veram: sed eo ipso, quod affirmat se esse veram, affirmat existentiam sui verificatiui: ergo omnis propositio, siue sit affirmatiua, siue negatiua, affirmat existentiam sui verificatiui, saltem pro aliqua differentia temporis, quod si obiectum verificatiuum sit aliquid futurum in tempore, vel quod iam existerit, affirmat existentiam talis obiecti pro eo tempore, in quo fuit vel erit. Si autem sit aliquid, quod semper est; affirmat existentiam rei, quæ semper est, Hęc proposito, *Antichristus erit*, quia verificatur per suum obiectum terminatiuum, quod non est, sed erit; affirmat existentiam sui obiecti termina-

minatiui in futuro, quod non est, sed erit. Hæc alia: *alter mundus non est*, quia non verificatur per obiectum terminatiuū, quod numquam erit, sed per voluntatem Dei de numquam ponendo mundo, quæ est semper; affirmat existentiam talis voluntatis, quæ semper est. Hinc vltcrius inferes nullam propositionem esse purè, & precisè negatiuā cum quælibet saltem affirmet se esse veram; & quia affirmat se esse veram nunc, hoc est dum profertur, aiunt alij affirmare etiam dari nunc id, per quod sit vera. Cum igitur ne ^{esse} nunc, neque nunquam detur id, per quod verum sit, aut falsum: *Si Petro cantaret, Petrus saltaret*; hæc propositio neq; determinate vera est, neque falsa.

Hæc omnibus satisfaciendum est per partes. In primis nego aliud esse obiectum terminatiuum, seu materiale; aliud verificatiuum. Propositio enim vera est aut falsa per habitudinem ad obiectum, ad quod terminatur: iuxta doctrinam Philosophi, *eo quod res est, aut non est; propositio vera, vel falsa dicitur*. Loquitur autem Philosophus de re affirmata, aut negata, quæ est obiectum materiale propositionis. Secundo nego propositionem hanc: *alter mundus non erit*, terminari ad negationem mundi. Est enim huius propositionis idem obiectum, ac huius alterius: *alter mundus erit*: propositiones enim contradictoriæ sunt de eodem obiecto, quod per alteram quidem negatur, per alteram affirmatur. Vnde non recte diceres, propositiones prædictas terminari ad contradictoria; recte autem esse contra-

contradictorias : cum contradictio non sit in rebus , sed in propositionibus ; quæ per hoc , quod idem affirmetur , & negetur , sunt formaliter contradictoriæ . Tertiò sicut hæc propositio : *mundus est* , non verificatur per voluntatem Dei , quæ est causa quod sit ; ita neque hæc alia : *alter mundus non erit* verificatur per eandem , quæ est causa quod non erit . Dico : *est causa quod non erit* , ut vocibus utar Aduersarij , nam , ut alibi dicitur , non entis non est causa : distinguere autem hic inter causam efficientem , & deficientem , non facit ad rem , nam quemadmodum causa efficiens non est verificatiuum formale , & logicum propositionis , affirmantis quod res sit ; ita nec causa deficiens est verificatiuum formale , & logicum propositionis , negantis quod res sit : sed eo quod res est , aut non est , propositio vera vel falsa dicitur .

Notanter dixi *formale & logicum* : apparet enim Aduersarios verificatiua propositionum inquirere non Logicorum instar , sed Iuristarum , qui rem connexam cum esse , aut non esse rei , habent pro verificatiuo , quod res sit , aut non sit . Rem explico . Roga Logicum per quid verificatur , quod Petrus occiderit Franciscum ? Respondet : per hoc , quod occiderit . Roga Iuristam ; respondet : per testes de visu , aut aliquid aliud , siue antecedens , siue consequens connexum cum hoc , quod Petrus occiderit Franciscum . Roga iterum Logicum , per quid verificetur quod non occiderit ? Respondet : per hoc , quod non occiderit : *eo enim , quod res est , aut non est , ratio vera vel falsa dicitur* . Roga Iuristam ; respondet : per hoc , quod

Petrus

Petrus tunc procul aberat à Francisco, non erat Francisci inimicus; & per alia huiusmodi impossibilia cum hoc, quod Petrus occiderit Franciscum. Vbi vides à Logico assignari obiectum ipsum, à Iurista aliquid cum obiecto connexum. Secundum faciunt Aduersarij assignantes pro verificatiuis modo voluntatem, modo intellectum diuinum: primum facimus nos.

Præterea malè arguet Aduersarius ex eo, quod propositio affirmet exercite se esse veram, affirmare existentiam obiecti, per quod verificetur. Oporteret prius probare non posse esse veram, nisi per existentiam obiecti verificatiui; & deinde ex eo, quod affirmet se esse veram, inferre quod affirmet existentiam talis obiecti. Cæterum si vera est hæc propositio: *Alter mundus non erit*, per hoc, quod ipsa sit, & non sit viquam alter mundus: cum non esse alterum mundum non sit aliquid existere; affirmans se esse veram, non affirmat aliquid existere, per quod sit vera. Quæ omnia magis patebunt, vbi de negationibus ex professo. Obserua tamen, quod qui huiusmodi verificatiuum exigunt ad veritatem propositionis cuiuslibet, coherentius negant veritatem propositionis de futuro contingenti. Nam si ista propositio: *Homo necessario est animal*: ideo exigit verificatiuum existens nunc, quia affirmat necessitatem, quod homo sit animal; quæ affirmata nunc, debet dari nunc: ita propositio, per quam dico: *Propositio de futuro contingenti est determinatè vera*: exigit verificatiuum existens nunc, quia affirmat determinationem ad veritatem; quæ affirmata

nunc,

nunc, debet dari nunc. Vbi nota me quære-
re in uerificatiuo propositionis de futuro
aliquid, per quod ipsa possit uerificare pro-
positionem de præsentī, per quam affirmat-
tur, quod uera sit.

Denique ex eo, quod neque nunc, neque
vnquam detur id, per quod hæc propositio:
Si Petro cantarem, Petrus saltaret, sit aut
determinatè uera, aut determinatè falsa; ma-
lè infert Aduersarius, quod neque determi-
natè uera sit, neque falsa: deberet inferre
esse determinate falsam. Nam, ex discursu
Aduersarij omnis propositio affirmat se esse
veram: ergo si neque est determinatè uera,
neque determinatè falsa, eo ipso est falsa.
Probatur consecq. quia propositio neque ue-
la, neque falsa, non est uera. ergo si affirmet
se esse ueram, est falsa. Ex his.

Dicendum est secundo propositiones
de futuro conditionato in materia con-
tingenti esse determinatè ueras, aut de-
terminatè falsas per hoc formaliter, quod
posita conditione res determinatè esset, aut
determinatè non esset. V. G. *Si Petro can-
tarem, Petrus saltaret*: est uerum deter-
minatè, aut determinatè falsum per
hoc formaliter, quod in tali hypothesi
Petrus, aut determinatè saltaret, aut de-
terminatè non saltaret. Quod in prædicta,
& quacumq. alia hypothesi daretur alteru-
trum ex contradictorijs, probatum est suprà:
quod autem per hoc formaliter sit determi-
natè uera, aut determinatè falsa propositio,
patet ex principio Philosophi: *Eo quod res
sit, aut non sit eo modo, quo per propositio-
nem effertur, oratio uera, uel falsa est.*

ARTICVLVS III.

Satisfit obiectionibus.

O Bije. primò. Implicat quod propositio sit potius uera, quam falsa, aut è conuerso, & nihil unquam sit in natura, per quod sit potius uera, quam falsa, aut è conuerso: nihil unquam erit in natura, per quod sit potius uerum, quam falsum: Si *Petro cantarem, Petrus saltaret*: ergo implicat, quod hæc propositio sit potius uera, quam falsa, aut è conuerso. Probatur mai. quia propositio ex se indifferens, & ad uerum, & ad falsum, nequit ex se ipsa determinari ad uerum potius, quam ad falsum: ergo debet determinari per aliquid aliud: ergo debet aliquando esse in natura aliquid, per quod determinetur ad uerum potius, quam ad falsum, aut è conuerso. Sicut paries ex se indifferens ad album, & non album, determinatur ad album per existentiam albedinis; ad non album per carentiam eiusdem. Minor autem probatur, quia contingere potest me numquam cantare; adeoq. numquam dari, neque coniunctionem saltus Petri cum meo cantu, neque coniunctionem negationis eiusdem. Veritas autem haberetur per coniunctionem saltus Petri cum meo cantu; falsitas autem per coniunctionem negationis, seu carentiæ saltus cum eodem.

Resp. neg. mai. Ad probationem nego ultimam consequ. Determinatur quidem ad uerum potius, quam ad falsum per aliquid aliud; non tamen per aliquid aliud, quod sit

sed per aliquid aliud, quod esset: quia non affirmat, quod aliquid aliud sit, aut futurum sit, aut fuerit; sed quod aliquid aliud esset. Ad paritatem de pariete albo dictum est alibi. Neque paries est albus per albedinem, quæ fuit, aut erit, & tamen propositio uera est per aliquid, quod fuerit, aut erit. Verificatur igitur propositio prædicta per hoc, quod Petrus saltaret, aut falsificatur per hoc, quod non saltaret in hypothese, quod Petro cantarem. Si roges quid sit *ly Saltaret*; respondeo non esse aliquid, quod sit; sed aliquid, quod esset: & hoc facile intelligitur ab intelligentibus, quid significet: *Salto, saltas*. Si autem petis assignari aliquid, quod simpliciter, & physice sit in natura, accipiendo *ly Sit*, ut aiunt Summulistæ, *In statu*, laboras in supposito: nam supponis non posse esse ueram propositionem, nisi detur aliquid physice existens, per quod sit uera. Quod si *ly Est* accipias cum ampliatione, sicut extenditur ad *Erit*, & *fuit*, poterit extendi ad *Esset*: & tunc verificatur propositio per aliquid, quod sit modo importato per propositionem, quæ dicit *Esset*: hoc est verificatur propositio per aliquid, quod esset.

Obijc. 2. Cum meo cantu non est ita connexus saltus Petri, ut non æque possit cum eodem coniungi negatio saltus. Item: cum negatione mei cantus non est ita connexa negatio saltus, ut non æque possit cum eadem coniungi saltus: ergo tam cantus, quam non cantus æqualiter se habent ad contradictoria: hoc est neque necessario coniungitur cum saltu, neq. cum non saltu: ergo neutrum

ex cōtradictorijs uerificari potest per meum
cantum : ergo neque per meum cantum ueri-
ficatur: *Saltaret*, neque: *non saltaret*.

Resp. conc. totum. Non uerificatur quod
saltaret per hoc quod cantarem ; sed per hoc
quod saltaret : neque uerificatur : *Non sal-
taret*, per hoc, quod cantarem, aut non can-
tarem ; sed per hoc, quod non saltaret. Vbi
aduerte, quod posset poni in hypothesis ali-
quid, sine quo non posset haberi conditio-
natum ; quamuis posset cum ipso non habe-
ri ; puta si meus cantus esset quid necessario
requisitum ad saltum ; & tunc non equaliter
se haberet ad saltum cantus, ac negatio can-
tus : quia quamuis etiam cum cantu posset
Petrus non saltare, non posset tamen sine
cantu saltare, sicut v. g. possum, etiam cum
cognitione alicuius boni illud non amare ;
quamuis non possim amare illud sine cogni-
tione eiusdem.


Obije. ultimo. Saltus Turcæ non habet
vllam rationem actus primi respectu meæ
determinationis, sed omninò impertinenter
se habet ad dormitionem, & negationem
dormitionis : ergo nequit esse verum : *Si
Turca saltaret, ego dormirem*. Probatut con-
seq. quod impertinenter se habet ad dormi-
tionem, aut negationem dormitionis, nequit
uerificare, quod dormirem, aut quod non
dormirem. ita se habet saltus Turcæ ad dor-
mitionem, aut negationem eiusdem : ergo
nequit uerificare neque : *Dormirem*, neque.
Non dormirem.

Resp. conc. ant. nego conseq. Ad proba-
tionem conc. totum. Verificatur autem, quod
dormirem per hec, quod dormirem ; aut
b f 2 quod

quod non dormirem, per hoc, quod non dormirem: non per hoc, quod saltaret, aut non saltaret Turca, vt dictum est suprâ.

Dices. Quamuis conditionalis non affirmet, neque conditionem, neque conditionatum; affirmat tamen connexionem conditionati cum conditione: In hac propositione: *Si Turca saltaret, ego dormirem*, non datur talis connexio, ergo hæc propositio est falsa.

Resp. dist. mai. affirmat connexionem necessariam: nego: connexionem contingentem: subdistinguo: in conditionali sub hypothesis non disparata: concedo. In conditionali sub hypothesis disparata: nego. Hoc ipsum est esse conditionem disparatam: non habere ullam connexionem cum conditionato. In conditionalibus autem, in quibus conditio habet aliquam rationem actus primi, respectu conditionati, datur connexio inter conditionatum, & conditionem, non tamen semper necessaria, sed contingens, ita vt possit quidem per talem conditionem positam, determinare te ad conditionatum, non tamen necessario id facias. Ita accidit in hac: *Si Petrus cantarem, Petrus saltaret*, quia Petrus potest ex vi mei cantus determinare se ad saltum, quamuis non necessario meus cantus trahat saltum.



QVAESTIO V.

*De transitu propositionis verae
in falsam.*

ARTICVLVS I.

Aliqua praeiunguntur.

Controuersia praesens agitari nequit, nisi in aliqua hypothese, quam ultro conceditur etiam à controuertentibus esse falsam, ut enim propositio sit capax huiusmodi transitus, necesse est, ut eadem duret per plura instantia: nam de cognitione, quæ per unicum instans sit in rerum natura, dubitare non potes, an in primo instanti vera existens, in secundo sit falsa, vel è conuerso. Quamuis igitur sit doctrina communis cognitiones nostras esse de natura temporis, adeoque in continuo fluxu, tamen ad dandum locum praesenti controuersiae supponamus vnâ eandemque cognitionem, puta hanc: *Socrates sedet*, durare per horam integram. Hac suppositione facta quaeritur, an possit esse in prima medietate vera, in secunda falsa; vel è conuerso. Sententiam negatiuam tuentur ex recentioribus multi, multi etiam affirmatiuam, inter quos est P. Suarius. Tota resolutio quaestionis pendet ex hoc puncto. An videlicet cognitio possit eadem esse diuersorum obiectorum: hoc est, an cognitio, quæ nunc repræsentat aliquid, possit deinceps illud idem

non repræsentare aliquid aliud repræsentando: nam quod propositio possit simpliciter, & absolutè repræsentare diuersa, est indubitatum, cum hæc cognitio: *Animal* repræsentat hominem, bouem, & equum.

Pro quo sciendum est cognitionem abstractiuam repræsentare aliquid per se, & aliquid per accidens: qui dicunt propositionem posse variare obiectum, id intelligunt non de obiecto repræsentato per se, sed de obiecto repræsentato per accidens. Exemplum sit in hac cognitione, in qua simul apparebit quid sit repræsentari per se, quid per accidens. *Homo sedens in foro*. Hæc cognitio repræsentat per se rationem hominis sedentis in foro, seu rationem hominis, & rationem sedentis in foro, per modum vnius rationis complexæ: & hoc repræsentat ita ut non possit hoc non repræsentare: quia autem ratio hominis sedentis in foro, aliquando conuenit Petro, aliquando Paulo; & hoc ipsum; an videlicet conueniat Petro, an Paulo, non apparet per cognitionem; dicitur repræsentare per accidens, vel Petrum, vel Paulum: quod si stante hac cognitione, nullus sedeat in foro; prædicta cognitio neminem determinate repræsentat; imò nihil repræsentat: nisi rationem hominis sedentis in foro.

His positis facile est controuersiam dirimere: nam si propositio potest variare obiectum repræsentatum per accidens, vix est vlla difficultas circa ipsius mutabilitatem: controuersia enim nequit esse circa cognitionem intuitiuam, cum certum sit cognitionem huiusmodi esse semper veram. Ad resolutionem

lutionem igitur tenendum est, quod dictum est in Summulis propositiones fieri per verba, verba autem significare cum tempore, v.g. hæc propositio: *Socrates sedet*, non solum significat sessionem Socratis, sed etiam consignificat tempus talis sessionis; & quia est per verbum de præsentis, significat Socratem in tempore, quod est præsens, seu quod coexistit propositioni, sedere: representat igitur & Socratem sedere, & Socratem tempore sibi præsentis sedere. His positis,

A R T I C V L V S II.

Dirimitur Controversia.

Dicendo. Potest propositio mutari de vera in falsam, & è conuerso. Hæc conclusio facillime probatur. Dic per horam integram: *Socrates sedet*, & fac in prima medietate horæ Socratem sedere, non sedere in secunda. In tali casu per primam medietatem horæ propositio est vera, per secundam est falsa; ergo potest propositio de vera euadere falsa. Oppositum continget si ponas Socratem non sedere in prima, sedere autem in secunda medietate horæ. Casus positus nequit negari; hoc autem posito probatur antecedens: quia hæc propositio in prima medietate est conformis obiecto; in secunda difformis; ergo in prima medietate, est vera, in secunda est falsa. Item ab eo, quod res est, vel non est, oratio vera, vel falsa est: in prima medietate est res affirmata, in secunda non est; ergo in prima medietate propositio est vera, in secunda est falsa.

Hanc eandem conclusionem habes expressam apud Philosophum in prædicamentis cap. de substantia, ubi dicit, quòd quemadmodum oratio susceptiua est veritatis, & falsitatis, ità eadem substantia est susceptiua contrariorum, putà sicut hæc propositio: *Socrates sedet*, est modo vera, & modo falsa; ita idem Socrates est modo sanus, & modo egrotus, modo sedens, & modo stans.

Contra hanc conclusionem obiicitur primo. Hæc propositio: *Socrates sedet*, representat semper totum tempus sibi præsens, ergo hæc propositio non mutatur de vera in falsam. Consequètia probatur: quia vel representat illud tēpus collectiue, vel disiunctiue, vel indeterminatè, vel distributiue: quolibet ex istis modis representet; est vel semper vera, vel semper falsa: ergo si huiusmodi propositio representat totum tempus sibi præsens non mutatur de vera in falsam. Maior probatur, quia nullus est alius modus representandi totum tempus prædictum: minor etiam probatur, quia si representet aut collectiue, aut distributiue; eo ipso est semper falsa; sensus enim est per totam horam mihi coexistentem, aut & in hac, & in illa medietate horæ mihi coexistentis, Socrates sedet: quod falsum est in prædicta hypothesis; in qua per primam medietatem sedet, per secundam non sedet. Si autem representet disiunctiue, vel indeterminatè, est semper vera: sensus enim est: Socrates in aliqua parte horæ mihi coexistentis; aut: Socrates, vel in hac, vel in illa parte horæ mihi coexistentis, sedet: & in hoc sensu est semper vera: nam etiam dum Socrates non sedet: videli-

delicet in secunda medietate horæ, verum est in aliqua parte totius horæ sedere: igitur propositio vel semper est vera, vel semper falsa.

Resp. concesso antecedenti: negando consequentiam. Ad probationem nego maiorem. Dico autem cognitionem prædictam repræsentare in prima medietate primam medietatem, in secunda secundam, semper autem affirmare: *Socrates sedet*: in prima medietate sedet, in secunda non sedet; ergo propositio est vera in prima medietate, falsa in secunda. In secunda medietate non est verum *Socrates sedet tempore mihi coexistente*; sed verum est: *Socrates sedit in tempore, quod mihi coexistit*. Vbi notandum est rationem temporis coexistentis repræsentari per se, per cognitionem prædictam; hoc autem, vel illud determinatum instans, materialiter consideratum, puta instans matutinum, aut meridianum repræsentari per accidens.

Dices. Si propositio repræsentet modo vnum, modo alterum instans, propositio non est eadem: consequens est contra hypothesein, ergo & antecedens. Maior probatur, quia non potest eadem propositio esse modo vnius, & modo alterius obiecti, ergo si propositio in instanti *A*, est vnius obiecti, in instanti *B* alterius non est eadem in vtroque instanti.

Resp. negando sequelam maioris. Ad probationem distingo antec. propositio nequit esse eadem modo vnius modo alterius obiecti repræsentati per se: concedo antecedens; obiecti repræsentati per accidens: nego antecedens, & consequentiam.

Ratio præsentis est ratio repræsentata per se in hac propositione : *Socrates sedet*, hæc enim propositio est essentialiter de præsentia. Quod autem ratio præsentis hic, & nunc cadat supra instans *A*, vel supra instans *B*, adeoque quod determinatè repræsentet instans *A*, vel instans *B*, se habet per accidens. Ratio à priori est, quia ratio præsentis attingitur hic non per species individuales huius, aut illius præsentis; sed per species communes omni præsentia, videlicet secundum rationem coexistentis propositioni, quando profertur: species autem, seu ratio communis omni coexistenti, non magis est ex se determinata ad unum, quam ad alterum coexistens.

Obijcies secundo. Cognitio est relatio transcendentalis ad obiectum, quod repræsentat, ergo non repræsentat modo unum, & modo alterum obiectum. Antecedens patet ex dictis ubi de relatione. Consequentia probatur, quia relatio transcendentalis est essentialis rei, quæ refertur, ut ibidem assertum est, ergo si est modo relatio transcendentalis unius, modo alterius obiecti, est modo una, & modo altera relatio; & consequenter modo una, & modo altera cognitio.

Resp. cum distinctione: cognitio est relatio transcendentalis ad obiectum repræsentatum per se: concedendo; ad obiectum repræsentatum per accidens, nego. Distinctio claret ex dictis.

Obijcitur tertio. Sequitur ex data doctrina dari aliquam cognitionem, quæ nihil repræsentat, consequens est impossibile, ergo

& au-

& antecedens. Sequela probatur. Sit hæc cognitio : *Homo existens in atrio* : hæc posita sic arguitur. Si Petrus est in atrio ; hæc cognitio repræsentat Petrum : si Paulus , Paulum , si Antonius , Antonium ; si autem nullus homo sit in atrio , nullum repræsentat. Probatur hoc ultimum , quia in tantum existente Petro in atrio repræsentat Petrum , & existente Paulo , Paulum , in quantum ratio existentis in atrio coniungitur modo cum Petro , & modo cum Paulo , ergo si cum nullo homine coniungitur , hæc cognitio nullum hominem repræsentat .

Resp. negando sequelam maioris. Ad probationem tene , quod dictum est : aliud nimirum repræsentari per se , aliud per accidens . Cognitio supra posita semper essentialiter repræsentat rationem hominis existentis in atrio , siue aliquid existat , siue nullus. Si autem nullus existat , nullum significat in actu secundo ; significat quemlibet in actu primo : hoc est actu nullum determinate significat , potest autem quemlibet significare . Igitur falsum est , quod nihil repræsentet , quamvis verum sit , quod nullum determinatè repræsentet , adeoq. rem repræsentatam per se etiam in casu posito determinatè repræsentat , rem repræsentabilem per accidens , etiam per accidens non repræsentat .

Hinc si quis hanc propositionem faciat : *Homo existens in atrio , dormit* , & nullus homo existat in atrio : non solum negas propositionem , quod faceres . si aliquis homo ibi existeret , & non dormiret ; sed insuper negas

suppositum propositionis, & dicis esse de subiecto non supponente, quia videlicet obiectum quod possit hanc propositionem verificare non datur: seu potius subiectum propositionis, videlicet. homo existens in atrio, non existit.

Dices: aliud est esse obiectum propositionis, aliud est esse verificativum propositionis. In casu posito propositio non habet verificativum. habet tamen obiectum: obiectum autem est omnis homo, quandoquidem cum omni homine coniungibilis est ratio existentis in atrio.

Resp. verum esse quod aliud est esse verificativum in actu secundo, aliud esse obiectum: esse verificativum in actu secundo est ita se habere sicut per propositionem effertur: esse obiectum nihil aliud est quam per cognitionem attingi. Sed hoc non facit ad rem. Quando dicit adversarius obiectum huius propositionis: *Homo existens in atrio*, &c. Esse omnem hominem, quia cum omni homine coniungibilis est ratio existentis in atrio, cognitionem prædictam confundit cum hac alia: *homo potens existere in atrio*; cum tamen sint valde diversæ. *Homo potens existere in atrio* est apprehensio rationis complexæ necessariæ; hoc enim epitheton: *potens existere in atrio*, necessario convenit huic substantivo *homo*: at: *homo existens in atrio* est apprehensio rationis complexæ contingentis: existere enim in atrio non est quid necessario conveniens homini: unde patet discrimen inter vnam & alteram rationem.

QVAESTIO VLTIMÁ:

De reliquis ad veritatem spectantibus.

ARTICVLVS I.

Satisfit nonnullis dubitationibus.

CAETERA quæ pertinent ad veritatem paucis dubitationibus compræhendenda sunt & resoluenda.

Dubitabis primo vtrum eadem propositio possit esse vera simul & falsa respectu diuersorum obiectorum. Ratio dubitandi est: quia vna eademque propositio potest affirmare diuersa quorum aliud se habeat vt dicitur per ipsam, aliud aliter: puta si dicas: *Magister dicitur, & discipuli saltant*: videtur hæc propositio esse vera quia dicit: *Magister dicitur*, cum re ipsa dicitur; & simul esse falsa quia dicit *discipuli saltant* cum re ipse non saltent.

Resp. ex ijs, quæ dicta sunt in summulis, propositionem prædictam esse simpliciter & sine vlla limitatione falsam. Ratio est quia ad veritatem copulatiuæ requiritur vt secundum omnem sui partem verificetur: hanc autem non esse huiusmodi patet. Ratio à priori est. quia huiusmodi propositio quamuis vocaliter constet partibus est tamen vna indiuisibilis qualitas mentalis, adeoque non constans parte & parte quarum altera vera sit,

fit, & altera falsa. Præterea propositio prædicta nec affirmat solum dari cursum Petri; nec solum dari sessionem Pauli: sed complexum ex cursu Petri, & sessione Pauli: eo ipso autem quod vel sessio, vel cursus desit, deest totum complexum. Quia tamen prædicta propositio æquiualeat duabus, frequentissime etiam qui nobiscum sentiunt, aiunt esse veram secundum vnum partem, falsam vero secundum alteram; nihil aliud intelligentes, nisi quod non ab utroque obiecto, sed ab altero tantum falsificetur: in quo nequit esse vlla difficultas.

Queritur secundo. An eadem propositio, respectu eiusdem obiecti, possit esse vera simul & falsa.

Resp. negativè. Ratio est quia eo quod res est vel non est, oratio vera vel falsa dicitur: nequit eadem res simul esse & non esse, ergo nequit eadem propositio esse vera simul & falsa. Ex hoc eodem principio vides propositionem non posse esse neque veram neque falsam, hoc est non dari propositionem quæ neque vera sit neque falsa, nam quemadmodum res nequit simul esse & non esse; ita nequit nec esse, nec non esse: datur enim metaphysica necessitas ut sit, vel non sit.

Aduerte obiter me non uti hac phrasi: necesse est ut res sit vel contradictoriū ipsius: nam ut iam indicatum est, & alibi ostendetur, rei non existentis non existit propterea contradictoriam obiectivum, sed propositiones contradictoriæ, & in omni rigore contradictoriæ, versantur circa idem obiectum, quod per vnam quidem affirmatur, per alteram autem negatur. Puta hæc duæ

pro-

propositiones: *Antichristus existit*, &: *Antichristus non existit*, habent idem indinifibile obiectum, hæc autem propositio: *existit negatio Antichristi* in sensu formali, est falsa, sicut hæc: *existit contrarium Antichristi*: sunt autem veræ in sensu æquivalenti quatenus grammaticaliter affirmantes, philosophice negant: dum idem dicunt atq; hæc: *non existit Antichristus*. Hæc indicare oportuit quæ alibi ex professo tractanda sunt ad mentem D. Augustini dicentis hanc affirmationem: *Tenebra erant super faciem abissi* non importare existentiam tenebrarum; quasi vero hæ sint nebulae quædam super faciem abissi dispersæ; sed idem sonare ac: *Non erat lux super abissum*; non est autem necesse ut hæc propositio: *non est lux* differens ab hac: *est lux*, differat ex obiecto.

Contra responsionem ad ultimum quæsitum sic obijcitur. Dantur aliquæ propositiones quæ per hoc ipsum quod veræ sint; sunt falsæ, & per hoc ipsum quod sint falsæ, sunt veræ, ergo dantur propositiones veræ simul, & falsæ. Probatur, dicat aliquis: *Ego nunc dico falsum*, si vera est hæc propositio eo ipso est falsa; si enim verum est ipsum dicere falsum; dicit falsum: si autem hæc propositione dicat falsum, propositio est falsa, ergo si vera est, est falsa. Rursus si falsa est, eo ipso est vera. Nam si falsa est hæc propositio: *ego dica falsum* eo ipso dico falsum, si autem dico falsum; verum dico dicens me dicere falsum, ergo si falsa est hæc propositio, eo ipso est vera.

Resp. propositionem prædictam non esse propositionem: quod æque verum est, ac verum

rum est hominem pictum non esse hominem. Est quidem materialis quædam & nugatoria combinatio terminorum in similitudinem propositionis: Cæterum non est propositio, hoc est iudicium quo ego existimem me per huiusmodi dicere verum, vel dicere falsum. Ad argumentum in forma, nega antecedens: ad probationem nega suppositum, hanc videlicet esse propositionem formalem seu intellectuale: posset quidem aliquis dicere: *ego dico falsum*, & quidem serio; sed appellando aliquam aliam propositionem quam vel fecisset vel simul faceret, vel facturus esset, puta si Petrus dicat Paulo: *tu es vir modestissimus*, & super hac propositione reflectens simul & super immodestia Pauli dicat: *ego dico falsum*, dicet hac ultima propositione verum quia appellabit ultimam propositionem quam fecit, & qua falsum dixit; est autem satis familiare propositionem immediate vel præteritam vel sequentem appellare per modum præsentis.

Porro quemadmodum est principium lumine naturæ notum: non potest idem simul esse & non esse; ita notum est intellectum de eodem in eodem instanti dicere non posse, *est & non est*, unde diximus in summulis quod reducere aduersarium ad dicendum *est* de eo de quo dixi, *non est* in eodem syllogismo, vel è conuerso, est reducere aduersarium ad impossibile. Ex his manifestum est quod quamuis possis vocaliter facere hanc propositionem, *Petrus est & non est* nequis tamen habere hanc propositionem in intellectu, est enim impossibile quod utrique contraditorio euidenter apparenti prabeas assensum; quam-

quamuis non sit impossibile quod vtriusque speciem simul componas etiam in intellectu.

Atque hic obiter nota aliud esse proponi intellectui aliquas propositiones materiales; imò & formales nonnumquam respectu alterius intellectus; aliud intellectum assentiri prædictis propositionibus; adeoque prædictas propositiones esse formales propositiones, seu formalia iudicia intellectus, cui proponuntur. Exemplum habes in hæretico arguente contra te de Myſterio Santiss. Trinitatis: implicat, ait ille, vnam essentiam esse cum multiplicitate Personarum, ergo implicat mysterium Trinitatis. Hoc argumentum cui assentitur proponens, tibi proponitur, sed non propterea dum mente reuoluis. implicat vnam essentiam, &c. iudicias implicare huiusmodi essentiam imò statim negas antecedens. Hinc alibi dictum est iudicia, discursus, imò integra volumina posse esse obiectum simplicium apprehensionum.

In doctrina tradita fundatur id quod aiunt, omnem videlicet propositionem de seipsa exercite dicere: sum vera, quod nihil aliud significat quam nos per iudicia, quæ formamus, assentiri formaliter res ita se habere, sicut concipiuntur à nobis, adeoque habens hoc iudicium, *Petrus est homo*, assentitur Petrum esse hominem, habens hoc aliud, *Petrus non est homo*, dissentitur.

Queritur tertio. Vtrum vna propositio sit verior altera. Ratio dubitandi est quia si quis dixerit, *Aliqui homines currunt*, & decem homines currant videtur esse verior

pro-

Hanc eandem conclusionem habes expressam apud Philosophum in prædicamentis cap. de substantia, ubi dicit, quòd quemadmodum oratio susceptiua est veritatis, & falsitatis, ità eadem substantia est susceptiua contrariorum, putà sicut hæc propositio: *Socrates sedet*, est modo vera, & modo falsa; ita idem Socrates est modo sanus, & modo egrotus, modo sedens, & modo stans.

Contra hanc conclusionem obijcitur primo. Hæc propositio: *Socrates sedet*, repræsentat semper totū tempus sibi præsens, ergo hæc propositio non mutatur de vera in falsā. Consequētia probatur: quia vel repræsentat illud tēpus collectiue, vel disjunctiue, vel indeterminate, vel distributiue: quolibet ex istis modis repræsentet; est vel semper vera, vel semper falsa: ergo si huiusmodi propositio repræsentat totum tempus sibi præsens non mutatur de vera in falsam. Maior probatur, quia nullus est alius modus repræsentandi totum tempus prædictum: minor etiam probatur, quia si repræsentet aut collectiue, aut distributiue; eo ipso est semper falsa; sensus enim est per totam horam mihi coexistentem, aut & in hac, & in illa medietate horæ mihi coexistentis, Socrates sedet: quod falsum est in prædicta hypothesis; in qua per primam medietatem sedet, per secundam non sedet. Si autem repræsentet disjunctiue, vel indeterminate, est semper vera: sensus enim est: Socrates in aliqua parte horæ mihi coexistentis; aut: Socrates, vel in hac, vel in illa parte horæ mihi coexistentis, sedet: & in hoc sensu est semper vera: nam etiam dum Socrates non sedet: videli-

delicet in secunda medietate horæ, verum est in aliqua parte totius horæ sedere: igitur propositio vel semper est vera, vel semper falsa.

Resp. concesso antecedenti: negando consequentiam. Ad probationem nego maiorem. Dico autem cognitionem prædictam repræsentare in prima medietate primam medietatem, in secunda secundam, semper autem affirmare: *Socrates sedet*: in prima medietate sedet, in secunda non sedet; ergo propositio est vera in prima medietate, falsa in secunda. In secunda medietate non est verum *Socrates sedet tempore mihi coexistente*; sed verum est: *Socrates sedit in tempore, quod mihi coexistit*. Vbi notandum est rationem temporis coexistentis repræsentari per se, per cognitionem prædictam; hoc autem, vel illud determinatum instans, materialiter consideratum; puta instans matutinum, aut meridianum repræsentari per accidens.

Dices. Si propositio repræsentet modo vnum, modo alterum instans, propositio non est eadem: consequens est contra hypothesein, ergo & antecedens. Maior probatur, quia non potest eadem propositio esse modo vnius, & modo alterius obiecti, ergo si propositio in instanti *A*, est vnius obiecti, in instanti *B* alterius non est eadem in vtoque instanti.

Resp. negando sequelam maioris. Ad probationem distinguo antec. propositio nequit esse eadem modo vnius modo alterius obiecti repræsentati per se: concedo antecedens; obiecti repræsentati per accidens: nego antecedens, & consequentiam.

Ratio præsentis est ratio repræsentata per se in hac propositione : *Socrates sedet*, hac enim propositio est essentialiter de præsentia. Quod autem ratio præsentis hic, & nunc cadat supra instans *A*, vel supra instans *B*, adeoque quod determinatè repræsentet instans *A*, vel instans *B*, se habet per accidens. Ratio à priori est, quia ratio præsentis attingitur hic non per species individuales huius, aut illius præsentis; sed per species communes omni præsentia, videlicet secundum rationem coexistentis propositioni, quando profertur: species autem, seu ratio communis omni coexistenti, non magis est ex se determinata ad unum, quam ad alterum coexistens.

Obijcies secundo. Cognitio est relatio transcendentalis ad obiectum, quod repræsentat, ergo non repræsentat modo unum, & modo alterum obiectum. Antecedens patet ex dictis ubi de relatione. Consequentia probatur, quia relatio transcendentalis est essentialis rei, quæ refertur, ut ibidem assertum est, ergo si est modo relatio transcendentalis unius, modo alterius obiecti, est modo una, & modo altera relatio; & consequenter modo una, & modo altera cognitio.

Resp. cum distinctione: cognitio est relatio transcendentalis ad obiectum repræsentatum per se: concedendo; ad obiectum repræsentatum per accidens, nego. Distinctio claret ex dictis.

Obijcitur tertio. Sequitur ex data doctrina dari aliquam cognitionem, quæ nihil repræsentet, consequens est impossibile, ergo

& antecedens. Sequela probatur. Sit hæc cognitio : *Homo existens in atrio* : hæc posita sic arguitur. Si Petrus est in atrio ; hæc cognitio repræsentat Petrum : si Paulus , Paulum , si Antonius , Antonium ; si autem nullus homo sit in atrio , nullum repræsentat. Probatur hoc ultimum , quia in tantum existente Petro in atrio repræsentat Petrum , & existente Paulo , Paulum , in quantum ratio existentis in atrio coniungitur modo cum Petro , & modo cum Paulo , ergo si cum nullo homine coniungitur , hæc cognitio nullum hominem repræsentat .

Resp. negando sequelam maioris. Ad probationem tene , quod dictum est : aliud nimirum repræsentari per se , aliud per accidens . Cognitio supra posita semper essentialiter repræsentat rationem hominis existentis in atrio , siue aliquid existat , siue nullus. Si autem nullus existat , nullum significat in actu secundo ; significat quemlibet in actu primo : hoc est actu nullum determinate significat , potest autem quemlibet significare . Igitur falsum est , quod nihil repræsentet , quamvis verum sit , quod nullum determinatè repræsentet , adeoq. rem repræsentatam per se etiam in casu posito determinatè repræsentat , rem repræsentabilem per accidens , etiam per accidens non repræsentat .

Hinc si quis hanc propositionem faciat : *Homo existens in atrio dormit* , & nullus homo existat in atrio : non solum negas propositionem , quod faceres si aliquis homo ibi existeret , & non dormiret ; sed insuper negas

suppositum propositionis, & dicis esse de subiecto non supponente, quia videlicet obiectum quod possit hanc propositionem verificare non datur: seu potius subiectum propositionis, videlicet. homo existens in atrio, non existit.

Dices: aliud est esse obiectum propositionis, aliud est esse verificativum propositionis. In casu posito propositio non habet verificativum. habet tamen obiectum: obiectum autem est omnis homo, quandoquidem cum omni homine coniungibilis est ratio existentis in atrio.

Resp. verum esse quod aliud est esse verificativum in actu secundo, aliud esse obiectum: esse verificativum in actu secundo est ita se habere sicut per propositionem effertur: esse obiectum nihil aliud est quam per cognitionem attingi. Sed hoc non facit ad rem. Quando dicit adversarius obiectum huius propositionis: *Homo existens in atrio*, &c. Esse omnem hominem, quia cum omni homine coniungibilis est ratio existentis in atrio, cognitionem prædictam confundit cum hac alia: *homo potens existere in atrio*; cum tamen sint valde diversæ. *Homo potens existere in atrio* est apprehensio rationis complexæ necessariæ; hoc enim epitheton: *potens existere in atrio*, necessario convenit huic substantivo *homo*: at: *homo existens in atrio* est apprehensio rationis complexæ contingentis: existere enim in atrio non est quid necessario conveniens homini: unde patet discrimen inter vnam & alteram rationem.

QVAESTIO VLTIMÁ:

De reliquis ad veritatem spectantibus.

ARTICVLVS I.

Satisfit nonnullis dubitationibus.

CAETERA quæ pertinent ad veritatem paucis dubitationibus comprehenda sunt & resoluenda.

Dubitabis primo vtrum eadem propositio possit esse vera simul & falsa respectu diuersorum obiectorum. Ratio dubitandi est: quia vna eademque propositio potest affirmare diuersa quorum aliud se habeat vt dicitur per ipsam, aliud aliter: puta si dicas: *Magister dicitur, & discipuli saltant*: videtur hæc propositio esse vera quia dicit: *Magister dicitur*, cum re ipsa dicitur; & simul esse falsa quia dicit *discipuli saltant* cum re ipse non saltent.

Resp. ex ijs, quæ dicta sunt in summulis, propositionem prædictam esse simpliciter & sine vlla limitatione falsam. Ratio est quia ad veritatem copulatiuæ requiritur vt secundum omnem sui partem verificetur: hanc autem non esse huiusmodi patet. Ratio à priori est. quia huiusmodi propositio quamuis vocaliter constet partibus est tamen vna indiuisibilis qualitas mentalis, adeoque non constans parte & parte quarum altera vera sit,

fit, & altera falsa. Præterea propositio prædicta nec affirmat solum dari cursum Petri: nec solum dari sessionem Pauli: sed complexum ex cursu Petri, & sessione Pauli: eo ipso autem quod vel sessio, vel cursus desit, deest totum complexum. Quia tamen prædicta propositio æquivalet duabus, frequentissime etiam qui nobiscum sentiunt, aiunt esse veram secundum unum partem, falsam vero secundum alteram; nihil aliud intelligentes, nisi quod non ab utroque obiecto, sed ab altero tantum falsificetur: in quo nequit esse vlla difficultas.

Quæritur secundo. An eadem propositio, respectu eiusdem obiecti, possit esse vera simul & falsa.

Resp. negativè. Ratio est quia eo quod res est vel non est, oratio vera vel falsa dicitur: nequit eadem res simul esse & non esse, ergo nequit eadem propositio esse vera simul & falsa. Ex hoc eodem principio vides propositionem non posse esse neque veram neque falsam, hoc est non dari propositionem quæ neque vera sit neque falsa, nam quemadmodum res nequit simul esse & non esse, ita nequit nec esse, nec non esse: datur enim metaphysica necessitas ut sit, vel non sit.

Averte obiter me non uti hac phrasi: necesse est ut res sit vel contradictoriū ipsius: nam ut iam indicatum est, & alibi ostendetur, rei non existentis non existit propterea contradictoriā obiectivam, sed propositiones contradictoriæ, & in omni rigore contradictoriæ, versantur circa idem obiectum, quod per unam quidem affirmatur, per alteram autem negatur. Puta hæ duæ
pro-

propositiones: *Antichristus existit*, & : *Antichristus non existit*, habent idem indinifibile obiectum, hæc autem propositio: *existit negatio Antichristi* in sensu formali, est falsa, sicut hæc: *existit contradietorium Antichristi*: sunt autem veræ in sensu equiualeñi quatenus grammaticaliter affirmantes, philosophice negant: dum idem dicunt atq; hæc: *non existit Antichristus*. Hæc indicare oportuit quæ alibi ex professo tractanda sunt ad mentem D. Augustini dicentis hanc affirmationem: *Tenebræ erant super faciem abissi* non importare existentiam tenebrarũ; quasi vero hæ sint nebulæ quædam super faciem abissi dispersæ; sed idem sonare ac: *Non erat lux super abissum*; non est autem necesse vt hæc propositio: *non est lux* differens ab hac: *est lux*, differat ex obiecto.

Contra responsionem ad vltimum quæsitum sic obijcitur. Dantur aliquæ propositiones quæ per hoc ipsum quod veræ sint; sunt falsæ, & per hoc ipsum quod sint falsæ, sunt veræ, ergo dantur propositiones veræ simul, & falsæ. Probat, dicat aliquis: *Ego nunc dico falsum*, si vera est hæc propositio eo ipso est falsa; si enim verum est ipsum dicere falsum; dicit falsum: si autem hæc propositione dicat falsum, propositio est falsa, ergo si vera est, est falsa. Rursus si falsa est, eo ipso est vera. Nam si falsa est hæc propositio: *ego dico falsum* eo ipso dico falsum, si autem dico falsum; verum dico dicens me dicere falsum, ergo si falsa est hæc propositio, eo ipso est vera.

Resp. propositionem prædictam non esse propositionem: quod æque verum est, ac verum

quamuis non sit impossibile quod vtriusque speciem simul componas etiam in intellectu.

Atque hic obiter nota aliud esse proponi intellectui aliquas propositiones materiales; imò & formales nonnumquam respectu alterius intellectus; aliud intellectum assentiri prædictis propositionibus; adeoque prædictas propositiones esse formales propositiones, seu formalia iudicia intellectus, cui proponuntur. Exemplum habes in hæretico argente contra te de Mysterio Santiss. Trinitatis: implicat, ait ille, vnam essentiam esse cum multiplicitate Personarum, ergo implicat mysterium Trinitatis. Hoc argumentum cui assentitur proponens, tibi proponitur, sed non propterea dum mente reuoluis. implicat vnam essentiam, &c. iudicas implicare huiusmodi essentiam imò statim negas antecedens. Hinc alibi dictum est iudicia, discursus, imò integra volumina posse esse obiectum simplicium apprehensionum.

In doctrina tradita fundatur id quod aîr, omnem videlicet propositionem de seipsa exercite dicere: sum vera, quod nihil aliud significat quam nos per iudicia, quæ formamus, assentiri formaliter res ita se habere, sicut concipiuntur à nobis, adeoque habens hoc iudicium, *Petrus est homo*, assentitur *Petrum esse hominem*, habens hoc aliud, *Petrus non est homo*, dissentitur.

Queritur tertio. Vtrum vna propositio sit verior altera. Ratio dubitandi est quia si quis dixerit, *Aliqui homines currunt*, & decem homines currant videtur esse verior

pro-

propositio, quam si solum quinque: est enim vera ex pluribus titulis, siue, habet plura verificatiua. Ex alio capite dici solet veritatem consistere indiuisibili, hoc est non suscipere magis & minus. Item hæc alia propositio: *vel Petrus currit, vel Paulus sedet*, quæ est disiunctiua imperfecta, si solum Petrus currat, aut solum Paulus sedeat, est vera, quod si & Petrus currat & Paulus sedeat videtur esse verior.

Resp. quæstionem hanc esse de mero nomine: in re enim nulla est difficultas. Certum est in casu prædicto dari plura verificatiua propositionis prædictæ. Si hoc sit esse verius propositio est verior, si autem hoc impertinenter se habet ad veritatem, non est verior. Impertinenter autem se habebit si dixeris veritatem in hoc consistere præcise quod ex parte obiecti detur quidquid requiritur ad hoc vt propositio sit vera: hoc autem habes in viroque casu. Quod autem in altero aliquid aliud insuper habeas: dic superuacaneum esse ad veritatem, æqualiter mäsuram, si istud deficiat. Exemplum sit in solutione alicuius debiti. Petrus & Paulus debent singuli decem nummos Francisco: Petrus dat decem; Paulus quindecim: vter plus soluit? neuter plus sed vterque per hoc præcise quod dederit quantum debuit, soluit: quinque nummi, quos superaddit Paulus, non pertinent ad solutionem: quia solutio est positio æqualitatis cum debito: quinque autem supra decem sunt extra æqualitatem decem ad decem.

Quæritur vltimo an veritas formalis reperiatur in simplici apprehensione? Ratio
du.

dubitandi est: quia veritas est conformitas cognitionis cum obiecto: datur hæc conformitas inter apprehensionem & obiectum; ergo in apprehensione datur veritas. Ex alio capite, dicit Philosophus non esse verum aut falsum sine compositione aut diuisione: donec enim dicas, *est* vel *non est*, nondum verum aut falsum dicis; in apprehensione autem neque *est* reperitur, neque *non est*, ergo in apprehensione non reperitur veritas.

Resp. veritatem complexam quæ simpliciter & absolute dicitur à Philosopho veritas, non reperiri in apprehensione, sed solū in actu iudicatio; veritatem autem incomplexam quæ consistit in ratione puræ imaginis reperiri in apprehensione. Prima est veritas assensus aut dissensus, opponiturq. falsitati, deceptioni, errori. secunda opponitur puræ & præcisæ ignorantie. Idem autem Philosophus qui dicit non dari verum nisi, ubi est affirmatio aut negatio; dicit, etiam in apprehensione simplici dari verum, quamuis nequeat dari falsum: ratio cur nequeat dari falsum est: quia eo ipso quod difformetur obiecto nō est imago talis obiecti; cur autem aliquo modo contineat verum, est: quia conformis est. Intelligere hæc simplicia, ait Philosophus, continet verum: nō intelligere, autem non continet decipi, sed ignorare. Vnde constat aliam esse veritatem quam Philosophus negat, aliam quam concedit primæ apprehensioni, ut dictum est.

ARTICVLVS II.

Soluuntur aliqua Sophismata.

Opponitur primo. Intellectus assentitur aliquando duobus contradictorijs; ergo falsum est non posse intellectum dicere de eodem: *est & non est*. Antecedens probatur: potest rusticus dicere se esse hominem & negare se esse animal. Hæreticus affirmat dari Deum, negat dari Trinitatem, & sic de alijs infinitis.

Resp. intellectum non assentiri contradictorijs si vt talia appareant: qualia apparent si diceret: est homo & non est homo, &c. Si autem non apparet contradictio non est dubiũ quin assentiri possit. Vnde virtus arguentis consistit in hoc vt contradictoria latentia educat è tenebris & faciat manifesta, vt ostendat aduersarium sibi ipsi contradixisse.

Opponitur secundò. Dicat Deus Petro: *Si dixeris verum dabo tibi regnum*: audita hac promissione dicat Petrus Deo: *Non dabis mihi regnum*. Hoc posito propositio Petri, si est vera, est falsa, si est falsa est vera; ergo aliqua propositio potest esse simul vera & falsa. Antecedens probatur: quia si vera est propositio Petri; Deus qui fidelis est in promissis dabit illi regnum: si autem det regnum eo ipso propositio Petri est falsa; ergo si propositio Petri est vera eo ipso est falsa. Idem dic de promissione diuina: nam vel Deus dat vel non dat regnum: si dat, Petrus dixit falsum adeoque non dat regnum dicen-


dicenti verum vt promisit; si non dat, eo ipso non dat quod promisit dicenti verum: Petrus enim verum dixit, dum dixit: *non dabis regnum.*

Resp. negando hypothesim, vtpote nugatoriain. Deus potest dicere: si dixeris verum dabo tibi regnum, conditionando collationem regni sub dictione veri non circa ipsam collationem vel non collationem; sed circa aliud obiectum. Puta si post talem promissionem Petrus dixisset: *cras pluet*, aut aliquid aliud huiusmodi.


Opponitur tertio. Dicat Petrus: *Prima propositio quam faciet Paulus erit vera*: & immediate post dicat Paulus: *ultima propositio quam fecit Petrus est falsa*, hoc posito, propositio Petri si vera est, eo ipso est falsa, nam si vera est, est etiã vera propositio Pauli, sed si vera est propositio Pauli, propositio Petri est falsa, ergo si vera est propositio Petri, est etiã falsa. Item probò quod si falsa sit, est vera: nam si propositio Petri est falsa, propositio Pauli est vera; si autem vera est propositio Pauli, est vera propositio Petri; ergo si falsa est, est vera. Hæc omnia patent comparanti vnã propositionem cum altera.

Resp. vtramq. ex prædictis propositionibus supponere in vtralibet obiectum a se distinctum, cum conformitate vel difformitate cum ipso, per quam sit vera vel falsa; & tamen in obiectione nihil assignatur vni propositioni pro obiecto præter alterã propositionem habentem pro obiecto illam eandem propositionem cum qua comparatur; & nihil aliud. Hinc propositio affirmans veritatem
aut

aut falsitatem vtriuslibet, est de subiecto non supponente. Est enim iudicium de veritate aut falsitate quæ haberi deberet, & aliquid distinctum ab ipsis met propositionibus; hinc proponenti prædictas propositiones negandum est suppositum: quia hæc ipsa iudicia supponunt aliquid, quod non datur, per respectum ad quod debeat haberi veritas vel falsitas propositionis. Puta hæc propositio *prima propositio quam faciet Paulus erit vera*, supponit Paulum aliquid dicturum circa obiectum aliquod distinctum à propositione per quam dicitur dicturus verum. Idem dic de alia, quam facit Paulus, neutram autem habet obiectum huiusmodi; ergo utraque laborat in supposito, & idem pro utraque respondendum est, quod responderes in hypothesis in qua post propositionem Petri, Paulus nihil diceret, aut ante propositionem Pauli Petrus nihil dixisset. Fac Petrum dicere, *prima propositio quam faciet Paulus, erit vera*, & deinde per totam æternitatem Paulum tacere, quid diceres tunc, nisi negares suppositum? tam autem impertinenter se habet quod loquatur ut inducitur loquens quam quod non loquatur.



DISP V.



DISPUTATIO VI.

In Libros Priorum Analyticorum.

QVAESTIO I.

De necessitate Conclusionis post
præmissas.

ARTICVLVS I.

Datur necessitas contrarietatis.

ICTVM est in summulis Syllogismum esse orationem, in quâ quibusdam positis, aliud quid à positis necesse est contingere, eo quod hæc sint. Ea quæ in Syllogismo *quædam posita* appellantur sunt præmissæ: maior scilicet & minor, quæ præmissæ dicuntur quia præmittuntur conclusioni. Illud autem alterum, quod his positis, necesse est esse, est ipsamet Syllogismi conclusio, ut ibidem explicatum est. Cum igitur Philosophus dicat positis præmissis necesse esse conclusionem sequi; quaeritur hic cuius rationis sit huiusmodi necessitas, pro cuius intelligentia.

Necessitas alia est contrarietatis, seu quo-
ad

ad specificationem; alia contradictionis, seu quoad exercitium. Per primam ita determinamur ad actum, ut nequeamus elicere oppositum seu contrarium: per secundam ita determinamur ad actum, ut nequeamus illum omittere. Vtrique necessitati sua libertas opponitur. Necessitati contrarietatis libertas contrarietatis; qua videlicet exire possit in hunc vel in oppositum actum: puta in amorem vel in odium; necessitati contradictionis, libertas contradictionis; qua exire possit vel non exire in actum; non tamen in hunc vel in oppositum. Exemplum utriusque necessitatis & libertatis habes in voluntate. Hæc bonum purum puta bonum diuinum, si clare proponatur necessario amat utraque necessitate, quia non modo nequit odire, sed nequit non amare. Hæc eadem bonum ad mixtum malo non solum potest non amare; sed etiam potest odire. His positis.

Dicendum est præmissas recte dispositas & intellectas necessitare necessitate contrarietatis ad conclusionem. Explicatur conclusio. Pone has præmissas: *omnis homo est animal, sed Petrus est homo* tunc dico, intellectum, non esse indifferentem ad hunc actum, *ergo Petrus est animal*, vel ad oppositum, *ergo Petrus non est animal*. Adeoque si aliquam conclusionem eliciat, eliciet primam. Probatur hoc quia si posito assensu utrique præmissæ posset intellectus dicere, *Petrus non est animal*; posset assentiri duobus contradictorijs manifestis: diceret enim, *omnis homo est animal*, & *aliquis homo non est animal*. Hoc autem esse impossibile est primum

num principium sapius hactenus repetitum.

Dices intellectum non posse quidem assentiri duobus contradictorijs simul, posse tamē successive, adeoque potuit in instanti *A* dicere, *omnis homo est animal*, & *Petrus est homo*, & deinde in instanti *B* dicere *Petrus non est homo*.

Resp. nos nihil aliud velle, nisi quod stante assensu qui præbatur præmissis non possit ab intellectu elici actus conclusionis oppositus, coexistere autem assensum prædictum elicitioni conclusionis supponimus chi cum aduersario.

ARTICVLVS II.

Datur etiam necessitas contradictionis

PROBATUR hæc secunda conclusio, quia intellectus habens omnia requisita ad ad conclusionem nequit non elicere conclusionem, sed ita se habet habens præmissas recte dispositas, & intellectas, ergo nequit tunc non elicere conclusionem. Maior probatur quia intellectus est potentia necessaria, adeoque impotens non agere, ubi dantur omnia requisita ad agendum. Hoc alibi dictum est, ubi intellectum cum, voluntate contulimus; quæ positis omnibus ad agendum prærequisitis, potest, pro suo libito, agere vel non agere. Est igitur potentia intellectiua in cognoscendo, sicut visiua in videndo, sicut autem repugnat potentiam visiuiam, habere omnia requisita ad videndum & non videre, ita repugnat potentiam in-

lectiuam habere omnia requisita ad cognoscendum, & non cognoscere.

Minor autem probatur, quia præfæto assensu utrique præmissæ potest elicere conclusionem, ergo habet omnia requisita ad conclusionem, ubi nota hanc illationem esse bonam: intellectus positus præmissis potest assentiri, ergo assentitur huic vel illi conclusioni. Ratio est quia potentia necessaria facit in quibuscumque circumstantiis, quidquid potest facere, ad differentiam potentie liberæ, quæ cum sit domina suæ actionis, illam elicit vel non elicit, non prout potest, sed prout vult.

Dices: sæpe accidit quod intellectus assentiatur præmissis, & neget assensum conclusioni, ergo per præmissas intellectus non necessitatur ad conclusionem. Antecedens probatur, quia in syllogismis indirectis cum toto assensu præmissarum, negatur consequentia, ut constat in multis præcipue autem in Barocco & Broccardo, ita ut necesse fuerit excogitare artem reducendi ad impossibile.

Resp. ex hoc ipso quod inuenta sit ars reducendi ad impossibile, confirmari conclusionem supra positam, si enim potest aduersarius reduci ad impossibile, nequit simul cum assensu præmissarum non assentiri conclusioni. In tantum autem in syllogismis prædictis contingit negari consequentiã, concessa utraque præmissa, in quantum præmissæ non bene penetrantur, nec connexio ipsarum cum conclusione. In syllogismis autem directis, quia res aliter se habet, ideo dicitur aduersarius reduci ad impossibile, quando cogitur vel ad negandum assensum

conclusioni concessis præmissis, vel ad concedenda contradictoria. Ex his patet ad argumentum, Sape accidit &c. in syllogismis directis, nega, in indirectis, concede, Ratio disparitatis est data.

Obijcitur præterea. Veritati non evidentè apparenti intellectus non necessario assentitur, in syllogismo probabili non apparet evidens veritas conclusionis, ergo saltem in syllogismo probabili assensus præmissarum non necessitat ad assensum conclusionis. Maior est certa. Minor probatur, quia conclusio syllogismi probabilis est solum probabiliter vera, non enim inferes evidens ex probabili, imo si ex præmissis altera est evidens, & altera dumtaxat probabilis, conclusio erit solum probabilis iuxta illud. Conclusio sequitur debiliorem partem.

Resp. concessa maiori, distinguendo minorem, veritas conclusionis non est evidens simpliciter, concedo, non est evidens ex suppositione quod præmissæ sint veræ, nego minorem, & consequentiam. Aliter, non est evidens euidencia consequentis, concedo, euidencia consequentiæ, nego. Est evidens, quod si verum est omnem matrem diligere filios, & Medeam esse matrem, Medeam diligere filios, & in hoc syllogismo, *omnis mater diligit filios, Medea est mater, ergo Medea diligit filios*, est æque evidens consequentia, ac in isto, *Omnis homo est animal, Petrus est homo, ergo Petrus est animal*. Hæc tamen propositio, *Medea diligit filios* est solum probabilis etiam positis præmissis quarum altera est solum probabilis, sed non

solum probabiliter, imo euidenter icluditur in præmissis, adeoq. nequit admissis præmissis ipsa non admitti.

Obijcitur vltimo. Voluntas habet vim inclinandi intellectum ad assensum, & eundem cohibendi ab assensu; ergo admissa vtraque præmissa poterit cohibere vel suspendere assensum circa conclusionem. Antecedens constat in assensu fidei; qui fit ex imperio voluntatis: vnde dicitur: *nemo credit nisi volens*: & in illo imperio voluntatis consistit meritum. Hoc voluntatis in intellectum dominium explicat Philosophus in Rhetoricis vbi moneat oratorem, vt si iudicem velit sibi in sentiendo propitium, curet illum habere sibi bene affectum; & post Philosophum Augustinus super hæc: *noluit intelligere vt bene ageret*: & *posuit in corde suo vt non intelligeret*: Quotiescunque enim non apparet euidenter veritas vel falsitas, incredibile est, quantum bona vel mala affectio voluntatis conferat ad assensum vel dissensum. Hæc omnia patent experientia. Cū in rebus naturæ dubijs & vtrinque probabilibus omnes sentiant secundum affectum. Puta si agitur de pugna inter Catholicos & Hæreticos: omnes boni Catholici victoriam etiam dubiam adscribunt Catholicis, hæretici, hereticis.

Resp. distinguendo antecedens: voluntas habet vim, &c. in omnibus circumstantijs: nego, in aliquibus: concedo. Ad probationem concede quidquid ibi dicitur, nam & obiectum per fidem credendum; ita proponitur, vt ad assensum necessario requiratur imperium voluntatis: & in multis obscure

pro-

propositis idem accidit: sed posito assensu præmissarum modo explicato, cum nihil obscuritatis sit circa consequentiam, nequit circa illam expectari imperium voluntatis. Ut autem voluntatis aliquale dominium in intellectum aliqualiter intelligas, sciendum est dominium huiusmodi exerceri non directè, sed indirectè: per hoc videlicet, quod ita distrahat intellectum ad hæc, & illa obiecta, ut consequenter nequeat ita attendere ad rem ut illam rectè penetret, atque intelligat. Eodem modo potest voluntas impedire oculum, nè videat hoc, aut illud obiectum, distrahendo videlicet illum ad aliud, & sic de cæteris, constat enim etiam potentias necessarias ad plura intentas minus attentas esse ad singula: iuxta illud: *Pluribus intentus minor est ad singula sensus.*

Q V A E S T I O II.

De prærequisitis ad conclusionem.

A R T I C V L V S I.

An prærequiratur iudicium de bonitate illationis.

AD intelligentiam propositæ dubitationis forma hunc syllogismū: *Omne rationale est risibile; omnis homo est rationalis; ergo omnis homo est risibilis.* Dubitatur hic, an ad eliciendam hanc conclusionem: *Omnis homo est risibilis*, prærequiratur in intellectu co-

gnitio, qua iudices ex præmissis hanc rectè deduci.

Dicendum est non prærequiri tale iudicium. Probatur conclusio ex dictis. Posita utraque præmissa datur quidquid requiritur ad eliciendam conclusionem, ergo non prærequiritur tale iudicium. Consequentia est evidens. Probatur secundo, quia ad assentiendum præmissis non prærequiritur iudicium, quod talibus præmissis debeat assensus: determinatur autem intellectus ad assentiendum ab objecto, quod sibi proponitur per præmissas: igitur cum ipsæ met præmissæ præsentent intellectui objectum conclusionis: poterit per propositionem huiusmodi, seu præsentationem objecti, determinari ad assensum. Probatur antecedens: quia si ante assensum, qui præbetur præmissis debeas iudicare talem assensum deberi; etiam ante hunc assensum, quod videlicet debeat assensus, debes iudicare te debere habere hunc assensum. & cum quodlibet iudicium sit assensus si sit affirmativum: dissensus si negativum, ante quemlibet assensum debebis habere alium assensum, quod est impossibile: cur autem præbebis assensum *A*, sine iudicio antecedenti, quod benè præbeatur, non autem assensum *B*? Præterea per hoc ipsum quod iudices: deo assentiri huic, vel illi objecto, iudicas hoc, & illud esse verum: per hoc autem, quod iudicas esse verum hoc: *Omne rationale est risibile*: formaliter assentiris, quod omne rationale est risibile.

Quod dictum est ultimo loco de præmissis dic proportionaliter de conclusione. Per hoc

hoc ipsum, quod iudices: ex his præmissis rectè deducitur hæc conclusio: *Omnis homo est risibilis*; iudicas hoc rectè inferri ex positis: hoc autem ipsum est assentiri conclusioni; seu concludere in syllogismo: & hoc ipsum est, quod affirmat exercite arguens; & negat defendens, dum consequentiam negat.

Hoc autem intelligendum est respectu intellectus nostri, qui per præmissas inducitur ad cognoscendum hoc deduci ex ipsis. Nam hoc iudicium: *Hæc conclusio necessario sequitur ex his præmissis*: in se præcisè consideratum, non est illatio: Deus enim, quem implicat syllogizare, habet huiusmodi iudicium.

Obijcitur primò. Positis præmissis intellectus aliquando elicit conclusionem, aliquando non, ergo aliquando determinatur ad eliciendam conclusionem, aliquando nō; sed non potest dici, cur determinetur in vno casu, & in alio non, nisi quia in vno casu iudicat esse bonam illationem, & in alio non: ergo quando elicit conclusionem determinatur à iudicio, quod illatio sit bona.

Resp. Aliquando intellectus iudicat esse bonam illationem, aliquando non, ergo aliquando determinatur ad hoc iudicium, aliquando non, &c. Dicat aduersarius, à quo determinetur ad tale iudicium, & per hoc ipsum dices determinari ad conclusionem. Determinatur autem à præmissis rectè dispositis, & intimè penetratis: quia autem præmissæ aliquando tales sunt, & aliquando non: ideo intellectus aliquando determinatur ad conclusionem, aliquando non.

Obijcitur secundò. Si quis argumentanti

in forma, concessa utraque præmissa: neget consequentiam; debemus ostendere illi, quod talis conclusio rectè inferatur ex illis præmissis: ergo pro priori ad actum conclusio-
nis debemus habere iudicium, quod hæc rectè sequatur ex præmissis. Probatur consequentia, quia pro priori ad conclusionem habemus illud iudicium, quod habemus, quando reflectentes supra argumentum factum, cognoscimus bonam esse illationem.

Resp. concesso antecedenti: negando consequentiam, & probationem eiusdem. In casu posito ostendimus aduersarium non benè penetrasse præmissas, quas benè penetrantes syllogizauimus.

Obijcitur tertio. Si non prærequiritur prædictum iudicium actus illationis non erit assensus diuersæ rationis ab assensu, quæ præstamus præmissis: consequens est falsum, ergo & antecedens. Sequela maioris probatur, quia tam in conclusione, quam in præmissis præstabitur assensus obiecto ob immediatam præsentationem ipsius. Minor autem probatur, quia vnus assensus vocatur conclusio, alter iudicium; & ex communi omnium sententia illatio, seu conclusio intrinsecè differt à mero iudicio.

Resp. negando sequelam maioris. Ad probationem dic obiecto præmissarum præberi assensum immediatè propter ipsum: obiecto autem conclusionis propter assensum præmissis præstitum, quod est syllogizare. In hoc autem intrinsecè differt illatio a præmissis, quod hæc intrinsecè pendeat ab ipsis: ita ut hic assensus: *Petrus est animal*, si con-

sede-

sideretur, ut in se est, & sine ullo antecedente intrinsecè differat ab hoc. Ergo *Petrus est animal*, qui ex antecedenti deducitur.

Atque hic oritur dubitatio, an dependentia illa conclusionis à præmissis sit dependentia à causa, an dependentia à conditione: hoc est, an præmissæ sint causa, an mera conditio respectu conclusionis. Discrimen inter conditionem, & causam alibi ex professo assignabitur à nobis. Interim stemus dicto communi, nè de omnibus in omnibus disputemus: differt, inquiunt, conditio à causa, quod hæc requiratur, ut aliquid diffusivum sui, seu communicativum sui esse, & assimilativum passi: illa autem requiratur quidem, sed ut merum applicativum virtutis activæ. Ut ignis ex palea faciat ignem, requiritur & ignis, & proximitas ignis, ad paleam: ignis vel per se, vel per suum calorem est diffusivus sui, & assimilativus passi: proximitas est conditio, sine qua ignis in paleam non ageret.

Hinc ratio inveniendi, an aliquid requisitum ad existentiam alterius sit causa, an solum conditio: attendere oportet, an effectus specialem aliquam similitudinem habeat cum illo, an nullam: si aliquam: est causa: si nullam est conditio. Conclusionem autem secundum aliquas speciales rationes assimilari præmissis apparet ex hoc, quod ex præmissis evidentibus conclusio evidens, ex obscuris obscura, ex probabilibus probabilis eruatur. Ad dubitationem igitur dic præmissas non esse meram conditionem, sed aliqualem causam conclusionis.

ARTICVLVS II.

An conclusio reflectat supra præmissas.

DVbitatio proposita duplicem sensum facere potest: primus est, an intellectus eliciens conclusionem, reflectat supra obiecta præmissarum: secundus est, an non solum obiecta, sed etiam ipsasmet formales præmissas per actum conclusionis consideret. Prima reflexio dicitur supra præmissas obiectiuas, secunda supra præmissas formales. His positis.

Dicendum est primo. Intellectus in conclusione reflectit supra obiecta præmissarum. Probatur primò auctoritate Doctoris Angelici, qui prima secundæ, quæst. 8. art. 3. in corp. sic habet: *Nam primo aliquis intelligit principia secundum se, postmodum autem intelligit ea in ipsis conclusionibus, secundum quod assentitur conclusionibus propter principia: ergo secundum Sanctum Doctorem ipsa principia, hoc est præmissæ prius intelliguntur in se ipsis, & eadem per conclusionem iterum attinguntur.*

Probatur secundò, ratione quam ibidem habet Doctor Angelicus: præmissæ obiectivæ sunt motiuum, propter quod intellectus elicit conclusionem; ergo per actum conclusionis præmissæ obiectivæ attinguntur. Antecedens est certum: consequentia probatur: quia omnis actus intentionalis attingit non solum suum obiectum materiale, sed etiam, & multò magis formale, puta amans medicinam propter sanitatem, non solum
amat

amat medicinam, sed etiam, & multò magis sanitatem ipsam, quæ est obiectum formale, seu motuum amoris erga medicinam.

Dicendum est secundo. Conclusio non reflectit supra præmissas formales. Probatur conclusio, quia per hoc quod conclusio pendeat à præmissis formalibus tanquam à principiis aliquo modo effectiuis constituitur sufficienter in esse conclusionis, si simul pendeat à præmissis obiectiuis, tanquam à motiuo, siue obiecto formali, ergo non requiritur reflexio supra præmissas. Antecedens probatur solutione obiectionum.

Obijcitur primò. Si per actum conclusionis non attingantur præmissæ formales; particula: *Ergo*, in syllogismo nihil significat, consequens est absurdum; ergo, &c.

Resp. negando maiorem. Particula *Ergo* significat exercite dependentiam actus, tum à præmissis formalibus, tum ab obiectiuis modo superius explicato. Per ly *Ergo*, significo me elicere talem assensum, tum quia elicui præcedentes, tum quia obiecta præcedentium assensum mouent me ad istum. Ly *Quia* appellat obiecta præmissarum pro motiuo: præmissas ipsas pro applicatiuo motui.

Dices. Ergo præmissæ formales habent rationem puræ conditionis. Probabis consequentiam: quia habent rationem applicatiui.


Resp. negando consequentiam. Ad probationem dic rationem applicatiui esse rationem conditionis; adeoq. præmissis formalibus conuenire, quod sint conditio: non tamen propterea sunt mera conditio: sunt

autem respectu motiui conditio, adeoq. non
sustinent rationem causæ in genere motiue:
sed simul sunt causa in genere efficientis: nou
est autem nouum, quod idem sit in vno
genere conditio, & in alio causa. Ita: vt
Physici docent, cognitio boni in genere mo-
tiui est mera conditio, in genere efficiētis
est causa amoris.

Obijcitur vltimo. Actus conclusionis suf-
ficienter cōstituitur in esse tali, per hoc quod
aliquo modo efficienter pendeat à præmissis
formalibus, ergo non est necesse vt reflectat
supra præmissas obiectiuas. Antecedens pro-
batur: quia nullus alius actus intellectus
talem habet dependentiam, ergo per hoc suf-
ficienter differt ab omni alio.

Resp. per hoc præcisè quod actus *A* deter-
minet ad actum *B*, non constituitur actus *B*
in esse conclusionis. Pater hoc quia multæ
appræhensiones determinant ad iudiciâ; de-
terminant autem per præsentationem obie-
cti: ex quo apparet vnum actum non deter-
minare ad alium, nisi per hoc quod obiectum
præsentatum per ipsum, determinet in gene-
re motiui ad cognitionem alterius. Igitur in
præmissis duo considera. Primum est ipsa
cognitio formalis principiorum, seu obie-
ctorum: secundum est; ipsa principia obie-
ctiua. Primum nequit esse sine secundo; im-
plicat enim te cognoscere hoc obiectum, &
hoc obiectum non proponi tuo intellectui.
Obiecta per hoc quod cognoscantur, deter-
minant ad alium actû; mouēdo. præmissa ipsa
formalis determinat aliquo modo efficiendo, &
insuper applicando intellectui, id quod, mo-
uet. Ad argumentum in forma: nega ante-
cedens.

cedens. Nam purus concursus ad actum conclusionis per modum causæ efficientis, est insufficiens constituere conclusionem formaliter talem. Ad probationem, & ad alia quæ ibi dicuntur, patet ex dictis.



DISPUTATIO VII.

*In libros Posteriorum Analytico-
rum.*

Q V A E S T I O I.

De Scientia.

ARTICVLVS I.

Quid sit scientia.



SCIENTIA multipliciter dicitur. Aliquando enim tam late usurpatur nomen scientiæ, ut cuilibet cognitioni applicetur. In hoc sensu, scimus ea, quæ opinamur, & credimus. Secundò accipitur scientia, pro qualibet cognitione certa & evidenti, & in hoc sensu, scio me viuere & alia huiusmodi. Tertiò accipitur pro cognitione certa & evidenti rei per causam propter quam res est, & quod illius causa est; & non potest aliter, & aliter se

se habere. In hoc sensu accipit scientiam Philosophus hoc lib. 1. post. cap. 2. dum ait: *scire autem arbitramur unumquodque simpliciter, cum causam existimamus cognoscere propter quam res est, quod illius causa est, & non contingit aliter & aliter se habere.* Sux definitionis probitatem probat ex eo quod & qui vere sciunt; rem per causam cognoscunt, & eiusdem causam esse cognoscunt; & qui existimant se scire, quamuis re ipsa non sciant, putant se rem per causam cognoscere & quod illius rei causa est, & quod res non potest aliter se habere. Vnde sequitur quod quemadmodum omnes homines, natura scire desiderant; ita omnes homines, & qui sciunt, & qui non sciunt; in allata scientiæ definitione conueniant.

Hanc Philosophi definitionem, si præcise ut sonat, accipias: inuenies non repugnare diuino intellectui scientiam etiam tertio modo acceptam: nam & res omnes certo & euidenter cognoscit; & rerum omnium causam, tam altissimam, uempe se ipsum, quam alias omnes inferiores; & quod illarum causa est, & non contingit aliter & aliter se habere. Si tamen sensus definitionis sit, scientiam esse cognitionem euidentem alicuius obiecti, ortam ex cognitione causarum propter quas est: in hoc sensu scientia non conuenit Deo: qui res omnes cognoscit cum in seipso, tum in seipsis absque eo, quod cognitio vnius rei oriatur ex cognitione alterius. Scientiam autem à Philosopho hic definitam communiter accipiunt pro cognitione rei orta ex cognitione causarum.

Scientiam primo modo acceptam nemo est

est qui negauerit. Secundo modo aliqui negarunt; aliqui de rebus omnibus dari asseruerunt: vtrique absurde, vt late probat Philosophus in metaphysicis. Absurditas vtriusque patet ex eo, quod nemo est qui si sapiat non sit certus de multis; & vicissim de multis non dubitet. Quilibet enim certus est de sua existentia; de sua vita, & de infinitis alijs quæ experimentaliter cognoscit. Vice versa sunt innumerabilia obiecta, circa quæ etiam sapiens dubitat, aut etiam penitus ignorat, vt vnicuique obuium est. De scientia tertio modo accepta maior controuersia est. Quia vero hæc per demonstrationem in nobis gignitur: de demonstratione agendum est.

A R T I C V L V S II.

Quid sit demonstratio & quotuplex?

Demonstrationis duplicem definitionem tradit Philosophus 1. post. cap. 2. Prima est: *Demonstratio est Syllogismus scientialis, seu faciens scire.* Dubitatur hic à nonnullis, an demonstratio faciat intellectum scientem per modum causæ efficientis, sicut pictor facit parietem album; an per modum causæ formalis sicut albedo facit eundem parietem album. In hoc secundo genere causæ demonstrationem facere intellectum scientem videtur expresse docere Philosophus, explicans definitionem quam affert: scientialem autem dico secundum quem, eo quod ipsum habeamus, scimus: vbi vides ex mète Philosophi per hoc ipsum formaliter constitui scientem intellectum, quod habeat Syllogis-

logismum demonstratiuum.

Secunda definitio est demonstratiua scientiam, seu demonstrationem esse ex veris, & primis, & immediatis, & notioribus, & prioribus, & causis conclusionis. Et primo quidem oportet vera esse principia demonstrationis; quia cum veritas conclusionis pendeat ex præmissis, si aliqua ex ipsis falsa sit, ipsa etiam conclusio erit obnoxia falsitati. Adde quod præmissæ in Syllogismo demonstratiuo debent esse certæ & euidentæ, repugnat autem cum certitudine & euidentia falsitas. Secundò oportet principia esse notiora conclusionem; quia per illa intellectus assentitur conclusioni: hoc est per illa obiectum conclusionis sit intellectui manifestum: ignotum autem per aliud magis vel æque ignotum non manifestatur. Tertio oportet esse causas conclusionis: quia tunc scimus, cum rem per causas cognoscimus. Cum igitur obiectum conclusionis cognoscamus per præmissas, præmissas esse causas conclusionis oportet.

Quia vero dupliciter esse possunt causæ conclusionis: videlicet vel in essendo, hoc est in quantum obiecta ipsa præmissarum sint causa obiecti conclusionis; vel in cognoscendo; hoc est quatenus obiecta præmissarum inducant in cognitionem obiecti conclusionis; sicut effectus inducunt in cognitionem causæ; ideo.

Diuiditur Demonstratio in demonstrationem propter quid, siue à priori, & in Demonstrationem quia, siue à posteriori. Demonstratio à priori est illa, in qua per causas demonstratur effectus, ut cum in homine ex
ratio-

rationali demonstratur risibile. Vbi aduertendum est, quod ad rationem demonstrationis prædictæ non requiritur ut medium assumptum si physice causa prædicati quod demonstratur de subiecto conclusionis; sed sufficit quod habeat ratione nostra aliquam prioritatem respectu talis prædicati: ita in homine quamuis iuxta opinionem valde probabilem sint realiter idem intellectus & voluntas: tamen Animasticus per intellectum bene demonstrat voluntatem: *omne intellectuum est volituum: sed omnis homo est intellectiuus, ergo omnis homo est volituius.* Hac eadem demonstratione circa Deum utitur Theologus quamuis in Deo certum sit intellectum non esse causam voluntatis, cum hæc sit essentialiter incausata.

Demonstratio à posteriori est ea, in qua ex effectu demonstratur causa. ut cum aliquis per risibile demonstrat rationale: *Omne risibile est rationale: omnis homo est risibilis, ergo omnis homo est rationalis.* Hoc genere demonstrationis demonstrat Metaphysicus existentiam Dei, ex effectibus ducens in cognitionem causæ secundum Apostolum: *inuisibilia eius per ea que facta sunt intellecta conspiciuntur.* Vocant etiam Demonstrationem à posteriori quamlibet, per quam aliquid demonstratur per aliud quomodolibet necessario connexum cum ipso; dummodo non sit connexio causæ cum effectu.

Quemadmodum autem in Demonstratione à priori non est necesse ut mediū sit physice causa prædicati quod dicitur de subiecto conclusionis: ita in demonstratione à posteriori non requiritur ut medium sit physice effectus

effectus prædicari quod dicitur de subiecto : ideoque queamodum per veram demonstrationem à priori ostenditur in libris de Anima hominem esse volituum, ex eo quod sit intellectiuus; ita etiam ibidem per veram demonstrationem à posteriori, ostenditur hominem esse intellectiuum ex eo quod sit volitiuus. *Omne volituum est intellectiuum: omnis homo est volitiuus, ergo, &c.* Inten- tum autem Philosophi hic est. Explicare na- turam & conditionem demonstrationis per- fectissimæ, suæ potissimæ.

Est autem demonstratio potissima illa in qua demonstratur prima passio de subiecto, per definitionem ipsiusmet subiecti. Huius- modi est hæc : *Omne animal rationale est risibile : omnis homo est animal rationale, ergo omnis homo est risibilis* : in qua pro me- dio termino assumis essentiam seu quiddi- tatem hominis, cuius primam passionem de- monstras. Aduertendum est autem, cum Phi- losopho non demonstrari hic essentiam siue substantiam hominis, sed supponi; & per ipsam; primam passionem, hoc est accidens cum ipsa conuertibile demonstrari. Hoc ip- sum ex Aristotele docet passim D. Thomas; nimirum circa ipsum quid est demonstra- tionem non fieri, sed ipsum quid est suppo- ni, & per ipsum cætera prædicata de subie- cto monstrari. Ratio est quia per demonstra- tionem debet cõponi cum subiecto aliquod prædicatum quod insit; substantia autem non dicitur in esse, sed accidens.

Dices. Per accidens inmediate profluens ab essentia, vel ab eadem quomodolibet in- separabile demonstrari potest ipsamet sub-
stantia,

stantia, siue essentia; ergo falsum est quod de ipso quid est non detur demonstratio. Antecedens probatur hac demonstratione. Omne risibile est rationale, omnis homo est risibilis, ergo, &c.

Resp. per accidens inseparabile demonstrari substantiam, sed non demonstratione potissima de qua hic agitur.

Dices secundò. Hæc demonstratio: *omne rationale est homo: Petrus est rationalis, ergo est homo.* non est, neque à priori neque à posteriori; rationale enim non est neque causa, neque effectus hominis, ergo demonstratio insufficienter diuiditur in à priori, & à posteriori.

Resp. demonstrationem prædictam (si tamen sit demonstratio, cum non concludat vniuersaliter) esse à priori: videlicet per causam formalem: rationale enim est causa formalis hominis.

QVAESTIO II.

De præcognitis ad demonstrationem.

OMnis doctrina & omnis disciplina, ait Philosophus 1. post. cap. 1. ex præexistente fit cognitione. Quales igitur & circa quæ debeant esse cognitiones huiusmodi querendum est. Tenendum est autem in qualibet demonstratione dari subiectum de quo aliquid demonstratur, prædicatum quod demonstratur de subiecto, & principium, seu medium; quo tale prædicatum

tum demonstratur de subiecto. Pater hoc in omni syllogismo.

Præterea : circa quodlibet obiectum duo cognosci possunt : videlicet : an est , & quid est : cognitio circa an est ? est circa existentiam seu possibilitatem obiecti : circa quid est ? est circa ipsius quidditatem siue essentiam. Omnis non cæcus habet de sole euidentiā circa an est ; non tamen circa quid est, cum de ipsius quidditate varij varia opinentur.

Dicendum est primò. Ad demonstrationem debet præcognosci subiectum circa quid est. Probatur quia ad inuestigandum an hæc vel illa passio tali subiecto conueniat oportet aliquo modo intelligere quid nā sit illud subiectum : si enim omnino ignores quid significet hoc nomen *homo* : quomodo inquires an hoc vel illud prædicatum ipsi conueniat ? imo in demonstratione potissima debet subiectum præcognosci definitiue , cum definitio assumatur per modum principij : principium enim conclusioni prænoscutur.

Dicendum est secundo ad demonstrandum prædicatum reale debet præcognosci subiectum circa an est. Probatur quia non entis non est passio, seu proprietas, ut ait Philosophus , . ergo demonstratio passionis seu proprietatis realis supponit subiectum reale.

Dicendum tertio. De prædicato quod dicitur de subiecto debet præcognosci quid sit, non autem quod sit. Hoc est præcognosci circa quid est, non autem circa an est. Probatur prima pars, quia nisi intelligas quid sit esse risibile, stulte illud affirmas aut negas de quo-

quolibet subiecto. Præterea illud ipsum prædicatum quod in conclusione vnitur subiecto, in præmissis vnitur medio termino, vt apparet in hoc syllogismo: *Omne rationale est risibile: omnis homo est rationalis; ergo omnis homo est risibilis*. Igitur in maiori debeo cognoscere quid sit esse risibile; ne stulte dicam: *omne rationale est risibile*. Maior autem præcedit conclusionem.

Probatur secunda pars conclusionis positæ: quia quod per demonstrationem probatur ita esse, non prænoscitur demonstrationi: quod hoc prædicatum *risibile* inest huic subiecto *homo* probatur per demonstrationem, seu concluditur in demonstratione, ergo hoc ipsum non supponitur præcognitum demonstrationi. Igitur ante demonstrationem prædictam debes intelligere, quid sit esse risibile: non autem quod risibile inest homini.

Obijcies primo. Non debet præsupponi id quod probandum est per demonstrationem: sed aliquando de subiecto probatur circa an est; ergo non debet semper præcognosci subiectum circa an est. Minor probatur quia de aliquo subiecto puta de creatura immultiplicabili quæritur an sit possibilis, quod aliqui affirmant, aliqui negant; ergo de ipsa non prænoscitur neque quod sit, neque quod non sit.

Resp. concedendo totum. Non dicimus quod de quolibet subiecto de quo aliquid inquiritur præsupponi debeat quod sit. Hoc enim ipsum sæpe affirmauimus, disputari videlicet inter Philosophos de subiecto hu-

ius vel illius propositionis an sit vel non sit, an sit possibile vel Chimericum. Etiam si autem de obiecto dubitetur an sit possibile, vel contra: debet utraque pars disputantium convenire in aliquo conceptu quidditativo ipsius. Solum diximus quod demonstraturus passionem realem supponit subiectum esse quid reale, cum non entis nulla sit passio, ut dictum est.

Obijcies secundo. Etiam non entis potest passio demonstrari, ergo non entis est passio. Antecedens probatur quia Chimera & Hyrcocervi potest passio demonstrari. puta quod nequeat esse ullibi aut unquam. Quod nequit esse, nequit ullibi esse: Hyrcocervus nequit esse, ergo nequit ullibi esse.

Resp. Sermonem fuisse de passione reali. An autem etiam entis chimerici demonstrari possit passio chimera est questio de nomine. Certum est quod quemadmodum quidditatis reales sunt proprietates reales, ita & chimericæ intelligi possunt passionibus chimericæ; tunc autem supponitur & conceptus quidditativus & esse obiectivum illius cuius passionibus queruntur.

Dices impotentia essendi ullibi in chimera non est chimera: hæc demonstratur; ergo in Chimera demonstratur passio non chimera.

Resp. neq. Chimeram esse Chimera est chimericum. Est enim necessarium & æternæ veritatis Chimeram esse Chimeram. Quemadmodum autem dum Chimeram concipis concipis id quod nequit esse physice: ita dum in eadem quamlibet potentiam vel impotentiam concipis, concipis aliquid quod nequit

quit esse physice. In forma: impotentia quæ physice sit, non est chimerica: nega. Impotentia quæ logice sit, hoc est in pura ratione obiecti: concede antecedens & nega consequentiam.

Obijcies ultimo. Sufficit aliquando de subiecto cognoscere quid nominis: hoc non est cognoscere quidditative; ergo non est necesse semper cognoscere quidditative.

Resp. transmissa maiori: distinguendo minorem: hoc non est cognoscere quidditative perfecte: concedo; imperfecte: nego. Idem dic ad consequens & hoc sufficit.

QVÆSTIO III.

De regressu demonstratiuo.

Regressus demonstratiuus est progressus nostri intellectus, quo postquam per aliquod principium aliquam conclusionem probauit, per eandem conclusionem reuertitur ad probandum illud idem principium: atque ita quod in prima demonstratione erat conclusio, in secunda fit medium; & quod erat medium fit conclusio. v. g. probat Philosophus inter positionem terræ lunam inter & solem, demonstratione à posteriori per Ecclipsim. Quotiescunque datur ecclipsis lunæ, terra interponitur inter solem & lunā: nunc datur ecclipsis lunæ, ergo nunc terra interponitur inter solem & lunam. Deinde regreditur ad probandam ecclipsim à priori per interpositionem terræ inter solem & lunam. Quotiescunque datur interpositio terræ inter solem & lunam, datur ecclipsis lunæ:
sed

sed datur nunc talis interpositio, ergo datur nunc ecclipsis lunæ. In primo syllogismo probatur interpositio tertæ per ecclipsim: in secundo ecclipsis per interpositionem terræ.

Regressum hunc demonstratiuum damnare videtur Philosophus primo post. cap. tertio: ubi dicit non probandum esse *A* per *B* & deinde *B* per *A*, quia committeretur circulus vitiosus & à primo ad ultimum probaretur *A* per *A*. Alibi tamen illum probat & adhibet ut cū probat lunam esse sphericā quia recipit illuminationem circularem & deinde probat recipere illuminationem circularem quia est spherica.

Dicendum est dari regressum demonstratiuum. Probatur conclusio primò auctoritate Philosophi. ut dictū est. 2: ratione; quotiescūque vnū euadit notius altero, & cōnexum cū altero euadit mediū aptum ad demonstrandum alterum: sed sæpe accidit ut causa demonstrata per effectum euadat notior suo effectui &c. ergo contingit ut demonstrata per effectum euadat medium aptum ad demonstrandum effectum. Maior est euidens. Minor probatur: quia contingere potest ut causam per effectum probatam profundiori attentione speculemur, illamque altius penetremus quam effectum ipsum. Manifestum est enim per maiorem actuationem mentis rem magis magisque intelligi: præterea possunt circa rem probatam accedere noua & noua motiua quæ illam notioiem reddant: & tunc potest assumi ad probandum id per quod prius probabatur.

Dices: in tali casu committitur circulus vitiosus, ergo non est admittendus regressus
demon.

demonstratiuus. Antecedens probatur quia in tali casu probatur *A* per *B*, & *B* per *A*; ergo committitur circulus vitiosus.

Resp. negando antecedens. Foret circulus vitiosus si neque *A* euaderet notius quā *B*; neque *B* quam *A*: & præterea probans ita probaret *A* per *B*, & *B* per *A*, ut neutrum ulterius probaret. Ad probationem distingue: probatur *A* per *B* factum notius quam *A*: concedo, non factum notius quam *A*: nego: & sic ad reliqua.

Obijcitur præterea. Demonstratio fieri debet per principia notiora conclusionem; ergo nequit fieri regressus demonstratiuus. Cōsequētia probatur quia: in regressu demonstratiuo per conclusionē probatur principium, ergo conclusio euadit principium sui principij. Confirmatur hoc idem: quia conclusio & principium sunt se ipsis mutuo notiora, quod videtur repugnans: nam eo ipso quod *A* est notius quam *B* implicat quod *B* sit notius quam *A*; alioquin *A* esset notius notiori se.

Resp. his omnibus obuiatum esse, vbi dictum est conclusionem euadere posse, per attentio-rem speculationem, magis notam quam principium, ex quo deducitur: adeoq, idem potest euadere notius eo, quod ante fuit notius se. Quod in eodem syllogismo conclusio sit notior suo principio repugnat; quod autem in syllogismo *B* conclusio quæ euasit principium, sit notior principio quod iam euasit conclusio, nullo modo repugnat. In forma respondeo cum distinct. conclusio materialiter accepta est notior principio materialiter accepto: concedo: conclusio

formaliter est notior principio formaliter ; nego. Illa propositio quæ in uno syllogismo est conclusio , in alio est principium, ubi est conclusio non est notior , scæus ubi est principium. Conclusio & principium non sunt mutuo seipsis notiora in eodem statu, retinentia videlicet relationem principij & conclusionis ; sunt tamen in diuerso , & tali relatione mutata.

Q V A E S T I O I V .

An detur Scientia de nouo.

A R T I C V L V S I .

Respondetur affirmatiue.

Contra Platonicos & Pythagoricos agendum est hac quæstione : qui nullam scientiam aquiri de nouo opinabantur. Aiebant autem latere in humano intellectu rerum omnium scientias , quæ per exercitium excitarentur & è suis tenebris emergerent : iuxta hos nihil de nouo addiscimus : sed eorum quorum latent scientiam in nobis ipsi abscondimus , identidem reminiscimur : sicut v. g. qui didicit olim Poema Virgilij , auditis deinde aliquot eiusdem carminibus , totius Poematis paulatim reminiscitur. Hoc etiam modo iuxta Atomistas per affrictum filicis & chalybis non fit ignis de nouo, sed antea latens & abstrusus foras euocatur.

Contra hanc sententia varia proponuntur.

tur. Primum est: si omnis Anima habet omnem scientiam, etiam cæcus natus, habet scientiam de coloribus: consequens est contra proloquium: cæcus non iudicat de coloribus, ergo & antecedens. Idem dic de furdo circa musicā. Sequela maioris probatur: quia scientiæ in sententia Platonica nō sunt in intellectu, beneficio sensuum, sed eidem insunt ab idea.

Hoc argumentum non premit Platonicos: cum totum quantum est vltro concedi possit. Cæcus habet scientiam de coloribus, furdo de musica; sed vterque scientiam consopitam: neuter autem potest reminisci: quia quod per Philosophum per sensus gignitur in intellectu, per Platonicos solum excitatur: & sicut per Philosophum habemus per sensus quod sciamus, ita per Platonicos quod reminiscamur.

Secundum argumentum est. Si omnis scientia est semper in nobis, dantur in nobis simul actus contradictorij: consequens est impossibile; ergo & antecedens. Sequela maioris probatur: quia aliquando in nobis est hic actus: *dies est*, ergo hic actus semper est in nobis: nihil enim vnquam de nouo scimus: rursus in nobis aliquando est hic alius: *non est dies*, ergo simul in nobis sunt isti duo actus: *dies est*, & *dies non est*. Imo semper sunt in nobis; sicut enim primum, non aquirimus, ita nec secundum. Alia huiusmodi argumenta quæ nec teruntij valent congeruntur.

Argumentum propositum nihil valet, tum quia actus confundit cum habitibus: tum quia supponit scientiam esse circa contingē-

tia. Etiam si in nobis sit semper habitus scientiæ, quo scimus omne rotundum circulariter moueri; non tamen hunc actum: *omne rotundum mouetur circulariter*: semper habemus: sed aliquando huius rei reminiscimur, aliquando non. *Dies est* non est actus scientiæ nisi superaddas *quando sol lucet*, aut aliquid aliud huiusmodi quod faciat propositionem necessario veram: unde implicat tam in doctrina Peripatetica, quam in Platonica circa idem obiectum, scientiæ am dicere: *est*, & *non est*, etiam in diuersis differentis temporis: ratio est quia scientia non affirmat aut negat per verbum *est* simpliciter & sine addito, sed cum addito prædicat vel necessario conuenientis, vel necessario repugnantis subiecto: puta: *dies est effectus solis*: *dies non est effectus lune*: quæ propositiones præsciunt à tempore, & sunt eternæ veritatis.

Valet autem contra Platonem quod alibi dictum est contra ideas; in quas cum omnia refundat, refundit omnia in Chineras. Præterea per id, per quod dicit Plato nos reminisci, affirmamus nos aliquid de nouo addiscere: quod nos antea sciuisse penitus ignoramus. Ignoro enim quod antequam didicissem in scholis modum faciendi carmen Asclepiadeum, sciuetim modum idem faciendi: debet igitur Plato mihi probare me ante habuisse scientiā, qua persuasissimus sum me omnino antea caruisse. Hinc apparet capacitatem addiscendi quam hausimus à natura confundi à Platone cum ipsismet habitibus scientiarum, quos impressos vult ab idea. Potissimum igitur argumentum post
im-

impugnatas ideas, est hanc sententiam, de reminiscencia, loco scientiæ de nouo, esse purum commentum, & nulla ratione probabile. Philosophari autem hoc modo est omnino absurdum.

Contra Pythagoram autem pugnare potes specialiter si aduertas omnes animas iuxta ipsius errorem esse eiusdē rationis: imo vnā eandemq. animam diuersa corpora per Metempsychosim successiuē animare. Hoc supposito sequitur Asinum esse æque Philosophum, ac Pythagoram: consequens negabit Pythagoras, ergo & antecedens. Sequela maioris probatur, quia æque in anima Asini sunt omnes scientiæ, ac in anima Pythagoræ: different igitur in hoc, quod illa anima, quando facit Pythagoram potest suscitare scientias consopitas; quando facit Asinum fortasse non potest: adeoq. Pythagoras ab Asino in ratione Philosophi differt; sicut Pythagoras vigil à Pythagora dormiente.

Præterea de multis obiectis æque sapienter deberet philosophari Asinus, ac Pythagoras, quia scientiæ multorum obiectorum excitantur per sensus: putà scientia de coloribus per visum; de musica per auditum; cum tamen prouerbialiter dicatur: *Asinus ad lyram*.

A R T I C V L V S II.

Satisfit obiectionibus.

Objicitur primò. Nequit intellectus scire se scire, nisi antea sciuerit, ergo scientia non acquiritur, de nouo, sed con-

sopita excitatur. Probatur aut. fac aliquem quærere, an sydera sint paria, vel imparia, vel quodlibet aliud obiectum huiusmodi: hic non potest scire se inuenisse verum, nisi antea sciuerit quid verum sit: sciuisse autem quid verum sit est habuisse scientiam; ergo nequit scire, nisi prius habuerit scientiam. Maior probatur exemplo satis familiari. Mulier, quæ accendit lucernam, vt quærat mnam, quæ perierat, nisi prius nouerit mnam, quam quærit, etiam si inueniat, nesciet se inuenisse. Eodem modo si Petrus eat in forum quæsiturus Franciscum, nisi prius nouerit Franciscum, etiam si in eundem incurrat, nesciet tamen se illum inuenisse; ergo eodem modo intellectus per discursum veritatem aliquam inquirens, nisi prius illam nouerit, nescit se illam inuenisse, & consequenter debet illam scire, priusquam illius scientiam acquirat, quod implicat ex terminis: ergo non acquiritur scientia de nouo, sed solum excitatur remiunscientia.

Resp. hoc argumentum magnis æquiuocationibus laborare. Si quis numeret nummos, quos habet in erumena, vt videat quot sint, per numerationem addiscit quot sint, & scit esse verum, quod sunt centum, quod tamen antea ignorabat. Item qui numerat sydera per enumerationem huiusmodi determinatè scit, esse paria, vel è contra, quod antea nesciebat; & tamen non dubitat se inuenisse, quod quærebat. Qui dissecat corpus animalis, vt videat ex quibus partibus constet, post sectionem huiusmodi habet scientiam de partibus animalis, quas antea ignorabat, nec dubitat, animal his, & illis partibus

tibus constare. Qui fodit vineam, vt inueniat latentem thesaurum; inuenta vna plena numinis aureis, scit quis thesaurus lateret, quod antea ignorabat, & sic de cæteris. Eodem modo qui profundè speculatur principia, sciens erui posse ex ipsis veritatem circà hoc, vel illud obiectum, post speculationem huiusmodi, scit se inuenisse veritatem, quæ antea latebat: & veritas inuenta ita recreat intellectum, sicut thesaurus voluntatem avari. Ex his pater ad argumentum. In forma nega antecedens. Ad probationem dic mulierem non quærere quid sit mna, nec Petrum quærere quid sit Franciscus. Philosophus autem quærit quid sit hoc, & illud, & quæ passiones promanent ad hoc & illo. Ex principijs autem sibi notis, sic eruit veritatem, quæ latebat, sicut fossor thesaurum: & sicut fossor non dubitat se inuenisse thesaurum, sic nec sapiens se inuenisse veritatem. Ratio à priori est, quia veritas inuenta statim manifestat suam conformitatem cum principijs, ex quibus eruitur: quod non contingit Francisco, in quem Petrus incurrat, qui non magis monstrat se esse hominem, quem alius quarit; quàm quilibet alius monstraret.

Obijcitur secundo. Si puer paulatim interrogetur de aliquibus, v. g. an vnum, & vnum sint duo: an duo, & tria faciant quinque? an per detractionem duorum ex quinque maneat tria, & sic de cæteris, procedendo à facilioribus ad difficiliora; inuenietur antea sciuisse ea, de quibus interrogatur, ergo scientia non gignitur de nouo, sed cum antea lateret, excitatur. Hoc argumento vti-

principia huiusmodi agendum esse non ratione, sed fuste, vtpotè contra dementes. Principia huiusmodi sunt: *Quodlibet est, vel non est. Non potest idem simul esse, & non esse.*

Obijcitur quartò. Vt sciam, debeo scire me scire, aut saltem debeo posse certificari me scire: non possum certificari me scire per vllam demonstrationem, ergo per nullam demonstrationem scio: & consequenter scientia nō acquiritur per demonstrationem. Minor probatur: quia qui paralogizat æque firmiter putat se scire, ac qui syllogizat, & tamen implicat para-syllogizantem scire per paralogismum: ergo firmiter hærere in conclusione elicitā, & in principijs, ex quibus elicitur, non te certificat, quod scias. Confirmatur hoc exemplo quotidiano duorum sibi contradicentium, qui ambo iurant, se suam sententiā deducere euidenter ex principijs euidentibus; cum tamen euident sit alterum falli. Hoc argumētum est Scotisticum, & ingeniosum.

Resp. hoc argumentum nihil valere, nisi valeat hoc aliud. Somnians æque firmiter somniat se non somniare, ac vigilans putet se non somniare, ergo per firmam adhæsiōnem, quod non somniet non certificaris te non somniare. Hanc autem firmam adhæsiōnem, æque habet qui somniat, ac qui non somniat, ergo non magis qui non somniat certificatur se non somniare, quam qui somniat. Antecedens constat experientia. Sunt enim infiniti, qui somniantes de aliquo obiecto, putā se esse Reges, aut filios Regum reflexe somniant se non somniare, sibi que


ipsis somniando iurant se nō somniare. Somnianti compara paralogizantem, vigilantem syllogizantem, & inuenies alterum re ipsa certificari quod sciat, alterum verò non: sicut vigilans certificatur, quod vigilet, somnians verò non, licet etiam in somnio sibi ipsi videatur vigilans. Hinc patet ad argumentum, disparitas inter paralogizantem, & syllogizantem est ea, quam ostendimus inter vigilantem, & somniantem. Qui paralogizat dicit se esse certum, & euidenter concludere: hoc idem dicit, qui syllogizat, sed alter vere concludit, alter apparenter. Ex duobus sibi contradicentibus plerumq. neuter euidenter concludit, adeoq. vterque decipitur, non circà esse, aut non esse obiecti: cum repugnet neutrum dicere verum: sed circà esse, vel non esse euidenter, cum sæpè accidat vtrumq. contradictorium esse probabile, neutrum euidenter, putà dicit Petrus se demonstrare relationem esse formam modalem: dicit Paulus se demonstrare oppositum, cum fortasse neuter demonstrat. Contingit enim sæpè, quod homo putet se syllogizare demonstratiuè, vbi vix probabiliter ratiocinatur: non tamen propterea nunquam demonstrat: cum autem demonstrat ipse per suam demonstrationem habet euidentiam de obiecto longè diuersam ab ea, quam, non habet, sed putat se habere cum paralogizat: sicut qui vigilat habet longe aliam euidentiam, quod vigilet, quam sit ea quam somnians ipse sibi affirmat se habere de sua vigilia, somniando dicens: *Est mihi euidenter me vigilare.*

Obijcitur vltimò. Nihil est in intellectu, quod

quod prius non fuerit in sensu ; ergo non datur vlla scientia . Consequentia probatur : quia iuxtà hoc Aristotelicum axioma ipsa scientia debet in intellectu esse per sensus ; sed repugnat esse scientiam , & esse per sensus, seu mediante sensu, ergo, &c. Minor probatur, quia repugnat haberi cognitionem certam , & euidentem per testes mendaces : sed sensus sunt huiusmodi ; ergo, &c. Probatur vltima minor : quia oculus de baculo recto dicit, quòd curuus sit , vt patet si mergatur in aqua : gustus de cibo dulci dicit, quod sit amarus , & sic de cæteris. Igitur cognitio innixa testificationi sensuum est cognitio habita per testes fallaces , & consequenter cognitio fallax, atque incerta.

Resp. distinguendo antecedens : nihil est in intellectu quin fuerit in sensu , eodem modo : nego antecedens, diuerso modo subdistinguo : nihil ex sensibilibus: omitto, nihil omninò: nego antecedens, & consequentiam. Hoc axioma Philosophi plerumq. male intelligitur. Agit Philosophus de obiectis sensibilibus, eorumq. notitiam per sensus ad intellectum transmitti affirmat. Præterea etiam sensibilia ipsa aliter sunt in intellectu , quam sint in sensu : intellectus enim multa componit per sensum cognita, ex quorum compositione certas , & euidentes notitias colligit circa sensibilia : insuper quædam cognitiones ad alias determinant non per sensum, sed per se ipsas. In casu posito de baculo in aqua , & cibo dulci in palato infirmi : dic hoc ipsum animaduerti ab intellectu, videlicet palatum egrum determinare, si ipsi credas, ad falsa iudicia : sicut

v. g. sapiens Iudex, etiam viri probi testimonium rejicit, si sciat illum phrenesi laborare. Imò intellectus ipse rationem quaerit, & inuenit, cur baculus in aqua demersus appareat fractus, cum tamen sit integer: scit enim obiecta transmitti ad sensum, non per seipsa, sed per species sui, quæ dum à medio densiori transeunt ad rariùs mutant lineam, & refranguntur à perpendiculari; sicut ex opposito cum à medio rariori transeunt ad densius, refranguntur ad perpendicularum. Vel ut melius intelligas, in primo casu magis disperguntur, in secundo magis uniuntur. Ad probationem dic intellectum non fidere sensibus in quibuscumq. circumstantiis; sed in ijs, in quibus intelligit ipsos agere fideliter, & sincerè. Hoc autem cognoscit sicut sapiens cognoscit hominem laborare, vel non laborare phrenesi, aut corrigendo vnum sensum per alium; aut eundem per testificationem sui, in infinitis casibus, in quibus aberat errandi periculum, putà resitundinem baculi depræhendit per visum extra aquam exercitum, & simul per tactum, & sic de cæteris,



QVÆSTIO V.

De similitate scientiæ, & opinionis.

ARTICVLVS I.

In quo consistat certitudo actus.

Actus nostri intellectus alij certi sūt, & alij incerti. Certitudo spectat ad scientiam, & ad fidem supernaturalem siue diuinam; incertitudo ad opinionem, & fidem humanam. In quo consistat certitudo, non est vna omnium sententia. Alij certitudinem actus petunt ex necessitate obiecti, quod per talem actum attingitur, incertitudinem verò ex contingencia. Verum hæc sententia vana est: nam & de obiecto necessario haberi potest cognitio incerta, & de obiecto contingenti cognitio certa. Da enim te videre Petrum currentem, & dicere: *Petrus currit*: habes cognitionem certissimam, vtpotè intuitiuam, claram, & euidentem, de cursu Petri, cum tamen sit aliquid contingens; ergo potest haberi cognitio certa circa obiectum contingens. Præterea omnes actus fidei diuinæ sunt certi; & tamen innumerabiles actus fidei sunt circa obiecta contingencia: puta circa Incarnationem Verbi Diuini, institutionem Sacramentorum, & alia infinita huiusmodi.

Quod autem circa obiectum necessarium dari possit cognitio incerta probatur: quia Deum esse vnum, & Trinum est necessarium: adeo-

adeoq. quicumq. habet hanc cognitionem : *Deus est vnus, & Trinus*, habet cognitionem necessario veram : & tamen hanc ipsam cognitionem habere potest Ethnicus per rationes probabiles, & per fidem humanam assentiens huic obiecto, propter testimonium hominum, quod est impotens illum firmare in huiusmodi assensu.

Alij certitudinem actus aiunt consistere in firma quadam, & inconcussa mentis adhesionem ad aliquod obiectum, cum veritate coniuncta, putà habet cognitionem certam de Mysterio Trinitatis quisquis firmiter, & inconcussè tenet Deum esse vnum, & Trinum. Hæc autem certitudo non consistit, aut in sola veritate actus, aut in sola firmitate mentis per talem actum suo obiecto adhærentis; sed in complexo ex utroq. videlicet ex adhæensione ipsa, & veritate.

Hæc etiam sententia insufficienter explicat certitudinem actus: da enim me firmiter, & inconcussè dicere: *Turca saltat*; ita vt tanta pertinacia hoc asseram, vt paratus sim mori potius, quam dictum retractare. Da etiam Turcam saltare: non propterea actus ille erit certus. Hoc vt intelligas, scias me non loqui de saltu, quem videam, aut qui mihi reueletur à Deo; sed me hoc asserere temere, & casu, quamuis pertinacissimè in ea differentia temporis, in qua contingit Turcam saltare.

Dicendum est igitur certitudinem consistere in determinatione quadam intrinseca cognitionis ad verum orta ex principijs, vel obiectiue, vel efficienter influentibus, vel ex vtriusque simul. Actus fidei diuinæ certus est

est, tum ex lumine influente in ipsum, tum ex motiuo, hoc est ex obiecto formali; nimirum ex auctoritate, & reuelatione diuina, cui innititur: ità vt impossibile sit hominem tali auctoritate innixum vnquam decipi. Actus scientiæ est certus ex motiuo, & euidentiâ, quia tale motiuum connectitur cum re affirmata. Cum euidentiâ connectitur necessario certitudo, quamuis hæc sit ab euidentiâ separabilis. Omnis enim actus euidens est certus; non tamen omnis actus certus est euidens, vt constat in actibus fidei, à quibus nequit abesse certitudo, quamuis ab iisdem abesse possit euidentiâ.

Ille igitur actus erit certus, cui aderit prædicta determinatio ad verum, per quam firmissimè assentietur, quod obiectum ita se habet: ille erit incertus, qui tali determinatione carebit. In hac autem materia maxime discurrendum est inter veritatem, & certitudinem: tenendumq. etiam illum actum, quem impossibile est esse falsum, esse posse incertum.

ARTICVLVS II.

In eodem intellectu stant simul scientia, & opinio circa idem.

Tenendum est primo, quod alibi passim insinuauimus, discrimen inter obiectum materiale, & obiectum formale. Obiectum materiale dicitur illud, ad quod terminatur actus, siue tendentia nostri intellectus; formale verò est motiuum, propter quod in tale obiectum noster intellectus sic
ten-

tendit, v. g. actus, quo assentior hominem esse risibilem, quia est rationalis: habet pro obiecto materiali, hominem risibilem, pro formali verò ipsum rationale. Actus, quo assentior Medeam diligere, quia est mater, habet pro obiecto materiali Medeam diligentem, pro formali maternitatem Medæ.

Tenendum est secundo ex dictis, actum opinionis esse ex se incertum: hoc est non firmare per se ipsum intellectum in assensu, quod obiectum ita sit: ita vt per reflexionem supra huiusmodi actum, & motuum ipsius certificetur intellectus rem ita se habere. Exemplum habes in assensu, quod Medea diligat filios innixo super hoc motuum præcisè, quia mater est. Si enim intellectus reflectat supra actum huiusmodi inueniet contingere posse, vt cum maternitate coniungatur odium; quod de facto accidit in Medea.


Tenendum est tertio aliud esse quod opinio non certificet, aliud quod faciat fluctuantem seu formidantem intellectum circa obiectum cui assentitur: vnde dicitur opinio non facere intellectum certum; non autem facere positivè incertum. Non facit certum; ex ratione dicta: non tamen facit positivè incertum: quia non est de ratione ipsius expellere ab intellectu certitudinem circa obiectum. In hoc tamen versatur Aduersarius vt ostendat cū opinione non stare scientiam: quia videlicet opinio, inquit, ponit incertitudinem seu formidinem; scientia autem certitudinem & euidentiā. Quæ omnia corruunt si ista duo distinguas: non dare certitudinem; &, expellere certitudinem, seu.

feu ponere formam impossibilem cum certitudine. Primum præstat opinio, non vero secundum. Etiam in hoc ligno durities non facit coloratum; non tamen durities expellit coloratum: & vniuersaliter omnes formæ distinctæ, seu diuersæ ita sunt in eodem subiecto, vt vna non præstet effectum formalem alterius, non tamen ita vt impediatur. Color non facit sapidum, sed non impedit saporem, quin faciat sapidum. Et idem subiectum habens colorem & saporem, quāuis non sit sapidum per colorem, non propterea non est sapidum per saporem: inepte autem arguit qui sic arguit: *hoc subiectum non est sapidum per colorem, & est sapidum per saporem, ergo non est sapidum & est sapidum*. Eodem tamen modo arguit aduersarius in præsentī materia: *Intellectus non est certus per opinionem, & est certus per scientiam, ergo intellectus non est certus & est certus*. Vides per oculos & non vides per aurículas, ergo vides & non vides. Qui naturam opinionis intelligit vt explicata est hic, habet metaphysicam impossibilitatem dissentīendi a nostra sententia.

Probat igitur conclusio ex dictis. Actus opinionis & actus scientiæ nullam habent inter se repugnantiam, ergo possunt esse simul actus scientiæ & opinionis in eodem intellectu circa idem obiectum. Falsitatem antecedentis plerique probare conantur ostendendo quod opinioni & scientiæ conueniunt prædicata contradictoria. Sed inepte, nam omnes formæ distinctæ sustinent prædicata contradictoria, ergo nullum subiectum erit capax formarum distinctarum, & cōsequenter

ter non poterit aduersarius esse simul albus & calidus, simul sapiens & sanus. Arguit enim: scientiæ conuenit facere intellectum certum & intrepidum circa obiectum: conuenit opinioni non facere intellectum certum & intrepidum circa suum obiectum, ergo scientiæ & opinioni conueniunt prædicata opposita & contradictoria, ergo stare simul nequeunt in eodem intellectu. Tu sic argue: sanitas facit hominem recte se habentem quoad humores corporeos: sapientia non facit hominem bene se habentem circa humores corporeos, ergo sanitati & sapientiæ conueniunt prædicata opposita & contradictoria, ergo nequit in eodem homine esse simul sanitas & sapientia. In utroque argumento negatur vltima consequentia. Nam vt non possint esse simul plures formæ non sufficit quod vna non præstet effectum alterius, sed oportet vt præstet oppositum. Hoc modo albedo & nigredo nequeunt esse in eodem lacte. Possunt esse albedo & dulcedo: quamuis tam de dulcedine quam de nigredine verum sit quod non faciat album. Habet autem insuper nigredo facere nigrum, & per hoc quod faciat nigrum expellere album; quia album & nigrum non solum sunt diuersa sed contraria.

Denique probatur conclusio responsionis ad obiectiones.



ARTICVLVS III.

Satisfit obiectionibus.

Objicitur primo auctoritas Philosophi 1. post. cap. vlt. dicentis non posse intellectum idem omnino opinari & scire, ergo scientia & opinio nequeunt stare simul in eodem intellectu circa idem obiectum. Posset probari dictum Philosophi dicto D. Thomæ prima secundæ quæst. 67. art. 3. vbi ait: de ratione opinionis est quod accipiatur cum formidine alterius oppositi. Puta si opineris Medeam amare filios, eo ipso quod opinaris, vereris ut amet.

Resp. quod qui aiunt de essentia opinionis esse quod inducat formidinem actualem in intellectum, nequeunt sustinere opinionem simul cum scientia in eodem intellectu: sunt enim manifesta contradijctoria: scire rem ita esse, & formidare ne non ita sit. Propterea diximus supra non esse de ratione opinionis quod inducat formidinem & reddat intellectum fluctuantem circa suum obiectum; sed solum de ratione eiusdem esse, quod non det certitudinem. Qui ita sentiunt, dictum Philosophi explicant ita ut velit nos non posse idem omnino hoc est tam secundum obiectum materiale, quam secundum obiectum formale opinari & scire. Hæc responsio nobis non placet: quia opinatum & scitum dicitur de obiecto materiali. Dicendum est igitur ibi Philosophum agere de opinione qua actualiter formidamus. Cum hac autem non stat scientia. Vbi aduerte quod
quauis

quamuis opinio de ratione sua non exigat actualem formidinem in intellectu, illam tamen non reijcit: sicut animal v. g. quamuis de ratione sua non exigat rationale, illud tamen non repellit.

Ad dictum D. Thomæ quia videtur affirmare de omni omnino opinione quod habeat secum coniunctam formidinem circa oppositum, sic intelligendū esse non de formidine actuali, sed de radicali. Vbi aduerte nos neque per actum opinionis formaliter formidare, neque per actum scientiæ liberari omni formidine: sed intantum hic certificatur in quantum reflectens intellectus supra suum assensum & motium assensus, videt se verum tenere & immobiliter tenere, quādiu talem actum habet & penetrat tale motium; reflectens autem supra actum opinionis & motium eiusdē, non videt connexionem necessariam motiui cum obiecto quod affirmat, adeoque quo altius penetrat motium assensus, eo clarius videt, posse se nutare circa veritatem rei affirmatę vel negatę, quantum est ex parte talis motiui. Ex quo sequitur quod si nullū aliud habeat motiū assensus, videt se circa assensum quod res ita sit, fortasse decipi; si autem aliud motium habeat, quod sit euidens & euidenter connexum cum re affirmata: non videt se posse dubitare simpliciter de veritate, sed videt solum quod, quantum est ex alio motiuo, posset. Potentia illa inducendi formidinem; seu verius impotentia dandi certitudinem quæ in quolibet actu opinatio reperitur, dicitur formido radicalis, cum qua æque bene stat actualis certitudo, ac cum radicali frigore actualis calor.

Ob-

Obijcitur secundo. Est de ratione opinionis dicere: fortasse res non ita se habet; de ratione scientiæ: res infallibiliter ita se habet: non potest intellectus simul dicere: fortasse non ita se habet, &: infallibiliter ita se habet, ergo non potest intellectus circa idem simul opinari & scire.

Resp. negando maiorem. Imò ex Philosopho 7. Ethic. cap. 3. habes nonnullos per actum opinatiuum æque firmiter hære obiecto ac alij hæreant, qui sciunt. Probat hoc exemplo Heracliti qui circa ea quæ opinabatur nihil ambigebat, existimans se scire. Hoc idem patet ex definitione & explicatione definitionis scientiæ, quam alibi retulimus ex Philosopho; ubi dicit hanc esse bonam quia de eius bonitate concordant omnes qui sciunt, & qui putant se scire, etiam qui nesciant, ex quo manifestum est eos nihil bigere aut formidare de veritate illius actus quem habent pro scientia, quamvis re ipsa sit tantum opinio.

Confirmatur doctrina Philosophi: quia potest aliquod motuum re ipsa falsa apparere intellectui infallibiliter connexum cum re affirmata. Et ita de facto apparet ei qui cum paralogizet existimat se demonstrare. In tali casu ita firmiter hæret, ut non sinat se a suo assensu dimoueri. Hoc idem patet in fide qua alteri dicenti credimus. Parochus indutus superpelliceo & stola dicat suis rusticis & Verbum diuinum & Spiritum Sanctum assumpsisse naturam humanam: idque credendum esse & pro hoc moriendum esse si casus ferat; Rusticus circa utrumque æque credit Parocho: & quia Parochus dixit v-

trum.

utique esse reuelatū à Deo, & fide diuina tenendum: existimat Rusticus vtrumque se fide diuina tenere; & si bonus sit paratus est pro vtroque mori: cum tamen certum sit incarnationem Spiritus Sancti teneri non posse fide diuina.

Dices. Actus opinionis est impotens firmare intellectum in re affirmata, ergo facit intellectum formidantem circa rem affirmatam. Probatur consequentia quia quidquid non firmat intellectum circa obiectū assensus, facit intellectum formidolosum in suo assensu, ergo. &c.

Resp. omisso antecedenti negando consequentiam. Ad probationem nego antecedens. Apprehensio non facit intellectum assentiētem, ergo tollit ab intellectu assensum circa obiectum. Quis non neget ineptam hanc consequentiam? quasi vero idem sit non dare ac tollere, sicut de latronibus aiunt, eos dare quidquid non tollunt. Albedo non facit lac dulce, ergo impedit ne lac sit dulce: nega consequentiam; sed etiam in hoc: opinio non dat certitudinem, ergo impedit intellectum ne certus sit, neganda est consequentia. Intellectum habentem simul actum scientiæ & opinionis apte comparabis cum homine duplici ligamine colligato ad palum; alterū ligamen sit filum subtile, alterum vero sit catena ferrea; primum ligamen non dat homini esse firmiter & immobiliter ligatum, sed non impedit quin per aliud sit firmiter & immobiliter ligatus ad palum: & homo huiusmodi reflectens supra suum statum non potest dicere possum me facili conatu dissolvere: quamuis dicere possit: possem si non habeo.

haberem aliud ligamen quam filum, vel possum quantum est ex parte ligaminis serici. Eodem modo intellectus reflectens supra suum statum dum simul scit & opinatur idem obiectum, dicere potest: si non haberem aliud quam actum opinatiuum formidare possem de veritate mei assensus: non tamen dicere potest: formidare possum de veritate assensus. Ratio est quia quemadmodum ut te dissolvas si ligatus sis, non sufficit ut aliquod ex vinculis sit facile solubile; sed requiritur ut nullum ex vinculis quibus teneris sit dissolubile: ita etiam ut formides circa obiectum, non sufficit quod aliquis actus in tuo intellectu existens, non te certificet; sed requiritur ut nullus: eo enim ipso quod aliquis actus, quicumque ille sit dat tibi certitudinem, es certus.

Obijcies tertio. Ipsemet actus opinionis formidat circa obiectum, ergo intellectus habet actum formidantem circa obiectum. Rursus actus scientiæ assentitur immobili-ter obiecto, ergo intellectus habet assensum immobilem circa obiectum, ergo simul habet duos actus per quorum alterum formidat & per quorum alterum immobili-ter hæret: sed simul formidare circa obiectum, & immobili-ter herere obiecto quamvis per diuersos actus, est impossibile, ergo est impossibile quod intellectus habeat simul actum scientiæ & actum opinionis. Confirmatur hoc quia si huiusmodi impossibilitas tollitur per hoc quod sint diuersi actus, puta quod alius sit actus per quem formido, alius per quem immobili-ter hæreo, non erit impossibile de eodem obiecto dicere simul *est &*

non est, nam *est* dicitur per vnum actum, *non est* per alium: assensus est vnus actus, dissensus est alius; adeoque poterit intellectus habere simul assensum & dissensum circa idem obiectum: quod tamen est implicatorium.

Resp. negando antecedens. Nec actus opinionis formidat, nec formidare facit intellectum; aliud enim est non dare certitudinem, aliud dare formidinem. Primum dicitur esse de ratione actus opinatiui: non secundum.

Dices: vel intellectus cognoscit fallibilitatem motiui probabilis vel non cognoscit: si non cognoscit non assentitur probabiliter; si cognoscit formidat, ergo numquam assentitur opinatiue nisi formidet. Minor probatur quoad vtramque partem; si enim motiuum illud apparet fallibile, cum operetur quantum potest, inducit formidinem: si autem non appareat vt probabile, seu vt pure probabile, eo ipso intellectus non opinatur; cum opinari sit assentiri obiecto materiali propter motiuum probabile vt tale.

Resp. concessa maiori negando minorem. Dico autem quod motiuum fallibile siue appareat vt tale, siue non, mouet ad actum opinatiuum. Si appareat vt fallibile; intellectus cognoscit se non esse, ex vi talis motiui, certum, non tamen se non esse certum quod obiectum materiale ita se habeat. Si autem non appareat, non propterea non opinatur: aliud enim est motiuum apparere, aliud esse infallibile. Si motiuum fallibile putes esse infallibile: opinaris, & putas te scire; sicut contingebat Heraclito. Ad probationem vtriusque partis; nega de ratione
opinio-

opinionis esse quod nitatur motiui fallibili cognito vt tali. Nega etiam esse de ratione motiui fallibilis apparentis vt talis inducere in quacunque circumstantia formidinem. Sicut non est: de ratione tenuis vinculi inducere in quacunque circumstantia instabilitatem. Vinculum enim fericum, si sit simul cum catena ferrea, non facit te ligatum instabiliter. Atque hic aduerte quod formidare, aut remisse assentiri accidit Intellectui, non ex motiui, sed ex defectu motiui; sicut nutare sub pondere tibi accidit, non ex viribus, sed ex defectu virium; & remisse videre, non ex lumine, vel potentia, sed ex defectu luminis aut potentie. Hinc Intellectus circa hoc obiectum: *Medea diligit filios* titubat, non quia adest hoc motiuum: *Medea est Mater*, sed quia adest hoc solum; hoc est: quia, prater hoc, non adest aliud. Dicere autem quod si aliud mouet; hoc non mouet; quia nequit mouere nisi inducendo formidinem: est dicere quod si catena ligat, filum non ligat, quia ligare nequit nisi inducendo instabilitatem: quod est ineptum.

Obijc. 4. Actus opinionis est in supplementu sciencie supplementu sciencie nequit simul esse cu sciencia; ergo actus opinionis nequit simul esse cum scientia. Maior habetur communiter pro vera. Nam intellectus noster intantum dicitur aquiuallenter omnia in quantum cognoscendo couertit se quodammodo in omnia: appetit autem appetitu quodam innato non solum cognoscere, sed euidenter cognoscere omnia: sed quia non omnia potest euidenter cognoscere, saltem

I j

pro-

probabiliter omnia perscrutatur, adeoque ex defectu sciētiæ circa plurima opinatur. Hinc dicitur habere opinionem in supplementum sciētiæ. Minor autem videtur manifesta ex ratione supplementi. Academicus non supplet pro Magistro in dictanda lectione, nisi absente Magistro: & vniuersaliter loquendo quotiescunque ponitur supplementum, deficit res: pro qua ponitur supplementum.

Item: opinio est dispositio ad scientiam: dispositio non stat cum forma ad quam est dispositio, ergo opinio non stat cum scientia. Minor probatur quia dispositio habet rationem viæ; forma verò termini: via autem non manet simul cum termino. Puta via Iulia, quæ est via ad Vaticanum non est simul cum Vaticano: nec homo est simul in via Iulia & in Vaticano. Alteratio est via ad formam substantialem, hæc autem non manet simul cum forma substantiali: adueniente enim generatione formæ cessat alteratio subiecti, quod disponebatur ad formam.

Resp. ad primum distinguendo maiorem: actus opinionis est purum supplementum: nego, supplementum non purum: omitto. Hanc eandem distinctionem adhibebis ad reliqua. Idem dices ad secundum: opinionem videlicet non esse meram dispositionem ad scientiam. Ad id quod dicitur dispositionem non stare cum forma: notandum est hoc esse falsum, vt cum D. Thoma ostendimus in libris de ortu & interitu; vbi videbimus easdem formas accidentales, quæ fuere dispositiones ad substantialem, remanere cum hac vt proprietates eiusdem; si verum est quod docet D. Thomas. Ad paritatem illam

de via Iulia & Vaticano; cum opinione & scientia; cum quacunque dispositione & forma: dic facile esse abuti nomine & metaphora viæ. Dispositio in aliquibus conuenit cum via, sed non in omnibus: conuenit in hoc quod vtraque conducat ad possessionem termini: non conuenit in hoc quod sicut via non est cum termino, ita dispositio non sit cum forma.

Ad paritatem de alteratione: verum est motum ipsum alterationis non esse simul cum motu generationis formalis, sed hoc inper-
tinenter se habet ad rem; cum qualitas ipsa per alterationem producta in subiecto stet simul cum forma per generationem genita.

Obijcitur quintò. Cum actu opinionis est compossibilis actualis formido: actus opinionis est compossibilis cum scientia, ergo actualis formido est compossibilis cum scientia. Consequentia probatur quia compossibile cum compossibili cum *A* est etiam compossibile cum *A*; ergo compossibile cum compossibili cum scientia, est compossibile cum scientia.

Resp. concessa maiori, & minori: negando consequentiam. Ad probationem nego antecedens. Nigredo est compossibilis cum homine: homo est compossibilis cum albedine, ergo nigredo est compossibilis cum albedine. Motus est compossibilis cum lapide, lapis est compossibilis cum quiete, ergo motus est compossibilis cum quiete. Sunt infinita predicata simul compossibilia in eodem subiecto, sed sunt etiam infinita seorsim solum possibilia in eodem subiecto. In eodem Petro possunt stare simul esse album, esse hunc,

esse nunc, stare, loqui, videre, &c. Sunt possible in eodem sedere & stare, loqui & tacere, esse albū & esse nigrum, sed solū diuisim.

Obijcitur sexto. Hæc cognitio : *ego existo. Ego uiuo.* hæc alia : *duo & tria sunt quinque* nequeunt simul esse cum actibus opinatiuis de eodem, ergo actus scientiæ nequit in eodem intellectu componi cum actu opinionis. Consequentia probatur quia ideo cum prædictis actibus nequit stare opinio quia prædicti actus sunt euidentes, sed omnis actus scientiæ est euidentis, ergo cum nullo actu scientiæ stare potest opinio.

Resp. concesso antecedenti negando consequentiam. Ad probationem : nego maiorem. Ratio cur non possim simul scire, & opinari me viuere est, quia non possum opinari me viuere implicat autem impotentem opinari circa aliquod obiectum, posse simul opinari & scire idem obiectum. Conclusio non est quod quilibet actus scientiæ possit esse simul cum opinione aut è conuerso. Si quis enim per aliquem actum opinionis actu formidet, hoc est si quis assentiatur obiecto cum formidine oppositi, hic cū tali opinione non componet scientiam. Conclusio est non repugnare quod actus vere & proprie opinatiuus stet cum actu vere & proprie scientifico, circa idem obiectum in eodem intellectu. Ratio est quia actus vere & proprie opinatiuus non requirit actualem formidinem: immo æque firmiter hæret in conclusione loquendo de firmitate formali, hoc est de firmitate quæ se tenet ex parte actus qui paralogizat dum putat, se demonstrare; ac qui de facto demonstrat.

Dices.

Dices. Ideo non possum opinari me vivere, quia est mihi evidens quod viuo, ergo ratio evidentiæ excludit potentiam opinandi: sed in omni scientia reperitur evidentiæ, ergo, &c.

Resp. negando antecedens: quo etiam probaret aduersarius me non posse simpliciter opinari circa vllum obiectum circa quod habeam scientiam: cum tamen certum sit obiectum illud esse saltem seorsum opinabile. Dico enim me numquam & in nulla circumstantia opinari posse quod viuum. Ex impossibilitate autem talis actus habes eundem impossibilitatem illius cum vlllo alio. Ratio autem cur non possim opinari me vivere est quia habeo talem evidentiæ quod viuum, vt ridiculus sim eo ipso, quod quæram motiua assentiendi quod viuus sim: vnde etiam in scenis rudiores excitantur ad risum quando Policinella consulit medicum non an sanus sit an æger, de quo ait, se non dubitare; sed an viuus sit an mortuus.

QVÆSTIO VI.

*An etiam fides stet cum opinione
& scientia.*

Ratio dubitandi pro fide est illud Apostoli: *fides est sperandarum substantia rerum, argumentum non apparentium*. Ex quo sic arguitur. Vt aliquid fide credatur requiritur vt non appareat: sed omne quod scitur non solum apparet, sed euidenter apparet, ergo nullū quod

scitur potest simul credi per fidem. Idem argumentum alijs terminis sic proponitur. Actus fidei est essentialiter obscurus: actus scientiæ est essentialiter evidens, ergo circa idem obiectum nequeunt versari simul actus scientiæ & actus fide. Consequentia probatur: quia nequit intellectus simul habere euidentiā & obscuritatem circa idem obiectum: euidentiā enim opponitur obscuritati, sicut calor frigori, sicut nigredo albedini.

Uterius ad credendum aliquid fide diuina, necesse est Deum interporre suam auctoritatem: sed absurdum est Deum interponere suam auctoritatem pro re scita, ergo absurdum est rem scitam simul credi. Maior est certa, quod enim fide diuina creditur, Deo dicenti & attestanti creditur; iuxta illud: *scio cui credidi & certus sum*. Item: *testimonium Dei maius est, &c.* Minor autem probatur: quia absurdum est Deum petere à te, ut ipsi credas quod duo & tria faciunt quinque. Item petere à Mathematico ut ipsi credat hoc & illud quod per demonstrationem concludit, & sic de cæteris. Confirmatur hoc quia testimonium hominum non ponitur, nisi ex defectu rationis euidenter probantis rem intentam, ergo multo minus debet poni testimonium Dei. His non obstantibus.

Dicendum est. Fides stat cum scientia.

• Probatur eodem argumento quo probatum est stare opinionem. Actus fidei habet inniti auctoritate diuina, & non dare euidentiā circa obiectum creditum; inniti auctoritate diuina & non dare euidentiā non pugnat cum alio actu, qui innitatur lumini naturæ, & det euidentiā, ergo possunt stare simul
actus

actus scientiæ & fidei. Hec eodem argumen-
to probabis stare simul opinionem cum fide :
opinio & fides conueniunt in hoc quod neu-
tra det euidentiã, differunt in hoc quod fi-
des det certitudinem, non autem opinio.
Compara istos duos actus & videbis posse
simul associari. Nam dicere : *fides dat cer-
titudinem; opinio non dat certitudinem, ergo
fides & opinio non sunt in eodem intellectu*;
non est argumentari, sed nugari. Dicere au-
tem : *opinio dat incertitudinem : fides dat
certitudinem*, ergo non stant simul fides &
opinio : non est nugari, sed facere syllogis-
mum qualemcumque, cuius est falsa maior
nam aliud est non dare certitudinem, aliud:
dare incertitudinem. Non dare certitudinem
conuenit opinioni, non conuenit eidem vt
det subiecto quod careat certitudine, quan-
doquidem à subiecto non repellit omnem
formam per quam certus sit intellectus. Vn-
de quando dicitur, actus opinionis essentia-
liter incertus nihil aliud intelligi debet quã
ctum opinionis carere in seipso certitudine,
adeoque per se non dare intellectui, quod
certus sit, vt explicatum est alibi.

Ex his ijsdem principijs habes stare simul
actum fidei humanæ cum actu fidei diuinæ.
Actus fidei humanæ nititur testimonio ho-
minum : actus fidei diuinæ nititur testimo-
nio Dei : neuter dat euidentiã ; alter dat
certitudinem, alter vero non. Huiusmodi a-
ctus non pugnare inter se ostensum est satis.
Ideoque poteris simul Deo & Philoni Hæ-
breo & Suetonio credere. Ex quibus omni-
bus habes simul esse posse in tuo intellectu a-
ctus fidei diuinæ, scientiæ, & fi-
dei

dei humanæ, quod probabis per ea quæ dicta sunt, examinando naturam singulorum actuum. Pro responsione ad argumenta.

Ad primum. Dic aduersarium si vti velit definitione Apostoli accipendo illam in quolibet sensu à se excogitabili secundum sonum vocum quibus constat, posse etiam probare non posse per fidem credi infernum. Pater hoc: quia fides est substantia rerum sperandarum, adeoque quidquid potest per fidem credi potest sperari & quidem per spem supernaturalem de qua agit hic Apostolus: sed nequit sperari infernus, ergo nec credi. Vide quam inepte utar definitione Apostoli. Sunt autem infinita quæ credimus & non speramus. Credimus aquam conuersam in vinum, Lazarum suscitatum, &c. quæ non sunt obiectum spei. Sensus igitur Apostoli est quod bona supernaturalia quæ speramus, necessario primo credimus; vnde spes nostra fundatur in fide, qui enim non credit vitam æternam nec illam sperat: sicut qui non credit infernum nec illum timeret.

Ad alias particulas definitionis eiusdem quas in rem suam trahit aduersarius: dic sensum Apostoli esse nos per fidem versari circa ea etiam quæ nec aliunde, nec per fidem ipsam nobis euidenter apparent. Quamuis enim aliqua per fidem credamus, quæ ratione etiam demonstrantur: non tamen ea omnia quæ fide credimus, sunt demonstrabilia. Fide credis animam rationalem esse immortalem; & hoc idem naturali rationi demonstras. Fide credis Deum esse vnum & Trinum, sed hoc naturali ratione non monstras. Rursus ea ipsa quæ & fide creduntur & ratione monstrantur.

strantur, non apparent per actum fidei quo creduntur. Vnde in forma. Ad hoc ut aliquid credatur fide diuina oportet ut non appareat: distingue: oportet ut non appareat: per actum quo creditur: concede, ut non appareat per vllum actum: nega.

Ad illud de obscuritate responde cum distinctione: actus fidei est essentialiter obscurus positue aut priuatiue: nego maiorem; præcisue: concedo maiorem. Et sic ad reliqua. Qui putant actum fidei esse obscurum positue imaginantur actum fidei per modum cuiusdam fuliginis aut caliginis occupantis potentiam intellectiuam, sicut olim tetra caligo dispersa per aerem occupauit oculos Aegyptiorum: Qui putant esse obscurum priuatiue, imaginantur actum fidei per modum eiicientis ab intellectu claritatem qua consideret obiectum quod credit, vel claudens omnem aditum, seu rimam qua intellectui aliquunde lux affulgeat. O imaginationes! Nos autem dum dicimus actum fidei esse obscurum præcisue, dicimus solum actum fidei non dare euidenciam circa obiectum quod attingit: quidquid sit an aliunde talis euidencia habeatur: non repugnat autem in eodem intellectu esse duos actus, quorum alter det, alter non det euidenciam circa idem obiectum. Nec inde inferes intellectum simul habere & non habere euidenciam ut patet.

Dices: Intellectus simul habet obscuritatem & euidenciam: est eadem repugnantia habere obscuritatem & euidenciam, ac habere & non habere euidenciam, ergo idem inconueniens admittitur quod admitteretur

admittendo simul dari euidentiā & non dari euidentiā .

Resp. explicandum esse hoc vocabulum *obscuritas*. Esse obscurum est carere claritate aliqua; quamuis ratio obscuri flet etiam cū aliqua claritate. Hoc posito: dic quod intellectus habens actum fidei & simul actum scientiæ, non habet obscuritatem quam hic intendit aduersarius circa obiectum, quod credit. Ratio est quia obscuritas circa tale obiectum est carentia claritatis seu euidentiæ qua obiectum sciat: dum habet actum fidei & actum scientiæ, non habet carentiam euidentiæ, qua sciat, ergo non habet obscuritatem prædictam. Quamuis enim actus fidei non det habere euidentiā, non tamen dat carere euidentiā, quia euidentiā, quam non affert, non impedit aliunde afferrī .

Ad vltimum de testimonio Dei: obseruanda sunt aliqua. Primum est circa quædā inepte interponi testimonium, cum de ipsis impossibile sit dubitari: sicut enim diximus actum opinionis qui esse non possit; nec posse esse cum scientia: ita etiam actus fidei qui simpliciter & absolute nequit esse, procul dubio nequit esse in consortio scientiæ. Ea autem obiecta circa quæ dicit aduersarius non posse interponi, nisi inepte, testimonium dicentis; si ita est, nequeunt fidei credi. Dixi. *si ita est* quia de quibusdam est verum, & de quibusdam falsum. v. g. stulte interponis auctoritatem tuam vt credam quod duo & tria sunt quinque. Quod ego viuo: & sic de alijs. Non autem stulte interponeretur testimonium sapientis, aut testimonium Angeli apud Mathematicum vt firmius adhæreret

reret conclusioni quam elicit per demonstrationem. Imo aiebat olim præstantissimus Mathematicus dubitaturum se de veritate conclusionis, si Angelus diceret: paralogizans.

Ad argumentum in forma: concessa maiori nega min. Circa res particulares quas affert Aduersarius, de singulis dicendum est, iuxta merita singulorum. Quod non est opinabile: non est simul opinabile & scibile; secus quod est opinabile. Ad confirmationem primo nega antecedens, quod ipsi Aduersarij. exercite supponunt esse falsum, quamuis hic signate habeant pro vero. Supponunt exercite falsum: quia in infinitis quæstionibus vbi statuere suam sententiam, sic aiunt. Probatur hæc nostra sententia primo auctoritate Philosophi, D. Thomæ & aliorum. Deinde Probatur secundò euidenter ratione à priori. O bone. quid vocas Aristotelem & D. Thomam, vt testentur id, quod demonstras? puta in hac ipsa controuersia vbi statuunt: nequit esse opinio cum scientia, afferunt primo testimonia superius allata ex Philosopho & D. Thoma; & deinde ostendunt euidentem repugnantiam: quia opinioni & scientiæ conueniunt prædicata contradictoria.


Secundo transmissio antecedenti: nega consequentiam. Testimonium hominum male adducatur ad probandam rem euidentem; non propterea male adducetur testimonium Dei quod maius est. Ipsi Aduersarij vbi comparant fidem cum scientia sic aiunt: fides in ratione claritatis cedit scientiæ, scientia enim est veluti luminare maius manifestans obiectum quod per ipsam attingitur,

cum fides obscura sit & modico illo lumine quo rem præsentat intellectui sit veluti lucerna lucens in caliginoso loco. In certitudine autem vincit scientiam iuxta illud: *Habemus firmiorem propheticum sermonem.* Ratio à priori est quia scientia nititur luminis naturæ, fides autem testimonio Dei, est autem certius testimonium Dei quam lumen naturæ: ex hac aduersariorum doctrina siue bona siue mala, habes fidem supra scientiam addere aliquem gradum certitudinis, adeoque male ab ipsis repudiari ut inutilem.

Quæres an quando in eodem intellectu stant simul actus fidei, scientiæ, & opinionis motium scientiæ influat in actum opinionis, motium opinionis in actum scientiæ, motium scientiæ aut opinionis in actum fidei? Hanc dubitationem proponere placuit non quod faciat ad rem; sed ut hoc ipsum ostendatur quod non facit ad rem, quâvis sæpissime qui contra nostram hanc veritatem arguunt, ita interrogent: vel motium scientiæ influit in actum opinionis vel non; si non influit, non impedit, ne formidet: si influit: iam non est actus opinionis: est enim ex motiuo scientifico, ergo, &c.

Resp. in singulos actus sua singula motiua influere: nullum motium in alienum actum influere. v. g. motium probabile, & nullum aliud, influit in actum opinionis: Motium certum & evidens, & nullum aliud, in actum scientiæ. Ad id quod dicitur, iam dictum est supra, actum videlicet opinionis vel potius Intellectum opinantem non necessario formidare. Actus scientiæ simul existens in intellectu, cum actu opinionis, impedit intel-
telle-

tellektum ne formidet, non per hoc quod influat in actum opinionis, quod ineptum est imaginari; sed per hoc quod firmet intellectum in illo obiecto in quo firmari nequit per opinionem. Motuum autem ipsum dicitur firmare intellectum, non formaliter sed obiectiue; non quod ab hoc aut illo actu auferat formidinem, quæ cæteroquin adesset; quod est ridiculum: cum quilibet actus, sit per se formaliter hæc, & non alia tendentia in obiectum: sed per hoc quod ad præsentiam ipsius, nequit elici actus, qui posset ad præsentiam solius alterius.



DISPVATIO VLTIMA.

*De diuisione, & specificatione
Scientiarum.*

Q V A E S T I O I.

Quomodo diuidantur scientiæ.

PRIMA scientiarum diuisio sit ea, quam affert Philosophus 2. Metaph. text. 3. vbi dicit alias esse speculatiuas, alias practicas. Vnde autem ratio practici, vel speculatiui desumatur explicatum est alibi ex Philosopho dicente hic: *Speculatiuæ finis veritas, practicæ autem opus.* Quam enim vis etiam practicæ re-

ram

rum ea uſas conſiderent, imò quamuis nullus habitus ſit ſimpliciter ſcientia, niſi per cauſas conſideret: tamen hoc ipſum, ait Philoſophus, non per ſe, hoc eſt non propter ſe, ſed ad aliquid, & in eo tempore practici ſpeculantur: hoc eſt: etiam dum cauſas ſpeculantur, manent intra rationem habituum practi-
còrum.

Practicas autem ſcientias diuidit in acti-
uas, & factiuas, de quibus item in proœmia-
libus: vtrarumq. finem eſſe opus conſtat ex
dictis: cum hoc tamen discrimine, quod acti-
uarum opus dicitur operatio, quæ per ipſas
elicitur, factiuarum autem non operatio ip-
ſa, ſed artefactum illud, quod ex forma per
artem inducta, & ſubiecto formæ reſultat.
Exemplum ſit in Cythariſtica, & Domifa-
ctiua: vtraque pro fine habet opus, hæc do-
mum, illa cytharizationem. Cythariſtica in
recta cytharizatione ſiſtit, tanquam in fine;
Aedificatiua autem non ſiſtit in recta ædifi-
catione, ſed in domo per rectam ædificatio-
nem conſtructa. Hinc eſt, quod actiuarum
ſinis, & opus dicatur eſſe recta operatio, fa-
ctiuarum autem res per rectam operationem
effecta.

Qua ratione autem in fine, ſiue opere
vtriuſque conſideranda ſit ratio obiecti ma-
terialis, & obiecti formalis; oſtenſum eſt ali-
bi. In factiuis enim ſubiectum phyſicæ præ-
ſupponitur ad formam inducendam per ar-
tem, à qua etiam phyſicè diſtinguitur. In
actiuis autem ſubiectum, ſiue obiectum ma-
teriale non præſupponitur formali, niſi lo-
gicè: à quo etiam nonniſi logice diſtingui-
tur. Hinc apparet illorum barbaries, qui acti-
ua

nas cum factiuis contra logicum Calepinum malè confundentes, etiam in actiuis quærent subiectum physicum, assignantq. pro materiali obiecto artis potentiam ipsam, in qua tanquam in subiecto ars ipsa recipitur, & simul cum arte operationes artis. Tales sunt, qui obiectum materiale logicæ ponunt Intellectum, Cytharisticæ manum Cytharædi, Saltatoriæ tibias Saltatoris, parati etiam aerem, in quo cantat Musicus, pro obiecto materiali artis Musicæ, vel inuitis Musicis deputare. Nulla fæditas sine amatore; nulla absurditas sine patrono. Philosophus finem artis actiux vocat ipsum met exercitium artis, & nos cum illo in ipsomet exercitio rationem obiecti tã materialis, quàm formalis distinguimus, vt alibi dictum est.

Superest diuisio scientiarum speculatiuarum, quam clarè, & dilucidè habes apud Philosophum 11. Metaph. summa 5. cap. 1. his planè verbis: *Patet igitur tria genera speculatiuarum esse scientiarum: Naturalem, Mathematicam, Theologiam.* Nominè Theologiæ intelligit Philosophus Metaphysicam; in qua de Deo, & Intelligentijs agitur. Ex hac diuisione confirmatur, quam legitime Logicam inter practicas reposuerimus cum ipse Auctor Logicæ Aristoteles illam à speculatiuis remouerit dicendo, scientias speculatiuas esse omninò tres: Physicam, Mathematicam, & Metaphysicam. Has autem esse speculatiuas probat ex fine ostendendo Physicam non habere pro fine mouere subiectum mobile, sicut y.g. Statuaria habet pro obiecto figurare matrem figurabile, sed illam in obiecti mobilis contemplatione

ne

ne quiescere. Idem eodem proportionaliter argumento de Mathematica, & Metaphysica probat: & deindè de nobilitate, seu præstantia prædictarum scientiarum disputans, decernit in fauorem Metaphysicæ hoc pacto. Illa scientia est omnium nobilissima, & præstantissima, quæ habet nobilissimum, & præstantissimum scibile: huiusmodi est inter ceteras Metaphysica; ergo Metaphysica est omnium nobilissima. Minor probatur, quia obiectum Metaphysicæ est ens, sub ratione entis: quod in sua amplitudine intelligentias, & ipsum Deum complectitur: Deum autem, & Intelligentias inter omnia entia præcellere manifestum est.

Ex hoc apparet obiecta omnium scientiarum, siue illæ sint speculatiuæ, siue practicæ à Metaphysica considerari: Ea enim omnia sub vniuersalissima ratione entis continentur. Hinc est, quod Metaphysica differt etiam in hoc ab alijs scientijs, quod nulla aliarum consideret omne id, quod consideratur ab ipsa; cum ipsa sub aliqua ratione consideret quidquid ab alijs consideratur.

Huic tamen animaduersioni facile opponeres, quod alibi dictum est ex eodem Philosopho, videlicet tam Dialecticam, quam Metaphysicam differere de rebus omnibus, & consequenter inter Metaphysicam, & Dialecticam non datur hoc discrimen, secundum maiorem, aut minorem amplitudinem obiecti. Dialecticam de rebus omnibus differere manifestum est; nam Dialectica cum sit facultas probabiliter disputans, disputationes autem probabiles institui possint de rebus omnibus, perspicuum est. Dialecticam
ad

ad omnia sese extendere ; comprehendendo & Intelligentias, & Deum ipsum, circa quæ non est dubium posse haberi discursus probabiles.

Hæc omnia clara sunt. Sed dum dicitur Metaphysica ab alijs differre per amplitudinem obiecti, per alias intelliguntur Physica, & Metaphysica, quæ propriè, & rigorosè dicuntur scientiæ. Dialectica enim, seu Topica vtens, de qua hic sermo est cum rigore non sit virtus, neque rigore est scientia. Topica autem docens non habet pro obiecto res omnes, loquendo de obiecto proximo, vt dictum est in proximalibus.

Q V A E S T I O II.

De specificatio Scientiarum.

ARTICVLVS I.

Secernuntur ab inuicem scientiæ.

Mathematica, Physica, & Metaphysica in ratione speculatiui conueniunt: sed intra ipsam rationem speculatiui suas differentias sortiuntur. Physica à Mathematica differre nequit per obiectum materiale, quasi verò aliquid consideretur à Mathematica, quod non cōsideretur à Physica. Plana enim & solida, & longitudines, & alia huiusmodi, de quibus agit Mathematicus, sunt accidentia corporum naturalium, adeoq. ab illa
la

la scientia considerabilia sunt, cui proponitur ens naturale, vt obiectum sue contemplationis. Quantitas solet afferri pro obiecto Mathematicæ: hanc à Physica considerari patebit in Physicis, vbi de quantitate, & quanto dicuntur mirabilia.

De Metaphysica comparata ad Mathematicam, & ad Physicam idem dici nequit. Diximus enim ipsius obiectum materiale patere latius, quam obiectum cuiuslibet ex prædictis: quia tamen verum est simpliciter, & absolutè posse plures scientias inter se diuersas versari circa idem obiectum materiale; ideò verum est, quod ad assignandum diuersificatiuum vnius scientiæ ab alia malè recurritur ad obiectum materiale. Ratio enim diuersificatiui debet esse ratio communis ad omne diuersificatiuum: vnde valet hoc: aliqua scientia ab alia non diuersificatur per obiectum materiale: ergo pro diuersificatiuo vniuersaliter accepto, non bene assignatur obiectum materiale. Hoc idem fusiùs explicatum habes in proæmialibus vbi de obiecto.

Philosophus igitur, & ex Philosopho D. Thomas alijque aiunt per diuersam abstractionem, vnam scientiam ab alia diuersificari, quamuis vtraq. idem obiectum consideret. Habes hoc in 2. Phys. tex. 17. & 18. vbi considerat Philosophus idem obiectum à Mathematico, & Physico considerari, sed Physicum, & Mathematicum circa idem obiectum diuersimodè abstrahere: dicit enim vt suprà dicebamus, plana, & solida physicis corporibus inesse, & longitudines, & puncta, de quibus considerat Mathematicus,

Item

Item considerat ibidem Philosophus, quod Astrologia, quæ pars est Mathematicæ, Solem, & Lunam contemplatur, de quibus & Physicus agit: cum enim Physica habeat pro obiecto ens naturale, Sol autem, & Luna sint entia, immò corpora naturalia, Sol, & Luna sub obiecto Physicæ continentur. Igitur dicendum erit Physicum à Mathematico non differre? minimè verò: *Quia etiam si de ijs negotietur & Mathematicus, non tamen ea considerat, quatenus physici corporis terminus est unumquodque eorum, neque accidentia speculatur; quatenus talibus existentibus accidunt.* Hæc Philosophus. Huius sensus est: quamvis Mathematicus planitiem, & soliditatem, longitudinem, & latitudinem: quamvis Astrologus rotunditatem Solis, & Lunæ contemplentur: non contemplantur ea, quatenus sunt termini, aut accidentia corporum naturalium, sed ab ijs omnino abstrahunt; cum Physica ea omnia consideret, ut proprietates, & accidentia corporis naturalis. Lege Sylvestrum Maurum hanc Philosophi doctrinam loco citato luculenter, & splendide commentantem.

Pursus hæc ipsa diuersa abstractio fundamentum habet in obiecto, circa quod prædictæ scientiæ occupantur: nam quod Mathematica circa longitudes, & latitudes, circa planitiem, & soliditatem ratiocinentur, abstrahendo à subiectis, queis talia insunt, fundatur in eo, quod longitudinum, latitudinum, & cæterorum huiusmodi quedam rationes, & proportionēs sunt etiam præscindendo ab omni omnino corpore, cui insit; nam linea semipalmaris ad palmarem

itā se habet, sicut bimalmaris ad quadrupal-
marem, siue sit aliquid subiecti, siue non;
quæ sunt proportionēs à Mathematico con-
sideratæ: vnde si per possibile, vel impossibi-
le ea essent extrā omne subiectum, eodem
planè modo pertinerent ad Mathematicum.
Idem dic de numeris, & proportionibus nu-
merorum: numeri enim siue in hac, siue in
illa materia, siue in materia, siue extrā ma-
teriam easdem inrer se rationes habent: tam
decem, & decem Chimeræ sunt viginti, quàm
decem, & decem capræ. Hæc omnia fusiùs ex-
plicabit Mathematicus.

Vt autem Physicam propediem ingressu-
ris, aliquid specialiter dicamus de Physica.
Obiectum attributionis Physicæ statuimus
esse ens naturale quatenus tale. In hoc obie-
cto attributionis inuenies, tam obiectum
materiale, quàm formale. Materiale est il-
lud ens, quod est naturale, seu sensibile, seu
mobile; formale est ipsamet mobilitas, seu
sensibilitas, quæ est ratio formalis, sub qua
prædictum ens à Physica consideratur.

Quia verò ens naturale, vel ita amplè ac-
cipi potest, vt pertineat non solum ad sub-
stantias, sed etiam ad accidentia sensibilia:
vel ita stricte, vt solum corpora, seu sub-
stantias sensibiles complectatur: ideo alij
ens naturale assignant pro obiecto Physicæ
secundum quod sola corpora, seu solas sub-
stantias; alij non tantum secundum quod
corpora, seu substantias; sed etiam secun-
dum quod accidentia, comprehendit.

Nostra sententia est ens naturale secun-
dum totam suam latitudinem: hoc est se-
cundum quod tam substantias, quàm acci-
den-

dentia comprehendit esse obiectum attributionis Physicæ.

Huic nostræ sententiæ subseriberet, si coherenter philosopharetur, quotquot aiunt, *Ens reale* esse vniucū respectu substantiæ, & accidentis. Quemadmodū enim ens simpliciter dictū est vnū respectu substantiæ & accidentis; ita ens sensibile est vnū respectu substantiæ sensibilis, & accidentis sensibilis. Ad quid igitur limitare ens sensibile ad solas substantias sensibiles in ratione obiecti Physicæ, cū Physicæ rectè assignetur ens sensibile, vt tale?

E conuersò quicumq. aiunt ens esse analogum respectu substantiæ, & accidentis, coherenter philosophantur, dum aiunt solum corpus naturale esse obiectum attributionis Physicæ sicut enim ens secundum latitudinem entis realis acceptum non est vnum respectu substantiæ, & accidentis; ita neque ens sensibile secundum latitudinem entis sensibilis erit vnum respectu substantiæ, & accidentis sensibilis.

Probatur autem nostrā sententia, quia Physica non solum circā substantias, sed etiam circā accidentia demonstrat, vt patebit in toto decursu Physicæ. Imò sunt incomparabiliter plura ea, quæ de accidentibus demonstrantur, quam quæ de substantijs. Infinita enim ratiocinatur Physicus circā quantitatem, qualitates, contrarietates qualitarum: circā motum, locum, & quando, & alia huiusmodi.

Probatur secundo, quia cognitio de accidentibus est expectabilis propter se, & digna, quæ alieni scientiæ, vt propria tribuatur: nulla autem est scientia, cui conuenientiùs tri-

tribuatur, quam Physicæ: igitur Physicâ tam accidentia, quàm corpora sensibilia ex professo speculabitur.

Denique probatur conclusio satisfaciendo ijs argumentis, quæ potissimum induxerunt Aduersarios, vt in oppositam sententiam irent. In quibus fere semper inuenies æquiocationem ab esse reali ad esse intentionale. Quemadmodum enim qui negant vniuocationem entis respectu substantiæ, & accidentis semper æquiocantur ab eo quod est, ad id quod apparet, & exercitè putant impossibile albedinem, quæ per se, & ex natura sua habet esse alterius, aliter apparere, quam sub conceptu, per quem se habeat ad alterum: ità aduersarij præsentis sententiæ, quamuis primum hunc scopulum in tractatu de ente vitauerint, incidunt hic in secundum, existimantes, quod quemadmodum accidentia non sunt in natura, nisi in bonum substantiæ, ità neque possint esse in nostro intellectu, nisi in gratiam substantiæ:

A R T I C V L V S II.

Satisfit obiectionibus.

PRo sententia opposita congeruntur Aristotelis textus, quibus significat Philosophus corpora sensibilia potissimum à Physicâ considerari. Textus huiusmodi afferre huc non patiuntur temporis angustia. Ad eos omne sufficiat vna responsio concedendo totum & nihil dando Aduersarijs. Quid enim refert quod substantia magis, accidens minus principaliter consideretur à Physicâ? dum;

dummodo vtrumque per se & propter se consideretur. Hoc eodem modo potuisti dare Aduersarijs secundam & tertiam operationem intellectus magis principaliter intendi à Logica, quam primam : & tertiam magis principaliter quam secundam : quia vnum principalius considerari quam alterum, non facit quin etiam alterum propter se consideretur.

Vbi obserua nihil omnino valere hanc illationem. Hoc est expetibile propter illud ergo non est expetibile propter se. Mala consequentia, quæ bona esset si pro antecedenti poneretur : hoc non est expetibile nisi propter illud. Cæterum sunt multa in rerum natura quæ & propter se, & propter aliud expetibilia sūt. Sanitas est expetibilis propter se, & propter aliud, puta propter exercitium virtutis. Margites sanitatem expetit per modum finis & vt bene habeat : Achilles sanitatem expedit per modum mediij ; vt videlicet bene habens virtutem exerceat & pugnet. Musica est expetibilis per modum finis & in genere boni iucundi ; est etiam expetibilis propter aliud & in genere boni utilis : valet enim ad curandas animi & etiam aliquas corporis ægritudines, &c.

Alij Aristotelis textus ideo afferuntur ab Aduersarijs vt probent accidentia tota quæta sunt esse in gratiam substantiæ : quod esse verissimum, vltro concedimus. Sed quid inde ? quando dicimus accidentia per se & propter se considerari à Physica, an negamus accidentia esse propter substantiam ? etiam calceus & ocreæ sunt omne quod sunt, in gratiam hominis : non propterea inqueunt

considerari aut intendi propter se : igitur tam in scientijs speculatiuis quam in practicis datur aliquid ita ordinatum ad aliud, vt tamen sit considerabile propter se.

Dices : illa eadem ars, seu scientia practica quæ considerat calceos & ocreas non considerat hominem. Et illa scientia quæ considerat hominem non considerat calceos & ocreas ; ergo illa scientia quæ considerat accidentia propter se, non considerat propter se substantiam : nec illa scientia, quæ considerat substantiam ; considerat accidentia.

Resp. negando consequentiam. Ratio entis naturalis seu sensibilis est vna respectu substantiæ & accidentis physici, adeoque recte assignatur pro obiecto adæquato Physicæ: stulte autem pro obiecto Animiasticæ assignatur aliquid quod non continetur sub ratione corporis animati, sub qua non continetur calceus aut ocrea : sicut etiam stulte pro obiecto Sutoriæ assignaretur homo qui non continetur sub ratione calcei aut ocreæ, Cæterum accidentia ipsa cum vere & proprie sustineant rationem entis sensibilis recte pro obiecto inadæquato illius Scientiæ assignantur quæ dicitur habitus contemplatiuius rei naturalis.

Obijcies iterum : esse intentionale accidentis debet proportionari esse reali & physico eiusdem : sed esse reale & physicum accidentis est solum propter substantiam ; ergo esse intentionale eiusdem debet esse solum propter substantiam. Vel si mauis : esse reale accidentis est propter esse reale substantiæ : ergo esse intentionale accidentis est propter esse intentionale substantiæ. Expli-

catur

catur hoc ultimum. Accidens dicitur entis *ens* quia totum quantum est, in gratiam alterius entis est: vel enim est dispositio ad ipsum, vel quid consequent ad ipsum: utroque modo, & quolibet alio quo esse possit in rerum natura, est in gratiam illius: igitur habet esse physice solum ut dat, vel conferuet, vel exoruet esse alterius. Hinc infert aduersarius quod ipsum etiam esse intentionale seu ipsum met' cognosci accidentis sit propter esse intentionale, seu propter cognosci substantiæ: & intantum expecti cognitionem accidentis; ut habeatur cognitio perfectior substantiæ: ita ut quemadmodum accidens est propter substantiam, ita etiam cognitio accidentis sit propter cognitionem substantiæ.

Resp. distinguendo maiorem: debet proportionari proportionem cognitionis ad obiectum: omitto: quolibet genere proportionis: nego. Non debet accidens proportionari secundum cognosci suo esse physico in hoc, quod quemadmodum est solum propter substantiam, ita solum cognoscatur propter cognitionem substantiæ. Proportionatur autem cognitio accidenti, proportionem imaginis ad rem representatam. Non valet: ista res non est nisi in bonum alterius; ergo nec cognitio huius rei est nisi in bonum cognitionis alterius. Potest enim aliquid non expectibile propter se terminare cognitionem propter se experibilem. Ut hæc argumenta proportionis inter esse intentionale & esse reale penitus auerrunces sic argumentare: esse intentionale rei debet proportionari esse reali eiusdem, sed esse reale peccati est in ma-

lum habentis ; ergo etiam esse intentionale est in malum cognoscentis. Item: esse intentionale rei debet proportionari esse reali eiusdem , sed implicat peccatum secundum esse reale esse in Deo , ergo etiam implicat peccatum esse in Deo secundum esse intentionale. In his omnibus nihil est nisi abusus huius vocabuli : *proportio*.

Obijcitur insuper Physia in hoc differt à Mathematica quod hæc considerat curvitatē abstrahendo ab omni subiecto , illa vero consideret curvitatē ut receptam in subiecto. Mathematicus , secundum Philosophum curvitatē , Physicus finitatem considerat : curvitas autem sub conceptu præciso curvitatē abstrahit ab omni subiecto ; non ita finitas, quæ non abstrahit à naso cuius est curvitas. Imo idem Philosophus ait per definitiones proprias Physicæ ita esse explicandam naturam accidentium ut non præscindatur ab ipsorum inhærentia, seu receptione in subiecto : cum contra Mathematicus ita definiat accidentia, quæ sunt proprietates corporum , ut corpora ipsa quorum sunt proprietates nullo modo attingat.

Rēsp. Aliud est non considerare accidentia nisi prout recepta aut receptibilia in subiecto , aliud non considerare accidentia nisi consideratione ordinata ad considerationem subiecti ; primum ut sit verum , non infert secundum non enim valet : non considero accidens nisi secundum quod est bonū substantiæ : ergo non considero accidens nisi consideratione ordinata ad considerationem substantiæ. Hæc ipsa natura accidentis quod
vide-

videlicet sit ens quoddam, non expetibile à natura nisi in gratiam alterius entis, est aliquid cognoscibile propter se. Vnde potes dare totum id quod dicitur in argumento absque eo quod quidquam possit inferri aduersus veritatem quam hic defendis.

Præterea obijcitur. Anima rationalis est partiale obiectum attributionis Physicæ: anima ratioanlis non continetur sub ente sensibili; ergo aliquod non contentum sub ente sensibili pertinet ad obiectum Physicæ. Minor probatur quia anima rationalis est immaterialis, immateriale autem nullo sensu percipitur.

Resp. omiſſa maiori, distinguendo minorem: anima rationalis non continetur sub ente sensibili vt pars potestatiua: omitto minorem, vt pars actualis: nego minorem & consequentiam. Non continetur sub ente sensibili vt pars potestatiua: quia ens sensibile non prædicatur de anima rationali, sicut ratio superior de inferiori, vt v. g. prædicatur animal de homine, homo de Petro. Est pars actualis entis sensibilis quia est pars actualis hominis, qui physicè componitur ex corpore & anima rationali. Homo autem est omnium entium sensibilium præstantissimum ad illam vero scientiam cuius est considerare hominem aut quamlibet aliâ substantiam sensibilem, pertinet etiam considerare constitutiua eiusdem.

Obijcitur ultimo. Physica debet habere aliquid pro obiecto attributo seu communis: nihil potest habere nisi accidentia, ergo accidentia sunt obiectum communis, non autem attributionis Physicæ. Maior

probatur quia omnis scientia præter obiectum attributionis debet habere aliquid pro obiecto communitatis, ut patet ex dictis in prooemialibus Logicæ.

Resp. transmissa maiori: cuius probatio est falsa; negando minorem Physica poterit habere pro obiecto attributo seu communitatis Deum ipsum, & alia agentia insensibilia sine quorum concursu non habetur causa sufficiens illorum sensibilium. Puta influxus Cælorum est requisitus ad generationem & conservationem rerum sensibilium. huiusmodi autem influxus applicantur his & illis rebus per motum corporum cælestium, qui motus habetur ab intelligentijs motricibus, penes quas est istius mundi inferioris administratio. Item sine concursu Dei nulla causa exit in actum.

Dixi falsam esse probationem antecedentis; quauis ceteris prooemialia. Non diximus in prooemialibus necesse esse, quod omnis scientia præter obiectum attributionis, habeat obiectum attributum: solum diximus quod scientiæ quæ considerant aliquid non propter se, sed ad aliud, habent hoc quod ita considerant, pro obiecto communitatis non autem pro obiecto attributionis. Cæterum da scientiam quæ pro obiecto habeat omnia qualem dicit Philosophus esse Dialecticam & Metaphysicam: & huiusmodi scientiæ assigna, si potes, obiectum attributum: poteris autem, si præter omnia aliquid inuenias.

QVÆSTIO II.

De obiecto Metaphysica.

ARTICVLVS I.

Ens est obiectum Metaphysica.

ORitur ex titulo præsentis articuli controuersia de nomine. An videlicet ens quod assignamus pro obiecto Metaphysicæ sit ens reale, an ens commune reali & ficto. Diximus enim alibi hoc nomen *ens* in tam ampla significatione usurpari posse ut sit non solum transcendens sed etiam supertranscendens. Ratio dubitandi est quia de ente secundum totam hanc amplitudinem disputatur in Metaphysica & consequenter videtur ad Metaphysicam, secundum totam hanc amplitudinem pertinere.

Secundum. Intellectus de ente secundum prædictam amplitudinem accepto ratiocinatur; ergo per aliquam scientiam ratiocinatur: hinc inferes vel dari aliquam scientiam peculiarem pro ente huiusmodi, vel considerationem ipsius ad Metaphysicam pertinere: primum autem videtur absurdum: primò quia huiusmodi scientia contineret totam Metaphysicam; secundo quia esset vniuersalior Metaphysica. Probatur hoc quia de ente secundum prædictam amplitudinem philosophantes, philosophantur de possibili & impossibili, adeoque de obiecto Metaphysicæ secundum totam eius amplitudinem, &

præterea de aliquo alio, ex quo sequitur scientiam prædictam fore vniuersaliorem Metaphysicâ quam totam contineret: igitur conuenientius est dicere quod ens secundum prædictam latitudinem hoc est, etiam vt supertranscendens, est obiectum Metaphysicæ.

Côfirmatur hoc per dictû Philosoph. contrariorû est eadem disciplina: ens autê possibile & impossibile maxim. opere cōtrariantur; igitur de possibili & impossibili erit eadê disciplina. Suum hoc dictû fufe probat Philosophus ostendendo quod qui de nigro agit, agit & de albo: qui de ente, agit etiam de priuationibus: Ratio à priori est quia opposita per opposita magis innotescunt. Igitur ad eandem scientiam pertinebit agere de possibili & de impossibili: scientia autem quæ agit de possibili & impossibili, agit de ente non solum transcendentaliter, sed etiam supertranscendentaliter accepto.

Sed contra est: primò consensus Philosophorum tribuentium Metaphysicæ pro obiecto attributionis ens reale. Secundo ratio ipsa. Nam illud solum est obiectum attributionis Metaphysicæ cuius passionès à Metaphysica considerantur: sed solius entis realis passionès considerantur à Metaphysica; ergo solum ens reale est obiectû attributionis Metaphysicæ. Maior est euidens, scientia enim non habet pro obiecto nisi id cuius proprietates inuestigat. Minor probatur quia passionès quas considerat Metaphysica sunt vnum, verum, bonum; seu vnitas, veritas, & bonitas. quæ sunt rationes transcendentales: huiusmodi autem passionès non conueniunt nisi

nisi enti reali, ergo, &c. Probatur hæc minor quia impossibile non est neque vnum, neque verum, neque bonum. Non est bonum: aliter Deus esset potens ipsum efficere, cum Deus possit facere omne bonum: non est verum quia constat predicatis se mutuo destruentibus: non est vnum quia unitas est perfectio: impossibile autem nullam habet perfectionem eo ipso quod nihil sit boni.

Confirmatur hoc idem ex dictis alibi quod videlicet non entis nullæ sint passionnes: impossibile autem est non ens, igitur impossibilis nullæ sunt passionnes.

Preterea Philosophus ait Metaphysicam omnia contemplari & in hoc ab alijs scientijs differre: si autem ageret de ente supertranscendentaliter accepto, non solum ageret de omnibus, sed de omnibus & quibusdam alijs, & consequenter Philosophus assignando omnia pro obiecto Metaphysicæ, non assignasset nisi obiectum in adequatum eiusdem.

Dicendum est: ens reale est obiectum adequatum Metaphysicæ.

Rationes quæ in hanc sententiam trahunt sunt: prima: consensus satis vniuersalis Philosophorum qui in omnibus quidem, sed præsertim in quæstionibus de nomine magnificandus est. Secunda quia facillime diluuntur quæcumque in oppositum scripta sunt in libro hoc.

ARTICVLVS II.

Satisfit argumentis propositis.

AD dissoluenda omnia argumenta, quæ supra adducta sūt: dic latius patere obiectū intellectus humani quā obiectū Metaphysicæ. Obiectum intellectus humani est quidquid cognitione potest attingi obiectū Metaphysicæ est ōne id cuius passionēs inueſtigantur à Metaphysica. Nōn autem omne id quod cognitione attingitur, habet passionēs quas Metaphysica contemplatur, cum tamen omne id cuius passionēs Metaphysica contēplatur cognitione possit attingi. Hypocentauri & Sphingis nullam passionem Metaphysica demonstrat, cum tamen Hypocentauri, Sphinges & alia id genus innumerabilia, cognitione attingi possint.

Ex his inferes quod quando Philosophus dicit *Intellectum esse omnia* li *omnia* ultra omnia extendi debet: solet enim per li *omnia* intelligi omne possibile: vnde dicitur Deus omnipotens quia diuinæ potentia ad omne possibile sese extendit. Cum igitur Intellectus præter omne possibile aliquid intelligat, ipsum videlicet impossibile: dum dicitur esse omnia; li *omnia* etiam ultra possibile extenditur. Dicitur autem intellectus esse hoc & illud non quod realiter sit hoc & illud; sed quia per intellectionem huius & illius est intentionaliter seu representatiue hoc & illud.

Ex hac eadem doctrina & ex dictis alibi licet inferre diuinam scientiam patere latius

rius quam diuinam potentiam, seu obiectum diuinæ scientiæ vniuersalius esse quam obiectum diuinæ potentiæ. Patet hoc quia diuina potentia non transcendit ad impossibilia, secus autem diuina scientia: vtraque tamen est infinita quia posse ône quod est possibile, est potētiæ infinitæ, sicut scire ône quod est scibile est infinitæ scientiæ: neutra igitur ex prædictis est limitata: cū impossibilitas chimeræ nequeat esse limitatio diuinæ potentiæ.

Ad argumenta facile respôdetur ex dictis.

Ad 1. omitte quod in Metaphysica disputetur de ente tam impossibili quam possibili: nega hinc sequi quod tam impossibile quam possibile sit obiectum Metaphysicæ. Non ita agitur de impossibili vt de ipso demonstretur bonitas aut veritas quæ sunt passiones obiecti Metaphysicæ: adeoq. non agitur de impossibili quasi de obiecto. Vno verbo Metaphysica agit de impossibili, non propter se, sed propter aliud. Qui negant possibilitatem intrinsecam rei quæ denominatur possibilis, & impossibilitatem intrinsecam rei quæ denominatur impossibilis, dicere possunt Metaphysicam agere de impossibili non secundum id pro qua supponit, sed secundum id quod significat. Id pro quo supponit est terminus ille qui denominatur impossibilis, id quod significat est ipsa met diuina essentia, quæ est forma denominans talē terminum impossibilem: de diuina autem essentia seu de Deo agit Metaphysica per se & propter se, cum Deus sit non solum omnium intelligibilium, sed etiam omnium entium princeps.

Ad 2. Resp. primò falsum esse quod de
quo-

quocunque obiecto intellectus philosophetur seu ratiocinetur, necesse sit quod per aliquam scientiam ratiocinetur: sicut falsum est quod quodcunq. tandem obiectum amet vel detestetur voluntas humana, per aliquam virtutem illud amet aut detestetur. Mala igitur est hæc consequentia: intellectus de ente supertranscendentaliter accepto ratiocinatur, ergo per aliquam scientiam ratiocinatur: per aliquam, inquam, scientiam quæ omnia, sine quæ ens supertranscendentaliter acceptum sibi proposuerit pro obiecto: si enim nihil aliud intendat. Aduersarius nisi ratiocinationes circa ens huiusmodi fieri dependenter ab aliqua scientia; vltro dabis etiam syllogismos & definitiones quæ circa impossibilia fiunt, fieri dependenter à Logica quæ secundum quod extenditur ad impossibile, est instrumentum intellectus non autem nullius peculiaris scientiæ.

Resp. secundo posse huiusmodi considerationem pertinere ad Metaphysicam quamuis Metaphysica non consideret hæc omnia. propter se: non enim necesse est quod omne id quod est cognoscibile pertineat ad aliquam scientiam quæ propter se illud consideret. Etiam in sententia nobis contraria circa obiectum Physicæ, accidentia pertinent ad Physicam, nec ullius alterius scientiæ est accidentia speculari quam Physicæ, non tamen à Physica considerantur propter se. Eodem modo impossibile pertinebit ad Metaphysicam quamuis à Metaphysica non consideretur propter se; & consequenter non erit necesse dari aliam scientiam ad quam pertineat

speculari ens secundum totam amplitudinem entis supertranscendentaliter accepti.

Ad confirmationem dic axioma prædictum: contrariorum est eadem disciplina, ut assertur à Philosopho nihil facere contra nostram sententiam: non enim valet: quæ opponuntur pertinent ad eandem scientiam: ergo eodem modo pertinent ad eandem scientiam. Possunt igitur possibile & impossibile per eandem scientiam considerari, absque eo quod tam impossibile quam possibile propter se consideretur. Imo docet Philosophus plerunque ex oppositis alterum considerari, dumtaxat ut alterum magis innotescat: & D. Thomas ex Philosopho passim docet priuationes non considerari propter se, sed propter formas quarum sunt priuationes: igitur non ens simpliciter, quale est impossibile considerabitur à Metaphysica propter ens, & ut ens melius innotescat. Hoc modo qui considerat lucem considerat etiam tenebras, quæ nihil sunt, & vniuersaliter loquendo qui considerat quamlibet rem, eiusdem etiam vel contrarium, si habet contrarium: vel contradictorium considerat. Obiter nota impossibile non recte vocari contrarium possibili; imo nec contradictorium, nisi de eodem obiecto dicatur. Rem explico. Si de creatura æterna dicas quod sit possibilis, & alter dicat esse impossibilem, est contradictio, quia ita duo prædicata *possibile* & *impossibile* respectu eiusdem sunt contradictoria: quod si consideras hoc prædicatum *impossibile* in aliquo obiecto puta in Hyrcocerno: & hoc aliud *possibile* in alio: puta in Ceruo non est ulla contradictio: conceptus enim quidditatus

tius Hyrcocerui nō opponitur ulli rei possibili, sed dicit tantū impossibilitatem illius obiecti quod ex ipso cōstituitur: vnde impossibile non aliud à se distinctū, sed seipsū per sui conceptū quidditatiuū excludit ab esse.

Non sic de tenebris quæ sunt contradictorium lucis: illæ enim, si sunt, habent excludere ab esse aliquid à se distinctum, lucem videlicet cui contradictorie opponuntur: hinc est quod tenebræ sunt contradictorium alterius rei, non autem includunt contradictoria: impossibile autem non est contradictorium ullius rei, sed includit in se contradictoria. Hinc de impossibili audies: impossibile si esset, esset simul & non esset: hoc non audies de tenebris, aut vlla alia priuatione rei contingentis; Ratio est quia priuationes huiusmodi per suum esse excludunt non se, sed aliud: secus impossibile. Du in dicimus priuationes, puta tenebras, cæcitatem & alia huiusmodi esse, vide ne imagineris physicam existentiam aliquorum entium, quæ per hoc quod sint, repellant ab esse alia sibi opposita. Quem sensum faciant istæ propositiones: tenebræ sunt. Cæcitas est, explicamus alibi.

Dixi priuationes rei cōtingentis excludere ab esse aliud à se, nō a uerē seipsas, quia nō cōtrahunt cōtradictorijs. Quod si lingas priuationē aliquā formæ necessariæ, idē dic de negatione rei necessario existētis, huiusmodi priuationes & negationes, cū sint impossibiles, ipsæ etiā si essent, eo ipso non essent, cū consentiant cōtradictorijs. Atque hæc pro hoc anno sufficiat. Ad laudē & gloriā Dei Omnipotentis: cui honor, & gloria in sæcula sæculorū. Amen.

INDEX

R E R V M.

A

- A**bstractio. Quid sit & quoruplex pag 339. Abstractio formalis non mutua est possibilis 475 & 491. Vide ens.
- Accidens. Quid sit 411. Multiplex eiusdem prædicatio 415.
- Actio, & factio, siue effectio in quo differant 190. & seq. Vide Ars factiua, & actiua.
- Actus intellectus. Vide operatio intellectus.
- Æqualitas perfectionis, stat cum differentiâ specifica 384.
- Æquipollentia siue æquiualentia: quid sit, & quoruplex 17.
- Æquiuocum. Quid sit, & quoruplex 463 & seq. Quomodo nomen æquiuocum sit vnum nomen 465.
- Analytica. Quid sit, & an sit virtus 177. Est scientia 193. Vide Logica.
- Analogum. Quid sit & quoruplex 466. Analoga inæqualitas non dantur 470.
- Apprehensio simplex. Quid sit, 1. Facit vniuersale 330. An sit dirigibilis & capax veritatis 158. & 621. Pertinet ad obiectum Logicæ 158.
- Argumentatio. Vide Syllogismus.
- Ars. Quid sit 8: Ars factiua & actiua 146. Rursus 190 & seq. rursus 758. Artis, & Prudentiæ finis in quo differant 148.
- Ascensus & descensus terminorum: Quid sit 23.

B

- B**litiri. An sit vox significatiua, s. Quomodo discernitur ab hac voce: nihil 6.

C

- C**erritudo actus. Non habetur ex necessitate obiecti 733. Neque in firma adhæsiōe mentis ad ipsum cum veritate coniuncta 734. Sed ex determinatione quadam intrinseca cognitionis ad verum, orta
- LI
- ex

I N D E X

- ex principijs vel obiectiue, vel efficienter influentibus, vel ex vtrisque simul 733.
- Characteristica. Non datur 424.
- Cognitio. Vide operatio intellectus.
- Cognitio practica. Non consistit in hoc quod sit de obiecto factibili. 205. Neque in hoc quod ad ipsam sequi possit alia operatio 206. Sed in hoc quod per illam cognoscens dirigatur ad effectiorem obiecti cogniti 207. Vnde ordinetur ad opus ibid. & seq. Non est practica per hoc, quod spectet ad habitum practicum 211. Ratio directiui in ipsa in quo consistat, 212. Nequit esse de obiecto impossibili 221.
- Cognitio reflexa. Quid sit & quod duplex 331. An facere possit vniuersale 332.
- Cognitio speculatiua. In quo consistat 207. An sit nobilior cognitione practica 225.
- Conclusio: Non prerequit iudicium de bonitate illationis 702. An dependeat a premissis tamquam a causa: 705. Reflectit supra premissas obiectiuas 706. Non autem supra premissas formales 707.
- Contradictorium rei, & continete contradictoria in quo differant 780: Contradictoria oppositio. Quid sit 55.
- Conuersio propositionis simplicis. Quid sit, & quomodo fiat 58. Propositionis compositæ 62.

D

- D**efinitio. Quid sit 25. Eius Leges 27.
- Demonstratio. Quid sit & quod duplex 711. Facit scientem intellectum in genere causæ formalis 711. Demonstratio potissima quid sit 714. Requisita ad demonstrationem 716: & seq. In demonstratione datur regressus 720.
- Denominatio. Potest esse actu, quin sit actu forma denominans 525. rursus 666. Vide futurum contingens, & Relatio:
- Deus. In quo sensu sit simplicissimus 398: & 549. Vniuocè conuenit cum creatura in ratione entis 503. An sit sub genere entis 511. Non est formalis possibilitas possibile, aut impossibilitas impossibile. Vide Possibile, & impossibile. Habet præscientiam rerum futurarum 656. & seq.
- Dictamen virtutis, & actus elicited per veritatem in quo differant 174.
- Differentia. Quid sit & quod duplex 365: & seq. Differentia specifica non consistit in predicato nobilissimo, 372. Neque in differentia notabili iudicio Prudentum 376. Sed in qualibet dissimilitudine essentiali plurium in eodem genere contentorum 379. Inæqualitas perfectionis facit differentiam specificam, non e conuerso

R E R V M.

uersò 384. An differentia specifica consistere possit in negatione 390. & seq. An habeatur per prædicatum simplex, vel per complexum, ex pluribus diuisiue genericis 405.

Differentiæ entis, præscindunt ab ente 493. Vide Ens. Disciplina. In quo sensu eadem sit contrariorum 779. Vide scientia.

Distinctio. Quid sit 236. Quotuplex sit 237. Distinctio rationis quid sit ibid. & seq. Distinctio formalis ex natura rei quid sit 204. Virtualis intrinseca quid sit, 237. Nulla ex his datur inter gradus metaphysicos, 242. & 258. Distinctio virtualis in prædicato extrinseco inferi distinctionem virtualement in prædicato intrinseco 258.

Diuisio. Quid sit 27. Eius leges 29.

E

ENS multipliciter dicitur 471. Ens supertranscendentale quid sit, & an detur 472. Ens præscindit formaliter a differentiis 479. Est vniuocum respectu substantiæ, & accidentis 481. Entis differentia præscindunt ab ente 493. Ens est vniuocum respectu Dei, & creaturæ 503. Est genus respectu substantiæ, & accidentis, Dei, & creaturæ 511. Per quid sit formaliter possibile vel impossibile. Vide Possibile, & Impossibila.

Ens rationis logicum. Per quid formaliter constituitur 137. Non est obiectum Logicæ 141.

Ens rationis metaphysicum. Non est obiectum Logicæ ibid. Vide Impossibile.

Enunciatio. Vide Propositio.

Exponibilis propositio. Quid sit, & quotuplex 40. & seq. vide Propositio.

F

FACTIBILITAS obiecti. Non constituit se sola cognitionem practicam 205. Requiritur ad cognitionem practicam 221.

Fides. Quid sit 749. Est compossibilis cum actu scientiæ 750. Et cum actu opinionis 751. Quam obscuritatem habeat in se 754.

Finis Artis & prudentiæ in quo differant 148.

Forma propositionis. Quid sit 47. forma metaphysica in quo differat a materia metaphysica 254.

Futurum contingens. Vide Veritas.

G

GENUS. Quid sit 338. Quomodo sit pars simul & totum respectu speciei 334. Quotuplex sit 346. An detur.

I N D E X

derur genus generis 417. An derur genus respectu substantiæ & accidentis, Dei, & creaturæ 511.
 Gradus metaphysici. Quid sint 239. Non distinguuntur formaliter ex natura rei 242. vel virtualiter intrinsecè 258. Vide distinctio.

I

Idez Platonis. Non dantur 286. Non sunt principia essendi istorum sensibilium 289. & seq. Neque principia cognoscendi 292.

Identitas. Quid sit 231. Vide Distinctio:

Illatio. vide Conclusio.

Impossibile. Per quid formaliter constituatur 529. Differt intrinsecè a possibili 530. Potest concipi ab intellectu creatio 532. Etiam ab increato 547. Equè concipitur per iudicium verum ac per falsum: scienter, ac ignoranter 551. & seq. Non est contradictorium neque contrarium possibile, nisi circa idem obiectum 779.

Incognoscibile. An possit concipi 541. & seq.

Indifferentia logica, & physica, quid sit 109.

Individuatio. Non habetur per ordinem ad diuersam sigillationem materiæ, seu a materia Physica 355. Individuatio sensibilis quid sit 421. Vide Differentia specifica.

Individuum. Quid sit 420. Potest abstrahi ratio communis Individui 422. Non datur characteristica 424.

Intellectus. Non est obiectum Logicæ 145. Intellectus agens & possibilis in quo differant 326. In quo sensu intellectus sit omnia 776. Eius virtutes 186.

L

Logica. Quo genere necessitatis sit necessaria 98. Non habet pro obiecto voces 118. Neque res omnes 123. Neque ens rationis logicum aut metaphysicum 141. Neque intellectum humanum 145. Sed pro materiali operationem, pro formali rectitudinem, pro obiecto autem attributionis operationem rectam 142. Quam rectitudinem intendat in operatione 156. Omnis operatio recta pertinet ab obiectum Logicæ 158. Quomodo dirigat simplicem apprehensionem 158. Respicit operationem vt rectam, non vt directiuam 166. Quomodo sit instrumentum scientiarum 130. Logica docens & vtens quid sit 168. Topica Sophistica, & Analytica quid sit 177. Secundum has omnes partes est virtus ibid. Et scientia 193. Simpliciter practica 213. Non datur vlla Logica speculatiua 225.

Libertas. Stat cum præscientia diuina 656. & seq. Et cum veritate propositionis de futuro contingenti 654.

Mate-

M

Materia physica, & materia metaphysica in quo differant 253.

Metaphysica. Per quid discriminetur ab alijs scientijs 762. Habet pro objecto ens reale 775.

Modalis propositio. Quid sit & quotuplex 39. Vide Propositio.

Modus superadditus relationis. Non datur 178. Vide Relatio.

Motuum actus scientiæ non influit in actum opinionis, aut e conuerso 756.

N

Necessarium secundum existentiam, & necessarium secundum connexionem prædicatorum, in quo differant 200.

Necessitas. Quotuplex sit 97. Necessitas contrarietatis seu quoad specificationem, & contradictionis seu quoad exercitium in quo differant 696. Veraque datur in præmissis rectè dispositis, & intellectus ad conclusionem 656. & seq.

Nihil. Quomodo discriminetur ab hac voce Blitii 6. An habeat idem pro objecto ac Omnia 542.

Nomen. Quid sit 30.

O

Objectum. Quid sit & quotuplex 111. & seq. Obiectum Logicæ, vel Physicæ, vel Metaphysicæ. Vide Logica, vel Physica, vel Metaphysica. Obiectum scientiæ in quo sensu sit necessarium, & vniuersale, 201.

Operatio intellectus. Quid sit & quomodo fiat 326. Est obiectum Logicæ. Vide Logica. Prima operatio quomodo sit dirigibilis, & capax veritatis 158. & 691. Rectitudo operationis in quo consistat 156. Operatio reflexa, speculatiua, vel practica. Vide cognitio reflexa, speculatiua, vel practica.

Opinio. Non necessariò formidat 741. & seq. Est compossibilis cum actu scientiæ 737. Per quid formaliter formidet quando formidat 745. Est compossibilis cum actu fidei 751.

Oppositio. Quid sit & quotuplex 52. & seq. Oppositio contradictoria 55. Oppositio propositionum compositarum 60. & seq.

Oratio. Quid sit 34. & seq.

Ordo ad materiam. Non constituit formaliter indiuiduationem 355. Vide Differentia specifica.

I N D E X

Ordo & pluchritudo Vniuersi non habetur per modum
superadditum relationis 583. Per quid habeatur 612.

P

- P**hyfica . Quid habeat pro obiecto 764. Per quid
discriminetur ab alijs scientijs 762.
- Plato . Impugnatur circa ideas . Vide Ideæ Platonis .
- Possibile . Per quid formaliter habeatur 515. Non ha-
betur per ens diminutum 516. Differt intrinsicè ab
impossibili 530.
- Potentia necessaria . An sit directionis capax 103.
- Præcisio formalis non mutua est possibilis 475. & 491 .
Vide Abstractio .
- Prædicabile . Quid sit & quotuplex 338.
- Prædicatio vniuersalis de indiuiduo . vide Vniuersale.
- Prædicamentum substantiæ . Quomodo ordinetur 557.
- Prædicatum nobilissimum . Non constituit formaliter
differentiam specificam 372.
- Præmissæ . Rectè dispositæ, & intellectæ neces- ne-
cessitate contrarietatis intellectum ad conclusionem
696. Et etiam necessitate contradictionis 697.
- Præscientia diuina . Datur, neque tollit libertatem 656.
& seq.
- Præsuppositio logica, & physica . Quid sit 143.
- Praxis . Quid sit 303. Conuenit etiam actibus intelle-
ctus 204. Vide cognitio practica .
- Prima operatio intellectus . Vide Simplex apprehensio,
- Propositio . Quid sit 37. Quomodo diuidatur ibid. Mo-
dalis quid sit & quotuplex 39. Exponibilis quid sit &
quotuplex 40. Reduplicatiuæ leges 42. & seq. Propo-
sitionis materia quid sit & quotuplex 46 Forma quid
sit 47. Quantitas quid & quotuplex 48. Qualitas quid
& quotuplex 50. & seq. Oppositio quid & quotuplex
52. & seq. Oppositio contradictoria 55. Equipollen-
tia quid, & quotuplex 57. Conuersio quid sit & quo-
modo fiat 58. Propositio composita quomodo oppo-
natur alteri 60. & seq. Quomodo æquiualeat & con-
uertatur 62. & seq. Propositio de secundo, & de ter-
tio adiacente in quo differant 514. & 471. Necessaria
à contingenti per quid discriminetur 629. An possit
vna propositio esse verior altera 690. Potest mutari
de vera in falsam 679. Nequit esse vera simul & falsa
respectu diuersorum obiectorum 685. Neque respectu
eiusdem obiecti 686. Ad sui veritatem non exigit vl-
lum obiectum pro vlla differentia temporis existens
666. Propositio de futuro contingenti . Vide Veritas,
Per quid propositio sit vera vel certa . Vide Certitudo
vel Veritas.
- Proprium . Quid sit & quotuplex 409.
- Proprietates terminorū 21. Proprietates substantiæ 562.
Pur.

R E R V M.

Prudentia. Quid sit 88. Finis Prudentiæ & finis Artis in quo differat 148.
Pulchritudo Vniuersi. In quo consistat 612.

Q

Qualitas propositionis quid sit & quoduplex 50. & seq.
Quantitas propositionis. Quid sit & quoduplex 48.

R

Ratio superior, & inferior quid sit 49. Ratio formalis potest esse eadem in utroque contradictorio 505.
Rectitudo operationis. In quo consistat 156. Est obiectum formale Logiciæ 142.
Reduplicatiua propositio. Quid sit 40. Eius leges 42. & seq.
Reflexio. Quid sit & quoduplex 331. An facere possit vniuersale 332. An detur in conclusione respectu præmissarum. Vide Conclusio.
Refractio a perpendiculari, & refractio ad perpendiculari in quo differant 732.
Regressus demonstratiuus. Quid sit, & an detur 719. & seq.
Relatio. Quid sit 568. Quoduplex sit 565. Transcendentalis, & prædicamentalis in quo differant 568. Quid sit & quoduplex fundamentum, terminus, & ratio fundandi 570. Datur relatio transcendentalis ad terminum implicantem 571. Relatio prædicamentalis est realis 573. Non consistit in modo superaddito fundamento, termino & rationi fundandi 578. Neq; in solo fundamento proximo 584. Sed in sola Proxima, & adæquata ratione fundandi 594. An detur relatio ad terminum non existentem 608. An multiplicatis terminis etiam ipsa multiplicetur 613. Relatiuum formaliter vt tale terminatur ad absolutum formaliter 614.
Res omnes non sunt obiectum Logiciæ 123. In quo sensu sint falsæ 161.

S

Sapientia. Quid sit 187.
Scientia. Quid sit ibid. & seq. Quoduplex sit 192. & 709. Speculatiua, & practica in quo differant 203. Vtra ex his sit nobilior 225. An detur scientia de nouo 722. An detur scientia in Deo 710. An habeatur per sensus 731. Est compossibilis cum actu opinionis 737. Et cum actu fidei 750. Scientia actiua, & factiua

I N D E X

- In quo differant 718. Scientiarum diuisio . 719. Scien-
 tiarum specificatum non est obiectum materiale ,
 761. & seq. Per quid habeatur 716. Vide Demon-
 stratio .
- Scriptura . In quo sensu substituatur vocibus 626. Im-
 mediatis res quam voces significat 626.
- Sensus diuiduntur in externos & internos 317. Nulli ex
 his faciunt vniuersale 317. Quomodo per ipsos ha-
 beamus scientias 731.
- Sigillario materiae . Non constituit formaliter indiui-
 duationem 355.
- Signum . Quid sit & quod sit 17. & seq.
- Similitudo omnimoda . In quo consistat 433. Non ex-
 cludit distinctionem 431. An similitudo sit ad termi-
 num non existentem . Vide Relatio .
- Simplex apprehensio . Quid sit 1. An sit dirigibilis , &
 capax veritatis 158. & 691. Pertinet ad obiectum Lo-
 gicae 158. Facit vniuersale 330. Vide Operatio intel-
 lectus .
- Simplicitas Del . In quo consistat 398. & 549.
- Sophistica . Quid sit , & an sit virtus 177. An sit scientia
193. Vide Logica .
- Species . Quid sit 347. Et quod sit 348. Sufficit ad ip-
 sam quod sit pure subiicibilis 349. Species impressa , &
 expressa in quo differant 327. Species in multiplicabi-
 lis an sit possibilis 354. & seq.
- Substantia . Quid sit 554. Substantiae predicamentum
 quomodo ordinetur 557. Diuiditur in primam , &
 secundam 558. Quas proprietates habeat 562.
- Suppositio terminorum . Vide Terminus .
- Syllogismus . Quid sit 66. Eius figura quid , & quod sit
70. Modus quid & quod sit 71. Regulae pro
prima figura 73. & seq. Pro secunda 75. Pro Tertia
76. Pro omnibus figuris 77. & seq. Syllogismi imper-
 fecti ad perfectum reductio multiplex 80. Quibus
 principiis syllogismus innitatur 86. Species multiplex
 eiusdem 87. Syllogismus sophisticus quid sit , & quod sit
89. & seq.

T

- T**erminus . Quid sit 3. Eius diuisio multiplex 5. &
seqq. Terminorum oppositio 25. Terminorum
suppositio 16. Terminorum suppositio simplex , &
personalis 17. Alia genera suppositionum 19. Ter-
minorum proprietates 21. Ascensus , & Descensus ,
23.
- Topica . Vide Logica .
- Transcendentalis relatio . Vide Relatio .

Verbum . Quid sit 33.

Veritas . Datur 618. Est partim intrinseca, & partim extrinseca cognitioni 631. Non est perfectio actus 634. An suscipiat magis, & minus 690. An possit coniungi cum falsitate 685. & seq. Datur circa futurum contingens absolutum 642. & seq. Eodem modo datur circa futurum, ac datur circa præteritum 662. Datur etiam circa futurum contingens conditionatum 663. Etiam sub conditione disparata 664. Per quid formaliter hæc veritas habeatur 666. & seq. Non existit ullum obiectum pro vlla differentia temporis existens ibid. An sit in simplici apprehensione 138. & 698. Vide Propositio .

Virtus . Quid sit 172. & seq. Dictamen virtutis, & actus elicitus per ipsam in quo differant 174. Virtus intellectus quotuplex sit 186.

Vnitas . Quid sit 227. Non requirit indiuisiōem a2. omni alio 224.


Vniuersi pulchritudo in quo consistat 612.

Vniuersale . Non constituitur vnum per vnitatem Scotticam independentem ab operatione intellectus, 175. Vniuersale in quo differat a ratione communi, 177. Non constituitur per vnitatem intrinsecam naturæ in statu possibilitatis 179. Seu in statu præcisionis 181. Neque præcisè consistit in vocibus 183. Neque in ideis Platonis 186. & seq. Neque in vlla fictione intellectus 199. Neque in vnitatem cognoscibilitatis 302. Sed sit per intellectum 300. Non autem per sensus vel internos, vel externos 317. Neque per voluntatem, 314. Fit autem per actum intellectus possibilis 318. Neque sit per apprehensionem simplicem, ac per iudicium, & discursum 330. An fiat per cognitiones reflexas 332. Vniuersale logicum, & metaphysicum in quo differat 335. Ut prædicetur de suis inferioribus non prærequirit comparari cum ipsis 335. Non constituitur prædicabile per apprehensionem extremorum 336. Multiplex eiusdem abstractio 339. Dictum de indiuiduo manet vniuersale 436. & seq.

Vniuocum . Quid sit & quotuplex 461. Vide Ens ,

Voces humanæ . Sunt signa ad placitum 619. Quomodo potuerunt institui 621. Significant immediate res, mediate conceptus 624. Sunt principaliter propter res, quàm propter conceptus 625. An significantur immediate per scripturam, quàm res 626.

Voluntas non facit vniuersale 324. Quale dominium habeat supra intellectum 700.



Pag. Vers. Errata .

4.	30.	<u>in quod</u>
5.	5.	hominibus
11.	22.	ominis
11.	26.	in syncategorema
14.	9.	omini
14.	13.	dependent
15.	8.	exco
16.	14.	ludio
24.	10.	sic reliquis
68.	25.	marmnor
69.	5.	ifi
71.	75.	Tyrorum
74.	16.	regula
75.	7.	præditur
86.	17.	sylogistica
98.	33.	il statu
106.	15.	Eudaere
113.	22.	sub quas
117.	3.	enis sentibile
130.	16.	habitare
136.	32.	sciut
140.	36.	Hunc
145.	4.	aliena conceptu
147.	6.	form; afi
147.	14.	& marmore
155.	36.	arscium
159.	13.	repetiti
160.	35.	pluram
170.	27.	actas
178.	22.	mulum
193.	35.	ostendens
195.	3.	strictissime acceptam
213.	29.	habium oppositorū
221.	28.	affectionem
225.	5.	sic
227.	12.	habent quatenus non
238.	8.	Animal
239.	15.	conpitur
248.	21.	est
251.	15.	animall
257.	36.	virtute
270.	20.	principium
289.	21.	separitam
296.	11.	superirol
305.	25.	ha Sere
308.	3.	ege
321.	2.	indiuivuatione
330.	8.	arguit . Aduersarius
340.	8.	eo ipso
342.	9.	& homo
343.	18.	recendum

Corrige.

id quod
hominibus
omnis
syncategorema
omni
dependent
ergo
ludo
sic de reliquis
marmor
in
Tyronum
regulæ
prædicatur
vis syllogistica
in statu
euadere
sub qua
ens sensibile
habita re
sicut
nunc
aliena a conceptu
forma; si
e marmore
artificium
reperiri
plura
actus
malum
ostendendas
strictissime acceptâ
habituū oppositorū
effectiōnem
fit
habēt quatenus non
Animam
concipitur
&
animal
virtutem
principium
separatum
superiori
habere
esse
indiuivuationem
arguit Aduersarius
cōfunditur eo ipso
est homo
recedendum

Pag. Vers. Errata :

347.	10.	applicanda
349.	9.	duæ
360.	33.	magia
360.	34.	aliori
370.	2.	consequentes
401.	14.	essentiat res
407.	28.	post
408.	24.	fuit
418.	8.	differentiam
421.	16.	collectionem
422.	10.	quæstio
434.	20.	indiuividuo
438i	12.	duplici
442.	15.	rationem
449.	33.	charitate
456.	4.	Pe Petrut
457.	6.	tolebalilius
462.	23.	vniucocatatum
490.	6.	ipsamet
495.	33.	infinio
498.	31.	intellectui
502.	3.	ab quamuis
518.	9.	prædicata
533.	9.	concupiunt esse
536.	15.	impugnantur
543.	21.	ad sua
555.	21.	ærem
556.	1.	reali
560.	10.	id
569.	5.	sed per sed aliquid
572.	24.	implicaret
595.	8.	Alexander
621.	33.	consideratur
648.	1.	requisitio
660.	9.	supposita
661.	30.	futuro
667.	24.	falsatus
667.	36.	homos
683.	17.	es essentialiter
688.	29.	dixi
697.	14.	chi
997.	18.	ad ad
711.	23.	scientiam
724.	13.	differentis
724.	15.	prædicat
734.	36.	utriusque
735.	20.	discurrendum
741.	24.	falsa
750.	12.	interpore
763 i	10.	ratiocinentur
767.	5.	expedit

Corrige :

applicanda sunt
quæ
magis
altiori
consequenter
essentia, tres
posset
fuit
differentia
collectione attribuit
quæstio
indiuividuatio
dupliciter
rationem
claritate
Petrus
tolerabilius
vniucocationem
ipsamet
infinio
intellectui
ab ente quamuis
prædicata
concupiunt
impugnatur
adruat
ærem
tali
idem
sed per aliquid
implicare
Alexandrum
consideratam
requisito
supposita
cum futuro
falsus
homo
essentialiter
dixit
hic
ad
scientem
differentijs
prædicati
utrisque
discernendum
falsa
interponere
ratiocinetur
expedit



PANDIMIGLIO

21 DIC. 1970

LEGATORIA - ROMA

